

四庫全書存目叢書編纂委員會編

齊魯書社


四庫全書存目叢書

四庫全書存目叢書編纂委員會編

齊魯書社


四庫全書存目叢書

集部
第三六八冊



責任編輯：孫言誠 賀 偉

ISBN 7-5333-0615-5



9 787533 306151 >

EB 36/09

四庫全書存目叢書·集部三六八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 51.375 印張

1997 年 7 月第 1 版 1997 年 7 月第 1 次印刷

印數 1—100

ISBN 7 5333 0615 5

Z·60 集部定價：127800 圓

集部第三六八冊目次

集部・總集類

歷代古文國瑋集一百四十一卷(存一百三十九卷)(三)

〔明〕方岳貢評選

首都師範大學圖書館藏明刻本

歷代古文國瑋集一百四十

一卷(存一百三十九卷)

(三)

〔明〕方岳貢評選

首都師範大學圖書館藏明刻本

附《四庫全書總目·國瑋集六

十一卷》提要

歷代古文國瑋集卷之十七

襄西方岳貢禹修評選

唐文

獻平淮夷雅表

柳宗元

臣宗元言。臣負罪竄伏。違尚書牋奏。十有四年。聖恩
寬宥。命守遐壤。懷印曳綬。有社有人。臣宗元誠感誠
荷。頓首頓首。伏惟睿聖文武皇帝陛下。天造神斷。克
清大憝。金鼓一動。萬方畢臣。太平之功。中陟仲興之
德。推拔千古。無所與議。因伏自忖度。有方剛之力。不

古文國瑋集卷之十七

一唐文卷十七

得備戎行。致死命。況今已無事。思報國恩。獨惟文章。
伏見周宣王時。稱中興。其道彰大。于後罕及。然徵于
詩。大小雅。其選徒出。狩則車攻。吉日。命官分土。則崧
高。韓奕。烝人。南征北伐。則六月采芑。平淮夷。則江漢
常武。鏐鉤炳耀。蠶人耳目。故宣王之形容。與其輔佐
由今望之。若神人然。此無他以雅故也。臣伏見陛下
自卽位以來。平夏州。夷劍南。取江東。定河北。今又發
自天衷。克翦淮右。而大雅不作。臣誠不佞。然不勝憤
踊。伏以朝多文臣。不敢盡專數事。謹撰平淮夷雅二

篇雖不及尹吉甫召穆公等。庶施諸後代有以佐唐之光明。謹昧死再拜以獻。臣宗元誠恐誠懼。頓首頓首。謹言。

子厚諸雅如金人伋立巖巖龍鱗可與李華諸頌竝爲一代樂府

段太尉逸事狀

柳宗元

太尉始爲涇州刺史時。汾陽王以副元帥居蒲。王子晞爲尚書。領行營節度使。富軍邠州。縱士卒無賴。邠人偷嗜暴惡者。卒以貨賈名軍伍中。則肆志。吏不得問。日羣行丐取於市。不賺輒奮擊折人手足。椎菴鬲。歷窳盜盈道上。把臂徐去。至撞殺孕婦人。邠寧節度使白孝德以王故。戚不敢言。太尉自州以狀白府。願計事。至則曰。天子以生人分公理。公見人被暴害。因恬然。且大亂若何。孝德曰。願奉教。太尉曰。某爲邠州。古文國華集 卷之十七 三唐文卷七
甚適少事。今不忍人無冠暴死。以亂天子邊事。公誠以都虞候命某者。能爲公已亂。使公之人不得害。孝德曰。幸甚。如太尉請。既署一月。晞軍士十七人入市取酒。又以刃刺酒翁。壞釀器。酒流溝中。大尉列卒取十七人。皆斷頭注槊上。植市門外。晞一營大譟。盡甲。孝德震恐。召太尉曰。將奈何。太尉曰。無傷也。請辭於軍。孝德使數十人從太尉。太尉盡辭去。解佩刀。選老健者一人持馬至晞門下。甲者出。太尉笑且入。曰。殺一老卒。何甲也。吾戴吾頭來矣。甲者愕。因諭曰。

子
鹿
洛
陽

尚書固負若屬耶。副元帥固負若屬耶。奈何欲以亂
敗郭氏。爲白尚書出聽我言。晞出見太尉。太尉曰。副
元帥勲塞天地。當務始終。今尚書恣卒爲暴。暴且亂。
亂天子。邊欲誰歸。罪罪且及副元帥。今邪人惡子弟。
以貨竄名軍籍中。殺害人。如是不止。幾日不大亂。大
亂由尚書出人。皆曰尚書倚副元帥不戢士。然則郭
氏功名其與存者幾何。言未畢。晞再拜曰。公幸教晞
以道。恩甚大。願奉軍以從。願叱左右曰。皆解甲。散還
火伍中。敢譁者死。太尉曰。吾未脯食。請假設草具。既

古文國瑋集卷之十七

四庫文卷十七

食曰。吾疾作。願留宿門下。命持馬者去。且日來還。臥
軍中。晞不解衣。戒候卒擊析衛太尉。且俱至孝德所。
謝不能。請改過。邠州由是無禍。先是太尉在涇州。爲
管田官。涇大將焦令謀取人田。自占數十頃。給與農
曰。且熟歸我半。是歲大旱。野無草。農以告。謀曰。我
知入數而已。不知旱也。督責益急。且飢死無以償。即
告太尉。太尉判狀辭甚異。使人求諭。謀盛怒。召農
者曰。我畏段某耶。何敢言我。取判鋪背上。以大杖擊
二十。垂死。輿來庭中。太尉太泣曰。乃我困汝。即自取

水洗去血。裂裳水滌。瘡手注善藥。旦夕自哺。農者然
後食。取騎馬。青市殺代價。使勿知。淮西寓軍帥尹少
榮。剛直士也。入見。謀大罵曰。汝誠人耶。涇州野如藉
人。且飢死而必得殺。又用大杖擊無罪者。段公仁信
大人也。而汝不知敬。今段公唯一馬。賤賣市。殺入汝。
汝又取不耻。凡爲人。傲天災。犯大人。擊無罪者。又取
仁者穀。使主人出無馬。汝將何以視天地。尚不愧奴
隸耶。雖雖暴抗。然聞言則大愧。流汗不能食。曰。吾終
不可以見段公。一夕自恨死。及太尉自涇州以司農

古文國瑋集卷之十七

五庫文卷十七

大殺三百死。太尉塔常晤堅拒不得命。至都。太尉怒
曰。果不用吾言。詔謝曰。處賤無以拒也。太尉曰。然終
不以在吾第。以如司農治事堂。樓之。梁上泚反。太
尉終吏以告泚。泚取視其故。封識具存。

賀趙江陵宗儒辟符載啟

柳宗元

某啟伏聞以武都符載爲記室天下立志之士雖然相顧繼以歎息知爲善者得其歸嚮流言者有所聞執直道之所行義風之所揚堂堂焉實在荆山之南矣幸甚幸甚夫以符君之藝術志氣爲時聞人才位未會盤桓固久中間因緣陷在危邦與時偃仰不廢其道而爲見忌嫉者橫致辱吻房給事以高節特立明之於朝王吏部以清議自任辯之於外然猶小人浮議困在交戰凡諸侯之欲得符君者城郭壤接而惑於騰沸環視相讓莫敢先舉及受署之日則宵關口垂臂悵望悼悔譬之求珠於海而徑寸先得則衆皆快然罷去知奇寶之有所歸也嗚呼巧言難明下流多謗自非大君子出世之氣則何望焉瞻望清風若在天外無任感激欣躍之至輕瀆陳賁不勝戰越不宜

壯得士之崇殊足慕崇

寄許京兆孟容書

柳宗元

宗元再拜五丈座前伏蒙賜書誨諭微悉重厚欣屬恍惚疑若夢寐捧書叩頭悸不自定伏念得罪來五年未嘗有故舊大臣肯以書見及者何則罪謫交積羣疑當道誠可怪而畏也是以元元忘行尤負重要殘骸餘魂百病所集痞結伏積不食自飽或時寒熱水火互至內消肌骨非獨瘴癘爲也忽奉教命乃知幸爲大君子所宥欲使膏肓沉沒復起爲人夫何素望敢以及此宗元早歲與負罪者親善始奇其能謂可以共立仁義裨教化過不自料慙慙龜鴈唯以中正信義爲志以興堯舜孔子之道利安元元爲務不知愚陋不可力彊其素意如此也末路孤危厄塞驍元事既壅隔狼狽貴近狂疎繆戾蹈不測之辜羣言沸騰鬼神交怒加以素卑賤暴起領事人所不信射利求進者填門排戶百不一得一旦快意更造怨讎以此大罪之外詎訶萬端旁午構扇便爲敵讎協心同攻外連疆暴失職者以致其事此皆夫人所聞見不敢爲他人道說懷不能已復載簡牘此人雖萬被誅戮

不足塞責而豈有賞哉。今其黨與幸獲寬貸。各得善地。無公事。坐食俸祿。明德至渥也。尚何敢更俟除。瘡痍。以希望外之澤哉。年少氣銳。不識幾微。不知當不但欲一心直達。果陷刑法。皆自所求取得之。又何怪也。宗元於衆黨人中。罪狀最甚。神理降罰。又不能即死。猶對入言。詭求食自活。迷不知耻。日復一日。然亦有大故。自以得姓來二千五百年。代爲家嗣。今抱非常之罪。君夷獠之鄉。卑濕昏霧。恐一日填委溝壑。墮先緒。以是怛然痛恨。心骨沸熱。焚焚孤立。未有

古文園瑋集卷之十七 唐文卷十七

子息。荒陬中少士人女子。無與爲婚。世亦不肯與罪人親昵。以是嗣續之重。不絕如續。每常春秋時。娶牙立。捧奠。顧眄無後繼者。慄慄然歛歛惕息。恐此事便已推心。傷骨。若受鋒刃。此誠夫人所昔憫惜也。先墓在城南。無異子弟爲主。獨託村隣。自譴逐來。消息存亡不一。至鄉間。主守者固以益怠。晝夜哀憤。懼便毀。陽松柏。芻牧不禁。以成大戾。近世禮重拜掃。今已闕者四年矣。每遇寒食。則北向長號。以首頓地。想田園道路。士女遍滿。阜隸庸丐。皆得上父母丘墓。馬醫夏

連類可惡
不忍多讀

哇之鬼。無不受子孫追養者。然此已息。整又何以云哉。城西有數頃田。樹果數百株。多先人手自封植。今已荒穢。恐便斬伐。無復愛情。家有賜書三千卷。尚在善和里舊宅。宅今已三易主。書存亡不可知。皆付受所重。常繫心腑。然無可爲者。立身一敗。萬事瓦裂。身殘家破。爲世大僇。復何敢更望大君子撫慰。收卹。尚置人數中。耶。是以當食不知辛。賦節。適洗沐盥漱。動逾歲時。一搔皮膚。塵垢滿爪。誠憂恐悲傷。無所告愬。以至此也。自古賢人才士。秉志遵分。被謫議不能自

古文園瑋集卷之十七 唐文卷十七

明者。僅以百數。故有無兄。奎娘。要孤女。云。楊婦翁者。然賴當世豪傑。分明辨別。卒光史籍。管仲遇盜。升爲功臣。匡章被不孝之名。孟子禮之。今已無古人之實。爲而有術。欲望世人之明。已不可得也。直不疑買金以償同舍劉寬。下車歸牛。鄉人此誠知疑似之。不可辨。非口舌所能勝也。鄭詹求縛於晉。終以無死。鍾儀南音。卒獲返國。叔向囚虜。自期必免。危症騎危。以生易死。漸通據焉耳。爲齊上客。張蒼韓信。伏斧鑕。終取將相。鄒陽獄中。以書自活。賈生斥逐。復召宣室。倪寬

棺死。後至御史大夫董仲舒。劉向。下獄當誅。為漢儒宗。此皆璞。偉博辯奇壯之士。能自解脫。今以恒怙。洪。泌。下才。末伎。又嬰恐懼。病。雖欲慷慨。攘臂。自同。昔。人。愈。疎。潤。矣。賢者。不得志。於今。必取貴。於後。古之。著。書者。皆是也。宗元近欲務此。然力薄才劣。無異能解。雖欲秉筆。視縷。神志荒耗。前後遺忘。終不能成章。往。時讀書。自以下至。觚。滯。今皆頽然。無復省錄。每讀古。人一傳。數紙已後。則再三伸卷。復觀姓氏。旋又廢失。假令萬一除刑部囚籍。復為士列。亦不堪當世用矣。

古文國庫集

卷之十七

子唐文卷十七

伏惟興哀於無用之地。垂德於不報之所。但以通家。宗祀為念。有可動心者。操之勿失。不敢望歸掃塋域。退託先人之廬。以盡餘齒。姑遂少北。益輕瘴癘。就婚。娶求胤嗣。有可付託。即冥然長歸。如得甘寢。無復恨。矣。書辭繁委。無以自道。然仰文以求其志。君子固得。其肺肝焉。無任懇戀之至。不宜宗元再拜。

此書本源太史公。而其抑壯悲慨。更為深至。非其。幽愁放廢。又何以激發而為此哉。

與楊京兆惠書

柳宗元

月日宗元再拜獻書。丈人役人胡要。運命奉教。誨壯。厲感發。鋪陳廣大。上言推延賢雋之道。難於今之世。次及文章末。以愚蒙剝喪。頓悴無以守宗族。復田畝。為念。憂憫備極。不惟其親密故舊是與。復有公言顯。實許其素尚。而激其忠誠者。用是踴躍敬俱。類。勸時。用被簡牘。萬萬有加焉。故敢悉其愚。以獻左右。大凡。薦舉之道。古人之所謂難者。其難非苟一而已矣。知。之難。言之難。聽信之難。夫人有有之而耻言之者。有。古文國庫集卷之十七 子唐文卷十七 有之而樂言之者。有無之而工言之者。有無之而不。言似有之者。有之而耻言之者。上也。雖舜猶難知之。孔子亦曰。失之子羽。下斯而言。知而不失者。妄矣。有。之而言之者。次也。德如漢光武。馮衍不用才。如王景。略以尹緯為令史。是皆終日號鳴大吒。而卒莫之省。無之而工言者。賊也。趙括得以代廉頗。馬謖得以惑。孔明。今之若此類者。不乏於世。將相大臣。聞其言而。必能辨之者。亦妄矣。無之而不言者。土木類也。周仁。以重臣為二千石。許靖以人譽而致位三公。近世尤。

好此類以爲長者。最得薦寵。夫言朴愚無害者。其於田野鄉閭爲匹夫。雖稱爲長者可也。自抱關擊柝以往。則必敬其事。愈上則及物者愈大。何事無用之朴哉。今之言曰。某子長者。可以爲大官。類非古之所謂長者也。則必土木而已矣。夫俸土樹木而致之。蠟廊之上。蒙以絃冕。與以徒隸。超走其左右。豈有補於萬民之勞苦哉。聖人之道。不益於世用。凡以此也。故曰知之難。孔子曰。仁者其言也訥。孟子病未同而言。然則彼未吾信。而吾告之以士。必有三間。是將曰。彼誠古文園瑋集卷之十七
主唐文卷十七

知士歟。知文歟。疑之而未重。一間也。又曰。彼無乃私好歟。交以利歟。二間也。又曰。彼不足我而慕我哉。茲弗吾事。三間也。長是而不言。故曰言之難。言而有是患。故曰聽信之難。唯明者爲能得其所以薦。得其所以聽。一不至則不可冀矣。然而君子不以言聽之難。而不務取士。士理之本也。苟有司之不吾信。吾知之不捨。其必有信吾者矣。苟知之。雖無有司而士可以顯。則吾一旦操用人之柄。其必有施矣。故公卿之任。莫若索士。士不預備而熟講之卒。然君有問焉。安

相有咨焉。有司有求焉。其無所以應之。則大臣之道或闕。故不可憚煩。今之世言士者。先文章。文章士之末也。然立言存乎其中。卽末而操其本。可十七八。未易忽也。自古文士之多。莫如今。今之後生。爲文希屈馬者。可得數人。希王褒劉向之徒者。又可得十人。至陸機潘岳之比。累累相望。若皆爲之不已。則文章之大盛。古未有也。後代乃可知之。今之俗耳庸目。無所取信。傑然特異者。乃見此耳。夫人以文律通流當世。叔仲鼎列。天下號爲文章家。今又生敬之。敬之希屈馬者之一也。天下方理平。今之文士。咸能先理。理不一斷於古書。老生直趣堯舜大道。孔氏之志。明而出之。又古之所難有也。然則文章未必爲士之末。獨乘取何如耳。宗元自小學爲文章。中間幸聯得甲乙科第。至尚書郎。專百官章奏。然未能究知爲文之道。自貶官來。無事讀百家書。上下馳騁。乃少得知文章利病。去年吳武陵來。美其齒少。才氣壯健。可以興西漢之文章。自與之言。因爲之出數十篇書。庶幾鏗鏘陶治。時時得見古人情狀。然彼古人亦人耳。夫何遠哉。

古文園瑋集卷之十七

主唐文卷十七

類如此

凡人可以言古。不可以言今。桓譚亦云。親見楊子雲。容貌不能動人。安肯傳其書。誠使博如莊周。哀如屈原。與如孟軻。壯如李斯。峻如馬遷。富如相如。明如賈誼。專如楊雄。猶爲今之人。則世之高者。至少矣。由此觀之。古之人。未必不薄於當世。而榮於後世也。若吳子之文。非文人無以知之。獨恐世人之才高者。不肯久學。無以盡訓詁風雅之道。以爲一世甚盛。若宗元者。才力缺敗。不能遠騁高厲。與諸生摩九宵。撫四海。夸耀於後之人矣。何也。凡爲文。以神志爲主。自遭責

古文國華集卷之十七

南唐文卷十七

逐。繼以大故。荒亂耗竭。又常積憂恐。神志少矣。所詣書。隨又遺忘。一二年來。痞氣尤甚。加以衆疾動作。不常。眊眊然騷擾。內生霍霧。填擁慘沮。雖有意窮文章。而病奪其志矣。每聞人大言。則氣震怖。撫心按臆。不能自止。又永州多火災。五年之間。四爲大火所迫。徒跣走出。壞牆穴牖。僅免煇灼。書籍散亂毀裂。不知所往。一遇火恐累日。茫洋不能出言。又安能盡意於筆硯。矻矻自苦。以傷危敗之蒐蕘。中心之惻惻鬱結。具載所獻許京兆丈人書。不能重煩於陳列。凡人之

古文國華集卷之十七

南唐文卷十七

黜棄皆望。望思得效用。而宗元獨以無有是念。自以罪大不可解。才質無所入。苟焉以叙憂慄爲幸。敢有他志。伏以先君稟孝德。秉直道。高於天下。仕再登朝。至六品官。宗元無似。亦嘗再登朝。至六品矣。何以堪此。且柳氏號爲大族。五六從以來。無爲朝士者。豈愚蒙獨出數百人右哉。以是自忖。官已過矣。寵已厚矣。夫知足。足與知止。異宗元知足矣。若便止不受祿位。亦所未能。今復得好官。猶不辭讓。何也。以人望人。尚足自進。如其不至。則故無憾。進取之志息矣。身世子然。無可以爲家。雖甚崇寵之。孰與爲榮。獨恨不幸。獲託姻好。而早凋落。寡居十餘年。嘗有一男子。然無一日之命。至今無以託嗣續。恨痛常在心目。孟子稱不孝有三。無後爲大。今之汲汲於世者。唯懼此而已矣。天若不棄先君之德。所有世嗣。或者猶望延壽命。以及大宥得歸鄉閭。立家室。則子道畢矣。過是而猶競於龍利者。天厭之。天厭之。丈人且夕歸朝廷。復爲大僚。伏惟以此爲念。流涕頓顙。布之座右。不勝感激之至。宗元再拜。

中間論人才虛實處可補人物志所未備

古文園瑋集卷之十七

去

與蕭翰林倪書

柳宗元

思謙兄足下。昨祁縣王師範過永州。爲僕言得張左司書。道思謙蹇然有當官之心。乃誠助太平者也。僕聞之喜甚。然徵王生之說。僕豈不素知耶。所喜者耳與心叶。果於不謬焉爾。僕不幸嚮者進當統貳不多之勢。平居閉門。口舌無數。況又有久與游者。乃岌岌而操其間。其求進而退者。皆聚爲仇怨。造作粉飾。蔓延益肆。非的然昭晰自斷於內。則孰能了僕於冥冥之間哉。然僕當時年二十三。甚少。自御史裏行得禮部員外郎。起取顯笑。欲免世之求進者怪怒媚嫌。其可得乎。凡人皆欲自達。僕先得顯處。才不能踰同列。名不能壓當世。世之怒僕宜也。與罪人交十年。官又以是進。辱在附會。聖朝弘大。貶黜甚薄。不能塞衆人之怒。謗語轉移。聲譽嗷嗷。漸成怪民。飾智求仕者。更言僕以悅饕人之心。日爲新奇務。相喜可自以速援引之路。而僕輩坐益困辱。萬罪橫生。不知其端。伏自思念過大恩甚。乃以致此。悲夫。人生少得六七十者。今已三十七矣。長來覺日月益促。歲歲更甚。大都不可

路同如不足

必似李都尉青

此必當時
人思錄
之詞

過數十寒暑。則無此身矣。是非榮辱。又何足道。云云。不已。祇益為罪。見知之勿為他人言也。居蠻夷中。久慣習炎毒。昏眊重。腿意以為常。忽遇北風。晨起薄寒。中體則肌。羣慘。燥毛髮。蕭條。瞿然。注視。怵惕。以為異。候意。緒殆。非中國人。楚越間。聲音特異。鳩舌。啁譟。今聽之。怕然。不怪。已與為類矣。家生小童。皆自然曉曉。晝夜滿耳。聞北人言。則啼呼走匿。雖病夫亦怛然駭之。出門見適州間市井者。其十有八九。杖而後興。自料居此尚復幾何。豈可更不知止言說。長短重為一。

古文國瑋集 卷之十七

世非笑哉。讀周易困卦。至有言不信。尚口乃窮也。往復益喜。曰嗟乎。余雖家置一喙。以自稱道。詎益甚耳。用是更樂瘖默。思與木石為徒。不復致意。今天子興教化。定邪正。海內皆欣欣怡愉。而僕與四五子者。獨淪陷如此。豈非命歟。命乃天也。非云云者。所制。余又何恨。獨喜思謙之徒。遭時言道。道之行。物得其利。僕誠有罪。然豈不在一物之數耶。身被之目。視之足矣。何必攘袂用力。而矜自我出耶。果矜之。又非道也。寧誠如此。然居理平之世。終身為頑人之類。猶有少耻。

未能盡忘。儻因賊平。慶賞之際。得以見白。使受天澤。餘潤。雖朽枿敗腐。不能生植。猶足蒸出芝菌。以為瑞物。一釋廢銅。移數縣之地。則世必曰罪稍解矣。然後收召。竟鬼買土一鄧。為耕畔。朝夕誦誼。使成文章。庶水鐸者。采取獻之法官。增聖唐大雅之什。雖不得位。亦不虛為太平之人矣。此在望外。然終欲為兄一言焉。宗元再拜。

此子厚所謂芝蘭者也

古文國瑋集 卷之十七

古文

與李翰林建書

柳宗元

杓直足下。州傳遽至。得足下書。又於夢得處得足下。下前次一書。意皆勤厚。莊周言。逍遙者。聞人足音。則蹙然喜。僕在蠻夷中。比得足下二書。及致藥餌。喜復何言。僕自去年八月來。病疾稍已。往時間一二日。作。今一月乃二三作。用南人檳榔餘甘。破決壅隔。大過。陰邪雖敗。已傷正氣。行則膝顫。坐則痺痺。所欲者。補氣豐血。強筋骨。輔心力。有與此宜者。更致數物。得良方。借至益善。永州於楚為最南。狀與越相類。僕悶

古文園彙集卷之十七

唐文卷十七

郎出游。游後多恐。涉野則有蝮虺大蜂。仰空視地。寸步勞倦。近水即畏射工沙虱。含怒竊發。中人形影。動成瘡痛。時到幽樹好石。暫得一笑。已復不樂。何者。譬如囚拘圜土。一遇和景。負牆搔摩。伸展支體。當此之時。亦以為適然。顧地窺天。不過尋丈。終不得出。豈復能久為舒暢哉。明時百姓。皆獲歡樂。僕士人。頗識古今理道。獨愴愴如此。誠不足為理世下執事至此。愚夫愚婦。又不可得。竊自悼也。僕曩時所犯足下。適在禁中。備觀本末。不復一一言之。今僕瘴癘殞。鄙不

幸甚。苟為堯人。不必立事程功。唯欲為量移官。差輕罪累。即便耕田藝麻。取老農女為妻。生男育孫。以供力役。時時作文。以詠太平。摧傷之餘。氣力可想。假令病盡已。身復壯。悠悠人世。不過為三十年客耳。前過三十七年。與瞬息無異。復所得者。其不足把翫。亦已審矣。杓直以為誠然乎。僕近求得經史諸子數百卷。嘗候戰悸稍定。時即伏讀。頗見聖人用心。賢士君子立志之分。若書亦數十篇。心病言少。次第不足。遠寄但用自釋。貧者士之常。今僕雖羸。亦甘如飴矣。足

古文園彙集卷之十七

唐文卷十七

下言已白常州。僕坐取眾人待常州耶。若眾人即不復煦僕矣。然常州未嘗有寄遺僕。僕安敢先焉。裴應叔蕭思謙。僕各有書。足下求取觀之。相戒勿為人敦詩。在近地。簡人事。今不能致書。足下默以此書見之。勉盡志慮。輔成一王之法。以宥罪戾。不悉。恭白。述南方流人之苦。備極悲楚。

與韓愈論史官書

柳宗元

正月二十一日某頓首十八丈退之侍者前獲書言史事云具與劉秀才書及今乃見書藁私心甚不喜與退之往年言史事甚大謬若書中言退之不宜一日在館下安有探宰相意以爲苟以史榮一韓退之耶若果爾退之豈宜虛受宰相榮已而冒居館下近密地食奉養役使掌固利紙筆爲私書取以供子弟費古之志於道者不若是且退之以爲紀錄者有刑禍避不肯就尤非也史以名爲褒貶猶且恐懼不敢爲設使退之爲御史中丞大夫其褒貶成敗人愈益顯其宜恐懼尤大也則又將揚揚入臺府美食安坐行呼唱於朝廷而已耶在御史猶爾設使退之爲宰相生殺出入升黜天下士其敵益衆則又將揚揚入政事堂美食安坐行呼唱於內庭外衛而已耶何以異不爲史而榮其號利其祿者也又言不有人禍則有天刑若以罪夫前古之爲史者然亦甚惑凡居其位思直其道道苟直雖死不可回也如回之莫若亟去其位孔子之困于魯衛陳宋蔡齊楚者其時暗諸

古文圖事集卷之十七

主唐文卷十七

侯不能以也其不遇而死不以作春秋故也當其時雖不作春秋孔子猶不遇而死也若周公史佚雖紀言書事猶遇且顯也又不得以春秋爲孔子累范曄悼辭雖不爲史其族亦赤司馬遷觸天子喜怒班固不檢下崔浩沽其直以聞暴虜皆非中道左丘明以疾盲出於不幸子夏不爲史亦育不可以是爲戒其餘皆不出此是退之宜守中道不忘其直無以他事自恐退之之恐唯在不直不得中道刑禍非所恐也凡言二百年文武事多有誠如此者今退之曰我一

古文圖事集卷之十七

主唐文卷十七

人也何能明則同職者又所云若是後來繼今者又所云若是人人皆曰我一人則卒誰能紀傳之耶如退之但以所聞知孜孜不敢怠同職者後來繼今者亦各以所聞知孜孜不敢怠則庶幾不墜使卒有明也不然徒信人口語每每異辭日以滋久則所云磊軒天地者決必不沉沒且亂雜無可考非有志者所忍恣也果有志豈當待人督責迫感然後爲官守耶又凡鬼神事渺茫荒惑無可準明者所不道退之之智而猶隴於此今學如退之辭如退之好言論如

退之慷慨自爲正直行焉如退之猶所云若是則唐之史述其卒無可託乎明天子賢宰相得史才如此而又不果甚可痛哉退之宜更思可爲速爲果卒以爲恐懼不敢則一日可引去又何以云行且謀也今當爲而不爲又誘館中他人及後生者此大惑已不勉已而欲勉人難矣哉

觀退之諫佛骨之表論庭湊之辨必非怯于禍而不爲者但以史緒紛雜難于綜理故解設而爲是言而子厚折之可謂當其理矣

與史官韓愈書

柳宗元

退之前者書進退之力史事奉答誠中吾病若疑不得實未卽籍者諸皆是也退之平生不以不信見遇竊自冠好遊邊上問故老卒吏得假太尉事最詳今所趨走州刺史崔公時賜言事又具得太尉實跡按備具太尉大節古固無有然人以爲偶一奮遂名無窮今大不然太尉自有難在軍中其處心未嘗虧側其莅事無一不可紀會在下名未達以故不聞非直以一時取効爲諒也史遷死退之復以史道在職

于厚雅慕名節不幸失身故于太尉每舉舉也

與呂恭書

柳宗元

宗元白。元生至得弟書甚善。諸所稱道具之。元生又持部中盧墓父者所得石書。模其文示余云。若將聞於上。余故恐而疑焉。僕蚤好觀古書。家所蓄皆魏時尺牘甚具。又二十年來。徧觀長安貴人好事者所蓄。不無遺焉。以是善知書。雖未嘗見名氏。望而識其時也。又文章之形狀。古今特異。第之精敏。通達。夫豈不究於此。今視石文。署其年曰永嘉。其書則今田野人所作也。雖支離其字。尤不能近古。爲其永字等頗效。古文國瑋集卷之十七。主唐文卷十七。

王氏變法。皆永嘉所未有。辭尤鄙近。若今所謂律詩者。晉時蓋未嘗爲此。聲大謬妄矣。又言植松烏擢之。怪而掘其土得石。尤不經難信。或者得無好爲之乎。且古之言藝者。藏也。壤樹之。而君子以爲議。况廬而居者。其足尚之哉。聖人有制度。有法令。過則爲辟。故立大中者。不尚異。教人者。欲其誠。是故惡夫飾且僞也。過制而不除。喪宜廬於庭。而壻於墓者。大中之罪人也。况又出怪物。詭神道。以新大法。而因以爲利乎。夫僞者。以奸利。誠仁者。不忍。隨過。恐傷於教也。然使

僞可爲而利可冒。則教益壞。若然者。勿與知焉可也。伏而不出之可也。以大夫之政良。而管子贊焉。固無闕遺矣。作東郭。改市脚。去比竹茨草之室。而圻土大木陶甄梓匠之工。備孽火不得作。化惰窳之俗。絕偷浮之源。而條桑浴種。深耕易耨之力。用寬。僇。賈。貨。均賦之政起。其道美矣。於斯也。慮善善之過。而莫之省。誠慈之道少損。故敢私言之。夫以淮濟之清。有玷焉。若秋豪固不爲病。然而萬一離婁子眇然視之。不若無者之快也。想默已其事。毋出所置書。幸甚。宗元白。古文國瑋集卷之十七。主唐文卷十七。

柳氏家富書法。故辯之最精。而亦見其不苟于小物也。

答劉禹錫天論書

柳宗元

宗元白。發書得天論三篇。以僕所爲天說爲未究。欲畢其言。始得之大喜。謂有以開明吾志慮。及詳讀五六日。求其所以異吾說。卒不可得。其歸要曰。非天預乎人也。凡子之論。乃吾天說傳疏耳。無異道焉。諄諄佐吾言。而曰有以異不識。何以爲異也。子之所以爲異者。豈不以贊天之能生植也歟。夫天之能生植久矣。不待贊而顯。且子以天之生植爲人耶。抑自生而植乎。若以爲爲人。則吾愈不識也。若果以爲自生而植。則彼自生而植耳。何以異。夫果。蘇之自爲果。蘇。瘠之自爲瘠。瘠。草木之自爲草木。耶。是非爲蟲謀明矣。猶天之不謀乎人也。彼不我謀。而我何爲務勝之耶。子所謂交勝者。若天恒爲惡。人恒爲善。人勝天則善者行。是又過德乎人。過罪乎天也。又曰天之能者。生植也。人之能者。法制也。是判天與人爲四。而言之者也。余則曰。生植與災荒。皆天也。法制與悖亂。皆人也。二之而已。其事各行不相預。而凶豐理亂出焉。究之矣。凡子之辭。枝葉甚美。而根不直。取以遂焉。又子

古文國羣集卷之十七

唐文卷十七

之喻乎旅者。皆人也。而一曰天勝焉。一曰人勝焉。何哉。莽蒼之先者。力勝也。邑郭之先者。智勝也。虞芮力窮也。匡宋智窮也。是非存亡。皆未見其可以喻乎天者。若子之說。要以亂爲天理。理爲人理耶。謬矣。若操舟之言。人與天者。愚民恒說耳。幽厲之云。爲上帝者。爲所歸怨之辭爾。皆不足喻乎道。子其熟之。無羨言侈論。以益其枝葉。姑務本之爲得。不亦裕乎。獨所謂無形爲無常形者。甚善。宗元白。

天之爲天大矣。彼是其所是。非其所非。要非天之所謂是非也。並存之以樂其辨而已。

古文國羣集卷之十七

唐文卷十七

唐文

答元饒州論政理書

柳宗元

奉書辱示以政理之說及劉夢得書往復甚善類非今之長人者之志不惟克賦稅養祿秩足已而已獨以庶富且教為大任甚盛其盛孔子曰吾與回言終日不違如愚然則蒙者固難曉必勞申論乃得悅服用是尚有一疑焉凡所言免貧病者而不益富者稅

古文國碑集卷之十八

唐文卷十八

此誠當也。乘理政之後固非若此不可不幸乘弊政之後其可爾耶。夫樊政之大莫若賄賂行而征賦亂苟然則貧者無貲以求於吏所謂有貧之實而不得貧之名富者操其贏以市於吏則無富之名而有富之實貧者愈困餓死亡而莫之省富者愈恣橫侈奉而無所忌兄若所遇如是則將信其故乎是不可懼撓人而終不問也固必問其實問其實則貧者固免而富者固增賦矣安得持一定之論哉若曰止免貧者而富者不問則僥倖者衆皆挾重利以邀貧者猶

今豪奪之吏每以破富室而不及貧民不知富室既虛則貧民愈無所賴矣

古文國碑集卷之十八

唐文卷十八

若不免焉若曰檢富者懼不得實而不可增焉則貧者亦不得實不可免矣若皆得實而故縱以為不均何哉孔子曰不患寡而患不均不患貧而患不安今富者稅益少貧者不免於捐拾以輸縣官其為不均大矣非唯此而已必將服役而奴使之多與之田而取其半或乃取其一而收其二三主上思人之勞苦或減除其稅則富者以戶獨免而貧者以受役卒輸其二三與半焉是澤不下流而人無所告訴其為不安亦大矣夫如是不一定經界舉名實而始重改作其可理矣乎富室貧之母也誠不可破壞然使其大倖而役於下則又不可見云懼富人流為工商浮家蓋甚急而不均則有此耳若富者雖益賦而其實輸當其十一猶足安其堵雖驅之不肯易也檢之逾精則下逾巧誠如兄之言管子亦不欲以民產為征故有殺畜伐木之說今若非市井之征則捨其產而唯丁田之間推以誠質示以恩惠嚴責吏以法如所陳一社一村之制通以信相考安有不得其實不得其實則一社一村之制亦不可行矣是故乘輿政必須

一定制而後兄之說乃得行焉。蒙之所見及此而已。永州以僻偶少知人事。兄之所代者誰耶。理歟。弊歟。理則其說行矣。若其弊也。蒙之說其在可用之數乎。因南人來重曉之。其他皆善。愚不足以議。願同夢得之云者。凡通春秋取聖人大中之法。以爲理。饒之理小也。不足費其慮。無所論刺。故獨與均賦之事以求往復而除其惑焉。不習吏職而強言之。宜爲長者所笑弄。然不如是。則無以來至當之言。蓋明而教之。君子所以開後學也。又聞兄之莅政三日。舉韓宣英以

古文國璋集

卷之十八

三唐文卷十八

代已。宣英達議多聞。而習於事宜。當賢者類舉。卒負罪屏棄。凡人不敢稱道其善。又况聞於大君以二千石薦之哉。是乃希世拔俗。果於直道。斯古人之所難而兄行之。宗元與宣英同罪。皆世所背馳者也。兄一舉而德皆及焉。祁大夫不見叔向。今而預知斯舉。下走之大過矣。書雖多言不足導意。故止於此。不宜宗元再拜。

子厚爲方州極習吏事。無文士之習于此。見其一班。

答嚴厚與論師道書

柳宗元

二十五日某自馮翊嚴生足下。得生書言爲師之說。怪僕所作師友箴。與答韋中立書。欲變僕不爲師之志。而屈已爲弟子。凡僕所爲二文。其卒果不異。僕之所避者名也。所憂者其實也。實不可一日忘。僕聊歌以爲箴行。且求中以益已。慄慄不敢暇。又不敢自謂有可師乎人者耳。若乃名者。方爲薄世笑罵。僕脆怯尤不足當也。內不足爲。外不足當。衆口雖懸。懇見迫其若吾子何。實之要二文中皆是也。吾子其詳讀之。

古文國璋集

卷之十八

四唐文卷十八

僕見解不出此。吾子所云仲尼之說。豈易耶。仲尼可學不可爲也。學之至斯則仲尼矣。未至而欲行仲尼之事。若宋襄公好霸而敗國。卒中矢而死。仲尼豈易言耶。馬融鄭玄者。二子獨章句師耳。今世固不少章句師。僕幸非其人。吾子欲之。其有樂而望吾子者矣。言道講古窮文辭以爲師。則同吾屬事。僕才能勇敢。不如韓退之。故又不爲人師。人之所見有同異。吾子無以韓責我。若曰僕拒千百人。又非也。僕之所拒拒爲師弟子名。而不取當其禮者也。若言道講古窮文

辭。有來聞我者。吾豈嘗瞋目閉口邪。敬叔吾所信愛。今不得見其人。又不敢廢其言。吾子文甚暢達。恢恢乎其開大路。將疾馳也。攻其車。肥其馬。長其策。調其六轡。中道之行。大都拾是。又奚師歟。亟謀於知道者。而考諸古。師不乏矣。幸而亟來。終日與吾子言。不敢倦。不敢愛。不敢肆。苟去其名。全其實。以其餘易其不足。亦可交以爲師矣。如此無世俗累而有益乎已。古今未有於道而避是者。宗元白。

古文園華集卷之十八

五 唐文卷十八

爲師之詞可見然我之論師無字爲子厚也

復杜溫夫書

柳宗元

二十五日宗元白。兩月來二辱生書。書皆逾千言。意者相望。僕以不對答引譽者。然僕誠過也。而生與吾文又十卷。噫亦多矣。文多而書頻。吾不對答而引譽。宜可自反。而來徵不肯相見。亟拜亟問。其得終無辭乎。凡生十卷之文。吾已略觀之矣。吾性騷滯。多所去甚。論安敢懸斷。是且非耶。書恆吾必曰。周孔安可賞也。僣人必於其倫。生以直躬見恆。宜無所諛道。而不幸乃曰。周孔吾豈得無駭怪。且疑生悖亂浮誕。無所

古文園華集卷之十八

太 唐文卷十八

取幅尺。以故愈不對答。來柳州見一刺史。卽周孔之。今而去我道連而謁於潮之二邦。又得二周孔去之。京師京師顯人爲文。詞立聲名。以千數。又宜得周孔千百何。吾生胷中擾擾焉。多周孔哉。吾雖少爲文。不能自雕斲。引筆行墨。快意累累。意盡便止。亦何所師法。立言狀物。未嘗求過人。亦不能明辨生之才致。但見生用助字不當律令。唯以此奉答。所謂乎歟耶哉。夫者疑辭也。矣耳焉也者決辭也。今生則一之。宜考前聞人所使用。與吾言類且異。慎思之。則一益也。庚

此處殊見
古人之厚
今則但略
笑之而已
不能如此
訓誨也

桑子言蠶蠅鵲卵者吾以為道連而謁於潮其卒可
化乎然世之求知音者一遇其人或為十數文即務
往京師急日月犯風雨走謁門戶以冀苟得今生年
非甚少而自荆來柳自柳將道連而謁於潮途遠而
深矣則其志果有異乎又狀貌巖然類丈夫視端形
直心無岐徑其質氣誠可也獨要謹克之爾謹克之
則非吾獨能生勿怨巫之二邦以取法時思吾言非
固拒生者孟子曰余不肖之教誨也者是亦教誨而
已矣宗元白

古文國璋集卷之十八

七唐文卷十八

今天下求名之士往往類此余欲以子厚此文結
之屋壁布之通衢耳

小石城山記

柳宗元

自西山道口徑北踰黃茅嶺而下有二道其一西出
尋之無所得其一少北而東不過四十丈土斷而川
分有積石橫當其垠其上為睥睨梁欂之形其旁出
堡塢有若門焉窺之正黑投以小石洞然有水聲其
響之激越良久乃已環之可望甚遠無土壤而生
嘉樹美箭益奇而堅其疎數偃仰類智者所施設也
噫吾疑造物者之有無久矣及是愈以為誠有又怪
其不為之於中州而列是夷狄更千百年不得一售
其伎是固勞而無用神者儻不宜如是則其果無乎
或曰以慰夫賢而辱於此者或曰其氣之靈不為偉
人而獨為是物故楚之南少人而多石是二者余未
信之

忽發奇論更能益地之勝

柳州山水近治可遊者記

柳宗元

古之州治在潯水南山石間。今徙在水北。直平四十里。南北東西皆水。匯北有雙山。夾道嶄然。曰背石山。有支川東流入于潯水。潯水因是北而東。盡大壁下。其壁曰龍壁。其下多秀石。可視。南絕水。有山無麓。廣百尋。高五丈。下上若一。曰甌山。山之南皆大山。多奇。又南且西曰駕鶴山。壯聳環立。古州治負焉。有泉在坎下。常盈而不流。南有山。正方而崇。類屏者曰屏山。其西曰四蛇山。皆獨立不倚。北流潯水瀨下。又西曰

古文園集卷之十八

九唐文卷十八

仙奕之山。山之西可上。其上有穴。穴有屏。有室。有宇。其宇下有流石。成形如肺肝。如茄房。或積于下。如人如禽。如器物。甚衆。東西九十尺。南北少半。東登入小穴。常有四尺。則廓然甚大。無竅。正黑。燭之高僅見其宇。皆流石怪狀。由屏南室中入小穴。倍常而上。始黑已而大明。爲上室。由上室而上。有穴。北出之。乃睨大野。飛鳥皆視其背。其始登者得石枰於上。黑肌而赤脉。十有八道。可奕。故以云。其山多樗。多櫟。多篋。管之竹多。橐吾。其鳥多。秭歸。石魚之山。全石無大草木。山

小而高。其形如立魚。在多秭歸西。有穴。類仙奕。入其穴。東出其西北。靈泉趾東。吐下有麓。環之泉。大類鼓雷。鳴西奔。二十尺有洞。在石澗。因伏無所見。多綠青之魚。及石。鮒多。儵。雷山兩崖。皆東西。雷水出焉。蒼崖中曰雷塘。能出雷氣。作雷雨。變見有光。禱川俎。魚豆。蔬脩。形。枰。枰。酒。陰。虔。則應。在立魚南。其間多美山。無名而深。峨山在野中。無麓。峨水出焉。東流入于潯水。亂而不雜。積而不壘。此等文不在秦漢以下。

古文園集卷之十八

十唐文卷十八

館驛使壁記

柳宗元

凡萬國之會四夷之來。天下之道塗。畢出於邦畿之內。奉貢輸賦。脩職於王都者。入于近關。則皆重足錯。殺以聽有司之命。徵令賜予。布政於下國者。出于甸服。而後按行成列。以就諸侯之館。故館驛之制。於千里之內尤重。自萬年至于渭南。其驛六。其蔽曰華州。其關曰潼關。自華而北。界于櫟陽。其蔽曰同州。其關曰蒲津。自蒲而南。至于藍田。其驛六。其蔽曰商州。其關曰武關。自長安至于藍屋。其驛十有一。其蔽曰洋

古文圖理集卷之十八

二唐文卷六

州。其關曰華陽。自武功西至于好時。其驛三。其蔽曰鳳翔府。其關曰隴關。自渭而北。至于華原。其驛九。其蔽曰方州。自咸陽而西。至于奉天。其驛六。其蔽曰邠州。由四海之內。總而合之。以至於關。由關之內。東而會之。以至於王都。華人夷人。往復而授館者。旁午而至。傳吏奉符而閱其數。縣吏執牘而書其物。告至告去之役。不絕於道。寓望迎勞之禮。無曠於日。而春秋朝陵之邑。皆有傳館。其飲餼饋。咸出於豐給。繕完築復。必歸於整頓。列其田租。布其貨利。權其入而用

其積。於是出納奇贏之數。勾會考校之政。大曆十四年。始命御史爲之使。俾考其成。以質于尚書。季月之晦。必合其簿書。以視其等列。而按其信宿。必稱其制。有不當者。反之於官。尸其事者。有勞焉。則復于天子。而優升之。勞大者。增其官。其次者。降其調之數。又其次。猶異其考績。官有不職。則以告而罪之。故月受俸二萬于太府。史五人。承符者二人。皆有食焉。先是假廢官之印而用之。貞元十九年。南陽韓泰告于上。始鑄使印。而正其名。然其嗣當斯職。未嘗有記之者。

古文圖理集卷之十八

三唐文卷六

追而求之。蓋數歲而往。則失之矣。今余爲之記。遂以韓氏爲首。且曰修其職。故首之也。

不起議論而叙致祥雅此等文今所最難

嶺南節度使饗軍堂記

柳宗元

唐制嶺南爲五府。府部州以十數。其大小之戎。號令。刑聽于節度使焉。其外大海多蠻夷。由流求河。陵西抵大夏。康居。環水而國以百數。則統于押蕃。船使內之幅員萬里。以執秩拱王。稽時聽教命。外之屬數萬里。以譯言贊寶。歲帥貢職。合二使之重。以治于廣州。故賓軍之事。宜無與校。大且賓有牲牢饗餼。嘉樂好禮。以同遠合疏。軍犒饋宴。饗勞旅勤。歸以群力一心。於是治也。開閣階叙。不可與他邦類。必厚棟。

古文國瑋集

卷之十八

主唐文卷十八

大梁夾庭高門。然後可以上克於揖讓。下周於步武。今御史大夫扶風公廉廣州。且專二使。增德以來。遠人申威。以脩戎政。大饗宴合樂。從其豐盈。先是爲堂於治城西北隅。其位公北向。賓衆南向。奏部伎于其西。視泉池于其東。隅與庑反。庭廡下。陋日未及晡。則赫炎當目。汗眩更起。而禮莫克終。故凡大宴饗。大賓旅。則寓于外壘。儀形不稱。公於是始斥其制爲堂。南面橫八楹。縱十楹。嚮之宴位。化爲東序。西又如之。其外更衣之次。膳食之宇。列觀以游目。偶亭以展聲。摘。

星極顧英。究其往。泉池之舊。增濬益植。以暇以息。如。在。問工焉取。則師與是供。問役焉取。則蠻隸是。微問材焉取。則隙宇是遷。或益其闕。伐山浮海。農賈拱手。張目視具。乃十月甲子。元成公命饗于新堂。幢牙并。蘇金節析羽。旂旗旌旄。咸飾于下。鼓以鼓音。金以鐸鏡。公與監軍使。上賓。延羣僚。將授士吏。咸次于位。弁裳黼衣。綈夾。盤饗。雕肝就列者。十人以上。銅鼎。體節。燔魚。載炙。羽鱗。狸互之物。沉泛醴醑之齊。均飲于卒士。興王之舞。服夷之伎。擊吹鼓之音。飛騰。

古文國瑋集

卷之十八

主唐文卷十八

幻怪之容。宴觀于遠邇。禮成樂遍。以錫而賀。且曰。是邦臨護之大。五人合之。非是堂之制。不可以備物。非公之德。不可以容衆。曠于往初。肇自今茲。大和有人。以親遠方。古之戎政。其曷用加此華元名大夫也。殺羊而御者不及。霍去病良將軍也。餘肉而士有飢色。猶克稱能以垂到今。矧茲具美。其道不廢。願訪于金石。以永示後祀。遂相與來告。且乞辭。某讓不獲。乃刻于茲石。

文如面棟雕甍高牙大蘇翼翼巖巖觀者埒視

邠寧進奏院記

柳宗元

凡諸侯述職之禮必有棟宇。建于京師。朝覲爲修容之地。會計爲交政之所。其在周典。則皆邑以具湯沐。其在漢制。則皆邸以奉朝請。唐興因之。則皆院以備進奏。政以之成。禮於是具。由舊章也。皇帝宅位十一載。悼邊氓之未乂。惡兇虜之猶阻。博求群臣。以朗寧王張公爲能。俾其建節制符守股肱之郡。統爪牙之職。董制三軍。撫衆萬人。乃新斯院。弘我舊制。高其閭閭。壯其門閭。以奉王制。以修古典。至敬也。以尊朝覲。以率貢職。至忠也。執忠與敬。臣道畢矣。公嘗鳴珮執玉。展禮天朝。又嘗伐叛獲醜。獻功魏闕。其餘歸時事。修常職。賓屬受辭而來使。旅賁奉章而上謁。稽疑於大宰。質政於有司。下及奔走之臣。傳通之役。川流環運。以達教令。大凡展采於中都。率由是焉。故領斯院者。必獲歷閭閭。登太清。仰萬乘之威。而通內外之事。王宮九閭而不聞。轅門十舍而如近。斯乃軍府之要樞。朗寧之能政也。惟公端明而厚。溫裕而肅。宏略特出。大志高邁。施德下邑。而黎人咸懷。設險西陲。而戎

古文園璋集

卷之十八

主

唐文宗十八

古文園璋集

卷之十八

六

唐文宗十八

虜伏息。茂功溢于大常。盛烈動於人聽。則斯院之設。乃他政之末者也。贊公于他政之末。故詞不周德。稱公于天子之都。故禮不稱位。斯古道也。貞元十二年十月六日。河東柳宗元爲記。贊節度之政于天子之都。宜其抑揚有體。進退肅然。

興州江運記

柳宗元

御史大夫嚴公牧于梁五年。嗣天子用周漢進律增秩之典。以親諸侯。謂公有功德理行。就加禮部尚書。是年四月。使中謁者來錫公命。賓僚吏屬將校卒士。驚老童。填溢公門。舞躍歡呼。頌建碑記德。垂億萬祀。公固不許。而相與怨咨。遑遑如不飲食。於是西鄙之人。密以刊山導江之事。願刻礪石曰維梁之西。其蔽曰某山。其守曰興州。興州之西爲戎居。歲備亭障。實以精卒。以道之險隘。兵困于食。守用不固。公患之。

古文園瑣集卷之十八

主唐文卷十八

曰吾嘗爲興州。凡其土人之故。吾能知之。自長舉北。至於青泥山。又西。按于成州。過栗亭川。踰寶井堡。崖谷峻隘。十里百折。負重而上。若蹈利刃。盛秋水潦窮。冬雨雪。深泥積水。相輔爲害。顛踣騰藉。血流棧道。糗糧芻蕘。填谷委山。牛馬羣蓄。相藉物故。僱夫畢力。守卒延頸。嗷嗷之聲。其可哀也。若是者綿三百里。而餘自長舉而西。可以導江而下。二百里而至。昔之人莫得知也。吾受命于君。而有斯人。其可已乎。乃出軍府之幣。以備器用。卽山斲功。由是轉巨石。朴大木。焚以

炎火。沃以食醢。摧其堅剛。化爲灰燼。齏碎之下。易甚朽壤。乃闢乃墾。乃宣乃理。隨山之曲直。以休人力。順地之高下。以殺湍悍。厥功旣成。咸如其素。於是決去壅土。疏導江濤。萬夫呼抃。莫不如志。雷騰雲奔。百里一瞬。既會既遠。浚爲安流。烝徒謳歌。枕臥而至。戍人無虞。專力待寇。惟我公之功。曠可侔也。而無以酬德。致其大願。又不可待。命則公之始末。屬當惡歲。府庾甚虛。器備甚殫。飢饉昏札。死徒克路。賴公節用。愛人克安。而生老窮有養。幼乳以遂。不問不使。咸得其志。

古文園瑣集卷之十八

主唐文卷十八

公命鼓鑄。庫有利兵。公命屯田。師有餘糧。還徒練旅。有衆孔武。平刑議獄。有衆不黷。增石爲防。膏我稻梁。歲無凶災。家有積倉。傳館是飾。旅忘其歸。杠梁以成。人不履危。若是者皆以戎隙帥士而爲之。不出四人之力。而百役已就。且我西鄙之職官。故不能具舉。惟公和恒直方。廉毅信讓。敦尚儒學。揖損貴位。率忠與仁。以厚其誠。有可以安利于人者。行之堅勇。不俟終日。其興功濟物。宜如此其大也。昔之爲國者。惟水事爲重。故有障大澤。勤其官而受封國者矣。西門遺利。

史起與歎。白圭壑隣。孟子不與。公能夷險休勞。以惠萬代。其功烈尤章章焉。不可蓋也。是用假辭謁工。勸而存之。用永憲于後祀。

工
能知地利遠近。讀其文可考其績。不徒以頌德爲

潭州東池戴氏堂記 楊中丞作 柳宗元

弘農公刺潭三年。因東泉爲池。環之九里。丘陵林麓。距其涯。垣島洲渚。交其中。其岸之突出者。水縈之。若決焉。池之勝於是爲。公曰。是非離世樂道者。不宜有此。卒授賓客之選者。譙國戴氏曰簡。爲堂而居之。堂成而勝益奇。望之若連艦縻。與波上下。就之顛倒萬物。遂廓眇忽。樹之松柏杉櫟。被之菱芡芙蓉。蓂蓂蔚然而陰。粲然而榮。凡觀望浮游之矣。專於戴氏矣。戴氏嘗以文行累爲連率所賓禮。貢之澤官。而志不

願仕。與人交。取其退讓。受諸侯之寵。不以自大。其離世歟。好孔氏書。旁其莊文。莫不摠統。以至虛爲極。得受益之道。其樂道歟。賢者之舉也。必以類。當弘農公之選。而專茲地之勝。豈易而得哉。地雖勝。得人焉而居之。則山若增。而高水若闢。而廣。堂不待飾而已興矣。戴氏以泉池爲宅。居以雲物爲朋。徒摠幽發粹。日與之娛。則行宜益高。文宜益峻。道宜益懋。交相贊者也。旣碩其內。又揚于時。吾懼其離世之志不果矣。君子謂弘農公刺潭得其政。爲東池得其勝。授之得其

人豈非動而時中者歟。於戴氏堂也。見公之德。不可
以不記。
邨嘉賓好為隱士。具山裝大。是佳事。此文序之。兼
有其美。

桂州管家洲亭記 裴中丞作 柳宗元

大凡以觀游名於代者。不過視於一方。其或傍達左
右。則以為特異。至若不驚遠。不陵危。環山洄江。四出
如一。夸奇競秀。咸不相讓。徧行天下者。唯是得之。桂
州多靈山。發地峭堅。林立四野。署之左。曰灘水。水之
中。曰管氏之洲。凡嶠南之山川。達于海上。於是畢出。
而存。今莫能知。元和十二年。御史中丞裴公來莅茲
邦。都督二十七州諸軍州事。盜遁奸革。德惠敷施。基
年政成。而當天于平淮夷。定河朔。告于諸侯。公既施
古。末。園。瑋。集。卷之十八。王唐文卷十八
慶于下。乃合僚吏。登茲以嬉。觀望攸長。悼前之遺。於
是厚貨居畔。移于間壤。伐惡木。剌與草。前指後畫。心
舒目行。忽焉若飄。浮上騰以臨雲氣。萬山面內。重江
東隘。聯嵐含輝。旋視其室。常所未覩。倏然互見。以為
飛舞奔走。與遊者偕來。乃經工化材。考極相方。南為
燕亭。延宇垂阿。步簷更衣。周若一舍。北有崇軒。以臨
千里。左浮飛閣。右列間館。比舟為梁。與波升降。苞離
山。含龍宮。昔之所大蓄。在亭內。日出扶桑。雲飛蒼梧。
游霞島。霧來助游物。其隙則抗月檻於迴合。遠然萬

變。若與安期。美門接於物外。則凡名觀。辭於天下者。有不屈伏退讓。以推高是亭者乎。既成。以燕歡極而賀。咸曰。昔之遺勝。繁者必於深山窮谷。人罕能至。而好事者後得。以爲已功。未有直治城。挾閭閻。車輿步騎。朝過夕視。訖十百年。莫或異。一且得之。遂出於他邦。須博物辭口。莫能舉其上者。然則人之心目。其果有遼絕特殊。而不可至者耶。蓋非佳山之靈。不足以環觀。非是洲之曠。不足以極是非公之鑒。不能以獨得。噫。造物者之設。是久矣。而盡之於今。余其可以

古文圖彙

卷之十八

三

唐文卷十八

無藉乎。

偏方遊樂之事。本于天子武功告成。未便有氣勢。

疏峰搜林
如康樂遊
山動而得
妙

永州新堂記

柳宗元

將爲穹谷。嵯峨淵池。於郊邑之中。則必聲山石。溝澗壑。凌絕峻阻。疲極人力。乃可以有爲也。然而求天作地生之狀。咸無得焉。逸其人。因其地。全其天。昔之所難。今於是乎在。永州實惟九疑之麓。其始度土者。環山爲城。有石焉。翳于奧。有泉焉。伏于土。淦地。虺之所蟠。狸鼠之所游。茂樹惡木。嘉葩毒卉。亂雜而爭植。號爲穢墟。韋公之來。旣逾月。理甚無事。望其地。且異之。始命芟其蕪。行其塗。積之丘如。蠲之澗如。旣焚旣

古文圖彙

卷之十八

三

唐文卷十八

醜。奇勢迭出。清濁辨質。美惡異位。視其植。則清秀敷舒。視其蓄。則溶漾紆餘。怪石森然。周于四隅。或列或跪。或立或仆。竅穴遙達。堆阜突怒。乃作棟宇。以爲觀游。凡其物類。無不合形輔勢。效伎於堂廡之下。外之連山高原。林麓之崖。間廁隱顯。通延野綠。遠混天碧。咸會於譙門之內。已乃延客入觀。繼以宴娛。或贊且賀。曰。見公之作。知公之志。公之因上而得勝。豈不欲因俗以成化。公之擇惡而取美。豈不欲除殘而佑仁。公之錫濁而流清。豈不欲廢貪而立廉。公之居高以

望遠豈不欲家無而戶曉。夫然則是堂也。豈獨草木
土石水泉之適歟。山原林麓之觀歟。將使繼公之理
者。視其細知其大也。宗元請志諸石。措諸壁。編以爲
二千石楷法。

本于西涼公之文。不如此便與丘壑中人無異。

零陵三亭記

柳宗元

邑之有觀游。或者以爲非政。是大不然。夫氣煩則慮
亂。視壅則志滯。君子必有游息之物。高明之具。使之
清寧。平夷。恒若有餘。然後理達而事成。零陵縣東有
山麓。泉出石中。沮洳污塗。群畜食焉。牆藩以蔽之。爲
縣者積數十人。莫知發視。河東薛存義以吏能聞。荆
楚間。潭部舉之。假湘源令。會零陵政亂。賦擾民訟于
牧。推能濟弊。來莅茲邑。通逃復還。愁痛笑歌。述租匭
役。基月。理宿蠹。藏奸。披露首服。民既卒稅。相與歡

歸道塗。迎賀里閭。門不施胥吏之席。耳不聞鼙鼓之
召。雞豚糗醕。得及宗族。州牧尚焉。旁邑倣焉。然而未
嘗以劇自撓。山水鳥魚之樂。澹然自若也。乃發耨蒔
驅群畜。決疏沮洳。搜剔山麓。萬石如林。積坳爲池。爰
有嘉木美卉。垂水藁峰。瓊瑤蕭條。清風自生。翠煙自
留。不植而遂。魚樂廣闊。鳥慕靜深。別孕巢穴。沉浮嘯
萃。不蓄而富。伐木墜江。流于邑門。陶土以埴。亦在署
側。人無勞力。土得以利。乃作三亭。陟降晦明。高者冠
山顛。下者俯清池。更衣膳饗。列置備具。賓以燕好。旅

以館舍高明游息之道具於是邑。由薛爲首。在昔碑
謀謀野而獲。密子彈琴而理。亂慮滯志。無所容人。則
夫觀游者。果爲政之具歟。薛之志其果出於是歟。及
其獎也。則以玩替政。以荒去理。使繼是者。咸有薛之
志。則邑民之福。其可既乎。余愛其始而欲久其道。乃
撰其事以書于石。薛拜手曰。吾志也。遂刻之。
文有高明之氣。足以舒幽發滯。

零陵郡復乳穴記

柳宗元

石鍾乳餌之最良者也。楚越之山多產焉。于連于韶
者。獨名於世。連之人告盡焉。者五載矣。以貢則買諸
他部。今刺史崔公至。逾月。穴人來以乳復告。邦人悅
是祥也。雜然謔曰。昨之熙熙。崔公之來。公化所徹。土
石蒙烈。以爲不信。起視乳穴。穴人笑之曰。是惡知所
謂祥耶。嚮吾以刺史之貪。戾嗜利徒。吾役而不吾貸
也。吾是以病而給焉。今吾刺史令明而志潔。先賴而
後力。欺誣屏息。信順休洽。吾以是誠告焉。且夫乳穴
必在深山窮林冰雪之所儲。豺虎之所廬。由而入者
觸昏霧。扞龍蛇。束火以知其物。縻繩以志其返。其勤
若是。出又不得吾直。吾用是安得不以盡告。今
而乃誠吾告故也。何祥之爲。士聞之曰。謹者之祥也。
乃其所謂怪者也。笑者之非祥也。乃其所謂真祥者
也。君子之祥也。以政不以怪。誠乎物而信乎道。人樂
用命。熙熙然以效其有斯其爲政也。而獨非祥也歟。
凡物之所產。未有不爲其地害者。故零陵乳復合
浦珠還。當時以爲祥。而不知前此之不祥久矣。

永州法華寺新作西亭記

柳宗元

法華寺居永州地最高。有僧曰覺照。照居寺西廡下。廡之外有大竹數萬。又其外山形下絕。然而薪蒸篠簜。蒙雜擁蔽。吾意伐而除之。必將有見焉。照謂余曰。是其下有陂池芙蕖。申以湘水之流。衆山之會。果去。是其見遠矣。遂命僕人持刀斧。羣而翦焉。叢莽下頽。萬類皆出。瞻焉茫焉。天爲之益高。地爲之加闊。丘陵山谷之峻。江湖池澤之大。咸若有增廣之者。夫其地之奇。必以遺乎後。不可曠也。余時謫爲州司馬。官外。古文園羣集卷之十八 唐文卷十八 主

神理結之更自超脫

柳州復大雲寺記

柳宗元

越人信祥而易殺。傲化而偏仁。病且憂。則聚巫師用雞卜。始則殺小牲。不可則殺中牲。又不可則殺大牲。而又不不可則訣親戚。飭死事。曰神不置我已矣。因不食。蔽面死。以故戶易耗。田易荒。而奇字不孽。董之禮則頑。束之刑則逃。唯浮圖事神而語大。可因而入焉。有以佐教化。柳州始以邦命置四寺。其三在水北。而大雲寺在水南。水北環治城六百室。水南三百室。俄而水南火。大雲寺焚而不復。且百年。三百室之人失其所依歸。復立神而殺焉。元和十年刺史柳宗元始至。逐神于隱遠。而取其地。其傍有小僧舍。闢之廣大。達達橫術。北屬之江。告于大府。取寺之故名作大門。以字揭之。立東西序。崇佛廟。爲學者居。會其徒而委之食。使擊磬鼓鐘以嚴其道。而傳其言。而人始復去鬼息殺。而務趨於仁愛。病且憂。其有告焉而順之。庶乎教夷之宜也。凡立屋大小若干楹。凡闢地南北東西若干畝。凡樹木若干本。竹三萬竿。圃百畦。田若干。脞治事僧曰退思曰。令寰曰道堅。後二年十月某日。

寺皆復就。

讀此可以見粵人之俗而因俗爲教者在乎長吏之善其理不拘拘乎儒者之言也

歷代古文國璋集卷之十八

古文國璋集卷之十八

唐文卷十八

歷代古文國璋集卷之十九

襄西方岳貢禹修評選

唐文

裴瑾崇豐二陵集禮後序

柳宗元

傳曰詩書執禮禮不執則不行自開元制禮大臣諱避去國恤章而山陵之禮遂無所執世之不學者乃妄取預凶事之說而大典闕焉由是累聖山陵皆據拾殘缺附比論類已乃斥去其後莫能徵永貞元和間天禍仍遘自崇陵至于豐陵不能周歲司空杜公由太常相天下連爲禮儀使擇其條以備損益於是河東裴瑾以太常丞隴西辛秘以博士用焉內之則攢塗秘器象物之宜外之則復土斥土因山之制上之則顧命典冊與文物以受萬國下之則制服節文頒憲則以示四方由其肅恭禮無不備且包并總統千載之盈縮羅絡有年百氏之異同搜揚剪截而畢得其中顧問開決而不悖於事議者以爲司空公得其人而邦興不墜裴氏乃悉取其所刊定奏復于上辨列于下聯百執事之儀以爲崇豐二陵集禮藏

之于太常書閣。君子以為愛禮而近古焉。昔韋孟以詩禮傳楚。而郊廟之制。卒正於玄成。鄭玄以箋注史。漢而禪代之儀。卒集於小同。賈誼以經術起。而嘉最。好學。盧植以儒學用。而謀為祭法。舊史咸以為榮。今裴氏太尉公。以禮匡義嗣。侍中公。以禮議封禪。祠部公。以禮承大事。大理公。以禮輔東宮。而瑾也。以禮奉二陵。又能成書以充其闕。其為愛禮近古也。源遠乎哉。瑾字封叔。其伯仲咸以文學顯於世。大理之兄正平。節公以儀範成家道。以文雅經邦政。今相國郇公。

古文圖彙集卷之十九

二唐文卷十九

其宗子也。郇公以孝友勤勞。揚于家邦。遊其門。若聞韶。漢入其廟。如至鄒魯。恩溢乎九族。禮儀乎他門。則封叔之習禮也。其出於孝弟。欬成書也。其本於忠敬。欬由於家而達於邦國。其取榮於史氏也。果矣。

其文質老不求媚于俗者

楊評事文集後序

柳宗元

贊曰。文之用。辭令褒貶。導揚諷諭而已。雖其言鄙野。足以備於用。然而闕其文采。固不足以竦動其聽。寧示後學。立言而朽。君子不由也。故作者抱其根源。而必由是假道焉。作於聖故曰經。述於才故曰文。文有二道。辭令褒貶。本乎著述者也。導揚諷諭。本乎比興者也。著述者流。蓋出於書之謨訓。易之象系。春秋之筆削。其要在於高壯廣厚。詞正而理備。謂宜藏於簡冊也。比興者流。蓋出於虞夏之詠歌。殷周之風雅。其

古文圖彙集卷之十九

二唐文卷十九

要在於麗則清。越言暢而意美。謂宜流於謠誦也。茲二者考其旨義。乖離不合。故秉筆之士。恒偏勝獨得。而罕有兼者焉。厥有能而專美。命之曰藝成。雖古文雅之盛世。不能並肩而生。唐興以來。稱是邇而不作。者梓潼陳拾遺。其後燕文貞。以著述之餘。次比興。而莫能極。張曲江以比興之陳。窮著述而不克備。其餘各探一隅。相與背馳於道者。其去彌遠。文之難兼。斯亦甚矣。若楊君者。少以篇什著聲於時。其炳耀尤異之詞。諷誦于文人。滿盈于江湖。達于京師。晚節偏悟。

文體尤遠敘述學富識遠才涌未已其雄傑老成之風與時增加既獲是不數年而夭其季年所作尤善其為鄂州新城頌諸葛武侯傳論餞送梓潼陳衆甫汝南周愿河東裴泰武都符義府泰山羊士諤隴西李鍊凡六序庐山禪居記一李常侍啓遠遊賦七夕賦皆人文之選已用是陪陳君之後其可謂具體者歟嗚呼公既悟文而疾既即功而廢廢不逾年大病及之卒不得窮其工竟其才遺文未克流于世休聲未克克於時凡我從事於文者所宜追惜而悼慕也

古文國璋集

卷之十九

口唐文卷十九

宗元以通家修好幼獲省謁故得奉公元兄命論文篇簡遂述其制作之所詣以繫于後

論文章之源流若鍾記室之品詩詮次悉當

往有壯

送州寧獨孤書記赴辟命序

柳宗元

僕間歲驟遊邠壇今戎帥楊大夫時為候奄盡護羣校用笞法董令不吐強禦下莫有逗撓凌暴而犯令者沉斷壯勇專志武力出麾下取主公之節鉞而代之位鵬冠者仰而榮之今又能苟貴文雅以符召文士之秀者河南獨孤密署為記室俾職文翰翕然致得士之稱於談者之口茲朝廷以勇爵論將帥豈濫也哉獨孤生與仲兄寔連舉進士竝時管記於漢中新平二連帥府俱以筆硯承荷舊德位未達而榮如

古文國璋集

卷之十九

口唐文卷十九

貴仕其難乎哉憶自犬戎陷河右逼西鄙積兵備虞縣道告勞內匱中府太倉之蓄僅而獲壓投石而買勇者思所以奮力論者以為天子且復河壖而宣故填拓達西戎而罷諸侯之兵則曳裾戎幕之下專弄文墨為壯夫捧腹甚未可也吾子歷覽古今之變而通其得失是將植密畫於借筭之宴發羣謀於章奏之筆上為明天子論列熟計而導揚威命然後談笑鐔組賦從軍之樂移書飛文諭告西土劫脅之伍俾其簞食壺漿犒迎王師在吾子而已往慎辭令使論

蜀之書燕然之文炳烈于漢史真可慕也不然是瑣瑣者惡足置齒牙間而榮吾子哉

必如此乃見記室有關係不但爲幕府之私客也

送南涪州量移澧州序

柳宗元

越有納官之令以勝大敵漢有羽林之制以威四夷國家寵先中丞邁古人之烈故君自未成童品常第四人猶曰於古爲薄漢其地都尉以不勝任陷匈奴而子單侯于緡濟非和韓千秋以匹夫之諒奮觸南越而子延年侯于成安君之士田之錫猶挫於有司之手始由施州爲涪州并蜀道勅寇盡不釋刃夜不釋甲曰我忠烈胤也期死待敵敵亦曰彼忠烈胤也盡力致命是不可犯然而筆削之吏以簿書校計

羸縮受譴茲郡凡二歲朝廷建大本貞萬邦慶澤之濡洗濯生植又況涪州家聲之大裕蠡之志宜尤被顯寵者也自漢而南州之美者十七八莫若澧澧之佐理莫踰於長史以是進秩人猶曰且有後命永州多謫吏而君侯惠和溫良故其歡愉異於他部優詔既至而君適離於文其往也獨故凡羨慕之辭無不加等噫以君承荷之重恭肅之美四方之求忠壯義烈者將於君是觀凡君子之志欲其優柔而益固憤悱而不忘以增太史世家之藉用是爲既則拱壁太

鼎鳥可以言重乎。

此南霽雲之子也。朝廷所以待忠臣之後者。薄故一篇之中三致意焉。

古文園璣集卷之十九

八唐文卷十九

送薛存義之任序

柳宗元

河東薛存義將行。柳子載肉于俎。崇酒于觴。追而送之。江之游。飲食之。且告曰。凡吏于土者。若知其職乎。民之食。非以役民而已也。凡民之食于土者。出其十一。歸乎吏。使司平於我也。今我受其直。怠其事者。天下皆然。豈唯怠之。又從而盜之。向使傭一夫於家。受若直。怠若事。又盜若貨器。則必甚怒而黜罰之矣。以今天下多類此。而民莫敢肆其怒與黜罰。何哉。勢不同也。勢不同而理同。如吾民何有達于理者。得不恐而畏乎。存義假令零陵二年矣。蚤作而夜思。勤力而勞心。訟者平。賦者均。老弱無懷詐暴憎。其爲不虛取直也的矣。其知恐而畏也審矣。吾賤且辱。不得與考績幽明之說於其往也。故賞以酒肉而重之以辭。凡爲吏者當書此文爲座右銘。

古文園璣集卷之十九

九唐文卷十九

送韋七秀才下第求益友序

柳宗元

所謂先聲後實者。豈唯兵用之。雖士亦然。若今由州郡抵有司。求進士者。歲數百人。咸多爲文辭。道今語古。角夸麗。務富厚。有司一朝而受者。幾千萬言。讀不能一一。卽偃仰疲耗。日眩而不欲視。心廢而不欲營。如此而曰。吾能不遺士者。僞也。唯聲先焉者。讀至其文辭。心目必專。以故少不勝。京兆韋中立。其文懿且高。其行愿以恒。試其藝。益工。久與居。益見其賢。然而進三年。連不勝。是豈拙於爲聲者。坎或以韋生之不

古文觀象卷之十九

唐文卷九

勝爲有司罪。余曰。非也。穀梁子曰。心志既通。而名譽不聞。友之過也。名譽既聞。而有司不以告。有司之過也。人之視聽。有所止。神志有所不及。古之道。名譽未至。不以罪有司。而況今乎。今韋生樂植乎內。而不欲揚乎外。其志非也。孔子不避名譽。以致其道。今韋生仗其文簡。其友思自得於有司。抑非古人之道。坎將行也。余爲之言。既以遷其人。又以移其文。且使惑者知釋有司也。

唐士甚賤。奔走爲名聲。而貢舉往往得之乎此也。

陪永州崔使君遊譙南池序

柳宗元

零陵城南。環以羣山。延以林麓。其崖谷之委會。則泓然爲池。潏然爲溪。其上多楓楠竹箭。哀鳴之禽。其下多芡芰蒲葦。騰波之魚。紹涵太虛。滄澗里閭。誠游觀之佳麗者已。崔公既來其政。宅以肆其風和。以廉既樂其人。又樂其身。于暮之春。徵賢合姻。登舟于茲水之津。連山倒垂。萬象在下。浮空泛景。蕩若無外。橫碧落以中。貫陵太虛。而徑度。羽觴飛翔。馳竹激越。熙然而歌。婆然而舞。持頤而笑。睨直陵丈目而偃。不知日

古文觀象卷之十九

唐文卷九

之將暮。則於向之物者。可謂無負矣。昔之人知樂之不可常會之不可必也。當歡而悲者有之。况公之理行宜去受厚錫。而席之賢者。率皆在官。蒙澤方。將脫鱗介。生羽翮。夫豈越起湘中。爲顓頊客耶。余能委廢於世。恒得與是山水爲伍。而悼茲會不可再也。故爲文志之。

丹青之色。近乎自然。

送婁圖南秀才遊淮南將入道序 柳宗元

僕未冠。走赴士聞婁君名甚熟。其所爲歌詩傳詠都中。通數經及羣書。當時爲文章。若崔比部于衡尉相與稱其文衆。皆曰納言曾孫也。而又有是咸推讓爲先登。後十餘年。僕自尚書郎謫來零陵。觀婁君猶爲白衣。居無室宇。出無僮御。僕深異而訊之。乃曰。今夫取科者。交貴勢。倚親戚。合則揮羽翮。生風濤。沛焉而有餘。吾無有也。不則壓飲食。馳堅良。以歡于朋徒。相贊爲資。相易爲名。有不諾者。以氣排之。吾無有也。不

古文國璋集 卷之十九

主唐文卷十九

則多筋力。善造請。朝夕屈折於恒人之前。走高門。進大車。矯笑而僞言。卑阪而灼煖。偷一旦之容。以售其伎。吾無有也。自度卒不能堪其勞。故舍之而遊。逾湖江。出豫章。至南海。復由桂而下也。少好道士言。餌藥爲壽。未盡其術。故行且求之。僕聞而愈疑。往時親得進士者。不必若婁君之言。又不能類婁君之文學。又無納言之大德。以爲之祖。無比部尉尉以爲之知。而升名者百數十人。今婁君非不足也。願不棄而適耳。因爲余留三年。他日。又曰。吾所以求於心者。未克今

其行也。余既異其道。於名而又德其久留於我也。故

之言。夫君子之出以行道也。其處以獨善其身也。今天下理平。主上亟下求士之詔。婁君智可以任職。用事文可以宣風歌德。行於世必有合其道而進薦之者。速而爲處士。吾以爲非時。將曰老而就休耶。則甚少且銳。羸而自養耶。則甚碩且武。問其所以處。咸無名焉。若苟焉以圖壽爲道。又非吾之所謂道也。夫形軀之寓於土。非吾能私之。幸而好求堯舜孔子之志。唯恐不得。幸而遇行堯舜孔子之道。唯恐不慊。若

古文國璋集 卷之十九

主唐文卷十九

是而壽可也。求之而得。行之而慊。雖天其誰悲。今將以呼噓爲。咀嚼爲神。無事爲閑。不死爲生。則深山之木石。大澤之龜蛇。皆老而久。其於道何如也。僕嘗學於儒。持之不得。以陷於是。以出則窮。以處則乖。其不宜言道也審矣。以吾子見私於僕。而又重其去。故痛言而書之。而密授焉。

始漢其高末箴其過輕重皆當

送元十八山人南遊序

柳宗元

太史公嘗言世之學孔氏者則黜老子學老子者則黜孔氏道不同不相爲謀余觀老子亦孔氏之異流也不得以相抗又况楊墨申商刑名縱橫之說其迭相訾毀牴牾而不合者可勝言耶然皆有以佐世太史公沒其後有釋氏固學者之所怪駭舛逆其尤者也今有河南元生者其人閑曠而質直物無以挫其志其爲學恢博而貫統數無以躡其道悉取向之所以異者通而同之搜擇融夜與道大適咸伸其所長

古文國璋集

卷之十九

唐文卷十九

深

結處有海水一泓三山如點之致使人縹緲而思

送方及師序

柳宗元

代之游民學文章不能秀發者則假浮圖之形以爲高其學浮圖不能愿慤者則又託文章之流以爲放以故爲文章浮圖率皆縱誕亂雜世亦寬而不誅今有方及師者獨不然處其伍介然不踰節交於物沖然不苟狎遇達士述作手輒繕錄復習而不懈行其法不以自怠至於踐青折萌汎席灌手雖小教戒未嘗肆其心是故異夫假託爲者也薛道州劉連州文儒之擇也館焉而備其敬歌焉而致其辭夫豈貸而濫欤余用是得不繫其說以告于他好事者可爲釋氏之董狐

古文國璋集

卷之十九

唐文卷十九

送僧浩初序

柳宗元

儒者韓退之與余善。嘗病余嗜浮圖言。訾余與浮圖遊。近隴西李生礎自東都來。退之又寓書罪余。且曰。見送元生序。不斥浮圖。浮圖誠有不可斥者。往往與易論語合。誠樂之。其於性情。爽然不與孔子異。道退之好。儒未能過。楊子。楊子之書。於莊。墨。申。韓。皆有取焉。浮圖者。反不及莊。墨。申。韓之怪僻。陰賊。耶曰。以其夷也。果不信道。而斥焉。以夷則將友惡來。盜跖。而賤季札。由余乎。非所謂去名求實者矣。吾之所取者與。

古文園瑋集 卷之十九 唐文苑

易論語合。雖聖人復生。不可得而斥也。退之所罪者。其跡也。曰。髡而緇。無夫婦父子。不爲耕農蠶桑而活。乎人若是。雖吾亦不樂也。退之忿其外。而遺其中。是知石而不知韞玉也。吾之所以嗜浮圖之言。以此。與其。人游者。非必能通其旨也。且凡爲其道者。不愛官。不爭能。樂山水。而嗜閑安者。爲多。吾病世之邇。邇然。唯印紐爲務。以相軋也。則舍是其焉。從吾之好。與浮圖遊。以此。今浩初開其性。安其情。讀其書。通易論語。唯山水之樂。有文而文之。又父子成爲其道。以養而。

居泊焉而無求。則其賢於爲莊。墨。申。韓之言。而逐逐然。唯印紐爲務。以相軋者。其亦遠矣。李生礎與浩初。又善。今之往也。以吾言示之。因非人寓退之。視何如也。

讀此文。可以見二公學術之通蔽。若呂黎者。子厚所謂好道而無情者也。

古文園瑋集 卷之十九

唐文苑

送玄舉歸河泉寺序

柳宗元

佛之道大。而多。容。凡。有。志。乎。物。外。而。耻。制。於。世。者。則。思。入。焉。故。有。貌。而。不。心。名。而。異。行。剛。狷。以。離。偶。紆。舒。以。縱。獨。其。狀。類。不。一。而。皆。童。髮。毀。服。以。游。於。世。其。孰。能。知。之。今。所。謂。玄。舉。者。其。視。瞻。容。體。未。必。盡。思。跡。佛。而。持。詩。句。以。來。求。余。夫。豈。耻。制。於。世。而。有。志。乎。物。外。者。耶。夫。道。獨。而。跡。狎。則。怨。志。遠。而。形。羈。則。泥。幽。泉。山。之。幽。也。閑。其。志。而。由。其。道。以。遯。而。樂。足。以。去。二。患。捨。是。又。何。爲。耶。既。曰。爲。子。來。故。於。其。去。不。可。以。不。告。

古文國璋集

卷之十九

太唐文卷九

也。子厚作釋氏文文最佳以。身涉其中而不爲所蔽也。

序恭

柳宗元

房生直溫與予二第遊皆好學予病其確也思所以休息之者得木局隆其中而規焉其下方以直置基二十有四貴者半。賤者半。貴曰上。賤曰下。咸自第一至十二下者二乃第一。川。宗。壘。以。別。焉。房。於。是。取。二。毫。如。其。第。書。之。既。而。抵。者。二。人。則。視。其。賤。者。而。賤。之。貴。者。而。貴。之。其。使。之。擊。觸。也。必。先。賤。者。不。得。已。而。使。貴。者。則。皆。慄。焉。憚。焉。亦。鮮。克。以。中。其。獲。也。得。朱。焉。則。若。有。餘。得。墨。焉。則。若。不。足。余。諦。睨。之。以。思。其。始。則。皆。類。也。房。子。一。書。之。而。輕。重。若。是。適。近。其。手。而。先。焉。非。能。擇。其。善。而。朱。否。而。墨。之。也。然。而。上。焉。而。上。下。焉。而。下。貴。焉。而。貴。賤。焉。而。賤。其。易。彼。而。敬。此。遂。以。遠。焉。然。則。若。世。之。所。以。貴。賤。人。者。有。異。房。之。貴。賤。茲。恭。者。歟。無。亦。近。而。先。之。耳。有。采。能。擇。其。善。否。者。歟。其。敬。而。易。者。亦。從。而。動。心。矣。有。敢。議。其。善。否。者。歟。其。得。於。貴。者。有。不。氣。揚。而。志。蕩。者。歟。其。得。於。賤。者。有。不。貌。慢。而。心。肆。者。歟。其。所。謂。貴。者。有。敢。輕。而。使。之。者。歟。所。謂。賤。者。有。敢。避。其。使。之。擊。觸。者。歟。彼。朱。而。墨。者。相。去。千。萬。

不啻有敢以二敵其一者歟。余墨者徒也。觀其始與末。有似基者故敘。

以恢諧之詞。餐胸中之礪。豈不求其工而工至矣。

國勢而利導之聖人特不以意爲之耳非不得已而勉從之也

封建論

柳宗元

天地果無初乎。吾不得而知之也。生人果有初乎。吾不得而知之也。然則孰爲近。曰。有初爲近。孰明之。由封建而明之也。彼封建者。更古聖王堯舜禹湯文武而莫能去之。蓋非不欲去之也。勢不可也。勢之來。其生人之初乎。不初無以有封建。封建非聖人意也。彼其初與萬物皆生。草木榛榛。鹿豕狂狂。人不能搏噬。而且無毛羽。莫克自奉自衛。苟卿有言。必將假物以爲用者也。夫假物者必爭。爭而不已。必就其能斷曲

直者而聽命焉。其智而明者。所伏必衆。告之以直而後。必痛之而後畏。由是君長刑政生焉。故近者聚而爲群。群之分。其爭必大。大而有兵。有德又有大者。衆群之長。又就而聽命焉。以安其屬。于是有諸侯之列。則其爭又有大者焉。德又大者。諸侯之列。又就而聽命焉。以安其封。于是有方伯連帥之類。則其爭又有大者焉。德又大者。方伯連帥之類。又就而聽命焉。以安其人。然後天下會于一。是故有里胥而後有縣大夫。有縣大夫而後有諸侯。有諸侯而後有方伯連

帥。有方伯連帥而後有天子。自天子至于里胥。其德在人者。死必求其嗣而奉之。故封建非聖人意也。勢也。夫堯舜禹湯之事遠矣。及有周而甚詳。周有天下。裂土田而瓜分之。設五等。邦群后。布履星羅。四周于天下。輪運而輻集。合爲朝覲會同。離爲守臣扞城。然而降于夷王。害禮傷尊。下堂而迎覲者。歷于宣王。挾中興復古之德。雄南征北伐之威。卒不能定魯侯之嗣。陵夷迄于幽厲。王室東徙。而自列爲諸侯。厥後問鼎之輕重者有之。射王中肩者有之。伐凡伯誅莒弘。古文圖碑集卷之十九 唐文苑

而吏畏于上。天下相令。殺守劫令。而竝起。咎在人。非郡邑之制失也。漢有天下。矯秦之枉。徇周之制。割海內而立宗子。封功臣。數年之間。奔命扶傷而不暇。困平城。病流矢。陵遲不救者三代。後乃謀臣獻書。而離削自守矣。然而封建之始。郡國居半。時則有叛國。而無叛郡。秦制之得。亦以明矣。繼漢而帝者。雖百代可知也。唐興制州邑。立守宰。此其所以爲宜也。然猶桀猾時起。虐害方域者。失不在于州而在于兵。時則有叛將。而無叛州。州縣之設。固不可革也。或者曰。封建建者必私其土。子其人。適其俗。修其理。施化易也。守宰者苟其心思。遷其秩而已。何能理乎。余又非之。周之事跡斷可見矣。列侯驕盈。黷貨事戎。大凡亂國多理國寡。侯伯不得變其政。天子不得變其君。私土于人者。百不有一。失在于制。不在于政。周事然也。秦之事跡。亦斷可見矣。有理人之制。而不委郡邑是矣。有理人之臣。而不使守宰是矣。郡邑不得正其制。守宰不得行其理。酷刑苦役。而萬人側目。失在于政。不在于制。秦事然也。漢興天子之政。行于郡。不行于國。制

其守宰不制其侯王。侯王雖亂不可變也。國人雖弱不可除也。及夫大逆不道。然後掩捕而遷之。勒兵而夷之耳。大逆未彰。姦利浚財。怙勢作威。大刻于民者。無如之何。及夫郡邑可謂理且安矣。何以言之。且漢知孟舒于田叔。得魏尚于馮唐。聞黃霸之明審。觀汲黯之簡靖。拜之可也。復其位可也。臥而委之以輯一方。可也。有罪得以黜。其能得以賞。朝拜而不道。夕斥之矣。夕受而不法。朝斥之矣。設使漢室虛城邑而侯王之。縱令其亂人戚之而已。孟舒魏尚之術。莫得而施。黃霸汲黯之化。莫得而行。明譴而導之。拜受而退已違矣。下令而削之。締交合從之謀。周于同列。則相顧裂眦。勃然而起。幸而不起。則削其半。削其半。民猶瘁矣。曷若舉而移之。以全其人乎。漢事然也。今國家盡制郡邑。連置守宰。其不可變也固矣。善制兵。謹擇守。則理平矣。或者又曰。夏商周漢封建而延。秦郡邑而促。尤非所謂知理者也。魏之承漢也。封爵猶建。晉之承魏也。因循不革。而二姓陵替。不聞延祚。今矯而變之。垂二百祀。大業彌固。何繫乎諸侯哉。或者又以

爲殷周聖王也。而不革其制。固不當復議也。是太不然。夫殷周之不革者。是不得已也。蓋以諸侯喘服者三千焉。資以黜夏。湯不得而廢。周者八百焉。資以勝殷。武王不得而易。徇之以爲安。仍之以爲俗。湯武之所不得已也。夫不得已。非公之大者也。私其力于已也。私其衛于子孫也。秦之所以革之者。其爲制公之大者也。其情私也。私其一已之威也。私其盡臣畜于我也。然而公天下之端自秦始。夫天下之道。理安斯得人者也。使賢者居上。不肖者居下。而後可以理安。今夫封建者。繼世而理。繼世而理者。上果賢乎。下果不肖乎。則生人之理亂。未可知也。將欲利其社稷。以一其人之視聽。則又有世大夫。世食祿邑。以盡其封略。聖賢生于其時。亦無以立于天下。封建者爲之也。豈聖人之制。使至于于是乎。吾固曰。非聖人之意也。勢也。

三代已封建。故因而封建之後世已郡縣。故從而郡縣之。謂秦漢之制勝于三代者。非也。謂三代之制有行于秦漢者。亦非也。而子厚此論文。足以張其辭矣。

四維論

柳宗元

管子以禮義廉恥爲四維。吾疑非管子之言也。彼所謂廉者曰不蔽惡也。世人之命廉者曰不苟得也。所謂恥者曰不從枉也。世人之命恥者曰羞爲非也。然則二言果義歟非歟。吾見其有二維。未見其所以爲四也。夫不蔽惡者。豈不以蔽惡爲不義而去之乎。夫不苟得者。豈不以苟得爲不義而不爲乎。雖不從枉與羞爲非皆然。然則廉與恥義之小節也。不得與義抗而爲維。聖人之所以立天下曰仁義仁主恩義主斷。恩者親之斷者宜之。而理道畢矣。蹈之斯爲道德之斯爲德履之斯爲禮誠之斯爲信皆由其所之而異名。今管子所以爲維者殆非聖人之所立乎。又曰一維絕則傾二維絕則危三維絕則覆四維絕則滅。若義之絕則廉與恥其果存乎。廉與恥存則義果絕乎。人既蔽惡矣。苟得矣。從枉矣。爲非而無羞矣。則義果存乎。使管子庸人也。則爲此言。管子而少知理道則四維者非管子之言也。

大約三代以前議論渾朴不拘考于文義指其大

端如此而已。後世儒者則理義之說益精宜子厚之有以勝管子也。

歷代古文國瑋集卷之

古文國瑋集卷之十九

唐文卷九

歷代古文國瑋集卷之二十

康西方岳貢禹修許選

唐文

断刑論

柳宗元

余既爲斷刑論。或者以釋刑復于余。其辭云。余不
得已而爲之一言焉。夫聖人之爲賞罰者。非他所以
懲勸者也。賞務速而後有勸。罰務速而後有懲。必曰
賞以春夏。而刑以秋冬。而謂之至理者。僞也。使秋爲
善者。必俟春夏而後賞。則爲善者必怠。春夏爲不善者。

古文國朝集卷之二十一

廣文彙編

必俟春冬而後罰。則爲不善者必懈。爲善者怠。爲不善者懈。是毆天下之人而入于罪也。毆天下之人入于罪。又緩而慢之。以滋其懈怠。此刑所以不措也。必使爲善者不越月踰時而得其賞。則人勇而有勸焉。爲不善者不越月踰時而得其罰。則人懼而有懲焉。爲善者日以有勸。爲不善者日以有懲。是毆天下之人而從善遠罪也。毆天下之人而從善遠罪。是刑之所以措而化之所以成也。或者務言天而不言人。是惑于道者也。胡不謀之人心以熟吾道。吾道之盡而

古文國瑋集卷之二十

二 唐文卷二十

人化乎。是知蒼蒼者焉。能與吾事而暇知之哉。果以爲天時之可得順。大和之可得致。則全吾道而得之矣。全吾道而不得者。非所謂天也。非所謂大和也。是亦必無而已矣。又何必枉吾之道。曲順其時。以諂是物哉。吾固知順時之得天。不如順人順道之得天也。何也使犯死者。自春而窮其辭。欲死不可得。貫三木加連鎖。而致之獄。更大暑者數月。痒不得搔。痺不得搖。痛不得摩。飢不得時而食。渴不得時而飲。目不得瞑。支不得舒。怨號之聲。聞于里人。如是而大和之不傷。天時之不逆。是亦必無而已矣。彼其所宜得者。死而已也。又若是焉何哉。或者乃以爲雪霜者。天之經也。雷霆者。天之權也。非常之罪。不時可以殺人之權也。當刑者。必順時而殺。人之經也。是又不然。夫雷霆霜雪者。特一氣耳。非有心于物者也。聖人有心于物者也。春夏之有雷霆也。或發而震破巨石。裂大木。木石豈爲非常之罪也哉。秋冬之有霜雪也。舉草木而殘之。草木豈有非常之罪也哉。彼豈有懲于物也哉。彼無所懲。則効之者。惑也。果以爲仁。必知經書必領。

權是又未盡于經權之道也。何也。經也者常也。權也者達經者也。皆仁智之事也。離之滋惑矣。經非權則泥。權非經則悖。是二者強名也。曰當斯盡之矣。當也者大中之道也。離而爲名大中之器用也。知經而不知權。不知經者也。知權而不知經。不知權者也。偏知而謂之智。不智者也。偏守而謂之仁。不仁者也。知經者不以異物害吾道。知權者不以常人拂吾慮。合之于。一而不疑者。信于道而已者也。且古之所以言天者。蓋以愚虫出者耳。非爲聰明睿智者設也。或者之

未達不思之甚也。

法天者存其意而已。舜誅四凶。周公討管蔡。孔子殺少正卯。不知用何時何月。此可以破之。

辨侵伐論

柳宗元

春秋之說曰。凡師有鐘鼓曰伐。無曰侵。周禮大司馬九伐之法曰。賊賢害人則伐之。負固不服則侵之。然則所謂伐之者。聲其惡于天下也。聲其惡于天下。必有以厭于天下之心。夫然後得行焉。古之守臣有股。宣人之財。危人之生。而又害賢人者。內必棄于其人。外必棄于諸侯。從而後加伐焉。動必克矣。然猶技德而後舉。量力而後會。備三有餘。而以用其人。一曰義有餘。二曰人力有餘。三曰貨食有餘。是三者大備。則又立其禮。正其名。修其辭。其害物也小。則詰誓徵令。不過其鄰。雖大不出所暴。非有逆天地。橫四海者。不以動天下之師。故師不踰時。而功成焉。斯爲人之舉也。故公之公之。而鐘鼓作焉。夫所謂侵之者。獨以其負固不服。而墮王命也。內以保其人。外不犯于諸侯。其過惡不足暴于天下。致文告修文德。而又不變。然後以師問焉。是爲制命之舉。非爲人之舉也。故私之私之。而鐘鼓不作。斯聖人之所志也。周道既壞。兵車之軌。交于天下。而罕知侵伐之端焉。是故以無道而

正無道者有之。以無道而正有道者有之。不增德而
以逞威者。又有之。故世日亂。一變而至于戰國。而生
人耗矣。是以有其力。無其財。君子不以動眾。有其力
有其財。無其義。君子不以帥師。合是三者而明其公
私之說。而後可焉。嗚呼。後之用師者。有能觀其侵伐
之論則善矣。

以此解經。當令王鄭服其博識。

六逆論

柳宗元

春秋左氏言衛州吁之事。因載六逆之說曰。賤妨貴。
少陵長。遠間親。新間舊。小加大。淫破義。六者亂之本
也。余謂少陵長。小加大。淫破義。是三者固誠爲亂矣。
然其所謂賤妨貴。遠間親。新間舊。雖爲理之本可也。
何必曰亂。夫所謂賤妨貴者。蓋斥言擇嗣之道。子以
母貴者也。若貴而愚。賤而聖。且賢以是而妨之。其爲
理本大矣。而可捨之以從斯言乎。此其不可固也。夫
所謂遠間親。新間舊者。蓋言任用者之道也。使親而
舊者愚。遠而新者聖。且賢以是而間之。其爲理本亦
大矣。又可捨之以從斯言乎。必從斯言而亂天下。謂
之師古訓可乎。此又不可者也。嗚呼。是三者擇君置
臣之事。天下理亂之本也。爲書者執斯言著一定之
論。以遺後代。上智之人。固不惑于是。自中人而降。守
以爲大據。而以致敗亂者。固不乏焉。晉厲死而悼公
入。乃理宋襄嗣。而子魚退。乃亂貴不足尚也。秦用張
祿。而斥穰侯。乃安魏。相成。璜而疎吳起。乃危。魏不足
與也。符氏進王猛。而殺樊世。乃興胡。亥任趙高。而族

李斯乃滅舊不足恃也。顧所信何如耳。然則斯言殆可以廢矣。噫古之言理者罕能盡其說。建一言立一辭則兢兢而不安。謂之是可也。謂之非亦可也。混然而已。教于後世。莫知其所以去就。明者慨然將定其是非。則拘儒瞽生相與群而咻之。以爲狂爲怪。而欲世之多有知者可乎。夫中人可以及化者。天下爲不少矣。然而罕有如聖人之道。則因爲書者之罪也。左氏論其常而不論其變。子厚論其變而不論其常。故反之以相救也。

晉文公問守原議

柳宗元

晉文公既受原于王。難其守。問寺人。敎音教鞅音鞅切都黎以界趙衰。初危余謂守原政之大者也。所以承天子樹霸功。致命諸侯。不宜謀及音薛。近以忝王命。而晉君擇大任。不公議于朝。而私議于官。不博謀于卿相。而獨謀于寺人。雖或衰之賢。足以守國之政。不爲敗。而賊賢失政之端。由是滋矣。况當其時。不乏言議之臣。平狐偃爲謀臣。先軫將中軍。晉君疏而不咨。外而不求。乃卒定于內豎。其可以爲法乎。且晉君將襲齊桓之業。以翼天子。乃大志也。然而齊桓任管仲以興進。豎刁以敗。則獲原啓疆。適其始政。所以觀視諸侯也。而乃背其所以興。跡其所以敗。然而能霸諸侯者。以土爲大。以力則疆。以義則天子之冊也。誠畏之矣。烏能得其心服哉。其後景監得以相衛鞅。弘石得以殺望之。設之者晉文公也。嗚呼。得賢臣以守大邑。則問非失舉也。蓋失問也。然猶羞當時。陷後代。若此。况于問與舉。又兩失者。其何以救之哉。余故著晉君之罪。以附春秋許世子止趙盾之義。

此子厚深痛于宦官之禍而爲此論也當時任文之黨盡欲奪北衙之勢張南衙之權但其行事跡妄終以自敗然于國謀不可謂非正也

駁復讎議

柳宗元

臣伏見天后時有同州下邳人徐元慶者父爽爲縣尉趙師韞所殺卒能手刃父讎束身歸罪當時諫臣陳子昂建議誅之而旌其閭且請編之于令永爲國典臣竊獨過之臣聞禮之大本以防亂也若曰無爲賊虐凡爲子者殺無赦刑之大本亦以防亂也若曰無爲賊虐凡爲治者殺無赦其本則合其用則異旌與誅莫得而竝焉誅其可旌茲謂濫黜刑甚矣旌其可誅茲謂僭壞禮甚矣果以是示于天下傳于後代

古文國瑋集 卷之二十 十唐文卷十

趙義者不知所向違害者不知所立以是爲典可乎益聖人之制窮理以定賞罰本情以正褒貶統于一而已矣嚮使刺讎切其誠僞考正其曲直原始而求其端則刑禮之用判然離矣何者若元慶之父不陷于公罪師韞之誅獨以其私怨奮其吏氣虐于非辜州牧不知罪刑官不知問上下蒙冒額號不聞而元慶能以戴天爲大恥枕戈爲得禮處心積慮以衛讎人之胸介然自克卽死無憾是守禮而行義也執事者宜有慚色將謝之不服而又向誅焉其或元慶

之父。不免于罪。師韜之誅。不愆于法。是非死于吏也。是死于法也。法其可讎乎。讎天子之法。而戕奉法之吏。是悖驚而陵上也。執而誅之。所以正邦典。而又何旌焉。且其議曰。人必有子。子必有親。親親相讎。其亂誰救。是惑于禮也。甚矣。禮之所謂讎者。蓋其冤抑沉痛而號無告也。非謂抵罪觸法。陷于大戮。而曰彼殺之。我乃殺之。不議曲直。暴寡脇弱而已。其非經背聖。不亦甚哉。周禮調人掌司萬人之讎。凡殺人而義者。令勿讎。讎之則死。有反殺者。邦國交讎之。又安得親親相讎也。春秋公羊傳曰。父不受誅。子復讎可也。父受誅。子復讎。此推刃之道。復讎不除害。今若取此以斷兩下相殺。則令于禮矣。且夫不忘讎孝也。不受死義也。元慶既不越于禮。服孝死義。是必達禮而聞道者也。夫達禮聞道之人。豈其以王法爲敵讎者哉。議者反以爲戮。黷刑壞禮。其不可以爲典明矣。請下臣議。附于令。有斷斯獄者。不宜以前議從事。謹議。

若使王法既舉。則妄殺人者。天子得而殺之。又何讎之可復乎。然而周禮獨設調人之官者。誠恐後

世有不得其死之人。而王法有不及舉者。故立此一條。以戒凶人之禍。以申人子之情。而又恐其相殺無已也。故又爲之說曰。殺人而義者。令勿仇。察聖人立法之意。則柳子之言當矣。

種樹郭橐駝傳

柳宗元

郭橐駝不知始何名。病僂。隆然伏行。有類橐駝者。故鄉人號之橐駝。問之曰。甚善。名我固固。因捨其名。亦自謂橐駝云。其鄉曰豐樂鄉。在長安西。橐駝業種樹。凡長安豪富人爲觀游及賣果者。皆爭迎取養。視橐駝所種樹。或移徙。無不活。且碩茂。實以蕃。他植者雖窺伺傲慕。莫能如也。有問之。對曰。橐駝非能使木壽且孳也。能順木之天。以致其性焉爾。凡植木之性。其本欲舒。其培欲平。其土欲故。其築欲密。既然已。勿動勿

古文國瑋集

卷之二十

主唐文卷二十

慮去不復顧。其蒔也。若子其置也。若弃。則其天者全。而其性得矣。故吾不害其長而已。非有能碩茂之也。不抑耗其實而已。非有能蚤而蕃之也。他植者則不然。根拳而土易。其培之也。若不過焉。則不及。苟有能反是者。則又愛之太恩。憂之太勤。旦視而暮撫。已去而復顧。甚者。爪其膚以驗其生枯。搖其本以觀其疎密。而木之性日以離矣。雖曰愛之。其實害之。雖曰憂之。其實替之。故不我若也。吾又何能爲哉。問者曰。以子之道。移之官理。可乎。橐駝曰。我知種樹而已。理非吾

業也。然吾居鄉。見長人者好煩其令。若甚憐焉。而卒以禍。且暮吏來而呼曰。官命促爾耕。勸爾植。督爾穫。蚤繰而緒。蚤織而縷。字而幼孩。遂而雞豚。鳴鼓而聚之。擊木而召之。吾小人輟殫瘁以勞吏者。且不得暇。又何以蕃吾生而安吾性耶。故病且怠。若是。則與吾業者。其亦有類乎。問者曰。不亦善夫。吾問養樹得養人術。傳其事以爲官戒也。

此爲良吏而不知其術者言也。不然。園桑品屋。豈復有相憐之意乎。

古文國瑋集

卷之二十

主唐文卷二十

梓人傳

柳宗元

裴封叔之弟在光德里。有梓人欸其門。願備隙一作隙宇而處焉。所職尋引規矩繩墨。家不居斲斷之器。問其能曰。吾善度材。視棟宇之制。高深圓方。短長之宜。吾指使而羣工役焉。捨我衆莫能就一字。故食於官府。吾受祿三倍。作於私家。吾收其直。太半焉。他日入其室。其牀闕足而不能理。曰。將求他工。余甚笑之。謂其無能而貪祿嗜貨者。其後京兆尹將飾官署。余往過焉。委羣材。會衆工。或執斧斤。或執刀鋸。環立嚮之。梓人左持引。右執杖。而中處焉。量棟宇之任。視木之能。舉揮其杖曰。斧。彼執斧者奔而右。顧而指曰。鋸。彼執鋸者趨而左。俄而斤者斲。刀者削。皆視其色。俟其言。莫敢自斷者。其不勝任者怒而退之。亦莫敢愠焉。畫宮於堵。盈尺而曲盡其制。計其毫釐而構大厦。無進退焉。既成。書於上。櫺曰。某年某月某日某建。則其姓字也。凡執用之工。不在列。余圍視大駭。然後知其術之工大矣。繼而歎曰。彼將捨其手藝。專其心智。而能知體要者欤。吾聞勞心者役人。勞力者役於人。

古文園羣集

卷之二十

唐文卷二十

彼其勞心者欤。能者用而智者謀。彼其智者欤。是足爲佐天子相天下法矣。物莫近乎此也。彼爲天下者。本於人。其執役者爲徒隸。爲鄉師里胥。其上爲下士。又其上爲中士。爲上士。又其上爲大夫。爲卿。爲公。離而爲六職。判而爲百役。外薄四海。有方伯連率。郡有守。邑有宰。皆有佐政。其下有胥吏。又其下皆有胥夫。版尹以就役焉。猶衆工之各有執伎。以食力也。彼佐天子相天下者。舉而加焉。指而使焉。條其綱紀而盈縮焉。齊其法制而整頓焉。猶梓人之有規矩繩墨。以定制也。擇天下之士。使稱其職。居天下之人。使安其業。視都知野。視野知國。視國知天下。其遠邇細大。可手據其圖而究焉。猶梓人畫宮於堵而績于成也。能者進而由之。使無所德。不能者退而休之。亦莫敢愠。不銜能。不矜名。不親小勞。不侵衆官。日與天下之英才討論其大經。猶梓人之善運衆工而不伐藝也。夫然後相道得而萬國理矣。相道既得。萬國既理。天下舉首而望曰。吾相之力也。後之人循跡而慕曰。彼相之才也。士或談殷周之理者。曰。伊傅周召。其百執事

古文園羣集

卷之二十

唐文卷二十

之勤勞而不得紀焉。猶梓人自名其功而執用者不列也。太哉相乎。通是道者所謂相而已矣。其不知體要者。反此以恪勤爲公。以簿書爲尊。術能矜名。親小勞。侵衆官。竊取六職百役之事。聽魚聽聽於府庭。而遺其大者遠者焉。所謂不通是道者也。猶梓人而不知繩墨之曲直。規矩之方圓。尋引之短長。姑奪衆工之斧斤刀鋸以佐其藝。又不能備其工以至敗績。用而無所成也。不亦謬歟。或曰。彼主爲室者。倘或發其私智。牽制梓人之意。奪其世守而遺謀是用。雖不能成功。豈其罪耶。亦在任之而已。余曰不然。夫繩墨誠陳。規矩誠設。高者不可抑而下也。狹者不可張而廣也。由我則國不由我則圯。彼將樂去固而就圯也。則卷其術。默其智。悠爾而去。不屈吾道。是誠良梓人耳。其或嗜其貨利。忍而不能捨也。喪其制量。屈而不能守也。棟橈屋壞。則曰非我罪也。可乎哉。可乎哉。余謂梓人之道類於相。故書而藏之。梓人蓋古之審曲面勢者。今謂之都料匠云。余所遇者楊氏潛其名。余遊都下時。見一京朝官曰。朝廷放我深山十年。

讀書庶幾略曉天下事。今恨不可得其言。亦非欺余者。然余竊微議之。曰。是言也不可作宰相。或曰。宰相須讀書。子言何意也。余曰。今應博學宏材。科便可作此語耳。若作宰相。收攬天下之人才。以事天子。則天下人所讀之書。皆我之書也。又何必深山十年哉。此言偶有合于梓人傳者。故附述之。

劔門銘 并序

柳宗元

惟蜀都重險多貨混同戎蠻人尤俗剽嗜爲寇亂皇
帝元年八月帥喪衆暴羣疑不制妖孽煽行怙恃富
強滔天阻兵攻陷他部北包劔門憑負丘陵以張驚
猛堅利鋒鏑以拒大順謂雷霆之誅莫已加也惟梁
守臣禮部尚書嚴公以國害爲私離以天討爲已任
推仁仗信不待司死而人致其命立義抗憤不待喋
血而士一其心悉師出次祇俟明詔凡諸侯之師必
出于是儲峙饗資取其豐穰乃遣前軍嚴奉楊王
古文國瑋集卷之二十 唐文卷二十
誅誕告南土十一月右師逾利州蹈寇地乘山斬虜
以遏奔衝左師出于劔門大懷頑鄙論引劫脅蟻潰
鼠駭險無以固收奪利地以須王師剗剗腎腸振拔
根抵俾無以肆毒用集我勲力贊音墳鼓一振元戎啓
行取其渠魁以爲大戮由公忠勇憤憤授任堅明謀
猷弘長用能啓關險阨夷爲大塗衰沮害氣對乎天
意帝用休嘉議功居首增秩師長進爲大藩宅是南
服將校羣吏願刊山石昭著公之功垂號無窮銘曰
井絡坤垠時惟外區界山爲門環于蜀都叢險積貨

混并羌羣

戎侯切

狂猾窺隙信信

反魚巾

嘯呼憑據勢勝

厚其凶徒皇帝之仁宥而不誅暴非德馴害及巴渝
乃出王旅乃司列岳牧臣司梁當其要束器備攸積
親糧是蓄人無增賦師以饒足喋血誓士玄機在握
分命貔貅陳爲犄角右逾岷山左直劔門攻出九地
上披重雲攀天蹈空夷視阻難破裂層壘殄滅羣頑
內獲固圉外臨平原天兵徐驅卒乘嘽嘽他并切大整
因戮戎夏咸歡帝圖厥功惟梁是先開國進位南服
于藩邦之清夷人以完安銘功鑒亂永代是觀

古文國瑋集卷之二十

三 唐文卷二十

體

孟陽垂戒之文此是銘功之作雄雅不同各有其

武岡銘 并序

柳宗元

元和七年四月黔巫東鄙蠻獠竹枝切維擾盜弄庫
兵賊有守帥南鈞音減牂牁又音老外誘西原置魁立帥殺
牲盟誓洞窟林麓嘯呼成羣皇帝下銅獸符發庸蜀
荆漢南越東甌之師四面討問畏罪憑阻逃遁不卽
誅時惟潭部戎帥御史中丞柳公綽練立將校提卒
五百屯于武岡不震不騫如山如林告天子威命明
自信順亂人大恐視公之師如百萬視公之令如風
雷然號呻吟喜有攸訴投刃頓伏願完父子卒爲忠
信奉職輸賦進北華人無敢不冀母弟生壻繼來于
潭咸致天廷皇帝休嘉式新厥命兇渠同惡革面向
化如醉之醒如狂之寧公爲藥石俾復其性詔書顯
異進臨江漢益兵三倍爲時碩臣殿于大邦文儒申
申有此武功於是夷人始復聞公之去相與高蹈涕
呼若寒去裘昔公不夸首級爲已能力專務教誨俾
邪斯平我老洎勿由公之仁小不爲虺蜺大不爲鯨
鯢恩重事特不隨而遠莫可追已願銘武岡首以慰
我思以昭我類以示我子孫彌億萬年俾我奉國如

古文園華集 卷之二十

主唐文卷二十

今之誠鄰之我懷如公之勤其辭曰

黔山之噴巫水之磻魚駭而離獸犯而殘戶恐合窺
彼攘仍亂王師來誅期死以緩公明不疑公信不欺
援師定命俾邦克正皇仁天施我反其性我塗四闕
公示之門我愚抵死公示之恩既骨而完既亡而存
奉公之訓貽我子孫我如整賊由公而仁我始寇仇
由公而親山改澤獻銅輸賦于都陶穴刊木室我姻
族烹飪是祀公受介福撰著以占公宜百祿皇懋公
功陟于大邦遠哉去我誰嗣其良有允之丹有犀之
顛匪曰余固公不可賂視鄰之德恒遵公則勗余之
世永謹邦制南夷作詩刻示來裔
雄武肅清足以揚聲銅柱矣

古文園華集 卷之二十

主唐文卷二十

湘源二妃廟碑

柳宗元

元和九年八月二十日。湘源二妃廟。司功掾守令彭城劉知剛。主簿安邑衛之武。告于州刺史御史中丞清河崔公。能祗栗厥戒。會群吏。澤求工。發開元詔書。懼廢守祀。搜孝嘉羨。切而均節委積。咸執績幸。至于祠下。稽虔從恭。既備。傭役惟時。斬木于上游。陶埴于水涯。迺浮通載。工逸事遂。作貌顯嚴。梁然而威。十有一月庚辰。陳奠薦辭。立石于廟門之宇下。惟父子夫婦人道之大。大哉二神威極其會。爲子而父。堯爲古文國華集卷之二十

唐文卷二十

婦而夫舜。齊聖並明。粥成授受。內若昭替。上承輝光。克艱以久。德罔不至。帝既野死。神亦不返。食于茲川。古有常典。岐後爰即吳薛。恢宣淑靈。敢或失職。以奸音天刑。有翼其躬。有茲其馨。沉牲爰告。卽石是銘。銘曰。淵懿承聖。舜妻堯女。德形嬌納。神位湘澨。揆茲有初。克碩厥宇。唐命秩祀。茲邑攸主。毛牲既驅。音椒馨爰音幣。胤于萬年。期保伊祐。潛火燭孽。施于融風。神用播遷。時罔克龔。邑令群吏。告于君公。廉用積餘。以就爾

功。梓木負埴。載流于江。既夷以成。崇宇峻墉。繁凝清閒。左右率從。神樂來歸。徒御雍雍。神既安止。邦人載喜。奉其吉玉。以對嘉祉。南風淅淅。湘水如舞。將子無譴。神聽鍾鼓。豐其交報。邦邑是與。刻此樂歌。以極終古。

狀彼廟貌。肅然穆清。不止縹緲雲旗而已也。

古文國華集卷之二十

唐文卷二十

箕子碑

柳宗元

凡大人之道有三。一曰正蒙難。二曰法授聖。三曰化及民。殷有仁人曰箕子。實具茲道以立于世。故孔子述六經之旨。尤殷勤焉。當紂之時。大道悖亂。天威之動不能戒。聖人之言無所用。遭死以併命。誠仁矣。無益吾祀。故不為委身以存祀。誠仁矣。與音忘吾國。教不忍。具是二道。有行之者矣。是用保其明哲。與之偕仰。晦是恭範。辱于囚奴。昏而無邪。憤而不息。故在湯曰。箕子之明夷。正蒙難也。及天命既改。生人以立。乃古文開華集卷之二十一 唐文宗元出大法。用為聖師。周人得以序藝倫。而立大典。故在書曰。以箕子歸作洪範。法授聖也。及封朝鮮。音惟道訓俗。惟德無陋。惟人無遠。用廣殷祀。俾夷為華。化及民也。率是大道。蒙于厥躬。天地變化。我得其正。其大人歟。於虜當其周時。未至殷祀。未殄比干。已死微子。已去向使紂惡。未稔而自斃。武庚念亂。以圖存國。無其人。誰與典理。是固人事之或然者也。然則先王隱忍而為此。其有志于斯乎。唐某年作廟於郡。歲時致祀。嘉先生獨列于易象。作是頌云。

蒙難以正。授聖以蕃。宗祀用繁。夷民共蘇。懲宥大人。顯晦不渝。聖人之仁。道合隆汙。明哲在躬。不陋為奴。沖讓居禮。不盈稱孤。高而無危。卑不可踰。非死非去。有懷故都。時詘而伸。卒為世模。易象是列。文王為徒。大明宜昭。崇祀式孚。古闕頌辭。繼在後儒。

古文開華集卷之二十一

唐文宗元

道州文宣王廟碑

柳宗元

謹按某年月日儒師河東薛公伯高由尚書刑部郎中爲道州明年二月丁亥公用牲幣祭于先聖文宣王之廟夜漏未盡三刻公玄冕以入就位于庭惕焉深惟夫子之祀爰自京師太學徧于州邑遐闊僻陋咸用斯時致奠展誠宿燎設懸鐔俎旂章粲穆布列周天之下嗚呼夫子之道閎肆尊顯二帝三王其無以侔大也然其堂庭庫陋椽棟毀墜曾不及浮圖外說克壯厥居水潦仍至歲如蕩沃公感然不寧若用

古文園華集卷之二十 唐文卷十

獲承既祭而出登墉以望爰得美地豐衍端夷水環以流有類宮之制是日樹表列位由禮考宜然後節用以制貨財乘時以儆功役逾年而克有成廟舍峻整階序廓大講肄之位師儒之室立廩以周食圖哇以毓疏樅其子毋贏且不竭由是邑里之秀民感道懷和更來門下咸願服儒衣冠由公訓程公攝丞登席親釋經旨不論本統父慶其子長勵其幼化用典行人無諍訟公又曰夫子稱門弟子顏回爲庶幾其後從于陳蔡亦各有號言出一時非盡其徒也于後

失厥所謂妄異科第坐祀十人以爲哲豈夫子志哉余案月令則曰釋奠于先聖先師國之故也乃立夫子像配以顏氏邇豆既嘉笙鏞既成九年八月丁未公祭于新廟退考疑義令以燕饗萬民翼翼觀禮識古于是春秋師晉陵蔣堅易師沙門凝智助教某學生某等來告願刻金石明夫子之道及公之勤惟夫子極于化初冥于道先群儒咸稱六籍具存苟贊其道若譽天地之大褒日月之明非愚則惑不可犯也惟公探夫子之志考有國之制先施慶典章正道

古文園華集卷之二十 唐文卷十

本俾是荒服移爲闕里在周則魯侯申能修類宮詩有其歌在漢蜀守文翁能首儒學史有其贊今公法古之大同于魯化人之艱侔于蜀蓋銘茲德以告于史氏而刊之茲碑銘曰

荆楚之陽厥服惟荒民鮮由仁帝降其良振音振薛公惟德之造赤旂金節來蒞于道師儒咸會嘉有攸告吉日丁亥獻于類宮庭燎伊煌有煥其容公升于位心莫不恭爰念聖祀徧于海邦服冕陳器州邑攸同感忻以歆思報聖功一遷于嘉惟吉之達灼灼其

原既夷且大。渙渙其流。實環于外。作廟有嚴。昭祀顯。
配。繫絃器用。觀禮斯會。布筵依位。作廩伊秩。以豐其。
儀。以壯其室。新宮既成。崇報孔明。于古有經。公粹厥。
誠。邦民之良。弁服是纓。公躬講論。虔默以聽。公降酬。
酢。進退齊平。柔肌洽體。莫不克盈。帶歡于心。父子弟。
兄。欽惟聖王。厥道無涯。世有頌辭。益疚其多。公斯考。
禮。民感休嘉。從于魯風。祇以詠歌。公錫于天。眉壽來。
加。公賚于王。休命是荷。師于辟雍。大邦以和。侑酌申。
申。王道式訖。諸儒作詩。思繼蘋水。丕揚厥聲。以告太。

古文圖彙

卷之二十

元唐文卷二十

史

不贊孔子而贊新廟之人極有理體

歷代古文國瑋集卷之二十

歷代古文國瑋集卷之二十一

塞西方岳貢禹修評選

唐文

柳州文宣王新修廟碑

柳宗元

仲尼之道與王化達通。惟柳州古爲南夷。椎髻卉裳。
攻劫鬪暴。雖唐虞之仁。不能柔。秦漢之勇。不能威。至。
于有國。始循法度。置吏奉貢。咸若采衛。冠帶憲令。進。
用文事。學者道堯舜。孔子如取諸左右。執經書。引仁。
義。旋辟唯諾。中州之士。時或病焉。然後知唐之德大。
古文圖彙 卷之二十一 唐文卷二十一
以遐孔子之道尊。而明元和十年八月。州之廟屋壞。
幾毀神位。刺史柳宗元始至。大懼不任。以墜教基。丁。
未。奠薦法齊時事。禮不克施。乃令初亞終獻。三官衣。
布。洎于贏財。取土木金石。徵工僦功。完舊益新。十月。
乙丑。王宮正室成。乃安神棲。乃正法庭。祇會群吏。卜。
日之吉。虔告于王。靈曰。昔者夫子嘗欲居九夷。其時。
門人猶有惑聖言。今夫子代千有餘載。其教始行至。
于是。邦人去其陋。而本于儒孝父忠君言及禮義。又。
况巍然炳然。臨而災之乎。惟夫子以神道設教。我今。

罔敢知。欽若茲教以寧其神。追思告誨。如在于前。苟神之在。曷敢不虔。居而無陋。罔貳昔言。申陳嚴祀。永是尊麗。牲有碑刻。在廟門。
是柳州夫子廟碑不可輕易

終南山祠堂碑

并序

柳宗元

貞元十二年夏。洎秋不雨。穡人焦勞。嘉穀用虞。皇帝使中謁者。禱于終南。申命京兆尹韓府君。祇飾祀事。考視祠制。以爲棟宇不稱。宜有加飾。遂命墊屋。令裴均。虔承聖謨。初制祠堂。乃徵土工木工石工。備器執用。來會祠下。斬板輪。鑿柱礎。陶甓甍。築垣墉。恢度舊制。立三筵六尋。既興功。玄雲觸石。霈澤周被。植物擢茂。期于豐登。神道感而宜靈。人心歡而致和。嘉氣充溢。林路布野。于是邑令僚吏。至于胥徒。黃髮青艾。野

夫版尹。僉曰。蓋聞名山之列天下也。其有能奠方域。產財用。典雲雨。考于祭法。宜在祀典。惟終南據天之中。在都之南。西至于褒斜。又西至隴首。以臨千戎。東至于商顏。又東至于太華。以距于閼。實能作固以屏王室。其物產之厚。器用之山。則璆琳琅玕。夏書載焉。紀堂條枚。秦風詠焉。今其神又能對于禱祝。化荒爲穰。易沴爲和。厥功章明。宜受大禮。俾有憑託。而宜其烈也。非我后敬神重穀。則曷能發大號。尊明靈。非我公勤人奉上。則曷能對休命。作新廟。人事既備。神

用時若。豐我公田。遂及我私。粢盛無虞。儲時用克。猷猷茂哉。遂相與東向踏舞。拜手稽首。願頌帝力。且宣神德。永著終古。辭曰。

皇帝垂德制定統極神道泰寧祀典修飾禳祈榮音

雪皆有準程頤惟終南祠位庳陋不稱顯名爰降制

詔。寬大厥宇。啓寤誠明。昭感神衷。道宣天休。獲此利

貞篤災愆。陽化爲豐。稼實我秦。盛人賴蓄。給鼓腹而

歌以樂其生。巍巍靈山興，和聲興作區。錦京擬其嘉。

休看神千人永宅
賜靈功
新賜靈心
端非神仁
齊

清後祀承則、紫心勤禮導暢純精。邑吏嚮夫、音鮒音背。

鯉齒願垂表經頌。宜聖德篆刻金石永世飛聲。

敦實茂鬱足配名山

1

唐故朝散大夫永州刺史崔公墓誌
柳宗元

維元和五年九月十五日壬子永州刺史崔公薨于

位享年六十八乙未殞於路寢景寅遷神于舟以某

年某月日歸葬于某縣某原。祔于皇考吏部侍郎贈

戶部尚書府君之墓尚書諱瀚玄宗南巡內禪聖嗣

府君以詔畫定命起一旅以復天下厥功勳烈尚書

之先曰貴鄉主則力富少邪所君詩云美力富之夕

目楊州某承世德之清源。後之以編纂。以端其志。采

古文國瑋集 卷之二十一 五 唐文卷五

羣言之枝葉。植之以茂實。以修其能。始由右千牛備

身佐環衛更盤音屋音三原藍田尉仍有大故三徒

同位。繼授許州臨潁汝州龍興令。推以直道。二邑齊

風哥舒曜尹河南鯨冠猾驚黎人播越表公尉河南

糗糧芻茭戎備畢給版圖田漁民事時又遷揚州錄

事參軍實吳楚之大都會也。政令煩拏。貢奉繁富。一

日不聶銷譙四至公爲之優游有祿長史言征壯之

與之相。謂異族。爲大子。言諒。則拜。歸州。轉。興。僉。端。卑。人。願。爲。扶。古。城。隍。理。公。克。有。聲。遷。永。州。刺。

蘇門答剌人葬其骨下飲其乳今之不死

史朝散大夫。惟是南楚風浮俗鬼。尸爲胥徒。家有穢
梗音梗。大者虐鰥孤以盜邦賦。毆愚蒙以神詭言。悖于
 政經。莫有禁禦。公於是修整部吏。黜侵凌。平漁者數
 百人。以付信于下。而征貢用集。擒戮妖師。毀蕝蒿淫
 昏者千餘室。以舉正羣柱。而田間克和。寬以容物。直
 以率下。邦人方安其理。搢紳猶鬱其望。體魄遽降。哀
 何有窮。嗚呼。公前夫人徐州參軍榮陽鄭鉅女。有子
 曰義和。早夭。後夫人萬年尉范陽盧彤女嘉淑之德。
 繼聞宗族。有子曰貽哲。貽儉。克承于家。洎公之兄子
 古文國璋集卷之二十一
 六唐文卷三
 曰勵曰禮。誠願志于墓。無忘公之德。銘曰。
 孰爲德門。清河濤源。遠哉法法。世有顯懿。揚其清芬。
 煥炳增華。昭于後昆。惟魴與鯉。舊史是尊。孰爲茂功。
 尚書清風。藹其有融。勃焉而興。披草從龍。布令諸夏。
 敷和六戎。赫矣太陽。克昇于中。孰爲惠政。公嗣餘慶。
 形于誼咏。小程其功。大遂其性。點吏是省。妖風以正。
 于邑于邦。哀揚休命。孰爲遺愛。公去昭代。邦人斯每。
音每。始焉是賴。今也何戴。孰莖我公。于洛之會。何以銘
 之。徽音不昧。

其豐不淳其削不鏤允爲傑構

唐故中散大夫檢校國子祭酒兼安南都護御史中丞充安南本管經略招討處置等使上柱國武城縣開國男食邑三百戶張柳宗元

漢光中典馬援雄絕域之志晉武一統陶璜布殊俗之恩理隨德成功與時並今皇帝載新景命不冒海隅特惟公祇復厥績交趾之理續于前人公諱某字某某郡人也曾祖彥師朝散大夫尚書駕部郎中祖瑾懷州武德縣令考清朝議郎試大理寺丞贈右贊善大夫咸有懿美積為餘慶公以忠肅循其中以文

古文國瑋集卷之二十一

唐文卷五

術昭于外推經旨以飾吏事本法理以平人心始命斬州斬春主簿音會切敏給厥聲顯揚仍以左領軍衛兵曹為安南經略巡官申固扞衛有聞彰徹轉金吾衛判官三歷御史積用弘大揚于天庭加檢校尚書禮部員外郎換山南東道節度判官復轉郎中為安南副都護賜紫金魚袋充經略副使遷檢校太子右庶子兼安南都護御史中丞充本管經略招討處置等使公自為吏習於海邦凡其比較勤勞利澤長久去之則夷音賜稱亂復至而寇獲順化及

受命尋征得陳嘉謀警拔禍本納於夷軌乃命一其貢奉平其歛施牧人盡區處之方制國備刑體之法道阻而通百貨地偏而具五人儲備音堆委積師旅無庚癸之呼善完板幹控帶兼戊巳之位文單環王怙力背義公於是陸聯長轂海合鯨鯨再舉而克殄其徒廓地數圻以歸於我理易蠻酋帥負險蔑德公於是外中皇威旁達明信一動而悉朝其長取州二十以被於華風易皮弁以冠帶化姦究為誠敬皆用周禮率由漢儀公患浮海之役可濟可覆而無所恃乃

古文國瑋集卷之二十一

唐文卷五

列連易以開坦途鬼工來并人力罕用沃日之大求成通溝摩霄之阻音他力切為高岸而終古蒙利公思疆場之制一彼一此而不可常乃復銅柱為正制鼓鑄既施精堅是立固圉之下明若白黑易野之守險逾丘陵而萬世無虞奇琛良貨溢于王府殊俗異類盈于葉街優詔累族其忠良太史嗣書其功烈就加國子祭酒封武城男食邑三百戶凡再策勲至上柱國三增秩至中散大夫某年月薨于位年若干天子震悼傷辭有加明年其孤某官與宗人號奉崇帷率

其家老。容于叔父延唐令某。卜宅于潭州某原。葬用某月某日。人謀皆從。龜兆獲吉。乃刻茲石。著公之閭。以志于立窆。樞親充以告于幽明。銘曰。

周限荆衡。秦開百粵。交州之治。炎劉是設。德大來服。道消自絕。伏波南征。漢威載烈。宛陵北附。晉政爰發。我唐流澤。光于有截。皇帝中興。武城授鉞。肅肅武城。惟夫之哲。更歷毗贊。顯揚彰微。既受休命。秉茲峻節。度其謀猷。守以廉潔。厚農薄征。匪貳匪兼。通商平貨。有來胥說。踐止跨海。堅其鵠列。制器足兵。演茲蟻結。

古文圖章集卷之二十一

易蠻屈服。文華翦滅。秦建開疆。會朝天國。銅柱乃復。環山以誓。敷切海無遠迹。音冠罔踰越。琛賁音之獻。周于窮髮。帝嘉成德。載旌茂閭。增秩策勳。土封斯裂。位厄元侯。年虧大耋。邦人號呼。夷裔悽咽。卜葬長沙。連岡啓穴。書銘薦辭。德音罔缺。體作比偶。而意自磔張。

先大夫河東縣太君歸附誌 柳宗元

先大夫姓盧氏。諱某。世家涿郡。壽止六十有八。元和元年歲次丙戌五月十五日棄代于永州零陵佛寺。明年某月日安柩于京兆萬年棲鳳原。先侍御史府君之墓。其孤有罪銜哀待刑。不得歸奉喪事。以盡其志。姪泊太夫人兄之子弘禮承事焉。嗚呼。天平太夫。八有子不令。而陷于大僇。從播屬土。醫巫藥膳之。不具。以速天禍。非天降之酷。將不幸而有惡子。以及是也。又今無適音的主。以葬天地有窮。此克無窮。既舉葬。

古文圖章集卷之二十一

紉直忍切猶以不孝之辭。擬述先德。且志其酷焉。嘗述事伯舅。聞其稱太夫人之行以教。曰。汝宜知之。七歲通毛詩及劉氏列女傳。斟酌而行。不墜其旨。汝宗太家也。既事舅姑。周睦姻族。柳氏之孝仁益聞。歲惡少食不自足。而飽孤幼。是良難也。又嘗侍先君有聞。如舅氏之謂。且曰。吾所讀舊史及諸子書。夫人聞而書知之。無遺者。某始四歲。居京城西田廬中。先君在吳家無書。太夫人教古賦十四首。皆諷傳之。以詩禮圖史及剪製縷結授諸女。及長。皆為名婦。先君之仕也。

伯母叔母姑姊妹子姪。雖遠在數千里之外。必奉迎以來。太夫人之承之也。尊已者。儆之如臣事君。下已者。慈之如母畜子。敵已者。友之如兄弟。無不得志者也。諸姑之有歸。必廢寢食。禮既備。嘗有勞疾。先君將收葬王父母。太夫人泣以莅事。事既具而大故及焉。不得成禮。既得命於朝。祇奉教曰。汝忘大事乎。吾冢婦也。今也宜老而唯是。則不敢暇抑。將任焉。苟有日。吾其行也。及命爲邵州。又喜曰。吾願得矣。竟不至官。而及于罪。是歲之初。天子加恩羣臣。以宗元任御史。古文國璋集卷之二十一 主唐文卷三十一

尚書郎封太夫人河東縣太君。八月。會冊太上皇后。于興慶宮。禮無違者。既至永州。又奉教曰。汝唯不恭。憲度。既獲戾矣。今將大儆于後。以蓋前惡。敬懼而已。苟能是吾何恨哉。明者不悼往事。吾未嘗有戚戚也。而卒以無孝道。不能有報焉。喪主子婦七歲而不果娶。窳窮微人多疾殃。炎暑燄蒸。其下卑濕。非所以養也。譎視無所問。藥石無所求。禱祠無所實。蒼黃叫呼。遂遭大罰。天乎神乎。其忍是乎。而獨生者誰也。爲禍爲逆。又頑狠而不得死。逾月逾時。以至于今。靈車遠

去而身獨止。玄堂暫開而目不見。孤囚窮窮。魄逝心壞。蒼天蒼天。有如是耶。有如是耶。而猶言猶食者。何如人耶。已矣。窮天下之聲。無以舒其哀矣。盡天下之辭。無以傳其酷矣。刻之堅石。措之幽陰。終天而止矣。哀痛之深。使人不欲數讀。

唐故特進贈開府儀同三司揚州大都督南府

君睢陽廟碑并序

柳宗元

急病護夷義之先。國國忘死。貞之大利。合而動。乃市
質之相求。恩加而感。則報施之常道。睢陽所以不階
王命。橫絕凶威。超千祀而挺生。亦百代而特立者也。
時惟南公。天與奉勇。神資机智。熟窮百中。豪出千人。
不遇與詞。鬱龍眉之都尉。數奇見惜。挫援臂之將軍。
天寶末。寇劇。憑陵。突河華。天旋虧斗極之位。地圯
積狐狸之穴。親賢在庭。子駿陳墓。以佐命。元老用武。

古文國華集卷之二十

古唐文卷五

夷甫委師而勸進。惟公與南陽張公巡高陽許公遠。
義氣懸合。許謀大同。誓鳩武族。以遏橫潰。言裂裳而
千里來應。左袒而一呼皆至。柱厲不知而死難。復暉
尺莖式見斥而奔師。忠謀助然。萬夫齊力。公以推讓。
忍二切。見斥而奔師。忠謀助然。萬夫齊力。公以推讓。
且專奮擊。為馬軍兵。馬使出戰。則群技同強。入守而
百雉齊固。初據雍丘。謂非要害。將保江淮之臣庶。通
南北之奏復。拔我義類。扼于睢陽。前後捕斬要逆。凶
氣連沮。漢兵已絕。守疏勒而彌堅。虜騎雖強。頓肝胎
音而不進。賊徒乃弃疾于我。恐衆合圍。技雖窮于九

揚州傳烈
更精爽

攻志益專。于三板偏陽懸布之勁。汗城鑿穴之奇。

息意牽羊。羞鄭師之大臨。聲去甘心易子。郗宋臣之病。

告諸侯環顧而莫救。國命阻絕而無歸。以有盡之疾。

人敵。無已之強寇。公乃躍馬潢園。馳出萬衆。抵賀蘭。

進明乞師。進明乃張樂侑食。以好聘待之。公曰。弊邑

父子相食。而君辱以燕禮。獨何心歟。乃自噬其指。曰。

噉此足矣。遂痛哭而返。即死孤城。首碎秦庭。終情無

衣之賦。身離楚野。徒傷帶劍之辭。至德二年十月。城

陷。遇害。無傳製之歎息。有周苛之慷慨。聞義能徙。果

古文國華集卷之二十

主唐文卷五

其初心。烈士抗詞。痛滅洪之同日。直臣致憤。惜蔡恭
于累旬。朝廷加贈。特進揚州都督。定功為第一等。與
張氏許氏竝立。廟睢陽。歲時致祭。男在繼祿。皆受顯
秩。賜之土田。葬刻鮑信之形。陵圖龐德之狀。納官其
子。見勾踐之心。羽林字孤。知孝武之志。舉門開于周
典。徵印綬於漢儀。王猷以光。寵錫斯備。於戲睢陽之
事。不惟以能死為勇。善守為功。所以出奇以恥敵。立
性以怒寇。俾其專力于東南。而去備于西北。力專則
堅。城必陷。備去則天討可行。是故即城陷之辰。為克

敵之日。世徒知力保于江淮。而不知功靖乎醜虜。論者或未之思歟。公諱霽雲。字某。范陽人。有子曰承嗣。七歲爲婺州別駕。賜緋魚袋。歷施涪音二州。服忠思孝。無替負荷。懼祠宇久遠。德音不形。願斷堅石。假辭紀美。惟公信以許其友。剛以固其志。仁以發其肌。勇以振其氣。忠以摧其敵。烈以死其事。出乎內者。合于貞行乎外者。貫于義。是其所以奮百代而超千祀者矣。其志不亦宜乎。廟貌斯存。碑表攸託。洛陽城下。思鄉之夢。儻來麒麟閣中。卽圖之詞。可繼銘曰。

古文國瑋集卷之二十一

太清文卷二十一

貞以圖國。義惟急病。臨難忘身。見危致命。漢寵死事周崇。死政烈烈。南公忠出其性。控扼地利。奮揚兵柄。東護吳楚。西臨周鄭。焚焚群凶。害氣彌盛。長蛇封豕。踴躍不定。屹彼睢陽。制其要領。橫潰不流。疾風斯勁。梯衝外舞。缶穴中偵。丑正切鈴馬非艱。析骸猶競。浩浩烈士。不聞濟師。兵食殲焉。守逾三時。公奮其勇。單車載馳。投軀無告。噬指而歸。力窮就執。猶抗其辭。主壁可碎。堅貞不虧。寇力東盡。兇威西慙。女六切孤城旣拔。渠魁受戮。雷霆之誅。由我而速。巢穴之固。由我而覆。

江漢淮湖。群生咸育。倬焉勳烈。孰與齊躡。天子震悼。陟是元功。旌褒有加。命秩斯崇。位尊九牧。禮視三公。建茲祠宇。式是形容。牲牢伊碩。黍稷伊豐。虔虔孝嗣。望慕無窮。刊碑河許。萬古英風。碑版之文。不嫌駢耦。而韓柳以古文力脫之。此則其猶存時製者也。

古文國瑋集卷之二十一

太清文卷二十一

唐故萬年令裴府君墓誌

柳宗元

公諱璿字封叔河東聞喜人太尉公諱行儉實高祖
侍中公諱光庭實曾祖刑部員外郎府君諱璘實祖
大理卿府君諱儼實父公由進士上第授書崇文館
飭館事修整左春坊由是立署局後參京兆軍事按
覆校巡大尹恒得以取直為太常主簿搜選疑互探
抉隱隱宿工老師不得伏匿皆求會堂下耆服肱役
喉喙以集樂事作生立二部伎圖卿奇其績奏超以
為丞司空杜公聯奉崇陵豐陵禮儀再以為佐雖紛

古文國事集卷之二十一

太唐文卷二十一

龍道滯塞關百執事修直顯遂司空拱手以成自開
元制禮諱去國恤章累聖陵寢皆因事肇綴取一切
乃已有司卒無所徵公乃撰二陵集禮藏之南閣轉
殿中侍御史仍拜尚書比部員外郎會校成要恭歲
畢具刺金州決高施隙去人水禍清莠原茅闢成稻
梁陟萬年令叢劇辨肅談宴終日人視之若居冗官
然會金州猾吏來揚言恐喝以煩瑣事曰不得三十
萬吾能為禍公大怒召罵之恣所為吏巧以聞御史
按章具獄再謫道州循州為左掾會赦量移吉州長

史元和十二年七月日病殆詩歲泄卒始公以唯諾切

聞長安中奔人危急輕出財力如索水火性閑蕩進
交大官不視齒頰挾同列收下輩細天畢歡喜博奕
知聲音飲酒甚少而工於紉繡謠舞擊琴升俗纖肩切
促密皆曲中節度而終身不以酒氣加人畫接人事
夜讀書考禮收拙策牘未嘗釋手以是重諸公間初
娶范陽盧氏無子後夫人柳氏德為九族冠生三男
子喪其二焉貞元十六年某月日卒祔于長安御宿
之北原家子銑奉柩以明年月日克塋于墓銑以文

古文國事集卷之二十一

九唐文卷二十一

書來柳州告其叔舅宗元願碣于墓左則涕為之銘
其辭曰
有辭其聲惟裴之卿世服大僚仍耀烈名封叔申之
實惟其英儲書宮闈佐職于京太常命吏以能增秩
相儀考禮大弁斯畢鳩工展伎爰備聲律或圖或書
藏之府室史于柱下即於會司微循以周大比是宜
作牧于金金人允懷滿防漢詩切都念沃卒移增我
歲食易其芋魁游手閒民相傾聚來徵為萬年治劇
于都百務叙成談宴以娛誰恤誰恃不忍悍吏胡巧

其辭。按章以遂。由道斥循。施施三年。更敘進資。廬陵是遷。人曰世德。宜慶于延。又曰良能。宜力之宣。朝天大賚。期賜其還。鬼神不享。命隕在前。長原有墓。高曾祖父。淑靈是祔。封叔爰歸。左右惟具。孤銑磨石。祈辭海甌。遂升其跌。子道之周。能述細瑣。不見贅積。

國子司業陽城遺愛碣

柳宗元

四年五月皇帝以銀印赤紱。卽隱所起陽公爲諫議大夫。後七年延諍懇至。累日不解。帝尤嘉異。遷爲國子司業。旌直優賢。道光師儒。又四年九月己巳。出拜道州刺史。太學生曾郡李儋。廬江何蕃等百六十人。投業奔走。稽首闕下。叫聞願天。願乞復舊。朝廷重更其事。如己巳詔。翌日會徒。北嚮如初。行至延喜門。公使追奪其章。遮道願罷。遂不果獻。生徒嗷嗷。顧眄徘徊。昔公之來。仁風扇揚。暴傲革面。柔輒有立。聽聞嘉

言樂甚。鍾鼓瞻仰。德宇高逾。嵩岱及公當職施政。示人準程。良士勇善。僞夫去飾。情者益勤。誕者益恭。沉酣酒。斥逐郊遂。違親三歲。罷退鄉黨。令未及下。乞歸就養者二十餘人。禮順克彰。孝悌以興。則又講貫經籍。俾達奧義。簡習孝秀。俾極儒業。冠屨裳衣。由公而嚴。進退揖讓。由公而儀。公征其選。吾黨誰師。遂相與咨度。署吏布告諸儒。願立貞珉。俾高狀明。乃訪于學古之士。紀公名字。垂憲于後。公名城字元宗。家于北平。隱于條山。惟公端粹冲和高。嶷懿醇。道德仁明。

孝愛友悌。薰襲里閭。布聞天下。守節貞固。患難不能。遷其心。怡性坦厚。榮位不足動其神。為司諫義震于周行。為司業愛加于生徒。宜乎立石俾後是憲其辭。曰。

惟茲陽公。殷道保醇。爰初隱聲。覆篋基仁。德充而形。乃作諫臣。抗志勵義。直道是陳。帝求師儒。貳我成均。開朗蒙滯。宣明德教。太和潛布。玄機密照。羣生聞禮。後學知孝。進退作則。動言是効。匪公之軌。人用奚蹈。鹿厲貪凌。待公順之。欺偽謫詐。待公信之。少年申申。

古文國建集卷之二十一

主唐文卷二十一

咸適其宜。梗楚廢弛。尊嚴而威。公褒其良。俾升于堂。癯者既肥。榮如袞衣。公棄不用。懲咎內訟。既訟于內。猶公之誨。匪仁孰親。匪德孰尊。今公于征。孰表儒門。生徒上言。稽首帝閣。謂天蓋高。曾莫我聞。青衿涕濡。填街盈衢。遠送于南。望慕踟躕。立石書德。用揚懿則。嗚呼斯文。遺愛罔極。

師儒之文。取易冗腐。此獨鏘玲有金石之響。

故御史周君弼

柳宗元

有唐貞臣汝南周氏諱某字某以諫死。塋于某貞元十二年。柳宗元立碣于其基左。在天寶年有以諂諛至相位。賢臣放退。公為御史抗言。以白其事。得死于墀下。史臣書之。公之死而佞者始畏公議。於唐古之不得其死者眾矣。若公之死。志斥王國。氣震姦佞。動獲其所。斯蓋得其死者歟。公之德之才。洽於傳聞。卒以不試。而獨申其節。猶能奮百代之上。以為世軌。第令生於定哀之間。則孔子不曰未見剛者。出於秦楚。古文國建集卷之二十一主唐文卷二十一

為字不多而慨感悲悼已至

祭呂衡州溫文

柳宗元

維元和六年歲次辛卯九月癸巳朔某日友人守永州司馬員外置同正員柳宗元謹遣書吏同曹家人襄兒奉清酌庶羞之奠敬祭于呂八兄化光之靈嗚呼天乎君子何厲天實仇之生人何罪天實讎之聰明正直行為君子天則必速其死道德仁義志存生人天則必夭其身吾固知蒼蒼之無信莫莫之無神今於化光之歿怨逾深而毒逾甚故復呼天以云云天乎痛哉堯舜之道至大以簡仲尼之文至幽以默

古文國璋集卷之二十一

唐文卷二十一

千載紛爭或失或得倖乎吾兄獨取其直貫于化始與道咸極推而下之法度不忒旁而肆之中和允塞道大藝備斯為全德而官止刺一州年不逾四十佐王之志沒而不立豈非修正直以召災好仁義以速咎者耶宗元幼雖好學晚未聞道泊乎獲友君子乃知適於中庸削去邪雜顯陳直正而為道不謬兄實使然嗚呼積乎中不必施於外裕乎古不必諧於今二事相勘從古至少至於化光最為大甚理行第一尚非所長文章過人略而不有風志所蓄巍然可知

貪愚皆貴險狠皆老則化光之天厄反不榮歟所慟者志不得施蚩蚩之民不被化光之德庸庸之俗不知化光之心斯言一出內若焚裂海內甚廣知音幾人自友朋彫喪志業殆絕唯望化光伸其宏略震耀昌大興行於時使斯人徒知我所立今復往矣吾道息矣雖其存者志亦死矣臨江大哭萬事已矣窮天之英貫古之識一朝去此終復何適嗚呼化光今復何為乎止乎行乎昧乎明乎豈蕩而為大空與化無窮乎將結而為光耀以助臨照乎豈為雨為露以澤下土乎將為雷為靈以泄怨怒乎豈為鳳為麟為景星為卿雲以寓其神乎將為金為錫為圭為璧以栖其魄乎豈復為賢人以續其志乎將奮為明神以遂其義乎不然是昭昭者其得已乎其不得已乎其無知乎彼且有知其可使吾知之乎幽明茫然一慟腸絕嗚呼化光庶或聽之猖狂其詞以抒悲憤

古文國璋集卷之二十一

唐文卷二十一

爲安南楊侍御祭張都護文

柳宗元

維年月日故吏某職官某敬祭于故都護御史中丞張公之靈。交州之大。南極天際。禹績無施。秦強莫制。或賓或叛。越自漢世。聖唐宣風。初鮮寧歲。稍臣卉服。漸化椎髻。卒爲華人。流我愷悌。士燮之理。惟公克繼。勤勞遠圖。敷贊嘉惠。銅柱南表。前功載修。空道北出。式遏蠻貊。梯航連連。旌旆悠悠。輻湊都會。皇威以流。方荷天寵。宜公宜侯。聲馳帝鄉。魄降炎州。嗚呼哀哉。公昔試吏。時推清能。公昔秉軺。人知準繩。緬鑒以安。古文園集卷之二十一 唐文卷三十一

征賦用登。柱史稍遷。耶曹繼昇。程功佐理。海裔斯澄。乃紀南方。專任是憑。禮分五玉。恩錫百朋。開府辟掾。群英攸屬。顧茲陋微。敢廁瑯錄。既受筐篚。載加命服。賜有楚冠。用慙采角。星言赴命。注望幃幃。視險如夷。瞻程非邈。伯氏左宦。爰滯中途。流連隱憂。言念涕濡。子姓莫在。使命頓殊。就魂吊影。敢廢斯須。情留江徼。夢結天隅。思切有裕。義乖從役。顧慕長慟。展轉增傷。斂力猶在。中腸屢激。方俟銷憂。永期投跡。謙德不福。法星降災。廷慙遠徹。駟計爰來。撫躬益恨。循顧增哀。

瞻容莫及。報德何階。輶車北轅。中莫克諧。望拜徒至。音塵永乖。南州斗酒。庶寫幽懷。

古文園集卷之二十一

幸

唐文卷三十一

唐故衡州刺史東平呂君誄

柳宗元

維唐元和六年八月日衡州刺史東平呂君卒爰用十月二十四日藁葬于江陵之野嗚呼君有智勇孝仁惟其能可用康天下惟其志可用經百世不克而死世亦無由知焉君由道州以陟爲衡州君之卒二州之人哭者逾月湖南人重社飲酒是月上戌不酒去樂會哭于神所而歸余居永州在二州中間其哀聲交于北南舟船之下上必呱呱然蓋嘗聞于古而觀于今也君之志與能不施于生人知之者又不

古文園瑋集

卷之二十一

末

唐文卷五

過十人世徒讀君之文章歌君之理行不知二者之於君其未也嗚呼君之文章宜傳於百世今其存者非君之極言也獨其詞耳君之理行宜及於天下今其聞者非君之盡力也獨其跡耳萬不試而一出焉猶爲當世甚重若使幸得出其十二三巍然爲偉人與世無窮其可涯也君所居官爲第三品宜得謚於太常余懼州史之逸其辭也私爲之誄以志其行其詞曰
麟死曾郊其靈不施濯濯夫子故繁其儀冠仁服義

于櫓

音

書詩

忠貞繼佩

智勇承恭

其跨騰商周

堯舜

是師道不勝禍

天固余欺

鬼神不怒

妖孽咸疑

何付

之德而奪其時

嗚呼哀哉

命姓惟呂

勤唐以力

輔寧

萬邦受胙

爾國維師

元聖周以降德

世征丑侯

伊祖

之則

嗣濟厥武

前書是式

至于化光

爰耀其特

春秋

之元

儒者咸感

君達其道

卓焉孔直

聖人有心

由我

而得

敷施變化

動無不克

惟理惟公

舒文以異

宜于

事業

與古同極

道不苟用

資仕乃揚

進于禮司

膏澤

舍章

決科聯中

休閑用張

暑繼百氏

錯繇

光超都

市文園瑋集

卷之二十一

末

唐文卷五

古文園瑋集

卷之二十一

末

唐文卷五

諫列屢皂其囊帝殊爾能人服其智戎悔厥禍欵邊求侍盛選邦良難乎始使君登御史贊命承事風動海儒皇威以至來總征賦甲茲郎吏制用經邦時推重器諸臣之復周官匪易漢課賤奏解云能備君自他曹載出其技筆削自任羣儒革議正郎司刑邦憲爲貳糾佞肅邪諛諛具畏遷理于道民服休嘉恩疎若昵惕邇如遐實閉其閤而撫于家載其愉樂申以舞歌賦無吏迫威不刑加浩然順風從令無譁繇繇外邑我藹盈車雜耕隣邦我黍之華旣字其畜亦藝

其麻。馨鼓斯屏。人喜其多。始富中教。興良廢邪。考績
既成。王用興嗟。陟于嶽瀆。言進其律。號呼南竭。謳誼
北溢。欺吏悍民。先聲如失。迪和匪役。歸誠自出。兼非
既息。罷羸乃逸。惟昔舉善。盜奔于隣。今我興仁。化爲
齊人。惟昔富人。或賑之粟。今我厚生。不竭而足。邦思
其弼。人戴惟父。善胡召災。仁胡罹咎。俾民伊祐。而君
不壽。矯矯貪凌。乃康乃茂。嗚呼哀哉。燦不餘食。藏無
積帛。內厚族姻。外賙賓客。恒是懸壑。逮茲易簣。值無
因服。堊非舊陌。嗚呼哀哉。君昔與余。講德討儒。時中
古文國璋集卷之二十一 手唐文卷五

唐文

乞巧文

柳宗元

柳子夜歸。自外庭有設祠者。從同餌馨香。蔬果交羅。
揮竹垂綫。剖瓜大牙。且拜且祈。怪而問焉。女隸進曰。
今茲秋孟七夕。天女之孫。將嬪於河鼓。邀而祠者。幸
而與之巧。驅去塞拙。手目開利。組紉縫製。將無滯於
心焉。爲是禱也。柳子曰。苟然欤。吾亦有所大拙。倘可
古文國璋集卷之二十二 唐文卷五

因是以求去之。乃纓弁束衽。促武縮氣。有趨曲折。僂
僂將事。再拜稽首。稱臣而進。曰。下土之臣。竊聞天孫。
專巧于天。輻輳璇璣。經緯星辰。能成文章。黼黻帝躬。
以臨下民。欽聖靈仰。光耀之日久矣。今聞天孫不樂
其獨。得貞卜於玄龜。將蹈石梁。款天津。儼於神夫。于
漢之濱。兩旗開張。中星耀芒。靈氣翕歛。茲辰之良。幸
而弭節。薄遊民間。臨臣之庭。曲聽臣言。臣有大拙。智
所不化。醫所不攻。威不能遷。寬不能容。乾坤之量。包
含海岳。臣身甚微。無所投足。蟻適于垤。蝸休于殼。龜

鼃螺蚌蚌音皆有所伏。臣物之靈。進退唯辱。仿佯爲狂。局束爲詔。吁吁爲詐。坦坦爲泰。他人有身。動必得宜。周旋獲笑。顛倒逢嘻。已所尊昵。人或怒之。變情徇勢。射利抵巇。中心甚憎。爲彼所奇。忍仇佯喜。悅譽遷隨。胡執臣心。常使不移。反人是己。曾不思疑。貶名絕命。不負所知。扑嘲似傲。貴者啓齒。臣苟震驚。彼且不耻。叩稽匍匐。言語譎譎。令臣縮瑟。彼則大喜。臣勿效之。瞋怒叢已。彼誠大巧。臣拙無比。王侯之門。狂吠狺狂。臣到百步。喉喘顛汗。雖肝逆走。魄遁神叛。欣欣巧音古文國璋集卷之二十二 唐文卷五

雷吼。獨溺臣心。使耳老聾。脚昏莽肉。樸鈍枯朽。不期一時。以俟悠久。有羅萬金。不甯弊帚。跪呈豪傑。投奔不有。眉瞋音頻頰。噤聲嚔歐。大赦而歸。填恨低首。天孫司巧。而窮臣若是。卒不余畀。獨何酷狀。敢願聖靈。悔禍矜臣。獨艱付與。姿媚易臣。頑顏鑿臣。方心規以大圓。拔去訥舌。納以工言。文詞婉軟。步武輕便。齒牙饒美。眉睫增妍。突梯卷音拳。爲世所賢。公侯卿士。五屬十連。彼獨何人。長享終天。言訖又再拜稽首。俯伏以俟。至夜半不得命。疲極而睡。見有青裘音朱裳。古文國璋集卷之二十二 唐文卷五

手持絳節而來告曰。天孫告汝。汝詞良苦。凡汝之言。吾所極知。汝擇而行。嫉彼不爲。汝之所欲。汝自可期。胡不爲之。而誑我爲。汝唯知耻。詔貌淫辭。寧辱不貴。自適其宜。中心已定。胡妄而所。堅汝之心。密汝所持。得之爲大。失不汙卑。凡吾所有。不敢汝施。致命而昇。汝慎勿疑。嗚呼。天之所命。不可中革。泣拜欣受。初悲後懌。抱拙終身。以死誰惕。

天下固有求巧而得拙者。孔文舉本是儒者而好權略。陸士衡本是文士而喜功名。柳子厚本是正

人而涉僥倖皆是求巧之病雖其文之法工固不免於斯訛矣

罵尸虫文

并序

柳宗元

有道士言人皆有尸虫三處腹中伺人隱微失誤輒籍記日庚申幸其人之昏睡出譏于帝以求饗以是人多謫過疾厲天死。柳子特不信曰吾聞聰明正直者爲神帝神之尤者其爲聰明正直宜大也安有下比陰穢小虫縱其狙詭延其變詐以害于物而又悅之以饗其爲不宜也殊甚吾意斯虫若果爲是則帝必將怒而戮之投于下土以殄其類俾夫人咸得安其性命而苛慝不作然後爲帝也余既處卑不得質之于帝而嫉斯虫之說爲文而罵之

來尸虫汝曷不自形其形陰幽跪仄而寓乎人以賊厥靈膏肓是處兮不擇穢卑潛覲默聽兮導人爲非冥持札牘兮搖動禍機卑阪拳縮兮宅體險微以曲爲形以邪爲質以仁爲凶以僭爲吉以淫諛詔誣爲族類以中正和平爲罪疾以通行直遂爲顛蹶以逆施反闘爲安佚潛下譏上恒其心術妬人之能幸人之失利昏伺睡旁睨窈出走譏于帝遽入自屈暴然無聲其意乃累求味已口胡人之恤彼修蝓胡枚悉切

心短蜷。穴胃。外搜疥癬。下索癭。力開切痔。侵人肌膚。爲已得味。世皆禍之。則惟汝類。良醫利殺。聚毒攻餌。旋死無餘。乃行正氣。汝雖巧能。未必爲利。帝之聰明。宜好正直。寧懸嘉。饗答汝。讒惡。叱付九關。貽虎豹食。下民舞躍。荷帝之力。是則宜然。何利之得。速收汝之生。速滅汝之精。辱。收震怒。將勒雷霆。擊汝鄧都。糜亂縱橫。俟帝之命。乃施于刑。羣邪殄夷。大道顯明。害氣永革。厚人之生。豈不神且聖。狀。祝曰。尸亟逐。禍無所伏。下民百祿。惟帝之功。以受景福。尸亟誅。禍無所庀。下

民其蘇。惟帝之德。萬福來符。臣拜稽首。敢告于玄都。余以爲使天下無尸。亟則已。若有尸。亟乃是上帝之失。非獨尸亟之罪。蓋上帝不寄耳目于此。董則彼雖巧佞。無所關其說。而竊其權矣。此言願以補于厚之所未及。

宥蝮蛇文

并序

柳宗元

家有僮善執蛇。晨持一蛇來。謁曰。是謂蝮蛇。犯於人。死不治。又善伺人。聞人咳嗽。步驟。輒不勝其毒。捷取巧噬。肆其害。然或嫌不得於人。則愈怒。反齧草木。草木立死。後人來觸死莖。猶墮指。擊腕。瘡足爲廢病。必殺之。是不可留。余曰。汝惡得之。曰。得之榛中。曰。榛中若是者。可既乎。曰。不可。其類甚博。余謂僮曰。彼居榛中。汝居宮內。彼不汝即而汝即彼。犯而闢死。以執而謁者。汝實健且險。以輕近是物。然而殺之。汝益暴矣。

彼耕獲者。求薪蘇者。皆土其鄉。知防而入焉。執未操。鞭持芟。扑以遠其害。汝今非有求於榛者也。密汝居易。汝庭不凌。與不步。間是惡能得而害汝。且彼非樂爲此態也。造物者賦之形。陰與陽命之氣。形甚怪。僻氣甚禍。賊雖欲不爲。是不可得也。是獨可悲憐者。又就能罪而加怒焉。汝勿殺也。余悲其不得已而所爲若是。叩其春。論而宥之。其辭曰。吾悲乎天形汝軀。絕翼去足。無以自扶。曲臂屈脊。惟行之紆。目兼蜂。蔓色混泥塗。其頸感。惡其腹次。七私切

且。切。十。余。塞。鼻。鉤。牙。穴。出。榛。居。蓄。怒。而。蟻。銜。毒。而。越。志。
 薪。害。物。陰。妬。潛。狙。汝。之。稟。受。若。是。雖。欲。為。毒。為。蟻。切。
 切。焉。可。得。已。凡。汝。之。為。惡。非。樂。乎。此。緣。形。役。性。不。可。
 自。止。草。搖。風。動。百。毒。齊。起。首。拳。脊。努。呻。舌。搖。尾。不。逞。
 其。凶。若。病。乎。已。世。皆。寒。心。我。獨。悲。爾。吾。將。殯。吾。庭。茸。
 吾。楹。害。吾。垣。嚴。吾。扃。俾。臭。草。不。植。而。穴。隙。不。萌。與。汝。
 異。途。不。相。交。爭。雖。汝。之。惡。焉。得。而。行。嘻。造。物。者。胡。甚。
 不。仁。而。巧。成。汝。質。既。稟。乎。此。能。無。危。物。賊。害。無。辜。惟。
 汝。之。實。陰。陽。為。戾。假。汝。忿。疾。余。胡。汝。尤。是。戮。是。株。果。教。
 古文國璋集卷之二十一 入唐文卷三

切。有。汝。于。野。自。求。終。吉。彼。樵。豎。持。芟。農。夫。執。耒。不。幸。
 而。遇。將。除。其。害。餘。力。一。揮。應。手。糜。碎。我。雖。汝。活。其。惠。
 實。大。他。人。異。心。誰。釋。汝。罪。形。既。不。化。中。焉。能。悔。嗚。呼。
 悲。乎。汝。必。死。乎。毒。而。不。知。反。訟。乎。內。今。雖。寬。焉。後。則。
 誰。賚。陰。陽。爾。造。化。爾。道。烏。乎。在。可。不。悲。坎。

物。之。有。毒。不。得。已。也。人。之。有。毒。非。不。得。已。也。柳。子。
 作。世。外。之。觀。故。發。悲。憐。之。意。我。則。必。為。孫。叔。敖。耳。

哀溺文 并序 柳宗元

零陵之氓咸善游。一日水暴甚。有五六氓乘小船。絕。
 湘水中。濟。船破皆游。其一氓盡力而不能尋常。其侶。
 曰。汝善游最也。今何後為。曰。吾嘗千錢重。是以後。曰。
 何不去之。不應。搖其首。有頃益急。已濟者立岸上呼。
 且號。曰。汝愚之甚。蔽之甚。身且死。何以貨為。又搖其。
 首。遂溺死。吾哀之。且若是。得不有大貨之溺大氓者。
 乎。於是作哀溺文。吾哀溺者之死貨兮。惟大氓之為。
 憂。世清鼓以風。溺兮。浩沕蕩而無舟。不讓祿以辭富。
 古文國璋集卷之二十一 入唐文卷三

今。又。旁。窺。而。詭。求。手。足。亂。而。無。如。今。負。重。踰。乎。崇。丘。
 既。浮。順。而。滅。替。今。不。欲。釋。利。而。離。尤。呼。號。者。之。莫。救。
 兮。愈。搖。首。以。沉。流。髮。披。髮。切。如。陽。以。舞。瀾。今。竟。俛。俛。而。
 焉。遊。龜。龜。直。進。以。爭。食。今。魚。鮪。族。而。為。羞。始。貪。贏。以。
 膏。厚。今。終。負。禍。而。懷。讎。前。既。沒。而。後。不。知。懲。今。更。攬。
 取。而。無。時。休。哀。茲。氓。之。蔽。愚。今。反。賊。已。而。從。仇。不。量。
 多。以。自。諫。今。姑。指。幸。者。而。為。謀。夫。人。固。靈。於。鳥。魚。今。
 胡。昧。肩。而。蒙。鉤。大。者。死。大。今。小。者。死。小。善。游。雖。最。今。
 卒。以。道。天。與。害。偕。行。今。以。死。自。繞。推。今。而。鑒。古。今。鮮。

克以保其生。衣寶焚紂。今專利滅榮。豺狼死而猶餓。今牛腹尸而不盈。民既貧賸而無知。今故與彼咸謚。為氓死者不足哀。今冀中人為余再更噫。世之溺者多矣。子厚此文亦岸上之呼也。其如搔首而不聽何。

弔屈原文

柳宗元

後先生蓋千祀兮。余再逐而浮湘。求先生之汨羅兮。曄衡若以薦芳。願荒忽之顧懷兮。冀陳辭而有光。先生之不從世兮。惟道是就。支離捨擗兮。遭世孔疚。華蟲薦壤兮。進御羔裘。牝雞咩咩兮。孤雄束味。陟救哇切咬環觀兮。蒙耳大呂。董喙以為羞兮。焚卉稷黍。犴獄之不知避兮。官庭之不處。陷塗藉穢兮。榮若繡黼。棲折火烈兮。娛娛笑舞。譏巧之嘑曉兮。惑以為咸池。便媚鞠恧兮。美愈西施。謂謨言之怪誕兮。反寘璫而遠。古文園集卷之二十二 唐文卷五

達匿重痼以諱避兮。進俞緩之不可為。何先生之寔寔兮。厲鍼石而從之。但仲尼之去魯兮。曰吾行之遲遲。柳下惠之直道兮。又焉往而可施。今夫世之議夫子兮。曰胡隱忍而懷斯。惟達人之卓軌兮。固僻陋之所疑。委故都以從利兮。吾知先生之不忍。立而視其覆墜兮。又非先生之所志。窮與達固不渝兮。夫唯服道以守義。矧先生之個。胡本幅迫逼切今滔大故而不貳。沉瑱瑱佩兮。孰幽而不光。荃蕙蔽匿兮。胡人而不芳。先生之貌不可得兮。猶髣髴其文章。託遺編而歎

嗚兮。渙余涕之盈眶。呵星辰而驅詭怪兮。夫孰救于
崩亡。何揮霍夫雷電兮。苟爲是之荒茫。曜嫫辭之騰
朗兮。世果以是之爲狂。哀余東之坎坎兮。獨蘊憤而
增傷。諒先生之不言兮。後之人又何望。平聲忠誠之既
內激兮。抑銜忍而不長。辛聲爲屈之幾何兮。胡獨焚
其中腸。吾哀今之爲仕兮。庸有慮時之否臧。食君之
祿。畏不厚兮。悼得位之不昌。退自服以默默兮。曰吾
言之不行。既殯風之不可去兮。懷先生之可忘。

子厚之文家近于騷。以其詞深湛而性忠厚也。

古文國璋集卷之二十二

主唐文卷三

鵲說

柳宗元

有鷺曰鵲者。亢于長安薦福浮圖。有年矣。浮圖之人
室宇於其下者。伺之甚熟。爲余說之曰。冬日之夕。是
鵲也。必取鳥之盈握者。完而致之。以煥其爪掌。左右
而易之。旦則執而上浮圖之歧焉。縱之。延其首以望。
極其所行。往必背而去焉。苟東矣。則是日也不東。逐
南北亦然。嗚呼。孰謂爪吻。武粉切毛翮之物。而不爲仁
義器耶。是固無號位爵祿之欲。望間親戚朋友之愛
也。出乎穀。古侯切邪。而知攫食決裂之事。爾不爲其他。
凡食類之飢。唯旦爲甚。今忍而釋之。以有報也。是不
亦卓然有立者乎。用其力而愛其死。以忘其飢。又遠
而違之。非仁義之道耶。恒其道一。其志不欺。其心斯
固。世之所難得也。余又疾夫今之說曰。以煦煦而默
徐徐而俯者。善之徒。以翹翹而厲炳炳而白者。暴之
徒。今夫梟鵄。晦於晝而神於夜。鼠不穴寢。廟循牆而
走。是不近於煦煦者耶。今夫鵲其立。超然其動。若
呼然其視。然其鳴。華然是不近於翹翹者耶。由
是而觀其所爲。則今之說爲未得也。孰若鵲者。吾願

從之毛耶。翻耶胡。不我施。寂寥泰清樂。以忘飢。
傳曰。見無禮于君者。若鷹鷂之逐鳥雀也。當此之
時。我無望于鸞鳳。況鸞鷂耶。此子厚之所願于翹
翹炳炳者也。

捕蛇者說

柳宗元

永州之野產異蛇。黑質而白章。觸草木盡死。以齧人
無禦之者。然得而腊之以爲餌。可以已大風。擊蛇癘
厲。去死肌。殺三垂。其始大醫以王命聚之。歲賦其二。
募有能捕之者。當_聲其租入。永之人爭奔走焉。有蔣
氏者。專其利三世矣。問之則曰。吾祖死於是。吾父死
於是。今吾嗣爲之十二年。幾死者數矣。言之貌若甚
感者。余悲之。且曰。若毒之乎。余將告于莅事者。更若
役。復若賦。則何如。蔣氏大戚。汪然出涕曰。君將哀而
生之乎。則吾斯役之不幸。未若復吾賦。不幸之甚也。
嚮吾不爲斯役。則久已病矣。自吾氏三世居是鄉。積
於今六十歲矣。而鄉鄰之生日蹙。殫其地之出。竭其
廬之入。號呼而轉徙。飢渴而頓踣。_音觸風雨。犯寒暑。
呼噓毒癘。往往而死者相藉也。曩與吾祖居者。今其
室十無一焉。與吾父居者。今其室十無二三焉。與吾
居十二年者。今其室十無四五焉。非死而徙爾。而吾
以捕蛇獨存。悍吏之來吾鄉。叫囂乎東西。隳突乎南
北。隳然而駭者。雖雞狗不得寧焉。吾恂恂而起。視其

缶而吾蛇尚存則弛然臥謹食之。時而獻焉。退而甘食其土之有以盡吾齒。蓋一歲之犯死者二焉。其餘則熙熙而樂。豈若吾鄉鄰之且且有是哉。今雖死乎此比吾鄉鄰之死則已後矣。又安最毒耶。余聞而愈悲。孔子曰苛政猛於虎也。吾嘗疑乎是。今以蔣氏視之猶信。嗚呼。孰知賦歛之毒有甚於蛇者乎。故為之說以俟夫觀人風者得焉。

世之聚為盜而殺入者其罪必至于死。然尚相率而為之者。以為我可以緩一朝之命。不若為農人之速死耳。是猶倚毒蛇而為生者也。讀此文者為出涕。

古文國瑋集

卷之二十二

未

唐文卷三

永州鐵爐步志

柳宗元

江之濟凡舟可縻而上下者曰步。永州北郭有步曰鐵爐步。余乘舟來居九年。往來求其所以為鐵爐者。無有問之人曰。蓋嘗有鍛鐵者居。其人去而爐毀者不知年矣。獨有其號冒而存。余曰。嘻。世固有事去名存而冒焉若是耶。步之人曰。子何獨怪是。今世有負其姓而立於天下者。曰吾門大。他不我敵也。問其位與德曰久矣。其先也。然而彼猶曰我大世亦曰某氏大。其目於號有以異於茲步者乎。向使有聞茲步之號而不足釜錡錢鐸刀鉄者。懷價而來能有得其欲乎。則求位與德於彼。其不可得亦猶是也。位存焉而德無有。猶不足以大其門。然且樂為之下。子胡不怪彼而獨怪於是。大者。祭冒禹紂冒湯。幽厲冒文武。以倣天下。由不推知其本而姑大其故號。以至於敗。為世笑謬。斯可以甚懼。若求茲步之實而不得。釜錡錢鐸刀鉄者。則去而之他。又何害乎。子之驚於是末矣。余以為古有太史觀民風。采民言。若是者則有得矣。嘉其言可采。書以為志。

古文國瑋集

卷之二十二

七

唐文卷三

善爲文者不以已意觸物而引其說故能變化而無窮

對賀者

柳宗元

柳子以罪貶永州。有自京師來者。既見曰。余聞子坐事斥逐。余適將唁子。今余視子之貌。浩浩然也。能是達矣。余無以唁矣。敢更以爲賀。柳子曰。子誠以貌乎。則可也。然吾豈若是而無志者耶。姑以戚戚爲無益乎道。故若是而已耳。吾之罪大。會主上方以寬理人。用和天下。故吾得在此。凡吾之貶斥幸矣。而又戚戚焉何哉。夫爲天子尚書郎。謀畫無所陳。而羣比以爲名。蒙耻遇侮。以待不測之誅。苟人爾有不汗栗危厲。自列於聖朝。下無以奉宗祀。近丘墓。徒欲苟生。幸存庶幾。似續之不廢。是以儻蕩其心。倡佯其形。茫乎若升高以望。漬乎若乘海而無所往。故其容觀如是。子誠以浩浩而賀我。其孰承之乎。嘻。笑之怒。甚乎裂背。長歎之悲。過乎慟哭。庸詎知吾之浩浩。非戚戚之尤者乎。子休矣。

子厚一朝先身讀其遺文。終身自訟。不失爲君子。

答問

柳宗元

有問柳先生有曰先生親類學古者然遵有道不能奮厥志獨被罪辜廢斥伏匿或遊解散羞與爲成生平鬱鬱毀書滅跡他人有惡指誘增益身居下流爲謗戮澤罵先生者不忌陵先生者無譴遇揖目動聞言心惕時行草野不知何適獨何劣耶觀今之賢智莫不舒翹揚英推類援朋疊足天庭魁壘恢張羣聖連行奇謀高論左右抗聲出入翕忽擁門填局一言出口流光垂榮豈非偉耶先生雖讀古人書自謂如

古文圖彙

卷之二十二

辛唐文卷三

理道識事機而其施爲若是其悖也復復續保何以自表於今之世乎先生答曰敬聞命然客言僕知理道識事機過矣僕情未屈伸去就觸罪受辱幸得聯支體完肌膚猶食人之食衣本人之衣用人之貨無耕織居販然而活給羞媿恐懷之不暇今客又推當世賢智以深致詰責吾縲囚也逃山林入江海無路其何以容吾驅乎願客少假聲氣使得詳其心次其論客曰何取先生曰僕少嘗學問不根師說心信古書以爲凡事皆易不折之以當世急務徒知開口而言

閉目而息挺而行顧而伏不窮喜怒不究曲直衡羅陷穽不知顛踣愚惑狂悖若是甚矣又何以恭客之教而承厚德哉今之世工拙不欺賢不肖明白其顯進者語其德則皆茫洋深閔端貞鯁亮苞并涵養與道俱往而僕乃寒淺窄僻跳浮矍矍切切伯抵瑕陷厄固不足以赴起批振切而迫其跡舉其理則皆謨明淵沉剖微窮深劈析非是校度古今而僕乃緘鉗塞默耗耗空惑扶異探怪起幽作匿攸攸恤恤卒自既切賊固不足以雕肝激鬲而效其則言其

古文圖彙

卷之二十二

辛唐文卷三

學則皆總攬羅絡橫堅雜博天旋地縮鬼神交錯而僕乃單庸樸苴離疏空虛竊聽道塗顛踣象愚不知所如固不足以抗顏擢舌而與之俱稱其文則皆汗漫輝煌呼噓陰陽轆轤三光陶鑄帝王而僕乃朴鄙艱澀培塿淥淥切入毫聯續緝塵出埃入固不足以據摘踊三而涉其級茲四者懸判雖庸童小女皆知其不及而又裹以罪惡縲以羈繫客從而擠之不亦忍乎且夫白義綠耳之得康莊也逐奔皇先驅風而跋躓不出泥滓黃鍾元間之登清廟也鏗天地動神

祇而鳴。鳴咬哇。不入里耳。西子毛嬌之蹈後官也。暇朝日。煥浮雲。而無鹽逐於鄉里。蛟龍之騰於天淵也。彌六合。澤萬物。而蝦與蛭不離尺水。卓詭倜儻之士。之遇明世也。用智能。顯功烈。而麼眇連蹇。顛頓披靡。固其所也。客又何怪哉。且夫一涉蹇阨。愆而不再者。烈士之志也。知其不可而速已者。君子之事也。吾將竊取之。以沒吾世。不亦可乎。乃歌曰。堯舜之修兮。禹益之憂兮。能者任而愚者休兮。蹉躓蓬蒿。樂吾囚兮。文墨之彬彬。足以舒吾愁兮。已乎已乎。曷之求乎客。

古文國璋集卷之二十二

圭唐文卷三

乃笑而去

文雜賓戲之流亞而華密過之非此文不足以開釋悠悠銷摩壯志也

起廢答

柳宗元

柳先生既會州刺史。即治事。還遊于愚溪之上。溪上聚鰲老壯齒。十有一人。謏音蕭足以進。列植以慶。卒事相顧加進而言曰。今茲是州起廢者二焉。先生其聞而知之歟。答曰。誰也。曰。東祠切於益。浮圖中廢病頽之駒。曰。若是何哉。曰。凡為浮圖道者。都邑之會。必有師。師善為律。以勅戒始學者。與女釋者。甚尊嚴。且優游。覺浮圖有師道。少而病。覺日愈以劇。居東祠十年。扶服輿曳。未嘗及人。側匿愧恐。殊甚。今年他有師道者。悉以故去。始學者與女釋者。偃偃無所師。遂相與出。覺浮圖以為師。盟濯之。扶持之。壯者執輿。幼者前驅。被以其衣。導以其旗。怵惕疾視。引且翼之。覺浮圖不得已。凡師數百生。日饋飲食。時獻巾帨。洋洋也。舉莫敢踰其制。中廢病頽之駒。頽之病。亦且十年。色玄不龍。無異技。磴然大耳。然以其病不得齒他馬食。斥棄異阜。恒少食。屏立擯。辱擊頓異甚。垂首披耳。懸涎屬地。凡廐之馬。無肯為伍。會今刺史以御史中丞來莅吾邦。屏棄羣駒。舟以泝江。將至無以為乘。廐人咸

古文國璋集卷之二十二

圭唐文卷三

曰病類駒大而不走。可秣節焉。他馬已焚。

蒲墨切。痺狹。

無可當吾刺史者。於是衆牽駒上。燥土大廡下。薦之

席。縻之絲。浴剔蚤鬣。

子沒切。

刮惡除淩。坐以雕胡。秣以

香其。錯貝。鱗縷。鑒金。文羈。終以和鈴。纓以朱綬。

備作切。

或膏其鬣。或靡。

音靡。

其雕切。

御夫盡飾。然後敢持。

除道履石。立之木涯。

音涯。

幢旗前羅。杠葢後隨。千夫翼

衛。當道上馳。抗首出臆。震奮遐嬉。當是時。若有知也。

豈不曰宜乎。先生曰。是則然矣。叟將何以教我。鰥老

進曰。今先生來吾州。亦十年。足軼疾風。鼻知臚香。腹

古文國粹集卷之二十二

唐文卷三

唐文卷三

溢儒書。口盈憲章。包今統古。進退齊良。然而一廢不

復。曾不若。雙足涎額之。猶有遺也。朽人不識。敢以其

惑。願質之先生。先生笑且答曰。叟過矣。彼之病病乎。

足與額也。吾之病病乎德也。又彼之遭。遭其無耳。今

朝廷泊四方豪傑林立。謀猷川行。羣談用智。列坐爭

英。披華發輝。揮喝雷霆。老者育德。少者馳聲。卅角羈

貫。排廁鱗征。一位暫缺。百事交并。駢倚懸足。曾不得

逞。不若是州之乏釋師大馬也。而吾以德病伏焉。豈

楚足涎額之可望哉。叟之言過昭昭矣。無重吾罪。於

是鰥老壯齒相視以喜。且吁曰。論之矣。拱揖而旋。爲

先生病焉。

觸物遣意。寓以滑稽。出以新麗。此等文昌黎猶當

讓之。

古文國粹集卷之二十二

唐文卷三

桐葉封弟辨

柳宗元

古之傳者有言成王以桐葉與小弱弟戲曰以封汝
周公入賀王曰戲也周公曰天子不可戲乃封小弱
弟與唐吾意不然王之弟當封耶周公宜以時言于
王不待其戲而賀以成之也不當封耶周公乃成其
不中聲之戲以地以人與小弱者爲之主其得爲聖
乎且周公以王之言不可苟焉而已必從而成之耶
設有不幸王以桐葉戲婦寺亦將舉而從之乎凡王
者之德在行之何若設未得其當雖十易之不爲病
古文圖釋集卷之二十一
宋唐文卷三

要于其當不可使易也而况以其戲乎若戲而必行
之是周公教王遂過也吾意周公輔成王宜以道從
容優樂要歸之大中而已必不達其失而爲之辭又
不當束縛之馳驟之使若牛馬然急則敗矣且家人
父子尚不能以此自克况號爲君臣者耶是直小丈
夫執執者之事非周公所宜用故不可信或曰封唐
叔史佚成之

與弟戲本非不佞之事當時必唐叔可封周公偶
因其戲而遂成之耳固不必如子厚所測但借此

以自發其意耳其文鈞深刻削極似韓非子

古文圖釋集卷之二十一

宋唐文卷三

伊尹五就桀贊

柳宗元

伊尹五就桀。或疑曰。湯之仁聞且見矣。桀之不仁聞且見矣。夫胡去就之亟也。柳子曰。惡是吾所以見伊尹之大者也。彼伊尹聖人也。聖人出於天下。不夏商其心。心乎生民而已。曰。孰能由吾言。由吾言者。爲堯舜。而吾生人堯舜人矣。退而思曰。湯誠仁。其功遲。桀誠不仁。朝吾從而暮及於天下可也。於是就桀。桀果不可得。反而從湯。既而又思曰。尚可十一乎。使斯人蚤被其澤也。又往就桀。桀不可而又從湯。以至於百。一千一萬一卒不可。乃相湯伐桀。俾湯爲堯舜而人爲堯舜之人。是吾所以見伊尹之大者也。仁至於湯矣。四去之。不仁至於桀矣。五就之。大人之欲速其功如此。不然。湯桀之辨。一恒人盡之矣。又奚以憧憧聖人之足觀乎。吾觀聖人之急生人。莫若伊尹。伊尹之大莫若於五就桀。作伊尹五就桀贊。

聖有伊尹。思德於民。往歸湯之仁。曰。仁則仁矣。非久不親。退思其速之道。宜夏是固。就焉不可。復反毫股。猶不忍其遲。亟往以觀。庶狂作聖。一日勝殘。至千萬。

古文國璋集

卷之二十二

夫唐文卷三

冀一卒無其端。五往不疲。其心乃安。遂升自陬。而黜桀尊湯。遺民以完。大人無形。與道爲偶。道之爲大。爲人父母大矣。伊尹惟聖之首。既得其仁。猶病其久。恒人所疑。我之所大。嗚呼遠哉。志以爲誨。

讀子厚此文。真能見伊尹之大矣。

古文國璋集

卷之二十二

夫唐文卷三

舜禹之事

柳宗元

魏公子丕由其父得漢禪還自南郊謂其人口舜禹之事吾知之矣由丕以來皆笑之柳先生曰丕之言若是可也繼者丕若曰舜禹之道吾知之矣丕罪也其事則信吾見笑之者不知言未見丕之可笑者也凡易姓授位公與私仁與強其道不同而前者忘後者繁其事同使以堯之聖一日得舜而與之天下能乎吾知小爭於朝大爭於野其爲亂堯無以已之何也堯未忘於人舜未繁於人也堯之得舜也以聖舜之得堯也以聖兩聖獨得於天下之上奈愚人何其立於朝者放齊猶曰朱啓明而況在野者乎堯知其道不可退而自忘舜知堯之忘已而繁舜於人也進而自繁舜舉十六族去四凶族使天下咸得其人命二十二人興五教立禮刑使天下咸得其理合時月正曆數齊律度量權衡使天下咸得其用積十餘年人曰明我者舜也齊我者舜也資我者舜也天下之在位者皆舜之人也而堯憤然聾其聰昏其明愚其聖人曰往之所謂堯者果烏乎在哉或曰堯矣曰匪

古文圖章集卷之二十二

手唐文卷三

矣又十餘年其思而問者知少矣至於堯死天下曰

久矣舜之君我也夫然後能揖讓受終於文祖舜之與禹也亦然禹有行天下功繁於人者多而自忘也晚益之自繁猶是也而啓賢聞於人故不能夫其始繁於人也厚則其忘之也遲不然反是漢之失德久矣其不繁而忘也甚矣宦董袁陶之賊生人盈矣丕之父穰禍以立強積三十餘年天下之主曹氏而已無漢之思也不嗣而禪天下得之以爲晚何以異夫舜禹之事耶然則漢非能自忘也其事自忘也曹氏

古文圖章集卷之二十二

手唐文卷三

非能一繁也其事自繁也公與私仁與強其道不同其忘而繁者無以異也堯舜之忘不使如漢不能授舜禹舜禹之繁不使如曹氏不能受之堯舜然而世徒探其情而笑之故曰笑其言者非也問者曰堯崩天下若喪考妣四海遏密八音三載子之言忘若甚然是可不可欤曰是舜歸德於堯史尊堯之德之辭者也堯之老更一世矣德乎堯者甚已死矣其幼而存者非不使之思也不若是不能與人天下曹氏遲之久而後篡故其人情猶或如此後之來

者我知其不能復出此語矣

誦譽

柳宗元

凡人之獲誦譽于人也。亦各有道。君子在下位則多誦。在上位則多譽。小人在下位則多譽。在上位則多誦。何也。君子宜于上。不宜于下。小人宜于下。不宜于上。得其宜則譽至。不得其宜則誦亦至此。其凡也。然而君子遭亂世。不得已而居于上位。則道必拂于君。而利必及于人。內是誦行于上。而不及于下。故可殺可辱。而人猶譽之。小人遭亂世。而後得居於上位。則道必合於君。而害必及于人。內是譽行於上。而不及于下。故可寵可富。而人猶誦之。君子之譽。非所謂譽也。其善顯焉。爾。小人之誦。非所謂誦也。其不善彰焉。爾。然則在下而多誦者。豈盡愚而狡也哉。在上而多譽者。豈盡仁而智也哉。其誦且譽者。豈盡明而善哉。貶也哉。然而世之人聞而大惑。出一庸人之口。則羣而郵之。且置於遠邇。莫不以爲信也。豈惟不能褒貶而已。則又蔽於好惡。奪於利害。吾又何從而得之耶。孔子曰。不如鄉人之善者好之。其不善者惡之。善人者之難見也。則其誦君子者爲不少矣。其誦孔子者

亦不爲少矣。傳之記者叔孫武叔時之顯貴者也。其

不可記者又不少矣。是以在下而必困也。及乎遭時

得君而處乎人上。功利及於天下。天下之人皆歎而

戴之。向之謫之者。今從而舉之矣。是以在上而必彰

也。或曰。然則聞謫舉于上者。反而求之。可乎。曰。是惡

可無亦徵其所自而已矣。其所自善人也。則信之。不

善人也。則勿信之矣。苟吾不能分於善不善也。則已

耳。如有謫舉乎人者。吾必徵其所自。未敢以其言之

多而舉。且信之也。其有及乎我者。未敢以其言之多

古文國瑋集卷之二十二

而榮且恩也。苟不知我。而謂我盜跖。吾又安取恩焉。

苟不知我。而謂我仲尼。吾又安取榮焉。知我者之善

不善。非吾果能明之也。要必自善而已矣。

一人譽之。而即喜。一人謫之。而即怒。今之賢益不

免于此。何其自待之淺也。然使以不顧謫譽之人

出而爲不善。則其可畏也甚矣。故我寧有取于喜

譽而怒謫者。

歷代古文國瑋集卷之二十二

歷代古文國瑋集卷之二十三

襄西方岳貢禹脩評選

唐文

戶口人丁論

杜佑

杜佑字君卿。京兆萬年人。由浙江幕府入爲工部郎中。充江淮青苗使。又爲水陸轉運。以戶部侍郎判度支。建中初。河朔兵亂。民困賦無所出。佑以爲救弊莫若省用。省用則省官。乃作論議數篇上之。

昔賢云。倉廩實。知禮節。衣食足。知榮辱。夫子適衛。冉子僕曰。美哉。庶矣。既庶矣。又何加焉。曰。富之。既富矣。

古文國瑋集卷之二十三

又。何加焉。曰。教之。故知國足。則人康。家足。則教從。反

是而理者。未之有也。夫家足。不在於逃稅。國足。不在

於重斂。若逃稅。則不土著。而人貧。重斂。則多養。羸而

國貧。不其然乎。三代以前。井田定賦。秦革周制。漢因

秦法。魏晉以降。名數雖繁。亦有良規。可救時弊。昔東

晉之宅江南也。慕容符姚。迭居中土。人無定本。傷理

爲深。遂有庚戌土斷之令。則國豐俗阜。寔由於茲。其

後法制廢弛。舊弊復起。義熙之際。重舉而行。已然之

効。著在前志。隋受周禪。得戶三百六十萬。開皇元年

平陳又收戶五十萬。洎于大業二年干戈不用，唯十八載有戶八百九十萬矣。其時承元魏之亂，周齊分據，暴君慢吏，賦重役勤，人不堪命。多依豪室，禁網靡紊。姦偽尤滋，高頑覩冗俗之病，建輸籍之法。於是定其名輕其數，於是使人知浮客被強家收半本之賦，為編戶奉公。上蒙輕減之征，先以敷其信，後行其令。蒸庶懷惠，奸無所容。隋氏資儲，逼於天下，俗康人阜，頽之力焉。功侔管葛，道亞伊呂，近代已來，未之有也。國家貞觀之中，有戶三萬，至天寶末，百三十餘年，統

古文國律集 卷之二十三
二唐文卷三

如隋氏之數，聖唐之盛，適於西漢約計天下編戶，合踰元始之間，而名籍所少三百餘萬，直以選賢授仕，多在藝文，才與職乖，法因事弊，墮循名責實之義。闕考言詢事之道，乖崇秩之所至，美價之所歸，不無輕薄之曹，浮華之位。習程典，親簿領，謂之淺俗，務根本，去枝葉。因以迂闊，風流相尚，奔競相驅，職事委於群胥，貨賄行於公府。而至此也，自建中初，天下編戶一百三十萬，賴分命黜陟，重為按此，收入公稅，增倍其餘，遂令賦有常規，人知定制，貪冒之吏，莫得生奸，狡

猾之咍皆破其籍，誠適時之令典，極弊之良圖，而使臣制置各殊，或有輕重未一，仍屬多故，兵革薦興，浮冗之輩，今則衆矣。徵輸之數，亦以闕矣。舊額既在，見人漸難，詳今日之宜酌。晉隋故事，版圖可增其倍，征繕自減其半，賦既均一人，知稅輕，免流離之患，益農桑之業，安人濟用，莫過於斯矣。古之理人也，在於周知人數，乃均其事役，則庶功以興，國富家足，敷教化被風齊俗，和夫然故災沴不生，悖亂不起，所以周官有比閭族黨州鄉縣遂均輸之制，詳其政綱，紀其

當時井田
封地諸侯
自其國土
生聚歛其
人可數而
知也

古文國律集 卷之二十三
二唐文卷三

人孟冬司徒獻人數于主，主拜而受之，其敬之守之，如此之重也。及理道乖方，版圖脫漏，人如鳥獸，飛走莫制，家以之乏，國以之貧，奸宄漸興，傾覆不悟，斯政之大者遠者，將求理平之道，非無其本歟。

唐自口分世業之制，亂而戶口人丁不可復問矣。然兩稅之法行，則隨其田而稅之，亦不復問戶口人丁矣。今國家黃冊亦復虛設，事固有宜于古而不宜于今者。

平準論

杜佑

昔我國家之全盛也。約計歲之恒賦錢穀布帛五千餘萬。經費之外。常積羨餘。遇百姓不足而每有蠲恤。自天寶之始。邊境多功。寵錫既崇。給用殊廣。山納之賦。支計屢空。於是言利之臣。繼進而道行矣。制割爲務。岐路多端。每歲所入。增數百萬。既而監有青海之師。范陽有門之役。朔方布思之及叛。劍南羅鳳之憑陵。或全軍不返。或連城而陷。先之以師旅。因之以薦飢。兇逆承襲。構兵兩京。無藩籬之固。蓋是人事。古文國事集卷之二十三 四庫文卷三

豈唯天時。細惟高祖太宗開國勦業。作程垂訓。薄賦輕徭。澤及萬方。黎人懷惠。是以肅宗中興之績。周月而能成之。雖神算睿謀。舉無遺策。戎臣介夫。能竭其力。抑亦累聖積仁之所及也。夫德厚則威深。威深則難搖。人心所繫。故速戡大難。少康平王是也。若歛厚則情離。情離則易動。人心已去。故遂爲獨夫。殷辛胡亥是也。今甲兵未息。經費尚繁。重則人不堪。輕則用不足。酌古之道。適今之宜。既弊而思變。乃澤潤而復流。夫欲人之安也。在於薄歛。歛之薄也。在於節用。若

宋衛福馬
桑北極不
請事

用之不節。寧歛之欲薄。其可得乎。先在省不急之費。定經用之數。使下之人。知上有憂恤之心。取非獲已。自然樂其輸矣。古之取於人也。唯食土之毛。謂什一而稅。役人之力。謂一歲三日。未有直歛人之財而得其無怨。況取之不薄。令之不均乎。自燧人氏達於三王。皆通輕重之法。以制國用。以抑兼并。致財足而食。人安而政洽。誠爲邦之所急。理道之所先。豈常才之士而能達也。人者。暇也可使由之。不可使因之。審其衆寡。量其優劣。饒賸之道。自有其術。歷觀制作之者。固非易遇其人。周之興也。得太公。齊之霸也。得管仲。魏之富也。得李悝。秦之強也。得商鞅。後周有蘇綽。隋氏有高穎。此六賢者。上以成王業。典霸圖。次以富國強兵。立事可法。其漢代桑弘羊。耿壽昌之輩。皆起自賈豎。雖本於求利。而事有成績。自茲以降。雖無代無人。其於經邦正俗。興利除害。懷濟時之略。輒致理之規者。益不可多見矣。農者。有國之本也。先使各安其業。是以隨其受田。稅其所殖焉。豈可徵求貨物。捨其所有。而責其所無者哉。天下農人。皆當輕鬻。豪商

古文國事集卷之二十三 五庫文卷三

官謂平準
之法是也

富室乘急賤收。至於罄竭。更仍貴糴。往復受弊。無有已時。欲其安業。不可得也。故晁錯曰。欲人務農。在於貴粟。貴粟之道。在於使人以粟為賞罰。如此。農人有利。粟有所洩。謂官以法取收之也。誠如是。則天下之田盡闢。天下之倉盡盈。然後行其稅數。度其輕重。化以王道。扇之和風。率循禮義之方。皆登仁壽之域。斯不難矣。往者堯湯水旱作沴。而人無捐瘠。以國有儲蓄。若賦歛之較重。黎庶之力竭。而公府之積無經歲之用。不幸有一二千里水旱蟲霜。或一方興師動衆。古文國建集卷之二十三 六 唐文苑卷三

廢於藝殖者。寧免賦闕而用乏。人流而國危者哉。平準之法。刻晏用之。致小康矣。其道在重轉運之權。欲散重輕。上下俱便。宋時轉運司亦有糴本數百萬。灌輸君民之間。及章蔡嘗國以轉運為直綱。而以糴本為羨餘。獻之中朝。國以大匱。尋至于亂。以今國家之長運。即直綱也。而轉運之事。直廢不謀。故百姓有倍輸。而朝廷無羨利。遇豐年。則百姓之餘粟。溢入于豪右。而不可奪。遭荒歲。則賑卹之帑。全徒費於朝廷。而不復收。故以全虛之天下。而

反不如劉晏之用江淮者。轉運之職廢。而平準之法亡也。謀國者何不深長思乎。



古文國建集卷之二十三

七 唐文苑卷三

封建王侯論

杜佑

法古者多封國之制。是今者賢郡縣之理。雖備微利。病而終莫究。詮嘗試論之曰。在昔制置。事皆相因。物土強建。萬國成則。肇于若后。方有可稱。下應紛擇。萬人首令。分宰蓋因其豪而伏眾。即其地而名國。或循公。政簡朴不傳。或墳籍散亡。建茲復紀。塗山之會。亦云萬數。夏祚經四百已喪。七千殷氏六百年間。又損千二百矣。爰及周放。八百餘祀。離為十二合。為六七始。皇蕩定。天下一家。歷載千九百并萬。而為一眾。古文國彙集卷之二十三 八唐文卷三十三 暴家且無虛月。大減小未嘗暫寧。迭尋干戈。擠入塗炭。秦觀其弊。不復建侯。纔及嗣君。天下怨漬。漢祖矯枉。並建勳親。旋則韓彭蒞醢。續有吳楚逆亂。武昭之後。制許推恩。分人為差。但食租稅。王莽階緣。后族克成篡奪。諸劉微弱。勢同編略。光武遠懲。大封優全。勞舊。鄧寇耿賈。國止四縣。二漢所立。列郡不殊。中有僞新。乃如羿浞。雖無塗山。萬國享祚。伴于夏氏。曹魏剪弱。藩戚未幾覆亡。晉室分兵八王。致亂尤速。劉宋改更舊制。國吏不得自便。以親之侯。日親之行。古

于典午
亂適所
禍其宗

道勢莫能遵。天生蒸民。樹君司牧。人既庶焉。牧之理得。人既寡焉。牧之理失。庶則安所致。寡則危所由。漢隋大唐海內統一。人戶滋殖。三代莫儔。若以為人而置君。欲求既庶。誠宜政在列郡。然則主祀或促矣。若以為君而生人不病且寡。誠宜政在列國。然則主祀可永矣。主祀雖永。乃人鮮。主祀雖促。則人繁。建國利一宗。列郡利萬姓。損益之理。較然可知。夫立法作程。未有不弊之者。固在度其為患之長短耳。政在列國也。其初有維城磐石之固。其末有下堂中廟之辱。遠則萬國屠滅。近則鼎峙戰爭。所謂其患也。長政在列郡也。其初乃四海一家之盛。其末有土崩瓦解之虞。高光及於國初。截定之勳。易集所謂其患也。短豈非已然之證歟。夫君尊則理安。臣強則亂危。是故李斯相秦。堅執罷侯置守。其後立議者。以秦祚促。遂爾歸非。向使胡亥不嗣。趙高不用。問左不發。酷法不施。百姓未至離心。陳項何由興亂。自昔建侯多舊國也。周立藩屏。唯數十焉。餘皆先封。不廢其爵。諒無擇其利。遂建諸國。懼其害不立郡縣。故曰事皆相因。斯之謂

矣覽曹陸著論誠謂文高理明不本爲人樹君不稽
烝吐損益觀李馬陳諫乃稱實數素定不在制度得
失不關政理否臧故曰終莫究譏斯之謂矣但立制
可久施教得宜君尊臣卑幹強枝弱致人庶富享代
長遠爲理之道其在茲乎

卽是子厚之論而推原兼并之事乃子厚所未盡
兼并之禍蓋自古以來不獨周秦之季也

兵序

杜佑

三皇無爲天下以治五帝行教兵由是興所謂大刑
用甲兵而陳諸原野於是有涿鹿之戰阪泉之師若
制得其宜則治安失其宜則亂危商周以前封建五
等兵徧海內強弱相并秦氏削平罷侯置守歷代因
襲委政郡縣緬尋制度可采唯有漢氏是徵重兵悉
在京師四邊但設亭障又移天下豪族輳居三輔邑
陵以爲強幹弱枝之勢也或有四夷侵軼則從中令
將發五營騎士六郡良家二師樓船伏波下瀨咸因

事立稱畢事則省雖衛霍之勳高續重身奉朝請兵
皆散歸斯誠得其宜也其後若王綱解紐正權外移
藩翰旣從衆力自盛問鼎輕重無代無之如東漢之
董卓袁紹晉之王敦桓玄宋謝晦劉義宣齊陳達王
敬則梁侯景陳華皎後魏爾朱榮高歡之類是矣斯
誠失其宜也國朝李靖平突厥李勣滅高麗侯君集
覆高昌蘇定方夷百濟李敬玄王孝傑婁師德王審
禮皆是卿相率兵禦戎戎平師還並無久鎮其在邊
境惟明烽燧審斥候立障塞備不虞而已定安邊之

良算爲國家之永圖。玄宗御極承平歲久。天下又安。財殷力盛。開元二十年以後。邀功之將。務恢封略。以甘上心。將欲蕩滅奚契丹。剪除蠻吐蕃。喪師者失萬而言一。勝敵者獲一而言萬。寵錫云傾。駑駘遂增。哥舒翰統四方二師。安祿山統東北三師。踐更之卒。俱授官名。郡縣之積。盡爲祿秩。於是將銳卒。善馬精金。空於京師。幸於二統。邊陲勢強。既如此。朝廷勢弱。又如彼。姦人乘便。樂禍覲欲。脇之以害。誘之以利。祿山誦兵內侮。未必素蓄兇謀。是故地逼則勢疑。力倖

古文國理集卷之二十三

三唐文卷三

則亂起。事理不得不然也。昔漢祖分裂土地。封建王侯。吳芮獨卑弱而忠。韓彭則強大而悖。賈誼觀七國之盛。獻書云。治天下者。令海內之勢。如身之使臂。臂之使指。莫不制從。若憚而不能改作。末大本小。終爲禍亂。文景因循莫革。遂致誅錯之名。向使制置得其宜。則諸侯孰不信順。姦謀邪計。銷於胸懷。豈復有干紀作亂之事乎。語曰。朝爲伊周。夕成桀跖。形勢驅之一至于此矣。又兵法曰。將者人之司令。國家安危之計。用當先之以中和。後之以材器。或末馴其性。苟求

以破行之家附

其用。授以鈇刀。委之專宰。刑權一去。物情隨之。噬臍之喻。不其然矣。夫戎事有國之大者。自昔智能之士。皆立言作訓。其勝也。或驗之風鳥七曜。或參以陰陽日辰。其教陣也。或目以天地五行。或變爲龍蛇鳥獸。人之聰穎。方列軒冕。如吉凶冠婚之禮。習慶弔俯仰之容。稍或非精。則乖常度。故仲尼入廟。每事問。皆是必不免有所失也。矧其萬千介夫。出自民間。井若使心存進退之令。耳聽金鼓之聲。手候擊刺之宜。足趨鶩鶴之勢。隨地形而變陣。馳驅電發之疾。因我便而乘

古文國理集卷之二十三

三唐文卷三

敵。勝負頃刻之間。事繁目多。應機循古。得不令衆心繫名數。而無暇安能奮勇。銳而爭利哉。以愚管窺。徒有其說。只恐雖教。亦難必成。然其訓士也。但使聞鼓而進。聞金而止。坐作舉措。左旋右抽。識旗幟指麾。習器械利便。斯可矣。其撫士也。有吮癰之恩。投膠之均。挾纊之感。行令之必。賞罰之當。斯可矣。此乃用無弱卒。戰無堅敵。而况以直伐曲。以順討逆者乎。若以風鳥可徵。則謝艾梟牙以旗。而克蘇狄宋武。應折沈水。而破盧循。若以日辰可憑。則鄧禹因於亥克捷。後魏

乘甲子勝敵略舉一二不其證歟以昔賢難其道神其事令衆心之莫測俾指顧之皆從語有之曰天時不如地利地利不如人和誠謂得兵術之要也以爲孫武所著十三篇旨極斯道故知往昔行師制勝誠當皆精其理今輒摭與孫武書之義相協并頗相類者纂之庶披卷足見成敗在斯矣

論馭將之權可謂知兵之要但君卿通典一書但述制度沿革獨于兵事則但詮釋孫武義例特異殊不可曉

西平王李晟收西京露布

于公異

于公異蘇州吳人進士擢第李晟表爲招討府掌書記朱泚平露布于德宗帝問誰爲辭或以公異對帝咨歎至再

神策軍京畿渭北商華鄜坊丹延等州兵馬副元帥李晟於苑牆內神廩倉東南連白苑破逆賊朱泚兵因收復上都露布事尚書兵部臣聞春司生榮秋司殺伐若終始煦嫗則不能成歲功仁則順成暴則殘滅若一貫邪正則不能建大中是以春秋序行則通天和而毋元氣德刑具舉則協王道而經彝倫亂由

是除兵不可去堯舜禹湯之德統元立極之君或制五兵或張九伐蓋欲儀剔兇戾又安生靈補雍熙之未洽佐聲教之不暨有以然者抑實爲焉伏惟皇帝陛下溥博法於乾坤貞明侔於日月陶埏六籍表正萬邦揚高祖太宗之耿光奉肅宗代宗之丕烈自纂承前緒高居穆清率土承有截之風懷生無不遂之性頃者邊鄙或聳干戈爰設有征無戰許蔡僕首領之誅陸梁背誕涇原生肘腋之變逆賊朱泚所以委身凶德假酬奸徒熒惑我生人僭賊我神器聚爲起

獲之物，腥彼宮闈，散作旬始之妖，孳千蹏次，先皇帝懷柔河朔，數佑下人，錄其率化之類，加以登朝之禮，恩澤汪濊，集九庶之風，名器燦灼，如開華之華，謂華榮，既將馴大和殊，不知惡木生槎枿之策，疾狗吠秦牢之主，項屬鑾輿，順動郊畿，雖蹏蹏而此乃肅兇命醜阻兵安忍，長戟指關，流矢射天，穿高鑪以鼠牙，毒王師以蠶尾，罪浮羿浞，惡貫梟獍，是以萬方糾怒，九服

古文國華集

卷之二十三

去唐文卷三

是用祇承睿策，恭行天罰，撫承祭璽，明君親之大義，禡牙饗社，假神祇之幽贊，以今月二十五日，更總領師徒直趨都邑，略瀟灑而揚旆，瞰固游而下營，土濠雲舒，木柵林植，養威蓄銳，直殄元兇，臥鼓偃旗，猶輕小利，賊初陵犯，略以芟夷，謂其氣竭而來歸，尚敢尸居而作固敵，若可縱，師多奚為，遂至二十七日，會諸將于中權，占勝風於大旆，未鼓而人心奮勵，先廉而軍令凝嚴，各懷報主之誠，盡淬復仇之刃，臣知其可，用遂此疾驅，五月二十八日寅時，華州節度

使駱元亢神策行營商州節度使兼御史大夫尚可孤，水軍副使都知兵馬使御史大夫吳詵，都虞候兼御史大夫邢君牙，京西行營都知兵馬使檢校工部尚書孟涉，右廂兵馬使御史大夫康英，俊隴州節度右廂兵馬使郭審全，又權又成神策行營商州節度都虞候彭光俊等，受命於牙旗之下，分麾於轅門之外，將士等超乘賈勇，免冒啓行，夾川陸而左旋右抽，抵丘陵而侵淫布護，聲塞宇宙，氣雄鉦鼓，陳兵於光泰門外，悉銳於神席倉東，綠垣空以成塵，滋水潤而

古文國華集

卷之二十三

去唐文卷三

爲地，左廣未離于舊壘，前偏已交于賊鋒，若降於天，若出於地，賊將姚令言、張芝等，志懷剽狡，心尚憑陵，作忠盡謀，力則不及，怙亂賊義，氣則有餘，集如馳驅，衆若蜂集，橫列堅陣，執連高岡，猶張蹲踞之鱗，更舉螳螂之臂，衝前兵馬使兼御史大夫王秘知牙官兼刀斧將兼御史中丞史萬頃等，自相誓約，又舍軍聲指麾而觀，兇作威感激而風雲動色，遂先登進擊，深入合攻，七擒連發而星馳，兩翼旁行而雲合，霜刃吐光而揮霍，鼙鼓騰聲而隱憐，賊方土崩，我乃霆擊，乘

其暗籍遂至於上簡取彼鯨鯢直通乎中禁改誠諱
賦之心齊既就生擒湮原將賦之羽毛終制殛命顧
其係頸求活投戈乞降斃角於舛莽之間震聳於旌
麾之下臣以其今染汙俗昔實平人推赤心以如初
敷皇化而咸一姚令言等力扞王師退而復合惡鳥
將墜尚顧危巢妖狐就擒猶守舊穴自卯及申拒而
復攻謹譟之聲山傾而河泄鼓聲之氣靈關而電奔
屏騎發向敵之風回祿扇燎原之焰馬逸不止人怒
未舒既自北而徂南竟與屍而折首又使決勝軍節

古文國璋集卷之二十三

唐文選

度使工部尚書唐良臣右廂兵馬使御史大夫趙光
銑義武軍兵馬使楊萬榮左步軍使御史大夫孟目
華馬軍將田子奇霍去鐵郝觀等華州節度使左廂
先軍兵馬使馬英華右先鋒兵馬使董泚神策行營
許州節度兵馬使賈慎金右廂左都虞候張望都等
領馬步為副執均破浪攻若決河雖其盜武庫之五
兵憑官垣之萬雉及茲翦滅總欲乘陵曾無錙刃之
鋒已失藩籬之固遂生擒偽署侍中董泰中書侍郎
平將事將鎮左僕射同平章事張光晃兵馬使李倩

天子蒙塵中原板蕩
與逆境奏捷者不同
故此文極奇大壯

敬缸等逆賊朱泚與同惡姚令言張芝等輕騎走出
臣已遣兵馬使田子奇等追蹙計仰泉夷臣竊以此
賊包藏逆謀恭奉凶德殺珍其氣豺武其心背先皇
亭育之恩傷陛下玄默之化漢之莽卓未足等夷晉
有敦玄自當超軼于暴其父陰侵於陽自古未有如
泚之大者也或者上天之意申儆於巨唐中興之期
先啓于陛下然則王師奮伐孰無駐于建瓴颺頻搶
攘功有輕于折筆猶慚密網尚反隻輪誠當盡敵之
時更發追亡之騎且稽分猷未即燃臍快憶兆之歡

古文國璋集卷之二十三

唐文選

心復宗社之深恥即當臬戮用申刑典今已肅清官
禁祇謁寢園鍾虞不移廟貌如故盡為宸極之所垂
祐列聖之所雄都神扶業業之傾天降穰穰之福不
然豈免于毀圮之患芴剝之虞者哉此皆上天降鑒
眷慮潛施制兵要于事先規雄武于毅內再造可封
之俗因秦不戰之功左武右文銷鋒鑄劍濬平華胥
之代冥然為天之風臣謬寄台司幸當統帥乏吉甫
之文武缺御毅之詩書此皆諸衆叶心群師宜力非
臣庸瑣敢自矜大臣不勝慶快之極謹差監軍王

敬親牙觀御史大夫符郡王邵張少引謹奉露布以聞

命詞敦重不爲夸張西平克復京師奉迎車駕猶謝收復之晚此文固足副其意也

又駁尚書右僕射鄭珣瑜謚議 李 巽

李巽字令叔趙州贊皇人以明經舉授華召拜給事中爲湖南觀察使貞元五年徙江西南宗立擢兵部侍郎杜佑表爲監鐵轉運副使俄代佑

議曰鄭珣瑜兩字之謚今太常請依前謚曰文獻者夫謚者春秋褒貶之旨也仲尼書法隨類推廣雖一字褒貶其文猶博益欲指明事業以昭示後代俾後之人懲其惡勸其善故不可苟夫謚一字正也堯舜禹湯周公邵公是也兩字非正也故謚法不載或人臣不守彝章苟逞異端考烈愼靜是也或時主之權

以功德加厚於臣也蕭何霍光房玄齡魏徵是也不當加而僭也孔光劉寬薛元超李元紘是也三字過也貞惠文是也亦謚法所不載也古今無有也公叔文子謚衛君之過也衛之亂制也。不然即記之失也。以。一。美。加。一。字。即。堯。舜。禹。湯。當。累。數。十。字。以。爲。謚。也。夫禮記者非盡聖賢之意也非盡宣尼之所述也當時雜記也。昔。后。蒼。爲。曲。臺。記。其。弟。子。戴。聖。增。損。刊。定。爲。小。戴。禮。今。禮。記。是。也。若。盡。宣。尼。之。所。述。即。戴。聖。豈。得。而。增。也。昔。宣。尼。修。春。秋。游。夏。不。能。措。一。詞。以。知。禮。

記非盡宜尼所述。故戴聖得以增損也。則貞惠文子之謚。衛君亂制也。古今無有也。非宜尼所述。又何足法哉。鄭珣瑜和茂修整。始終無闕。可爲美矣。至於議行考功。而度越等輩。比於鄭文成。梁文昭。魏文貞。則不侔。而謚號無差。輕用國典。失春秋之旨矣。向者鄭梁數公。皆經綸草昧。輔翼興王。以導輔君。致於化洽。彰灼千古。言之者凜然生敬。而以珣瑜齒之。豈無愧於心哉。夫數公者。皆時主感風雲之會。懷謨明之美。故加於常典。以明其德。亦所以篤君臣之義也。然非正也。權制也。若後之人。非數賢之比。則當循常以避數賢地也。其劉仁軌。薛元超。李元紘。加字之謚。皆黜國典。而昧彝倫。言之可爲寒心。豈當舉之以爲訓也。其餘姚元崇。宋璟。劉幽求。或輔相一代。致理平之。化或忘身徇難。成中興之業。又豈珣瑜之以典選爲進善。以辭疾爲嫉惡邪。皆尚口僞辯。非守典確論也。夫以典選者。皆爲進善耶。若然者。則國家有天下二百。年何裴行儉。馬戴。盧從愿等。數賢獨見稱於時也。循資署置。謂爲進善。異乎余所聞也。又珣瑜之病。數月

而終。豈爲疾耶。借使僞疾。尤可怪也。昔子路之亢食。家臣有殺身徇難。而珣瑜履台輔之重。當危難之際。平居則饗其高爵厚祿。見危則奉身自保。以此爲是非之明。卽董狐之書趙盾爲妄作也。珣瑜之辭疾。可責於太常。舉以爲德信君臣之義。非常人所知也。珣瑜之下詔。李實誠中其疾。可謂美矣。然則珣瑜自始蒞仕。至於啓手足。垂四十年。歷諫職。持風憲。其忠規激發。恐有過此者。今太常舉其下詔。李實未爲多也。謂爲審諤者衆矣。豈能使汲黯。魏徵有慚色哉。前異議云。三代兩漢無二字之謚。此末學之過也。無荀文若之進善。無孟軻之是非。無文子之賑施。無周舍之審諤。以珣瑜之行清而無關。可爲掩之不足辯也。今所議兩字之謚。亦又不當其議。固不足斥也。前異之言過矣。但兩字之謚。加等之美。以蕭何房玄齡言。不在珣瑜也。異雖不敏。至于言謚。美以感人聽。此嘗所激切而不平也。終不欲有僭齒於蕭何房玄齡之宗。又不欲有造次擬於魏文貞。姚元崇。宋璟。劉幽求之謚。言悟主。茂績殊勳也。夫前車之覆。後車所以易轍。

也。前有司之失，後有司當有以矯之也。不矯之，則逖迤遂達，以至亂制。此有聞之誠也。考烈靜慎，孔光劉寬、薛元超、李元紘之同於禹、湯、文武，蕭何、霍光、房玄齡、魏徵，前有司之過，後之專筆削者，宜有以矯之也。不矯之，典禮寢亂矣。有司不可以尤而效之也。不可以黨所見而遂僭典也。鄭珣瑜兩字之謚，請下太常重議。若一字不足盡珣瑜之盛德，必須兩字，則敢俟再告謹議。

古人論謚未嘗以一字爲輕，兩字爲重。然近代人

古文國璋集卷之二十三

唐文卷三

文必以多少爲重輕，此人之極爲謹嚴

蔡襲傳

李璣

李璣字建侯，北海太守。邕之從孫。順宗時進御史中丞。憲宗立，爲京兆尹，進尚書右丞。

蔡襲者，自言裨將也，不詳其氏族源胄。至襲居北部，振武軍，學擊劍，沉勇好奇，謀功名，初無知者。嘗任氣與人鬪而斃之，時故司空劉沔以右僕射爲振武節使，聞之，收襲繫獄，將杖殺之。經宿而死者復蘇，故襲得免死，謫役數年。沔移鎮河東，武宗初，匈奴犯邊，詔沔河東及諸道兵出征，襲聞邊方有事，將因之以立功，乃逃其所務。來叩沔曰：「往君免襲之死，是明公屈法申恩，而襲之大幸也。今天兵有伐於北虜，竊願施大馬之勞於軍前，上得以酬君之恩，下乞以自補其惡，死生畢矣。」沔聞而壯義之，命厠諸卒。官軍至大寧，聞匈奴已入振武界。時太和公主在蕃多年，又聞振武欲奪公主，沔恐公主爲振武所得，蓋已功，籌策未知所出。諸將吏莫能謀，襲乃請詐爲捕逃者，至匈奴營，動搖令移河東界。沔然其計，遂遣襲往。襲至匈奴所，揚言云：「振武太守欲殺汝曹。」河東劉僕射是招撫使，若不移，必爲振武所害。匈奴有得此語者，還歸

古文國璋集卷之二十三

唐文卷三

寧武遂移部曲。次于屈越城西。已在河東界。去軍猶二百餘里。襲歸告汭。欲奏。恐詔問須生口。爲據。襲又獲生口十二人。馬十五匹。主帥乃具事上聞。自後屢有詔令奪公主。汭患匈奴衛帳遠。欲其近。又不能。襲遂請以貲糧入蕃招引。汭從之。襲至蕃中見公主。公主流涕告以北蕃破亡。疾饑孤危無告。襲對曰。聖明在上。公主何不與單于議。同入奏以困急耶。公主曰。此已曾議。單于爲我去。必不還事。已不諧矣。言畢。襲請對單于。謁者高連干曰。單于是離本國復中路。不宜與使相見。有故。但可與蕃相論之。襲遂見蕃相。相曰。吾病飢窶。唐不我恤。今日唐使來。幸得無可懷。襲對曰。爲不知單于消息。捕得匈奴十二人。詰問。方知在唐界外數月。河東劉僕射令以貲糧一十囊。馳寄公主。單于宰相兼遣詔命如能南下。則所匿場。易相助也。今部落甚遠。安知早款如此。蕃相曰。人。不曉公法。昨者飢草。不得已有所犯干。今日汝必以此故來誘殺我。遂推襲出帳。令步卒以弓弩圍繞曰。不露情。必當射殺。襲曰。國家實命招恤。如信即往。疑盡

走諸蕃。後悔亦無及矣。今虐我何益。蕃相曰。我若徒走諸蕃。亦何悔。襲曰。單于大蕃。與唐爲親。有舅甥之恩。輔車之勢。破亡祗宜歸唐。反入諸小蕃。若爲小蕃所蔑。安得不悔。蕃相乃曰。我今歸唐。但恐汝主誤我。汝若真招徠。當爲我重約誓。襲曰。凡作誓者。急則萬端。襲之爲誓。異於是。遂引手。蕃相前請斷左手腕。以爲誓。顏色不動。辭令甚壯。蕃相不許。曰。且爲我劈心出血。後自飲之。亦足爲信。襲乃於心上出血。置器中。而誓曰。我若誤汝入唐境。而携貳心。天必殛誅。烹醢。古文圖緯集卷之二十三唐文卷三

之歸。公至河東。悉訴其事於劉沔。又嘗書襲名於尺素中。許以上聞。又言於監軍呂義忠曰。無蔡襲。吾不生還矣。其智如此。公至既歸京師。沔加司空。石雄受天德軍防禦使。唯襲非人君所知。王帥不為奏。公至亦竟不能為言。功業籌策。遂暗而不顯。而河東絕滅匈奴。至今邊塵晏清者。本襲運籌之力也。會昌二年。劉稹據上黨。反。楊弁於太原。乘間拒命。見獲。四年。上黨平。今上大中四年。南山黨羗反。自會昌二年及今征伐。襲並有勲績。其功皆錄在河東簿書。惟破匈奴。為首功。而為人所掩耳。至今部曲將校。無不稱其智勇。李璣曰。甚矣功名之見沉也。一至於此。然古人官稱位可排。而名不可奪矣。由蔡襲以言之。其可奪耶。其不可耶。始余於京洛間。聞說者多稱劉石。有破虜之功。及至太原。聞蔡襲方知為舉代之惑也。悲夫。功業卓然。尚可掩抑。况才藝耶。余念其勤而無益。故諱足其事。為傳云。

若蔡襲一人足當數萬之師。而功績反為王將所掩。則豪杰之士必有聞之灰心者矣。

古文國璋集

卷之二十三

天唐文卷三

代李侍郎論兵表

呂溫

呂溫字和叔。貞觀末擢進士。第再遷左拾遺。以侍御史。出為張嘉賓。使吐蕃。元和元年。乃還。進戶部員外郎。後恐賣群。薦知雜事。因構李吉甫。貶均州刺史。再貶道州。從衡州卒。

臣某言。臣伏見某月日詔旨。發更太原鳳翔及神策諸鎮兵。赴劔南東川者。陛下睿算無遺。神武必斷。與人除害。順天行誅。奮如霆之威。乘破竹之勢。期於久逸。無憚一勞。大正國經。永清時禔。百王盛事。千古英聲。天下幸甚。然或時事之可否。兵家之利害。道途之險易。將帥之宜稱。不可不深圖遠計。原始要終。狂夫有可擇之言。愚者有一得之慮。管窺所至。願効微誠。臣竊以為。古今用兵。皆在將勇。師和。政齊。計勝。不必多兵。廣眾。然後成功。今高崇文等諸將。所統已約一萬五千餘人。以整擊亂。以順討逆。授以廟算。假之天威。誠醜怪兒。需有餘力。若更多徵。征鎮廣命。師旅臣竊計之。其患有五。一則高崇文素非大將。拔自偏鎮。忠勇雖著。威聲未振。本兵既少。兼統則多。將皆權隸。士非素撫。雖是銳師。勢同烏合。居常則猶可。臨敵則何以指揮。非惟崇文才分有限。此亦自古兵家

古文國璋集

卷之二十三

天唐文卷三

所難。臣不敢廣引載籍。上煩聖聽。請直以近事明之。
哥舒翰。潼關之守。郭子儀。相州之圍。韓全義。激水之
役。皆以兵多將雜。而致敗。匈奴。許叔翼之保靈昌。李光
弼之全河陽。李晟之收復京邑。皆以兵少將一。而建
大功。成敗昭然。布在人口。二則貞元以來。天下無事。
四方節將。人各懷安。陛下覆燾惟新。理先清靜。卒以
西南小醜。久稽天誅。自春徂夏。徵發已廣。見在兵力。
破賊有餘。若更務濟師。屢開動衆。山嶮深阻。暑濕爲
沴。北人南役。誰不憚行。去土離家。動生愁怨。往年涇
古文國瑞集卷之二十三 手唐文卷三
判卒職此之由。事繁安危。不可不察。三則吐蕃約盟
未定。窺伺在心。間諜往來。急於郵傳。又必持兩端之
計。與劉闢交通。若聞發兵西南。多取邊鎮。秋風卽至。
虜馬已肥。冒隙乘虛。必有侵軼。事出萬一。悔何可追。
四則劉闢窮寇。保險逃死。雖禍淫助順。天道甚明。而
兵凶戰危。人事難必。脫或親武之師。少不如意。蜂蟻
搶聚。假息旬時。攻守之間。動須應援。固當潛鋒養銳。
以逸待勞。今便悉兵。後將何繼。五則劍川磽壻。居人
食且不充。蜀路險艱。餉運無由多致。今屯兵日費。何

啗萬金。數州麥粟。資糧將盡。千里飛輓。所濟幾何。若
更加兵。實難供贍。一夫脫有菜色。三軍無復關心。幸
可少以成功。何必多而爲患。今太原及神策等軍。已
上道者。其數頗多。足辦戎事。其鳳翔等鎮。未發之兵。
伏乞聖恩。且勒權停。續候事宜。以議行止。臣謬膺重
任。過蒙恩遇。輒率狂瞽。輕黷宸嚴。苟利國家。甘心鼎
鑊。無任兢遑懇迫之至。謹奉表陳奏以聞。
利害明悉奏事能品

功臣恕死議

呂溫

昔衛蒯聵以竊國之詐盟其陪臣服冕乘軒三死無
典近代惑者爲因口號於是乎有功臣恕死之典考
諸古訓其異端歟稽諸時事其亂本歟何者有國之
柄莫大乎刑賞人生有欲不可以不制天討有罪不
可以不刑蓋刑者聖王所以佐道德而齊天下者也
功濟乎物不可以不賞賞勸乎功不可以不信蓋信
者聖人所以一號令而悼天下者也然則恕死之典
棄信而廢刑何以言之夫立功者自八元十亂之後

古文國璋集卷之二十三

幸唐文卷三

非盡能賢或有起屠販墮畝行陣之間乘帝王應天
順人之勢用力無幾遂貪天功超騰風雲各得變化
率勞怙寵崛強自負僭冒無厭見利忘義是空崇威
峻法大爲之防而反丹書鐵券許以不死其功大者
可以五作亂而十犯上孰不以暴爲無傷乎且人君
之言如渙汗不反既與之要天地誓山河卒一旦失
馭有黷韓之罪神怒人怨不得已而誅是棄信也若
恣行兇險驟突憲綱或姦鋒將發疊逼宗社乃念斯
言之玷忍而不誅是廢刑也向者纔得其塵涓之勞

螢燭之助而信棄刑廢將焉用之使賢而有功驚寵
懼滿自居無過之地何恕死爲使愚而有功小人不
幸又告以無死是增驕而啓奸適所謂賞之禍也雖
恕之死其能免乎夫其賢如太公忠如伊尹惟君知
臣可以勿貳而遽宥以罪死是空其不終非所以待
之以誠而盡君子之心也若乃猾如狗盜庸如黠徒
未有罪而先恕之死是不許其慕生廉耻自固名節
非所以道之以德而勸小人之善也以爲明君之處
勞臣也安之以爵祿柯之以紀律名之以好惡聳之

古文國璋集卷之二十三

幸唐文卷三

以禍福使得遷善遠罪保勳全名剖符傳慶與國終
始恩斯勤斯是亦極矣奈何撓權亂法以罪寵人墜
信賞必罰之典虧昭往基違之道忍非哲王經邦軌
物之制也謹議

八議之典自古有之而不著之丹書鐵券者良有
意也

正議大夫行尚書吏部侍郎上柱國賜紫金魚

袋贈禮部尚書韓公行狀

李 翱

曾祖恭皇任曹州司馬祖濟素皇任桂州長史父仲卿皇任祕書郎贈尚書左僕射公諱愈字退之昌黎某人生三歲父歿養於兄會舍及長讀書盡能記他生之所習年二十五上進士第汴州亂詔以舊相東都留守董晉為平章事宜武軍節度使以平汴州晉辟公以行遂入汴州得試祕書省校書郎為觀察推官晉卒公從晉喪以出四日而汴州亂凡從事之昇者皆殺死武寧軍節度使張建封奏為節度推官得試太常寺協律郎選授四門博士選監察御史為幸臣所惡出守連州陽山縣令政有惠於下及公去百姓多以公之姓名其子改江陵府法曹參軍入為權知國子博士宰相有愛公者將以文學職處公有爭先者構公語以飛之公恐及難遂求分司東都權知三年改直博士入省為分司都官員外郎改河南縣令日以職分辨於留守及尹故軍士莫敢犯公職方員外郎華州刺史奏華陽縣令柳澥有罪

古文國華集

卷之二十三

三

唐文卷廿三

貶之公上疏請發御史辨曲直方可處以罪則下不

受屈既柳澥有犯公由是復為國子博士改北部郎中史館修撰轉考功郎中修撰如故數月以考功知制誥上將平蔡州先命御史中丞裴公度使諸軍以視兵及還奏兵可用賊勢可以滅頗與宰相意忤既數月盜殺宰相又害中丞不克中丞微傷馬逸以免遂為宰相以主東兵自安祿山起范陽陷兩京河南北六七鎮節度使身死則立其子作軍士表以請朝廷因而與之及貞元季年雖順地節將死多即軍中取行軍副使將授以較之節習以成故矣朝廷之賢恬然於所安以苟不用兵為貴議多與裴度相異惟公以為盜殺宰相而遂息兵其為耻甚大兵不可以息以天下力取三州尚何不可與裴丞相議合故兵遂用而宰相有不便之者月蒲遷中書舍人賜緋魚袋後竟以他事改太子右庶子元和十二年秋以兵老入屯未減上命裴丞相為淮西節度使以招討之丞相請公以行於是以公因本官兼御史中丞賜三品服及魚為行軍司馬從丞相居於鄆城公知蔡州

古文國華集

卷之二十三

三

唐文卷廿三

精卒聚界上以拒官軍守城者卒老弱且不遇千人
盧白丞相請以兵三千人間道以入必擒吳元濟丞
相未及行而李愬自唐州文城壘提其卒以夜入蔡
州果得元濟蔡州既平布衣栢耆以計謁公公與語
奇之遂白丞相曰淮西賊王承宗贍破可不勞用衆
宜使辨士奉相公書明禍福以招之彼必服丞相然
之公令栢耆口占爲丞相書栢耆袖之以至鎮州王
承宗果大恐上表請割德棣二州以獻丞相歸京師
公遷刑部侍郎歲餘佛骨自鳳翔至傳京師諸寺百
古文國璋集卷之二十三 唐文卷三十三

莫矣改兵部侍郎鎮州亂殺其帥田弘正征之不克
遂以王庭湊爲節度使詔公往宣撫旣行衆皆危之
元稹奏曰韓愈可惜穆宗亦悔有詔令至境觀事勢
無必於入公曰安有受君命而滯留自顧遂疾驅入
庭湊嚴兵拔刀弦弓矢以逆及館甲士羅於庭公與
庭湊監軍使三人就位旣坐庭湊言曰所以紛紛者
乃此士卒所爲本非庭湊心公大聲曰天子以爲尚
書有將帥材故賜之以節質不知公共健兒語未德
集作乃大錯甲士前奮言曰先太史爲國打朱滔滔
古文國璋集卷之二十三 唐文卷三十三

元年始十七亦仗節皆三軍耳所問也衆乃曰朝廷正刻此軍故軍不安公曰然汝三軍亦嘗田令公身又歿其家矣復何道衆乃謹曰侍郎語是庭奏恐衆心動遽麾衆散出因泣謂公曰侍郎來欲令庭奏何所爲公曰神策六軍之將如牛元翼比者不少但朝廷顧大體不可以棄之耳而尚書久圍之何也庭奏曰卽出之公曰若真則無事矣因與之宴而歸之牛元翼果出及還於上前盡奏與庭奏及三軍語上大悅曰卿直向伊如此道由是有意欲大用之王武俊

古文國瑋集卷之二十三

唐文卷三

贈太師呼太史者燕趙人語也轉吏部侍郎凡令史斷不鎖廳出入或問公公曰人所以畏鬼者以其不能避也鬼如可見則人不畏之矣選人不得見令史故令史勢重聽其出入則勢輕收京兆尹兼御史大夫特詔不就御史臺調後不得引爲例六軍將士皆不敢犯私相告曰是尚欲燒佛骨者安可忤故盜賊止遇旱米價不敢上李紳爲御史中丞械囚送府使以尹杖杖之公曰安有此使歸其囚是時紳方幸宰相欲去之故以臺與府不協爲請出紳爲江西觀察

使以公爲兵部侍郎紳既復留公入謝上曰卿與李紳爭何事公因自辨數日復爲吏部侍郎長慶四年得病滿百日罷既罷以十二月十日卒於靖安里第公氣厚性通論議多大體與人交始終不易凡嫁內外及交友之女無生者十人幼孤養於嫂鄭氏及嫂歿爲之服基以報之深於文章每以爲自楊雄之後作者不生其所爲文未嘗放前人之言而固與之並自貞元末以至於茲後進之士其有志於古文者莫不視公以爲法有集二十卷小集十卷及病遂請告

古文國瑋集卷之二十三

唐文卷三

唐文

受節鉞上表

田弘正

弘正本名興祖。延博節度使承嗣之季父也。田季安卒。衆欲以弘正爲帥。力拒不從。具事上聞。憲宗嘉之。加銀青光祿大夫。工部尚書。魏州大都督。上柱國。沂國公。改賜今名。授以節鉞。

臣聞君臣父子。是謂大倫。緩立紀綱。以正上下。其或子不爲子。臣不爲臣。覆載莫可得容。幽明所宜共殛。

古文國碑集卷之二十四

唐文卷十四

臣家本邊塞。累代唐人。從乃祖。乃父以來。沐文子文孫之化。臣幸因宗族。早列偏裨。驅馳戎馬之鄉。不觀朝廷之禮。惟忠與孝。天與臣心。常思奮不顧生。以身殉國。無由上達。私自感傷。豈意令偶昌時。事緣難故。白刃之下。謬見推崇。天慈遽臨。免書罪累。朝章荐及。仍委旂旄。錫封壤於全藩。列班榮於八座。君父之恩。已極。絲毫之效未伸。但以硯冒知羞。低徊自愧。是知功業所著。必俟危亂之時。微幸之來。却在清平之日。循涯揣分。以寵爲憂。伏自天寶已還。幽陵肇亂。山東

與壤悉化。戎墟外無車馬。內懷梟獍。官封代襲。刑賞

自專。國家舍垢之匿瑕。垂六十載。臣每思此事。當食

忘餐。若稍假天年。得奉宸筭。兼弱攻昧。批亢搗虛。竭

鷹犬之資。展獲禽之用。導揚和氣。洗滌僞風。然後退

歸田園。以避賢路。臣懷此志。陛下察之。

弘正生于亂族。獨爲純臣。讀其表文。真義士擊節

四人奪氣。惜乎功不遂其志也。

古文國碑集卷之二十四

唐文卷十四

請罷遣方士疏

裴濟

濟河東人元和初官遷拾遺左補闕憲宗末年信方士柳泌服泌藥日增燥渴流聞於外疏上

臣聞除天下之害者受天下之利。其天下之樂者。饗天下之福。故上自黃帝顓頊堯舜禹湯。下及周文王武王。咸以功濟生靈。德配天地。故天皆報之。以上壽垂祚於無疆。伏見陛下以大孝安宗廟。以至仁牧黎元。自踐祚已來。剋積代之妖兒。開削平之洪業。而禮敬宰輔。待以終始。內能大斷。外寬小故。夫此神功聖

古文國瑞集

卷之二十四

三唐文卷古

化。皆自古聖主明君所不及。陛下躬親行之。實光映千古矣。是則天地神祇必報陛下以山岳之壽。宗廟聖靈必福陛下以億萬之齡。四海蒼生咸祈陛下以覆載之承。自然萬靈保佑。聖壽無疆。伏見自去年已來。諸處頻薦藥術之士。有韋山甫柳泌等。或更相稱引。迄今狂謬。荐送漸多。臣伏以真仙有道之士。皆匿其姓名。無求於代。潛遁山林。滅影雲壑。唯恐人見。唯懼人聞。豈肯干謁公卿。自鬻其術。今者所有誇銜藥術者。必非知道之士。咸為求利而未自言。飛鍊為神。

以誘權貴賄賂。大言恠論。驚聽惑時。及其假偽敗露。曾不恥於逃遁。如此情狀。豈可保信其術。親餌其藥哉。禮曰。夫人食味別聲。被色而生者也。春秋左氏傳曰。味以行氣。氣以實志。又曰。水火醴醢鹽梅以烹魚肉。宰夫和之。齊之以味。君子食之以平其心。夫三牲五穀。稟自五行。發為五味。蓋天地生之所以奉人也。是以聖人節而食之。以致康強。逢吉之福。若夫藥石者。前聖以之療疾。蓋非常食之物。况金石皆含酷烈熱毒之性。加以燒治。動經歲月。既兼烈火之氣。必恐

古文國瑞集

卷之二十四

四唐文卷古

難為防制。若乃遠徵前史。則秦漢之君。皆信方士。如盧生徐福。樂大李少君。其後皆奸偽事發。其藥竟無所成。事著史記。漢書皆可驗視。禮曰。君之藥。臣先嘗之。親之藥。子先嘗之。臣子一也。臣願所有金石鍊藥。人及所薦之人。皆先服一年。以考其真偽。則自然明驗矣。伏惟元和聖文神武法天應道皇帝陛下。合日月照臨之明。稟乾元利貞之德。崇正若指南。受諫如轉規。是必發精金之刃。斷可疑之網。所有藥術虛誕之徒。伏乞特賜罷遣。禁其幻惑。使浮雲盡徹。朗日增

輝道化侔義農悠久配天地實在此矣伏以貞觀已
來左右起居有褚遂良杜正倫呂向韋述等咸能竭
其忠誠悉心規諫小臣謬忝侍從職奉起居待從之
中最近左右傳曰近臣盡規則近侍之臣上達忠款
實其本職也

樊大曰神仙者非有求于人主人主者求之即此
一言便足破方士之偽妄矣

贈故蕃維州城副使悉怛謀制 李德裕

李德裕字文饒元和宰相吉甫子也文宗太
和四年使劍南西川節度建等處樓閣二處
懼南詔請還所俘掠四千人吐蕃維州將悉
怛謀以城降牛僧孺居中沮其功命返悉怛
謀於虜德裕終身恨之後作制追贈

較兵家之法地有必爭遠則漢氏之得陰山匈奴慟
哭近則張愿之城河外朔邊底寧乃眷維州寔為險
隘有金湯之固居襟帶之衝沒為戎疆垂六十載故
蕃維州城副使悉怛謀嘗解辨髮獻其壘垣謀臣託
以和盟沮其誠款尋令束縛歸虜虜棄彼獲甘心且

無淮類昔常山臨代為全趙之寶符河西絕羌斷西
戎之右臂棄茲要害用長冠帶至今蜀人言必流涕
豈陳湯之專命由匡衡之廢忠言念始謀久罹幽枉
爰加寵贈用慰貞魂

賜何重順詔

李德裕

敕重順卿代傳忠孝志在功名朕每用注心豈忘終食况卿先父當太和之際已有誠款思靖降封臣節昭彰遐邇稱歎澤潞一軍素聞忠順從前命帥皆是儒臣朕宗以劉悟有歸闕之功委之心膂令居善地鎮靖一方及殂謝之時不能堅守臣節遂使三軍上請以幼子總戎其時朝廷因循姑務安靖授以旄鉞事蓋從權今從諫疾恙所侵頗聞緜綴昨上麻奏至大將及下復請劉稹權知軍務朕深惜劉悟一門目古文國璋集卷之二十四

夫逸懷以來累代忠節今劉稹又欲自擅據其門風當撤瑟之辰罔聞憂戚在昔藥之際便窺兵機尤為臣子所當共棄卿空訓練戎旅嚴固封疆候彼軍中有變便須遣書告諭令其三軍送到稹歸闕請朝廷推新擇帥朕必選舊德重望委之撫循劉稹厚加爵賞別有所用如妄自制置邀求寵榮國家典法亦難寬宥澤潞一鎮與卿事體不同勿為子孫之謀欲存輔車之勢但能顯立功效自然福及後昆勉務良圖副茲委遇高秩厚賞無所恪焉

請省官寮

李德裕

憲宗元和六年六月甲子朔敕坊梁人示根丁卯中書門下奏省官事從之

中書門下奏官省則事省事省則人省官煩則事煩事煩則人濁濁濁之內在官之煩省國家自天寶之後中原宿兵見在軍士可使者八十餘萬其餘浮為商販度為僧道雜入色役不歸農桑者又十有五六則是天下常以三分勞筋苦骨餘之人奉七分坐承待食之輩合內外官給俸料者不下一萬餘員其間有職出異名奉本府寺驛廢簪組因循者甚眾况歛財日寡而授祿至多設官有限而入色無數九流安得不雜萬物安得不煩漢初置郡不過六十文景釐化百王莫先則官少不必政素郡多不必事理今天下三百郡一千四百縣故有一邑之地虛設郡一卿之貳徒分縣職所費至廣所制全輕伏請勅吏兵部給事中中書舍人各一人錯綜利病詳定廢置吏員吏員可併省者併省之每年入仕者可停減者停減之此則利廣而易求官少而易理稍減冗食足寬疲乏又國家舊章依品制俸官一品月俸三十千其餘

職田祿米大約不過千石自一品以下多少可知艱難已來禁網漸施于是增置使額厚請俸錢故大曆中權臣月俸有至九十貫者列郡刺史無大小給皆千貫常袞爲相始立限制至李泌又量其閑劇隨事增加時謂通濟理難裁削然猶有名存職廢額去俸在閑劇之間厚薄頓異將爲永式須立常規

官省則省事省則人清此致治之要而文亦有體裁

止藥餌疏

李德裕

敬宗時多信方士求藥何長生德裕上言

臣聞道之高者莫若廣成玄元人之聖者莫若軒皇孔子昔軒皇問廣成子理身之要何以長久廣成子云無視無聽抱神以靜形將自正神將自清無勞子形無搖子精乃可長生慎守其一以處其和故我修身于二百歲矣吾形未嘗衰又云得吾道者上爲皇而下爲王玄元語孔子云去子之驕氣與多欲態色與淫志是皆無益於子之身吾所告子者是已故軒

皇發謂天之歎孔子興猶龍之感前聖於道不其至乎伏惟文武大聖廣孝皇帝陛下稽玄祖之訓修軒皇之術凝神開館物色異人將以覲冰雪之姿屈順風之請恭惟聖感必降真仙若使廣成玄元混迹而至語陛下之道授陛下之言以臣度思無出於此臣所慮赴召者必怪迂之士苟合之徒使物淖冰以爲小術銜耀邪僻蔽欺聰明如文成五利無一可驗臣所以三年之內四奉詔書未敢以一人塞詔實有所懼臣又聞前代帝王雖好方士未有服其藥者故漢

書稱黃金可成以爲飲食器。則益壽。又高宗朝劉道合玄宗朝孫旣生皆成黃金。二祖竟不敢服。蓋以宗廟社稷之重。不可輕易。此事炳然具載國史。以臣微見。備陛下睿思精求。必致其隱。惟問保和之術。不求藥餌之功。縱使必成黃金。止可克於玩好。則九廟靈鑒。必當慰悅。寰海兆庶。誰不惟心。臣思聲愚衷。以裨玄化。輒陳懇款。伏積兢皇。

細讀此文乃覺退之佛骨表之愚耳然退之小臣微公大臣小臣不想不足以振勸大臣不殆不足

古文園華集卷之二十四

上唐文卷四

以匡救是其所處之不同也

論失維州奏

李德裕

太和二年德裕進位司空五年吐蕃維州守將以城陷爲牛僧孺所阻終失維州德裕奏之論

臣在先朝出鎮西蜀其時吐蕃維州首領悉怛謀維是雜虜久樂皇風將彼堅城降臣本道臣尋差兵馬入據其城飛章以聞先帝驚歎其時與臣不足者望風嫉臣遽獻疑言上聞宸聽爲與吐蕃盟約不可背之必恐將此爲辭侵犯却境詔臣還却此城兼執送悉怛謀等今彼自戮復降中使迫促送還背白起殺

古文園華集卷之二十四

上唐文卷四

降終于杜郵致禍陳湯見徙是爲到支報讎感歎前事愧心終日今者幸逢英主奉備台司輒敢追論伏希省察且維州據高山絕頂三面臨江在戎虜平川之衝是漢地入兵之路初河隴盡沒此州獨存吐蕃潛將婦人嫁與此州門子二十年後兩男長成竊開壘門引兵夜入因茲陷沒號曰無憂因併力於西邊遂無虞於南路憑凌近甸宵旰累朝貞元中韋卓欲經略河湟須以此城爲始盡銳萬旅急攻累年吐蕃愛惜既甚遂遣舅論莽熱來援雖崇高峻臨衝難及

千層雲鳥運屈盤猛士多糜于礪石莫展公輸之乃
空擒莽熱而還及南蠻負恩掃地驅劫臣初到西屬
衆心未安外揚國威中緝邊備其維州執臣信令巧
送款與臣臣告以須俟奏聞所冀探其情偽其悉但
謀誘率一城之兵衆并州印甲仗塞途相繼空壁歸
臣臣卽入山牙兵受其降禮南蠻在列莫敢仰視况
西山八國隔在此州比帶使名都成虛語諸羌久苦
蕃中征役願作大國王入自維州降後皆云但得臣
信牒帽子便相率內屬其蕃介合水棲鷄等城既失
古文園璋集卷之二十四 主 唐文卷四
險阨自須抽歸可滅八處鎮兵坐收千里舊地臣見
莫大之利乃爲恢復之基繼具奏聞請以酬賞臣自
與錦袍金帶顯侯詔書且吐蕃維州未降已前一年
猶圍魯州以此言之豈守盟約况臣未嘗用兵攻取
彼自感化來降又沮謀之人不知事實大戎進鈍土
曠人稀每欲乘秋犯邊皆須數歲就食臣得維州踰
月未有一使入疆自此之後方應破膽豈有慮其後
怨鼓此游詞臣受降之時指天爲誓寧忍將三百餘
人性命棄信偷安累表上陳乞垂矜赦答詔嚴切竟

令執還加以體披桎梏昇于竹舂及將就路冤叫呼
天將吏對臣無不流涕其部送者便遭蕃帥訛誚曰
旣以降彼何須送來乃却將此降人戮于漢界之上
容行殘害用固携離乃至擲其嬰孩承以槍槊臣聞
楚靈誘殺蠻子春秋明訊周文外送鄧叔簡冊深鄙
况乎大國負此異類絕忠款之路快兇虐之情從古
以來未有此事臣實痛悉但謀舉城受酷由臣陷此
無辜乞慰忠魂特加褒贈

懷私恨而抑國謀阻皇風而張虜氣忠臣爲國能

古文園璋集卷之二十四

西唐文卷四

無發憤此衛公所以痛心切齒于僧儒也

賜回鶻可汗勅書

李德裕

回鶻自開成時為黠戛斯所破會呂後鳥介可汗挾公主牙塞下種塲大飢以弱口重器易粟於邊還海黨項剽掠因天德軍使田牟上言願以兵擊之德裕言不如與粟以待其變帝從之因賜書

勅我國家親臨萬寓列塞在陰山之南先可汗抱率本部建牙於大漠之北各安土宇二百餘年此天所以限隔中外不可逾越近聞為紇吃斯所敗加以飢荒州邑為墟屍僂道路今可汗稍收離散漸近邊城將務遠圖先示文誥故茲命使宣聽朕言可汗累代

古文國璋集卷之二十四

唐文卷四

已來亦誠嚮國往者中原有難助剪群兇列聖念功每加優寵寧國咸安二公主降嫁龍庭爰及先朝復以今公主繼好又以土無綵繡歲遺繡繒恩禮轉深諸蕃榮羨久保誠信兩絕猜嫌但以國家舊章蕃漢殊壤稍踰經制豈朕所安去歲嗔呶斯特勤已至界邊將憤激便請驅除朕每念其無主可歸宜令安撫今可汗既立彼又降附便合率領漸復舊疆漂寒垣殊非良計又得宰相頡于伽思等表借振武一城權與公主可汗居住中國之制與外蕃不同須守

前代規模祖宗法度昔漢朝單于乖亂呼韓款塞宣

帝送單于出朔方鵲鹿塞唯賑以米粟國初太宗皇帝令李思摩建牙於漠南道跡竝存事皆可驗未有深入漢界借以一城與羌渾黨項微小雜種同為百姓實亦屈可汗之尊貴亂中國之舊規若以未復本藩或欲別遷善地求大國聲援戢諸部交爭亦須率思歸之人且於漠南駐止朕當許公主朝覲親問事宜儻須應接必無所愆冀令彼國從此輯寧豈不謂去危就安轉禍為福朕緣公主將可汗冊誠來告深

古文國璋集卷之二十四

唐文卷四

感十衷制置之間須存遠大故遣右金吾衛大將軍兼御史大夫王會副使宗正少卿兼御史中丞李師偃馳往喻懷爰定所居更中誓約神明是質豈可食言可汗宜保一心自求多福

文饒所草諸勅皆深略緯文詞見萬里直是相業所係非徒以詞命見推

賜太和公主書

李德裕

勅姑遠嫁絕域二十餘年跋履險難離此故土朕每念於此良用惘然恭惟太皇太后春秋已高慈愛頗厚比者望姑朝謁再叙悲歡候已歲暮寂無音耗想姑見舊國之城色能不銷魂望漢將之旌旗必嘗涕泣今朔方既至嚴雪已零絕塞蕭條固難久處旃牆屬幕何以禦冬因飲酪漿且非適口朕俯臨萬寓子育群生一物未安終食三歎况姑累年漂泊何日忘懷想姑高明必自懸鑒姑承宗廟之餘慶爲王室之古文國璋集卷之二十四
唐文苑詩
懿親先朝割愛降婚義宰家國謂回鶻必能禦侮安靜塞垣使邊人子孫不見兵革昔射雉者不敢西向畏軒轅之臺今回鶻所爲甚不循理蕃渾是朕之百姓牛羊亦國家所有昔依漢地遂致蕃孽回鶻託以私讎恣爲侵掠每馬首南向始得不畏高祖太宗之威靈欲侵擾邊疆豈不思太皇太后之慈愛爲其國母足得指揮若回鶻不能稟命則是棄絕姁姁好今月之後不得以姑爲詞若將恃我爲親稟姑教令則須便自戢歎以繼舊歡想姑以朕此書諭彼將相令其

知分不更徇非塞外祁寒且無絳纈朕每御裘服則思彼未授衣豈可以回鶻請張遂忘親愛今寄冬衣若干事具如別錄

與紇圻斯可汗書

李德裕

皇帝敬問紇圻斯可汗時屬載陽想彼休泰朕撫歸萬寓子育群生思致洽和用臻至理將軍路布合祖等至覽表具知可汗生戴斗之鄉居寒露之野智謀精果材志沉雄威動龍荒澤馳象魏眷言丕績深注予懷我太宗文皇帝聖德高於百王英才軼於千古內定諸夏外服百蠻貞觀四年西北蕃君長詣闕頌願請上尊號爲天可汗是後降璽書西北蕃君長皆稱皇帝天可汗臨統四夷實自茲始洎貞觀六年

古文國

卷之二十四

九唐文卷四

太宗遣使臣王義恒至可汗本國將命鎮撫貞觀二十二年可汗本國君長身自入朝太宗授左屯衛將軍見堅都督至天寶末年朝貢不絕則可汗祖先已授我國家恩德計可汗國中遺老必自流傳朕續奉丕圖思申舊好比聞天德已後爲回鶻所隔久阻誠款回鶻自謂天驕罔脩仁義肆行殘忍凌雲諸蕃知可汗代爲仇讐果能報復滅其國邑皆以丘墟驅彼酋渠盡逾沙漠茂功壯節近代無備回鶻當中國伐叛之時嘗展勲力列聖加其大願累降姻親今失國

逃亡依于塞上只合早歸窮款受朕撫循而乃轉自

鳴張益懷狼顧在陰山之外誘惑小蕃乘我無虞卽來侵掠恣爲邊患今已四年朕大徵甲兵欲盡除萌比今幽州太原兩道節度皆克招撫以示犒懷望其悅心猶務含育而陵蔑公主頓擬傷殘馳突邊城賊謀竊盜近太原節度使劉沔不勝其忿潛出偏師乘其請張便襲虜衆大潰穹廬盡焚尤惡傷夷脫身潛竄已取得太和公主卽至闕庭回鶻殘兵不滿千人散投山谷計旬日之內必合衆擒朕再見公主良深

古文國事集

卷之二十四

千唐文卷四

欣慰可汗旣爲讐怨須盡殲夷儻留餘燼必生後患想遠聞慶快當倍恆心聞可汗受氏之源與我同族比平太守材氣天下無雙結髮事邊控弦貫石自後子孫多習武略代爲將門爾孫都尉提精卒五千深入六漠單于舉國來敵莫能抗威身雖陷敗名震蠻貊我國家承北平太守之後可汗又是都尉苗裔以此合族尊卑可知昨聞太和公主爲可汗兵衆所得可汗以同姓之國便遣歸還有此見可汗秉禮義之心重親隣之好朕深用感歎至于涕零公主尋爲回

鵠却奪。久不歸國。可汗所遣使臣皆被殘戮。言念
傷痛。至今不忘。昨見可汗表求訪送公主。使上天入
地。必須覓得。今邊將憤悅。已立奇功。回鶻罪人計日
可致。卽當顯戮。以謝可汗。况回鶻滅種族必盡。與
可汗便爲隣國。各保舊疆。繼好息人。事同一體。從此
邊陲罷警。弓矢載棄。必當諸部服從。皆懷德義。知我
兩國永爲宗盟。想可汗明智。自有良筭。故令太僕卿
兼御史丞相趙蕃特克節使。以答深誠。質於神明。用
存大信。朕言不貳。可不勉歟。又自古外蕃皆須中國
冊命。然可汗歷一方。今欲冊命可汗。特加美號。緣未
知可汗之意。且遣諭懷。待其蕃回日。別命使展禮以
申和好。彼國將相。竝存問之。遺書指不多及。
時武宗慈加可汗之名。卽不脩臣禮。故贊皇云。當
叙同姓以親之。使執子孫之禮。蓋權以廢之也。

先是點
進使上
奉公主
之大唐
故云

與點晏斯可汗書

李德裕

皇帝敬問點晏可汗。溫件合將軍至。覽書及所獻馬
百疋。鵠十聯。具悉可汗特稟英姿。生知雄略。奮揚威
武。底定龍荒。掃回鶻之穹居。報怨以直。護公主之屬
幕。事大以誠。又遣貴族信臣。載馳朔漠。名馬驚鳥。遠
涉流沙。旣展同姓之親。克副懷柔之意。眷言勲績。深
慰予衷。朕獲奉丕圖。撫寧萬國。豈望化孚有載。致殷
湯來享之明。實恐德未徧覆。愧漢宣兼臨之盛。况與
彼國壤隔外內。非正朔所加。禮既不施。政豈宜及。但
以惜可汗宗盟之國。願保光名。爲可汗久遠之謀。須
除後患。所以具古今禍福往論。至懷音呼。轉耶單于
以卸支尚存。國難未靖。稱蕃事漢。禍及子孫。至後漢
卑于比。以其大父依漢。而安。繼襲其號。上書款塞。永
願藩蔽。漠南遂得朔塞底寧。烽燧永息。近則回鶻仗
大國之援。雄長北蕃。諸部率從。莫敢不服。一隅安樂。
百有餘年。此事昭然。可汗所親。今回鶻種類未盡。分
居蕃漠之間。爰及黑車子。久畏其威。素習非信。慮彼
再振。常持兩端。須令小蕃知所親厚。可汗素絕恩。鵠

實在和好分定。內附約明。則邪計奸謀無由而入。故欲顯加冊命。昭示萬方。况登里可汗回鶻舊號是國家頃年前賜。非回鶻自製此名。今回鶻國已破亡。理當嫌避。朕以可汗先祖在貞觀中身自入朝。太宗授以右衛將軍。堅昆都督。朕思欲繼太宗舊典。彼亦宏遵先祖之明。誠便以堅昆爲國。施於冊命。更加美號。以表懿圖。况堅者不枯之名。昆者有後之謂。示不忘本。豈不美歟。朕昨令禮部尚書鄭肅等與彼使臣面陳大計。溫件合將軍等皆諭朕旨。願言結成。豈必契古。文圖瑋集卷之二十四 唐文苑四

徑路之金。舉留犂之酒。保茲誠信。固存厥初。頃者回鶻初至塞上。請國家精兵十萬。送至漠北。漸歸本蕃。又請借漠界一城。養育疲羸。以圖興復。朕以可汗之故。盡不聽從。今回鶻是國家叛臣。爲可汗讐敵。須去根本。方保永安。况是天亡之時。易於攻取。古人云。天與不取。反受其咎。可汗須乘此機。便早務芟夷。回鶻未滅已前。可汗勿以飲食爲甘。戈獵爲樂。勵兵秣馬。不可暫閑。所恨限在諸蕃。國家難爲同力。儻更近塞。豈復稍誅。又恐餘孽歸降。可汗未能盡戮。納有罪之

衆。受通逃之臣。儻收吾情。必仍邊隙。此則是蕃養寇。毒自生厲階。前年回鶻宰相等向漢使云。李靖擒頡利可汗後。國中只是三二十人。便却興復。雖在危困。尚示張皇。可汗深察此言。豈得不慮。又聞合羅川回鶻牙帳未盡毀除。想其懷土之心。必有思歸之志。要速平其區落。無使孑遺。旣表成功。彼當絕望。可汗以摠積年之憤。自爲一代之雄。至於居處服章。皆宜變革。焉得安於所習。姑務因循。則何以震耀北方。彈壓諸部。朕撫有中夏。愛育生靈。常恐百姓未安。一物失所。豈願更廣威略。遙制要荒。但緣與可汗方保和盟。義同憂樂。纖微之事。皆欲備言。想可汗與將相籌謀。副茲誠意。此使到日。必諒朕心。卽宜速遣報章。此當遣重臣冊命。夏熟想可汗休泰。將相已下。並存問之。遺書指不多及。

時回鶻驚驚已絕于唐故。與其營共圖之。

古文圖瑋集卷之二十四 唐文苑四

武宗會昌中請增諫議大夫等品秩狀

李德裕

臣據大唐大典隋氏門下省置諫議大夫七人從四品下今正五品上自大曆二年升門下中書侍郎爲正三品兩省遂闕四品建官之制有所未備謹按左氏傳云衮職有闕惟仲山甫補之能補過也仲山甫則周之大臣漢書汲黯稱願出入禁闥補過拾遺後漢書張衡爲侍中嘗居帷幄從容諷諫拾遺左右此皆大臣之任故其秩峻其任重則君敬其言而用其

古文國璋集

卷之二十四

重唐文卷四

其選

我國家自臺省而外別無諫官而臺省又無諫官之名意者拾遺補過其兼之于館閣乎不然則我思諫議大夫之設猶爲唐宋之盛制也

唐武宗昭肅皇帝會昌五年上尊號玉冊文

李德裕

維會昌五年歲次乙丑正月己酉朔一日己酉光祿大夫守太尉兼門下侍郎同中書門下平章事臣德裕光祿大夫守尚書左僕射兼門下侍郎同中書門下平章事臣崇朝議大夫檢校尚書右僕射兼中書門下平章事臣李讓夷朝議大夫守中書侍郎兼戶部尚書同中書門下平章事臣崔鉉及文武百官太中大夫太常卿臣孫簡等六千二百二人言臣聞在

古文國璋集

卷之二十四

重唐文卷四

昔周宣猷猷內侵四牡薄伐以定王國則詩人大其功暨于漢宣北夷乖亂呼韓慕義邛支遠遁則簡策著其美惟此二代稱爲中興間者開成之末星孛如雲螟飛蔽天先帝感之黎人懼焉乃受至聖遺大授範迄茲成功厥有冥敷伏惟仁聖文武至神大孝皇帝表應龍翼粹含乾剛神全而正氣凝宇定而天光發智燭十里動必察微心鏡萬機物來斯應于是五材用四維張建中和之極綴前聖之剛重樞機修法制刑御家之理無出壺之言銷讒邪遠巧佞斤背公

古文國璋集卷之二十四

唐文卷四

之黨。退好徑之人。內嚴體貌。增堂陛之峻。外絕締交。去輔車之勢。古所謂受命于天。惟舜獨也已。又曰。一心定而萬物服。唯陛下得之。曩者北狄矜功。耗盡中國。中類罄牙。根柢封殖。異術勝附。縞衣如荼。挾邪作蠱。浸淫守內。倒懸不解。百有餘年。既而龍祠堙滅。攜國款塞。質帝女戚。海疆有狼顧平城之心。鯨吞咸洛之志。爰命暴將。率旗川旋。兵塵穹虛。火烈荆榛。麗霸幟。碎轅輅。六廠遐逃。貴女生還。刻滅妖迹。剿除醜類。故名王結髮。冠帶入臣。堅昆稽首。觀譯來獻。而又姦臣放命。二紀陸梁。據太山之固。下窺洛邑。通故絳之道。旁睨近關。樹其遺孽。以竊兵柄。議者食日精甲十萬。積穀十年。泉魚不察。湯網宜懸。陛下雄斷霆聲。羣疑水釋。揚清風而掃雲。鼓迅雷以破山。任馮異則拔天井而震上黨。仗吳漢則發突騎而傾邯鄲。壺關失險。山東奔魄。屬有戍邊。叛將竊發。參墟人心。挫蕩異議。放肆陛下臨朝而言曰。二寇獲罪于天子。所不捨。未三旬而定晉陽。纔朞年而滅潞子。不以金購。稀將多降。不勞師克。粵首馳報。非至德感物。孰能臻于此。

古文國璋集卷之二十四

唐文卷四

平山是台宰百辟。藩屏將帥上言曰。成伐東夷而肅慎來賀。景翦七國而王室乃安。莫不始于武功。終致刑措。將以禋上帝。薦祖宗。宜受鴻名以答玄貺。陛下猶謙遜而五讓之。勤勤固已乃屈已以俞之。雲漢為章。所以昭法度也。神明其德。所以成教化也。巍巍乎有功。帝堯之則也。勤于大道。玄祖之訓也。臣等不勝大願。謹奉玉冊玉寶上尊號曰仁聖文武章天成功神德明道大孝皇帝。伏惟陛下。不有其名。以保其成。不德其功。以戒其盈。享殷宗之福。致周道之平。熙我王度。永振金聲。臣德祿等誠歡誠躍。頓首頓首。謹言贊頌之末。復寓箴規。自與諸卿不同。

授元聯諫議大夫制

李德裕

勅昔汲黯薄淮陽守。願出入禁闥。補過拾遺。則諫諍之任。實恣諒直。我求其比。今得正人。吏部郎中元晦。往在內庭。嘗感先顧。奮發忠懇。不私形骸。使俯青蒲。至於雪涕。數共工之罪。不蔽堯聰。辨垣平之詐。益彰文德。近因旌別邪正。宰弼上言。以魯公藏器莫如真。華於左右。漢后輯檻。執若列游。於公卿是用。命爾登于文陛。其副我寵擢。不替初心。勿沾小名。以枉大節。勉服官業。期於有終。可。諫議大夫。

古文圖理集卷之二十四

李德裕

稜稜見其鋒骨

荀悅論高祖武宣論

李德裕

荀悅論略曰。高祖天下初定。庶事草創。文帝躬行玄默。遂至升平。而古典未備。制度多闕。武帝內修文學。外耀武威。而不盡其術。不克其終。宣帝任法審刑。操數名實。而不用儒術。理化不成。歷數三代。以及元帝。曰崇尚儒學。從諫如流。引班固贊賓禮。故老優游亮直。又曰貢薛韋匡。迭爲宰相。其肯以爲專用儒術。莫盛於此。班固荀悅。皆文雅之士。以元帝好儒。徵用儒生。故以茲爲美。而深罪石顯。痛心泣血。稱詩人投畀豺虎。嫉之甚也。異乎余之所聞矣。任恭顯始於宣帝。當宣帝之世。石顯豈能嚙其大業哉。則知惡不在於顯矣。蕭望之周堪。皆廊廟之器。有師傅之恩。石顯所忌。廢而不用。朋龍上書。遂致於理。其後劉向。禁鋼張猛。自殺豈得謂之優游。亮直乎。賈捐之京房。雖不忠其身。亦皆英特雋木。道備奇士。於元帝可謂忠矣。亦因譖而死。惑於讒邪。則不斷疑於髦雋。則用法亦不得謂之優游矣。貢薛雖能忠諫。止於諷諭恭儉。未嘗禦奸觸邪矣。韋匡從容守位。未嘗犯顏干色矣。所以

古文圖理集卷之二十四

李德裕

得乘時而進。久安其位。昔桀紂殺一龍。逢比干。而天下之惡歸焉。桀紂以拒諫自殺。其悖已甚。元帝以信讒而殺抑又甚焉。王業既衰。至成哀陵替。纔三世而王莽篡奪。宣帝稱亂。吾家者太子也。知子莫若父。信哉是言。

人主不斷則必聽讒。聽讒則必戮忠。戮忠者乃婢人之斷。非人主之斷也。須發明之。

謀議論

李德裕

欲知謀議之用。捨身名之榮辱。觀其立論何如也。切於時機。明於利害。人主易曉。當世可行。其謀必用。而終有後咎。晁錯主父。偃是也。何者。切時機。明利害。皆怨誹所由生。主享其利。而自罹其害。謀開意中。言高行遠。其道可法。其術則疏。必有高名。而不用於世。賈山王陽是也。謀既不行。故能無患。智足應變。道可與權。言雖切於人情。意常篤於禮義。謀不盡用。而身無近憂。賈誼是也。故當漢文之世。亦無高位。余門客崔惟其世叔。卽宋廣平之維私也。又嘗預燕公代公之戎幕。故知三丞相才業甚備。曰廣平好言政事。燕公好言文學。至於經國遠慮。意鮮及之。與代公言。初若涉川。未知所止。寥廓廣大。莫見津涯。味之既深。思意愈密。代公嘗爲西北邊將帥。論四夷事。慮必精遠。則崔生之言。信有徵矣。凡侍坐於君子。聞其言。可以知其才術遠近。用此道也。

英傑論

李德裕

帝王之甚英傑。皆須御之以氣。結之以恩。然後可使也。若不。以英氣抑之。而寵以姑息。則驕不可任。若不。以恩愛結之。而肅以禮貌。則怨不爲用。駕御之術。惟漢祖盡之。黠布歸漢。高祖方踞牀洗而召布入見。布大怒。悔來。欲自殺。出就舍。張飲食從官。如漢主居。布又喜。過望。武帝踞廁見衛青。以大將軍之貴。而隸人蓄之。此不得不絕大漠而盪餘仇也。蜀先主與關羽張飛同臥起。而稠人廣坐。侍立終日。皆用此道。故古文國璋集卷之二十四。唐文卷四。能成功。夫御英傑。使猛將與見道德之人。接方正之士。事不同也。不可以繁禮飾貌。浮詞足言。宜乎洞開胸懷。令見肝膈。氣懾其勇。恩結其心。雖踞洗召之。不爲薄矣。祿山夷狄之謫詐者也。非將門英豪。草萊奇傑。其戰鬪之氣。擊刺之材。去閔張遠矣。天寶末。受專征之任。託不御之權。入朝賜宴坐。內殿西序。雜障之下。非其所據。果蓄異圖。幽陵厲階。至今爲梗。益思其驕盈。以至於此。儻以徒隸蓄之。豈有斯恨。何其言之爽慨。衛公風領毛骨至今如見。

忠諫論

李德裕

人君拒諫有二。一曰生於愛名。二曰不能去欲。雖桀紂桓靈之君。未能忘名。自知爲惡多矣。畏天下人知之。將謂諫已。則惡不可掩。故不欲人之諫也。如晉獻非驪姬寐不安。齊桓非易牙食不美。必不能去之。亦不欲人諫也。人臣忠諫。亦有二。欲道行於君。可使身安。國理者。其辭婉。欲名高後世。不顧身危。國亂者。其辭訐。考叔啓大隧。以成莊公之孝。倉唐獻犬鴈。以復文侯之愛。留侯封雍齒。以安羣臣。招四皓。以定惠帝。此所謂婉也。諫大夫言婢不爲主。白馬令言帝欲不帝。劉李二人名不激。王之怒。自有其名。望其聽從。固不可得。此所謂訐也。漢元帝欲御樓船。薛廣德當乘輿。諫曰。臣自刎頸血汚車輪。陛下不入廟矣。張猛曰。乘船危。就橋安。聖主不乘危。元帝曰。曉人不當如是耶。則知諫者之道。在於婉矣。唯英主必能從諫。何者。自知功德及生人者大矣。雖有小惡。不諱人言。如漢高。械繫蕭相國。及聞王衛尉之言曰。我不過爲桀紂主。而相國爲賢相。此所謂不諱也。近世名臣王石泉。

居相時。以子爲眉州司士。太后嘗問曰。君在相位。子何遠乎。對曰。庠。陵是陛下愛子。今猶在遠。臣之子焉敢相近。有以見君子之心。亦倉唐之比也。

近倖論

李德裕

自古中主以降。皆安於近習。遠於忠良。其主非不知。君子可親。小人可去。而不可改者。其弊有二。一曰性相近。二曰嗜慾深。桓靈之主。與小人氣合。如水之走下。火之就燥。皆自然而親。結不可解也。侯覽張讓所。以得蔽君也。元成二后。皆有所嗜。吹簫撾鼓之娛。微行沈湎之樂。非倖臣無以承意。非近習無以共歡。石顯張敞。所以得靈政也。惟人君少欲。英明者。則能反。是如文帝。雖有鄧通趙主。談所信者。賈誼張釋之。袁盎。古文國璋集卷之二十四。聖唐文集。此所謂少欲也。武帝雖有韓嫣李延年。而所貴者。公孫弘倪寬卜式。此所謂英明也。故君聽不惑。政無頗類。近則開元初。內有姜皎崔滌。以極官中之樂。外有姚盧蘇宋。以修天下之政。得元成之欲。享舜禹之名。六合晏然。千古莫及。其故何也。倖臣不得干政事也。後代能知漢之文武。及開元致理之要。雖有倖臣。亦何害於理哉。

伐國論

李德裕

自古得伐國之女以爲妃后，未嘗不致危亡之患。若何也？亡國之餘，焉能無怨氣？其立基創業之祖宗，必皆一時之英傑，其社稷山川之鬼神，常爲一國之所奉。授其血食，忿其滅亡，故能爲厲矣。必生分美之色，慙惑當世之君，使其骨肉相殘，以壞於內。君臣相疑，以敗于外。危亡之兆，鮮不由此。史蘇所謂必有女戎妹喜姐己，衰如是也。史蘇所謂詳矣。今不復論，是以晉獻得驪戎佚女，太子有雉經之酷，禍及三世。符堅

古文國瑋集卷之二十四

唐文卷四

納慕容姊弟。秦宮有風兮之謹，敗於五將，累武取東昏。所幸幾至危國。隋文雙陳主之妹，終於殞身。此其禍敗之著明者矣。又夏姬入荆，子反疲於奔命。吳人始叛楚矣。吳嬪至晉，世祖怠於爲政。戎狄遂亂華矣。所以王珪觀廬江美人，正言納說，如王珪者，可謂識微之士，明於禍福矣。

歷代古文國瑋集卷之二十四

何損于治哉

使明皇之世常任姚宋曲江，卽有高力士楊貴妃

歷代古文國瑋集卷之二十五

襄西方岳貢禹脩評選

唐文

戰論 并序

杜牧

杜牧字牧之，第進士，復舉賢良方正，自淮南掌書記，累監察御史，分司東都，復拜殿中侍御史，是時劉從諫守澤潞，何進滔據魏博，頗不循法度，牧遣使告長慶以來朝廷情狀，無術復失山東，東守論

古文國瑋集卷之二十五

唐文卷五

論曰：河北視天下，猶珠璣也。天下視河北，猶四支也。珠璣苟無，豈不活身？四支苟去，吾不知其爲人。何以言之？夫河北者，俗儉風渾，淫巧不生，朴毅堅強，果於戰，耕名城堅壁，畧岸相貫，高山大河，盤互交鎖，加以土息健馬，便於馳敵，是以出則勝，處則饒，不窺天下之產，自可封殖，亦猶大農之家，不待珠璣，然後以爲富也。天下無河北，則不可。河北既虜，則精甲銳卒，利刃良弓，徒馬無有也。卒然夷狄驚四邊，摩封疆，出表裏，吾何以禦之？是天下下一支兵去矣。河東盟津滑臺

大梁彭城東平。盡宿厚兵以塞虜衝。是六郡之師。嚴
飾護疆。不可他使。是天下二支兵去矣。六郡之師。厥
數三億。低首仰給。橫拱不爲。則緣淮已北。循河之東。
南盡海。西叩洛。經數千里。赤地盡取。纔能應費。是天
下三支財去矣。咸陽西北。戎夷大屯。赫呼膾腥。徹於
帝居。周秦軍師。不能排闥。於是盡剋吳越。荆楚之饒。
以啖戍兵。是天下四支財去矣。乃使吾用度不周。徵
徭不常。無以膏齊民。無以接四夷。禮樂刑政。不暇脩
治。品式條章。不能備具。是天下四支盡解。頭腹兀然。
古文國璽集 卷之二十五 二 唐文卷五

而已。焉有人解四支。其自以能久爲安乎。今者誠能
治其五敗。則一戰可定。四支可生。夫天下無事之時。
殷寄大臣。偷處榮逸。爲家治具。戰士離落。兵甲鈍弊。
車騎削弱。而未嘗爲之簡帖整飾。天下雜然盜發。則
疾毆疾戰。此宿敗之師也。何爲而不北乎。是不蒐練
之過者。其敗一也。夫百人荷戈。仰食縣官。則挾千夫
之名。大將小裨。操其餘靡。以虜壯爲幸。以師老爲娛。
是執兵者常少。糜食者常多。築壘未乾。公蒙已虐。此
不責實料食之過。其敗二也。夫戰輒小勝。則張皇其

功。奔走獻狀。以邀上賞。或一日再賜。一月累封。凱旋
未歇。書品已崇。爵命極矣。田宅廣矣。金縢溢矣。子孫
官矣。焉肯搜奇外死。勤於我矣。此賞厚之過。其敗三
也。夫多喪兵士。顛翻大都。則跳身而來。刺邦而去。迴
眦刀鋸。菜色甚安。一歲未更。旋已立於壇堦之上矣。
此輕罰之過。其敗四也。夫大將將兵。柄不得專。恩臣
詰責。第來橋之至。如鐘然。將陣殷然。將鼓。一則曰必
爲偃月。一則曰必爲魚麗。三軍萬夫。環旋翔佯。愧駭
之間。虜騎乘之。遂取吾之鼓旗。此不專任責成之過。
古文國璽集 卷之二十五 三 唐文卷五

其敗五也。元和時。天子急太平。嚴約以律下。常圍兵
數十萬。以誅蔡。天下乾耗四歲。然後能取。此蓋五敗
不去也。長慶初。盜據子孫。悉來走命。是內地無事。天
子寬禁厚恩。與人休息。未幾而燕趙甚亂。引師起將。
五敗益甚。登壇注意之臣。死竄且不服。復焉能加威
於反虜哉。今者誠欲調持干戈。洒掃垢汙。以爲萬世
安。而乃踵前非。是不可爲也。古之政有不善。士傳言
庶人謗。發是論者。亦且將書于謗木。傳于士大夫。非
偶而已。

守論 并序

杜牧

往年兩河盜起，屠囚大臣，劫戮二千石，國家不議誅，迺東兵自守，反脩大曆貞元故事，而行姑息之政，是使叛臣益橫，終唱患禍，故作守論焉。

論曰：厥今天下何如哉？干戈朽，鉞鉞鈍，含弘混貸，煦育逆孽，殆爲故常，而執事大人曾不歷筭周思，以爲官謀方且息，而自是以爲廣大，豈莫已若也？嗚呼！其不知乎其陰嚙頰頰，而後爲之支計乎？且天下幾里，列郡幾所，而自河已北，蟠城數百，金堅蔓織，古文國璋集卷之二十五 四唐文卷五
角奔爲寇，伺吾人之憔悴，天時之不利，則將與其朋伍羅絡郡國，將孩乳吾民於掌股之上耳。今者及吾之壯，不圖擒取，而乃偷處恬逸，次第相付，以爲後世子孫背脊疽根，此復何也？今之議者咸曰：夫倔強之徒，吾以良將勦兵，以爲衝策，高位美爵，充飽其賜，安而不撓，外而不拘，亦猶秦擾虎狼而不拂其心，則忿氣不萌，此大曆貞元所以守邦也。亦何必疾戰焚煎吾民，然後以爲快也？愚曰：大曆貞元之間，適以此爲禍也。當是之時，有城數十，千百卒夫，則朝廷待之貸

以法故，於是乎閭閻大言，自樹一家，被制削法，角爲尊奉，天子養威而不問，有司守恬而不呵，王侯通商，越錄受之，親聘不來，几杖扶之，逆息虜寵，皇子嬪之，裴綠采備，無不備之，是以地益廣，兵益強，僭擬益甚，侈心益昌，於是土田名器，分割大盡，而賊夫貪心未及畔岸，遂有淫名，越號或帝或王，盟詛自立，恬淡不畏，走兵四略，以飽其志者，也是以趙魏燕齊卓起，大唱梁蔡吳蜀，躍而和之，其餘混傾軒囂，欲相効者，往往而是，連遭孝武宵旰不忘，前英後傑，夕思朝議，故古文國璋集卷之二十五 五唐文卷五
能大者誅鋤，小者患來，不然周秦之郊，幾爲犯獵哉？大抵生人油然多欲，欲而不得，則怒，怒則爭，亂隨之，是以教笞於家，刑罰於國，征伐於天下，此所以裁其欲，而塞其爭也。大曆貞元之間，盡反此道，提區區之有而塞無涯之爭，是以首尾指支，幾不能相運掉也。今者不知非此，而反用以爲經，愚見爲盜者，非止於河北而已，嗚呼！大曆貞元守邦之術，永戒之哉。

上周相公書

杜牧

某再拜伏以大儒在位而未有不知兵者未有不能制兵而能止暴亂者未有暴亂不止而能活生人定國家者自生人已來可以屈指而數也今兵之下者莫若刺伐之法詩大雅維清奏象舞之篇曰維清維熙文王之典迄用有成維周之禎象武王伐紂刺伐之法此乃文王受命七年五伐留戰陣刺伐之法遺之武王武王用以伐紂而有天下致之清平為周家之禎祿周公居攝祀文武於清廟作此詩以歌

市東園璋集卷之二十五
六唐文卷廿五

舞文武之德其次兵之尤者莫若鈎機衝鋒今之一卒之長不肯親自為之詩大雅周公皇矣美周之詩曰以爾鈎機與爾臨衝以伐崇墉臨衝閑閑崇墉言言此實文王伐崇墉傳于其城以臨車衝鈎機其城文王親自為之夫文王何人也周公詩之夫子刪而取之列於大雅以美武王之功德手弦而歌之不後代之人何如此三聖人安有謀人之國有暴亂橫起戎狄乘其邊坐於廟堂之上曰我儒者也不能知兵不知儒者竟不可知兵乎竟可知兵乎長慶兵

用長之理

中國之足
不敵虜馬
必欲以騎
當騎恐非

起自始至終廟堂之上指蹤非其人不可一二悉數高宗朝薛仁貴攻吐蕃大敗於大非川仁貴曰今年歲在庚午不當有事於西方此乃鍾鄧伐蜀身誅不返昨者誅討党羌徵閱東兵川於西方是不知天道也遠地無積粟師無見糧不先屯田隨日隨餉是不知地利也兩漢伐虜騎兵取方山東所謂與之北土馬之所生馬良而多人習騎戰非山東兵不能伐虜昨者以步騎百不當一是不知人事也天時地利人事此三者皆不先計量短長得失故因竭天下不能古文園璋集卷之二十五
七唐文卷廿五

滅模楸之虜此乃不學之過也不教人戰是謂素之則謀人之國不能料敵不曰素國可乎牧所注孫武十三篇雖不能上窮天時下極人事然上至周秦下至長慶寶曆之兵形勢虛實隨句解析雖為三編輒敢獻上以備閱覽少希鑑悉苦心即為至幸伏增惶惕之至某頓首再拜

宰相知兵非知之於戎事也知之於廟筭耳

上司徒李相公論用兵書

杜牧

會昌中點髮斯破回鶻種落潰入漠南牧說
德裕不如遂取之會劉稹拒命詔諸鎮兵討
之牧復移書德裕

伏覲明詔誅山東不受命者廟堂之上事在相公雖
縛組之謀笑盡已定而賤末之士芻蕘敢陳伏希捨
其狂愚一賜聽覽某太和二年爲按書郎曾詣淮西
將軍董重質詰其以三州之衆四歲不破之由重質
自誇勇敢多笑之外復言其不破之由是徵兵太難
耳徧徵諸道兵士上不過五千人下不至千人既不

古文國璋集卷之二十

唐文卷廿五

能自成一軍事須帖附地主名爲客軍每有戰陣客
軍居前主人在後勢羸力弱心志不一既居前列多
致敗亡如戰似勝則主人引收以爲已功小不勝則
主人先退至有破焉初戰二年已來戰則必勝是多
殺客軍及二年已後客軍殫少止與陳許河陽全軍
相搏縱使唐州軍不能因雪取城蔡州事力亦不支
矣其時朝廷若使鄂州壽州唐州祇令保境不用進
戰但用陳許鄭滑兩道全軍帖以宣潤擊手令其守
隘卽不出一歲無蔡州矣今者上黨之叛復與淮西

不同淮西爲寇僅五十歲破汴州襄州襄城盡得其

財貨輸之懸瓠復敗韓全義於潞上多殺官軍四萬
餘人輸輦財穀數月不盡是以其人味爲寇之腴見
爲寇之利風俗益固氣餒已成自以爲天下之兵莫
我與敵父子相勉僅於兩世根深源濶取之同難夫
上黨則不然自安史南下不其附隸建中之後每奮
忠義是以郭公抱真能窘田悅走朱滔常以孤窮寒
苦之軍橫折河朔強梁之衆貞元中節度使李長策
卒中使提部授與木軍大將但軍士附者卽授之其

古文國璋集卷之二十五

唐文卷廿五

時大將來希皓爲衆所服中使將以手詔付之希皓
言於衆曰此軍取人合是希皓但作節度使不得若
朝廷以一束草來希皓亦必敬事使言面奉進旨
祇令此軍取大將授與節鉞朝廷不別除人希皓固
辭押衙盧從史其位居下因潛與監軍相結超出伍
曰若來大夫不肯受詔某請且勾當此軍監軍曰盧
中丞若肯如此此亦固合聖旨中使因探懷取詔以
授之從史捧詔再拜舞蹈希皓廻揮同列連北面稱
賀軍士畢集更無一言從史過後漸蓄奸謀養義兒

三千人。日夕噍洙。及父虔死。軍士留之。表請起復。亦
祇義兒與之唱和。其餘大將王翼。元烏重胤。第五錡
等。及長行兵士。並不同心。及至被擒。烏重胤坐於軍
門。喻以禍福。義兒三千。一取約束。及河陽取孟元陽
爲之統帥。一軍無主。僅一月。曾無犬吠。況於他謀。
以此證驗人心。忠赤習尚專一。可以盡見。及元和十
五年。授與劉悟。將當幽燕。入覲。天下無事。柄廟笑者。
議必銷兵。雄健勇之士。百戰千攻之勞。坐食租賦。
其求已久。一旦黜去。使司編戶。紛紛詣鎮。停解至多。
古文園集 卷之二十五 唐文卷五

射傳天飛者。賊之精勇。無不殲焉。賊中大震。更一月
日。田布不死。賊亦自潰。後一月。其軍大亂。殺大將礪
州刺史張汶。因劫監軍劉承階。盡殺其下小使。此實
承階侮嫖一軍。侵取不已。張汶隨王承元出於鎮州。
久與昭義相攻。軍人惡之。汶既因承階謀欲殺悟。
自取軍人忌怒。遂至大亂。非悟獨能使其如此。劉悟
卒從諫求繼。與扶同者。祇鄆州。隨來中軍二千耳。其
副倖賈直言入。責從諫曰。爾父提十二州地。歸之朝
廷。其功非細。祇以張汶之故。自謂不繫淋頭。竟至羞
死。爾一孺子。安敢如此。從諫恐悚。不敢出言。一軍聞
之。皆陰然直言之說。值寶曆多故。固以授之。今纔二
十餘歲。風俗未改。故老尚在。雖欲劫之。必不用命。伏
以河陽西北。去天井關。強一百里。關隘多山。井泉可
鑿。雖有兵力。必恐無功。若以萬人爲壘。下望其口。高
壁深壑。勿與之戰。忽有敗負。勢驚洛師。蓋河陽軍士
素非精勇。戰則不足。守之有餘。成德一軍。自六十年
來。世與昭義爲敵。訪聞無事之日。村落鄰里。不相往
來。今王司徒代居反側。思一自雪。況聯姻戚。願奮可
射傳天飛者。賊之精勇。無不殲焉。賊中大震。更一月
日。田布不死。賊亦自潰。後一月。其軍大亂。殺大將礪
州刺史張汶。因劫監軍劉承階。盡殺其下小使。此實
承階侮嫖一軍。侵取不已。張汶隨王承元出於鎮州。
久與昭義相攻。軍人惡之。汶既因承階謀欲殺悟。
自取軍人忌怒。遂至大亂。非悟獨能使其如此。劉悟
卒從諫求繼。與扶同者。祇鄆州。隨來中軍二千耳。其
副倖賈直言入。責從諫曰。爾父提十二州地。歸之朝
廷。其功非細。祇以張汶之故。自謂不繫淋頭。竟至羞
死。爾一孺子。安敢如此。從諫恐悚。不敢出言。一軍聞
之。皆陰然直言之說。值寶曆多故。固以授之。今纔二
十餘歲。風俗未改。故老尚在。雖欲劫之。必不用命。伏
以河陽西北。去天井關。強一百里。關隘多山。井泉可
鑿。雖有兵力。必恐無功。若以萬人爲壘。下望其口。高
壁深壑。勿與之戰。忽有敗負。勢驚洛師。蓋河陽軍士
素非精勇。戰則不足。守之有餘。成德一軍。自六十年
來。世與昭義爲敵。訪聞無事之日。村落鄰里。不相往
來。今王司徒代居反側。思一自雪。況聯姻戚。願奮可

當時料子
唐之敗幾
使朝廷易
慮改計公
至謂王等
援河陽

衛公亦言
魏兵雖
多不能分
賊號者此
也

知六十年相警之兵。使朝廷委任之重。必宜盡節以
答殊寵。魏博承風。亦常效順。然亦止於圖一城攻一
堡。刊木堙井。係累稚老而已。必不能背二十城。長驅
上山。徑倚上黨。其用武之地。必取之策。在於西面。今
者嚴紫塞之守備。謹白馬之隄防。祇以忠武武寧兩
軍。以青州五千精甲。宣潤二千弩士。由絳州路直東
徑入。不過數月。必盡其巢。何者。昭義軍糧盡在山東
澤潞兩州。今居山內土谷地狹。積穀全無。是以節度
使多在邢州。名為就糧。山東糧穀。既不可輸山西。兵
士亦必單鮮。橋虛之地。正在於此。後周武帝大舉伐
齊。路由河陽。吏部宇文弼曰。夫河陽要衝。精兵所聚。
盡力攻圍。恐難得志。如臣所見。彼汾之曲。戊小山平。
用武之地。莫過於此。武帝不納。無功而還。後復大舉。
竟用弼計。遂以滅齊。前秦苻堅遣將王猛伐後燕。慕
容偉大破偉。將慕容評於潞州。因遂滅之路。亦由此。
北齊高歡再攻後周。路亦由此。而後周名將韋孝寬。
齊王攸常鎮勳州。王璧城。故東西相伐。每由此路。以
古為證。得之者多。以某愚見。不言劉稹。終不能取貴。

古文國璋集 卷之二十五

士唐文卷五

欲速擒兇生他患。昨者北虜纔畢。復生上黨。賴相公
廟獎深遠。北虜即日敗亡。儻使北虜至今尚存。公遂
須轉戰。迴顧上黨。豈能討除。天下雖言無事。若上
黨久不能解。別生患難。此亦非細。自古皆因攻伐未
解。旁有他變。故孫子曰。兵聞拙速。未睹巧之久也。伏
聞聖主。全以兵事付於相公。某受恩最深。竊敢於目
威嚴。遠陳愚見。無任戰汗。某頓首再拜。

牧之料敵形勢。如聚米畫灰。了然可見。衛公所以
成澤潞之功。首亦賴之。此書也。惜如此人。而僅以

古文國璋集 卷之二十五

圭唐文卷五

文士處之間。郡置之。使其功名不見于天下耳。

上澤潞劉司徒書

杜牧

今日輕重望于幾人。相位將權。長材厚德。與輕則輕。與重則重。將軍豈能讓焉。昔者齊盜坐父兄之舊將。七十年來。海北河南泰山。課賦三千里。料甲一百縣。獨據一面。橫挑天下。利則伸。鈍則滿。簇而不發。約在子孫。血絕而已。此雖使鐵偶人爲六軍。取不孔易。況席征蔡之弊。天下銷耗。燕蟠趙伏。用齊卜我。當此之時。一年不能勝。則百姓半流。二年不能勝。則關東之國。孰知其變化也。將軍一心仗忠。半夜興義。昧旦而

古文國瑋集 卷之二十五

古唐文卷廿五

齊族矣。疆土籍口。探出僭物。重寶仰闕。輦上。是以趙一搖。燕一呼。爭來汗走。一日四海。靡靡然無事矣。伏惟將軍之功德。今誰比哉。是以初守滑臺。爲尚書守。路爲僕射。乃作司空。乃作司徒。爰開丞相府。平章天下。越錄蹤等。驟得富貴。古今之人。亦以爲將軍止此而已矣。將軍德於國家。甚信大。國家復之於將軍。雅亦無與爲大矣。今者上黨足馬足甲。馬極良。甲極精。後負燕前觸魏。側肘趙。彼三虜屠囚天子者老。劫良民使叛。銜犀交頸。各蟠千里。不貢不覲。私贖妻子。王

者在上。此輩何也。今者上黨。馳其精良。不三四日。與魏決於漳水西。不五六日。與趙合於泚水東。紫太原。排飛狐。緩不二十日。與燕遇於易水南。此天下之郡。國足以事區區於忠烈。無如上黨者。明智武健。忠寬信義。知机便多矣。是攻必巧。戰表負能使萬人樂死。赴敵。足以事區區於忠烈。天下之人。無如將軍者。將號祿位。富貴休顯。宜驅三族。上校恩澤。宜出萬死。以副倚注。天下之人。亦無如將軍者。是將軍負天下三。無如之望也。始者將軍。頓齊然後待祿仕。入臥內等。

古文國瑋集 卷之二十五

古唐文卷廿五

子弟一身。聯齊累世之逆卒。境上爭首。其忌甚厚。其勢甚不便。將軍以爲大仁。可殺身。大忠。不顧細謹。終探懷而取之。今者將軍。負三無如之望。上戴天子四海之大。以爲緩急所宜。日夜具申。喧請。今默而處者。四五歲矣。負天下之三無如者。宜如是耶。不宜如是耶。是以天下之小人。以爲將軍。始者。亡齊見利而動。今始安。潞見義而止。若是則天下利無窮。義有限。走無窮。背有限。則安可識之哉。其有識者。則曰不然。夫桓文之霸也。先修刑政。然後事事。近者山東士人來

者感道上黨之政。軍士兵吏士。諸男子。婦人。桑老
者。養孤者。庇上下一切。罔有紕事。暨乎政庭。則將軍
不知尊。布衣不知卑。諸侯之驕久矣。是以高才之人
不忍及門。仁政不施久矣。是以暴亂不止。若此者。將
軍是符仁政。來高才。苟行仁政。來高才。若非止暴亂。
尊九廟。峻中興。復何汲汲如是邪。在漢伯通。在晉牢
之。二人功力不寡。一旦誅死。人豈冤之。符秦相猛。將
終戒視。後禍大唐人尉房公。忍死表止伐遼。此二賢
當時德業不左。諸人尚死而不已。蓋以輔君活人爲
古文國璋集 卷之二十五 六 唐文卷五

事。非在矜伐。邀引爲心也。伏惟將軍思伯通。解之所
以不終。仰相猛。房公之所以垂休。則天下之人。口祝
將軍之福壽。目覩將軍盛德之形容。手足必不敢加
不肖於將軍之草木。此乃上下萬世烈丈夫口念心
禱而求者。今將軍能有之。豈可容易而棄哉。大唐二
百年。自外叛者三十餘種。大者三得其二。小者亦包
裹千里。燕趙魏潞齊蔡吳蜀同歡共悲。手足相急。陣
刺死。帳下死。圍悉死。伏劍死。斬死。絞死。大者三歲。小
或一月。已至于盡死。曰忠曰義。則有父子同墳。兄弟

繼踵。論罪則曰有某功。論功則曰捨某罪。伏惟十二
聖之仁。一何汪汪焉。天之投惡滅逆。復何切切焉。此
乃盡將軍所識。復何云云。小人無位而謀當死罪。某
恐懼再拜。

此劉悟也是時悟以張汶劉承偕之故頗肆驕蹇
欲效何朔三鎮故牧之以此諷之

上李太尉論北邊事啓

杜牧

某啓伏以聖主垂衣太尉當輔威德上順和澤下流諸侯無異心百姓無怨氣星辰順靜日月光明天業益昌聖統無極既功成而理定實道尊而名垂今則未聞縱東山之遊樂後園之醜惕惕若不足兢兢而如無豈不以邊障尚驚殊虜未殄防其入寇猶須徵兵伏以迴鶻種落人素非多投於突厥絕爲小弱今者國破衆叛逃來漢南爲羈旅之魂食草萊之實白髮驪驛之騎相耗已無渾醅皮裘之資飢寒皆盡寄

古文國瑋集

卷之二十五

本

唐文卷五

命雜種藏跡陰山取之及時可以一戰今者度虜之不出者有二時去時來徊翔不決必有所在西戎已得要約伺其氣勢同爲侵擾此其一也心膽破壞馬畜殘少且於美水豐草暖日廣川牧馬養習以俟強大此其二也今者徵中國之兵與之首尾久戍則有師老費財之憂深入則有大寒瘝隨之苦示戎狄之弱生奸傑之心今者不取恐貽後患敢以管見上干尊重日兩漢伐虜皆是秋冬不過百日驅中國之人入苦寒之地此時匈奴勁弓折膠重馬免乳畜肥草

壯力全氣盛與之相技勝少敗多故匈奴云漢實大

國也但其人不能辛苦爾此所謂避虛而擊實逃短而攻長至於後魏崔浩因見其理蠕蠕強盛屢犯北邊浩請討之曰蠕蠕恃其地遠自寇已久故夏則散衆放畜秋乃背寒向暖南來寇抄今出其虛表掩其不備大兵卒至必驚駭星分向塵奔走壯馬護牧牝馬戀駒驅馳難制不得水草未過數日則聚而困斃可一舉而滅矣武帝從之及全軍入境蠕蠕先不設備民言布野驚怖四奔莫相收攝於是分軍撲討東

古文國瑋集

卷之二十五

本

唐文卷五

西五千里南北三千里凡所俘虜及獲畜產彌漫山澤高車因殺蠕蠕種類歸降者三十餘萬落虜遂散亂帝沿弱水西行至涿邪山諸大將云深入恐有伏兵勸帝停止不追浩先勸窮追之不從後聞涼州賈胡言若更前行三日則盡滅之矣帝深恨之以其所見今若以幽并突陣之騎酒泉穀射之兵整飾誠恐仲夏潛發計陰山與涿邪之遠近十不一二投蠕蠕迴鶻之強弱猶如虎鼠五月節氣在中夏則熱到陰山尚寒中國之兵足以施展行軍於枕席之上既寇

於掌股之中。執輻懸解。湯沃睨雪。一舉無類。必然之
 策。今冰合防秋。冰銷解戍。行之已久。虜為長然。出為
 意外。實為上策。議者或云。北取點受。令討迴鶻。伏以
 點受起於別種。超為可汗。必是英傑。天時必助。賢材
 必用。法令必明。戒迴鶻之後。便是掠敵。況示之以弱。
 必為所輕。今者四海九州。同風共貫。諸侯用命。年穀
 豐熟。可以瘞玄玉於常山。牙遣人於河隴。顧茲疲廢。
 宜遣子孫。伏惟太尉相公。文德素昭。武功復著。盡地
 而兵形盡見。按鎖而邊事無遺。唯一指蹤。即可掃跡。
 古文國瑋集卷之二十五 千禧文卷五

昔漢武帝求賢也。有上書不足採者。輒報罷去。未嘗
 罪之。故能羈越臣胡。大興禮樂。今太尉與仁聖天子
 同德有志之士。無不願死。伏惟特寬狂狷。不賜誅責。
 生死榮幸。無任感恩。
 時劉沔張武仲軍聲已振。亦不盡假點受之力。但
 回其來而與之耳。

與人論諫書

杜牧

其疎愚放惰。不識機括。獨好讀書。讀之多矣。每見君
 臣治亂之間。興亡諫諍之道。遐思其人。紙筆和墨。則
 與人君一悟。而至于治平。不悟則累身滅族。惟此二
 者。不思中道。自秦漢以來。凡千百輩。不可悉數。然怒
 諫而激亂生禍者。累累皆是。納諫而悔過行道者。不
 能百一。何者。皆以舛涉迂險。指射醜惡。致使然也。夫
 迂險之言。近于誕妄。指射醜惡。足以激怒。夫以誕妄
 之說。激怒之聲。以卑陵尊。以下干上。是以諫殺人者。
 古文國瑋集卷之二十五 至唐文卷五

殺人愈多。諫者愈猛。猛愈甚。諫治宮室者。宮室愈
 崇。諫任小人者。小人愈寵。觀其旨意。且欲與諫者一
 鬪。是非一決。怒氣耳。不論其他。是以每于本事之上。
 尤增飾之。今有兩人。道未相信。甲謂乙曰。汝我食其
 物。慎勿食。果便食之。必死。乙必曰。我食之久矣。汝為
 我必必倍食之。甲若謂乙曰。汝好食某物。第一少食。
 苟食多。必生疾。乙必因而謂之。減食何則。迂險之言。
 則欲反之。循常之說。則必信之。此乃常人之情。世多
 然也。是以因諫而生亂者。累累皆是也。漢成帝欲御

天

樓船過渭水，御史大夫薛廣德諫曰：宜從橋陞下，不聽。臣自刎以血汚車輪，陛下不得入廟矣。上不說，張猛曰：臣聞主聖臣直，乘船危就橋安，聖主不乘危，御史大夫言可聽。上曰：曉人不當如是耶？乃從橋。近者寶曆中，敬宗皇帝欲幸驪山，時諫者至多，上意不決，拾遺張權輿伏紫宸殿下叩頭諫曰：昔周幽王幸驪山，為犬戎所殺，秦始皇幸驪山，國亡。玄宗皇帝幸驪山，而驪山崩，先皇帝幸驪山而享年不長。帝曰：驪山若此之凶耶？我宜一往以驗彼言。後數日自驪山回。

古文國璋集 卷之二十五

唐文卷廿五

語親幸口叩頭者之言，安足信哉？漢文帝亦謂張釋之曰：卑之無甚高論，今可行也。今人平居無事，友朋骨肉切嗟規誨之間，尚宜旁引曲釋，塵縻釋，使其樂去其不善而樂行其善，況於君臣尊卑之間，欲因激切之言而望道行事治者乎？故禮稱五諫而直諫為下，前數月見報上披閣下諫疏，錫以幣帛，解左且遠，莫知其故，近於游宦處一覓閣下諫州，明白辨婉出入有據，吾君聖明宜為動心，數日在手，味之不足止，怍且喜且慰，三者交并，不能自止，吾君聞諫既且

行之，仍復寵錫，誘能諫者，斯乃堯舜禹湯文武之心也。聞於遠地，宜為吾君怍也。閣下以忠孝文章立於朝廷，勇于諫而且深，其道果能動吾君而光世德，牧承閣下之厚愛，異于異時資閣下之知，以進尺寸，能不為閣下之喜復自喜也。吾君今日披一疏而行之，明日聞一言而用之，賢才忠良之士，森列朝廷，是必奮起志慮，各盡所懷，則文祖武宗之業，窮天盡地，日出月入，皆可洒掃，以復厥初，牧縱不得効用，但於一官一局，篋篋簿書之間，沾妻子而老身命，作為歌

古文國璋集 卷之二十五

唐文卷廿五

詩稱道仁聖，天子之所為治，則為有餘，能不自慰。故獲閣下之一疏，怍喜慰，二者交并，真不虛也，宜如此也。無因而讚其事，書紙言誠，不覺繁多，其再拜。凡欲進說于君者，當寫一通置之座右。

注孫子序

杜牧

兵者刑也。刑者政事也。爲夫子之徒，實仲由冉求之事也。今者據案聽訟，械繫罪人，笞死于市者，吏之所爲也。驅兵數萬，據其城郭，繫其妻子，斬其罪人，亦吏之所爲也。木索兵刃，無異意也。笞之與斬，無異刑也。小而易制，用力少者，木索笞也。大而難制，用力多者，兵刃斬也。俱期於除去惡民，安活善人，爲國家者，使教化通流，無敢輕有不由我而自恣者，其取吏無他術也。無異道也。俱止於仁義忠信，智勇嚴明也。苟得

古文園肆集

卷之二十五

古文卷五

其道一二者，可以使之爲小吏，盡得其道者，可以使之爲大吏。故用力少者，其吏易得也。功易見也。用力多者，其吏難得也。功難就也。止此而已。無他術也。無異道也。自三代已降，皆由斯也。子貢頌夫子之德曰：文武之道，未墜於地，在人。賢者識其大者，遠者不賢者識其小者。近者季孫問於冉有曰：子之戰學之乎？性達之乎？對曰：學之。季孫曰：事孔子，惡乎學？冉有曰：卽學之於孔子者，大聖兼該，文武並用，通聞其戰法，實未之詳也。復不知自何代何年何人，分爲二道。曰：

文曰武，離而俱行，因使縉紳之士，不敢言兵，或耻言

之。苟有言者，世以爲麓暴異人，人不比數。嗚呼！亡失根本，斯爲最甚。周公相成王，制禮作樂，尊大儒術，有淮夷叛，則出征之。夫子相魯，公會于夾谷，曰：有文事者，必有武備。叱辱齊侯，伏不敢動。是二大聖人，豈不知兵乎？周有齊太公，秦有王翦，兩漢有韓信、趙克國、耿弇、虞詡、段熲、魏有司馬懿、吳有周瑜、蜀有諸葛武侯、晉有羊祜、杜公元凱、梁有韋叡、元魏有崔浩、周有韋孝寬、隋有楊素、國朝有李靖、李勣、裴行儉、郭元振、

古文園肆集

卷之二十五

古文卷五

如此人者，當此一時，其所出計畫，皆考古校今，奇秘長遠，策先定于內，功後成於外。彼壯健輕死，善擊刺者，供其呼召，指使耳。豈可知其所由來哉？牧幼讀禮，至于四郊多壘，卿大夫之辱也，謂其書真不虛說。年十六時，見盜起圍二三十里，殺戮將相，族誅刺史，及其官屬，屍塞城郭，山東崩壞，殷殷焉聲振朝廷。當其時，使將兵行誅者，則必壯健善擊刺者，卿大夫行列進退，一如常時，笑歌嬉遊，輒不爲辱，非當辱不辱，以爲山東亂事，非我輩所宜當知。牧自此謂切所讀禮。

真妄人之言。不足取信。不足爲教。及年二十。始讀尚書毛詩左傳國語十三代史書。見其樹立其國。滅亡其國。未始不由兵也。主兵者。聖賢才能多。間情識之士。則必樹立其國也。壯健擊刺不學之徒。則必敗亡其國也。然後信知爲國家者。兵最爲大。非賢卿大夫。不可堪任其事。苟有敗滅。真卿大夫之辱。信不虛也。因求自古以兵著書。列於後世。可以教於後生者。凡十數家。且百萬言。其孫武所著十三篇。自武死後。凡十歲。將兵者。有成者。有敗者。勸其事跡。皆與武所著古文國璣集卷之十五

孫文卷五

孫武書。備爲其注。曹之所注。亦盡存之。分爲上中下卷。後之人有讀武書。予解者。因而學之。猶盤中走丸。九之走盤。橫叙員直。計於臨時。不可盡知。其必可知者。是知丸不能出於盤也。議於廊廟之上。兵形已成。然後付之於將。漢祖言指縱者人也。獲兔者犬也。此其是也。彼爲相者曰。兵非吾事。吾不當知。君子曰。叨居其位可也。

今天下多事。士大夫皆當知兵。知兵者。非徒攻殺擊刺也。明古今勝敗之數。料敵審勢之宜。足以用

古文國璣集卷之二十五

孫文卷五

攻殺擊刺者耳。收之此序。足爲藥石。故存錄之。

實烈女傳

杜牧

烈女姓實氏，小字桂娘。父良建，中初爲汴州戶曹祿。桂娘美顏色，讀書甚有文。李希烈破汴州，使甲士至良門取桂娘以去。將出門，顧其父曰：「慎無戚，必能滅賊。」使大人取富貴於天子。桂娘旣以才色在希烈側，復能巧曲取信。凡希烈之密，雖妻子不知者，悉皆得聞。希烈歸蔡州，桂娘嘗謂希烈曰：「忠而勇，一軍莫如陳先奇。其妻實氏，先奇寵且信之，願得相往來以姊妹。」叙齒因徐說之，使堅先奇之心。希烈然之，桂娘以

古文國瑋集

卷之二十五

宋

唐文卷五

姊事先奇妻。嘗問謂曰：「賊兇殘不道，遲晚必敗。」姊宜早圖遣種之地。先奇妻然之。興元元年四月，希烈暴死，其子不發喪，欲盡誅老將校，以卑少者代之。計未決，有獻含桃者。桂娘白希烈子請分遺先奇妻，且以示無事於外。因爲臘帛書曰：「前日已死，殯在後堂，欲誅大臣，須自爲計。」以朱染帛，丸如含桃。先奇發丸見之，言於薛育曰：「兩日希烈稱疾，但惟樂曲雜發，晝夜不絕，此乃有謀未定。」示服於外，事不疑矣。明日先奇薛育各以所部兵譟於衙門，請見希烈。希烈子迫出

拜曰：「願去偽號。」一如李納。先奇曰：「爾父悖逆，天子有命，因斬希烈及妻子，函七首以獻，暴其尸於市。后兩月，吳少誠殺先奇，知桂娘謀，因亦殺之。」請試論之。希烈負桂娘者，但劫之耳。希烈僭而貴娘妃，復寵信之，於女子心始終希烈可也。此誠知所去所就，逆順輕重之理明也。能得希烈權也。姊先奇妻智也。終能滅賊，不顧其私，烈也。六尺男子有祿位者，當希烈叛與之上下者衆矣。此豈才力不足耶？蓋義理苟至，雖一女子可以有成人和元年子客遊潯陽，路出荊州松

古文國瑋集

卷之二十五

宋

唐文卷五

滋縣攝令王湛爲某言桂娘事。湛年一十歲，能念五經，舉童子及第。時年七十五，尚可日記千言。當建中亂，希烈與李納田悅朱泚朱滔等僭詔書檄爭戰勝敗地名，人名悉能記之。聽說如一二日前言。實良出於王氏實湛之堂姑子也。

不獨弄希烈于掌上，抑且籠仙奇于度中，含桃一紙書其功，同于李涼公雪夜之師矣。

燕將傳

杜牧

談忠者，絳人也。祖瑤，天寶末，令內黃，死。燕寇忠豪健，善兵，始去燕，燕牧劉濟與二千人，障白狼口，後將漁陽軍，留范陽。元和五年，中黃門出禁兵伐趙，魏牧田季安令其徒曰師不跨河。二十五年矣，今一旦越魏伐趙，趙誠虜，魏亦虜矣。計爲之何？其徒有超佐伍而言曰：願借騎五千以除君憂。季安大呼曰：壯夫哉！兵決出，格田者斬。忠時爲燕使魏，知其謀，乃入謂季安曰：其之謀是引天下之兵也。何者？往年王師取蜀，取古文國瑋集卷之二十五 手唐文卷五 吳笑不失一是相臣之謀。今王師越魏伐趙，不使者臣宿將而專付中臣，不輸天下之甲而多出秦甲。君知誰爲之謀？此乃天子自爲之謀，欲將誇服於臣下也。今若師未叩趙而先碎於魏，是上之謀反不如下且能不恥於天下乎？既恥且怒，於是任智畫策，伐猛將，練精兵，單力再舉，涉河，鑿前之敗，必不越魏而伐趙。投罪輕重，必先趙而後魏，是上不下下，下不當魏而來也。季安曰：然則若之何？忠曰：王師入魏，君厚犒之，於是悉甲壓境，號曰伐趙，則可陰遣趙人書曰：

魏苦趙，則河北義士謂魏賣友，魏若與趙，則河南忠臣謂趙反君賣友。反君之名，魏不忍受，執事若能除解，牌障遺魏一城，魏得持之奏捷，天子以爲符信，此乃使魏北得以奉趙，西得以爲臣，於趙有角大之耗，於魏獲希世之利，執事豈能無意於魏乎？趙人脫不拒君，是魏霸基安矣。季安曰：善。先生之來是，乃魏也，遂用忠之謀，與趙陰計，得其堂陽，忠歸燕，謀欲激燕伐趙，會劉濟合諸將曰：天子知我怨趙，今命我伐之，趙亦必大備我，伐與不伐，孰利？忠疾對曰：天子終不使我伐趙，趙亦不備燕。劉濟怒曰：爾何不直言，漸以趙叛，命忠繫獄，因使人視趙，果不備燕。後一日詔果來曰：燕南有趙，北有胡，胡猛趙孱，不可捨胡而事趙也。燕其爲子謹讓北疆，勿使予復掛胡憂，而得專心於趙，此亦燕之功也。劉濟乃解獄，召忠曰：信如子所矣。何以知之？忠曰：路收盧從史，外親燕內實忌之，外絕趙內實與之，此爲趙畫曰：燕以趙爲障，雖怨趙必不殘趙，不必爲備。一旦視趙不敢抗，燕二且使燕獲疑天子趙人既不備燕，燕人則走告于天子，曰：燕

厚怨趙今趙見伐而不備燕是燕反與趙也此所以
知天子終不使君伐趙趙亦必不備燕劉濟曰今則
奈何忠曰燕孕怨天下無不知今天子伐趙君坐全
燕趙敗患于上兩皆售也是燕貯忠義之心卒染私
趙之口不見德於趙人惡聲徒嘈嘈於天下耳惟君
熟思之劉濟曰吾知之矣乃下令軍中曰五日畢出
後者隨以徇濟乃自將七萬人南伐趙屠饒陽東鹿
殺萬人暴卒于師濟子總襲職忠復用事元和十四
年春趙人獻城十二冬誅齊三分其地忠因說總曰
古文國璋集卷之二十五 重唐文卷五
凡天地數窮合必離離必合河北與天下相離六十
年矣此亦數之窮也必與天下復合且建中時朱泚
搏天子狩畿甸李希烈僭于梁王武俊稱趙朱滔稱
冀田悅稱魏李納稱齊郡國往往弄兵者抵目而視
當此之時可謂危矣然天下卒為無事自元和以來
劉闢守蜀棧道劔閣自以為子孫世之地然甲卒
三萬數月見羈李錡橫大江撫石頭全吳之兵不得
一戰反束帳下田季安守魏盧從史守潞皆天下之
精甲駕趙為騎昂立相視可為強矣然從史統整五

十里萬戟自護身如大醉忽在檻車季安死墳梓木
夜家為逐客蔡人被重葉之甲圓三石之弦持九尺
之刃突前跳後卒如搏鷄一可支百者累數萬人四
歲不北二三可為堅矣然夜半大雪忽失其城齊人
經地數千里倚渤海墻太山墜大河精甲數億鈐劍
其阨可為安矣然兵折於潭趙首竿於都市此皆君
自見亦非人力所能及蓋上帝神兵下來誅之耳今
天子臣謀繼社必平章於大臣鋪樂張獵未嘗戴星
徘徊顧盼之良顏滿不展縮衣節口以賞戰士此志
豈須更忘於天下哉今國兵發駿北來趙人已獻城
十二助魏破齊唯燕未得一日之勞為子孫壽後世
其能帖帖無事乎吾深為君憂之總泣且拜曰自數
月已來未聞先生之言今者幸枉大教吾心定矣明
年春劉抱忠燕卒于趙忠護總喪未數日亦卒年六
十四官至御史大夫忠弟憲前范陽安次令持兄喪
歸葬于終常往來長安開元孟夏某遇於馮翊屬
縣北衛中因吐其兄之狀某因直書其事至於褒貶
之間俟學春秋者焉

據此則三鎮之復大半皆忠力也忠挾戰國縱橫之術竭節本朝而此文之曲折環至亦殊有國策之風

古文國璋集卷之二十五

重

罪言

杜牧

國家大事其不當言實言之有罪故以云人生常病兵祖於山東胤於天下不得山東兵不可死山東之地禹畫九土一曰冀州舜以其分野太大離為幽州為并州程其水土與河南等常重十一二故其人沈鷺多材力重許可能辛苦自魏晉已下胤浮美淫工機纖維意態自出俗益卑弊人益脆弱唯山東敦五種本兵矢絕不能蕩而自若也復產健馬下者日馳二百里所以兵常當天下冀州以其恃強不順理

古文國璋集卷之二十五

三

冀其必破弱雖已破弱冀其後強大也并州力足以并吞也幽州由陰慘殺也故聖人因其風俗以為之名黃帝時蚩尤為兵階自後帝王多居其地豈尚其俗都之耶自周劣齊霸不一世晉大常備役諸侯至秦幸銳三晉經六世乃能得韓遂折天下脊復得趙因拾取諸國秦末韓信聯齊有之故蒯通知漢楚輕重在信光武始於上谷成於鄧魏武舉官渡三分天下有其二晉亂胡作至宋武號為英雄得蜀得關中盡得河南地十分天下有其八然不能使一人渡河

論山東之事列若指掌

以宛胡。至於高齊荒蕩。宇文取得。隋文因以滅陳。五百年間。天下乃一家。隋文非宋武敵也。是宋不敵山東。隋得山東。故隋爲王。宋爲霸。由此言之。山東王者。不得不可爲王。伯者不得不可爲霸。得賊之。是以致天下不安。國家天寶末。燕盜徐起。出成阜。西潼關。若涉無人地。郭李輩常以兵五十萬。不能過鄴。自爾一百餘城。天下力盡。不得尺寸人望之。若遇鶴吐。恭義無有敢窺者。國家因之。哇河修障戍。塞其街蹊。齊魯梁蔡。被其風流。因亦以爲冠。以裏拓表。以表捍

古文國璋集卷之二十五
唐文卷五

裏混。頭顱轉顛倒。橫斜。未嘗五年間。不戰生人日。顛委。四夷日昌熾。天子因之。幸陝。幸漢中。焦焦然七十餘年矣。嗚呼。運遭章武。澣衣一肉。不暇不樂。自卑冗中。接取將相。凡十三年。乃能盡得河南山西地。洗削更革。固不順適。唯山東不服。亦嘗再攻之。皆不利。以迄。豈天使生人。未至於帖泰耶。豈其人謀未至耶。何其難哉。何其艱哉。今日天子聖明。超出古昔。志於理平。若欲悉使生人無事。其要在先去兵。不得山東兵。不可去。是兵殺人無有已也。今者上策莫如自治。何

者當貞元時。山東有燕趙魏叛。河南有齊蔡梁徐陳汝白馬津盟。津襄鄧安黃壽春。皆戍厚兵。凡此十餘所。纔足自護。治所實不輟一人以他使。遂使我力解。勢弛。熟視不軌者。無可奈何。階此蜀亦叛。吳亦叛。其他未叛者。皆迎時上下。不可保信。自元和初至今。二十九年間。得蜀得吳。得蔡得齊。凡收郡縣二百餘城。所未能得。唯山東百城耳。土地人戶財物甲兵技之往年。豈不綽綽乎。亦足自以爲治也。法令制度品式條章。果自治乎。賢材奸惡。搜選置捨。果自治乎。障戍鎮守。干戈車馬。果自治乎。井閭阡陌。倉廩財賦。果自治乎。如不果自治。是助虜爲虐。環土三千里。植根七十年。復有天下。陰爲之助。則安可以取。故曰上策莫如自治。中策莫如取魏。魏於山東最重。於河南亦最重。何者。魏在山東。以其能遮趙也。既不可越魏以取趙。固不可越趙以取燕。是燕趙常取重於魏。魏常操燕趙之性命也。故魏在山東最重。黎陽距白馬津三十里。新鄉距盟津一百五十里。睥睨相望。朝駕暮戰。是二津虜能潰一。則馳入成阜。不數日間。故魏於

古文國璋集卷之二十五
唐文卷五

自大曆以後。平天。下當貞元。宋以其也。舉而威立。

河南間亦最重。今者願以近事明之。元和中篡天下兵誅蔡誅齊。顧之五年無山東憂者。以能得魏也。昨日誅滄頤之三年無山東憂者。亦以其能得魏也。長慶初誅趙。一日五諸侯兵四出潰解。以失魏也。昨日誅趙。一日罷如長慶時。亦以失魏也。故河南山東之輕重常懸在魏。明白可知也。非魏強大能致如此。地形使然也。故曰取魏為中策。最下策為浪戰。不計地勢。不審攻守是也。兵多粟多。敵人使戰者。便於守。兵少粟少。兵不敵自戰者。便於戰。故我常失於戰。虜常困於守。山東之人。叛且三五世矣。今之後生所見言語。舉止無非叛也。以為事理正當如此。沉酣入骨髓。無以為非者。指示順向。抵侵族。語曰。叛去。苗苗起矣。至於有固急食盡。餒死以戰。以此為俗。又豈可與決一勝一負哉。自十餘年來。凡三收趙。食盡且下。堯山敗。趙復振。下博敗。趙復振。館陶敗。趙復振。故曰不計地勢。不審攻守。為浪戰。最下策也。

牧之歷審成敗見其如此非浪語者

古文國瑋集

卷之三

元唐文卷

原十六衛

杜牧

國家始踵隋制。開十六衛將軍總三十員。屬官總一百二十八員。署守分部。夾峙禁省。厥初歷今。未始替削。然自今觀之。設官言無謂者。其十六衛乎。本原事跡。其實天下之大命也。始自貞觀中。既武遂文。內以十六衛蓄養。臣外開折衝。果毅府五百七十四。以儲兵伍。或有不幸。方二三十里為寇土。數十百萬人為寇兵。變為戎狄。踐踏四作。此時戎臣當提兵居外。至如天下平一。暴教消削。單車一符。將命四走。莫不信順。此時戎臣當提兵居內。當其君內也。官為將軍。綬有朱紫。章有金銀。千百騎趨奉朝廟。第觀車馬。歌兒舞女。念功賞勞。出於曲賜。所部之兵。散舍諸府。上府不越一千二百人。三時耕稼。機穰未。一時治武。騎劍兵矢。裨衛以謀。父兄相言。不得業他。籍藏將府。伍散田畝。力解勢破。人人自愛。雖有蚩尤為帥。雖亦不可使為亂耳。及其當居外也。緣部之兵。被檄以來。受命於朝。不見妻子。斧鉞在前。爵賞在後。以首爭首。以力搏力。飄暴交掉。宜暇異畧。雖有蚩尤為帥。雖亦

古文國瑋集

卷之三

唐文卷

無能爲叛者。自貞觀至于開元末。百三十年間。戎臣
兵伍未始逆篡。此聖人所能柄統輕重。制障表裏。聖
筭神術也。至於開元末。愚儒奏章曰。天下文勝矣。請
罷府兵。詔曰。可。武夫奏章曰。天下力強矣。請搏四夷。
詔曰。可。於是府兵內削。邊兵外作。戎臣兵伍。滿奔矢
往。內無一人矣。起遼走。蜀。繚絡萬里。事伍強寇。十餘
年中。亡百萬人。尾大中乾。成燕偏重。而天下掀然。根
萌熾然。七聖肝食。求欲除之。且不能也。由此觀之。戎
臣兵伍。豈可一日使出。落餘鏈哉。然爲國者。不能無

古文國瑋集卷之二十五

四唐文卷五

兵。居外則叛。居內則募。使外不叛。內不募。兵不離伍。
無自焚之患。將保頸領。無烹狗之喻。古今已還。法術
最長。其置府立衛乎。近代以來。於其將也。弊復爲甚。
也。人器曰。廷詔命將也。名出視之。率市兒輩。益多稽
金玉。負倚幽陰。折券交貨所能也。絕不識父兄禮義。
之教。復無慷慨感槩之節。百城千里。一朝得之。其強
傑復勃者。則撓削法制。不使轉已。斬族忠良。不使違
已。力一勢便。罔不爲寇。其陰泥巧狡者。亦能家筭口
歛。委於邪倖。由卿市公。去郡得都。四履所治。指爲別

倖。或一夫不幸而壽。則憂割生人。畧匝天下。是以天
下每每兵亂湧溢。齊人乾耗。鄉黨風俗。淫穢褻薄。教
化思澤。擁抑不下。召來災沴。被及牛馬。嗟乎。自愚而
知之人。其盡知之乎。且武者任誅。如天時有秋。文者
任治。如天時有春。是天不能倒春秋。是豪傑不能愆
文武。是此輩受賊誅暴乎。曰。於是乎在。某人行教乎。
曰。於是乎在。欲禍而不作。未之有也。伏惟文皇帝十
六衛之旨。誰復而原。其實天下之大命也。故作原十
六衛。

古文國瑋集卷之二十五

四唐文卷五

太祖設府于京。設衛于外。亦有府兵之遺制。但核其
屯田。精其實伍。天下固不憂于無兵也。今忽衛所
而急召募。亦猶唐人廢府兵。而事長征。使牧之而
在今日。能無扼腕乎。

同州澄城縣功倉戶尉廳壁記 杜牧

縣之所重其舉秀貢賢也今日自外諸侯之儒者曠不能升一人况尉乎次乃戶稅而已史記河渠書曰自徵引洛水至商顏下鑿井深者四十餘丈卽此地也徵者俗訛爲澄耳其地西北山環之縣境龍其趾沙石相礪歲雨如注他皆淫漑不測徵之士適潤苗則大獲天或旬而不雨民則蒿然四望失矣是以年多薄稔復絕絲麻藍菓之多饒固無豪族富室大抵民戶高下相差埒然歲入官賦未嘗期表鞭一人因

古文園羣集

卷之二十五

四三

唐文卷五

徵其來由耆老咸曰西四十里卽畿郊也至如禁司東西軍禽坊龍旆彩工梓匠善聲巧手之徒弟耆上下戶五來進取挾公爲首緣以一括十民之晨炊夜春歲時不敢嘗悉以仰奉父伏子走尚不能當其意往往擊辱而去長吏固不敢援復况其養秩安祿者耶加以御史官多盤冗其間通相占附比急熱如手足自丞相御史咸不能與之角逐縣令固無有爲也非豪吏眞工聯紐相姻戚者率解去是以縣賦益迫徵民幸脫此苦者蓋以西有通潤巨壑父牙交吞小

山峭運馳鞍馬張機置者不便於此是以絕跡不到兼之土田枯鹵樹植不茂咸惡之而不家焉民所以安活輸賦者殆由此儻使徵亦中其苦則堪矣尚安敢比之於他邑乎嗟乎國家設法禁百官持而行之有尺寸害民者率有尺寸之刑今此咸墮地不起反使民以山之濶壑自爲防限可不悲哉使民恃嶮而不恃法則剽土者空乎牆山墮河而自守矣燕趙之盜復何可多惟乎書其西壁俟傳言者覽焉

歷落感慨足以爲誦

古文園羣集

卷之二十五

四四唐文卷五

聖代古文園羣集卷之二十五

歷代古文國瑋集卷之二十六

唐文

襄西方岳貢禹修評

訟忠

牛僧孺

牛僧孺字思黯隋僕射奇章公弘之裔穆宗時爲相敬宗立封奇章郡公後復以兵部尚書平章事時有所上

春秋周大夫襄弘之城成周也晉女叔寬謂弘違天不免也國語衛彪傒又云襄叔支天有咎也支天壞違天也人道補天反常也誘人城周誑人也左丘明

古文國瑋集卷之二十六

唐文卷之二十六

皆然其言某以爲一言喪邦其例由斯矣若是則帝王不務爲政而務稱天命下不務竭忠而務別興衰矣雖欲不亡其亡固勉足而俟矣必謂天壞不支自古無中興之君乎衰運不輔自古無持危之臣乎殷太戊周宣王胡以承天壞而興乎殷傳說周吉甫胡以待衰運而壽乎二君二臣天豈私之乎且後謂臣謀其君爲違天則危而不扶爲順天乎人道補天爲反道則令人微天爲合道乎誘人勤王爲誑人則勸人叛王爲信人乎辭之悖亂有至是者夫人道適也

忠孝人倫紀綱也天道遠也談者人倫虛誕也假天道以助入倫猶慮論誣於失也況舍人事徵天道棄邇求遠無裨於教者也又謂不得終果由支天壞也則趙高秦之助壞者也董賢漢之助壞者也曹爽魏之助壞者也賈謐晉之助壞者也戚家族身戮者天不壽之夫天之所與豈有親者以道承天則天無壞者以亂承天則天無支者故支壞非天也興衰由人也但有人不支而敗無天不可支也嗚呼弘無殷宗周宣以任之位卑大夫不爲王卿士卒令強晉迫脇

古文國瑋集卷之二十六

唐文卷之二十六

非道殘勲士死難於弘爲得矣奈何丘明不識周殺忠臣所以國危也晉殺王臣所以國分也但紀弘之致死是神彪傒叔寬反常之說也謹按魏子賞賈辛以定王室也夫子曰其命也忠當有後于晉國也賞忠有後則身終不謂反天戮也是知丘明謬聞偏見失聖之旨甚遠恐史冊久謬誣惑爲臣者將求事之得不以文字申訟哉

僧孺作相非支天壞者然其所論固絕正

辯名政論

牛僧孺

史記商鞅見孝公以爲鞅說之以帝王道公曰安得待數十百年以伯說之欲而未能以強國之術說之而公甚懼也似云強國非帝王之道又若云帝王之道必成於數十百年余愈恐後之爲政者捨強國富人而別求帝王之道則潰潰然無指歸矣請推而論之且君道無定名使國利人則君之道也然予非謂鞅之政必可以強國富人也而鞅之傳曰令不十年而人大悅家給而人足怯私鬪而勇公戰予則不知

古文國事集

卷之二十六

三唐文卷六

皇帝王伯捨此何爲君道也且帝如軒轅虞舜乎斬蚩尤而革有苗是不欲強其國歟王如夏啓周文乎滅有扈而伐有崇是不欲強其國歟伯如齊桓晉文乎修富政而蒐彼虜是不欲強其國歟伯况秦之患者六國若不先富其人未強其國又可以高枕無爲而成君道歟况皇帝王伯同位而異名者也孰謂皇帝之名優乎哉王伯之名劣乎哉君人者當務乎道適時不務乎名倫位也故捨名而就時者曰昌捨時而就名者曰亡宋襄之亡慕伯之名而失時者徐偃

王莽井田
安石周禮
皆以其名

古文國事集

卷之二十六

四唐文卷六

之亡慕仁之名而失時者魯隱之亡慕讓之名而失時者若使秦居六國之衡不先富人強國而別求皇帝王伯之道予謂就帝王之名而失時者又安得君於天下乎嗚呼天地不分於皇人帝人王人伯人政利於人皆君也秦始可以弱其國而有天下皇矣乎子曰足食足兵民信之矣又曰既庶矣繼曰富之若此則夫子之道亦先強國富人也庸可謂夫子之道非帝王之道歟又曰如有用我者其月而已可也若如此又不可謂帝王之道必成於數十百年也或曰子云如有王者必世而後仁百年亦可勝殘去殺矣如此則帝王之道久而成者也予又不知其然矣且堯之有道乎生丹朱焉舜之有道乎生商均焉則堯之道宜成於朱也舜之道宜成乎均也又何堯舜之道未成於身而不成於朱均之世也且危邦之人思治甚於飢人之思食也若以數千百十年之道導危邦是猶強柔嘉之食還其期而給飢人邦危人飢若此何以安之乎飽之乎予故曰政有富生人強國家皆安得不謂之君道也不知皇帝王伯之名升降也又

不知數十年而成何待也。

不意大牢公有此快論。然帝王之道實不止于富強。但取其足以執豎儒之口耳。

論用兵書

王涯

涯字廣津。太原人。穆宗即位。以檢校吏部尚書。拜用制史。劾南師度長慶元年。幽鎮復亂。王師征之。不克。涯在鎮上書。

伏以幽鎮兩州。忤亂天紀。迷亭育之厚德。肆豺虎之非心。內繁鼎臣。狀賊戎帥。毒流列國。孽及賓僚。凡在有情。益不旋腕。威欲橫戈。荷戟問罪。賊廷伏以國家文德。誕敷武功。經立遠無不服。邇無不安。矧茲一左敗逆天理。臣竊料詔書朝下。諸鎮夕聽。以貌狝問罪之師。當猖狂失節之寇。傾山壓卵。決海灌焚。勢之相懸。不是過也。但以常山燕郡。處號相依。一時與師。恐費財力。且夫罪有輕重。事有後先。攻堅宜從易者。如聞范陽肇亂。出自一時。事非宿謀。情亦可驗。鎮州構禍。殊非偶然。扇動屬城。以兵拒境。如此則幽薊之衆。可示寬刑。鎮異之戎。必資先討。況廷湊關葦。不席父祖之恩。成德分離。人多迫脇之勢。今以魏博思復警之衆。昭義願盡敵之師。蔡之晉陽。輔以滄易。犄角而進。易若建瓴。盡屠其城。然後北首燕路。在朝廷不爲失信。於軍勢實得機宜。臣之愚忠。輒在於此。臣又聞

用兵若關先扼其喉今瀛莫易定兩賊之咽喉也誠
宜假之威柄戊以重兵俾其死生不相知間諜無所
入而以大軍先迫其起攻下井陘此百舉百全之勢
也臣受恩深至無以上酬輕冒陳聞不勝戰越

此亦李絳勸憲宗舍成德而討淮蔡之故謀也惜
當時倉卒用兵不及施之及其一敗則又兩釋耳

邠州節度使廳記

鄭處晦

鄭處晦字廷美文辭秀美仕歷刑部侍郎浙東觀察宣武節度使卒

邠為古國其俗質而厚其人朴而易理業尚耨種
擾有后稷公劉之遺風始皇并天下地屬喬輔後漢
析為新平郡後魏改置西州國朝因之開元中詔以
幽南為疑因改為邠天寶已前太平歲久西通伊涼
萬里而遠邠實為近郡中王薛王以親賢之責居之
太尉房公以盛德之重居之洎逆胡勃起幽朔西戎
塵空蕩瀟乘艱難際盜據河右蕃兵去王城不及五
古文國事集卷之二十六
人唐文苑
百里邠由是為邊郡斥候近邠鎮要害大曆中尚父
汾陽王始以朔方軍壯其威容後益選武勇驍健有
膽決奇謀者繼之今天子三年西戎款關獻河湟數
州故地西鄙益拓邠為近蕃上念兵戎方息邊備愈
遠始詔司空白公由丞相府持節來鎮丞相功成繼
命文雅忠恕之風煦然而起邊人始知禮讓文化之
為急後廷議以我季父尚書公前為夏師夷吐又安
寇盜弭息儲廩果實器械果完懋賞休績遷鎮是軍
季父又以理夏之政移之於邠邠人喜嬉薰為大和

其略之

古文圖彙集卷之二十六

九唐文卷六

嘗觀屋壁志前帥是軍者之名氏因曰曩之帥此者豈不知是耶始務公車而角材堅壘未暇及此爾吾既承數君子大理之後敢不勤督吾之未至者况今戎醜既夷不宜獨以鳴鼓犖教擊刺爲事因命疏自開元已來判是郡帥是軍者追書于屋壁季父尚書公曰吾思將有以警于吾前警于吾後者邠之土實婦人無桑績不能自衣朔方之軍雄男子勇於公戰無他業以自厚故郡之人以耕稼爲事軍之卒以勇敢得賞後之撫于人者宜勉農畝時其徵調人不擾

而完富矣師于軍者宜嚴其刑賞時其衣食卒不驕而勇敢矣人既完富卒既勇敢生聚之訓練之吾知青海之西不數年爲內郡矣命處誨記其始終序于前後大中二年三月二十日記

爲樂陽公賀幽州破奚寇表 李商隱
李商隱字義山懷州河內人英圖公世勳之裔係王茂元鎮河陽愛其才表掌書記
臣某言臣得本道進奏官某狀報某月日幽州節度使張仲武奏破奚北部落及諸山奚除舊奚王匿即所管外殺戮首領丁壯老幼并殺獲牛牟焚燒車帳器械等計二十萬刺史已下面皮一百具耳二百隻奚車五百乘羊一萬口牛一千五百頭者天聲遠播廟略遐宣白虜獲於寧臺赤夷俘於燕路臣某中賀臣竊窺舊史巡聽前朝有天子憂邊清霄報寐將軍出塞白首言歸至乃或勝或奔一彼一此竟因塞郊之析那停絕漢之烽猶欲叙烈旂常告功祧廟用其暫勝謂曰難能况幽朔巨都全燕重地薦臻奚寇傾亂華人田讓之護鮮卑莫能深入祭彤之軍遼水唯遺相攻近歲以來爲患滋甚是單于偵邏之路懷駒支漏泄之姦張仲武重感國恩得知邊事同三師而隸楚倂五餌以開戎乘其驚情之時俄得剪除之便燕犀密掛翼馬潛羈超距拔石者動過千餘戟手科頭者略踰萬計坎三鼓而河流自却聲六校而屋瓦

皆飛。自使鵲懼喪林。兔忙迷穴。無舟拘指有地。僵屍未驚紫陌之鳥。前軍已感。不淚淮山之鶴。後隊仍窮。遂分袁尚之頭。顛仍裂。蚩尤之肩。髀穹廬落燼。同甲揚灰。山積雲屯。大收其車乘。角羸耳濕。盡獲其牛。羊柳水載澄。桑河無事。爰施言語。入解皇威。此皆皇帝陛下功格上玄。運膺下武。授茲成算。于彼當仁。震肅九圍。嗚呼萬國。昔艱難云始。胡塵首起。於盧龍。今開大有期。而漢將先清於涿鹿。人謀允若。靈貺昭然。固已上慶祖宗。下光編策。錄圖洪範。競三古之殊猷。王

古文國瑋集

卷之二十六

上唐文卷其六

檢金泥。有百神之靈符。臣雖當防遏。不介邊陲。空增氣於懦夫。實叨榮於下將。日圍千里。天益九重。奉一月之捷書。唯知朴拙獻萬年之壽酒。尚隔班行。念風水於遐藩。寄夢寐於宣室。無任望闕結戀之至。

推原亂始極有雅裁非名手不到

為漢陽公敬劉積文

李商隱

足下前以肺肝布諸簡素。仰承復命。猶事枝詞。夫豈告者之不忠。抑乃聽之而未審。擇福莫若重擇禍莫若輕。一去不返者良時。一失不復者機事。噫嘻執事。誰與為謀。延首北風。心焉如灼。是以再陳禍福。用釋危疑。言不避煩。理在易了。丁寧懇款。至于再三。者。以某與先太師相國俱沐天光。茲為藩后。昔云與國。今則親隣。而大年不登。同盟未至。飯具纔畢。繼承莫陳。乃瞻後生。遽承先訓。遷延朝命。迷失臣職。不思先

古文國瑋集

卷之二十六

上唐文卷其六

年。奄有壞梁之歎。至上深固義烈。是將優恩。蓋將顯足下之門。爲列藩之式。不欲劉氏有自立之帥。上黨爲辜恩之軍。俾之還朝。以聽故命。其義甚著。其恩莫備。昨者秘不發喪。已踰一月。安而拒詔。又歷數旬。秘喪則於孝子未聞。拒詔則於忠臣已失。失忠於國。失孝於家。望此川人。由茲保族。是亦坐薪言奉。巢幕云云。智士之所寒心。謀夫之所辭舌。矧于僕者。得不動心。竊計足下之懷。執事之論。當以趙氏傳子。魏氏襲侯。欲以逡巡希恩。顧望謀立耳。夫事殊者趣異。執別古文圖彙集卷之二十六

唐文卷其六

而有梁園之客。比比而來。將倚以爲牆藩。託以爲羽翼。使之謀取。使以數求。細而思之。此又非計。山高則無羊自至。泉深則沉玉自來。已立然後人喘。身正然後主附。語有之曰。政亂則勇者不爲國。德薄則賢者不爲謀。故吳淝有奸而鄧陽去。燕惠無德而樂生奔。晉寵大夫。成分國之禍。衛多君子。軌收渡河之裁。此之前車。得不深鏡。代憲四祖。文明繼興。當時燕趙中山。淮陽齊魯。連結者幾姓。旅拒者幾侯。咸逆天用。人背惠忘德。據指掌之地。謂可逃刑。倚親戚之私。謂能取信。一旦地空家破。首裂支分。聞者不能爲謀。明者固以先去。悔而莫及。末如之何。先太尉與李洸尚書。齊之密戚。楊太保與蘇肇。給事蔡之懿親。並據要地方。州領精甲。銳卒。及其王師戾止。我武惟揚。則割地驅人。以降送款。輸忠以入。非不顧密戚。非不念懿親。非不思恩。非不懷惠。直以逆順是逼。歟生實難。能與其同休。不能與其共戚。故也以足下大未倖齊蔡。久未及李吳。將以其人勳於不義。僕固恐風沙之國。之卒重生。彭寵之家。不義之侯更出。又計足下

唐文卷其六

當時太行九折之險，部內數州之饒，兵士尚強，倉儲且足，謂得支久謀而使安，危哉此心。自弃何速。昔李抱真相國用彼州之人，破朱滔于燕國，因田悅於魏郊，連兵轉戰，綿歲經時，而潞人夫死不致哭，子死不致悲。何者？李相國不討逆之命，為勤王之師，義著而誠順故也。及盧從史釋秦就位，賣降冀功，將乘討伐之時，欲肆兇邪之性，計未就而人神已怒，事未立而兵衆已離。以萬夫之長，困一卒之手，驅轍北闕，奔尸南荒，而潞之人猶老者捫髀，少者扼腕，謂朝廷不卽古文國韋集卷之二十六

古文國韋集

卷之二十六

唐文卷六

推赤心弘大度，然而不逞者，已有乖異之說，構義者。優與悖惡之數人之多言，亦可畏也。誰為來者？宜其。其之人足下背李父引進之恩，失大朝文詔之令，則是實先太師之浮議，彰昭義軍之有謀為人姪，則致叔父於不忠，為人孫則敗乃祖於無後，亦何以對燕趙之士？見齊魯之人耶？又計足下旬日之前，造次為慮，今茲追改，俱有後難，此左右者不明而咨詢之未盡也。近者李尚書祜、董常侍重質之輩，並親為賊將拒我官軍，納質於匪人，效用於戎首，久乃來復，尚蒙古文國韋集卷之二十六

古文國韋集

卷之二十六

唐文卷六

古文國瑋集

卷之二十六

唐文苑

王者動以千羣。兼驅挽虎之材官。仍率射鵰之都督。感義則日月能駐。拘憤則砂石可吞。使兵用火焚城。將水灌。魏趣邢郡。越出洛州。分二大都之間。是古平原之地。車中盡輪於此境。糗糧反聚於他人。恃河北而河北無儲。倚山東而東山不守。以兩州之殘孽。抗百道之奇兵。比累卵而未危。寄孤根於何所。則老夫不佞。亦有志焉。願驅敢死之徒。以縱諸侯之末。下飛狐之口。入天井之閭。巨浪難防。長蛇易扇。此際必當驚地底之鼓角。駭樓上之梯衝。舉目躋度。飛走之期。

既絕。投戎散地。灰釘之望。斯窮。自然麾下平生。盡忘舊愛。帳中親信。即起他謀。辱先祖之神靈。為明時之哂笑。靜言其漸。良以驚魂。今故再遣使車。重申丹素。惟鑒前代之成敗。訪歷事之賓寮。思反道敗德之難。念順令畏威之易。時以吉日。昭茲坦途。勿餒劉氏之魂。勿汙潞人之俗。封帛增欬。含毫益酸。延望還章。用以上表。成敗之舉。慎惟圖之。不宜。河陽三城節度使王茂元頓首。

授李愿檢校司空宣武軍節度使制

元稹

古文國瑋集

卷之二十六

唐文苑

門下昔者魯侯伯禽。從以周公之故。遂荒大東。重耳以宣陽之勢。子孫不絕於晉。昔我太師西平王在德宗時。能後京邑。書於鼎彝。每懷宮廟之安。實念山河之永。而又釋其英哲。克生令人。惟弟惟兄。莫非頗牧。尚想德施於十代。何吝恩積於一門。鳳翔節度使李愿。生長綺紈之中。而素風自得。蘊鬱驍雄之氣。而性與溫恭。怡怡於李孟之間。翼翼於班行之內。始為夏

陳。遂著能名。蹄角齒毛之良。一無取於夷落。而不貪之寶。大布朔陞。泊領徐方。會征淮右。隣寇陰狡。將助鳴張。來犯東郊。異延譽刻。爾乃提持戈戟。淬礪卒徒。一戰而蜂蠆盡殲。不時而梟鏡就戮。率來岐下。號令益明。繕完甲兵。為我保障。朕以浚郊重地。尤籍長林。俾為司空。以表東夏。持我邦憲。用清爾人。夫四海九州。非不廣也。然而靈武魏博。至於大梁。斷長補短。方數千里。皆爾伯仲。又何加焉。於戲。雖陽在爾之東。張巡效忠之誠。尚在夷門。在爾之境。侯麻報恩之跡。猶

存又安知。憶憶往來之徒。不有以仁義匡於爾者。勉服休命。其戒之可。檢校司空兼汴州刺史宣武軍節度使散官勳如故。

雖是公家之文亦復饒有丰致

起復田布魏博節度等使制 元 稹

門下經曰父母之讐不同天。雖及匹夫而猶寢苦枕。于以期必報。是以子胥不狗伍奢之死。卒能發既墓之墓。鞭不義之屍。取貴春秋。垂名萬古。而況於身登將壇。父死人手。家傳國恥。併在一門。當懷嘗膽之心。豈埃絕漿之禮。金革無避。其在茲乎。前四鎮北庭行軍兼涇原節度使檢校右散騎常侍御史大夫田布。谷爾先臣。惟國元老。首自河朔來朝帝庭。而又東取青齊。北討深趙。提挈義旅。勤勞王家。冒白刃而不疑。

推赤心而自信。屬翼方求帥。余所重難。輟自大名。付茲巨鎮。而中台暗拆。上將妖侵。蠹賊潛冀於腹心。豺狼勃興於肘腋。人神憤痛。朝野驚嗟。深軫予懷。誓擒彼惡。以爾布詩書並習。忠孝兩全。嘗用魏師。克征淮孽。素行思信。其著勲庸。豈無奮激之徒。爲報寇讐之黨。且魏之諸將。繇爾父之崇高。魏之三軍。蒙爾父之仁愛。昔既同其美利。今豈忘其深冤。爾其淬礪勇夫。敬恭義士。一餘之飽。必同於卒伍。一毫之費。必用於干矛。非笑畫勿萌於心。非軍旅勿宜於口。居則席蓐。

寒則抱冰。以喪禮處之。若哀心感著。必有為橫身刎
頸。感智捐軀。下報管寬。旁清醜類。於戲至誠可託。稔
惡難逃。矧彼凶狂。去將安往。墨獮居體玄。燕在前題。
鼓執金無忘哀敬。可起復寧遠將軍守右金吾衛大
將軍員外同正員檢校工部尚書兼魏州大都督府
長史御史大夫充魏博等州節度觀察處置等使勳
賜如故主者施行。

枕戈待旦之詞足以鼓其哀壯

古文園瑣集卷之二十六

主唐文卷其

獻事表

元稹

元稹字微之河南人元和元年拜左拾
遺自以職諫諍不得數召見上獻事表

臣聞理亂之始各有萌象二者無門在君上啓之而
已所謂萌象豈有他哉容直言廣視聽躬勦庶務委
信大臣使左右近習者不敢蔽踈遠之臣庶此理之
象也此而不理萬無一焉大臣不親直言不進抵忌
諱者殺犯左右者刑與一二近習者失事於深宮之
中羣臣莫得參籌畫此亂之萌也此而不亂亦萬無
一焉是以古者人君即位之始萌象未見之時必有
古文園瑣集卷之二十六
主唐文卷其
狂直敢言之士抵忌諱獻危言在上者苟或宥而容
之激而進之則天下之君子望風而悅曰彼之狂而
猶容於上上之人其欲來天下之士乎吾之道可以
行矣其小人諫利而言曰彼之直可以得幸於上吾
將直言以微利可也縣是天下之賢不肖各以所忠
貢言於上上下下之志需然而通得失之情幽遠必達
合天下之智理萬物之心人人樂得其所戴其上如
赤子之親慈母也雖欲諂之為亂其可得乎臣故曰
容直言廣視聽而不理者萬無一焉及夫進計者入

而。不。出。直。言。者。戮。而。不。容。則。天。下。之。君。子。自。謀。於。心。曰。與。其。言。且。不。用。而。身。爲。戮。吾。寧。危。行。言。遜。以。保。其。終。乎。其。小。人。擇。利。而。言。曰。君。之。所。惡。者。拂。心。逆。耳。之。言。也。吾。將。苟。順。是。非。以。事。之。可。也。繇。是。進。見。者。華。而。不。內。言。事。者。寢。而。不。聞。若。此。則。十。步。之。事。不。得。見。也。朝。廷。之。情。不。得。聞。也。而。況。於。天。下。之。大。四。方。之。遠。乎。故。曰。華。聲。之。君。非。無。耳。目。也。蓋。左。右。前。後。者。屏。蔽。之。不。使。視。聽。爾。此。而。不。亂。其。可。得。哉。昔。太。宗。文。皇。初。卽。位。時。天。下。之。人。莫。有。諫。者。唯。孫。伏。伽。嘗。以。小。事。特。諫。於。上。文。皇。帝。大。悅。厚。賜。田。宅。以。勉。之。自。是。言。事。者。惟。懼。乎。言。不。直。諫。不。極。不。能。激。文。皇。之。盛。意。曾。不。以。觸。龍。鱗。犯。忌。諱。爲。不。可。矣。於。是。房。杜。王。魏。之。徒。議。可。否。於。前。天。下。四。方。之。人。言。得。失。於。外。不。四。三。年。而。天。下。大。理。豈。文。皇。獨。聰。明。於。上。哉。蓋。亦。羣。下。各。盡。其。言。以。宣。揚。發。暢。於。天。下。也。且。夫。樂。全。安。而。惡。戮。辱。古。今。之。情。一。也。豈。獨。貞。觀。之。人。輕。犯。忌。諱。而。好。戮。辱。哉。蓋。文。皇。激。而。進。之。功。也。喜。順。從。而。怒。謬。犯。亦。古。今。之。情。一。也。豈。獨。文。皇。甘。逆。耳。而。怒。從。心。哉。蓋。以。順。從。之。

利。輕。而。危。亡。之。禍。大。無。窮。之。業。重。而。奉。已。之。事。微。思。爲。子。孫。垂。不。朽。建。永。安。之。計。也。爲。後。嗣。者。其。可。順。一。朝。之。意。而。輕。用。文。皇。之。天。下。乎。累。聖。傳。序。於。今。垂。二。百。年。矣。其。不。率。繇。斯。道。致。俗。和。平。况。陛。下。以。上。聖。之。資。紹。復。前。統。卽。位。之。日。天。下。惟。新。罪。叔。文。之。徒。而。凶。邪。之。黨。散。懸。惠。琳。之。首。而。悖。亂。之。氣。消。發。承。光。之。詐。而。假。威。之。孽。除。反。焦。陵。之。田。而。蒸。庶。之。情。感。其。餘。濊。瑕。緩。死。薄。賦。恤。人。賜。帛。者。年。旌。問。孝。悌。修。廢。學。建。義。倉。莫。不。曲。被。殊。私。單。于。有。截。斯。皆。陛。下。上。法。堯。舜。近。法。太。宗。致。理。之。萌。形。見。者。數。十。豈。臣。庸。劣。一。二。能。明。然。而。下。臣。竊。復。孜孜。咄。咄。有。所。未。決。者。獨。以。陛。下。卽。位。已。來。旣。周。歲。矣。百。辟。卿。士。至。于。天。下。四。方。之。人。曾。未。有。獻。一。計。進。一。言。受。陛。下。伏。伽。之。賞。者。左。右。前。後。拾。遺。補。闕。亦。未。有。奏。一。封。執。一。議。受。陛。下。激。而。進。之。之。勸。者。設。諫。鼓。置。置。函。曾。未。聞。雪。一。冤。決。一。事。明。陛。下。無。幽。不。察。之。意。者。若。臣。等。備。位。諫。列。名。爲。供。奉。官。曠。日。彌。年。不。得。召。見。每。就。列。位。屏。風。鞠。躬。不。敢。仰。視。又。安。暇。議。得。失。獻。可。否。哉。供。奉。官。尚。爾。又。况。於。疎。遠。

之臣庶雖有特達不羣之智思欲自効其路何階遂使凡今之人以諫鼓匭函爲虛器謂拾遺補闕爲冗員臣竊思之以陛下之睿博弘深勵精求理豈或入而不出言而不川哉蓋羣下因循不能有所發明之罪也且臣思之今之備召承顧問者獨一二執政而已每一對殿不及俄頃問議天下之事臣竊料之恭承聖問仰謝寵光之暇又安暇陳理亂哉彼化哉其使頊頊有司或時一召見言簿書之出入計錢穀之登降不暇又安足置牙齒問臣竊惟陛下以景命惟

古文園瑋集卷之二十六

唐文卷二十六

新之初何如貞觀致理之後當貞觀致理之後以房杜王魏匡輔之智而猶上封進計者薦至獻可替否者日聞今陛下當致理之初在四方多虞之以然而言事進計者終歲無一人豈非羣下因循竊位之罪乎若臣竊者稟性鶩鈍昧然無識然以當陛下臨御之始首陛下策賢之科擢授諫司思萬常品若復默然與在位者處則臣莫大之罪亦萬於常品矣輒敢冒昧殊死件奏十事於後一曰教太子以崇邦本二曰任諸王以固磐石三曰出官人以消水旱四曰嫁

諸女以遂人倫五曰無時召宰相以講庶政六曰序次對百辟以廣聰明七曰復正衙奏事以示躬親八曰許方幅糾彈以儆奸佞九曰禁非時貢獻以絕誅求十曰省出入吸遊以防街蹶凡此十者設使言之而是而見用非臣之福也天下之福也苟或言之而非非而見罪乃臣之分也亦臣之願也微之少年好以直言極諫自負彌其鋒銳欲一見于明主也如此

古文園瑋集卷之二十六

唐文卷二十六

論教本書

元稹

稹條上十事教太子正邦本其
第一事也憲宗說召問得失

某年月臣稹再拜獻書皇帝陛下臣伏見陛下降
明詔修廢學增胄子選司成大哉堯之爲君伯夷典
禮養教胄子之深旨也然而事有萬萬於此者臣敢
昧死而言之臣聞諸賈生曰三代之君仁且久者教
之然也誠哉是言且夫周成王人之中才也近管蔡則
讒入親周召則義聞豈可謂天明哉然而克終於道
者得不謂教之然邪始其爲太子也未生胎教既生
古文國璋集卷之二十六
手唐文卷其
保教太公爲之師周公爲之傅召公爲之保伯禽唐
叔與之游禮樂詩書爲之範目不得聞淫艷妖誘之
色耳不得聞優笑陵亂之聲口不得習操斷擊搏之
書居不得近容順陰邪之黨游不得恣追禽戮獸之
樂翫不得愛遊異僻絕之珍凡此數者非謂備之於
前而不爲也亦將不得見之矣及其長而爲君也血
氣既定游習既成雖有放心快已之事日陳於前固
不能奪已成之習已定之心矣則彼忠直道德之言
固吾之所習聞也陳之者有以論焉回佞庸違之說

人有至客
相往之勢
不之漢人
是得意
一作

固吾之所積懼也諄之者有以辯焉人情之莫不欲
耀其所能而黨其所近苟將得志則必快其所蘊矣
物之性亦然是以魚得水而遊馬逸駕而走鳥乘風
而翔火得薪而熾此皆物之快其所蘊也今夫成王
所蘊道得也所近聖賢也是以舉其近則周公左而
召公右伯禽魯而太公齊快其蘊則興禮樂而朝諸
侯措刑罰而美教化之至也可不謂信然哉及夫秦
則不然滅先王之學曰將以愚天下黜師保之位曰
將以明君臣胡亥之生也讀書不得聞聖賢不得近
古文國璋集卷之二十六
手唐文卷其
彼趙高者許宦之戮人也而傳之以殘忍戕賊之術
且日恣睢天下以爲貴莫見其面以爲尊是以天下
之人未盡愚而胡亥固已不能分獸畜矣趙高之威
懾天下而胡亥固已自由於深宮矣彼李斯者秦之
寵丞相也困讒冤死無所自明而況於疎遠之臣庶
乎若然則秦之亡有以致之也漢高承之以兵革漢
文守之以謙謹卒不能蘇復大訓是以景武昭宣天
質甚美纔可免禍亂哀平之間則不能虞纂弑矣然
而惠帝廢易之際猶賴羽翼以勝其邪心是後有國

唐時太子
如李郭侯
等皆與天
子為布衣
之交良為
美事但不
可使關充
虞之耳

之君議教化者莫不以典廉舉孝設學崇儒為意曾
不知教化之不行自貴者始畧其貴者教其賤者無
乃鄰於倒置乎洎我太宗文皇帝之在藩邸以至於
為太子也遙知道德者十八人與之游習即位之後
雖宴遊飲食之間十八人者實在其中上失無不言
下情無不達不四三年而名高於世豈一日二日而
致是乎游習之漸也貞觀已還師傅之官皆宰相兼
領其餘官寮選亦甚重馬周以位高恨不得為司議
郎此其驗也文皇之後漸疎賤之至母后臨朝剪棄
古文圖彙集卷之二十六
王族當中脊二聖勞勩之際雖有骨鯁敢言之士既
不得在調護保安之職終不能指扶衛之一詞而令
匠胡安金藏剖腹以明之豈不大哀哉兵興以來茲
弊尤甚師資保傅之官非疾廢貶黜不任事者為之
卽休戎罷帥不知書者處之至於友諭贊議之徒疎
冗散賤之甚者搢紳耻之夫以匹士之愛其子者猶
求明哲慈惠之師以教之直諒多聞之友以輔之豈
天下之元子而可以疾廢貶黜不知書者為之師疎
冗散賤不適用者為之友乎此何反上古之甚也近

用儒者
必以道
服於英
是才助
其勝氣而
損其天資

制官寮之外往往以沈滯解老之儒充直講侍讀之
選而又疎棄斥遠之越月踰時不得召見彼又安能
傳成道德而保養其躬哉臣以為積此弊者豈不以
皇天眷祐祚我唐德以舜生舜以堯繼堯傳陛下十
一聖矣莫不生而神明長而仁聖以是為屑屑習儀
者故不之省耳臣獨以為於列聖之謀則可也計無
窮之業傳後嗣則不可脫或萬代之後若有周成王
之中才而又生深宮優笑之間無周召保助之教將
不能知喜怒哀樂之所自矣况稼穡之艱難乎今陛
古文圖彙集卷之二十六
下以上聖之姿肇臨海內是天下人人傾耳主心之
日也特願陛下思成王訓導之功念文皇游習之漸
選重師保慎簡官寮皆用博厚弘深之儒而又練達
機務者更進迭見日就月將因令皇太子環諸生定
商冑講業之儀行問道嚴師之禮至德要道以成之
撤膳記遇以警之血氣未定則輟會色之娛以就學
聖賢既備則資游習以弘德此所謂一人元良萬方
以貞之化也豈其修廢舉選司成而足倫匹其盛哉
而又憚則百王莫不切同師長同術識君道之素定

知天倫之自然。然後選用賢良。樹為藩屏。出則有晉。鄭魯衛之盛。入則有東平朱虛之強。蓋所謂宗子維城。犬牙盤石之勢也。又豈與夫魏晉已降。因賤其兄弟。而自翦其本。校者同年。而語乎微臣。竊思為陛下。建永永無窮之長算。輒敢冒昧。殊死而言之。臣稹謹言。

風節流亮使觀者有樂誦之美

古文國璋集

卷之二十六

王唐文苑

論諫職表

元稹

臣某言。臣聞先主之制祿也。居其位。不行其職者。誅。是以上無虛授。下不隱情。臣竊觀今時。備位素餐。不行其職者。莫過於臣輩。臣聞太宗文皇帝時。以王珪。魏徵為諫官。文皇雖宴遊寢食之間。王魏實在其所。用至於文皇發一言。則王魏諍之。而後出舉一事。則王魏慮之。而後行。以文皇之明。合王魏之智。是以舉無遺事。言有典常。文皇猶以為視聽未廣也。因許三品以上入議軍國。必遣諫官一人隨入。以參驗之。當古。文。國。璋。集。卷之二十六。王唐文苑。是之時。耳目股肱之任者。有君臣之義焉。有父母之恩焉。有朋友之勸焉。是否無不替。可無不行。不四三年。而天下大理。蠻夷君長。帶刀入侍者。不可勝計。豈千戈征伐之所致。蓋壅蔽之患銷。而幽遠之情達也。若此。然後可以稱天子之爭臣矣。近之司諫爭者。則不然。大不得備召見。次不得參時政。排行就列。累累而已。且臣聞之諫臣之職曰。左右前後。拾遺補闕。犬則廷議。小則上封。近年以來。正衙不奏事。庶臣罷廷對。若此。則不見遺闕。補拾何階。不得數陳。廷議安設。

其所謂舉諫職者唯獨詰令有不便除授有不實則
奏一封執一見而已以此思之君臣之際論列是非
諷諭於未刑籌畫於至密尚不能迴至尊之盛意備讒
慝之巧言而況於既行之詰令已命之除授然後執
一封奏一見而私欲收絲綸之詔迴日月之光信無
裨於萬一矣至使凡今之人以上封進計為妄動拾
遺補闕為冗員此稱供奉官與王珪魏徵為等列臣
雖至愚能不自愧且陛下若以為臣等無所裨補不
足參侍從固不當假以名器虛立於朝苟以為務廣
古文國璋集卷之二十一
唐文苑英華卷之二十一
聰明稍闕理道又不宜屏棄疎賤之使至於此伏願
陛下許臣於延英殿對召臣一見賜以溫顏使臣得
盡愚懇之誠備陳諫官之職苟或言有所採得裨陛
下萬分之一是臣千載之一時也如或言不詣理塵
黷聖聰則臣自實刑書以謝諫官之罪亦臣之所甘
心也無任懇款發憤効職忘軀之至謹請上東閣門
奉表以聞
諫官隨宰相奏事此唐人之良法至今可行者也
微之此疏可謂不負諫官矣

舉縣宰議
元稹
右吏部以停年課資之格取宰邑字人之官公幹強
白者拘於考淺疾廢老曠者得在選中倒置是非無
甚於此朝廷將欲漸去其弊所以特設舉薦之科明
詔既行起請尋下有司再議釐革何以取信於人據
吏部云增加新戶開耕荒田此是課考舊條獄絕繫
囚寃人申雪亦是政途常事舉察吏不法恐生告訐
之風有利益公家又未指陳其目選授者例無異績
尚得四考守常舉薦者縱殊尤豈可二年並罷今
古文國璋集卷之二十一
唐文苑英華卷之二十一
請但行連坐舉主之文不必更依吏部分析條件又
云見任官及處十散試官等並請停集且處家散試
固有才能見任之官何妨撫事若能限其資歷即與
常選何殊今請除見任縣令外其餘並令赴集又云
檢勘榜樣制放程式及試書判並請準平選人例處
分若此則案牘之吏得肆奸欺書判雖工何關政術
有同減選赴集豈是特舉與官今請應舉薦人量約
文狀便令注擬亦不在制放及試書判之限又云並
請注被碎之縣責其効實本舉良能既蒙優獎皆居

破碎之處恐同貶降之條以前數件並恐不可施行
伏請但依起請節文處分仍請據今年縣令員闕先
盡舉薦人數留闕有餘然後許注擬平選人等冀將
允當謹議

加裴度鎮州四面招討使制元稹

門下傳云死者不可復生刑者不可復續是以先王
斬一枝指殺一大莖莫不伏念隱悼至于旬時決而
行之蓋不得已也予於鎮人亦然伏念俟其悛革詎
止旬時乃命相臣招懷撫諭矜其誅誤示以生門期
於盡脫網羅豈可驅之陷罪而豺狼當道荆棘牽衣
雖欲歸於有仁厥路無由而至况王師歷境義勇爭
先朕每抑其鋒鏖未忍覆其巢穴是猶愛稂莠而傷
稼穡養癰疽以潰肌膚獨懷兒女之仁慮失祖宗之
典今上台居鎮算盡無遺揀晉陽之利兵驅屈產之
良馬舉河東義武之衆合滄景澤潞之師當元翼受
命之初乘田布雪冤之頃舉毛拾芥其易可知兼用
威恩尚存招致宜令河東節度使裴度充鎮州四面
招討使於戲以一城之卒敵天下之師循猖獗之徒
抗君父之命吾哀爾輩死實無名苟能自新亦與容
汝王者施行

歷代古文國瑋集卷之二十七

襄西方岳貢禹脩評選

唐文

典而不浮

授孔戣右散騎常侍制

白居易

勅○昔○齊○桓○公○心○體○懈○墮○則○照○朋○侍○漢○武○帝○親○重○儒○術○
則○劉○向○從○今○之○常○侍○是○其○任○矣○中○吾○選○者○莫○匪○正○人○
大○中○大○夫○守○尚○書○吏○部○侍○郎○上○柱○國○賜○紫○金○魚○袋○孔○
戣○言○行○謹○直○風○操○端○莊○肅○然○禮○容○清○廟○之○器○始○自○筮○
仕○至○于○天○官○虛○舟○為○心○利○刃○在○手○全○材○具○美○時○論○多○
之○可○使○珥○貂○立○于○左○右○從○容○侍○從○以○備○顧問○隔○朋○劉○
向○豈○遠○乎○哉○可○右○散○騎○常○侍○

古文國瑋集

卷之二十七

唐文卷二十七

舉職以告
有合典制

授鄭覃給事中制

白居易

勅○給○事○中○之○職○凡○制○勅○有○未○便○於○時○者○得○封○奏○之○刑○
獄○有○未○合○於○理○者○得○駁○正○之○天○下○冤○滯○無○告○者○得○與○
御○史○糾○理○之○有○司○選○補○不○當○者○得○與○侍○中○裁○退○之○率○
是○而○行○號○為○稱○職○故○不○專○於○掌○侍○奉○讚○詔○令○而○已○中○
大○夫○行○諫○議○大○夫○雲○騎○尉○榮○陽○縣○開○國○男○食○邑○三○百○
戶○鄭○覃○清○節○直○行○正○色○審○詞○先○臣○之○風○藹○然○猶○在○自○
居○首○諫○益○勵○寒○謬○擢○領○是○職○必○有○可○觀○亦○欲○天○下○聞○
之○知○吾○獎○斧○鉞○之○臣○來○諫○諍○之○道○也○可○行○給○事○中○散○
官○勳○如○故○

古文國瑋集

卷之二十七

唐文卷二十七

初授拾遺獻書

白居易

白居易字樂天其先太原人又徙下邳居易
貞元中擢進士元和元年對策乙等為集
賢校理召入翰林為學士遷左拾遺元和四
年天子以早甚下詔有所謂居易見詔節
未詳即建言乞盡免江淮兩
賦止多出官人憲宗頗采納

五月八日翰林學士將仕郎守左拾遺臣白居易頓
首頓首謹昧獻書于旒展之下臣伏奉前月二十
八日恩制除授臣左拾遺依前充翰林學士者臣已
與崔群同狀陳謝但言忝冒未吐衷誠今者再蒙宸
嚴伏惟重賜詳覽臣謹按六典左右拾遺掌供奉諷
諫凡發令舉事有不便于時不合於道者小則上封
大則廷諍其選甚重其秩甚卑所以然者抑有由也
大凡人之情位高則惜其位身貴則愛其身惜位則
儉合而不言愛身則苟容而不諫此必然之理也故
拾遺之置所以卑其秩者使位未足惜身未足愛也
所以重其選者使上不忍負恩下不忍負心也夫位
未足惜恩不忍負然後能有關必規有違必諫朝廷
得失無不察天下利病無不言此國朝置拾遺之本
意也由是而言豈示臣愚劣昧懦所宜居之哉况臣

古文國瑋集卷之二十七

三唐文卷七

今之臺省
亦是此職
但臺省
不專諫官
之名耳

國是學士
忠誠亦見
憲宗明德

本鄉里監儒尉縣吏委心泥泮絕望烟霄豈意聖
慈擢居近職每宴飲無不先及每慶賜無不先需中
庖之馬代其勞內廚之饌給其食朝慚夕惕已逾半
年塵曠漸深憂懼彌劇未申微効又擢清班臣所以
授官以來謹經十日食不知味寢不遑安唯思粉身
以答殊寵但未獲粉身之所耳今陛下登建皇極初
受鴻名夙夜憂勤以求致理每施一政舉一事無不
合于道便于時故天下之心踴躍然日有望于太平
也然而今而後萬一事有不便於時者陛下豈不欲
聞之乎萬一政有不合于道者陛下豈不欲革之乎
倘陛下言動之際詔令之間小有遺闕稍闕損益臣
必密陳所見潛獻所聞但在聖心裁斷而已臣又職
在中禁不同外司欲竭愚衷合先陳露伏希天鑒深
察赤誠無任感恩欲報懇款屏營之至謹言

古文國瑋集卷之二十七

四唐文卷七

以翰林學士兼諫官故憲宗之時謀猷獻替如李
絳崔群居易等極得其用

論于頔裴均狀

白君易

是時于頔入朝悉以歌劇入內禁中或言普寧公主以獻皆頔愛居易以為不如端之無令頔得端由天子

右臣聞諸道路皆云于頔裴均累有進奉竝請入朝伏聞聖恩已似允許臣側聽時議內酌事情為陛下謀恐非穩便晝夜思慮不敢不言伏見貞元以來天下節將握兵守上少肯入朝自陛下刑服三兇威加四海是得諸道節度使二三年來朝廷追則追替則替奔走道路俱承命之不暇斯則聖德皇威大被于

古文國璋集卷之二十七

五唐文卷十七

四方矣夫謀室可久事實得中常難制之時則貴欲令其朝覲及可制之日則不必使之盡來何則安衆心收衆望在調度之得其室也臣伏見近日節度使或替或追稍似煩數今又許于頔等入奏或慮便留在朝臣細思之有三不可何者竊見外使入奏不問賢愚皆欲仰希聖恩傍結權貴上須進奉下須人事莫不減刑軍府剗剗疲人每一入朝甚於兩稅又聞于頔裴均等數有進奉若又許來荆襄之人必重困於剗剗矣奪軍府疲人之不足奉君上權貴之有餘

伏料聖心知之深所不忍此不可一也臣又竊聞時議云近日諸道節度使或以進奉希旨或以貨賄藩身謂恩澤可圖謂權位可取以入覲為請以戀闕為名須來即來須任即任要重位即得重位要大權即得大權進退周旋無求不得天下節度使盡萌此心不審聖聰聞此議否今于頔等以入覲為請若又許之豈非須來即來乎既來必以戀闕為名若又許之豈非須任即任乎則重位自然令加况必求之乎大權不得不與况必圖之乎重位大權人誰不愛于頔

古文國璋集卷之二十七

六唐文卷十七

既得則茂昭求之臣聞茂昭又欲入朝已謀行計茂昭亦宰相也亦國親也若引于頔為例獨不可乎若盡與之則陛下重位大權是以人情假人也授之可乎若獨與彼不與此則忿爭怨望之端自此而作今倖門已開矣速杜之又令于頔等開之臣必恐聖心有時而悔矣其不可二也臣又竊見自古及今君臣之際權太重則下不得所勢太逼則上不甚安今于頔任兼將相來則總朝廷之權家逼國親入則連戚甲之勢勢親則疎者不敢諫權重則群下不敢言臣

慮于頃未來之間。內外迎附之者。其勢已赫赫炎炎矣。况其已來乎。臣恐于頃來到之間。內外合言者已不敢言矣。况其已到乎。脫或至此。陛下有術以制馭之耶。若用術制之。不如不制之安也。若又無術。將如之何。且于頃身是大臣子。為駙馬。性靈事迹。陛下素諳。一朝到來。權兼內外。若繩以規制。則必失君臣之心。若縱其作為。則必敗朝廷之度。進退思慮。恐貽聖憂。其不可三也。凡此三不可。事實不細。伏乞聖覽。再三思之。今臣所言。皆君臣之密機。安危之大計。伏望古文國璋集 卷之二十七 七 唐文苑

秘藏此狀。不令左右得知。况臣以疎議親。以賤論真。語無方便。動有悔尤。言出身危。非不知耳。但以職居近密。身被恩榮。苟有聞知。即合陳露。倘言而得罪。亦臣所甘心。若默而負恩。則臣所不忍。伏希聖鑒。俯察愚誠。謹具奏聞。謹奏。

讀陸宣公奏疏喜其宛轉通理讀白文公奏疏喜其直達見情各是其所長也

請罷恒州兵馬事宣

白居易

王承宗拔帝詔曰突承確率師出討居易上書諫既而兵老不決居易又上言亦會承宗請罷兵

右臣所請罷兵前後已頻陳奏。今日事勢。又更不同。比來日月漸深。憂惶轉甚。若不極慮。若不切言。是臣懼罪惜身。上負陛下。伏希聖鑒。憐察血誠。知臣心如此。更詳此狀。臣伏以行營近日事體。陛下一一具知。師道令收棣州。至今竟未奉詔。至於表章詞意。近者亦甚乖安。李安等心元不可測。與賊計會。各收一空。縣而已。相顧拱手。便休。聞昨者澤潞潰散。健兒其間有入魏博。却投邢州者。李安追捉。竝按軍令。昨所與詔。都不稟承。據此情狀。略無形跡。但恐今日以後。此輩無不辦為。又比來所望有功。只在南北兩道。今師道希朝等屯軍向欲半年。過新市一鎮未得。茂昭又稱兵少。特地方請加兵。則南道勢力。今亦可見。北道承確竟未立功。元陽新到邢州。又奏兵數至少。請諸軍兵馬。議不可抽。假使承確等竭力盡忠。終恐不副聖意。據此事勢。萬無成功。陛下猶未能罷兵。不知更有

古文國璋集 卷之二十七

八 唐文苑

何所待。臣伏恐劉濟近日情似盡忠。今忽罷兵。慮傷其意。以臣所見。理固不然。劉濟大姪。過於群輩。外雖似順。中不可知。有功無功。進退獲利。初聞罷討。或可有詞。見雪恒州。必私懷喜。何則。於承宗本末之勢同也。假令劉濟實忠實蓋。陛下難阻其心。猶須計量重輕。捨小圖大。豈緣劉濟一人惆悵。而不顧天下遠圖。況今事情又不至此。伏望聖意斷之不疑。臣昨日以軍久無功。時又漸熱。人不堪命。慮有奔逃。前狀之中。已具陳奏。今果聞神策所管徐泗鄭滑兩道兵馬。各

古文園華集

卷之二十七

九唐文卷七

李錡兵合之後。坐見誅擒。豈料遷延經年如此。然則始謀必危。猶不可知。事轉難。更何所望。至于蜀府庫以富河北。諸將虛中國。以使戎狄生心。可為深憂。可為痛惜。已具前奏。不敢再陳。況今日已前。所惜者威權財用。今日已後。所憂者治亂安危。國家有天下二百年。陛下承宗祖十一葉。豈得以小忿而忘國家大計。豈得以小恥而忘宗社遠圖。伏願聖心。以此為處。臣前後已獻三狀。不啻千言。詞既繁多。語亦懇切。陛下若以臣所見非是。所言非忠。況又塵黷不休。臣即合便得罪。若以臣所見為是。所言為忠。則陛下何忍知是不從。知忠不納。不然。則臣合得罪。不然。則陛下罷兵。伏望讀臣此狀。一二十遍。斷其可否。速賜處分。臣不勝負憂待罪。懇迫兢惶之至。謹奏。

古文園華集

卷之二十七

十唐文卷七

攻瑕則堅者瑕。攻堅則瑕者堅。故先淮蔡而后河北。則河北服。先河北而后淮蔡。則淮蔡驚。憲宗所以成淮蔡之功。賴聽此疏而速逐也。

論行營狀

白居易

穆宗時河朔復亂令諸道兵出討遲延無功
賊取弓高絕根道深州則益急居易特爲中
書舍人上書
論狀不見聽

右臣等伏見自幽鎮有事以來詔太原魏博澤潞易
定滄州等五道節度各領全軍又徵諸道兵馬計士
八十萬四面圍繞已逾半年王師無功賊勢猶盛弓
高已失深州甚危者豈不以兵數太多反難爲用節
將太衆則心不齊莫肯率先遁相顧望又以朝廷賞
罰遲日不行未立功者或先封官已敗勦者不聞得

古文國粹集

卷之二十七

上

唐文卷七

罪既無懲勸以至遲延若不改張必無所望今李光
顏既除陳許節度盡領本軍伏請抽諸道勁兵通前
約與三四萬人從東速進開弓高根路合下博諸軍
解溪邢重圍與元翼合勢令裴度領太原全軍兼招
討舊職四面壓境觀釁而動若乘虛得便卽令同力
剪除若戰勝賊窮亦許受降納款如此則鎮州來攻
以分其力招諭以動其心未及誅夷自生變改况光
顏久諳戰陣素有威名裴度爲人忠勇果決加以明
懸賞罰使其憂責在身事勢驅之自須死戰若比向

前模樣用命百倍相懸破賊責功無出於此况太原
與王之地天下勁兵今既得入足當一面以此計處
無如二人

退之策淮蔡收之策澤潞皆是如此大約牽合衆
軍而觀望不若獨重一軍而深入也

古文國粹集

卷之二十七

上

唐文卷七

獬屏贊 并序

白居易

獬者象鼻犀目牛尾虎足生南方山谷中寢其皮辟
瘟圖其形辟邪予舊病頭風每寢息常以小屏衛其
首適遇畫工偶令寫之按山海經此獸食鐵與銅不
食他物因有所感遂為贊曰

逸哉奇獸生於南國其名曰獬非鐵不食昔在上古
人心忠質征伐教令自天子出劔戟皆用銅鐵羨溢
獬當是時飽食終日三代以降王法不一鑠鐵為兵
範銅為佛佛像日益兵刃日滋何山不割何谷不墮

古文國璋集 卷之二十七

主唐文卷七

錄銅寸鐵罔有子遺悲哉彼獬無乃餒而嗚呼匪獬
之悲惟是之悲

雖屬小文殊有意理

天論上

劉禹錫

劉禹錫字夢得系出中山擢進士第登博學
宏辭科蘇淮南書記入為監察御史後又擢
屯田員外郎竟以王叔文黨廢斥禹錫
久落魄乃多賦託幽遠作賦論以自見

世之言天者二道焉拘於昭昭者則曰天與人實彰
而禍必以罪降福必以善徠窮阨而呼必可聞隱痛
而祈必可答如有物的然以宰者故陰陽之說勝焉
泥於冥冥者則曰天與人實判異迅震于畜木未嘗
在罪春滋乎堇荼未嘗擇善踣躅焉而遂孔顏焉而
危是茫乎無有宰者自然之說勝焉余之友河東解

古文國璋集 卷之二十七

主唐文卷七

人柳子厚作天說以折韓退之之言文信矣蓋有
激之云而非所以盡天人之際故余作天論以極其
辨云大凡入形器者皆有能○有不能○天○有○形○之○大○者○
也○人○動○物○之○尤○者○也○天○之○能○人○固○不○能○也○人○之○能○天○
亦○有○所○不○能○也○故○余○曰○天○與○人○交○相○勝○耳○其○說○曰○天○
之○道○在○生○植○其○用○在○強○弱○人○之○道○在○法○制○其○用○在○是○
非○陽○而○阜○生○陰○而○肅○殺○水○火○傷○物○木○堅○金○利○壯○而○武○
健○老○而○耗○耗○氣○雄○相○君○力○雄○相○長○天○之○能○也○陽○而○藝○
耨○陰○而○挈○歛○防○害○用○濡○禁○苑○用○光○斬○材○竅○堅○液○殲○剛○

芒。義制強禦。禮分長幼。右賢尚功。建極開邪。人之能
 也。人能勝乎天者。法也。法大行。則是爲公。是非爲公
 非。天下之人。蹈道必賞。違之必罰。常其賞。雖三族之
 貴。萬鍾之祿。處之咸曰。宜何也。爲善而然也。常其罰。
 雖族屬之夷。刀鋸之慘。處之咸曰。宜何也。爲惡而然
 也。故其人曰。天何預乃人事耶。惟告虔報本。肆類授
 時之禮。曰。天而已矣。福兮。可以善取。禍兮。可以惡招。
 奚預乎天耶。法小弛。則是非駁。賞不必盡。善罰不必
 盡。惡或賢而尊顯。時以不肖參焉。或過而修辱。時以
 古文園瑋集卷之二十七 主唐文卷七
 不事參焉。故其人曰。彼宜然而信然。理也。彼不當然
 而固然。豈理耶。天也。福或可以詐取。而禍或以苟免。
 人道駁。故天命之說。亦駁焉。法大弛。則是非易位。賞
 恒在佞。而罰恒在直。義不足以制其強。刑不足以勝
 其非。人之能勝天。之具盡喪矣。夫實已喪。而名徒存。
 彼昧者。方挈挈然。提無實之名。欲抗乎言天者。斯數
 窮矣。故曰。天之所不能者。生萬物也。人之所能者。治萬
 物也。法大行。則其人曰。天何預人耶。我蹈道而已。法
 大弛。則其人曰。道竟何爲耶。任天而已。法小弛。則天

人之論駁焉。今人以一己之窮通。而欲質天之有無
 惑矣。余曰。天恒執其所能以臨乎下。非有預乎治亂
 云爾。人恒執其所能以仰乎天。非有預乎寒暑云爾。
 生乎治者。人道明。咸知其自故。德與怨。不歸乎天。
 生乎亂者。人道昧。不可知。故由人者。舉歸乎天。非天
 預乎人爾。

天論中

劉禹錫

或曰子之言天與人交相勝其理微庸使戶曉盡取諸譬焉劉子曰若知旅乎夫旅者群適乎蒼蒼求休乎茂木飲乎水泉必強有力者先焉否則雖聖且賢莫能競也斯非天勝乎群次乎也邪求陰於華襍飽于餽牽必聖且賢者先焉否則強有力莫能競也斯非人勝乎苟道乎虞芮雖蒼蒼猶邪邑然苟由乎匡宋雖邪邑猶蒼蒼然是一日之途天與人相交勝矣吾固曰是非存焉雖在野人理勝也是非亡焉雖在

古文園璋集卷之二十七

唐文卷七

邦天理勝也然則天非務勝乎人者也何哉人不宰則歸乎天也人誠務勝乎天者也何哉天無私故人可務乎勝也吾於一日之途而明乎天人取諸近也已或者曰若是則天之不相去乎人也信矣古人之易引天爲答曰若知操舟乎夫舟行乎濶濶伊洛者疾徐存乎人次舍存乎人風之怒號不能鼓爲濤也流之沂泗不能峭爲魁也適有迅而安亦人也適有覆而膠亦人也舟中之人未嘗有言天者何哉理明故也彼行乎江河淮海者疾徐不可得而知也次舍

不可得而必也鳴條之風可以沃日車蓋之雲可以見怪恬然濟亦天也黯然沉亦天也咄危而僅存亦天也舟中之人未嘗有言人者何哉理昧故也問者曰吾見其駢焉而濟者風水等耳而有沉有不沉非天易司歟答曰水與舟二物也夫物之合必有數存乎其間焉數存然後勢形乎其間焉一以沉一以濟適其數適乘其勢耳使彼勢之附乎物而生猶影響也本乎徐者其勢緩故人得以曉也本乎疾者其勢速故難得以曉也彼江海之覆猶伊瀍之覆也勢

古文園璋集卷之二十七

唐文卷七

有疾徐故有不曉耳問者曰子之言數存而勢生非天也天果狹於勢耶答曰天形恒圓而色恒青週迴可以度得晝夜可以表候非數之存乎恒高而不卑恒動而不已非勢之乘乎今夫蒼蒼者一受其形于高大而不能自還於卑小一乘其氣于動用而不能自休於俄頃又惡能逃乎數而越乎勢耶吾聞曰萬物之所以爲無窮者交相勝而已矣還相用而已矣天與人萬物之尤者耳問者曰天果以有形而不能逃乎數彼無形者子安所寓其數耶答曰若所謂無

形者非空乎。空者形之希微者也。爲體也。不妨乎物。而爲用也。恒資乎有。必依於物。而後形焉。今爲室廬。而高原之形。藏乎內也。爲器用。而規矩之形。起乎內也。有之作也。有大小。而響不能踰表之立也。有曲直。而影不能踰非空之數。歟。夫目之視。非能有光也。必因乎日月火炎。而後光存焉。所謂晦而幽者。目有所不燭耳。彼狸狌犬鼠之目。庸謂晦而幽耶。吾固曰。以目而視。得形之粗者也。以智而視。得形之微者也。烏有天地之內。有無形者耶。古所謂無形。蓋無常形也。

古文國瑋集

卷之二十七

左唐文卷七

必因物而後見耳。烏能進乎數耶。



華佗論

劉禹錫

史稱華佗以恃能厭事爲曹公所怒。荀文若請曰。佗術實工人命。繫焉。宜議能以宥。曹公曰。憂天下無此鼠輩耶。遂考竟佗。至若舒病且死。見醫不能生。始有悔之之歎。嗟乎。以操之明。略見幾然。猶輕殺材。能如是。文若之智力地望。以的然之理。攻之。然猶不能反其志。執柄者之志。真可畏。諸亦可慎。諸原夫火氏之書于冊也。是使後之人。寬能者之刑。納賢者之論。而懲暴者之輕殺。故自恃能至有悔。悉書焉。後之或者復用是爲口實。悲哉。夫賢能不能無過。苟冥于理矣。或必有寬之之請。彼壬人皆曰。憂天下無材耶。曾不知悔之日。方痛材之不可多也。或必有惜之之難。彼壬人皆曰。譬彼死矣。將若何。曾不知悔之日。方痛生之不可再也。可不謂大哀乎。夫以佗之不宜殺。昭昭然不足言也。獨病夫史書之義。是將推而虛耳。吾觀自曹魏以來。執死生之柄者。用一惠而殺材能衆矣。又焉用書佗之事爲。嗚呼。前事之不忘。期有勸且懲也。而暴者復藉口以快意。孫權則曰。曹孟德殺孔

古文國瑋集

卷之二十七

左唐文卷七

舉矣。孤於虞翻何如。而孔融亦以應泰山殺孝廉自
管仲謀近霸者。文舉有。高名。然猶以可懲為故事。矧
他人哉。

其言反覆激宕使人深思

古文國璋集卷之二十七

手唐文卷七

明贊論

劉禹錫

古之人動必有以將意。故執贊之道。自天子達焉。夫
芬芳在上。臭達於下。而溫粹無擇。有似乎聖人者。咆
也。故用於天子。清越而瑕不自揜。潔白而物莫能汙。
內堅剛而外溫潤。有似乎君子者。玉也。故用乎諸侯。
執之不鳴。刑之不卑。似死義者。乳必能跪。似知禮者。
羔也。故卿執焉。在人之上。而有先後行列者。鴈也。故
大夫執焉。耿介而一志難也。故士執焉。視其所執。而
知其任。是故食愈重。而志愈卑。位彌尊。而道彌廣。耿
介之志。唯士得以行之。何也。務細而所試者寡。箇卑
而所蔽者衆。言未足以動聽。故必激發以取異行。未
足以應遠。故必砥礪以沽聞。借令由士為大夫。捨雉
而執鴈。其志也隨之。顧耿介之名。不施於大夫矣。况
其上乎。然則為士也。不思難之介。為卿也。能思羔之
禮歟。今夫或者不明分。推理而觀之。則曰。此居下而
嗜直者。是必得志而稔其訐矣。彼當介而務弘者。是
必處高而肥其德矣。曾不知訐當其分。則地易而自
遷。弘非其所。則志遂而無制矣。於戲。貴士以卿大夫

賈良方正直言極諫策

沈亞之

對臣伏念目之包明。其在昏夕之時。則與盲者等。及
屬日蒙光。乃能籍玄黃。披萬類。傑智之才。其處濁俗
之中。則爲愚者混。非遭聖偶時。安能訓除陽育萬物。
其理一也。盲者雖蒙光。莫能視。愚者雖蒙聖。莫能智。
其理一也。故舜禹知其光於上。益稷之徒。周其視於
下。其山懸白日而省離婁也。三代以降。君之光微。臣
之智狹。見其手而迷其足。視其前而昧其後。其由舉
燭螢而臨底目也。今陛下神光動天。鑒彼幽塞。猶懼
古文圖章集 卷之二十七 垂 唐文卷七

朝廷之闕。臣請以刑部之失舉之。脣問有四方之獎。
臣請以山東隴石之急奏之。夫尚書六曹之設。猶人
之有六腑也。耳目口鼻之樞。繫于元首。手足之用。關
于肘膝。其血氣根脉。皆統於六腑。符而命之。然後能
動。用失其用者。非邪則眩。夫人莫不尊其首。故足司
其所履。指司其所執。百體之司。各勤其用。則首安其
尊。而不勞首之虞。身猶君之居上也。百辟以位。則君
安其尊。而不勞明矣。今尚書六曹。外雖備其官。而中
實謬。今人俗凋訛者。其由戶部之綱不理也。昔在開
元最爲治平。當時西有甘涼六府之饒。東有兩河之
賦。仰給之卒。不過四五帥。其餘利殖所入。盡與齊人
四十年間。富庶滂洋之若是。及一日上恃昇平之功。
相肆威驕之狠。直言得死。諛色獲進。轉掌之間。清蹕
巡于巴蜀矣。今西涼爲虜。兩河爲兵。盡開元天下之
兵。不過當今數郡之卒。勝衣之農。而百徭出矣。鞭役
重繁。不勝於籍。權之不顧其害。刑之不問其深。危苦
衆多。欲無凋訛。不可得也。兵部之選武士。亦謬矣。夫
試射百中爲重。馳射次之。馳戈亦次之。此武夫賤者

古文圖章集 卷之二十七

垂 唐文卷七

之空業也。而真者百無一焉。其餘盡買豪奸之輩。役者以俟。冒入奮戈戲馬者。亦得中名。則估肆富人之子弟。彼安能致武之所。用顧欲占籍自恃。以定能於鄉閭耳。而欲卒乘貨幣之充。強臣未見也。今兩河之間。至於幽薊。連屬西邊北邊。而仰給之卒。多於其土之齊人十九。在兵部者。所操曾不能制一技尉。而況紐其綱乎。古者兵農之一體也。三時務農。一時習兵。故春耕而夏植。秋藏而冬講武。誠願使兵部之綱紀。根於古道之要。兵部之令。加於將帥之臣。則本久益。

古文圖彙

卷之二十七

重唐文卷七

大矣。何卒貨不充於古哉。今禮部之得進士。杜為清選。而以綺言聲律之賦詩。而擇之。及乎為仕也。則責之不通天下之大經。無王公之重器。今取之至微。而望之甚大。其稍擊陋生而望曲齊於韶濩也。今仕進之風益壞矣。必以陰詐為朴。陽明為狂。顧以武為汗矣。而況兼學乎。陛下何不令禮部之臣。督其所業。雜考其所能。則人可化矣。夫惟博大之士。為能兼學耳。夫持綱舉維。非博大之士不能也。夫求博大之士。非竭誠不能也。故殷宗之竭誠。感於夢而得傳說。周文

之竭誠。感於兆而得太公。陛下如能用殷周之誠。而求之。何患用才之不至矣。今工部之綱不舉。其由百工之不條理焉。且務於提澁。則能速壞。惑於邪巧。則多改作。速壞相仍。改作無已。欲使財費之不窮。工力之不竭。臣未見也。夫堯之功。與天比覆。居於土階之上。墜於茹茨之下。主蠶而具禹。親勸理水。而卑官室。是二君者。非不能極巧侈之端。故處陋而無厭。蓋欲使天下之人。自然而儉。易從也。而周官百工之職。一於六職之書。計矣。其後昏君亂主。未有不極游觀之

古文圖彙

卷之二十七

重唐文卷七

樂窮巧侈之娛。恣羅紈之靡。雖有生植之衆。不足充虞人之裁。雖盡隴畝之農。不足塞百工之役。雖竭蠶婦之勞。不足給綺縠之廣。秦隋之末。君不如此。不足以繫宗社。今仕家不著籍於鄉閭。亦已久矣。則農夫唯恐他業之不容於趨也。安肯顧隴畝而戀其本哉。伏願陛下。仰堯舜禹之聖敬。畏秦隋之敗。奮念漢文之節儉。凡在百工之用。關於將作內作。技同者必使統於工部。以觀制作之度。使勞費之怨。不起於下人。則堯聖禹明。周規漢儉。唯陛下擇耳。何止士農之固

元內府之
混作其破
計其甚大
於其于中
人外不可
備後也

名昭亦患
計日之暇
故有嘆之
十皆以若
舉為可行

古文圖緯集卷之二十七

手唐文卷其

業哉。今吏部之補吏。歲制官千餘。其試以偶文僂語之書。程以二百字為準。考之能否。以定取舍。直使其人真能然。尚何以補。況十九皆僞人乎。以此而求其實。不可得也。且其吾之利。莫耶之木。雖巧用不能離咫尺之木。鷺鳥之羅。雖善掩者不能拘蚊蚋。如使恢宏博大之士。裁心鏤舌於此辭。而其道安可見乎。陛下何不命群官立於朝者。歲各貢其所知。各以其所長試之。各以其器任之。不勝其任者罪罔上。闕其貢者罪蔽賢。而冷間者。爵逾次。禮部吏部以時舉籍。刑部督其不察。如此。則人人爭好賢。人人務克己。何患乎真僞不可辨哉。今朝廷之闕眾多。其最急者。刑部刑部之網不舉。其由賞罰之不信。勅命迭降。而其旨相違。故有行之於今日。而廢之於明日。罪之於此。而赦之於彼。是慢易欺詐之數耳。欲無枉撓。不可得也。誠願斥其煩苛。去其相逾。則人人易守難犯。然後命儒賢究掌之。不明於此者。不得為刑部之官。無令指賊之徒。輕身重貨。竊法以自弄。如此則清矣。實信刑果則遠罪。脩己之風序。今非止於闕。蓋將病且病矣。

用在前
之徒則
又中矣

古文圖緯集卷之二十七

手唐文卷其

夫病者其在皮膚則易也。六腑尸繆氣非所經。而其體痛。不亦危乎。臣請以醫方之言。論國之病。伏惟陛下察焉。臣聞良醫之理病也。陳以奇方。伐以猛餌。外以針火。導其血絡。藥病相攻。戰於其中。及病解病瘳。六腑亦憊。於是竭良藥以材。調德膳以味。從而補之。然後六腑平百體正。內強而外和矣。夫代之愚醫。則不然。必使病勝而形羸。不危其身者稀矣。三公六曹。國之六腑也。果刑信賞。國之筋絡也。九州百郡。國之四體也。四之八蠻。國之外膚也。驕荒淫異。國之痼病也。嘉謀長策。國之奇方也。強將勁兵。國之針火也。禮樂法度。國之德膳良藥也。夫百骸居於外。六腑列於內。相假而成生。相致而動息。本為一身也。及一腑失理。容而不攻。其久日大。攻而不除。其久為痼。除而不補。其久復發。為癰難矣。臣以為天寶貽痼。始於一支而容之。浸及百體。幾危其形。玄宗肅宗除而不終。癰及興元。德宗之時。又無良臣可進內強之術。而攻不克。先皇攻於除。而不攻於補。今乃復發於幽薊。居國之左右。又有西戎之厲。居於右掌之膚。涉臄逾肘。今

京師上卷
以爲此
無五百里
者乎

田弘正也
張弘靖也

已及肩。何以知其自掌而及肩也。以安西至一涇。一萬二千里。其間嚴關重阻。皆爲戎有。由此知其及肩也。則王畿界戎無五百里。此肩之去喉能遠乎。奈何容而不除也。此皆發于中朝之闕而流其病也。若四方之弊莫若山東。隴右之急。若武備之不至。又請詳舉之。夫聖人之母萬物。必體天地之功。故以陽爲文教。極其光明也。以陰爲武備。盡其肅厲也。夫陽盈則輟而陰藩之。陰盈則復而陽濟之。故能相理而不亂。五月陽盈。使一陰居其間。明正陰之有位。而陰陰

古文國瑋集

卷之二十七

手唐文卷七

不生也。故聖人因之以武備。至於十一月陰盈。包將來之陽。可大可久也。故外作重霜以厲之。恐僻陽之道也。內密煥而養之。使其爲文爲光也。故聖人因之求賢以爲輔。電凍霜雪。禁其焚蕪陰用也。故聖人因之以正刑。雷風爲前驅。蕩其所不通。溫光從而賜之。陽德也。故聖人因之以文宥。是以聖人之德文雖先而武備不去。前年淮夷擒。齊魯滅。常山死。幽薊歸。臣未見制法有方法也。而議者且以爲兵可戢也。遂用羸將守常山。滯儒臨薊北。不旋踵而賊氣復作矣。伏

社牧之說
李林甫
澤潞使河
陽軍萬人
宋天井之
口而不戰
只以忠武
武軍兩軍

徑擄上黨
亦是此意

古文國瑋集

卷之二十七

手唐文卷七

願陛下慎勅誠盈。無傷陰之大候。且行化在使人。聚兵在立勢。夫百斛之車。百蹄之牛。不能搖其轂。如指之峻坂之上。擾之力者不盡數牛。及轟然而遷。則牛足之運。不給輪奔矣。此立勢之樞也。今幽冀之兵。其由病者之再病也。入虛而強。履獨有立勢而誅之。立勢之急。在於聚威於深。棣實力於滄定。然後以趙魏。臨常山。環兵而攻之。則冀馬之縱。不望合於燕蹄矣。以太原之師入薊丘。則易水之東。左臂不能傍運矣。此拘燕固冀之方也。如其擒縱之法。出於一時者。則名將而用耳。如其威不聚於急。力不實於危。雖有名將。不能爲也。陛下見西制戎。北制虜。壁壘之勢。盤連交錯。兵甲之多。賞勞之厚。以爲戎虜之畏。此而不敢犯塞。今以刑賞之不信也。而戎臣以自入。士卒虛名占籍者。十五不常。月夜飛金壁。走銀繒。市言唯恐。田園陂池之不廣也。簪珥羽釧之不侈也。洞房綺閣之不遠也。不如此。不足以積怨勞卒。及寇來則必固壁。閉兵無敢出擊者。如昔日戎戈東刃。陛下將安倚乎。今北虜猾夏。猶已事嫁矣。而西戎之虛盟。安足信之。

不可無虞也。夫人情有勇怯。地形有險易。勇怯可以習制。制之以刑則亡怯。樂之以利則亡怯。借之以勢則亡怯。假如陟險利強弩。以持重者據之。平陸利騎。以捷手健蹄者兼之。此得勢而亡怯也。今士卒之獲戎者。得其馬羊牛雜畜。及衣裝寶絡皆與之。無令有所奮奪。此顧利而亡怯也。蒙兵失律者皆誅。此畏刑而亡怯也。如此而用勇倍百矣。臣嘗仕於邊。又嘗與戎降人言。自瀚海已東。神鳥燉煌。張掖酒泉。東至于金城會亭。東南至于上邦清水。凡五十郡六鎮。十五軍。皆唐人子孫。生爲戎奴婢。田牧種作。或聚居城落之間。或散處野澤之中。及霜露既降。以爲歲時。必東望啼呼。其感故國之恩。如此。陛下能不念之。臣意西戎今冬當踰河。拒北虜。明年必大入靈武。冠西城。先擊監宥。誠能因此時詔寧。隴邈。涇及南梁皆會兵計事。獨得以老弱留謹城。其他少壯及騎士皆持裝佩鹽糗。令邠寧涇原軍皆出平涼道。彈箏邠寧軍北固崆峒。守蕭關。涇原軍西遮木峽。關鳳翔軍逾隴。出上却因臨洮。取鳳林關。南梁軍道風逾黃花。因狄道。

古文閣集

卷之二十七

圭唐文卷七

會隴西。得其利則擊。因其牛羊足以供具。各以輕騎入賀蘭。撫諭其遺人。飛聲流勢。延而益西。則故地盡可得也。如此則王畿之內。安有警烽之虞哉。臣固曰。四方之弊。莫若山東隴右。今策臣之目曰。直官極諫。則言無所不直。直不懼於罪也。若諫無不極者。今而不盡臣之一二焉。何者。答問之所及。或未利於國。臣雖欲瀟之。而不解。則懼執事之臣不寤也。唐問之所不及者。當臣之所蓄。或有利於國。臣雖欲奏之。臣懼罪。言於非安也。而况晦塞之晨。奔光馳曜之下。筆之條奏。拘以文陳乎。臣所以憤懣之誠。百不及一二也。豈無異日而顧問哉。伏惟陛下察焉。謹對。

古文閣集

卷之二十七

圭唐文卷七

其文壯舊有氣所論用兵之事極審輕重

歷代古文國璋集卷之二十八

襄西方岳貢禹修評選

唐文

盤屋縣丞廳壁記

沈亞之

盤屋道巴漢三蜀南極山不盡三十里。北阻渭。短長之補與南而近。其野半爲澤麓。狐鼠倚牆而居。雖善捕伐。不能無傷於稼。說者以爲漢武帝嘗夜出射熊。於是而田人輒留執帝從者。由此觀之。民情阻狠。古爲難理。時猶逼畏指諫。卽稍罷。然佞臣竟以帝耻不古。文國璋集卷之二十八 一唐文卷二十八
忘。遂籍民人田爲五柞長楊矣。今又徙隄越卒留戍邑中。神策亦屯兵角居。俱稱護甸。而三蜀移民。遊手其間。市閭雜業者。多於縣人十九。趨農桑業者十五。又有太子家田。及竹園。皆募其傭藝之。由是富民豪農。頗輸名買橫。緩急以自蔽。匿民冒名欺偷。浮詐相摻。雖賢宰處之。而丞與曹或不類。亦不能盡枉直之情也。夫丞之職也。贊宰之政。以條諸曹。其有不便於民者。丞能得不可。今丞也。余從祖居之。旣滿歲。民諄不作如此。則宰之所宰。丞之所贊。可謂知方也已。長

慶初余思相如進諫之風。南歷長楊。至於射熊五柞。訪其遺跡。因退舍是邑。遂悉論三川俗里之事。題於丞之署云。

序古嗽崎便足佳觀

古文國璋集卷之二十八

二唐文卷二十八

西邊患對

沈亞之

元和十有二年夏六月亞之西山咸陽行岐隴之間探其風得西主王降故老爲余言邊之所以爲患可痛之狀辭甚條悉武短曰微叟以西戎蠕蠕之旅而爲邊出若言使聞北塞匈奴雜虜之風叟曾不哭也蓋天子之憂甚勤與師長分節符給所用以事邊何困對曰不然今言所以爲患者非一因此而邊兵不得習伎險不得爲固百姓不可爲生如此吏尚輕易之然則北虜匈奴雖以逸馬強弓乘嚴寒時南馳其來衆不過數千其所掠民財貨一人所舉而已猶驚隼不能止屯兵留塞且北逾千里而屬烽望其興塵知奔蹄之幾視其狀則烽燧次發然後收民畜嚴壁而待之且每歲八月戌有清野之火使其馬無所食彼縱至不暇解鞍而旋矣而西戎則不然其衆蟻聚多包山川沮陸之利其兵材雖不能當唐人然其策甚遠力戰不患死所守必險所取必地而唐人軍中以爲材不能背易之故自安西以東河蘭伊井及西涼至於會寧天水萬三千里凡六鎮十五軍皆爲西

古文國華集

卷之二十八

又二唐文卷其八

邊將精神不在夷虜而在朝廷古今同病

西戎有由易而見亡也聞其始下涼城時聞其厚百里伺其城既窮乃令能通唐者告曰吾所欲城耳城中人無少長卽能束吾亦謹兵無令有傷去者城中爭號曰能圖卽解其後取他城盡如涼城之事由此人人皆固生無堅城意自得其策以來爲語相傳尚近奈何客獨不聞其說乎岐隴所以可固者以隴山爲阻也昔其林比繁故戎不得爲便道今盡於斬伐矣而陷者無不達且又虛兵號與實十五又有非戰鬪而役入山林伐麋鹿熊麋麋豕是徃者居十之三窮弱障芟繁取材斤聲合叫不息于寒暑是徃者居十之四發畜粟金繒文松大梓奇樹珍禽薰臭之具挽轅於陸浮筏於渭東抵咸陽入長安部署相屬是徃者居十之二其餘兵當守烽擊柝晝夜捕候者則皆困於饑寒衣食或經時不賑顧其心怨望幸非常尙能當戎耶是皆賴主上聖神彼戎畏其化而不取東刃今岐隴之土甚饒而農食不克稅徭衣結縷無完布其租稅納粟官一而耗倍細吏憑法而要賂賂厚者雖逋亦寬之粟雖後至必亟與符賂薄者或

古文國華集

卷之二十八

三唐文卷其八

稽一日卽自吏筭之粟當輸則曰次當其人又當其人故有累日而不得者其他征徭似此農盡所獲不能出其費向無不忍吏是民由蓬息而處又何聊生今所患衆多其畧可痛如此長吏終不省尚輕易之噫奈何爲不困

凡邊境之壞未有不先自弊其人以資敵者故不患有強虜而患無良吏也

賢良方正直言極諫策

皇甫湜

皇甫湜字持正睦州新安人擢進士第爲陸渾尉仕至都官中

對臣伏見陛下徵天下之士親策於庭求賢思理亦云至矣然臣未知將以爲虛策乎將以求其實效乎以爲虛策則後之縉紳者觀書於太史氏曰天子之憂人如此急賢如此徵賢良方正直言極諫之士親禮而問之斯亦足以爲名矣若以得人爲務社稷之計爲心則不宜待之如是也夫王者其尊如天其威如神以諛問先之以禮貌接之造膝而言虛心以受

猶恐懼殞越而不得自盡其所懷况乎坐之堦庭試以文字拳曲俯僂承問而上對乎且天下之事難一二以疏舉臣所當言又有非臣下所宜聞知清問所不該又鬱而不得發強附之於篇考視者必以爲餘煩又擯而不得進陛下何惜一賜臣容足之地於冕旒之前使得熟數之乎可采則行之無用則罷之何損於明也然臣不敢有望於是謹旁緣聖問粗竭愚瞽儻陛下憐察其志而寬其誅賜之當日之聞而卒其說則覆照之下形氣之生孰不甚幸制策曰益聞

昔之令王體上聖之姿御大率之時猶懼理之未盡也求賢以致用猶懼動之不中也咨諫以聞道矧惟寡昧膺受多福思負荷之重警風波之虞求賢咨諫豈敢怠忽至若窮神知化以盛其德經緯文武以大其業考古會極通教化之原明日達聰周視聽之表斯夙夜之所志也予大夫將何以匡逮而致之乎此陛下之憂勤如此臣聞堯舜以有天下爲已之累而不以位爲樂也臣又聞百事之成也必在教之其失之也必在慢之今陛下念前王之戒而不敢怠忽思

古文國璋集

卷之二十八

又四唐文卷三十八

爲國之經而不忘夙夜求賢咨諫延及微士臣有以見堯舜之心矣夫法天地之道以施政順陰陽之和以育物事無不序動無不時此窮神知化之盛德也武以止殺禁暴則兵宜戢文以經邦濟時則化必行此經武緯文之大業也崇禮而明義好士而尊儒斥魏晉已降衰末之法稽周漢已前盛明之禮斯考古會極之方也任賢而勿貳招諫而必行屏近習之邪佞進周行之骨鯁斯明目達聰之道也抑臣又聞先王所以不視而明不聽而聰披頸負之明斷非僻之

緒其道易知也蓋左右僕御惟正之供必有知法者必有知禮者出使足以盡情僞居常足以助聽覽左右之臣既如是矣而又日以公卿大夫講論正事史書其舉官箴其闕以至於百工庶人莫不諫而謗焉濟濟之士爲之股肱赴赴武夫爲之爪牙此所以永有天下也今宰相之進見亦有數侍從之臣皆失其職百執事奉朝請而退而律且有議及乘輿之誅未知爲陛下出諫喉舌者爲誰乎爲陛下爪牙者爲誰乎日夕侍起居燕遊與之論臣下之是非賞罰之臧

古文國璋集

卷之二十八

五唐文卷三十八

否者復何人也股肱不得而接爪牙不足以衛其何獻替之有若夫藝狎虧殘之微禍險之徒皂隸之職豈可使之掌王命握兵柄內膺腹心之寄外當耳目之任乎此貞夫義士所以寒心銷志泣憤而不能已者誠能復周之舊典去漢之末禍還諫官史官侍臣之職使之左右前後日延宰輔與論義理有位于朝者咸引而進之溫其色以安其意久其對以盡其詞可採者必行有犯者無罪王之爪士宜擇公卿大臣惣統而分理之則政不足平刑不足措人不足和財

不足豐贍夷狄。不足臣休徵嘉瑞。不足致矣。又何慮乎視聽之表。有所不周乎。制策曰。自中代已還。求理者繼作。皆意在砥礪而効難彰。明莫不欲還朴厚。而澆風常扇。莫不欲遵儉約。而侈物常貴。莫不欲遠小人。而巧諛常進。莫不欲近莊士。而忠直常疎。莫不欲勉人於義。而廉隅常不修。莫不欲禁人之爲非。而抵冒常不息。其所謬鑿。豈無根源者。臣聞一日克己復禮。天下歸仁焉。王者之謂也。故人不從上之令。而從其所行。夫上古之君。躬率以正。軌度其流。恕已及物。自誠而明。此所以其化如神。天下如截也。中代已還。則異乎此。至誠不著。而欲任法以防人。忠信不行。而欲縱身以掩物。雖砥礪其意。而事實不符。此所以有其意而無其效也。夫欲人之朴厚。而不先之以少私寡欲。無爲至誠。所以澆風常扇也。欲人之儉約。而不率之以卑宮菲食。沉珠貴穀。所以侈物常貴也。欲遠小人。而好悅耳之言。所以巧諛常進也。欲近莊士。而惡拂心之慮。所以忠直常疎也。欲勉人於義。而貪濁在位。所以廉隅常不修也。欲禁人爲非。而法則不

一所以抵冒常不息也。則謬鑿之本。其在茲乎。陛下誠能一皆反之。其効可立彰明矣。制策曰。爰自近歲。仍敷大澤。霜露所墜。霑濡必同。滌瑕穢以道人心。省徭役以豐物力。蠲田租以厚農室。葺國學以振儒風。督廢職以補維綱。置衆官以序賢俊。庶繼先志。臻乎治平。而改行者未聞。輪勞者未艾。農者無以免艱食。學者無以通微言。立事之績。未紀於庶工。乏才之嘆。未輟於終食。蠹於法者無不去。而法未修明。切於政者無不行。而政未光大。豈丕變其俗。道廣而難濟乎。豈不得其門事繁而每失乎。佇聞嘉言。無或隱諱者。臣以陛下滌瑕穢。而改行者未聞。政之不自其本故也。夫欲人之改行率德。慎明賞罰。不濫滌瑕穢也。故賞當善。罰當惡。天下曉然逃惡而趨善。賞當功。罰當罪。天下聳然遠罪而趨功。則人自爲理。而上無爲矣。此堯舜之所以蒞天下也。夫賞罰皆報也。賞之失稱。罰之不當。咎孰甚焉。伏見兵興已來。開權宜之道。行苟且之政。臺省之官。王公之爵。溢於州郡。過於輿臺。將帥之臣。借緋紫而使令定宮位。而奏請名器。均於

土芥操柄擅於爪牙。此其所以貴人而人不勸也。州縣之斷獄。月以千數。連年累紀。未聞有一疑獄而上于朝者。未聞有屈人而訴于王者。豈天下長吏盡如臯陶哉。律令格式具而不遵。鄉縣州府各自爲制。所怒則專殺。居常則臆斷。人過且不知其所避。而能自達。不其難乎。況乎賦役之不恒。衣食之不足。尚不懼死。焉能避罪。此其所以罰人而人不沮也。賞之不勸。罪之不沮。欲人改行。其或難焉。雖滌其瑕穢。惠奸貸法而已。又何爲也。伏惟陛下慎用賞。賞必當功。則天下之善勸矣。慎用刑。刑必當罪。則天下之非沮矣。夫擇人而任之。則僭濫不作。富庶而教之。則廉耻自生。如是則無所改其行。無所滌其瑕矣。又何足憂之哉。陛下省徭役而輸勞者未艾。小惠未遍。而有司長吏或壅而未承故也。若陛下加惠而俯察之。則物力何懼乎不豐。勞者何憂乎未艾乎。陛下蠲田租以厚農室。而人猶艱食者。生者猶少。而費者猶多故也。商乘堅而厭肥。工執輕而仰給。兵橫行而厚祿。僧道無爲而取資。勞苦頓瘁。終歲乏絕。瀕於死而爲農者亦愚。

以練兵爲汰兵

且少矣。況乎兩稅不均。失變通救弊之法。百端橫賦。隨長吏自爲之政乎。若困工商老釋之邪。未均田野布帛之徵稅。禁橫暴之賦。減鎮防之兵。則耕者如雲。積者如山矣。臣請再爲陛下精言之。夫賤瑰奇之貨。斥雕琢之器。則工商之道自息矣。黜異端之學。使法不亂而教不煩。則老釋之流當屏矣。且天下所以惠惠然者。豈非以兵乎。使稅之原而可行。蠲徭役者。豈非以商乎。今昆夷未平。邊備未可去。中夏或虞。鎮防未可罷。若欲生就其功。則莫若減而練之可也。今之

將帥。勝任而知兵者亦寡矣。怙衆以固權位。行貨以結恩澤。因循鹵莽。保持富貴而已。豈暇教訓。以時服習其任乎。今若特加申飭。使之教閱。簡拳勇秀出之才。斥屠沽負販之黨。則十分之士。可省其五矣。夫多而無用。曷若少而必精乎。又比者州府虛張名籍。妄求供億。盡沒其給。以豐其私。今若核其名實。糾以文法。則五行之兵。又可省其二矣。夫衆之虛曷若寡之實乎。一則以強兵。一則以寬賦。若江淮州郡。遠寇戎屬。清平。自非具使令。備儀注者。一切可罷。以其經費。

代征繇薄通懸然後慎擇長吏曲加綏撫不四三年而家給而人和則橫暴不作賦歛自均至理而升平矣尚何虞於人猶艱食乎陛下葺國學以振儒風而微言尚鬱者蓋其所以干祿而得仕者以章句記讀而不由義理故也若變其法則可以誅其弊矣陛下督廢職以補維綱而立事之績未紀於庶工者庶工之罪也今職備而不舉法具而不行諫諍之官溢員不聞直聲彈察之臣塞路未嘗直指公卿大夫則側合苟求持祿養交為親戚計遷除領簿籍而已興利古文國瑋集卷之二十八十唐文卷三十八

之臣專以聚斂計數為務共理之吏專以附上剝下為功習以為常漸以成俗標異而圭角者悔吝旋及和光而漏泥者富貴立須雖陛下焦勞聰明如此之切至理何益矣伏請下明詔為畫一之法使居是官理是人職是法者必有明績然後許遷擢考功之殿最無敢阿比而干刑司則能者日進不能者日退而庶工立事之績將褒揚記述之不暇矣陛下備眾官以序賢俊而乏材之歎未輟於終食者猶奉上者遷之太亟居下者刻之太深故也古之取人也拔十得

但抑賢才
而官爵未
嘗不濫言
之能無補
第

五猶以為多也曲輪直柄各適其用今則不然舉於禮部則曰幽昧凡陋而不可採選於吏部則曰聲名虛浮而不可用工文者則懼華而不實敦質者則懼朴而寡能冠蓋之族則以為因依微賤之人則以為幽險上求之愈切下搜之彌深夫士何負於有司而乃蹇頓之抑刻之如是哉才能如積鬱抑若下一朝闕輔相之職卿士大夫之官求之不得則曰岳不降神時之乏人於是循環其所已用者遞遷居上者不知格限無聞聲績或一時三拜或再歲九遷是以位古文國瑋集卷之二十八十唐文卷三十八

高者當能也是仕進之門常闔而天子之官天子之權當途者五六人迭居持之而已以陛下之明聖夫豈不欲國之得人乎以宰相之公忠夫豈不欲人之足用乎蓋從來已久因循如是耳伏惟陛下曲勅朝廷州府令每歲各舉所知於禮部吏部於計偕常選之中訪察推擇得其人則待以不次之位遇以非常之恩不得其人則必行殿最以懲踰濫則周之以寧之可封坐而致矣乏才之歎何有於聖朝乎陛下謂盡於法者無不去而法未修明切於政者無不行

而政未光大者。由有司長吏不得其人也。捨人務政。雖勤何益。臣伏見敕書節文周備。纖悉然空文虛聲。溢於視聽。而實功厚惠未有分寸。及於蒼生。主德不宣。王澤不流。雖陛下寤寐思理。宰相憂勤奉職。不可爲也。夫將直其枝。必正其根。朝廷乃根也。州郡乃枝也。今朝廷之號令。有朝出而夕改者矣。主司之法。或有昔破而今行者矣。伏惟陛下正綱以張萬目。澄源以清萬派。則四方大幸矣。由是言之。非道廣而難濟。事繁而愈失也。實承詔將事者之罪耳。制策曰。周之古。文。國。璋。集。卷之二十八。主。唐。文。卷二十八。受田有經制。漢之名田有恒數。今疆畛相接。半爲豪家流備。無依率是編戶。本爲交易。焉得奪富以補貧。將欲因循。是曰損多而益寡。酌於中道。其術如何者。臣聞古之道不可變也。古之法不必行也。夏之桀。殷之紂。周之幽厲。井田法非亡也。而天下大亂。我太宗玄宗井田法非修也。而天下大理。夫貞觀開元之際。不受田而均不名田。而瞻者朝廷正法。令行一人之寬。得以聞一吏之犯。得以除。由此致也。是法之舉化之成。則田自均。人自瞻。而天下陶然化矣。豈待曲防。

而事爲乎。其與貞觀開元非異時也。法苟未行。政苟失職。徒易其制。更擾人歟。怨而已矣。制策曰。取人惟其行。不必文采。命官惟其才。不必資考。然則行非造次而備察。才非錯綜而遍知。不必文采爲重。輕而士可進退。不必資考爲程準。而吏有條貫。適變矯枉。合於良規者。今之取士。以文學記讀爲法。其素履實行。則無門而知。使由文學而進者。往往犯奸賊爲梟獍。此誠甚弊也。乾元以還。版籍斯壞。而所在游寄。莫知所從。伏請勅天下人士未歸者。一皆復貫。願留者。則古文國璋集。卷之二十八。主。唐。文。卷二十八。令着籍置鄉。按縣學州庠。以教訓其子弟。長育其才。志自鄉升之縣。自縣升之州。自州升之禮部。公卿子弟盡育于京。輦者則使之必由太學。然後登有司。如是則其幼弱其壯老。發言舉足云爲。趣進皆可得而知矣。然後泰以才藝試其器用。誠取人之急務。伏惟陛下裁之。若資考之限。其章句之庸才。資廩之常調者。宜仍舊貫。賢能之士。則皆行臣嚮者之謀。從有司長吏之舉。其賞必行其法信焉可已也。制策曰。何方可以序六氣。來百祥。何施可以壽群生。仁衆姓。徵於

前訓而可據設於當代而易從勿猥勿并以稱朕意者臣聞古者山林藪澤皆有時禁動作之爲害無差月令則六氣以序百祥以來而懷生之願莫不躋仁壽之域矣今捨此而不務殺胎毀卵傷仁撓和而使諸夷之法以正月五月九月斷天下之屠欲蕃物產而祈福祐斯亦誣矣伏惟陛下動遵月令垂訓可據之文事稽時禁當代易從之道行之而不已執之而有恒則帝皇之美遠想於今日矣謹對

對策

劉黃

劉黃字去華。幽州昌平人。文宗太和二年舉賢良方正。能直言極諫。帝引諸儒百餘人於廷策之。黃對是時第策官畏中官。雖不敢取河南府參軍事。李師獨薦之。中官深嫉。誣以罪貶黃。郴州千戶。

伏以聖策有思。古先之治。念玄默之化。將欲通天地以濟俗。和陰陽以煦物。見陛下虞道之深也。臣以爲哲王之治。其則不遠。惟致之之道何如耳。伏以聖策有祇荷丕構。而不敢荒寧。奉若謨訓。而罔有怠忽。見陛下憂勞之至也。若夫任賢揚厲。宵衣旰食。宜糾左右之繼。依進股肱之大臣。若夫追蹤三五。紹復祖宗。宜鑒前古之興亡。明當代之成敗。心有未達。以下情蔽而不得上通行。有未孚。以上澤壅而不得下浹。欲人之化在修己。以先之。欲氣之和在遂性。以導之。救災旱在致精神。廣播殖在視食力。國廩宰畜本乎冗食尚繁。吏道多端。本乎選用失當。豪猾踰檢。繇中外之法殊。生徒惰業。繇學校之官廢。列郡干禁。繇授任非人。百工淫巧。繇制度不立。伏以聖策有擇官濟治之心。阜財發號之歎。見陛下教化之本也。且進人以

行。則枝葉安有難辨乎。防下以禮。則耻格安有不形乎。念生寡而食衆。可罷斥惰遊。念令煩而治鮮。要察其行否。博延羣彥。願陛下必納其言。造廷待問。則小臣安敢愛死。伏以聖策有求賢箴闕之言。審政辨疵之令。見陛下咨訪之勤也。遂小臣斥姦豪之志。則弊革于前。守陛下念康濟之心。則惠敷于下。邪正之道分。而治古可近。禮樂之方著。而和氣克充。至若夷吾之法。非皇王之權。嚴尤所陳。無最上之策。元凱之所先。不若唐堯考績。叔子之所務。不若虞舜舞干。且非

古文國璋集

卷之二十八

唐文粹二十八

大德之中庸。上聖之龜鑑。又何足爲陛下道之哉。或有以繫安危之機。危存亡之變者。臣請披肝膽爲陛下別白而重言之。臣前所謂哲王之治。其則不遠者。在陛下慎思之力行之始。終不懈而已。謹按春秋元者氣之始也。春者歲之元也。春秋以元加於歲。以春加於王。明王者當奉若天道。以謹其始也。又舉時以終歲。舉月以終時。春秋雖無事。必書首月以存時。明王者當奉承天之道。以謹其終也。王者動作始終。必法於天者。以其運行不息也。陛下能謹其始。又能謹

其終。懋而修之。勤而行之。則執契以居簡。無爲而不宰。廣立本之大業。崇建中之盛德。安有三代循環之弊。百僞滋熾之漸乎。臣前所謂若夫任賢惕厲。宵衣旰食。宜絀左右之纖佞。進股肱之大臣。實以陛下憂勞之至也。臣聞不宜憂而憂者。國必衰。宜憂而不憂者。國必危。陛下所先憂者。宮闈將變。社稷將危。天下將傾。四海將亂。此四者。國家已然之兆。故臣謂聖慮宜先及之。謹按春秋人君之道。在體元以居正。昔董仲舒爲漢武帝言之略矣。有未盡者。臣得爲陛下備

古文國璋集

卷之二十八

唐文粹二十八

論之。夫繼故不書卽位。所以正其始也。終必書所終之地。所以正其終也。故爲君者。所發必正言。所履必正道。所居必正位。所近必正人。春秋開寺獄。吳子餘祭書其名。譏疏遠賢士。昵刑人。有不君之道。伏惟陛下思祖宗開國之勤。念春秋繼故之誠。明法度之端。則發正言。履正道。杜篡弑之漸。則居正位。近正人。遠刀鋸之殘。親骨鯁之直。輔相得以顯其任。庶寮得以守其官。柰何以褻近五六人。總天下大政。外專陛下之命。內竊陛下之權。威懾朝廷。勢傾海內。羣臣莫敢指

其狀天子不得制其心。禍稔蕭牆。姦生帷幄。臣恐曹節侯覽復生於今日。此宮闈將變也。按春秋定公元年春王不言正月者。春秋以爲先君不得正其終。則後君不得正其始。故曰定無正也。今忠賢無腹心之寄。關寺專廢立之權。陷先帝不得正其終。致陛下不得正其始。况太子未立。郊祀未修。將相之職不歸。名器之宜不定。此社稷將危也。按春秋王札子設召伯毛伯。春秋之義。兩下相殺不書。此書者重其專王命也。夫天之所授者在命。君之所存者在令。操其命而失之者是不君也。侵其命而專之者是不臣也。君不君。臣不臣。此天下所以將傾也。按春秋晉趙鞅以晉陽之兵叛入于晉。書其歸者。能逐君側之惡。以安其君。故春秋善之。今威柄陵夷。藩臣跋扈。有不達人臣大節而首亂者。將以安君爲名。不究春秋之微稱。兵者以逐惡爲義。則典刑不繇。天子征伐必自諸侯。此海內之將亂也。故樊噲排闥而雪涕。袁盎當車而抗辭。京房發憤以殞身。實武不顧而畢命。此皆陛下明知之矣。按春秋晉狐射姑殺陽處父。書襄公殺之者。

古文國璋集

卷之二十八

唐文卷二十八

此有見于
中中錫面
言耶

以其君漏言也。襄公不能固陰重之機。處父所以及殘賊之禍。故春秋非之。夫上漏其情。則下不敢盡意。上泄其事。則下不敢盡言。故傳有造膝詭辭之文。易有失身害成之戒。今公卿大臣。非不欲爲陛下言之。慮陛下不能用也。忽而不用。必泄其言。臣下既言而不行。必嬰其禍。適足鉗直臣之口。而重姦臣之威。是以欲盡其言。則有失身之懼。欲盡其意。則有害成之憂。裴回鬱塞。以須陛下感悟。然後盡其啓沃。陛下何不聽朝之餘。時御便殿。召當世賢相老臣。訪持變扶危之謀。求定傾搖亂之術。塞陰邪之路。屏褻狎之臣。制侵陵迫脅之心。復門戶掃除之役。戒其所宜戒。憂其所宜憂。既不得治其前。當治其後。不得正其始。當正其終。則可以虔奉典謨。克承丕構。終任賢之效。無宵旰之憂矣。臣前所謂追蹤三五。紹復祖宗。宜鑒前古之興亡。明當時之成敗者。臣聞堯舜之爲君。而天下大治者。以能任九官四岳十二牧。不失其舉。不貳其業。不侵其職。居官唯其能。左右唯其賢。元凱在下。雖微而必舉。四凶在朝。雖強而必誅。考其安危。明其

古文國璋集

卷之二十八

唐文卷二十八

取舍至秦二世。漢元成咸願措國如唐虞。致身如堯舜。而終敗亡者。以其不見安危之機。不知取舍之道。不任大臣。不辨姦人。不親忠良。不遠讒佞也。伏惟陛下察唐虞所以興。而景行於前。鑒秦漢之所以亡。而戒懼於後。陛下無謂廟堂無賢相。庶官無賢士。今綱紀未紀。典刑猶在人。誰不欲致身為王臣。致時為升平。陛下何忽而不用邪。又有居官非其能。左右非其賢。惡如四凶。詐如趙高。姦如恭顯。陛下何憚而不去邪。神器固有歸。天命固有分。祖宗固有靈。忠臣固有古。求國璋集卷之二十八 千唐文卷二十八

當時專兵者皆盜賊耳。兵非天子之兵。將非天子之將。將也而天子之兵。將則又以軍容盛之。振安主之矣。故黃子此復言以

為寇盜。皆不知其所以終。自取其滅亡也。臣聞國君之所以尊者。重其社稷也。社稷之所以重者。存其百姓也。苟百姓不存。則雖社稷不得固其重。社稷不重。則雖國君不得保其尊。故治天下者。不可不知百姓之情。今陛下親近貴倖。分曹建署。補除卒吏。召致賓客。因其貨賄。假以聲勢。大者統藩方。小者為守牧。居上無清惠之政。而有饕餮之害。居下無忠誠之節。而有姦欺之罪。國權兵柄。顯於左右。貪臣聚斂。以固寵姦吏因緣。而弄法。官亂人貧。盜賊並起。土崩之勢。憂在旦夕。卽不幸因之以病癘。繼之以凶荒。陳勝吳廣。不獨起於秦。赤眉黃巾。不獨生於漢。臣所以為陛下發憤扼腕。痛心泣血也。伏惟陛下慎終如始。以塞四方之望。誠能揭國柄以歸于相。持兵柄以歸于將。去貪臣聚斂之政。除姦吏因緣之害。惟忠賢是近。惟正直是用。內寵便僻。無所聽焉。卽心無不達。而行無不孚矣。臣前所謂欲人之化也。在修己以先之。臣聞德以修己。教以導人。修之也。則人不勸而自立。導之也。則人不教而率從。君子欲政之必行也。故以身先之。欲

夫納歸于
將也

人之從化也。故以道御之。今陛下先之以身而政未
必行。御之以道而人未從化。豈立教之旨未盡其方
邪。夫立教之方在乎君以明制之。臣以忠行之。君以
人之明難。夫立教之方在乎君以明制之。臣以忠行之。君以
知人爲明。臣以正時爲忠。知人則任賢而去邪。正時
則固本而守法。賢不任則重賞不足以勸善。邪不去
則嚴刑不足以禁非。本不固則人流。法不守則政散。
而欲教之必至。化之必行。不可得也。陛下能斥姦邪
而不私其左右。舉賢正而不遺其疏遠。則化浹朝廷
矣。愛人而敦本。分職而奉法。修其身以及其人。始於
古文國璋集卷之二十八
主一唐文卷三十八

中而成於外。則化行天下矣。臣前所謂欲氣之和也
在遂其性以導之者。當納人於仁壽也。夫欲人之仁
壽也。在立制度。修教化。夫制度立則財用省。財用省
則賦歛輕。賦歛輕則人富矣。教化修則爭競息。爭競
息則刑罰清。刑罰清則人安矣。既富矣則仁義興焉。
既安矣則壽考至焉。仁義之心感於下。和平之氣應
於上。故災害不作。休祥薦臻。四方底寧。萬物咸遂矣。
臣前所謂揀災早在乎致精誠者。臣謹按春秋魯僖
公一年之中三書不雨者。以其人君有恤人之志也。

文公三年之中一書不雨者。以其人君無閔人之心
也。故僖致誠而旱不害。物文無邨閔而變則成災。陛
下有閔人之志。則無成災之變矣。臣前所謂廣播殖
在乎視食力者。臣謹按春秋君人者。必時視人之所
勤。人勤於力則功築罕。人勤於財則貢賦少。人勤於
食則百事廢。今財食與力皆勤矣。願陛下廢百事之
用以廣三時之務。則播殖不愆矣。臣前所謂國廩罕
蓄本乎冗食尚繁者。臣謹按春秋臧孫辰告糴于齊。
春秋譏其無九年之蓄。一年不登而百姓饑。臣願斥
古文國璋集卷之二十八
主一唐文卷三十八

遊惰之人。以篤耕殖。省不急之費。以贍黎元。則廩蓄
不乏矣。臣前所謂吏道多端。本乎選用失當者。繇國
家取人不盡其材。任人不明其要故也。今陛下之用
人也。求其聲而不求其實。故人之趨進也。務其末而
不務其本。臣願嚴考課之實。定遷敘之制。則多端之
吏息矣。臣前所謂豪猾踰檢。繇中外之法殊者。以其
官禁不一也。臣謹按春秋齊桓公盟諸侯而不日。而
葵丘之盟。特以日者。美其能宣明天子之禁。率奉王
官之法。故春秋備而書之。然則官者五帝三王之所

建也。法者高祖太宗之所制也。法宜畫一。官宜正名。今又分外官中官之員。立南司北司之局。或犯禁於南。則亡命於北。或正刑於外。則破律於中。法出多門。人無所措。由兵農勢異。而中外法殊也。臣聞古者。因井田以制軍賦。閭農事以修武備。提封約卒。乘之數。命將在公卿之列。故兵農一致。而文武同方。以保又邦家。式遏亂略。太宗置府兵。臺首軍衛。文武參掌。開歲則縈弓力穡。有事則釋耒荷戈。所以修復古制。不廢舊物。今則不然。夏官不知兵籍。止於奉朝請。六軍

古文國璋集卷之二十八

主中官卷二十八

不主武事。止於養階勲。軍容合中官之政。戎律附內臣之職。首一戴武弁。疾文吏如仇。譬足一陷軍門。視農夫如草芥。誅不足以剪除姦兇。而詐足以抑揚威福。勇不足以鎮衛社稷。而暴足以侵害閭里。羈維藩臣。千陵幸輔。隱裂王度。汨亂朝經。張武夫之威。上以制君父。假天子之命。下以御英豪。有藏姦觀釁之心。無伏節死難之誼。豈先王經文緯武之旨邪。臣願陛下貫文武之道。均兵農之功。正貴賤之名。一中外之法。還軍衛之職。修省署之官。近崇貞觀之風。遠復成

周之制。自邦畿以形下國。始天子而建諸侯。可以制猾姦之彊。無踰檢之患矣。臣前所謂生徒惰業。繇學投之官廢者。蓋國家貴其祿。賤其能。先其事。後其行。故庶官乏通經之學。諸生無修業之心矣。臣前所謂列郡干禁。繇授任非人者。臣以爲刺史之任。治亂之根本。繫焉朝廷之法。制在焉。權可以御豪強。恩可以惠孤寡。強可以禦姦寇。政可以移風俗。其將拔曾更戰陣。及功臣子弟。請隨宜酬賞。苟無治人之術者。不當任此官。卽絕干禁之患矣。臣前所謂百工淫巧。繇

古文國璋集卷之二十八

主玉帛卷二十八

制度不立者。臣請以官位祿秩制其器用。車服禁以金銀珠玉。錦繡雕鏤。不蓄於私室。則無蕩心之巧矣。臣前所謂游枝葉者。繇考言以詢行也。臣前所謂形于耻格者。繇道德而齊禮也。臣前所謂念生寡而食衆。可罷斥遊惰者。已備於前矣。臣前所謂令煩而治鮮。要察其行否者。臣聞號令者治國之具也。君審而出之。臣奉而行之。或虧益止留罪。在不赦。今陛下令煩而治鮮。得非揚之者有蔽欺乎。臣前所謂傳延羣彥。願陛下必納其言。造廷待問。則小臣豈敢愛死其

昔晁錯爲漢削諸侯。非不知禍之將至。忠臣之心。壯夫之節。苟利社稷。死無悔焉。臣非不知言發而禍應計行。而身僇。蓋痛社稷之危。哀生人之悔。豈忍姑息時忌。竊陛下此等語太甚。傳非之。以說韓而充也。實亦有焉。一命之寵哉。昔龍逢死而啓商。比干死而啓周。韓非死而啓漢。陳蕃死而啓魏。今臣之來也。有司或不敢薦臣之言。陛下又無以察臣之心。退必戮於權臣之手。臣幸得從四子遊於地下。固臣之願也。所不知殺臣者。臣死之後。將孰爲啓之哉。

上招討宋將軍書

羅隱

朝廷以簡陵九年。彭越肆螫。而東南一臂爲之枯耗。其後吳率以良山叛。則東西漸之筋力殆矣。自爾天子不重困百姓。由是官未實。諸葛爽。秩安文。祚皆自盜而昇朝序也。所以不幸者。江南水鍾陵火。公淮。饑汙滑。以東瀛。故無賴輩。一食之不飽。一衣之不覆。則磨寸鐵。挺白棒。以望朝廷姑息。而王仙芝尚君長等。凌突我廬。燬剝我梁。宋天子以蠶虱痒痛不足。極爬。因處分十二州。取將軍爲節度。非方鎮之無帥。非朝廷之乏人。蓋以將軍跳出隴右。不二十餘年。三擁節旄。謂將軍必能知思用命耳。今聞羣盜已拔睢陽二城。大梁亦叛。築自固。彼之待將軍。其猶沸之待沃壓之待起也。而將軍朱輪大旆。優游東道。抑不知朝廷八十三州。奉將軍侍衛者乎。復俾將軍誅翦草寇者乎。昔韓之賢良而性膏。故爲人治。未嘗剔去根本。欲以延其疾而養其財也。後有商於韓者。以疽見醫。醫且欲大其疽而沽直。因以藥捻之。而疽潰。商髮商之家長於韓。韓侯疑其族而籍其有。且二賊齧

壽春陷。賴上刷毫社。掠合肥。經營於梁宋。其爲老者。殺而少者傷。驅人之婦女。輦人之財貨。將軍固知之矣。自將軍受命。迄今三月。關東之慘毒不解。殺傷驅輦之不已。乃將軍爲之非君長仙芝所爲也。文皇帝時。衛公靖。大帝時。鄭仁泰。薛仁貴。武戡。欽。不謹。或何候。輜重。當時憲司。悉以法繩。今將軍勲業。不若衛公靖之多也。出師非鄭薛之敵也。而橫擡什伍。鞭撻餽運。以愚度之。將軍之行。酷於君長仙芝之行也。甚焉。將軍憂前者。天子慮將軍以愛子之念。復授禁秩。俾古文園瑋集卷之二十八

王唐文卷三十八

在軍前。則朝廷寵待將軍。倚望將軍也。俱不淺矣。苟將軍戮力以除暴。推誠以報國。今其時也。無使躡翰之聲。此宋威也。時詔河南方鎮。盡聽威處分。而威僅一破王仙芝于沂城。旋僞秦仙芝已死。散遣諸道兵。不三日而州縣奏仙芝攻剽如故。詔復發兵。士皆憤怒。思亂。又疾張自勉。而竄尚君長。則黃巢之亂。首壞其事者。乃威也。

復佛寺奏

孫樵

此奏動折有氣

賤臣樵。上言。臣以爲殘蠹於民者。羣髡最大。且十口之家。男力而耕。女力而織。雖乘樂族。其衣食僅自給也。揀字僅自完也。若羣髡者。所飽必稻粱。所衣必絲綵。居則邃宇。出則肥馬。是則中戶不十。不足以活一髡。武皇帝元年。籍天下羣髡。凡十七萬夫。以十家給一髡。是編戶一百七十萬。困於羣髡矣。武皇帝一旦髮天下羣髡。悉歸平民。是時一百七十萬家之心。咸知生地。陛下自卽位已來。詔營廢寺。以復羣髡。自元年正月。洎今年五月。斤斧之聲不絕。天下而工未以訖。聞陛下卽復之不休。臣恐數年之間。天下十七萬髡如故矣。臣以爲武皇帝卽不能除羣髡。陛下尚宜勉思而去之。以蘇疲弊。況將興於已廢乎。請以開元之事。明之。開元之間。大駕還自東封。從以千官之衆。六軍之事。三日留於陳留。民猶有餘力。今陛下卽能東封。道次給一食。則民力殫矣。何開元之民力有餘。而陛下之民力不足邪。開元之間。幸戶出兵。籍而爲

古文園華集卷之二十八

王唐文卷三十八

伍春夏縱之家以力耕稼。秋冬叢之將以戒武事。如此則兵未始廢於農。農未嘗奪於兵。故開元之民力有餘也。今天下常兵不下百萬。皆衣食於平民。歲度其費率中戶五。僅能活一兵。如此則編戶不五百萬。不足以給之。故陛下之民力不足也。今陛下以力不足之民。而欲重困於羣。將何以踵開元太平事邪。貞觀已還。開元戶口最為殷繁。不能逾九百萬。即今有問於戶部。其能如開元乎。借如陛下以五百萬給天下之兵。今又欲以百七十萬給於羣。是七百萬無羨賦矣。即今戶口不下於開元。其餘止二百萬。而國家萬故畢出其間。陛下孰與其足也。即其鹽鐵不可除。而摧筦加算矣。天下之民得不重困乎。日者陛下嘗欲營國東門。諫大夫諍於前言未及終。陛下非徒輟其工。而又賜帛以優之。今所復寺宇。豈特國門之急乎。聚徒囑工。豈特國門之役乎。寧諫大夫不以言而陛下不以聽乎。陛下則不能復廢之。臣願陛下已復之。髡止而勿復加。已營之。寺止而勿復修。庶幾天下之民尚可活也。今天下最不可去者兵也。臣尚

古文國璋集

卷之二十八

手書卷二十八

為陛下日夜思去兵之術。究開元太平之事。與異日為陛下言之。況去無用之髡也。臣昧死以言。

歷代古文國璋集卷之二十八

宋文

論復幽燕疏

宋 琪

大舉精甲以事討除靈旗所指燕城必降但經路所趨不無險易必若取雄霸路直進不免更有陽城之阻蓋界河之北陂浣垣平北路行師非我所便況軍行不離于輜重賊來莫測其淺深欲望回轅西遶山路今大軍會于易州循孤山之北涑水以西挾山而行接糧而進涉涑水並大房抵桑乾河出安祖寨則東瞰燕城裁及一舍此是周德威收燕之路自易水距此二百餘里並是沿山村墅連延溪澗相接採薪汲水我占上游東則林麓平岡非戎馬奔衝之地內掛槍弩步隊寔王師備禦之方而于山上列白幟以望之戎馬之來二十里外可悉數也從安祖寨西北有盧師神祠是桑乾出山之口東及幽州四十餘里趙德鈞作鎮之時欲過西衝曾壅此水況河次半有崖岸不可輕度其平處築城護之守以偏師此斷彼

足時幽燕
入契丹未
沒故盧龍
鎮人猶有
存者

之右臂也仍慮步奚為寇可分雄勇兵士三千人至青白軍以來山中防遏此是新州橋川之間而幽州大路其桑乾河水屬燕城北隅繞西壁而轉大軍如至城下於燕丹陵東北橫堰此水灌入高粱河高粱岸狹桑水必溢可於駐蹕寺東引入郊亭淀三五日瀾漫百餘里即幽州隔在水南王師可於州北繫浮梁以通北路賊騎來援已隔水矣視此孤壘洑旬必克幽州管內泊山後八軍聞薊門不守必盡歸降蓋勢使然也然後國家命重臣以鎮之敷恩澤以懷之奚霫部落當劉仁恭及其男守光之時皆刺面為義兒服燕軍指使人馬疆土少劣於契丹自被勝從役屬以來常懷骨髓之恨渤海兵馬土地盛于奚帳雖勉事契丹俱懷殺主破國之怨其薊門泊山後雲朔等州沙陀吐渾元是割屬咸非叛黨此番漢諸部之衆如將來王師討伐雖臨陣擒獲必貸其死命署置存撫使之懷恩但以罪契丹為名如此則番部之心願報私憾契丹小醜克日殄平其奚霫渤海之國各選重望親嫡封冊為王仍賜弓器鼓旗軍服戈

中以優遣之。必竭赤心。永服皇化。俟克平之後。宣布
守臣。令於燕境及山後雲朔諸州。厚給衣糧料錢。別
作禁軍名額。召募三五萬人。教以騎射。隸於本州。此
人生長塞垣。諳練戎事。乘機戰鬪。一以當十。兼得奚
霫渤海以為外臣。乃守在四夷也。然自阿保機時。至
於近日。河朔戶口。虜掠極多。並在錦帳平盧。亦適柳
城遼海。編戶數十萬。耕墾千餘里。既殄異類。悉為王
民。變其衣冠。破以聲教。願歸者。俾復舊貫。懷安者。因
而撫之。中盡郊圻。列為州縣。則前代所建。松漠饒落
等郡。未為開拓之盛也。

古文圖彙

卷之二十九

三宋文卷一

上復幽薊十策

宋琪

國家將平幽薊。臣敢陳十策。一契丹種族。二科賊眾
寡。三賊來布置。四赴備。五命將。六排陣討伐。七和番
八饋運。九收幽州。十滅契丹。契丹番部之別種。代居
遼澤中。南界潢水。西距那山。疆土幅員千里而近。其
主自阿保機始。強盛。因攻渤海。死於遼陽。妻述律氏
生三男。長曰東丹。次曰德光。德光南侵。還死於殺胡
林。季曰自在。太子東丹生永康。永康代德光為主。謀
起軍南侵。被殺於大神淀。德光之子述律代立。號為
睡王。二年為永康子明記所篡。明記死。幼主代立。明
記妻蕭氏。番將守典之女。今幼主蕭氏所生也。晉末
契丹主頭下兵。謂之大帳。有皮室。兵約三萬。皆精甲
也。為其爪牙。國母述律氏。頭下謂之屬珊。屬珊有眾
二萬。乃阿保機之牙將。當是時。半已老矣。南來時。量
分借得三千騎。述律常留餘兵。為部族根本。其諸
大首領。有太子偉王。永康南北王。于越麻答。五扣等。
于越謂其國舅也。大者千餘騎。次者數百騎。皆私甲
也。別族則有奚霫。勝兵亦萬餘人。少馬多步。奚其王

人少馬多
所以其五
一騎精

名阿保得者。昔年犯闕時。令送劉琚崔廷勳屯河洛者也。又有渤海首領大舍利高模翰。步騎萬餘人。並髡髮左衽。竊爲契丹之飾。復有近界尉厥里室韋女真。黨項亦被脇屬。每部不過千餘騎。其三部落吐渾沙陀洎幽州管内雁門已北十餘州軍部落漢兵令二萬餘衆。此是石晉割以賂番之地也。番漢諸族其數可見矣。每番部南侵。其衆不啻十萬。契丹入界之時。步騎中帳不從。阡陌東西一槩而行。大帳前及東西而差人首領三人。各率萬騎支散遊奕。百十里外。

古文國瑋集 卷之二十九

五宋文卷一

亦交相偵邏。謂之欄子馬。契丹王吹角爲號。衆卽頻舍環繞穹廬。以近及遠。折木稍屈之爲弓子鋪。不設槍營。整柵之備。每軍行。聽鼓三伐。不問昏晝。一匪便行。未逢大敵。不乘戰馬。俟近我師。卽競乘之。所以新羈戰蹄有餘力也。且用軍之術。成列而不戰。俟退而乘之。多伏兵斷糧道。冒夜舉火。土風曳柴。饋餉自資。退敗無恥。散而復聚。寒而益堅。此其所長也。中原所長。秋夏霖霖。天時也。山林河津。地利也。槍突劍弩。兵勝也。財豐士衆。力強也。乘時互用。較然可知。王師備

遼被敵之計。每秋冬時。河朔州軍緣遼柵。但專守境。勿輟侵漁。令彼尋戈。其詞無措。或戎馬旣肥。長驅入寇。契丹主行部落率至。寒雲翳日。朔雪迷空。鞍馬相持。遘禍之利。所宜守。俾坐甲。以逸待勞。令騎士並屯於天雄軍貝磁相州以來。若分在遼城。緩急難於會合。近遼州府。只用步兵。多屯弩手。大者萬卒。小者千人。堅壁固守。勿令出戰。彼以全國之兵。此以一郡之衆。雖勇懦之有殊。慮衆寡之不敌也。國家別命大將總統前軍。以遏侵軼。只於天雄軍邢洺貝州以來。

古文國瑋集 卷之二十九

六宋文卷一

設荷戎之備。俟其陽春啓候。虜計旣窮。新草未生。陳芟已朽。番馬無力。疲寇思歸。逼而逐之。必自奔北。前軍行陣之法。馬步精不過十萬。自招討以下。更命三五人。藩侯充都監副戎。排陣先鋒等職。臨事分布。所貴有權。追戎之陣。須列前後。其前陣萬五千騎。陣身萬人。是四十指揮。左右稍各十指揮。是二十將。每指揮作一隊。自軍主都虞候指揮使押當。每隊用馬突或刃子槍一百餘。並弓劍骨朵。其陣身解銍排之。俟與戎相搏之時。無問厚薄。十分作氣。槍突交衝。馳逐

往來後陣更進。彼若乘我深入陣身之後。更有馬步人五千分爲十項。以撞竿鏖弩俱進。爲回騎之令。陣稍不可輕動。蓋防橫騎奔衝此陣。以都監主之。進退賞罰。便可裁決。後陣以馬步軍八萬。招討董之。與前陣不得過三五里。展稍實心布常山之勢。左右排陣分押之。或前陣擊破寇兵。後陣亦禁其馳驟。輕進。蓋師正之律也。牧哲云。四伐五伐。乃止。齊馬。慎重之戒也。是以開運中。晉軍騎戎。未嘗放散。三四年間。雖德光爲戎首。多計策。點而無勝。晉軍之處。蓋併力禦之。

厥後以任人不當。爲彥澤之所誤。如將來殺獲驅攘之後。聖人務好生之德。設息兵之謀。雖降志難甘。亦和戎爲便。魏絳嘗陳五利。奉春僅得中策。歷觀載籍。前王皆然。易稱高宗用伐。鬼方詩美宣王薄伐玁狁。是知戎狄侵軼。其來尚矣。然則兵爲凶器。聖人不得已而用之。若精選使臣。不辱君命。通盟繼好。弭戰息民。此亦策之得也。臣每見國朝發兵。未至屯戍之所。已於兩河諸郡。調民運糧。遠近騷然。煩費十倍。臣生居邊上。習知其事。況幽州爲國北門。押番重鎮。養兵

數萬。應敵乃其常事。每逢調發。惟作糗糧之備。入番旬浹。軍糧自費。每人給麥斗餘。盛之於囊。以自隨。得馬每匹。給生穀二斗。作口袋飼秣。日以二升爲限。旬日之間。人馬俱無飢色。更以牙官子弟。戮力津擎。累送則一月之糧。不煩饋運。俟大軍既至。定議取捨。然後圖轉餉。亦未爲晚。

觀其議論。定是少長邊郡人。言言有較練。非臆說也。

叙論疏鑿汴水疏

張洎

以汴河歲運江淮米七千五百萬斛以濟立
師問侍臣汴水疏鑿之由今參知政事張洎
講求其事

禹導河自積石至於龍門南至華陰東至砥柱又東
至於孟津東過洛汭至於大伾即今成皋是也或云
黎陽山也禹以大河流泛中國為害最甚乃於貝丘
疏二渠以分水勢一渠自舞陽縣東引入潁水其水
東北流至于乘縣入海即今黃河是也一渠疏畎引
傍西山以東北形高敞壞隄水勢不便流溢夾石碣
古文圖緯集卷之二十九

宋文卷一

石入於渤海書所謂北過降水至於大陸降水即
濁漳大陸則邢州鉅鹿澤播為九河同為逆河入於
海河自魏郡貴鄉縣界分為九道下至滄州今為一
河言逆河者謂與河水往復相承受也齊桓公塞以
廣田居唯一河存焉今其東界至莽梧河是也禹又
於滎澤下分大河為陰溝引注東南以通淮泗至大
梁後復縣西北復分為二渠一渠元經陽武縣中牟
臺下為官度水一渠始皇疏鑿以灌魏郡謂之鴻溝
良若渠在滎陽五出池口來注之其鴻溝即出河之

為汴
之郊
汴人
之矣

溝亦曰良若渠漢明帝時樂浪人王景謁者王吳如
作沒儀示蓋循河溝故蹟也渠成疏注沒儀故以沒
儀縣為名靈帝建寧四年於敖城西北壘石為門以
遏渠口故世謂之石門渠外東合濟水濟與河渠渾
流東注至敖山北渠水至此又兼鄭之水即春秋晉
楚戰於鄭郊又音坂即汴字古人避反字改從汴字
渠水又東經滎陽北旃然水自縣東流入汴水鄭州
滎陽縣西二十里三皇山上有二廣武城二城相去
百餘步汴水自兩城間小澗中東流而出而濟流自
古文圖緯集卷之二十九

宋文卷一

茲乃絕唯汴渠首受旃然水謂之鴻渠東晉大和中
桓溫北伐前燕將通之不果義熙十三年劉裕西征
姚秦復浚此渠始有湍流奔注而圻善潰塞裕更疏
鑿而漕運焉隋煬帝大業三年詔尚書左丞相皇甫
誼發河南男女百萬開汴水起滎澤入淮千餘里乃
為通濟渠又發淮南兵夫百餘萬開邗溝自山陽淮
至于揚子江三百餘里水面闊四十步而後行幸焉
自後天下利於轉輸昔孝文時賈誼言漢以江淮為
奉地謂魚鹽穀帛多出東南至五風中耿壽昌奏故

史此工若
竟伯之功
不淺

事歲增闢東穀四百萬斛以給京師亦多自此渠漕
運唐初改通濟渠爲廣濟渠開元中黃門侍郎平章
事裴耀卿言江淮租船自長淮西北沂鴻溝轉相輸
納於河陰合嘉太源等倉凡三年運米七百萬石實
利涉於此開元末河南採訪使汴州刺史齊澣以江
淮漕運經淮水波濤有沉損遂浚廣濟渠下流自泗
州虹縣至楚州淮陰縣北八十里合于淮踰時旱功
既而水流迅急行旅艱險尋乃廢停却由舊河德宗
朝歲漕運江淮米四十萬石以益關中時叛將李正
古文國瑋集卷之二十九 二宋文卷一

已田悅皆分軍守徐州臨渦口梁崇義阻兵襄鄧南
北漕引皆絕於是水陸運使杜佑請改漕路自浚儀
西十里疏其南涯引流入琵琶溝經蔡河至陳州合
潁水是秦漢故道以官漕久不由此故填淤不通若
畝流培塿則功用甚寡又廬壽之間有水道而平岡
宜其中曰雞鳴山佑請疏其兩端皆可通舟其間登
陸四十里而已則江湖黔嶺蜀漢之粟可方舟而下
由是白沙趨東關經廬壽浮頓步蔡歷琵琶溝入汴
河不復經沂淮之險徑于舊路二千里功寡利博朝

議將行而徐州順命淮路乃通至國家唐國受命以
大梁四方所湊天下之樞可以臨制四海故卜京邑
而定都漢高帝云吾以羽檄召天下兵未至孝文又
云吾初卽位不欲出虎符召郡國兵卽知兵甲在外
也唯有南北軍期門羽林孤兒以備天子扈從藩
衛之用唐承隋制置十二衛府兵皆農夫以備府
兵始置神武神策爲禁軍不過三數萬人亦以備扈
從藩衛而已故祿山犯關驅市人而戰德宗蒙塵危
駕四百餘騎其甲皆在郡國額軍存而可舉者除河
古文國瑋集卷之二十九 二宋文卷一

朔三鎮外太原奇杜各十萬人邠寧宣武各六萬人
潞徐荆揚各五萬人襄宣壽鎮海各二萬人自餘觀
察團練要害之地者不下萬人今天下甲卒數十萬
衆戰馬數十萬匹並萃京師悉集七亡國之士民於
華下比漢唐京邑民庶十倍旬服時有水旱不至艱
歉者有惠民金水五丈汴水等四渠派引脉分咸會
天邑舳舻相接贍給公私所以無匱乏唯汴水橫亘
中國首承大河漕引江湖利盡南海半天下之財賦
并山澤之百貨悉由此路而進然則禹力疏鑿以分

水勢。湯帝開明。以奉巡游。雖數湮廢。而通流不絕。於百代之下。終於國家之用者。其上天之意乎。開封雖無地險。然漕運莫便於宋。以汴水爲之利也。

持權論

徐鉉

天下所以奉者君也。君之所以尊者權也。權者非他也。賞罰而已矣。賞公則當善。而爲善者進矣。罰公則當惡。而爲惡者退矣。若然則君子在位。小人在野。而權不在公室者。未之有也。中才之君。知賞罰之權不可失。而不知所以守之之道。欲人之懷已也。則必賞自我出。欲人之畏已也。則必罰自我行。此亂之本也。老子曰。爲者敗之。執者失之。賞罰者。受之於先王。行之於有司。人君正其本。過其淫而已。苟自爲之。而自執之。其與幾何。尚書數堯之德曰。聰明文思。及其舉舜也。則四岳師錫。堯曰。予聞如何。朕其試哉。夫堯既聞舜之行賢。猶待四岳舉。然後登用。此則賞不必已出也。周公作萬代之典。設三聽之法。衆聽則殺之。衆疑則赦之。此則罰不必已出也。漢高祖氣吞群雄。威振海外。然而不敢以私忿誅季布。不敢以私惠賞丁公。秦始皇親治庶務。以衡石自程。群臣莫得專任。而秦漢之成敗。豈不明哉。然則賞罰在於公。不在于自。必矣。魏晉已降。勦業之君。才略冠世。功勳震主。既

當失政之代遂踐數終之運後世人君懲其若是故
憎疾勝已誅鋤高名所謂同歸于亂者貴楚莊王
謀事而當群臣莫能及退而有憂色曰楚國之大而
群臣莫吾及吾國其亡乎此所以飲馬于河也漢高
祖自謂不如三傑而能用之所以有天下也梁武在
雍州時破魏將王肅得其中箱書見魏帝手勅曰吾
聞蕭衍善用兵勿與聞其威名如此及其為帝也乃
用臨川王宏貞陽侯明為將在竟陵府時與謝朓王
融之儔齊名及其為帝也乃用陸驗石珍為心膂何
古文國璋集卷之二十九 宋文帝卷一
者患其失權貪其易制曾不知亡國之釁始基于此
也夫權者非謂其強臣專政王命不行前邀九錫後
邀殊禮也蓋人君有偏聽焉有偏好焉偏聽則朋黨
有所附矣偏好則奸邪有所入矣朋黨勢固奸邪在
則人主以不聞過為賢不違命為治如是則賞罰者
朋黨之所為而假于人主矣當時之人知其如此亦
且棄正義而事朋黨背公室而向私門非徒競利且
以避害然則權安在哉後魏孝明時衛士數千人焚
領軍張彝宅殺其父子朝廷懼以為亂也止誅八人

餘並釋之高歡時在民間聞而歎曰亂之始也乃散
家財招集亡命卒移魏祚魏人不知失權之始在乎
孝明及高氏執政方云祿去公室不亦晚乎誠令人
君用法公共接下均一善善而能用之惡惡而能去
之不以已之私妨天下之義雖復體非聖賢蓋亦思
過半矣嗚呼斯道也甚易知甚易行甚易效而鮮能
行者蓋夫疑信之際貪旦夕之便因循隨勉以至政
廢勢收而自不知也傳曰失之毫釐差以千里豈
虛言哉

國權不失于委任之主而失於猜刻之君此論有
感而發亦甚切時

銘之銘矣
王猶鄭觀
公之銘其
山也原其
舊義有尺
多者而文
亦相伯仲

吳王李煜墓誌銘

徐鉉

盛德百世善繼者所以至其祀聖人無外善守者不
能固其存蓋運曆之所推亦古今之一貫其有幸蕃
錫之寵保克終之美殊恩飾壤懿範流光傳之金石
斯不誣矣王諱煜字重光隴西人也昔庭堅贊九德
伯陽恢至道皇天眷佑錫祚于唐祖文宗武世有顯
德載祀三百龜玉淪胥宗子維城蕃衍萬國江淮之
地獨奉長安故我顯祖用膺推戴煥耀之烈載光舊
吳二世承基克廣其業皇宋將啓玄貺冥符有周開
古文國璋集卷之二十九 七 宋文卷一
先太祖歷試成德所及寰宇將同故我舊邦祗畏天
命貶大號以稟剝獻地圖而請吏故得義動元后風
行域中恩禮有加綏懷不世嘗用天王之禮自越常
鈞鄆存紀侯之國曾何足貴王以世嫡嗣服以古道
馭民欽若彝倫率循先志奉烝嘗恭色養必以孝賓
祭養老必以禮居處服御必以節言動施舍必以仁
至於荷全濟之恩謹藩國之度勤修九貢府無虛月
祇奉百役知無為十五年間天眷彌渥然而果于
自信怠於周防隣起孽南箕構禍投杼致慈親之

感乞火無里婦之辭始嘗因壘之師終後塗山之會
大祖至仁之舉大賚為懷錄勤王之前效恢挾謗之
廣度位以上將爵為通侯待遇如初寵錫斯厚今上
宣猷大麓敷惠萬方每侍論思常存開釋及飛天在
運麗澤推恩擢進上公之封仍加掌武之秩侍從親
禮勉諭優容方將度越等薨登崇名數嗚呼閔川無
格景命不融太平興國三年秋七月八日遘疾薨于
京師里第享年四十有二皇上撫几興悼投爪軫悲
痛生之不逮俾沒而加飾特詔輟朝三日贈太師追
古文國璋集卷之二十九 八 宋文卷一
封典王命中使蒞葬凡喪祭所須皆從官給即其年
冬十月日葬于河南府某縣某鄉某里禮也夫人鄭
國夫人周氏勳舊之族是生邦媛蕭雍之美流詠國
風才實女師言成閭則子左千牛衛大將軍某襟神
俊茂識度淹通孝悌自表于天資才略靡由於師訓
日出之學未易可量惟王天骨秀穎神氣清粹言動
有則容止可觀精究六經旁綜百氏常以爲周孔之
道不可暫離經國化民發號施令造次于是始終不
渝酷好文辭多所述作一游一豫必頌宣尼載笑載

言不妄經義洞曉音律精別雅鄭窺先王制作之意
審風俗淳薄之原爲文論之以續樂記所著文集三
十卷雜說百篇味其文知其道矣至於孤矢之善筆
札之工天縱多能必造精絕本以惻隱之性仍好竺
乾之教草木不殺禽魚咸遂賞人之善常若不及掩
人之過唯恐其聞以至法不勝姦威不充愛以厭兵
之俗當用武之世孔明罕應變之略不成近功偃王
躬仁義之行終于亡國道有所在復何媿歟嗚呼哀
哉二室南峙三川東注瞻上陽之官闕望北邙之雲

古文國璋集卷之二十九 宋文卷一

樹旁寂寂兮迥野下冥冥兮長暮寄不朽於金石底
有傳於竹素其銘曰
天鑑九德錫我唐祚縣縣公颺茫茫商土裔孫有慶
舊物重視開國承家彊吳跨楚喪亂孔棘我恤疇俟
聖人既作我知所歸終日靡俟先天不違惟藩惟輔
永言固之道或汚隆時有險易蠅止於棘虎遊於市
明明大君寬仁以濟嘉爾前哲釋茲後至亦觀亦見
乃侯乃公沐浴玄澤廻翔景風如松之茂如山之崇
奈何不淑運極化窮舊國疏封新阡啓室人其心之

謀卜云其吉龍章騁德蘭言玉質邈爾何往此焉終
畢儼青蓋兮耕耕驅素虬兮起起卽燧路兮徒返望
君門兮永辭庶九原之可作與縱嶺兮和期垂斯文
于億載將樂石兮無朽
叙故君之事存亡有體使人太息

古文國璋集卷之二十九 宋文卷一

論戎馬疏

李覺

宋太宗端拱元年，國子博士李覺上奏曰：臣聞冀北燕代，馬之所生，胡戎之所恃也。故制敵之用，實資騎兵。爲急議者，以爲欲國之多馬，在啗戎以利，使重譯而至焉。然市馬之費歲益，而廐牧之數不加者，蓋失其生息之理也。且戎人畜牧，轉徙馳逐水草，騰駒游牝，順其物理。由是浸以蕃滋也。臣乎市易之馬，至於中國，則繫之維之，飼以枯槁，輒拘牝牡，制其生性。玄黃黽隤，因而減耗，宜然矣。又不同中國之馬，服習成

古文國瑋集

卷之二十九

宋文卷一

性。食枯芻，處華廐，率以爲常，故多生息，日無耗失。古者用賦之法，六十四井，出戎馬四匹，車一乘，牛十二頭。天子畿方千里，提封百萬井，除山川城邑居苑囿三十六萬井，不輸賦外，六十四萬井，出戎馬四萬匹，兵車萬乘。此賦馬之數也。諸侯大者，馬四千匹，車千乘。故稱千乘之國，卿大夫者，馬四百匹，兵車百乘。故稱百乘之家。則天下之廣，諸侯之衆，戎馬之賦多矣。是以唐堯暨晉，皆處河北，而北虜不能爲患。由馬之多，後世戎馬悉從官給，是以匈奴歷年爲患。由馬之

少也。故晁錯說文帝勸農功，令民有車騎馬一匹者，復卒三人，謂免三人甲卒之賦也。至武帝七十年間，

衆庶街巷有馬，千百成羣，乘牝者擠而不得會聚，此則馬皆生於中國，不聞市之於戎也。今軍伍中壯馬乘多，而孳息之數尤鮮者，何也？皆云官給秣飼之費不充，又馬多產則羸弱，駒能食則侵其芻粟，馬母愈瘠，養馬之卒有罪無利，是以駒子生，乃令飲灰而死。其後官司知有此齒，於是議及養駒之卒，量給賞繒。其如所賜無幾，而尚習前弊，今切揣量國家所市戎

古文國瑋集

卷之二十九

宋文卷一

馬，直之少者，匹不下二十千。往來資給賜子，復在數外。是貴市于外夷，而賤棄於中國，非理之得也。國家縱未暇別擇牝馬，以分蓄牧，宜且減市馬之半，直賜畜駒之將卒，增爲月給俸，其後納馬卽止焉。則是貨不出國，而馬有滋也。大率牝馬二萬，而駒收其半，亦可歲獲萬匹。況復牝又生駒，十數年間，馬必倍矣。昔猗頓窮士也，陶朱公教以畜五牝，乃適西河，大畜牛羊于猗氏之南，十年間其息無算。況以天下之馬而生息乎。

番馬亦不可少但不可賤棄中國之馬耳其文通雅可誦故錄之

上安邊疏

張齊賢

太宗太平興國五年
左拾遺張齊賢上奏

臣竊惟方今海內一家朝野無事關聖慮者豈不以河東新平也兵尚衆幽薊未下輦運爲勞以生靈爲念乎臣每料之此不足慮也自河東初降臣卽權知忻州捕得契丹納米專典皆自山後轉搬以援河東以臣料契丹能自備軍食則於太原非不盡力然終爲我有者蓋力不足也河東初平人心未固嵐憲所代未有軍寨入寇則田收頓失擾邊則守備可虞而古文園璋集卷之二十九
反保境偷生畏威自固及國家守要害增壁壘左控右扼強事甚嚴恩信已行民心已定乃於雁門陽武谷來爭小利此則戎狄之智力可料而知也聖人舉事動在萬全百戰百勝不若不戰而勝若重之謹之戎虜不足吞燕薊不足取自古疆場之難非盡由戎狄亦多遯吏擾而致之若緣邊諸寨撫御得人但使峻壘深溝蓄力養銳以逸自處寧我致人李牧所以稱良將於趙用此術也所謂擇卒未如擇將任力不及任人如是則遯鄙寧矣遯鄙寧則輦運減輦運減

則河北人民獲休息矣。獲休息則田業增而番織廣，務農積穀以實邊用。且戎狄之心固亦擇利避害，安肯投死地而爲寇哉？臣又聞家六合者以天下爲心，豈止爭尺寸之事。角戎狄之勢而已。是故聖人先本而後末，安內以養外，人民本也。戎狄末也。中夏內也，夷狄外也。是知五帝三王未有不先根本者也。堯舜之道無他，廣推恩於天下之民爾。推恩者何在乎安而利之？民既安利，則戎狄歛衽而至矣。陛下愛民利天下之心，真堯舜也。臣所聞多以纖微之利，尅下之古文國瑋集卷之二十九 重宋文卷一

術侵苦窮民以爲功能者，彼爲此效，相習已久。至於生民疾苦，見之如不見，聞之如不聞，歛怨速尤，無大於此。伏望審擇通儒，分路採訪兩浙、江南、荆湖、西川、河東，有僞命日賦歛苛重者，改而正之。因而利之，使賦稅課利通濟可經久而行，爲聖朝之法，除去舊弊。天下諸州有不便於民事，委長吏聞奏，如敢循常不以上聞，自當嚴加典憲，使天下耳目皆知陛下之仁，戴陛下之惠。此以德懷遠，以惠利民，則幽燕窮地之陬，沙漠偷生之虜，擒之與屈膝在術爾。

以敵之形料敵之情，正如登高下視，雖內治之定，模實遠馭之奇策。

諫作玉清昭應宮

王曾

王曾為右正言時帝以瑞應符至乃大建玉清昭應宮敕曾上疏諫之

臣伏聞朝廷設諫爭之官防政治之闕非其官而言者蓋表其忠況當不諱之朝復忝非常之遇有進思之無補懼妨祿以貽譏臣伏觀國家誕受殊祥薦膺祕籙祚洪圖於萬葉超盛烈於百王陛下寅畏寶祚陟封名岳功垂不朽澤浸無垠奉若之心斯為至矣而清衷濬發成命亟行自經始已來庀徒斯廣輦他山之石相屬於道塗伐豫章之材遠周於林麓累上陶甃俾鍾運斤功極彌年費將鉅萬掩祈年之舊制踰樂日之前聞輟貴近以董臨假使權而領護如此則國家尊奉靈文之意不為不厚矣崇飾臺觀之規不為不壯矣然則臣之愚懇或異於斯既有見聞安敢緘默臣以為今之興作有不便之事五焉雖鳩僦已行未可悉罷苟或萬一采芻蕘之說省其功用抑其制度亦及民之大惠而憂國之遠圖也所謂五者之目請為陛下陳之且今來所勅立宮規制宏大凡用材木莫匪梗楠竊聞天下出產之處收市至多泉

古文園瑋集

卷之二十九

王曾

古文園瑋集

卷之二十九

王曾

運赴宮尤傷人力雖云役軍匠寧免煩擾平民況軍人亦是黎庶此未便之事一也邇者方畢封崇頗煩經費今茲興造尤費資財雖府庫之中貨寶山積畚築之下工徒子來然而內帑則積代之蓄藏百物盡生民之膏血散之孔易歛之惟艱雖極豐盈尤宜重惜此未便之事二也夫聖人貴於謀始智者察於未形禍起隱微危生安逸今雙闕之下萬眾畢臻暑氣方隆作勞斯甚所役諸雜兵士多是不逞小民其或鼠竄郊鄙徇偷都市有一於此足貽聖憂此未便之事三也王者撫御寰區順承天地舉動必遵於時令裁成不失於物宜靡崇奢侈之風罔悖陰陽之序臣謹按孟夏無發大泉無起土功無伐大樹今肇基下築衝冒鬱蒸傲擾厚坤乖違前訓矧復旱暵卒臻雷雷迅風拔木飄瓦溫沴之氣比屋懼災得非以失承天地之明效歟此未便之事四也臣切矜中間符命之文有清淨育民之誠今所修宮閣益本靈篇而乃過興剗撤之功廣務雕鏤之巧雖屢殫於物力恐未協於天心此未便之事五也伏望遵祖宗之大猷

察聖賢之深戒。遷思回慮。懲往念來。詔將作之官。息勤苦之衆。輯寧群品。對越高穹。如此則遐邇宅心。人祇快望。必若光昭大瑞。須建靈宮。將畢相勞。事爰成績。則臣敢效愚計。亦可必行。但能損彼規摹。減其用度。止敦樸素。無取瑰奇。惟將之以誠明。仍重之以嚴潔。名數之際。加等是宜。實費之資。節歛爲要。俾四海之內。知陛下愛重民力之意。豈不美歟。昔太宗皇帝建太一上清等宮。亦不使窮極壯麗。臣竊惟陛下宜遵而行之。取爲法制。以示不敢踰。卽鳴謙大德。光於

古文國璋集

卷之二十九

宋文卷一

千古矣。奈何特欲過先帝之制作乎。并觀西京造太宗之影殿。東嶽置會真之宮。計其工庸。亦皆不啻中八十家之產。然於尊祖禮神則盛矣。其於邦國大計。則猶未足爲當時之急務也。臣料陛下必爲海內承平。邊隅清宴。人康俗阜。時和年豐。縱或築宮。無損於事。則臣復謂其不然也。方今疆場甫定。虜廷有姑息之虞。民俗苟完。倉箱無紅腐之積。況關輔之地。流亡素多。近甸之民。農桑失望。雖令有司安慰。亦恐未復田產。秋冬之間。飢歉是懼。亟經營於神館。慮稍懸於

輿情。且往古廢興之端。前王得失之事。布在方冊。足爲商鑒者。陛下覽之。餘矣。非假愚臣一二言焉。試觀自昔人君。崇尚土木。孰若清淨無爲者之安全乎。願陛下留神垂聽。無忽臣言。則天下幸甚。今雖上下之人。皆知事理如此。而人人自愛。莫敢輕譏。見旒至於左右大臣。則慮計之不從。致見疎之悔。中外百執。則慮言之難達。招妄動之尤。使忠諫之謀未行。良爲此也。惟臣出從幽介。遭遇文明。特受聖知。度越流輩。官爲侍從。身服簪裳。粗識安危之機。未申補報之効。捐

古文國璋集

卷之二十九

宋文卷一

軀思奮。今也其時。又安敢循默苟容。不爲陛下別白而論之乎。是以輒率妄庸。輕冒宸嚴。感發於中。無所顧避。陛下寬其開鑊之罪。矜其螻蟻之誠。深鑒古先。試垂採擇。無謂勑一靈宮。爲一細事。而弗恤也。臣以爲興役動衆。尤係事機。不可不察也。嘗使鄉校之中。豪姦之黨。無所開竊議之目。則微臣之望也。天下之幸也。

論土木之工。旣是前哲之讜言。其文亦清澹高嚴。可以上口。

論軍前行法疏

文彥博

康定元年殿中侍
御史文彥博奏

臣聞穰苴出師首誅莊賈孫武教戰先斬愛姬當事而行未嘗稟命蓋將權不可以不專軍法不可以不峻茲之攻必克而戰必勝者用法嚴也自古有將權不專軍法不峻而行師必勝者未之聞焉臣切聞去歲以來用兵西部或有禁軍小校臨陣而先退還壘偏師望敵而不進而統師之臣即時不行軍令悉以事狀上聞皆令鄰郡置獄取勘下法司詳案定刑臣古文園瑋集卷之二十九

幸宋文卷一

以謂失間外之制。際軍中之令。臨事不斷。稟命不威。豈曰軍容。同夫兒戲。後恐推劾之際。據引枝蔓。萌其苟免之心。奏報之間。淹延時日。啓其幸生之路。縱不至此。亦慢令稽誅。無以勵衆。乃老師驕兵之弊也。臣不知朝廷所用將臣。必欲不令專制。悉上稟于宸算。乎復不知將臣。不能用軍法。皆取則于朝廷乎。倘朝廷用將而不令專制。則臣所謂失間外之制矣。古之遣將也。君推轂而命之。曰。闔以內者寡人制之。闔以外者將軍制之。此非徒然也。蓋委任責成之道。不得

不重。今而輕之。故臣所謂失間外之制矣。苟將臣不能自用軍法。則臣所謂際軍中之令矣。人之常情。熟不畏死。億萬之衆。冒矢石之衝。刑之不嚴。何以督戰。兵法曰。畏我者不畏敵。畏敵者不畏我。豈非嚴刑故對敵而伍中有不進者。伍長殺之。伍長不進。什長殺之。夫以什伍之長。尚得專殺。而統帥之重。不能誅一小校以厲士卒。故臣以謂際軍中之令矣。議者或曰。今所遇之寇。未爲大敵。所興之師。未至深入。軍中之法。未可專用。將校有犯。所宜奏裁。苟如議者之言。古文園瑋集卷之二十九

幸宋文卷一

臣以爲過矣。寇非大敵。兵未深入。尚且狼狽先退。還捷不進。倘遇大敵深入。而將校有犯。必須上聞。則穰苴之戮莊賈。非大敵也。止於會軍而後期。孫武之斬美人。非深入也。惟以習戰而衆笑戮其君之寵臣。愛姬亦未嘗素稟而先啓。終于齊師勝晉。吳人入郢。孫武穰苴皆爲名將者。委任專而法素行也。以區區伯國。猶知任將之道。豈巍巍聖朝。不及於是。且國朝著令。凡禁軍將校有退奉裁。此則施于平居無事之日。邊州守戍。近郡屯聚。則用之可矣。今吳賊亂常。蜂蠆

有毒防避之兵逾數十萬將權不專軍法不峻則何以御之臣伏望陛下出自宸斷稍假將權凡有褊裨小校臨陣先退望敵不進如此之類罪犯灼然但合該軍法者不須置獄並許本部統帥對衆便行軍令訖然後奏聞如此則師旅畏威進退從令或守或戰必有殊功兵者國之大事陛下于廟堂之上與宰輔大臣計之審矣豈容疎賤輒有輕議然臣承乏憲署職任司馬苟有見聞安可默然陛下勿以臣之此言徒習老生之常談耳遂忽而不省臣熟思之任將治兵之術何莫由此道也愚者之慮幸賜採擇干冒旋

見

古文國瑋集卷之二十九

重宋文卷一

歷代古文國瑋集卷之二十九 終

歷代古文國瑋集卷之三十

襄西方岳貢禹脩評選

宋文

請置經略副使判官參謀

呂大防

臣竊觀自古設官之意必先置貳立副不以名位爲限者所以紓艱危而適順用聚聰明而濟不及也總兵命將尤重其選以漢唐事言之大將軍有長史司馬從事節度使有副使判官參謀其自小官而登寄任立功効者不可勝數本朝祖宗以來實用此法故名臣不絕而夷狄畏服竊見今緣邊經略使獨任一人而無僚佐謀議之助雖有副總管鈐轄之屬皆奉節制備行陣非有折衝決勝之略預於其間朝廷每除一帥幸而得能者則一路兵民實受其賜不幸而得不才者與焉則是以三軍之衆一聽庸人之所爲豈不可惧哉其敝蓋由朝廷不素養其材而取人之路又常太狹方今戎人旅拒邊患漸生若不早爲準備閱試其能誠慮臨事用不服精選因而敗事所繫不細以臣愚見經略使各置副使或判官一人朝廷

古文國瑋集卷之三十

宋文卷二

選差素有才略職司以上人克參謀一人委經略使
奏辟知邊事有謀略知縣以上克知此則可用之士
不以位下而見遺中材之帥又以人謀而獲濟兼得
以博觀已試之效以備緩急之用講緝邊要莫先於
此

節制大臣常置參佐既以資謀議又以練才略之
臣蓋今日之參佐卽異日之閫帥也自前代皆有
之而獨不行於今日此當白置者

再議攻守疏

范仲淹

臣竊惟國家太平日久而一旦西戎背德陵犯邊鄙
公卿大夫爭進計策而未能副陛下憂邊之心且議
攻者謂守則示弱議守者謂攻必速禍是二議卒不
能合也臣前至延安所謂復諸寨爲守禦之備次則
幸其休兵輒遣一介示招納之意朝廷以羣言之異
未垂采納今臣領慶州日夜思之乃知攻有利害守
有安危何則蓋攻其遠者則害必至攻其近者則利
必隨守以土丁則安守以東兵則危臣謂攻遠而害

者如諸路深入則將無素謀士無素勇或風沙失道
或雨雪彌旬進則困大河絕漠之限退則有乘危扼
險之憂臣謂攻近而利者在延安慶陽之間有金湯
白豹之阻本皆漢寨陷爲賊境隔延慶兵馬之援爲
蕃漢交易之市奸商往來物貨叢聚此誠要害之地
如別路入寇數百里外應接不及則當遠爲牽制金
湯白豹等寨可乘虛取之因險設陣布車橫壑不與
馳突擇其要地作爲城壘則我無不利之虞至于合
水華池鳳州平戎柔遠德靖六寨兵甲輟斛可就屯

洎固非守備之煩也。環州定邊寨鎮戎軍乾興寨相望八十餘里。二寨之間有胡蘆泉。今屬賊衆。爲義渠朝那二郡之交。其南有明珠滅滅之族。若進兵據胡蘆泉爲軍壁。北斷賊路。則二族自安。宜無異志。又朝那之西秦亭之東有水洛城。亦爲之限。今策應之兵由儀隴二州十驛始至。如進修水路。斷賊入秦亭之路。其利甚大。非徒通四利之勢。因以張三軍之威也。臣謂守以上兵則安者。以其習山川道路之利。懷父母妻子之戀。無久戍之苦。無數易之弊。臣謂守以東

古文國璋集卷之三十

宋文卷二

兵則危者。蓋費厚則困于財。戍久則聚其怨。財困則難用。怨聚則難保。民力日窮。士心日離。他變之生。出于不測。臣所謂攻宜取其近。而兵勢不危。守宜固其久而民力不匱。招納之策可行于其間。今奉詔宜令嚴加捍禦。觀釁而動。與鄰道協心。而共圖之。又覲赦文。謂彼無驕動。則我不侵掠。臣恐賊寇一隅。遠在數百里外。應援不及。須爲牽制之策。以沮賊氣。至時諸路重兵。豈能安坐。如無素定之畫。又無行營之備。恐當牽制之時。茫然無措。雖見利而莫敢進。觀釁而莫

敢動。寇勢愈盛。邊患愈深。叛亡之人。日助賊筭。不可不大爲之謀也。願朝廷于守策之外。更備攻術。彼寇其西。我國其東。彼寇其東。我國其西。寧有備而不行。豈當行而無備也。所謂備者。必先得密旨。詐抽將帥。便宜從事。并先降空名宣敕之類。恐可行之日。秦請不及。臣前曾遣人入界。通往來之間。或更有入至。不可不答。如朝廷光降密旨。令往復議論。歲年之間。當有成事。若謂邊將之恥。未雪而不欲俯就。臣恐諸路更有不支。其恥益大。賊或潛結諸蕃。并勢合謀。則禦

古文國璋集卷之三十

宋文卷二

之必難。且兵馬精勁。西戎之所長也。金帛豐富。中國之所有也。禮義不可化于戈。不可取則當任其所有。勝其所長。此伯王之道也。臣前知越州。每歲納稅絹十二萬。和買絹二十萬。一郡之入。凡三十萬。悅以嘆賊。是費一郡之入。而息天下之弊也。

文正公先有攻守論二篇。不如此疏詳明存之。

論元吳請和疏

范仲淹

臣等久分戍寄。未議策勳。上玷朝廷。俯慙鄙懷。心究利害。日擊勝負。三年于茲。備詳本末。今元吳遣人赴闕。將議納和。其來人已稱六宅使伊州刺史。觀其命官之意。欲與朝廷抗禮。臣恐不改僭號。意朝廷開許。為曷時之國。又慮尚懷陰謀。卑詞厚禮。請稱元卒。以緩國家之計。臣等敢不為朝廷思經久之策。防生靈之患哉。臣等謂繼遷當時用計脫身。竊弄凶器。德明外示納款。內實養謀。至元吳則悖慢侮常。大為邊患。

古文國瑋集

卷之三十

宋文鑑

以累世奸雄之志。而屢戰屢勝。未有挫屈。何故乞和。雖朝廷示招納之意。契丹邀通好之功。以臣等料之。實因累年用兵。蕃界勞擾。交鋒之下。傷折亦多。所獲器械鞍馬。皆歸元吳。其下胥怨。無所厚獲。其橫山蕃部。黠集最苦。但漢兵未勝。戎人重土。不敢背賊。勉為駢馳。爾今元吳知衆之疲。聞下之怨。乃求息肩養銳。以逞兇志。非心服中國而來也。臣等謂元吳如大言過望。為不改僭號之請。則有不可許者三。如卑辭厚禮。從元卒之稱。亦有不可防者三。何謂不可許者三。

自我朝開創以來。為百王之法。此大聖之宗。

古文國瑋集

卷之三十

宋文鑑

自古四夷為荒服之外。聖帝明王。恤其遠患。柔而格之。不吝賜予。未有假天王之號者也。何則。與之金帛。可節儉而補也。鴻名大號。天下之神器。豈私假于人哉。唯石晉藉契丹接立之功。又中國逼小。纔數十州。偷生一時。無卜世卜年之意。故荐號于彼。壞中國大法。而終不能厭其心。遂為不噬。遽成亡國。一代君臣。為千古之罪人。自契丹稱帝滅晉之後。秦川漢之禮樂。故事勢強盛。常有輕中國之心。我國家富有四海。非石晉逼小偷生之時。元吳世受朝廷爵命。非有契丹開晉之功。此不可許者一也。又諸處公家文字。并軍民語言。皆呼吳賊。人知逆順去就之分。尚或逃亡。未由禁止。今元吳于天都山營造所居。已逼漢界。如更許以大號。此後公家文字。并軍民語言。當有西帝西朝之稱。天都山必有建都郊祀之僭。其陝西戎兵。遣人負過。必逃其地。蓋有端矣。至于四方豪士。稍不得志。則攘臂而去。無有逆順去就之分。彼多得漢人。則禮樂事勢與契丹並立。夾困中國。豈復有太平之望耶。此不可許者二也。又議者皆謂元吳胡人也。無

居中國之心。欲自尊于諸蕃爾。臣等謂拓拔珪石勒劉聰符堅赫連勃勃之徒皆胡人也。並居中原。近則李克用父子沙陁人也。進據太原。後都西洛。皆漢人進謀。又而致之。昨定川事後。元昊有偽詔。論鎮戍兵民。有定關輔之言。此可驗。蓋漢家之叛人不樂處夷狄。中心謀。使據漢地。所得城壘。必使漢人守之。如契丹得山後諸州。皆令漢人爲之官守。或朝廷假元昊僭號。是將啓之。斯爲叛人之助甚矣。此不可許者三也。何謂大可防者三。元昊以累世奸雄之資。一旦僭

古文國璋集

卷之三十

宋文卷二

逆。初遣人至。猶稱臣奉表。及劉平之陷。賊氣乃驕。再遣賀九言至。上書朝廷。使不稱臣。其辭頓慢。而後屢勝。當有大言過望。乃人情之常也。若卑辭厚禮。使肯從。兀卒之稱。皆陰謀也。是果以山界之困。暫求息肩。使中國解兵。三四年間。將帥懈慢。士伍驕墮。邊備不嚴。戎政漸弛。却如前暴發。則中國不能支梧。此大可防者一也。又從德明納款之後。經謀不息。西擊吐蕃。回鶻。拓疆數千里。至元昊事勢稍盛。乃稱尊悖禮。背負朝廷。結連北戎。情跡盡見。大爲邊患。偶未深入。今

復起詐端。以款我兵。而休息其衆。又欲併力專志。併吞唃廝囉等諸蕃。去秦州一帶籬落。爲將來再舉之利。緣元昊初叛之時。親攻延州。是本有侵略郡國之志。今復疆虛。豈便息心。且朝廷四十年恩信所被。一朝反側。豈有發既叛之謀。蓄未挫之銳。而能久守盟信者乎。此大可防者二也。又從明德納款後來。使蕃漢之人。入京師。賈販。僮僮道路。百貨所囿。獲中國之利。竟于窟穴。賊因其事力。乃與兵爲亂。今茲五年用度必困。乃卑辭厚禮。迎合我意。欲復圖中國之利。得

古文國璋集

卷之三十

宋文卷二

其給用既畢。却求豐典。兵以快本意。狠于野心。固難馴伏。今若通和。或再許靈夏蕃漢之人。依前出入京師。深爲不便。緣自前往來。叛狀未彰。情無齷害。今既爲強敵之虜。稔禍未已。必窺伺國家。及夾帶亡命入蕃。或與奸人別有結連。或使刺客竊發。驚擾朝廷。又此類必所在恣縱。甚于昔時。有事何以處置。此大可防者三也。臣等乞朝廷俟元昊所遣人至。觀其所請。彼如大言過望。堅求僭稱。則乞朝廷答云。上畏天地宗廟。不可私許。大號壞中國之法。彼卑辭厚禮。止是

求元卒之機。則按唐單于可汗故事。有許之之理。亦預防其陰謀。嚴飭邊臣。修葺城寨。訓練軍馬。儲蓄糧艸。以備虛詐。俟一二年間。見其表裏。及邊備牢固。方可那滅。戍兵于近裏屯泊。緣西戎自古翻覆。朝廷不可休兵。以啓不虞之變。如求割熟戶。則乞答云。靈夏甚有熟戶。能割歸朝廷。否。況橫山蕃部安于內附。一旦驅之。則驚擾生事。必不爲西界之用。彼如求至京師。依前來出入。賁販。則乞答云。昨來戰鬪之後。甚有軍民沒陣。其子孫骨肉。卹怨至深。必恐道塗之中。多有難殺致西界相疑。更却生事。只于邊上建置城寨。交易有無。各得其所。彼如邀我自今而後。罷修城寨。則乞答云。邊界熟戶。生有讎怨。常相侵害。須藉城寨駐兵。方能鎮靜。使各安居爾。若自餘更有非禮之求。朝廷或難應副。卽且拒之。不必從也。但厚遣來人。善詞回答。使遷延往來。卽逾四月。賊不能舉矣。至秋則無足畏也。何以言之。臣等觀朝廷信賞必罰。今已明白。帥臣奉詔。得以便宜。又舊將漸升。前獎稍除。將責實效。約束將佐。不令輕出。訓練軍馬。率多變法。但今

古文國華集

卷之三十一

宋文卷二

極邊城寨。或未堅全。新集之兵。未可大戰。若賊今春便來。以臣等計之。尚可憂慮。然大軍持重。奇兵襲擊。宜無定川之負也。如候秋而來。則城寨多固。軍馬已練。或堅壁而守。或據險而戰。無足畏矣。臣等已議一二年間。訓練兵三四萬。使號令齊一。陣伍精熟。又能使熟戶蕃兵。與正軍參用。則橫山一帶族帳。可以圖之。降我者。使之納質。厚其官賞。各令安居。藉爲熟戶。拒我者。以精兵加之。不從則戮我軍。鼓行山界。不爲朝去暮返之計。元吳聞之。若舉國而來。我則退守邊寨。足以困彼之衆。若遣偏師而來。我則據險以待之。蕃兵無糧。不能久聚。退散之後。我兵復進。使彼復集。往歲三五出元吳諸廂之兵。多在河外。頻來應敵。疲于奔命。則山界蕃部。勢窮援弱。且近于我。自求內附。內選酋豪。以鎮之。足以斷元吳之手足矣。然乞朝廷以平定大計爲意。當軍行之時。不以小勝小勦黜陟將帥。則三五年間。可集大功。仍語中國臣寮。不得諱言邊事。以沮永圖。我太祖太宗統開四海。創萬世之基業。今以三五年之勞。再定四陲。豈爲晚耶。契丹聞國

古文國華集

卷之三十一

宋文卷二

家深長之謀。必慎而保盟。不復輕動。然後中國有太平之期矣。臣等所以言彼賊非禮之求。不必從者。蓋有此議也。或曰。今王師不利者數四。而未思戢兵何也。臣等謂不然。國家太平日久。將不知兵。兵不習戰。以致不利。非中國事力不敵四夷。非今之軍士不逮古昔。蓋太平忘戰之弊爾。今邊臣中有心力之人。鑒其覆轍。各思更張。將有勝賊之計。昔漢楚之戰。不以多負罷兵。而終有天下。安祿山之亂。所向無前。郭子儀日夜謀慮。王師復振。而終滅太盜。今國家以天下

古文國粹集

卷之三十

主宋文卷二

全盛之勢。豈有偶勝偶負。而自謂中國不可振。而夷狄不可禦耶。斯惑之甚矣。或曰。兵不可久。久則民困。而財匱。臣等謂不然。爭勝逐利之師。則有巧遲拙速之異。如其外禦四夷。則自古未嘗廢兵。是以山海之利。皆歸邊用。抑爲此也。況卽目邊上城壘。經今春修葺。漸以險固。兵民力役。自當減罷。又每歲春夏之交。軍馬甚可抽退于數百里間。就食芻糧。亦足省入中之費。減饋運之勞。庶乎民不困而財不匱。非如西事之初。人人畏懼。未測虜情。所屯軍馬不敢少退。臣等

更思興利減費之策。以爲之助。臣等早蒙聖獎。拒諫清班。西事以來。供國餉使。三年塞下。日勞月憂。豈不願聞納和。少圖休息。非樂職矢石之間。蓋見西賊強梗未衰。挾以變詐。若朝廷處置失宜。他時悖亂爲中原大禍。豈止今日邊患哉。臣等是以不敢念身世之安。忘國家之憂。須罄芻蕘。少期補助。其元昊來入到關。伏望聖慈。于納和禦侮之間。審其處置。爲聖朝長久之慮。天下幸甚。

古文國粹集

卷之三十

主宋文卷二

范公于西事牢固如是。若輩三四年相持。則西夏必不支矣。惜乎遽與之講。和使彼得以自業也。

陝西河北攻守疏

范仲淹

臣蒙聖恩，累次獎擢，待罪兩府，日夜憂迫，恐負陛下委用之意。臣等誠無所長，但塞下初還，粗知邊事，不敢有隱。臣等聞三代以還，皆有戎狄之患，以至侵凌中國，被于涇洛，齊晉逐之于前，秦漢驅之于後，中原始清，人倫乃叙，逮于西晉之弱，群胡猾夏，天寶之末，石晉之際，中國不幸，皆罹其害。自周世宗北征之後，雖疆土未復，夷夏稍分，我祖宗奕世修備，大庇生民，今西北二方復相交構，夾困中國，元昊率先叛命，兵

古文園集

卷之三十一

宋文卷二

犯延安，次犯鎮戎，殺傷軍民，曾無虛歲。中國之兵討伐未利，而北虜舉十萬衆，謂元昊是甥舅之邦，貴中國不當稱兵，此交構之跡，更何疑哉？國家以生民之故，增物帛以續盟好，彼既獲利，方肯旋師，今乘西夏通順之議，又欲主盟邀功，自尊大，元昊屢戰勝，且倚北戎事勢，雖求通順，實欲息肩，亦如北戎大獲厚利，候其物力稍豐，可以舉衆，則必長驅深入，有吞并開輔之志，何以知之？昨定川之戰，我師不利，彼作僞詔脅誘邊人，欲定關中，其謀不細，蓋漢多叛人，陷于窮

漢衣食嗜好，皆不如意，必以符堅劉元海元魏故事，日夜游說元昊，使其非獨元昊志在侵漢，實漢之叛人，日夜為賊之謀也。朝廷若使其通順，則北戎邀功自為主盟，下視中國，還求無厭，多方困我，而終於用兵矣。若拒絕其意，則元昊今秋必復大舉，北虜亦必遣使問我，拒絕元昊之故，或使稱兵塞外，張勢脅我國家，至時寧不疑懼？必于陝西選將抽兵，移于河北，未戰而西陲已虛。元昊乘虛而來，必得志于開輔，此二虜交構之勢，何以禦之？臣等思度，是和與不和俱

古文園集

卷之三十一

宋文卷二

為大患，然則為今之謀者，莫若擇帥練兵，處置邊事，日夜計略，為用武之策，以和好為權宜，以戰守為實事。彼知我有謀有備，不敢輕舉，則盟約可久矣。如不知輕負盟約，我則乘彼之驕，可困可擊，未必能為中國之患也。臣請畫一言之。

一和策

臣觀西戎蓄禍，積有歲年，德明在時，已開僭擬，元昊方壯，遂肆兇驕，外倚北戎，內凌中國，屢戰屢勝，未嘗挫衄，而乃輒求通順，實圖休息，所獲者大利，所屈者

封以王爵
其卒已崇
尚云屈處
稱乎

虞稱。然猶于請多端。奸謀未測。國家以生靈爲念。不可不納。如唐高祖太宗。應天順人。百戰百勝。猶屈于突厥。當戎王始亡。爲之舉哀。廢朝三日。遣百寮詣館。吊其來使。其屈禮之甚也。又太宗騎六騎于渭上。見頡利與語。後親與之盟。頡利既退。左右勸擊之。太宗謂我擊彼敗。懼而修德。後患必深。乃周旋俯就。使之驕怠。一旦遣李靖擒之。威震四極。此盛王之謀也。陛下如唐高祖太宗。隆禮敦信。以盟好爲權宜。遂將練兵。以攻守爲實事。彼不肯盟。我則撫納無倦。彼將負德。我則攻守皆宜。如此。則結好之策。未有失也。

古文國瑋集卷之三

宋文卷二

二陝西守策

元昊自來通順之時。歲受恩賜。朝廷撫納甚厚。未嘗有失。尚猶擾邊境。殺戮將吏。暨叛命以來。累次大舉。曾無沮敗。乃求通順。實蓄陰謀。非屈伏之志也。朝廷若以權宜許之。更當嚴作守備。然陝西又屯大兵。供費殫竭。減兵則守備不足。不減則物力已困。臣等請緣邊城寨。愈加繕完。使戎虜之心。無所窺伺。又久守之計。須用土兵。各詣山川。多習戰鬪。比之東兵。戰守

功倍。然緣邊次邊土兵。數少。分守不足。更當于要便城寨。招置土兵。若近重土兵。願收隸邊寨者。卽遷其家而團集之。況昨來慶州。創起大順城。欲置振武。保捷兵兩指揮。仍于永興華耀土兵中。召其願守塞者。而應募甚衆。何則。閬內諸州土兵。多在邊上。或得歸營。而數月之間。復出遠戍。豈徒星霜之苦。極傷骨肉之恩。征夫不保其家。離婦頗多犯法。人情不免久則怨起。如得并遷其家于緣邊住營。更免出軍父母妻子。樂于完聚。戰則相救。守則相安。或謂若土兵移家居于塞下。則全分請給。其費尤多。不然。土兵月給差少。人素號精強。使之戍邊。于東兵數復可自今。于逐路漸爲增益。三年已來。方能整齊。有非一朝可驟改也。又陝西新刺保捷土兵。其中尪弱。不堪戰陣者。宜沙汰之。使歸于田畝。既省軍費。復增農力。然後東兵三分中。一分屯邊。以助土兵之勢。一分移入次邊。或屯關輔。以息饋餉之困。一分歸京師。以嚴禁衛之防。彼納款未變。則東兵三分中。可更減退。又緣邊無稅之地。所招弓箭手。必使聚居險要。每一兩指揮。共修

古文國瑋集卷之三

宋文卷二

帝之來也
當其鋒
以還其
詩如是則
不致分頭
掠物而糧
食不給在

我度中矣

古文國庫集

卷之三十

宋文卷二

一堡以完其家與城寨相應彼戎小至則使屬戶著
兵暨弓箭手與諸寨土兵共力禦捍彼戎大舉則二
旬之前必聞舉集我之沿途軍馬盡可勾呼駐于堅
城以待敵之進退緣邊山坂重復彼之重兵必循大
川而行先求疾速俟其得勝使我師沮而不出方敢
散兵勞掠過越險阻更無顧慮我若持重不戰則彼
之重兵行川路中根草無所給牛羊無所獲不數日
人馬困弊彼之重兵更不敢越險又未能攻勝必不
得已而散兵勞掠我于山谷村落中伏精銳以待之
彼散掠之兵輕而寡弱可擊可逐使散無所掠聚不
得戰欲長驅深入我則使諸將出奇以躡其後欲全
師以歸我則使諸城出兵以藉其獎彼將進退有兩
不三兩舉勢必敗亡此守策之要也

三陝西攻策

元吳巢穴實在河外河外之兵懦而罕戰唯橫山一
帶蕃部東至麟府西至原渭二千餘里人馬精勁慣
習戰鬪與漢界相附每大舉入寇必為前鋒故西戎
以山界蕃部為強兵漢家以山界屬戶及弓箭為善

古文國庫集

卷之三十

宋文卷二

戰以此觀之各以邊人為強理固明矣所以秦漢驅
逐西戎必先得山界彼則遠遁然後以河為限寇不
深入使元吳歸款則請假和策以待之如未通順或
順而翻覆則有可攻之策非窮兵殫武角勝于絕漠
之外也臣等嘗計陝西四路之兵總數幾三十萬非
不多也然各分守城寨故每歲戰兵大率不過二萬
餘人坐食芻糧不敢舉動處處設備常如寇至不知
賊人之謀果犯何路賊界則不歸種落散居衣食自
給忽爾點集併攻一路故犬羊之衆動號十萬餘人
以我分散之兵拒彼專一之勢衆寡不敵遂及散敗
且彼為客當勞而反逸我為主當逸而反勞我若復
用此計彼勞我逸則取勝必矣臣等請于鄜延環慶
涇原路各選將佐三五人使臣一二十人步兵二萬
騎兵三千以為三軍以新定陣法訓練廣餘候其精
勇然後觀賊之隙使三軍掠于橫山更進兵降者納
質厚賞各令安土拒者併兵急擊必破其族假若卿
延一軍先出賊必大舉來應我則退守邊寨或據險
要。不與大戰不越旬日彼自困彼自將潰崩則我環

觀此則公
所陳金湯
白豹尚未
城也邑物
不及故

慶之軍復出焉。彼若再圖點集，來拒王師，則又有運
原之師，乘間而入，使賊奔命不暇，部落驚怨，則我兵
勢自振。如宥州、絳州、金湯、白豹、折臺等寨，皆可就而
城之。其山界蕃部，去元吳且遠，求援不及，又我以堅
城據之，以精兵臨之，彼既樂其土，復遇以威，必須歸
附以圖安全。三五年間，山界可以盡取。此春秋時吳
用三師破楚之策也。元吳若失橫山之勢，可謂斷其
右臂矣。矧漢房之舊疆，豈今日之生事也。

四河北備策

古文國事集卷之三十

宋文卷二

臣等于陝西緣邊，頗究利害，所陳三策，必可施用。而
國家禦戎之計，在北爲大。臣等敢不經心。且北戎久
強，在後唐日，以兵四十萬，送石高祖至洛陽，立爲天
子，而還。遂與石晉爲父子之邦，邀求無已。晉不能支，
一旦焚起，長驅南牧，直抵京師。虜石少主，及當時公
卿盡室而去。幽燕遂陷，爲中原千古之恥。尚未能雪
國家以生靈之故，與之結和，將休兵養民，有所待也。
及天下無事，人人懷安，不復有征戰之議。前年北虜
驟變，詭謀稱兵，燕薊有背叛之憂，割地之請。國家倉

卒無備，難于用兵。遂增重路，以續前好。彼既獲利，方

肯旋師。今乘元吳通順之議，又欲邀主盟之功，其勢
愈重。苟不大爲之備，禍未可量。臣等固請朝廷力行
七事，以防大患。一密爲經略，二再議兵屯，三專于選
將，四急于教戰，五訓練義勇，六修京師外城，七密定
討伐之謀。一密爲經略者，自河朔罷兵以來，凡四十
年。州郡因循，武事廢弛。凡謀與葺，則罪其引慝。昨朝
廷選差轉運使，蓋欲革去舊弊，預爲之防。然既有本
職，則日爲冗事所嬰，未暇周慮。請選有材識近臣，假

古文國事集卷之三十

宋文卷二

以都轉運使之名，暫往經畫，使親視邊壘，精究利害。
凡邊計未備者，皆條上而更置之。不出半年，婦奏聞。
下更令中書樞密院子細詢訪，熟謀經久之計。若虜
情驟變，則我有以待之矣。二再議屯兵者，自來真定
府定州高陽關，分爲三路，其所轄兵馬未甚整齊。乃
有一州兵馬，却屬兩路之處。又未曉本路將來于何
處控扼。合用重兵若干，又甚處只宜固守。合用兵若
干，及三路互相應援，次第須差近臣往彼密爲經略。
方可預定法制，臨時不至差失。或事宜未動，亦當相

度兵馬合部減于何處駐泊使就芻糧以省邊費庶免先自匱乏至用兵之日重田生民三專于選將者委樞密院于開門祇候使臣已上選人三班院使臣中選人殿前馬步軍司千軍旅屯選人或有智略或有材武中選上試用者遂旋進呈據選到人數以籍記之候小路有闕則從而差授如此則三二年間得人多矣四急于教戰者于陝西四路抽取曾押戰隊使臣十數人更授以新議八陣之法遣往河北開習諸軍使各知奇正循環之術應敵無窮五訓練義勇

古文國璋集

卷之三十

五

宋文卷二

者今河北所藉義勇雖約唐之府兵法制三時農務一時教戰然未建府衛之官而法制不行號令不一須別選知州知縣縣令可治兵者并增置將校使人各知軍中之法應敵可用斯則強兵制勝之本矣六修京師外城者後唐無備契丹一舉直陷洛陽石晉無備契丹一舉直陷京師故契丹之心于今驕慢必謂邊城堅而難攻京師坦而無備一朝稱兵必謀深入我以京師無備必促河朔重兵與之力戰戰或不勝則胡馬益驕更無顧慮直叩澶淵張犯關之勢

至時遣使邀我欲以大河爲界我既無備將何以禦從之不可拒之必難又振逼京師何以爲計若京城堅完則賊河朔重兵不與之戰彼不能戰則無乘勝之氣謀深入則前有堅城後有重兵必將沮而自退退而不整則邀之可也或則修京城者非徒禦寇誠以代深入之謀也漢惠帝時起六里內男女城長安二年而畢唐明皇時城長安九十里畢考法于古擇利乎今京城之修蓋無疑矣然須二年成之則民不勞苦人不驚駭矣七密定討伐之謀者彼幽燕數

古文國璋集

卷之三十

五

宋文卷二

州人本漢俗思漢之意子孫不忘太宗皇帝既克河東乘勝北討數州吏民望風請命惟幽州未破我軍虛驚班師以來歲月緜遠如天限其北無復輕議一昨盟好已搖安保其往當訓兵養馬審爲方略以待其變未變則我不先舉變則我有後圖指彼數州決其收復使彼愚獩之俗復爲吾民成太宗皇帝赫怒之志雪石晉千古之恥則陛下之功如天如日著于無窮矣

此疏因西而及北故言西詳言北略使其久在政

府方規自是不同

种世衡墓誌銘

范仲淹

君諱世衡字仲平。國之勞臣也。不幸云亡。其子泣血請于予。予嘗經略陝西。知君最爲詳。俱遺其善。不可不從而書之。初康定元年春。夏戎犯延安。我師不利。朝廷以堡障衆多。有分兵之患。其間遠不足守者。卽命罷之。寇驕而貪。益侵我疆。百姓被其毒。君時爲大理丞。任鄜州從事。建言延安東北二百里。有故寬州。請因其廢壘而興之。以當寇衝。左可致河東之粟。右固延安之勢。北可圖銀夏之舊。有是三利。朝廷從之。以君董役事。君瞻勇過人。雖俯逼戎落。曾不畏憚。與兵民暴露數月。且戰且城。然處險無泉。議不可守。鑿地百有五十尺。始至于石。工徒拱手曰。是不可井矣。君曰。過石而下。將無泉耶。爾攻其石屑而出之。凡一畚償爾百金。工復致其力。過石數重。泉果沛發。飲甘而不耗。萬人歡呼曰。神乎。雖虜兵重圍。吾無困渴之患矣。用是復作數井。兵民馬牛皆大足。自茲西陲堡障。患無泉者悉倣此。大蒙利焉。既而朝廷署故寬州爲青澗城。授君內殿承制知城事。復就遷供備庫副

使朝廷責
一城如世
衡之法則
勞不足難
也觀世衡
之得以自
便則當時
必令亦少
寬云

古文園瑋集卷之三十

宋文卷二

使旃其勞也。塞下多屈羌。向時漢官不能恩信。羌皆
持兩端。君乃親入部落中。勞問如家人意。多所周給。
常自解佩帶。與其酋豪可語者。有得虜中事來告于
我。君方與客飲。即取坐中金器以獎之。屬羌愛服。皆
願效死。青澗東北。一舍而遠。距無定河。河之北有虜
寨。虜常濟河為患。君屢使屬羌擊之。往必破走。前後
取首級數百。牛羊萬計。未嘗勞士卒也。故功多而費
寡。建營田二千頃。歲取其利。募商賈。使通其貨。或先
貸之本。速其流轉。歲時問其息十倍。乃建白凡城中
錫根錢幣暨軍須城守之具。不煩外計。一請自給。一
子專視士卒之疾。調其湯餌。膏肓以答責。期于必瘳。
士卒無不感泣。今翰林承旨王公堯臣。安撫陝西。言
君治狀。上悅降詔褒之。曰。邊臣若此。朕復何憂。二年。
就兼鄜延路駐泊兵馬都監。制置本路糧草。遷洛苑
副使。慶曆二年春。召按巡環州。患屬羌之多。而素不
為用。與夏戎潛連。助為邊患。乃召蕃官慕恩與諸族
酋長。僅八百人。犒于麾下。與之衣物繒絲。以悅其意。
又采忠順者。增銀帶馬紋以旌之。然後諭以好惡。立

古文園瑋集卷之三十

宋文卷二

約束而俾之遵向。然悍猾之性。久失其馭。非智者處
之。慮復為變。時青澗既完。人可循守。乃請于朝。願易
君理環。朝廷方以青澗倚君。又延帥上言。人重其去。
命予更擇之。予謂夏戎日夜誘吾屬羌。羌受其類。益
以外向。非斯人親之。不能革其心。朝廷始如其請。君
既至環。安邊之利害。大要在屬羌難制。俱合夏戎為
暴發之患。又地瘠殺貴。屯師為難。聚糧則力屈。損兵
則勢危。斯急病也。君乃周行境內。入屬羌聚落。撫以
恩意。如青澗焉。有牛家族首奴訛者。屈強自處。未嘗
出見官長。聞君之聲。始來郊迎。君戒曰。吾詰朝行勞。
爾族奴訛曰。諾。是日大雪三尺。左右曰。此羌兇詐。嘗
與高使君繼嵩挑戰。又所處險惡。冰雪未可前。君曰。
吾方與諸羌樹信。其可失諸。遂與士卒緣險而進。奴
訛初不之信。復會大堂。謂君必不來。方坦臥帳中。已
至。蹙而起之。奴訛大驚曰。我世居此山。漢官無敢至
者。公了不疑我耶。乃與族眾拜伏。誼呼曰。今而後。惟
父所使。自是屬羌咸信于君。有兀二族受夏戎偽署。
君遣人招之不聽。即使慕恩出兵誅之。死者半。歸者

半盡。以其地。饜牛羊。賞諸有功。其僭受僞署。如兀二族者。百餘帳。咸服。懷請命。納其所得文券袍帶。由是屬羌無復敢二。君戒諸族。各置其烽火。夏。戎時來抄掠。則舉烽相告。衆必介馬而待之。破賊者數回。徑原帥葛懷敏。定川之敗。戎馬入縱于渭。予領慶州蕃漢兵。往扼邠城。又召君分援涇原。君卽時而赴。羌兵從者數千人。屬羌爲我用。自此始。君曰。羌兵旣可用矣。乃復教土人習孤矢。以佐官軍。吏民有請某事。辭某事者。君咸使之射。從其中。否而與奪之。坐過失者。亦

古文圖瑋集卷之三十

宋文卷二

用此得贖。吏農工商。無不樂射焉。由是緣邊諸城。獨環不求增兵。不煩益糧。而武力自振。夏戎聞屬羌不可誘。土人皆善射。烽火相望。無日不備。乃不復以環爲意。前後經略使。交荐君之才能。朝廷益知可倚。明年遷東染院使。克環慶路兵馬鈐轄。仍領環州。西南占原州之疆。有明珠滅臧康奴三種。居屬羌之大。素號強梗。在原爲孽。寢及于環。撫之恨不我信。伐之險不可入。北有二川。交通于夏戎。朝廷患焉。其二川之間。有古細腰城。復之可斷其交路。又明年。予爲宣撫

使。乃諭君與原守蔣偕。共幹其事。君久悉利病。卽日起兵。會偕于細腰。使甲士晝夜築之。夏戎固忌此城。君遣人入虜中。以計歛之。兵遂不至。又召明珠等三族酋長。犒撫之。俾以禦寇。彼旣出其不意。又亡外援。因而服從。君之謀也。君處細腰月餘。逼以苦寒。城成而疾作。慶曆五年正月七日甲子。啓手足。神志不亂。享年六十一。薨于京兆萬年縣之神和原。君之先河南洛陽人也。曾祖存啓。河南壽安令。祖仁。諡京兆長安令。贈太常博士。父昭衍。登進士第。累贈職方員外

古文圖瑋集卷之三十

宋文卷二

郎。季父放。字明逸。初隱于終南山。君少孤。依之。服勤左右。以力學稱。明逸道隱德純。太宗朝再詔。以事親不起。真宗復加聘禮。起拜左司諫直昭文館。累遷尚書工部侍郎。大中祥符五年。君用工部蔭。得將作監主簿。立遷至太子中舍。初。京兆太平監。以母老求養。又監京兆府渭橋倉。邛州惠民監。知涇之保定京兆之武功涇陽三邑。在武功。毀淫祠。崇夫子廟。以來學者。在涇陽。有里晉主知謙者。好利事露逃之。逼郊禮乃出。君曰。送府。則會恩。益以長惡。從所坐杖春于

縣庭而請待罪。府君李公謫秦釋之。自是豪黠莫不斂手。其嫉惡如此。又邑有三白渠。比年浚疏。用數邑力。主者非其才。而勞逸弗籌。功利日削。君使勤墮齊其力。故功倍。貧富均其流。故利廣。至今民能言之。歷通判興戎軍環鳳二州。鳳之守王蒙正託章憲外甥。以私干君。復欲以賄汙君。君正色不納。蒙正大怨之。乃使人論王知謙訟君。蒙正內爲之助。獄成流賓州。上親政。量移汝州。君之世材以一官議君。乃除孟州司馬。龍圖閣直學士李公絃重于朝。授衛尉丞。主隨

古文國瑋集

卷之三十

子宋文卷二

此大事也
不詳敘亦
以略懷夏
人故耶

曰詠。同州澄城尉曰諸郊祖齋。即曰謬三班奉職。皆有立。訪記。諡三子尚幼。一女適西頭供奉官田守政。君在邊數年。聚貨食。救孤矢。撫養士伍。牢籠羗夷。賢不肖皆稱之。又出奇以濟幾事。嘗遣謀者入虜中。凡半歲間。而虜誅。握兵用事二三人。謀者還言某謀得行。會君已沒。又天子方懷來。故其績不顯。銘曰。嗚呼仲君。出于賢門。吾志必立。吾力是陳。寧以剛折。果由血伸。還自漳海。試于塞垣。權以從事。意其出入。捍虜之患。又邊之民。夙夜乃職。星霜厥身。生則有涯。死而不泯。遠俗祖之。子二孫孫。

古文國瑋集

卷之三十

子宋文卷二

說春秋序

范仲淹

聖人之爲春秋也。因東魯之文。追西周之制。褒貶大舉。賞罰盡在。謹聖帝明皇之法。峻亂臣賊子之防。其間華袞貽榮。蕭斧示辱。一字之下。百王不刊。游夏既無補於前公。穀蓋有失於後。雖丘明之傳。頗多水釋。而素王之言。尚或天遠不講。不議其無津涯。今褒貶者流。盛志於道。以天命之正性。修王佐之異材。不深春秋。吾未信也。三傳房君。有元凱之癖。兼仲舒之學。文席之際。精義入神。吾輩方扣聖門。宜循師道。碎屬古文國瑋集

卷之三

宋文卷二

詞比事之教。洞尊王黜霸之經。由此登泰山而知高。入宗廟而見笑。升堂覩與。必有人焉。君子哉無廢。宋文高簡勁拔者。少文正公此作亦爲異調。

桐廬郡嚴先生祠堂記

范仲淹

先生漢光武之故人也。相尚以道。及帝幄赤符。乘六龍。得聖人之時。臣妾億兆。天下孰加焉。惟先生以節高之。既而動星象。歸江湖。得聖人之清。泥塗軒冕。天下孰加焉。惟光武。禮下之在。蠡之上。九衆方有爲。而獨不事王侯。高尚其事。先生以之。在屯之初。九陽德方亨。而能以貴下賤。大得民也。光武以之。蓋先生之心。出於日月之上。光武之器。包乎天地之外。微先生不能成光武之大。微光武豈能遂先生之高哉。而古文國瑋集

卷之三

宋文卷二

使貪夫廉。懦夫立。是有大功於名教也。某來守是邦。始構堂而奠焉。迺復其爲後者四家。以奉祀事。又從而歌曰。雲山滄滄。江水泱泱。先生之風。山高水長。尺幅中烟雲蕩漾。使人有伊人之思。

岳陽雜記

范仲淹

慶曆四年春滕子京謫守巴陵郡。越明年政通人和，百廢具興，乃重修岳陽樓，增其舊制，刻唐賢今人詩賦於其上，屬予作文以記之。予觀夫巴陵勝狀，在洞庭一湖，銜遠山，吞長江，浩浩湯湯，橫無際涯，朝暉夕陰，氣象萬千，此則岳陽樓之大觀也。前人之述備矣。然則北通巫峽，南極瀟湘，遷客騷人，多會於此，覽物之情，得無異乎？若夫霪雨霏霏，連月不開，陰風怒號，濁浪排空，日星隱耀，山嶽潛形，商旅不行，檣傾楫摧。

古文國璋集

卷之三十一

宋文卷二

薄暮冥冥，虎嘯猿啼，登斯樓也，則有去國懷鄉，憂謫畏訊，滿目蕭然，感極而悲者矣。至若春和景明，波瀾不驚，上下天光，一碧萬頃，沙鷗翔集，錦鱗游泳，岸芷汀蘭，郁郁青青，而或長煙一空，皓月千里，浮光躍金，靜影沉璧，歌牙答此樂何極。登斯樓也，則有心曠神怡，寵辱偕忘，把酒臨風，其喜洋洋者矣。嗟夫，予嘗求古仁人之心，或異二者之為，何哉？不以物喜，不以己悲，居廟堂之高，則憂其民，處江湖之遠，則憂其君，是進亦憂，退亦憂，然則何時而樂耶？其必曰：先天下

之憂而憂，後天下之樂而樂乎。噫，微斯人，吾誰與歸。

時六年九月十五日

樓迂齋曰：首尾布置，與中間狀物之妙，不可及矣。然妙處在臨末斷遣一轉語，乃知此老胸襟度量，直與岳陽洞庭同其廣，俯仰山河，別有寄托。

古文國璋集

卷之三十一

宋文卷二

宋文

襄西方岳貢禹脩評

議西人劄子

宋 祁

臣伏見元昊遣使進納誓書。西人在館。以待答報。伏知朝廷議欲降詔。遂相開納。止畱冊令。未便舉行。又聞余靖使回。非虜謂本朝若必行元昊封冊。勿令使人深入。恐契丹兵馬一例殺傷。又其答書有俟平定西鄙。遣人來報之意。此皆含糊未決之辭。包藏蓄怨。

古文國瑞集

卷之三十一

宋文卷三

之語也。臣愚不敏。不知大計。竊謂機危之會。理須審思。事脫一失。悔將難救。且西北二虜。連兵構難。中國之利也。方當整勒兵馬。隱拱高視。候其大傷小亡。乃可以逞。今若便許元昊同其誓文。則二國要約。固已先定。不待封冊。方正君臣。如此。則元昊之貢獻。必且續至。朝廷之金幣。亦便頒分。假使非虜能勝西。則契丹必歸曲朝廷。以謂撫彼叛臣。逆其來信。負力恃慢。勢必稱兵。而元昊得朝廷誓詔。必且取重外鄙。市怨耶律。肆其殘貪。因為間諜。得我金幣。以救敗亡。是乃

古文國瑞集

卷之三十一

宋文卷三

紆賊禍於一時。嫁虜怨於中國矣。使西能勝北。則二賊之怨必深。契丹士力更當離蹙。則朝廷却與元昊歡盟厚賂。安得不動虜情哉。契丹之怨朝廷益深。則元昊之結朝廷益固。者非謂與我為金石交也。彼賊藉我之賄。假我之援。全境激敵。以誓劫我。使吾邊戎束手。睜目熟視。流散不得侵略。然後首鼠窟室。養成豺虎。斯其謀也。臣又料契丹毒螫忿損。獸窮反噬。未能得志於元昊。先且取償於河北。避強擊弱。有何不可。是朝廷免西鄙之小釁。結北方之巨憂。輕重之擇。安得不懷。且契丹言恐一例殺傷。又云俟平定西鄙。此何等語。朝廷忽而不計邪。臣伏見元昊誓書中。要結天地。誓及子孫。言雖夸險。勢亦窘急。何者。彼蓋迫契丹之用兵。畏我境之乘便。略其邊寨。取其老小。重復詛誓。務在速成。必知朝廷已賜開許。不肯先違信誓。則彼一心捍北。永無東顧之虞。此賊具之計。事在目前。確然可辨。臣以為當今計者。不如且遣彼使。賜以存問詔書。詰難誓文。更令修正。遷延來往。以賒後期。兼令雄州騰報虜帳。俟其雄雌之決。更議拒納之。

宜撫西懷北。兩得其便。伏望畧回聖慮。一賜財擇。此與張安道之議略同。而文體更自濃致。

明堂頌

宋祁

臣言去三月戊子。制詔季秋有事於明堂。臣以太常與禮官博士。詣垂拱殿議配享事。即建言周有臣曰旦。始嚴父配天。仲尼是之。唐并諸儒說。並祀六天帝。不敢損陛下幸訪有司。請如古便。四月乙丑。詔若曰。夫禮稱情適文。今議者言周唐則善。至牽制所聞。徧而不優。宋亦一家。讓不制作。如來嗣何。且事天不及地。配父而遺祖。朕甚陋之。水旱不時。群神與焉。今賴天之力。方內以治。朕能合饗天地。以三聖侑報百神。咸秩並修。况祖宗郊雩。不為無比。有司無諱。以勞務稱朕意。臣伏誦聖訓。父乃開曉。以為前古所缺。群臣不逮。陛下獨得於心。其所以事神訓人。使萬世子孫無以加者。至於作聲歌。錄圭邸。帳帟無文。夜襲弗嚴。以竭恭至誠者。尚數十物。臣愚且不能徧知。若令詩頌不傳。是陛下盛德神功。不盡注天下耳目。聳動四夷。聲隱乎無疆也。謹撰成明堂頌一篇。辭淺義直。可使戶曉。壤翁轅童。皆得塗謳。臣昧死再拜以聞。頌曰。天有明命。以聖付堯。太祖太宗。燮伐大定。誰僭而王。

執。攬而土。左披右攘。罔不就緒。厥角在廷。四夷無侮。
真考顯承。受報收威。休休厥寧。震震厥驚。七十而正。
號以大宋。皇帝纂武。有庇於下。兵彙不銷。饑委而羽。
一農之饑。吾飼以哺。一夫之寒。吾煖以褚。日寬租徭。
歲貸囚吏。協氣四溟。順賜若雨。原高照下。百穀豐騰。
二十九載。惟秋九月。適即大慶。度筵度室。寶宇署顏。
震照多物。置使有五。悉詔輔弼。既欽靈官。一享一祐。
天兵桓桓。羅列衛營。有闕有旌。龍輶嚙銜耳耳。其驅
雅雅於行。旂旄連捲。風舞雲縈。士若銜枚。駉牡不鳴。

古文國瑞集

卷之三十一

五宋文卷三

吉日辛亥。進祀於堂。衣畫袞然。環瑤瑤瑤。六帝二祗。
三后侑旁。醴淳牲肥。嘉罇鉅房。萑醢果臝。靜絮芬香。
骨熾胖升。以迺厥嘗。我鍾欽欽。我舞侯侯。天受於坐。
百靈來序。奔精哆光。智霍曾寓。山靈濟怪。顯幽馳驚。
或旅諸輝。或席諸廡。有賴斯飫。相惟辟公。既敏而度。
帝拜稽首。紫煙上舉。祝有暇言。皇帝受之。產百斯祥。
哀萬斯禧。其蠶如山。其積如茨。皇帝曰咨。朕不專有。
旦御端門。百執奔走。其赦天下。新邦之舊。嗣之錄勞。
剖濯痕垢。官賞兵賁。金爵是實。驛歡四海。開弗吝量。

安諸者樂
詞也

天謂皇帝。感實火德。在孝宗祀。惟極其還。而功卹嗣。
千億。而子而孫。長有萬國。天謂皇帝。安我群元。投蚺
斥螟。稼溢於屬。厲訖疾。攘人樂蹶蹶。皇帝眉壽。永錫
萬年。前祀三日。區霜如閉。皇帝既齊。一夕雨霽。亦悞
掃除。若璫逢曄。天清地晏。夜星騰晰。皇帝小心。恭與
虔并。偏見神祇。拜跪送迎。父立於次。須樂之成。器必
金玉。牢不受牲。制為諸安。以正和清。夜鼓徹嚴。敷致
厥誠。明明皇帝。惟先訓是式。惇咸懃親。其磐如石。存
問韶董。容受謙直。振淹登峻。毋敢失職。惟慈惟仁。不

古文國瑞集

卷之三十一

六宋文卷三

厲聲以色。皇帝有育。克已則興。豐年吾儉。尊捨吾矜。
雖日之升。瞿瞿兢兢。無不此或承。
祖父並配明堂。非古也。其文則蹈韓躡揚。雅有古
風。

進禦敵論 并表

宋 祁

臣去皇祐四年秋七月待罪成德軍五年二月改定武軍皆兼本路安撫部署兩司此河北極選賢士大夫日夜所望立功名者也臣某誠恐誠懼頓首頓首臣不肖少服儒業幸得秉筆代天子制令奉職勿稱遂用外遷不謂尊號皇帝陛下擢自疎冗付以劇使俾專一面護諸將貴重體雄日靡皇寧出入三年無毫髮之報竊以持兵擁甲野戰乘城皆非臣所能勉加體力早衰年向六一謀不逮遠識不先事姑奉陛

古文國瑞集 卷之三十一

宋文卷三

下經武之畧赫然汗發於背然所至詢疆場事所以制賊大畧目見耳聞非得歇端輒次爲禦敵論七篇其語不文以便事也弗泥於古從權宜也直取今日利害決爲可行也不足示後時異則計有所不用也伏以中書樞密院皆忠力大臣謨謀閎深奉承聖筭明燭萬里敵無遁情臣今所上乃廊廟筭計策曠乘諸猶敢冒昧上陳者欲明邊臣思不出職亦以佐朝將芻蕘千慮之冀也千冒宸覽臣無任愧羞戰栗之至其論謹附表投獻以聞臣祁誠恐誠懼頓首頓首

謹言

篇之一

客問臣子爲陛下守中山直契丹西鄙天下精兵處賊敢引弓南面射最先薄戰自先帝咸平以來常以重將臨統子今出入三年頗知賊情僞乎臣應言太守本諸生朝廷不知其愚使護諸屯未嘗履軍陷陣又無橫縱之辯王伯之術易能論賊乎雖然傳曰知彼知己太守誠不肖粗能舉其尺客曰願子無讓請以今事言之竊聞西羌與非虜鮮仇申約復爲甥舅

古文國瑞集 卷之三十一

宋文卷三

信與臣曰契丹使一介叩朝廷言夏人臣順事驅馬羊納有司果信矣然則兩賊合而無隙彼將連衡以擾二邊奈何臣曰合則有之隙未平也契丹地大兵衆而猥羌地狹卒寡而精以大臨狹則羌弗獲出而合以精抗猥虜何敢安受其臣哉且虜酋與羌戰一不勝殺卒二萬餘虜主僅自脫非築威武金蕭等城踰河而守者五年矣訖無尺寸功是虜窮於侵而羌倍守矣故卑辭厚幣以休兵甲之勞羌非真畏虜也客曰彼貪我子女麗金錢多故思隙而連和以軋我

境。鈔劫係累各飽其私。安得不合。臣曰不然。如客所
謂。茲易與耳。國家歲棄金帛五十萬與北狄。以五萬
與西羌。彼有背盟爲不臣者。我幣五十五萬。固不出
境。若陰以十萬許羌人。赦其罪。以携之。彼必與中國
合。還兵而抗虜。虜失西援。且狼狽不敢前。我又陰許
還北虜三十萬與之。平則二賊之仇結不解。矣。狄之
怨。必嫁於西羌。西羌之怒。且銜于北。朝廷安視其禍。
以厖錯操二國重輕。何所患哉。客曰。羌人自元昊以
來。勢始張。國福而兵寡。離與合。恐不足爲重輕。對曰。
不然。元昊善用兵。其左右皆賢。故數敗西番。未嘗少
劬焉。雖挾勝而不敢不來臣。知事大之體也。既父子
戕死。而諸酋扶孀姬抱嬰離南面而朝。人惕息相與
守舊法。無遠德。南抗中國。東支契丹。養馬按兵。君自
如四隣。不敢侵中國有年。無疾疫死亡。意者天假之
幸。是且將興焉。得不爲重輕哉。

篇之二

客曰。子謂契丹與古孰強。臣曰。耶律一姓王二百年
今其衰也。歟。客曰。彼燕奚黑水高麗遼靺鞨新羅數十

古文國瑞集

卷之三十一

九宋文卷三

國。薄海而東。南包燕薊。肥腴之地。孽養腥臊。戢戢林
林。重穢北荒。與中國爭長六十年。今又得西夏而臣
之。何云衰耶。臣曰。客詫其表。不責其裏。請爲客道所
聞。虜主懦庸。其弟悍剽。好戰。本許傳國。故盡以奚契
丹兵屬之。虜主有子旦長。更爲王。以燕薊華人屬之。
然其弟常右番。卑漢。數請犯中國。子常佐漢。鄙狄。願
與中國和。又寡老姬在焉。故虜主依違。不能有所失。
華人之輔政者。皆附主與子。番長之當國者。附其弟。
是此虜一驅列爲二支。禍難待時作耳。有如君長一

古文國瑞集

卷之三十一

十宋文卷三

日狗馬病。狼弟即位。愛子能相下。爲君臣乎。能爲君
臣無疑忌乎。華番大臣能合而不限乎。幸而寡姬未
死。肯捨其子而助其孫乎。內不能定。必大誅殺。安得
不亂。亂必有黨。黨必爭。爭未必有能國也。彼高麗遼
靺鞨。苦爲契丹屬久矣。誅求無時。調發無度。一旦
亂。彼將蝟毛而奮。自王其國。且何恃而強。又和戎
以來。虜人習見朝廷袍笏之美。百官之富。有果餼醪。
炙淪甘珍。衣服器羹。薰澤光鮮。皆委瓊瓚。厭血食。解
綈褫衷。慕爲華風。時時道詩書語。竊問儒者禮樂等

事爭貨執緇織絲之麗。橙茗辛馥之奇。以相夸尚。此賈誼所謂五餌壞其耳目腹心者也。客曰。五餌等語。班固詆以爲疎。子何據之。臣曰。然。誼於治體深。故其言與其事久而効。固俗儒也。見誼不爲文帝用。便以誼爲空言。固則陋矣。且自古戎狄所以強中國者。隨水草無常居。耐霜雪。以鞍馬爲家。此其勝邑居城郭也。射狐鹿兎麋。飲其血。服其皮。脯肉而糗之。此其勝耕飲困廩也。喜相殺。怒相殺。殺人者取償而止。有罪即誅。凡召發傳一簡。哄然皆集。此其勝文檄簿領也。古文國瑞集卷之三十一 主宋文卷三

生能挽弓傳矢。帶刀劔。孺妻弱子。皆習熟。此其勝營伍教督也。不知道德仁義。制度文物。君臣並肱而。一而志通。此其勝禮文親疎嫌疑等差也。今則不然。反殺而強仁。反戰而崇和。秦腥臠。甘饗。美衣食。酣聲樂。所以勝中國之具者。一切喪矣。是耳目腹心壞而不復完。徒操虛強以提中國。大守知其無能爲也。

篇之三

客曰。景德契丹數寇河北。我諸將謀必敗。戰必走。何

耶。虜既負勝。由是鼓而前。破五六城。突魏觸瀝。蹙蹙無所畏。子識所以然乎。臣曰。識之。中國失虎北之障。自幽而南。地如衽席。然何承矩始畜陂障。建屯田。勝而哇之。限賊馳突。然東不盡海。西薄常山。數百里輒止。外無所阨。故賊常掃穹廬而來。屬壯馬。走平地。以大衆加中國。其時也。馬適肥。士適飽。人人貪抄劫之。以利氣。適無前。我諸將常迎其銳。薄之。又以寡抗衆。故虜常勝。吾常負。失所以制賊之術也。曰。然則何不待其氣弱而後戰。臣曰。得已而然哉。夫大將在外。必

古文國瑞集卷之三十一

主宋文卷三

無○必○其○基○則○戰○易○勝○此○亦○一○端○也○客○曰○未○也○請○衍○而○
申○之○臣○曰○虜○人○之○來○因○糧○於○漢○聞○景○德○時○大○賊○固○營○
不○動○而○游○騎○四○出○發○窖○竄○累○牛○馬○係○老○弱○劫○樵○採○旦○
而○出○夕○而○內○之○軍○中○仰○以○濟○師○當○此○時○諸○將○熟○視○不○
出○一○卒○以○乘○其○敝○賊○由○是○肆○然○燔○室○廬○殘○邑○聚○逮○於○
講○和○河○北○爲○空○此○一○失○也○又○詔○書○勅○諸○將○逐○賊○無○深○
入○及○境○則○止○故○賊○勝○則○驅○而○進○不○勝○則○不○畏○追○迫○乘○
虜○塞○之○人○按○堵○而○吾○鄙○不○聊○生○矣○此○再○失○也○夫○戎○虜○
安○知○道○德○仁○義○哉○醜○然○其○人○面○而○狗○腸○也○惟○勁○鐵○遣○
胄○長○刀○築○脅○乃○怖○耳○當○鈔○騎○之○出○我○若○以○邊○人○邏○士○
邀○之○或○虜○其○左○或○厄○其○右○蔽○林○伏○垠○掩○所○不○防○但○令○
無○所○獲○而○走○不○過○五○日○七○日○衆○飢○師○老○矣○以○吾○飽○乘○
賊○飢○何○攻○不○破○何○擊○不○北○耶○賊○之○入○塞○掠○吾○老○弱○畜○
產○若○千○我○伺○其○便○以○五○六○月○虜○馬○瘦○弓○弛○勒○偏○將○出○
塞○虜○其○部○族○牛○羊○亦○若○千○相○當○輒○止○虜○所○恃○以○爲○富○
者○特○幽○薊○耳○彼○能○殘○我○河○北○吾○一○支○病○也○我○能○殘○其○
幽○薊○彼○一○軀○廢○也○若○是○則○虜○懲○艾○計○較○必○不○敢○輕○入○
而○爲○寇○矣○漢○武○帝○使○衛○青○霍○去○病○深○入○廕○闕○斬○句○奴○

首○級○最○凡○十○四○萬○而○已○北○虜○遂○衰○此○驗○在○前○可○質○也○
故○曰○不○殺○不○怖○不○傷○不○刈○不○得○不○當○其○止○此○上○術○也○
客○曰○大○守○計○雖○審○然○與○嚴○尤○班○固○之○說○戾○而○不○合○何○
哉○尤○之○言○曰○周○秦○漢○三○家○征○句○奴○未○有○得○上○策○者○周○
得○中○策○漢○得○下○策○秦○無○策○焉○又○言○宣○王○時○獫○狁○內○侵○
至○於○涇○陽○命○將○征○之○盡○境○而○還○故○天○下○稱○明○固○之○言○
曰○來○則○懲○而○御○之○去○則○備○而○守○之○此○聖○王○制○御○蠻○夷○
之○常○道○也○臣○曰○尤○固○皆○中○人○俗○儒○不○足○與○論○天○下○計○
彼○特○得○皮○忘○髓○齧○脰○曉○而○未○知○雋○腴○也○唐○牛○僧○孺○嘗○
詆○尤○以○爲○禦○戎○無○上○策○秦○爲○無○策○非○是○世○謂○知○言○夫○
戎○虜○旣○曰○以○禽○獸○畜○之○班○固○所○言○是○不○可○以○道○德○仁○
義○化○也○道○德○仁○義○不○可○化○則○無○上○策○矣○必○以○強○武○服○
之○所○謂○武○未○有○不○殺○而○能○威○之○以○武○秦○漢○是○已○然○秦○
與○漢○自○以○他○失○爲○後○世○訛○病○於○計○句○奴○不○爲○無○功○尤○
盛○贊○宣○王○以○及○境○則○止○爲○明○非○也○宣○王○興○厲○王○之○後○
奮○衰○氣○逐○強○敵○威○不○能○加○於○虜○故○及○境○而○止○詩○人○姑○
美○其○能○中○興○不○美○不○追○賊○也○易○稱○高○宗○伐○鬼○方○三○年○
克○之○伐○而○克○非○道○德○可○化○章○章○矣○故○曰○來○則○懲○而○御○

去則備而守殊可嗤怪。必如其言。是兵常在邊。而弛甲無期矣。故曰尤固不足與論天下計。

篇之四

客曰。虜之來常因吾糧。故朝廷以清野困之。常獵吾民。故堅壁挫之。今日非邊高城濬池。樓櫓堅密。比景德有加焉。一日契丹送要領。其可以制賊乎。對曰。能得賊未足以制賊也。吾野雖清。吾壁雖堅。若鎮定兵不出。賊猶敢負戎馬。足直驅深入。擣虛而奪人氣也。曰。然則奈何。曰。虜中軍其大渠常自將。我若使鎮定

古文國瑞集

卷之三十一

宋文卷三

兵從之。與相上下。吾常環車固壘。出輕騎擾其餉。擊其鈔。夜譟其營。彼求戰不得。攻不能下。掠無所獲。人衆老而懼。吾因其懼而舉薄之。無不勝矣。前日虜人犯定軍。夾唐河以陣。虜不能勝。因捨定攻瀛。破其外郭。又不能克。乃直走澶淵。是時定軍尚未出也。由此觀之。吾失在不戰矣。太守是以知今日邊臣專修守械。不爲攻戰計。未足以制賊也。客曰。然則今日樓櫓城隍。果勝於異時。臣曰。不然。祖宗時有非復燕易意。故不專於守。今者專於守。故城益高。隍益深。勢自當

然。非今人工。管人批也。客曰。今日朝廷分河北爲四路。可以經制乎。對曰。甚善。無事時訓師徒。撫風俗。使事之宜。治葺保軻。督官吏能否。鼎峙而立。其效過異時遠甚。一日軍興。猶須即河北安撫爲大使。統而一之。乃可責功。又鎮定不可裂付二將。宜及平時并爲一路。使將佐部分有臂指之勢。輕重相權。誰不曰宜。滄州東薄海。南倚瀋。斜視淄青。非與虜接。其間漢虜棄地各數百里。土鹹鹵。水泉不可食。夏政如雲。不可居也。至冬葦萑際天。姦細商賈未嘗行。故朝廷輕

古文國瑞集

卷之三十一

宋文卷三

其戍。列數堡而已。景德之後。守臣廣陂障。蓄水接海。又黃河限其南。是以議者超然不以滄州爲劇地。自河決橫壘。商胡游波。紆浸貝丘。溫承靜。環海而北。破乾寧。恣肆妄流。以入於海。凡游塞下。陂水數百里。皆爲平地。則瀋。淄。青。失河之險。未有以恃也。我未有恃。則啓戎心。故賊不可不虞也。是宜權建滄州爲一道。以扞東垂。伐賊之謀。然止十年計。河若用道。滄可廢矣。客曰。塘水之險。可恃乎。吾聞議者或謂不然。對曰。塘水東西袤六百里。其闊百里。或五十里。夏浪各

水淺不可載舟。深不可亂而濟。足以挫虜騎突怒。省亭堡之防也。然議或不同。何哉。蓋語塘之利者。不列其害。謂害者不故與利。是以听之似可用。而之似無有也。客曰。其害奈何。對曰。管之蓄水爲塘。其制曰。若干地淺若干尺。若干地掘而浚之若干尺。相錯如繡。是謂深不可度。馬淺不可載舟也。後人忘向時之制。惟因深濤時漲而廣之。故壞民良田。無有涯極。而議者詆無涯之害。因忘設險之利也。客曰。若何而可。曰。邪鎮定皆西倚山。水泉悉輸東北。其地西高東下。若

古文國瑞集

卷之三十一

宋文卷三

建甌於雷然。管之爲塘必掘而浚之。所以留水也。今若索舊法爲塘之限。濶不過百里。狹不下五十里。腰而限之。亦足制其虜之入。爲計國十二。又得良田還與民。則利害曉然判矣。客曰。可爲無窮利乎。曰。百年計耳。水潦自高而注者必歲淤而月蝕。如今不掘而浚。弗出百年。爲平原矣。

篇之五

客曰。非虜實其衆。申國常爲之肩。將天運乎。亦人謀有未至耶。臣曰。儒者不可捨人而言天。意者謀有未

至爾。祖宗事。太守不及知。直以慶曆特喻之。比虜率西鄙方擾。哀其衆首鼠叩境。作謾言求開南十縣。時議臣倉卒。直以十縣歲賦才二十萬爲對。故歲益金幣二十萬與之。因欲塞求地之請。虜由是得自大。謂不遺鏃缺刃而成功。妄爲醜言。夸示其下。由是縣官用度益急矣。殊不知與賊二十萬則其地故其有也。彼且緣爲辭曰。吾不取賦而還吾縣。即是朝廷植今日之禍根。取他年之亂實。已失吾財。又亡吾地。尚謂國有謀乎。故曰未有至焉。客曰。不然。是時不許其求

古文國瑞集

卷之三十一

宋文卷三

則戰。我兵未合。必爲賊乘。故爲一切之權。以亂其謀。于何味焉。對曰。等爲之權。不如直以百萬賂之。使罷兵。既不爲無窮之饋。又使他年絕旁緣之難。不猶愈乎。客曰。夫戎得朝廷之賜。克足其欲。然常以虛計提邊何邪。客曰。契丹君臣合謀。以爲取二十萬于我。爲無名。謂我且嘗膽以圖其國。剽取償焉。是以歲開馬料。衆治橋路郵舍。以自張大示將狼貪無厭者。外又挾漢爲重。制服諸戎。太守固知虛矯而實衰也。客曰。如此何計而宜。對曰。莫如自治。所謂患患而預防

者也。今朝廷英俊林立，豈謂無人。但莫適任患，故功不立。糧可廣入也，而便糴曰改法，下不信則塞下之倉庾空，財可預積也，而有司辭以用乏，吝而不出，則塞下之帑庫空。馬可孳養也，議者吟阿，日推月引，苟安其任，終不肯盡力。則塞下之牧廐空，不止三空。又有五可謂騎軍多馬少，三分其人馬才居一，士既不可爲步，是畜無用之兵。一可謂河決澶滑，橫流不制，壞陂障，破漕渠，失國所恃以爲防者。又破滄州歲貨七十萬，朝廷玩之不爲塞。二可謂舉河北義勇且三

古文國瑞集卷之三十一

宋文卷三

十萬，若令歲一大習，盡一月止，用古一時講武之義，而州縣避事，或歲未稔，民且困，即罷之。又惜數萬碩之廩，歲爲此言，雖有教閱者，不爲部伍行陣，如小兒戲即止。又流亡物故皆不補，十耗三四，謂之便民，民之便國之不便也。三可謂緣邊守將輕授而重任之，重任而輕易之，衆皆知不肖，而朝廷謂之能，見效無狀，而歷任累其年，一日警急，是輩吳懷奔走，敗軍損國者也。若趙公忠材猷，蘄然風采士，不肯衮衮雷同，欲卓爾自立，時或有之，但一失意於銜命小臣，則飛

奏朋輩，使內不能自明，上有以爲惑。一紙詔移他路矣。是以不材者在，而材者去。四可謂近年議邊臣公用錢尤急，計技出入，剖粒析毫，監司督察，惡爲威喚，至於探候間諜，無財貨募召，皆不能入賊境，比蕭德吳堪等告西人之和，足及藁街，尚未得其奉使意，此廼所貴小，所失大。五可謂故曰三空，宜早實。五謂宜速除，居安慮危之至計也。然朝廷每待虜人一好亮，便釋然高枕，至邊戍奏請，罕復報下，得一妄語，焦心不終日，督切邊臣，宜勅紛然，此似未盡其情。夫用兵

古文國瑞集卷之三十一

宋文卷三

以狙詐爲本，凡不足示人以有餘，強示人以弱，兵家常策也。景德時，止虜窮兵深入，豕突涇渭，先時令王繼忠累表乞和，兵益悉表益來，會伏弩射殺賊將，虜母大懼，因遂講好。先帝不窮其奸，而與之盟，此已驗之效也。故得賊好言可聽，而不可怠，得賊惡言可防，而不足懼，不懼謂何，自治有素矣。

篇之六

客曰：虜常藉諸戎兵，靡卷來寇，故河朔之勢不支，于何以禦之？苟如子之策，可決勝乎？對曰：大衆不足，豈

也。其取勝者在。中軍而已。中軍不振。諸酋長且主崩。雖衆何賴。爲夫鎮定在河朔兵第一。今使悉衆從賊。中軍與相進退。令瀛魏軍當酋長。縱奇兵擊鈔騎。河南列屯營謹守。澶淵餘州皆清野以待。不逾月。賊必飢。飢必求戰。我畜銳不發。以羸畜弱卒嘗之。待其爭而罵。則整師犯之。無不敗。衆塗地矣。然中國不用兵五十年。軍有所不習。先屈而後勝。未可知。用之數年。習知委曲。則士心侈而樂鬪矣。士見所得財。珎馬半皆自取也。所上首級厚賞也。故事者卹其後。奔怯者無衆寡必戮。罰信而賞明。則士氣銳。將謀果。人心定。不止禦自來之賊。可北圖燕薊矣。夫燕薊契丹恃以爲強也。故太宗已平河東。而先取幽州。聖謀深矣。故不復慮北契丹不可臣。客曰。子言太高。恐不爲時所信。且陛下爲四海屈已。斥銀幣五十萬爲年賜。使者賀正月慶誕。曰。廷勞答賜。又十餘萬。西夏亦十餘萬。大抵直百萬歲棄之二。垂安天下。元元德至厚也。子欲輕動干戈。爲國生事。非策之宜。對曰。唯唯。太守所云。非謂欲朝廷舉兵討也。直因其來寇而預爲計耳。

賊之南牧。必先犯鎮定。邢趙瀛魏。以地平。戰易。賊有易擾而多獲也。所在發掘鈔略。終無顧衆意。大賊留吾境。大衆不輕動。吾可用奇矣。若令輕騎挾半月糧。出河東。以殘雲應。出雄州。以犯幽燕。泊戰船數千。載半歲食。出青萊。浮海以動營州。縱謀者告賊。能安然不畏乎。此賊之還。吾輕騎戰船矣。故彼歸。我出。我出。彼歸。不數年。賊出入險要。無不究。則彼自保不暇矣。朝廷又出寶貨。募使者走間道。賂新羅達。靺黑。水等諸戎。以謀士隨說之。許以重爵。割地與之。使叛契丹。彼不從。必露言於賊。賊且內相疑。若聽吾命。賊固失援矣。此皆伐謀紆難。可先計而後用者也。客曰。或言契丹歲得銀幣五十萬。庫積充滿。安肯自爲送款計。彼之來。不過畧河北數十州。固無五十萬之獲。賊雖愚。肯捨安受之賄。與朝廷決不可必之勝也。子試策之。此言是乎。非耶。答曰。今者虜君臣皆不肯。殆有是矣。彼其臣爲主謀曰。宋所輸珎寶。君皆自得之。今若縱兵鈔畧。所得財皆散於下。有功者君又將領府庫以賞。然而遠盟而戰。下得所欲。上喪所蓄。君

但有勝負之虞。將何事焉。太守策之。此非虜所以遲延自安。未肯作反計昭昭矣。

篇之七

客詰曰。子策契丹不及。然子之在中山。所統九州。重修樓櫓。濬壕隍。畜糧增馬。勸部伍。無日不討於兵。何不自安。對曰。客言非也。兵家有云。無恃敵不攻。恃吾所不可攻也。賊雖未叛。吾備可得弛乎。常治所以待亂也。不虞是其可虞也。前所謂虜王孱其子長也。而弟又凶德。一日虜王狗馬疾。弟與子必爭其位。爭而

古文國瑞集

卷之三十一

宋文卷三

勢分。有弱有強。強者與我為敵。弱者求我為助。許之強者。怒不許弱者。必致離於我。賊習知邊鄙怯懦。漠地富有。故攻所易攻。以自長雄。不可不為之備。又其弟得國。必恣狂勃。先剽劫於邊。無有素不憚者。將妄誅夷。雖不保終要能為疆場忠。朝廷尤須以兵鎮撫。所謂亂也。慶曆時虜王將叛。乞師於諸戎。皆以兵從之。約曰。所獲人畜財貨皆自取。衆胡喜。日夜馳且南向。會與虜和。各罷歸。衆胡皆恚曰。欺我使來。因大掠幽薊間數十縣去。契丹不能禁也。今虜王番遣王

綱約諸國借師。皆曰。又欲如前欺我乎。不肯出兵。故

去年八月遣使叩塞。告與西夏絕。正言其而禮厚。以

反謀未成。為詭計。沐朝廷之北虜耳。異時能得諸戎

兵。即又尋隙責言。肆其奢貪。此謂可虞也。故太守欲

朝廷自治。以待彼亂。常備不虞。笑待可虞也。又災歲

出貲百萬賜二虜。此寧無窮。而子孫計耶。水旱疾疫。

古今代有。假如萬分一中國遭三年之水旱。數千里

疾疫。南方治課不登。而上取無涯之財。填沙幕之北。

是自困天下者也。天下窮則厚取於民。厚取於民則

古文國瑞集

卷之三十一

宋文卷三

怨。怨而不亂者。未之有也。彼將乘吾之困。民之怨。責吾所輸。志氣直隲。歸曲於我。此不謂倒太阿假賊以柄乎。太守聞異。時縣官歲與銀。皆還入漢邊。相貿易。官得什六。歲益三四。則畧足。自慶曆後。虜禁止銀不得復入邊州。且十年。此欲困中國。非一日計也。自和盟以來。歲與三十萬者四十年。五十萬者十年。契丹所得銀幣凡七千百萬矣。春秋許夷狄者不一而足。有如他日賊復壓境。又欲如慶曆時增歲入之物。與之盟乎。故莫若先自治。待其來勒兵。固以威武示之。

如前所陳者。我威一立。與之盟則固。與之惠則悅。而易臣有所賜與。不過二三十萬。則天下之財不至乏。垂之後世而易遵焉。

答客問

尹源

客謂予曰。敢問人臣不忠孰爲大。曰無過爲大。客曰。過之爲言。失中之謂也。爲臣有是。則忤於事而害於治。君子善於無過。而子以爲不忠。惑矣。曰。余所謂無過者。非果能無過。衆人不以爲過。無迹可攻也。何則。自古人臣爲不忠者。未有不外示畏謹。循法度而能固其寵。久其權。以遂其邪者。內則爲宰相爲卿大夫。不敢主天下事。與進退賢不肖。曰。吾知循故事。爾專則罪也。外則爲郡爲邑。以至廉察一道。視政之弊。不敢。視民之疾。不敢去。曰。吾知奉法耳。違乃辟也。若此者。不唯時君以爲無過。天下之人亦以爲無過。苟終不能辨之。使內外相濟以成其俗。則國日削。民日弊。以至大亂而莫之禦。謂之忠可乎。忠臣則不然。一心公平。天下不以身之安危易其守。其行事也。或犯上之忌。或冒下之譏。若此者。不惟時君以爲過。天下之人亦以爲過矣。苟能辨之。使得行其道。則國享其利。民被其賜。謂之不忠可乎。故忠臣本於愛君。奸臣本於愛身。未有愛君而先其身。愛身而先其君者。客

曰如子之說仲山甫明哲保身萬石君崔光忠謹無過皆不忠乎曰若數子皆純乎其中非求無過之名以爲已利故忠臣之過小而必形奸臣之過大而不章世人徒見其形者以爲過也孔光張禹所以危漢宗林甫所以禍唐室曰然則人君何以辨之曰捨其迹而責其心術斯得矣

人臣以無過自保此國家之深患立論開明可感

論時事

韓琦

臣聞漢文帝襲高惠承平之後躬行節儉國治民安刑措不用時賈誼上書言事尚以爲可慟哭太息豈其過哉蓋憂深思遠圖長久之計欲大漢之業垂千萬世而無窮者也今陛下紹三聖之休烈仁德遠被天下大定民樂其生者八十餘載矣而臣切視時事謂可晝夜泣血非直慟哭太息者何哉蓋以西北二虜禍讎已成而上下泰然不知朝廷之危宗社之未安也臣今不暇廣有援引請粗陳其大槩切以契丹宅大漠跨遼東據全燕數十郡之雄東服高麗西臣元昊自五代迄今垂百餘年與中原抗衡日益昌熾至於典章文物飲食服玩之盛盡習漢風故虜氣愈驕自以爲咎時元魏之不若也非如漢之匈奴唐之突厥本以夷狄自處與中國好尚之異也近者復幸朝廷西方用兵遠約遣使求割關南之地以啓爭端朝廷愛念生民爲之隱忍歲益金幣之數且固前盟而尚邀獻納之奸謀招納亡命雖外示臣節而內恃兵力至元昊則好亂逞志西併其源諸蕃以拓境土

契丹之強不及元魏中原

自度種落強盛故僭號背恩非連契川欲成鼎峙之勢非如繼遷咎年跳梁於銀夏之間耳且元昊累歲盜邊官軍屢衄今乘定川全勝之氣而遣人納和則知其計愈深而其事可虞也議者或謂昨假契丹傳導之力必事無不合豈不思契丹既能使元昊罷兵則必能使元昊舉兵乎況比來辭禮驕抗殊未屈下非虜之言既已無驗亦恐有合從之策夾困中原朝廷若軫西民之勞暫求休養元元且以金帛陷之待以不臣之禮臣恐契丹聞之謂朝廷事力已屈則又

市文閣集卷之三十一
宋文卷三

遣使移書遇邀尊大之稱或求朝廷不可從之事其誓約然後驅犬羊之衆直趨大河復使元昊舉兵深寇關輔當是時未審朝廷以何術而禦之哉若委西鄙於藩臣專事非寇陛下親御六師臨潼淵以待之即未知今之將卒事力與環衛統帥比真宗北征時何如哉如欲駐蹕北京以張軍勢臣恐虜衆由德博渡河直趨京師則朝廷根本之地宗廟宮寢府庫倉廩百官六軍室家所在而一無城守之備陛下可以擁非京之衆却行而救之乎臣所以謂可晝夜位

血者誠憂及於此其陛下下一寤而惡爲極故也朝廷若謂今之盟約尚可固結則前三十年之信誓朝廷何負二虜而一旦違之哉彼豺狼之心見利而動又可推誠而待之乎夫得以先見預爲之防則功逸而事集若變生倉卒駭而圖之雖使良平復生爲陛下計亦不能及矣臣是以夙夜思之朝廷若不大新紀律則必不能革特弊而弭大患臣輒盡當今所宜先行者七事條列以獻其大畧一曰清政本夫樞密院本兵之地今所立多苛碎纖末之務中書公事雖不

市文閣集卷之三十一
宋文卷三

預聞恐亦類此謂宜詔中書樞密院事有例者著爲法可擬進者無面奏其餘微瑣可悉歸有司使得從容謀議賜對之際專論大事二曰念邊事今政府循故事纔午即出欲稍留則恐疑衆退朝食罷怒遽簽書而去何暇議及疆事哉謂宜須未正方出延此一時以專邊事論三曰擢材賢自承平以來用人以叙遷之法放遺才甚多近中書樞密院求一武臣代郭本祐聚議累日不能得謂宜倣祖宗舊制於文武中

次超擢以試其能四曰備河北自非虜通好三十

餘年武備悉廢近慢書之至。驟然莫知所謂宜選轉運使二員。密授經畧責以歲月使營守禦之備則我待之有素也。五曰固河東前歲吳賊陷豐州掠河外熟戶殆盡。麟府勢孤絕宜責本道帥度險要建城堡。省轉餉為持久之計。六曰收民心祖宗置內藏庫蓋備水旱兵革之用非私蓄財而克已欲也。自用兵以來財用匱竭官稍出金帛以佐邊用民力可寬而衆心安矣。七曰營洛邑今帝都無城隍之固以備非常議與葺則為張皇勞民不若陰營洛邑以為遊幸之所。歲運太倉羨餘之粟以實其廩庾皇居壯矣。所條七件言約旨深未段營洛更有遠見若從其言必無靖康之禍。

古文園集

卷之三十一

宋文卷三

第一第二等戶必是家藏錢銀阿為亦給官錢而其數更多則此兩利之計豈不昭著見

論青苗

王安石議行青苗法琦駁為陝西安撫使上疏力諫

韓琦

准轉運及提舉常平廣惠倉司牒給青苗錢須十戶以上為一保三等以下人為甲頭每戶支錢第五等及客戶毋得過千五百第四等三千第三等六千第二等十千第一等十五千餘錢委本縣量度增給三等已上更有餘錢坊郭戶有物業抵當願請錢五五家為一保依青苗例支借諸縣不得避出納之額致諸人扇搖入戶却稱不願請領如不願請領即具結

古文園集卷之三十一 宋文卷三

罪狀入馬通申以憑若選官曉諭如却願請本縣於繫人別作行道事理稍重具事申奏如夏秋收成物價稍貴願納錢者當議減市價錢數比元請錢十分不得過三分假令一戶請錢一千納錢不得過千三百臣竊以國之頒號令立法制必信其言而使民受實惠則四方觀聽孰不欣服伏詳熙寧二年詔書務在優民不使兼并乘其急以邀倍息皆以為民而公家無所利其入謂合先王散惠興利抑民豪奪之意也今乃鄉村自第一等而下物業抵當者依青苗例

支借且鄉村上三等新坊郭有物業戶乃從來兼井之家也。今皆彙得借錢每借一千令納一千三百。則是官放息錢與初詔抑兼并濟困之意絕相違戾。欲民信服不可得也。又鄉村每保須有物力人爲甲頭。雖云不得抑勒而上戶既有物力必不願請官吏防保。內下戶不能送納豈免差克甲頭以備代陪復峻責諸縣人不願請即令結罪申報若選官曉諭却有願請者則千繫人別作行遣或具申奏官吏懼提舉司勢可升黜又防選官曉諭之時豈無貧下浮浪願請之人勾免摺拾須行散配且下戶見官中散錢誰不願請。然本戶夏秋各有稅賦又有預買及轉運司和買兩色紬絹積年倚閣借貸麥種錢之類名目甚多。今更增納此一重出利青苗錢愚民一時借請則甚易至納時甚難故自制下以來一路官吏上下惶惑皆謂若不抑散則上戶必不願請近下等第與無業客戶雖或願請必難催納將來必有行刑督責及勒千繫書手典押耆戶長同保人等均陪之患大凡兼井所放息錢雖取利稍厚緣有通欠官中不許受

古文關雎集

卷之三十一

奎宋文卷三

理。往往舊債未償其半早已續得貸錢兼井者既資本故能使相因歲月漸而取之。今官貸青苗錢則不然須夏秋隨稅送納災傷及五分以上方許次科催還若連兩科災傷則必官無本錢接續支給官本因而渡有失陷其害明白如此更有緣此煩費虛擾之事不敢具述去歲河朔豐熟常平倉糴米斗錢不過七十五至八十五以來若乘時收歛過貴出糴不唯合於古制而無失陷之弊兼民間被惠亦足收其羨贏今諸方有糴入而提舉司亟令住止蓋盡要散充青苗錢指望三分之利收爲己功縣邑小官敢不奉行豈暇更恤貽民久遠之患哉諸路所行必料大率如此朝廷若謂陝西嘗放青苗錢宿有所得而民以爲便此乃轉運司因軍儲自關遇會冬涉春雨雪及時麥苗滋盛災見成熟行於一時則可也。今乃差官置司爲每春夏常行之法而取利三益豈換西權宜之比哉。兼初詔且於京東淮南北三路先行此法俟成次第即令諸路施行今此三路萬憂不能奉行而遽於諸路遍差提舉官以至西川廣南亦皆置使

古文關雎集

卷之三十一

奎宋文卷三

伏唯陛下自臨御以來夙夜憂勞勵精求治况承祖宗百年仁政之後民浸德澤唯知寬卹未嘗過擾若但躬行節儉以先天下常節浮費漸汰冗食自然國用不乏何必使興利之臣紛紛四出以致遠邇之疑哉欲望聖明更賜傳訪若臣言不妄乞盡罷諸路提舉官只委提點刑獄官依常平舊法施行

論青苗爲害公私之計甚詳不知荆公以何抵對

論西北和議疏

韓琦

臣伏見朝廷已封冊夏國又契丹以西征回來告當此之時若便爲太平無事則後必有大憂者三若以前日之患慮及經遠則後必有大利者一請畧言之自羗人盜邊以來於今七年小入大至未嘗剽其鋒今乘累勝之氣而與朝廷講和者得非凡軍興之物悉取其國人而所獲不償所費又以絕在邊和市上下困乏暫就稱臣之虛名而歲邀二十五萬之厚賂非爲得計耶且契丹勢素強而夏人尚敢與之抗衡

若使其歲享金繒及和市之利國內克實一旦我之邊備稍弛則必有大窺圖關輔之心此臣所謂後必有大憂者一也契丹昨以羗人誘致邊民遽往討伐既不得志而還見朝廷封冊曩賈其心必固不樂近謀者傳契丹國人語云往河西趨沙漠中所得者唯牛羊耳若議南牧則子女玉帛不勝其有臣恐契丹異日或更有邀求或請絕西人之和以廢盟誓且河北兵驕不練忽爾奔衝則必震動京師此臣所謂後必有大憂者二也又昔石晉假契丹力以得天下歲

石晉之始
與冊其輕
如此然則
非有大功
於國家而
遂求重
之哉
其鑒

遺縉帛三十萬。今朝廷歲遺契丹五十萬。夏國二十
五萬。使二虜日以富強。而國家取之於民。日以殷削。
不幸數乘水旱之災。則患生腹心。不獨在虜。此臣所
謂後必有大憂者三也。昨契丹自恃強盛。意欲并吞
夏人。倉卒興師。反成敗勢。犬羊之性。切於復讐。必恐
自此交兵不已。且夷狄相攻者。中國之利。此誠朝廷
養謀待釁之時也。若能內葺紀綱。外練將卒。休息民
力。蓄欲財用。以坐待二虜之弊。則幽薊靈夏之地。一
舉而可圖。振耀威靈。彈壓夷夏。豈不休哉。此臣所謂

古文國瑞集

卷之三十一

宋文公集

後必有大利者一也。臣願陛下深思去大憂而取大
利。則為天下之福。今范仲淹富弼往河東河北經制
邊事。必有所陳。然臣久在陝西。敢復陳陝西措置事
宜。且鄜延環慶涇原秦鳳四路。雖罷招討使。而邊備
不可弛。請仍選有才望近臣。為之主帥。特降手詔。為
之久任。使其經營一方。以備羗人翻覆之變。又四路
所駐兵十分中。宜留六分在邊。二分令東還。二分徒
屯近裏州軍。其鄜延路屯河中府。環慶涇原路徙屯
邠州永興軍。秦鳳路屯鳳翔府。逐路鈐轄一員。駐泊

都監二員。與逐路知州同行訓練。而本路仍領之。非
有事宜。不得輒抽動。其徙屯兵馬處。知州才望輕者。
請選入代之。又四路所抽就糧土兵。請委逐路帥臣
相度。歲分兩番。一番在邊。一番放歸本處。不唯減節
邊上糧草。兼使無久戍之勞。又陝西州軍經南郊賞
給之後。官帑倒皆空虛。今范仲淹若過陝西宣撫。則
又有軍間特支。從益所費。若臣策可行。陝西亦別無
虞置。不必仲淹更往也。復見諸路昨招置宣毅兵。近
十一萬。然朝廷物力未克。何以贍給。況閭里竊發。自

古文國瑞集

卷之三十一

宋文公集

有巡檢縣尉可以捕擊。若防群盜。只當益屯一路。都
會之地。不必每州盡要防守。其宜殺兵。欲乞除河北
河東外。其京東京西淮南兩浙江南荆湖福建等路
每指揮可減以三百人為額。後有闕即招填之。今天
下兵冗不精。輕費財用。陝西河東河北京東州軍。已
曾差官揀選。其餘路亦乞選近上內臣。分往揀選。所
貴冗食可蠲。而經費可給也。

韓范兩公俱於和議既成後有處置深慮大臣謀
國其忠如是

定州廳壁題名記

韓琦

郡縣守長有記於廳事之壁。前代無聞。唐始盛焉。當時名儒所述。則謂壁記非古也。若原地理。條物宜。陳山川之形勝。與風俗之好尚。則圖謀存焉。其所取者在乎彰善而志惡。名氏遷次。亦云未也。夫能推名氏以見善惡。謹遷次以尊王命。亦春秋之事也。雖於古未著。而今可廢乎。河朔並邊之郡。以十數。而定宿大兵據戰地。故朝廷所寄之重。不與他比。慶曆八年夏五月。始詔魏瀛鎮定四路帥。各兼安撫之職。定之帥。

古文國璋集

卷之三十一

宋文卷三

領定保深祁四州。廣信安肅順安永寧四軍。凡兵民之政。悉主之。首是任者。非得文武兼備之才。不可居。而誤及愚者。故臨治以來。惕焉自勉。以思報稱。幸時既久。吏民軍旅。率相信順。事日簡得。以補綴闕漏。因訪國朝以來。爲州者之次序。將刻石以傳焉。而吏曹狙於武事。不以圖籍爲惡。壞敗忘缺。卒不可究。若但取近年可記者書之。則又義無所本。今故以朝廷更制之始爲首。尊辟圖而勸新治也。夫已之爲政。是否固不可以自明。必俟後人述其行事。然後善惡詳焉。

則于與來者。既鏡其名氏。揭諸聽斷之所。朝夕視之。思不愧於後人。座右之誠也。可不謹乎。
嘉祐元年。公始拜樞密帥。定時猶未入政府。定大府也。蘇文忠亦爲之。

古文國璋集

卷之三十一

宋文卷三

諫垣存藁序

韓琦

夫善諫者無諷也。無顯也。主於理勝而已矣。故至於諷者。必優柔微婉。廣引譬喻。冀吾說之可行。而不知事不明辨。則忽而不聽也。主於顯者。必暴揚激訐。恐以危亡。謂吾言之能動。而不知論或過當。則怒而不信也。夫欲說而必聽。言而必信。苟不以理勝之為至難矣哉。琦景德中。任三司度支判官。以族貧求外補。得舒州。將行。而上以諫官缺。擢授右司諫。而留之。竊惟言責之重。非面折廷爭之難。蓋知體得宜為難。夫

古文國瑞集

卷之三十一

聖宋文卷三

得通明端樸高識傳學之士。則動必中理。日益君聽而使愚不肖者冒而處之。固不勝其任矣。遂兩上章辭不報。乃喟然自謂曰。上之知汝任汝之意厚矣。汝之所言。當顧體酌宜。至於理勝。而以至誠將之。茲所以報陛下而知任之之意。若知時之不可行。而徒為高論。以賣直取名。汝罪不容誅矣。在職越三載。凡明得失。正綱紀。辨忠良。擊權倖。時人所不敢言。必昧歔論列之。上寬而可其奏者。十八九。卒免重戮。進登掖垣。實前自為誠之力也。其所存藁。欲飲而焚之。以効

諫公此時
不以諫
自待

古人謹密之義。然念詩書所載。從諫而聖。君之德也。

褒闕而補。臣之忠也。前代諫諍之臣。嘉言讜議。布在

方策。使覽之者。知人主從善之美。致治之原。若皆削

而燔之。則後世何法焉。於是存而錄之。離為上中下

三卷。命曰諫垣存藁。以藏於家。竊志夫士之聽仁大

度。自三代漢唐以來。虛懷納諫。甚盛德之主。皆所不

及。復俾子孫傳而聞之。知直道之無咎。忠教之有迹

云。時慶曆二年三月十五日。秦亭西齋序。

魏鄭公以諫草視史官。唐文皇不悅我。朝王三

古文國瑞集

卷之三十一

聖宋文卷三

原自梓諫章有為。盡歸入禁中者。遽毀其書。若魏公此論。可以折之。

論河北七事

富弼

臣伏以河北一路蓋天下之根本也。古者未失燕燕之地。有松亭關。古北口。居庸關。爲中原險要。以隔閑甸。奴不敢南下。而歷代帝王尚皆極意防守。未嘗輕視。自晉祖失全燕之地。北方關險盡屬契丹。契丹之來。蕩然無阻。況又河朔士卒精悍。與他道不類。得其心。可以爲用。失其心。則大可以爲患。安得不留意於此。而反輕視哉。臣昨奉詔宣撫。自度河而北。徧詢土人。熟知祖宗以來邊防事機者。觀其所說。皆有條理。

古文園瑞集卷之三十一

聖宋文卷三

太祖太宗之時。契丹入寇。邊兵或有喪敗。而不能長驅。真宗初。邊兵亦少失。而有長驅之患者何哉。蓋太祖太宗時。屢曾出師。深入攻討。及寇至。又督諸將發兵禦戰。胡騎雖勝。知相繼開辟。援兵四至。無退藏之懼。是以忽忽出塞。不敢長驅也。洎真宗即位。懲喪師之。颺遂下詔。邊臣寇至。但令堅壁清野。不許出兵。縱不得已出兵。只許依城布陣。又臨陣不許相殺。賊知我不敢出戰。於是堅壁之下。不顧而進。一犯大名。一犯潼淵。是故雖無喪師之失。而有長驅之患。真宗再

從來但論
堅壁清野
此以我靜
制彼動也
堅壁于此
而援者四
至取攻
之勝耳若
但堅壁而
無選擊之
勢則寇足
以制敵哉

古文園瑞集卷之三十一

聖宋文卷三

駕河朔。幸而講和。不然事未可知也。臣嘗爲史官。劄覽國史。以土人之說參驗之。大畧相合。既得祖宗朝守禦利害。又伏思今來事體。不及祖宗朝。其事有七。朝廷號令不一。前後自相抵牾。事有緩急。四方不能遵行。非虜苟動。必有闕誤。此號令不及先朝嚴明一也。自西鄙用兵。今七年矣。大小凡經十餘戰。每戰必敗。官軍沮喪。望風畏怯。此威令不及先朝震赫二也。非虜之衆。又非西賊可比。苟有變動。何由以威武取勝。兩府大臣不敢主事。設有所主。斷然而行。則橫議

庫無不空虛。非虜一動。所費無涯。今未有財用所出之計。此財用不及先朝豐足五也。外有強敵窺中國。或攻或守。須得健將。今河朔止有一二人可充偏裨。五七人可於陣中役使。非虜苟動。大兵畢集。都未有將帥統領。此將帥不及先朝。有謀勇而輕戰陣。六也。軍政弛弛。士卒驕惰。居常少有鈴束。不過笞箠已也。謀殺害都將。結扇逃背。若急有調發。便當矢石。則豈無變亂。與外寇合勢為孽。昨保塞事起。滄州兵欲劫瀛州。莫州兵欲劫順安軍。自餘至城下者。無不白日劫人。殊無畏憚。其事甚近。可以為驗。此士卒不及先朝整肅七也。上件七事。盡臣目覩耳聞。不敢緘默。恐係邊防大計。伏望陛下特留聖念。以先朝已試之效。而革因循之弊。奮發宸斷。以為久長之策。不勝大幸。是時非事不及兩事。蓋西邊嘗用兵。而非不用兵。久故也。然為宋患者。非不在西。

招流民屯田疏

富弼

臣竊聞河朔軍儲。每歲不減六七百萬斛。自來本路賦入外。須更令客旅入中。方得充足。今水災之後。農民大半流徙。從來沃壤。盡為閑田。又河朔所占地土至多。無由耕稼。臣竊計見入之賦。不過三分之一。別路支撥增添。亦不過十萬斛。穀價增貴。必無入中之助。則是河北每歲軍儲。頓虧一半已上。雖朝廷極力救濟。臣知無以出辦。况別路所撥之物。已是那輟應副。若更減輟兩科。則彼自虛竭。必是難為支撥。民力不得不困。國用不得不窘。臣兼體量得河朔流民。東走登萊。離密。南奔淮楚。荆襄。西至并代關陝。北抵幽燕。及山後諸鎮。際離四散。無所不之。三二年間。唯二等有方。或可歸業。自餘流浪忘反。卒無還期。河朔逃田。盡成廢棄。河朔軍須。無以供億。若不早為籌劃。恐朝廷財用。殫耗。遂至不支。豈非為國之計也。臣嘗覽載籍。歷代備邊。守成。多屯田。趙克國守先靈。曹廉守西城。諸葛亮守魏。羊祜守吳。皆曠皆為成邊。旗多軍食不足。盡取營田之利。遂立破敵之功。况今陝西

河北緣邊甚有置屯田之處。法制多在增修不難。臣欲乞朝廷指揮河北州縣。去年逃田隨所在撥爲屯田。諸處抽差廂軍給使如不足。即募流民日得數千人。不必比招軍人。例勿支破衣糧。但量給口食粗令飽足。既免凍餒。必樂服田。況本是農家。不勞教勸。或更許收成後。十分中少給與一二分。以充贍養之資。則應募者其孰能禦之。兼自來經水。田土十倍肥濃。耕鑿之功。不甚勞力。但能布種在地。便有厚獲之望。至於農具牛畜。亦易爲經度。或慮災傷之後。難得牛

古文國瑞集

卷之三十一

聖

宋文卷三

畜。只用人亦可應急。若朝廷嚴切指揮。速令興作。必然。今秋便有所入。一二年後。不可勝食。纔候流民復業。遂旋據其元地給與。則向時流徙。不患其不歸也。方今至急之務。無出於此。伏惟聖慈早賜裁擇。

鄭公此奏開田不荒。流民得食。國家又可省費。賢於青州之招廂軍也。

論不可過待西使疏

富弼

臣近者竊聞吳賊遣其僞六宅使賀從勉齋書到闕。欲議通好。事頗秘密。臣不知審實。但外人傳說吳賊來書。未肯稱臣。別圖位號。兼臣昨在西京。聞居養疾。竊見傳宣下河西一路州軍。排備祗候西使次第甚盛。又令邊州通判。就驛相看。置酒管領。臣甚憂事體大過。必恐下面難爲處置。有失中國制馭夷狄之術也。臣又竊聞西使之來。非自然之意。蓋契丹特遣使往河西。教之令來。既是元昊稟契丹。使來貢奉。元昊不敢不從。即不假怒。可且持重與之商議。縱時下未合。必有後圖。今來請和。既不由元昊。使人豈能專其可否。以此思之。朝廷待西使不必過當。大凡措置機事。在乎制之於初。初若失宜。後難效應。臣又今日竊聞西使入見。賜與甚多。既許人使。僞官之稱。則元昊所圖。勢難止遏。苟一一遂其所欲。臣不知向去事體如何。況臣去年兩使非虜。所議西事。甚是分明。臣前後邀勒度數頗多。不能一一記憶。臣今省得再。去時與館伴劉六符所說一節。臣謂六符云。北朝將

來令元昊如何歸附。須是却令依舊納款。不可令別有所望。六符云。固是如此。况元昊自來稱臣於南朝。今來更待望甚。定是須令納款稱臣。况南朝與北朝書云。彼若翻然效順。此必待之如初。臣今記得上項一節甚明。伏乞朝廷檢會。臣再奉使過日。別錄照對方見的實。向者所許北虜歲添金帛之數。蓋爲令他指揮西事。初既不遵。張此名聲。今來又却不依舊約。則是虛受前耻。而不獲後效。甚可痛惜也。此事朝廷須是廣爲思慮。何者。北虜元許却令稱臣。今來自是

古文國瑞集

卷之三十一

宋文卷三

朝廷過有許可。亦恐北虜意不欲謂元昊於中國尚不肯稱臣。於我豈肯甘分。則是因此致他北虜亦難制。元昊亦自此所圖愈大也。若北虜遣使以此來問。則朝廷何辭以對。又慮元昊若不稱臣於朝廷。則北虜必曰。元昊本稱臣於南朝。今元昊既於南不復稱臣。漸爲敵國。則是元昊與南朝等。唯我契丹獨尊矣。臣謂北虜因此益熾。必自喜名分暗定。異日稍有隙隙。緣此若有所求。則未知朝廷何以待之。臣且又思此二事。將必有一焉。不可不深圖。不可不早慮。

願朝廷且執北虜所約。更加裁擇。不可容易過許。則不至別生後患。臣又恐延州及京師幹當事人。且貪成功。不爲國家思後來之患。伏乞陛下與兩府臣寮深切計慮。必無後悔。然後從而行之。則天下之幸。宗社之福。臣不勝懇懇之至。

鄭公請斬元昊使臣。見大臣意畧之雄斷於此。疏見大臣計慮之情。深真天下之偉人也。

歷代古文國瑞卷之終

古文國瑞集

卷之三十一

宋文卷三

歷代古文國瑋集卷之三十二

襄西方岳貢禹脩評選

宋文

乞令邊臣辨明地界

歐陽脩

臣伏見近日北虜於四望口起立寨柵及於銀坊治谷已來侵過南界壘石爲城寨等事竊以北虜竊立寨柵已違誓書然猶在彼界內可以作爲不知不須緊問兼萬一中國却合有興修去處可以引彼爲詞以塞問難雖然如此亦當早爲預備便合於界首分

古文國瑋集卷之三十二

宋文卷四

明界防彼亦必更南侵事既造形理須杜漸其如朝廷選任非人從來以定州一路付與李昭亮其人昏懦而不曉事机雖有勾當事人並不能先詞探得起寨事端及已立了寨柵又不能預防侵界之患直至因捉了巡邊指揮使湯則侵了銀坊以南邊地大興入夫壘立城寨至今終亦不能辨理疆界拒絕侵凌竊以北虜號爲大戎自古畏強欺弱今若便示以怯不爭于初則必更引其貪心別有侵擾養成事體漸大而不與之爭則爲患不細爭之則必起事端惟在

即今速爲處置據今事體不煩朝廷只委邊臣自可

了當然湯則被囚之後亦不聞別有聲書至今侵界

立寨等事但聞旋順止約彼既不聽亦別無謀臣近

體問得往年雄州西北亦曾爲北虜界立墩處舖

屋當時邊臣葛懷敏力以公牒往來爭辨却舖差

北人竟不敢爭況今來所侵南界百姓見耕種田中

地界分明易爲理會今來已蒙朝廷差王德基知定

州其人久在雄州頗諳邊事伏乞早降朝旨下邊臣

速令止絕辨理地界早見分明兼軍城西北山路險

古文國瑋集卷之三十二

宋文卷四

絕銀坊等口皆可出兵我於此口扼其險要是中國

必爭之地彼於今日侵得此一二十里則險固在彼

而他日行兵是彼可以來我不可往之勢以此言之

尤不比河東陽武天池等處侵地便因循不爭伏乞

朝廷早賜指揮王德基如旋順止約不得即須力與

論辨仍乞令檢會雄州安撫司等處往年會拆却舖

屋行遣今依此相度施行所只邊防不生他患取進

止

蠻夷不可示弱所以杜侵陵之漸

論契丹侵地界狀

歐陽脩

右臣伏見北虜近於界首添建城寨及拘囚定州巡兵湯則侵過銀坊冶谷地界等事竊聞朝廷至今未有分明嚴切指揮令邊臣以理爭辨竊料朝廷之意必謂爭之恐有引惹之虞此乃慮之過而計之失也夫虜性貪狼號為犬戎欺弱畏強難示以怯今杜之於早而力為拒絕猶恐不能若縱之不爭而誘其來侵乃是引惹況西山道路有三十餘處皆可行兵其險要所扼在于軍城銀坊等路竊彼奪據而不爭則北寨王柳等口漸更來侵豈能爭矣是則西山險要盡為彼奪一日使虜以大兵渡易水由威虜之西平陸而來以奇兵自飛狐出西山諸口而下則我腹背受敵之患不知何以禦之此蓋兵法必爭之地也且與人為隣敵而自棄險要任彼奪據而不爭雖使我弱彼強尚須勉強何況執鈞力敵又遣誓約而彼曲我直乎臣謂朝廷所以然者蓋由未察虜中疆弱之形而不得其情偽之實也臣又見朝廷常有懼虜之色而無憂虜之心夫憂之與懼名近而意殊憂者深

古文國朝集卷之三十二

宋文卷四

思遠慮而不敢暫忘懼者臨事惶惑而莫知所措今邊防之事措置多失其机者懼虜之意過深也若能察其疆弱之形得其情偽之實則今日之事誠不足懼而將來之患深有可憂奈何不憂其深可憂而反懼其不足懼且戎虜雖以戰射為國而耶律氏自初承其父祖與中國通和之後未嘗躬戰陣遭勦敵謀臣舊將又皆老死今其臣下如貫寧者無三兩人寧才不及中人已是彼之傑者所以君臣計事動多不臧當初對梁適遣使河西使與中國通好反議和垂就○不能小忍以邀中國厚利乃與元昊爭夾山小族途至交兵而累戰累敗亡人失馬國內瘡痍誅斂則前漢人怨怒往時虜殺漢人者罰漢人殺虜者死近聞反此二法欲悅漢人漢人未能收其心而虜人亦已怒矣又聞今春女真渤海之類所在離叛攻劫近纔稍安方且招輯敗亡修完器甲內恐國中之復叛外有西夏之為虞心自懷疑憂我乘虛而北襲故于界上勉強虛張因我巡兵侵我地界蓋其實弱而示疆者用兵之詭計故臣謂苟能察其疆弱知其情偽

古文國朝集卷之三十二

宋文卷四

屬人之見
猶如此

則無不爭之理。何必懼其不足懼哉。自國家困於西
鄙。用兵常慮北戎合謀乘隙而動。及見二虜相失而
交攻。議者皆云中國之福。夫幸其相攻爲我之福。則
不幸使其解仇而復合。豈不爲我禍乎。臣謂北虜昨
所以敗于元昊者。亦其久不用兵。驟戰而逢勦敵耳。
聞其自敗。以以來。君臣恐懼。日夜謀議。通拒丁巳。東
募甲兵。處處開教閱之場。家家括糧馬之數。以其天
姿驍勁之俗。加以日夜訓練之勤。則其強難敵矣。今
虜國雖未有人。然大抵爲國者久無事。則人難見。因

古文閣碑集卷之三十一

宋文卷四

用兵。則將自出。使其交戰。既頻而謀臣猛將爭能並
出。則是夾山一敗。警其四十年因循之弊。變驕心而
爲憤志。化惰卒而爲勁兵。因屢戰而得曉將。此乃北
虜之福。非中國之福也。此臣所謂將來之患者也。然
二虜執非久相攻者也。一二年間。不能相免。則必復
合。使北虜驅新勦之強兵。無西人之後害。而南向以
窺河北。則又將來之患者也。臣雖不知朝廷傾河
北爲如何。但於本路之事。以今年較去年。則亦可見
去年以前。河北官吏無大小。皆得舉材而擇能。急於

用人。如不及者。惟恐一事之失計故也。自今春以來。
差除漸循舊弊。凡幹敏之吏。熟于北方事者。舉留奏
乞。百不一從。不惟使材臣能吏。不勸而殆。亦足見朝
廷不憂河北之事。辦否也。至如廢緣邊久任之制。而
劉貽孫。以王世文當冀州。李中吉當廣信。王中庸
當保州。劉忠順當邢州。如此數人。于開僻州軍。尚憂
敗政。況于邊要之任乎。臣愚以朝廷不以北事爲憂。
則又怯懼如此。既曰懼矣。則於用人之際。又若忽而
不憂。此臣之所未論也。臣聞虜人侵我治谷。雖立寨

古文閣碑集卷之三十一

宋文卷四

屋三十餘間。然尚遲延。未敢便貯兵甲。更伺我意。
慢若不及。早毀拆。而少緩縱之。使其以兵守之。則尤
難爭矣。此旦夕之間。不可失也。至于湯則亦開四而
未敢殺。此亦不可不爭。臣願陛下但以將來之患者
憂。不忘此事。用人之際。革去舊例。而惟材是擇。勿聽
小人之謬謀。勿於忠良而疑。東使得上下畢力。庶幾
漸成禦備。至於目今小事。未銷過自怯懼。夫事之利
害。激切而言。則議者以爲太過。言不激切。則聽者或
未動心。此自古以爲難也。況未形之事。雖曰必然。而

敢冀盡信乎。伏望陛下留意聽納。不以人廢言。則庶竭愚替。少裨萬一。謹具狀奏聞。謹奏。
能懼而不能憂。乃是宋人一代之通病。

論兩制以上罷舉轉運使副省府推判官等職

歐陽脩

右臣近準御史臺牒為臣寮上言待制以上舉省府推判官轉運使副等事。奉聖旨。去年勅命更不行用。令臣知委者。臣竊詳臣寮上言。悉涉虛妄。蓋因近日陛下進退大臣。改更庶事。小人希合。欺罔天聰。臣試請辨之。據上言者云。若令兩制以上保舉。則下長奔競之路。方今上自朝廷。下至州縣。保舉之法多矣。只如臺官。亦是兩制以上舉。以至大理詳斷。審刑詳議。

刑部詳覆等官三路知州知縣通判選人改京官學官入國學。班行遷閣職武官克將領選人入縣令。下至天下茶鹽場務榷場及課利多處酒務。凡要切委遣無大小盡用保舉之法。皆不聞以奔競而廢之。豈可獨於省府等官偏長奔競而可廢。此其欺罔可知。知也。上言者又云。遂令端士並起。馳騁且馳騁。盡係小人。豈名端士。至如自來舉官之法多矣。豈能盡絕。小人干求。況自頒新勅以來。何人舊是端士。頓然改節。馳騁於何門而得舉。乞賜推究姓名。若果無之。則見

其欺妄可知也。上言者又云：不因請託，人莫肯言。此又厚誣之甚也。今內外臣寮，無大小，曾受人舉者十八九，豈可盡因請託而得？自兩府大臣而下，至外處通判以上，人人各曾舉官，豈可盡因請託而舉？若云其他舉官不請託，只此勅舉官須請託，即非臣所知也。今兩制之中，好人不少，繁難要害之地，皆已委信任用，豈可不如外郡通判等，不堪委任舉官？況兩制之臣，除此勅外，亦更別許舉官，豈可舉他官則盡公，惟此勅則頓私？請此其欺妄可知也。又云：每歲舉

古文國律集卷之三十一

九

一百五十人，致人多而爭差遣，臣算一人有三人舉至方，敢望差遣一百五十人，須一歲內有四百五十員兩制為舉主，今兩制不及五十人，使人人歲舉三人，即縱各是一人舉主，豈敢便爭差遣？況有不曾舉人者，或舉不及三人者，乞賜檢會，去年終兩制以上舉到人數，便可知其恣情欺妄也。近日改更政令甚多，惟此一事尤易辨明，故臣不避煩言而辨者，伏冀陛下因此深悟小人希合而欺妄也。緣自去年陛下用范仲淹富弼在兩府，值累年盜賊頻起，天下官吏

雖是如此，議論然未有人去而政行者，故大臣誠賢不可數易也。

古文國律集卷之三十一

十

多不得力，因此屢建舉官之議，然亦不是自出意見，皆先檢祖宗故事，請陛下擇而行之，所以元降勅文，首引國書為言是也。當時臣寮並不論議，近因仲淹等出外，與朝廷經畫邊事，讒嫉之人幸其不在左右，百端攻擊，只此事朝廷不暇審察，便與施行。臣昨見富弼自至河北，緣山傍海，經畫勤勞，河北人皆云：自來未有大臣如此其經畫，所得事亦不少。歸至國門，臨入而黜使河北官吏軍民見其盡忠，而不知其罪狀，小人貪勢希合，又不為朝廷惜事體，凡事攻擊，至今未已。況朝廷用人屢有進退，豈有一人纔出，便不問是非，盡改所行之事？若大臣一度進退，政令一度改更，如此紛紛，豈有定制？伏望陛下重察愛憎之私，辨其虛實之說，凡於政令更張，臣檢詳元降舉官勅意，亦是於國書檢用祖宗所行之法。今上言者却云：因諫官論列，致差遣不定，而有更張。事涉臣身，不敢自辨，然臣在諫署日，言事無狀，致今來臣寮指以為辭，豈可尚冒寵榮，不能自効，請從黜罰，以殫人言。臣伏見陛下聖德仁慈，保全忠正之士，進避之際

各有恩意。此所以能使忠臣義士忘身報國。至死而不已也。其今後臣寮希附上言。攻擊前兩府所行之事。乞賜辨明。擇其實有不便者。方與改更。庶全大體。則天下幸甚也。臣伏觀去年八月二日。元降勅命。節文云。比於國書。擇諸治要。見其官人之際。尤慎外臺之選。又云。然其進任。必屬近臣。又命告示賞罰之命。皆三朝之攸行。此是元議舉官因依。乞賜詳酌。臣無任激切祈天待罪之至。

要之保舉實不能免。請託然使朝廷功罪分明。則

請託正不足畏也。

論杜衍范仲淹等罷政事狀 歐陽脩

臣聞士不忘身不為忠。言不逆耳不為諫。故臣不避羣邪切齒之禍。敢干一人難犯之顏。惟賴聖明。幸加省察。臣伏見杜衍韓琦范仲淹富弼等。皆是陛下素所委任之臣。一旦相繼罷黜。天下之士。皆素知其可用之賢。而不聞其可罷之罪。臣雖供職在外。事不盡知。然臣竊見自古小人譏害忠賢。其說不遠。欲廣陷良善。則不過指為朋黨。欲動搖大臣。則必須誣以專權。其故何也。夫去一善人而眾善人尚在。則未為小人之利。欲盡去之。則善人少。過難為。一二求瑕。惟有指以為朋。則可一時盡逐。至如大臣已被知遇。而蒙信任。則難以他事動搖。惟有專權是上之所惡。故須此說。方可傾之。臣料衍等四人各無大過。而一時盡逐。弼與仲淹。委任尤深。而忽遭離間。必有以朋黨專權之說。上惑聖聰。臣請試辨之。昔年仲淹初以忠言謫論。聞于中外。天下賢士爭相稱慕。當時姦臣誣作朋黨。猶難辨明。自近日陛下擢此數人。並在兩府。察其臨事。可以辨也。蓋衍為人清慎。而謹守規矩。仲淹

則恢廓自信而不疑。琦則純正而質直。弼則明敏而果銳。四人爲性既各不同。雖皆歸於盡忠。而其所見各異。故於議事多不相從。至如杜衍欲深罪滕宗諒。仲淹則力爭而寬之。仲淹謂契丹必攻河東。請急脩邊備。富弼料以九事力言契丹必不來。至如尹洙亦號仲淹之黨。及爭水洛城事。韓琦則是尹洙而非劉滄。仲淹則是劉滄而非尹洙。此數事尤彰著。陛下素已知者。此四人者可謂天下至公之賢也。平日閒居則相稱美之。不服爲國議事。則公言廷諍而不私以

古文圖瑋集卷之三十一

宋文卷四

此而言。臣等與得漢史所謂忠臣有不和之節。而小人譏爲朋黨。可謂誣矣。臣聞有國之權。誠非臣下之得專也。然臣竊思仲淹等自入兩府已來。不見其專權之迹。而但見其善避權也。權者得名位則可行。故好權之臣必貪位。自陛下召琦與仲淹于陝西。琦等讓至五六。陛下亦五六召之。富弼三命學士。兩命樞密副使。每一命皆再三懇讓。讓者愈切。陛下用之愈堅。臣但見其避讓太繁。不見其好權貪位也。及陛下堅不許辭。方敢受命。然猶未敢別有所爲。陛下

見其皆未作事。乃特開天章。召而賜坐。授以紙筆。使其條事。然衆人避讓。不敢下筆。弼等亦不敢獨有所述。因此又煩聖慈。特出手詔。指定姓名。專責弼等。條列大事。而施行。弼等遲回。又近一月。方敢畧條數事。然仲淹深練世事。必知凡百難猛更張。故其所陳。志在遠大。而多若迂緩。但欲漸而行之。以久。冀皆有效。弼性雖銳。然亦不敢自出意見。但多舉祖宗故事。請陛下擇而行之。自古君臣相得一言。道合遇事便行。臣方怪弼等蒙陛下如此堅意委任。督責丁寧。而猶

古文圖瑋集卷之三十一

宋文卷四

遲緩自。然小人巧譖。已曰專權者。豈不哉。至如兩路宣撫。聖朝常遣大臣。汎自中國之威。近年不振。故元昊叛逆一方。而勞困及于天下。北虜乘機違盟而動。其書侮慢。至有貴國祖宗之言。陛下憤耻雖深。但以邊防無備。未可與爭。屈志買和。莫大之辱。弼等見中國累年侵凌之患。感陛下不次進用之恩。故各自請行。力思雪國家之前耻。沿山傍海。不憚勤勞。欲使武備再脩。國威復振。臣見弼等用心。本欲尊陛下威權。以禦四夷。未見其侵權而作過也。伏

惟陛下庸哲聰明。有知人之聖。臣下能否。洞見不遺。故於千官百辟之中。特選得此數人。驟加擢用。夫正士在朝。羣邪所忌。謀臣不用。敵國之福也。今此數人。一旦罷去。而使羣邪相賀於內。四夷相賀於外。此臣所以爲陛下惜之也。伏惟陛下聖德仁慈。保全忠善。退去之際。恩禮各優。今仲淹四路之任。亦不輕矣。惟願陛下拒絕羣謗。委任不疑。使盡其所爲。猶有裨補。方今西北二虜交爭未已。正是天與陛下經營之時。如弼與琦。豈可置之閑處。伏望陛下早辨讒巧。特加

古文國璋集卷之三十一

宋文卷四

圖任。則不勝幸甚。

力破朋黨專權四字。舉其實事而明之。更爲洞快。

論史館日曆狀

歐陽脩

右臣伏以史者國家之典法也。自君臣善惡功過。與其百事之廢置。可以垂勸戒。示後世者。皆得直書而不隱。故自前世有國者。莫不以史職爲重。伏見國朝之史。以宰相監修。學士修撰。又以兩府之臣撰時政記。選三館之士當升擢者。乃命修起居注。如此不爲不重矣。然近年以來。員具而職廢。其所撰述。簡略遺漏。百不存一。至於事關大體者。皆沒而不書。此實史官之罪。而臣之責也。然其弊在於修撰之官。推據諸司供報。而不敢書所見聞。故也。今時政記雖是兩府臣寮修纂。然聖君言動有所宣諭。臣下奏議事關得失者。皆不紀錄。惟書除目辭見之類。至於起居注亦然。與諸司供報公文無異。修撰官只據此銓次。繫以月日。謂之日曆而已。是以朝廷之事。史官雖欲書而不得書也。自古人君皆不自閱史。今撰述旣成。必錄本進呈。則事有諱避。史官雖欲書而又不可得也。加以日曆時政記起居注例。皆承前積滯相因。故纂錄者常務追修累年前事。而歲月旣遠。遺失莫存。至於

古文國璋集卷之三十一

宋文卷四

事在目。今可以詳於見聞者。又以追修積滯。不暇及之。若不革其弊。則前後相因。史官永無舉職之時。使聖朝典法。遂成廢墜矣。臣竊聞趙元昊自初僭叛。至復稱臣。始終一宗。事節皆不曾書。亦聞修撰官甚欲紀述。以修纂後時。追求莫得故也。其於他事。又可知焉。臣今欲乞特詔修時政記起居注之臣。並以德音宣諭。臣下奏對之語。書之。其修撰官不得依前只據諸司供報。編次除目辭見。並須考驗事實。其除某官若以某功。如伏青等破僂智高。文彥博等破王則之類。其貶某職者。坐某罪。如昨來麟州守將及并州臘籍綠白草平事。近日孫沔所坐之類。事有文據。及述狀明白者。皆備書之。所以使聖朝賞罰之典。可以勸善懲惡。昭示後世。若大臣用情。朝廷賞罰不當者。亦得以書為警戒。此國家置史之本意也。至於其他大事。並許史院據所聞見書之。如聞見未詳者。直牒諸處會問。及臣寮公議異同。朝廷裁置處分。並書之。已上事節。並令修撰官逐時旋據所得。錄為草卷。標題月分。於史院躬親入櫃封鎖。候諸司供報齊足。修為

論臺諫官言事未蒙聽允書

歐陽脩

月日具官臣歐陽脩謹昧死再拜上書于體天法道欽文聰武聖神孝德皇帝闕下。臣聞自古有天下者。莫不欲為治。君而常至於亂。莫不欲為明。主而常至於昏者。其故何哉。患於好疑而自用也。夫疑心動於中。則視聽惑於外。視聽惑。則忠邪不分。而是非錯亂。是非錯亂。則舉國之臣皆可疑。盡疑其臣。則必自用。其所見。夫以疑惑錯亂之意。而自用。則多失。上多失。則其國之忠臣。必以理而爭之。爭之不切。則人主之意難回。爭之切。則激其君之怒心。而堅其自用之意。然後君臣爭勝。於是邪佞之臣。得以因隙而入。希旨順意。以是為非。以非為是。惟人主之所欲者。從而助之。夫為人主者。方與其臣爭勝。而得順意之人。樂其助已。而忘其邪佞也。乃與之并力。以拒忠臣。夫為人主者。拒忠臣而信邪佞。天下無不亂。人主無不昏也。自古人主之用心。非惡忠臣而喜邪佞也。非惡治而好亂也。非惡明而欲昏也。以其好疑自用。而與下爭勝也。使為人主者。豁然去其疑心。而回其自用之意。

則邪佞遠而忠言入。忠言入則聰明不惑。而萬事得其宜。使天下尊爲明主。萬世仰爲治君。豈不臣主俱榮而樂哉。與其區區自執。而與臣下爭勝。用心益勞。而事益惑者。相去遠矣。臣聞書載仲虺稱湯之德曰。改過不憚。又戒湯曰。自用則小。成湯古之聖人。也不能無過。而能改過。此其所以爲聖也。以湯之聰明。其所爲不至於繆戾矣。然仲虺猶戒其自用。則自古人主。惟能改過。而不敢自用。然後得爲治君明主也。臣伏見宰相陳執中。自執政以來。不叶人望。累有過惡。招致人言。而執中遷延。尚玷宰府。陛下憂勤恭儉。仁愛寬慈。堯舜之用心也。推陛下之用心。天下宜至于治者久矣。而綱紀日壞。政令日乖。國日益貧。民日益困。流民滿野。濫官滿朝。其亦何爲而致此。由陛下用相不得其人也。近年宰相多以過失因言者罷去。陛下不悟宰相非其人。反疑言事者好逐宰相。疑心一生。視聽既惑。遂成自用之意。以謂宰相當由人至。自去不可因言者而罷之。故宰相雖有大惡顯過。而屈意以容之。使雖惶恐。自欲求去。而屈意以留之。雖天

災水旱。飢民流離。死亡道路。皆不暇顧。而屈意以用之。其故非他。直欲沮言事者爾。言事者何負於陛下哉。使陛下上不顧天災。下不恤人言。以天下之事。委一不學無識。恣邪狠復之執中。而甘心焉。言事者本欲益於陛下。而反損聖德者多矣。然而言事者之心。本不圖至於此也。由陛下好疑自用。而自損也。今陛下用執中之意益堅。言事者攻之愈切。陛下方思有以取勝於言事者。而邪佞之臣。得以因隙而入。必有希合陛下之意者。將曰。執中宰相。不可以小事逐。不可使小臣動搖。甚者則誣言事者欲逐執中。而引用他人。陛下方患言事者。上忤聖聰。樂聞斯言之順意。不復察其邪佞而信之。所以拒言事者益峻。用執中益堅。夫以萬乘之尊。與三數言事小臣角。必勝之力。萬一聖意必不可回。則言事者亦當知難而止矣。然天下之人。與後世之議者。謂陛下拒忠言。庇愚相。以陛下爲何如主也。前日御史論梁適罪惡。陛下赫然空臺而逐之。而今日御史又復敢論宰相。不避雷霆之威。不畏權臣之禍。此乃至忠之臣也。能忘其身。

而愛陛下者也。陛下嫉之惡之拒之絕之執中爲相。使天下水旱流亡。公私困竭。而又不學無識。憎愛挾情。除改差繆。取笑中外。家私穢惡。流聞道路。阿意順旨。專事逢君。此乃諂下傲下。懷戾之臣也。陛下愛之重之不忍去之。陛下睿智聰明。羣臣善惡無不照見。不應倒置如此。直由言事者太切而激成陛下之疑。感爾執中不知廉耻。復出視事。此不足論。陛下豈忍因執中上累聖德。而使忠臣直士卷舌於明時也。臣願陛下廓然回心。釋去疑慮。察言事者之忠。知執中

古文國璋集

卷之三十一

主

宋文卷四

之過惡。悟用人之非法。成湯改過之聖。遵仲虺自用之戒。盡以御史前後章疏。出付外廷議。正執中之過惡。罷其政事。別用賢材。以康時務。以拯斯民。以全聖德。則天下幸甚。臣以身叨恩遇。職在論思。意切言狂。罪當前死。臣昧死再拜。

大凡人主誤用一不才之人。有因人言而益堅者。皆起于多疑。而成于求勝。故歐公從其本而救之。

論修河第二狀

歐陽脩

臣伏見學士院集兩省臺諫官。議修河事。未有一定之論。蓋由賈昌朝欲復故道。李仲昌請開六塔。互執一說。莫知孰是。以臣愚見。皆謂不然。言故道者。未詳利害之原。述六塔者。近乎欺罔之繆。何以言之。今謂故道可復者。但見河北水患。而欲還之京東。然不思天禧以來。河水屢決之因。所以未知故道有不可復之執。此臣故謂未詳利害之原也。若言六塔之利者。則不攻而自破矣。且開六塔。既云減得大河水勢。然

古文國璋集

卷之三十一

主

宋文卷四

今恩冀之患。何緣告危急。此則減水之利虛妄可知。開六塔者。又云可以全回太河。使復橫壠故道。見今六塔只是分減之水下流。無歸已爲濱棣德博之患。若全回大河。以入六塔。則其害如何。此臣故謂近乎欺罔之繆也。臣聞河本泥沙。無不淤之理。淤澱之執。常先下流。下流淤。高水行不快。乃自上流低下處決。此其常勢也。然避高就下。水之本性。故河流已棄之道。自是難復。臣不敢遠引書史。廣述河源。只以今所欲復之故道。言天禧以來屢決之因。初天禧中。河

出京東。水行於今所謂故道者。水既淤澁。乃於滑州天臺埽決。尋而修塞水。復故道。未幾又於滑州南鐵狗廟決。其後數年又議修塞水。令復故道。臣而又於王楚埽決。所決差小。與故道分流。然而故道之水。終以壅淤。故又於橫壠大決。是則決河。非不能力塞。故道非不能力復。不久終必決於上流者。由故道淤高。水不能行。故也。及橫壠既決。水流就下。所以十餘年間。河未爲患。至慶曆三四年。橫壠之水。又自下流先淤。是時臣爲河北轉運使。海口已淤一百四十餘里。其後遊金赤三河。相次又淤。下流飭梗。乃又於上流商胡口決。然則京東橫壠兩河故道。皆是下流淤塞。河水已棄之高地。宗東故道。屢復屢決。理不可復。其驗甚明。則六塔所開故道之不可復。不待言而易知。臣聞議者計度京東故道。功料止云銅城已上地高。不知大抵東去皆高。而銅城已上乃特高耳。其東北銅城已上則似低。比商胡已上則實高也。若云銅城已東地勢斗下。則當日水流。空決銅城已上。何緣而頓淤橫壠之口。亦何緣而大決也。然則兩河故道。既

皆不可爲。則河北水患何爲而可去。臣聞智者之於事。有不能必。則較其利害之輕重。擇其害少者而爲之。猶勝害多而利少。何況有害而無利。此三者可較而擇也。臣見往年商胡初決之時。議欲修塞。計用一千八百萬。稍芟科配。六路一百有餘州軍。今欲塞者。乃往年之商胡。必須用往年之物。數至於開鑿故道。張奎元計。功料極大。後來李參等減得全少。猶用三十萬人。然欲以五十步之狹。容大河之水。此可笑也。又欲增一夫所開三赤之方。倍爲六尺。且濶厚三尺。而長六尺。已是一倍之功。在於人力。已爲勞苦。若云六尺之方。以開方法算之。乃八倍之功。此豈人力之所勝。是則前功浩大而難興。後功雖小而不實。大抵塞商胡。開故道。凡二大役。皆困國而勞人。所舉如此。而欲開難復。屢決已驗之故道。使其虛費。而商胡不可塞。故道不可復。此所謂有害而無利者也。就使幸而暫塞暫復。以紓目前之患。而終於上流必決。如龍門橫壠之比。重以困國勞人。此所謂利少而害多也。若六塔者。於大河有減水之名。而無減水之實。今下

流所散爲患已多。若全回大河以注之。則濱隸德博河北所仰之州。不勝其患。而又故道淤澁。上流必有他決之虞。此直有害而無利耳。是智者之不爲也。今若因水所在。增治堤防。疏其下流。浚以入海。則可無決溢散漫之虞。今河所歷數州之地。誠爲患矣。堤防歲用之夫。誠爲勞矣。與其虛費天下之財。虛舉大衆之役。而不能成功。終不免爲數州之患。勞歲用之夫。則此所謂害少者。乃智者之所擇也。大抵今河之執。負三決之虞。復故道上流。必決。開六塔上流。亦決。今古文圖瑋集卷之三十一。手宋文卷四。河下流若不浚。使入海。別上流亦決。臣請選知水利之臣。就其下流。求其入海之路。而浚之。不然。下流梗澁。則終虞上決。爲患無涯。臣非知水者。但以今事目可驗者而較之耳。言狂計愚。不足以備聖君博訪之求。此大事也。伏乞下臣之議。廣謀于衆。而裁擇之。謹具狀奏聞。伏候勅旨。

大禹治河。皆從下流。用功然。下流無定。河執之所趨。卽下流也。歐公欲固利。就便不爲高奇之論。固已識河之性矣。

論修河第三狀

歐陽修

右臣伏見朝廷定議開修六塔河口。回水入橫壠。故道。此大事也。中外之臣。皆知不便。而未有肯爲國家極言其利害者。何哉。蓋其說有三。一曰畏大臣。二曰畏小人。三曰無奇策。今執政之臣。用心於河事。亦勞矣。初欲試十萬人之役。以開故道。既又捨故道而修六塔。未及興役。遽又罷之。已而終爲言利者所勝。今又復修。然則其執難於復止也。夫以執政大臣。銳意至其事。而又有不可復止之執。固非一人一口舌可回。古文圖瑋集卷之三十一。手宋文卷四。此所以雖知不便。而罕有言也。奪仲昌小人利口。但言衆所共惡。今執政之臣。既用其議。必主其人。且自古未有無患之河。今河浸恩冀。目下之患雖小。然其患已形。回入六塔。將來之害必大。而其害未至。夫以利口小人爲大臣所主。欲與之爭。未形之害。執必難奪。就使能奪其議。則言者猶須獨任恩冀爲患之責。使仲昌得以爲辭。大臣得以歸罪。此所以雖知不便。而罕敢言也。今執政之臣。用心太過。不思自古無不患之河。直欲使河不爲患。若得河不爲患。雖竭人力。

猶當爲之況聞仲昌利口詭辨謂費物少而用功不多。不得不信爲奇策。於是決意用之。今言者謂故道既不可復。六塔又不可修。詰其如何。則又無奇策以取勝。此所以雖知不便而罕肯言也。衆人所不敢言。而臣今獨敢言者。臣謂大臣非有私仲昌之心也。直欲興利除害爾。若果知其爲患愈大。則豈有不回者哉。至于顧小人之後患。則非臣之所慮也。且事欲知利害。權重輕。有不得已。則擇其害少而患輕者爲之。此非明智之士不能也。況治水本無奇策。相地執謹。

古文國瑋集

卷之三十三

宋文卷四

隄防順水性之所趨爾。雖大禹不過此也。夫所謂奇策者。不大利則大害。若循常之計。雖無大利亦不至大害。此明智之士善擇利者之所爲也。今言修六塔者。奇策也。然終不可成。而爲害愈大。言順水治堤者。常談也。無大利亦無大害。不知爲國計者。欲何所擇哉。若謂利害不可必。但聚大衆興大役。勞民困國。以試奇策。而僥倖于有成者。臣謂雖執政之臣亦未必肯爲也。臣前已具言河利害甚詳。而未蒙採聽。今復畧陳其大要。惟陛下詔訂議之。臣謂河水

未始不爲患。今順已決之流。治堤防於恩冀者。其患一而遲塞商胡。復故道者。其患二而速開六塔。以回今河者。其患三而爲害無涯。自河決橫隴以來。大名金堤埽歲歲增治。及商胡再決。而金堤益大加功。獨恩冀之間。自商胡決後。議者貪建宗河之策。未嘗留意於堤防。是以今河水執浸溢。今若專意併力於恩冀之間。謹治隄防。則河患可禦。不至于大害。所謂其患一者。十數年間。今河下流淤塞。則上流必有決處。此一患而遲者也。今欲塞商胡口。使水歸故道。治堤

古文國瑋集

卷之三十二

宋文卷四

修埽。功料浩大。勞人費物。因弊公私。此一患也。幸而商胡可塞。故道復歸。高淤難行。不過一二年間。上流必決。此二患而速者也。今六塔河口。雖云已有上下約。然全塞大河正流。爲功不小。又聞六塔河道治二千餘里。堤防移一縣兩鎮。計其功費。又大於塞商胡數倍。其爲因弊公私。不可勝計。此一患也。幸而可塞。水入六塔而東。橫流散溢。濱棣德博與齊州之界。咸被其害。此五州者。素號富饒。河北一路。財用所仰。今引水注之。不惟五州之民。破壞田產。河北一路。坐見

貧虛。此二患也。三五年間。五州凋弊。河流注溢。久之淤高。流行梗澁。則上流必決。此三患也。所謂爲害而無涯者也。今爲國誤計者。本欲除一患而反就三患。此臣所不喻也。至如六塔不能容大河。橫壠故道。本以高淤難行。而商胡決。今復驅而注之。必橫流而散溢。自滄至海二千餘里。堤埽不可卒修。修之雖成。又不能捍水。如此等事甚多。士無愚智。皆所共知。不待臣言而後悉也。臣前未奉使契丹時。已嘗具言故道六塔皆不可爲。惟治堤順水爲得計。及奉使往來河

北詢於知水者。其說皆然。雖恩冀之人。今被水患者。亦知六塔不便。皆願且治恩冀隄防爲是。下情如此。誰爲上通。臣既知其詳。豈敢自默。伏乞聖慈。特諭宰臣。使更審利害。速罷六塔之役。差替李仲昌等不用。選一二精幹之臣。與河北轉運使副。及恩冀州官吏相度隄防。併力修治。則今河之水。必不至爲大患。且河水天災。非人力可回。惟當順導防捍之而已。不必求奇策。立難必之功。以爲小人僥冀恩賞之資也。況功必不成。後悔無及者乎。臣言狂計愚。惟陛下裁擇。審擇利害。極爲精明。

論水災疏

歐陽脩

七月六日翰林學士朝散大夫尚書吏部郎中知制誥充史館修撰判太常寺兼禮儀事輕車都尉賜紫金魚袋臣歐陽某謹昧死再拜。上疏于體天法道欽文聰武聖神孝德皇帝陛下。臣伏覩近降詔書。以雨水爲災。許中外臣寮上封言事。有以見陛下畏天愛人。恐懼修省之意也。竊以雨水爲患。自古有之。然未有水入國門。大臣輒走。滄浸社稷。破壞都城者。此蓋天地之變也。至於王城京邑。浩如陂湖。衝溺奔逃。號

呼晝夜。人畜死者。不知其數。其幸而免者。屋宇摧塌。無以容身。縛棧露居。上兩下水。纍纍老幼。狼籍于天街之中。又聞城外墳塚。亦被浸注。棺槨浮出。骸骨漂流。此皆聞之可傷。見之可憫。生者既不安其室。死者又不得其藏。此亦近世水災。未有若斯之甚者。此外四方奏報。無日不來。或云開塞城門。或云衝破市邑。或云河口決千百步濶。或云水頭高三四丈餘。道路隔絕。田苗蕩盡。是則大川小水。皆出爲災。遠方近畿。無不被害。此陛下所以警懼莫大之變。隱惻至仁之

心廣為諮詢。冀以消復竊以天人之際影響不遠。未有不召而自至之災。亦未有已出而無應之變。其變既大。則其憂亦深。臣愚謂非小小存衛。可以塞此大異也。必當思宗廟社稷之重。察安危禍福之機。追已往之闕失。防未萌之患害。如此等事。不過一二而已。自古人君必有儲副。所以承宗社之重。而不可闕者也。陛下臨御三十餘年。而儲嗣未立。此久闕之典也。近聞臣寮多以此事為言。大臣亦嘗進議。陛下聖意久而未決。而庸臣愚士。知小忠而不知大體者。因以為異事。遂生嫌疑之論。此不思之甚也。且自古帝王有子至三二十人者甚多。材高年長。羅列于朝者亦眾。然為其君父者。莫不皆享無窮之安。豈有所嫌而斤其子耶。若陛下鄂王豫王皆在。至今則儲官之難久矣。世之庸人。偶見陛下久無皇子。忽聞此議。遂以云云爾。且禮曰。一有元良。萬國以正。蓋謂定天下之根本上。承宗廟之重。亦所以絕臣下之邪謀。自古儲嗣所以安人主也。若果如庸人嫌疑之論。則是常無儲嗣。則人主安有儲嗣。則人主危。此臣所謂不思之

儲之儲

甚也。臣又見自古帝王建立儲嗣。既以承宗廟之重。又以為國家美慶之事。故每立太子。則不敢專享其美。必大赦天下。凡為人父後者。皆被恩澤。所以與天下同其慶喜。然則非惡事也。漢文帝初即位之明年。羣臣再三請立太子。文帝再三謙讓而後從之。當時羣臣不自疑而敢請。漢文帝亦不疑其臣有二心者。臣主之情通故也。五代之主。或出武人。或出夷狄。如後唐明宗尤惡人言太子事。羣臣莫敢正言。有何澤者。嘗上書乞立太子。明宗大怒。謂其子從榮曰。羣臣欲以汝為太子。我將歸老於河東。由是臣下更不敢言。然而漢文帝立太子之後。享國長久。為漢太宗。是則何害其為明主也。後唐明宗儲嗣不早定。而秦王從榮後以舉兵窺覲。陷于大禍。後唐遂亂。此前世之事也。況聞臣寮所請。但欲擇宗室為皇子爾。未即以為儲貳也。伏惟陛下仁聖聰明。洞鑒今古。必謂此事國家大計。當重慎而不可輕發。所以遲之耳。非惡人言而不欲為也。然朝廷大議。中外已聞。不宜久而不決。昨自春首以來。陛下服藥于內。大臣早夜不敢歸

動之以可
樂所以破
其不解之
嫌

當時以大
將得軍情
為危事獨
是五代之
陋習

家飲食醫藥侍于左右。如人子之侍父。自古君臣未
有若此之親者也。下至羣臣士庶婦女嬰孩。晝夜禱
祈填咽道路。發于至誠。不可禁止。以此見臣民盡忠
蒙陛下之德厚。愛陛下之意深。故為陛下之慮遠也。
今之所請。天下臣民所以為愛君計也。陛下何疑而
不從乎。中外之臣。既喜陛下聖躬康復。又欲見皇子
出入宮中。朝夕問安。侍膳于左右。然後文武羣臣奉
表章為陛下賀。辭人墨客稱述本支之盛。為陛下歌
之頌之。豈不美哉。伏願陛下出於聖斷。擇宗室之賢
者。依古禮文。且以為子。未用立為儲副也。既可以徐
察其賢否。亦可以俟皇子之生。臣又見樞密使秋青
出自行伍。遂掌樞密。始初議者以為不可。今三四年
間。外雖未見過失。而不幸有得軍情之名。且武臣掌
國機密。而得軍情。豈是國家之利。臣前有封奏其說
甚詳。具述青米是壽材。但於今世將率中。稍可稱耳。
雖其心不為惡。不幸為軍士所喜。深恐因此陷青以
禍。而為國家生事。欲乞且罷青樞密。在一州。既以
保全青。亦為國家消未萌之患。蓋緣軍中士卒及閭

古文國璋集

卷之三十三

帝

宋文卷四

巷人民。以至士大夫間。未有不以此事為言者。惟陛
下未知之爾。臣之前奏。乞留中而出自聖斷。若陛下
猶以臣言為疑。乞出臣前奏。使執政大臣公議。此二
者。當今之急務也。凡所謂五行災異之學。臣雖不深
知。然其大意。可推而見也。五行傳曰。簡宗廟則水為
災。陛下嚴奉祭祀。可謂至矣。惟未立儲貳。易曰。主器
莫若長子。殆此之鑒戒乎。至于水者陰也。兵亦陰也。
武臣亦陰也。此推類而易見者。天之譴告。苟不虛發。
惟陛下深思而早決。庶幾可以消弭災患。而轉為福
應也。臣伏觀詔書曰。悉心以陳。無有所諱。故臣敢及
之。若其他時政之失。必有羣臣應詔為陛下言者。臣
言狂計愚。惟陛下裁擇。臣昧死再拜。
仁宗春秋高而無子。多所忌諱。故不為憂危之詞。
而進以喜樂之事。

古文國璋集

卷之三十三

帝

宋文卷四

論賈昌朝除樞密使劄子

歐陽脩

臣伏見近降制書。除賈昌朝爲樞密使。旬日以來。中外人情。莫不疑懼。縉紳公議。漸以沸騰。蓋緣昌朝稟性回邪。執心傾險。頗知經術。能文飾姦言。好爲陰謀。以陷害良士。小人朋附者衆。皆樂爲其用。前在相位。累害善人。所以聞其再來。望風恐畏。陛下聰明仁聖。勤儉憂勞。每于用人。尤所審慎。然而自古毀譽之言。未嘗不並進于前。而聽察之際。人主之所難也。臣以謂能知聽察之要。則不失之矣。何謂其要在先察毀

古文園瑋集卷之三十一

宋文卷四

譽之人。若所譽者君子。所毀者小人。則不害其進用矣。若君子非之。小人譽之。則可知其人不可用矣。今有毅然立於朝。危言讜論。不附人主。不附權臣。其直節忠誠。爲中外素所稱信者。君子也。如此等人。皆以昌朝爲非矣。宦官宦女。左右使令之人。往往小人也。如此等人。皆以昌朝爲是矣。陛下察此。則昌朝爲人可知矣。今陛下之用昌朝。與執政大臣謀而用之乎。獨立朝忠正之士。謀而用之乎。與左右近習之臣。謀而用之乎。或不謀於臣下。斷自聖心而用之乎。昨聞

昌朝陰結宦豎。構造事端。謀動大臣。以圖進用。若陛下

下與執政大臣謀之。則大臣執在嫌疑。必難啓口。若立朝忠正之士。則無不以爲非矣。其語終昌朝以爲可用者。不過宦官左右之人爾。陛下用昌朝。爲天下而用之乎。爲左右之人而用之乎。臣伏思陛下必不爲左右之人而用之也。然左右之人。謂之近習。朝夕出入。進見無時。其所說。能使入主不覺其漸。昌朝善結宦官。人人喜爲稱譽。朝一人進一言。暮一人進一說。無不稱昌朝之善者。陛下視聽漸熟。遂簡在于

古文園瑋集卷之三十一

宋文卷四

聖心。及將用之時。則不必與謀也。蓋稱薦有漸。久已熟于聖聰矣。是則陛下雖斷自聖心。不謀臣下。而用之。亦左右之人積漸稱譽之力也。陛下常患近歲以來。大臣愷愷。連爲言事者。彈擊。蓋由用非其人。不叶物議。而然也。今昌朝身爲大臣。見事不能公論。乃結交中貴。因內降以起獄。以此規圖進用。竊聞臺諫方欲論列其過惡。而忽有此命。是以中外疑懼。物論喧騰也。今昌朝未來。議論已如此。則使其在位。必不免言事者上煩聖聽。若不爾。則昌朝得遂其志。傾害善

人壞亂朝政。必虧國家生事。臣愚欲望聖慈。抑左右陰薦之言。採縉紳公正之論。早罷昌朝。還其舊鎮。則天下幸甚。臣官爲學士。職號論思。見聖心求治甚勞。而一旦用人偶失。而外廷物議如此。既有見聞。合思裨補。取進止。

人主不繇公議而獨任一人。未有不矜其獨斷者。而臣下以公議持之。則以爲下比而奪君上之權。故人主愈疑公論。愈不勝而小人愈安。而不知所謂獨斷者。乃左右之所以陰用而有力者也。人主以爲違公論而獨用一人。則其人必無黨比。而盡心于我。可得其用。又不知公論既去。雖有賢者。亦無以倡率羣謀。集天下之事。況其如昌朝者乎。故曰人主非公論不可。獨斷獨斷而違公論者。亦未有能得一人之力者也。

論契丹求御容劄子

歐陽脩

臣伏見契丹所遣汎使。專爲御容而來。中外之議。皆謂前歲既已許之。於理不可中止。失於不早踐言。至彼非時造使。及朝夕以來。傳聞頗異。或云大臣共議欲遂拒而不與。若然則臣恐釁隙之端。自此而始。禍患之起。未易遽言。大凡爲國謀事者。必先明信義。重曲直。酌人情。量事勢。四者皆得。然後可以不疑。苟一有未然。尚恐敗事。況四者俱失。豈可不思。契丹與中國通盟久矣。而嚮來宗真特于信好。自表慙慙。別有家書。繼以畫像。聖朝納其來意。許以報之。而乃遷延至今。遂欲食言而中輟。是則彼以推誠結我。我以不信待之。失信傷義。甚非中國待夷狄之術。而又其曲在我。使彼易以爲辭。自南北通和以來。信問往復之際。每於報答。常從優厚。假借既久。其心已驕。況此畫像之來。特表慙慙之意。是則於平常之禮。厚報以驕之。慙慙之來。則不報以沮之。沮之。則之彼必怒。不報彼必耻。懷耻畜怒。何所不爲。此人之常情也。許其父。不許其子。厚薄之際。此亦人情之難處也。臣竊見契丹來

書初無寒溫候問之言。直以踐言孤約爲說。其意倖於必得。若此時被沮。執必更來。事既再三。豈能堅執。若待其失于遜順。已成釁隙。然後與之。則重爲中國之辱。又使夷狄謂中國難以恩意交。惟可以執力脅。因之引惹。別有它求。則爲後患。何可涯哉。今虜主雖弱。而中國邊備未完。廟謀未勝。未可生事。而欲執我曲彼直之議。以起戎而結禍。夫察彼事執。必不能中止。量我事執。又未能必沮之。臣故曰四者俱失也。臣又聞虜使入境之日。地震星殞。變異非常。先事深防。

古文園璋集

卷之三十一

罕

宋文卷四

猶恐不及失計招禍。豈可自爲。臣願聖慈出於獨斷。勿沮其善意。無失我信言。臣今欲乞回諭虜中。告以誓約。直候今冬。因遣常使時與之。則於事體稍便。伏乞速下兩府商議。上繫國家利害。臣不敢不言。今取進止。

敵國之禮有事不可過怯。無事不可過慢。歐公所以重失遼人之意也。

論選皇子疏

歐陽修

八月日翰林學士朝散右諫議大夫知制誥充史館修撰判修唐書判太常寺兼禮儀事上輕車都尉賜紫金魚袋臣歐陽某。死上書于體天法道欽文聰武聖神孝德皇帝陛下。臣聞言天下之難言者。不敢冀必然之聽。知未必聽。而不可不言者。所以盡爲忠之心。況臣遭遇聖明。容納諫諍。言之未必不聽。其可默而不言。臣伏見自去歲以來。羣臣多言皇嗣之事。臣亦嘗因災異。竊有奏陳。雖聖度包容。不加誅戮。而

古文園璋集

卷之三十一

罕

宋文卷四

愚誠懇至。天聽未回。臣寔不勝愛君之心。日夜區區。未嘗忘此。思欲再陳狂瞽。而未知所以爲言。今者伏見元國公主。近已出降。臣因竊思人之常道。莫親於父子之親。人之常情。亦莫樂於父子之樂。雖在聖哲。異於凡倫。其爲天性。於理則一。陛下雖未有皇嗣。而尚有公主之愛。上慰聖顏。今既出降。漸疎左右。則陛下萬機之暇。處深宮之中。誰可與語言。誰可承顏色。臣愚以謂宜因此時。出自聖意。於宗室之中。選材賢可喜者。錄以爲皇子。使其出入左右。問安視膳。亦

足以慰悅聖情。臣考於書史。竊見自古帝王。雖曰至尊。未嘗獨處也。其出而居外也。不止百司公見奏事而已。必有儒臣學士。講論於閑宴。又有左右侍從。顧問語言。其入而居內也。不止宦官官妾。在於左右而已。其平居燕寢也。則有太子問安侍膳於朝夕。其優游宴樂也。多與宗室子弟。懽然相接如家人。計其一日之中。未嘗一時獨處也。今陛下日御前後殿。百司奏事。若徒仰瞻天顏而退。其甚幸者。得承一二言之德音。君臣之情不通。上下之意不接。其餘在廷之

古文國璋集

卷之三十一

聖宋文卷四

臣儒學侍從之列。未聞一人從容親近於左右。入而居內。則至於問安侍膳。亦闕於朝夕。是則陛下富有四海之廣。躬享萬乘之尊。居外則無一人可親。居內則無一人得親。此臣所以區區而欲言也。伏乞陛下。荷祖宗之業。承宗廟社稷之重。皇子未降。儲位久虛。羣臣屢言。大議未決。臣前所奏陳。以謂未必立為儲貳。而且養為子。既可以徐察其賢否。亦可以待皇子之降生。於今為之。亦其時也。臣言狂計愚。伏俟斧鉞之論。人主衆事。宛如家人父子之言。真可以處人骨肉之聞者。

論包拯除三司使上書

歐陽脩

臣聞治天下者。在知用人之先後而已。用人之法。各有所宜。軍旅之士。先材能。朝廷之士。先名節。軍旅主成功。惟恐其不趨賞而爭利。其先材能而後名節者。亦孰使之然也。朝廷主教化。風俗之薄厚。治道之升降。在乎用人而教化之於下也。不能家至而諄諄諭之。故常務導名節之士。以風動天下。而聳勵其踰薄。夫所謂名節之士者。知廉耻。脩禮讓。不利於苟得。不牽於苟隨。而惟義之所處。白刃之威。有所不避。折枝

古文國璋集

卷之三十二

聖宋文卷四

之易。有所不為。而惟義之所守。其立於朝廷。進退舉止。皆可以為天下法也。其人至難得也。至可重也。故其為士者。常貴名節。以自重其身。而君人者。亦常全名節。以養成善士。伏見陛下近除前御史中丞包拯為三司使。命下之日。中外喧然。以謂朝廷貪拯之材。而不為拯惜名節。然猶冀拯能執節守義。堅讓以避嫌疑。而為朝廷惜事體。數日之間。遽聞拯已受命。是可惜也。亦可嗟也。拯性好剛。天姿峭直。然素少學問。朝廷事體。或有不思。至如逐其人而代其位。雖初無

是心。然見得不能思義。此皆不足怪。若乃嫌疑之迹。常人皆知可避。而極豈獨不思哉。昨聞極在臺日。常自至中書。詬責宰相。指陳前三司使張方平過失。怒宰相不早罷之。既而臺中寮屬相繼論列。方平由此罷去。而以宋祁代之。又聞極亦曾彈奏宋祁過失。自其命出臺中。寮屬又交章力言。而祁亦因此而罷。而極遂代其任。此所謂蹊田奪牛。豈得無過。而整冠納履。當避可疑者也。如極材能資望。雖別加進用。人豈爲嫌其不可爲者。惟三司使爾。非惟自涉嫌疑。其於

古文國璋集

卷之三十二

書

宋文卷四

朝廷所損不細。臣請原其本末而言之。國家自數十年來。士君子務以恭謹靜慎爲賢。及其弊也。循默苟且。頽惰寬弛。習成風俗。不以爲非。至於百職不修。紀綱廢壞。時方無事。固未覺其害也。一旦結虜犯邊。兵出無功。而財用空虛。公私困弊。盜賊並起。天下騷然。陛下奮然感悟。思革其弊。進用三數大臣。銳意於更張矣。於此之時。始增置諫官之員。以寵用言事之臣。令之舉職。由是修紀綱而繩廢壞。遂欲分別賢不肖。遠退材不材。而久弊之俗。驟見而駭。因共指言事者

而非之。或以謂奸訐陰私。或以爲公相傾陷。或謂沽邀名譽。或謂自圖進取。羣言百端。幾惑上聽。上賴陛下至聖至明。察見諸臣。本以忘身徇國。非爲已利。讒間不入。遂荷保全。而中外之人。久而亦漸爲信。自是以來。三十年間。臺諫之選。屢得諫言之士。中間斥去姦邪。屏絕權倖。拾遺救失。不可勝數。是則納諫之善。從古所難。自陛下臨御以來。實爲盛德。於朝廷補助之效。不爲無功。今中外習安。上下已信。纖邪之人。凡所舉動。每畏言事之臣。時政無巨細。亦惟言利官是

古文國璋集

卷之三十二

書

宋文卷四

聽原其自始。開發言路。至於今日之成效。豈易致哉。可不惜哉。夫言人之過。似於微訐。逐人之佞。似於傾陷。而言事之臣。得以自明者。惟無所利於其間爾。而天下之人。所以爲信者。亦以其無所利焉。今極併逐二臣。自居其位。使將來姦佞者。得以爲說。而惑亂主聽。今後言事者。不爲人信。而無以自明。是則聖明用諫之功。一旦由極而壞。夫有所不取之謂廉。有所不爲之謂耻。近臣舉動。人所儀法。使極於此時。有所不取而不爲。可以風天下以廉耻之節。而極取其所不

空取爲其所不安爲豈惟自薄其身亦所以開誘他
時言事之臣傾人以覲得相習而成風此之爲患豈
謂小哉然拯所恃者惟以本無心耳夫心者藏於中
而人所不見迹者示於外而天下所共睹今拯欲自
信其不見之心而外掩天下之迹是猶手探其物口
云不欲雖欲自信人誰信之此臣所謂嫌疑之不可
不避也況如拯者少有孝行聞於鄉里晚有直節著
在朝廷但其學問不深思慮不熟而處之乖當其人
亦可惜也伏望陛下別選材臣爲三司使而處拯他

古文園璋集

卷之三十二

果

宋文卷四

職置之京師使拯得避嫌疑之迹以解天下之惑而
全拯之名節不勝幸甚臣叨塵侍從職號論思昔嘗
親見朝廷致諫之初甚難今又復見陛下用諫之效
已著實不欲因拯而壞之者爲朝廷惜也臣言狂計
愚伏候誅戮

君子行事不可使小人藉口此論所以尊朝廷之
體而成包公之德也

論監牧劄子

歐陽脩

臣所領羣牧司近準宣差吳中復王安石王陶等同
共相度監牧利害事竊以國馬之制置自祖宗歲月
既深官司失守積習成弊匪止一時前後因循重於
改作今者幸蒙朝廷因言事之官有所陳達選差臣
寮相度更改臣以謂監牧之設法制具有條目既繁
弊病亦衆若祇坐案文籍就加增損恐不足以深革
弊端如欲大爲更張初立制度則凡於利害難以遙
度必須目見心曉熟於其事然後可以審詳裁制果

古文園璋集

卷之三十一

果

宋文卷四

決不疑益謀於始也不精則行於後也難久況此是
臣本職豈敢辭勞欲乞權督差臣仍於吳中復等三
人內更差一人與臣同詣左右廂監牧地頭躬親按
視至於土地廣狹水草善惡歲時稼穡吏卒勤惰以
至牝牡種類各隨所安棚井溫涼亦有便否嚮何以
致馬之耗滅今何以得馬之蕃滋臣詳究其根源兼
旁求於眾議如此不三數月間可以周遍然後更將
前後臣寮起請與衆官參詳審處與其生而遙度倉
卒改更其爲得失不可同日而論也臣又竊思今之

馬政皆因唐制而今馬多少與唐不同者其利病甚多不可悉舉至於唐世牧地皆與馬性相安西起隴右金城平涼天水外暨河曲之野東至河東接銀夏又東至於樓煩皆唐養馬之地也以今考之或陷沒夷狄或已爲民田皆不可復得惟聞今河東嵐石之間山荒甚多及汾河之側草場亦廣其間草軟水甘最宜牧養行時河東軍馬常在此處牧放今馬數不少閒地極多此乃唐樓煩監地也可以興置一監臣以謂推迹而求之則天池元池一監之地而冀可得又臣往年因奉使河東嘗行威勝以東及遼州平定軍見其不耕之地甚多而河東一路山川深峻水草甚佳其地高寒必宜馬性及京西唐汝之閒久荒之地其數甚廣欲乞更下河東京西轉運司差官就近於轄下訪求草地有可以興置監牧處如稍見次第卽乞朝廷差官與羣牧司官員同共徃彼踏行擘畫若可以興置新監則河北諸監內有地不宜馬處却可議行廢罷惟估馬一司利害最爲易見若國家廣捐金帛則券馬利厚來者必多於其多屯時

古文國璋集 卷之三十一

果

得好馬。若有司惜費。則蕃部利薄。馬來漸少。兼亦好馬不來。然而招誘之方。事非一體。亦須知其委曲。欲乞特差羣牧司。或禮賓院官一員。直至秦州以來。體照蕃部券馬利害。凡此三者。雖暫差官。比及吳中復等檢閱本司文字。講求商議。未就之間。已各來復。可以參酌相度。朕不倉卒。輕爲改更。如允臣所請。乞賜施行。今取進止。

此時尚行監牧之政。故董牧地。選牧人去其害馬者。而馬政可舉。至保馬之法。行而馬政大壞。且貽其禍于民矣。

古文國璋集 卷之三十一

果

論臺諫官唐介等宜早牽復劄子

歐陽脩

臣材識庸暗碌碌於衆人中蒙陛下不次拔擢置在樞府其於報效自宜如何而自居職以來已逾半歲凡事關大體必須衆議之協同其餘日遂進呈皆是有司之常務至於謀猷啟沃茂爾無聞上辜聖恩下愧清議人雖未責臣豈自安所以夙夜思惟願竭愚慮苟有可採冀裨萬一臣近見諫官唐介臺官范師道等因言陳旭事得罪或與小郡或竄遠方陛下自

古文國璋集卷之三十二

辛未文卷四

臨御已來擢用諍臣開廣言路雖言者時有中否而聖慈每賜優容一旦臺諫聯翩被逐四出命下之日中外驚疑臣雖不知臺諫所言是非但見唐介范師道皆久在言職其人立朝各有本末前後言事補益甚多豈於此時頓然改節故爲欺罔上昧聖聰在於人情不宜有此臣竊以謂自古人臣之進諫于其君者有難有易各因其時而已若剛暴猜忌之君不欲自聞其過而樂聞臣下之過人主好察多疑於上臣則足畏罪於下於此之時諫人主者難而言大臣

者易若寬仁恭儉之主動遵禮法自聞其失則從諫如流聞臣下之過則務爲優容以保全之而爲大臣者外秉國權內有左右之助言事者未及見聽而怨仇已結於其身故於此之時諫人主者易言大臣者難此不可不察也自古人主之聽言也亦有難有易在知其術而已夫忠邪並進於前而公論與私言交入于耳此所以聽之難也若知其人之忠邪辨其言之公私則聽之易也凡言拙而直逆耳違意初聞若可惡者此忠臣之言也言婉而順希旨合意初聞若可喜者邪臣之言也至於言事之官各舉其職或當朝正色顯言于廷或連章列署共論其事言一出則萬口爭傳衆目共視雖欲爲私其執不可故凡明言于外不畏人知者皆公言也若非其言職又不取顯言或密奏乞留中或面言乞出自聖斷不欲人知者有主名者蓋其言涉傾邪懼遭彈劾故凡陰有奏而畏人知者皆挾私之說也自古人主能以此術知臣下之情則聽言易也伏惟陛下仁聖寬慈躬履勤儉樂聞諫諍容納直言其于大臣尤所優禮常欲保全

古文國璋集卷之三十二

辛未文卷四

終始。恩與臣下愛惜名節。尤慎重于進退。故臣謂方
今言事者。規切人主則易。欲言大臣則難。臣自立朝。
耳目所記。景祐中。范仲淹言宰相呂夷簡。貶知饒州。
皇祐中。唐介言宰相文彥博。貶春州別駕。至和初。吳
中復。呂景初。馬遵言宰相梁適。竝罷職出外。其後趙
抃。范師道言宰相劉沆亦罷職出外。前年韓絳言富
弼。貶知蔡州。今又唐介等五人言陳旭得罪。自范仲
淹貶饒州後。至今凡二十年間。居臺諫者多矣。未聞
有規諫人主而得罪者。臣故謂方今諫人主則易言

古文國璋集

卷之三十二

聖

宋文卷四

大臣則難。陛下若推此以察介等所言。則可知其用
心矣。昨所罷職臺諫五人。惟是從諫入臺未久。其他
四人出處本末。迹狀甚明。可以歷數也。唐介前因言
文彥博。遠竄廣西煙瘴之地。賴陛下仁恕哀憐。移置
湖南。得存性命。范師道趙抃。並因言忤劉沆。罷臺職
守外郡。連延數年。然後復。今三人者。又以言樞臣罷
黜。然則介不以前蹈必死之地為懼。師道與抃不以
中滯進用數年為戒。遇事必言。得罪不悔。蓋所謂進
退一節。終始不變之士也。至如王陶者。本山孤寒。只

因韓絳薦舉。始得臺官。及絳為中丞。陶不敢內顧私
恩。與之爭議。終得得罪。夫牽顧私恩。人之常情。爾斷
恩以義。非智節之士不能也。以此言之。陶可謂徇公
滅私之臣矣。此四人者。出處本末之迹如此。可以知
其為人也。就使言雖不中。亦其情必無他。議者或謂
言事之臣。好相朋黨。動搖大臣。以作威勢。臣竊以謂
不然。至於去歲韓絳言富弼之時。介與師道不與絳
為黨。乃與諸臺諫共論絳為非。然則非相朋黨。非欲
動搖大臣。可明矣。臣固謂未可以此疑言事之臣也。

古文國璋集

卷之三十二

聖

宋文卷四

況介等比者。雖為謫官。幸蒙陛下寬恩。各得為郡。未
至失所。其可惜者。斥逐諫臣。非朝廷美事。阻塞言路。
不為國家之利。而介等盡忠守節。未蒙憐察也。伏望
聖慈。特賜召還介等。置之朝廷。以勸守節敢言之士。
則天下幸甚。今更進止。

當時公在樞府而拳拳以諫官為言。大臣為國之
心可謂深至。

歷代古文國瑋集卷之三十三

宋文



東西方岳貢禹修詳



言西邊事宜第一狀

歐陽修

右臣伏見諒祚狂僭黷亂已多不越歲年必爲遜患臣本庸暗不達時機輒以外料敵情內量事勢鑒往年已驗之失思今日可用之謀雖兵不先言俟見形而應變然坐而制勝亦大計之可圖謹具條陳庶裨萬一臣所謂外料敵情者諒祚世有夏州自彝興克古文國瑋集卷之三十三一宋文卷五

敵以前止於一鎮五州而已太宗皇帝時繼捧繼遷始爲邊患其後遂陷靈鹽盡有朔方之地蓋自淳化咸平用兵十五餘年既不能剪滅遂務招懷適會繼遷爲潘羅支所殺其子德明乃議歸款而我惟以恩信復其王封歲時俸賜極於優厚德明既無南顧之憂而其子元昊亦壯遂併力西攻回紇拓地千餘里德明既死地大兵強元昊遂復背叛國家自寶元慶曆以後一方用兵天下騷動虛民弊如此數年元昊知我有厭兵之患遂復謀叛而國家待之恩禮又

異於前矣號爲國主僅得其稱臣歲予之物百倍德明之時半於契丹之數今者諒祚雖曰狂童然而習見其家世所爲蓋繼遷之叛而復王封元昊再叛而爲國主今若又叛其志可知是其欲自比契丹抗衡中國以爲鼎峙之勢爾此臣竊料敵情在於如此也夫所謂內量事勢者蓋以慶曆用兵之時視方今禦邊之備較彼我之虛實強弱以見勝敗之形也自真宗皇帝景德二年盟北虜於澶淵明年始納西夏之款遂務休兵至寶元初元昊復叛蓋三十餘年矣天古文國瑋集卷之三十三一宋文卷五

下安於無事武備廢而不修廟堂無謀臣邊鄙無勇將將愚不識干戈兵驕不識戰陣器械朽腐城郭廢頽而元昊勇鸞樂黠之虜也其包畜姦謀欲窺中原者累年矣而我方恬然不以爲慮待其謀成兵具一旦反書來上然後茫然不知所措中外震駭舉動倉惶所以用兵之初有敗而無勝也既而朝廷用韓琦范仲淹等付以西事極力經營而勇夫銳將亦因戰陣稍稍而出數年之間人謀漸得武備漸修似可枝梧矣然而天下已困也所以屢意忍耻復與之和此

易曆之事爾。今則不然。方今甲兵雖未精利。不若往年之腐朽也。城壘相嘗完緝。不若往年之隳頽也。土兵蕃落。增添訓練。不若往年寡弱之驕軍也。大小將校。曾經戰陣者。往往尚在。不若往年魏昭。炳夏。隨之徒。綺紈子弟也。一二執政之臣。皆當時宣力者。其留心西事。熟矣。不若往年。時大臣茫然。不知所措者也。蓋往年以不知邊事之謀臣。取不識干戈之將。用驕兵。執利器。以當無點新興之虜。此所以敗也。方今謀臣武將。城壘器械。不類往年。而諒祚狂童。不及元昊。遠甚。往年忽而不思。今又已先覺。可以早爲之備。苟其不叛則已。若其果叛。未必不爲中國利也。臣謂可因此時雪前耻。收後功。但願人謀如何爾。若上憑陛下神威。睿算。係繫諒祚。君臣獻於廟社。此其上也。其次逐狂虜於黃河之北。以復朔方故地。最下盡取山界奪其險。而我守之。以永絕邊患。此臣竊量事勢。謂或如此。臣所謂鑒往年已驗之失者。其小失非一。不可悉數。臣請言其大者。夫夷狄變詐。兵交陣合。彼倖敗以爲誘。我貪利而追之。或不虞橫出。而爲其所邀。或

古文國瑋集

卷之三十三

平宋文卷五

進陷死地。而困于束手。此前日屢敗之戒。今明習兵戰者。亦能知之。此雖小事也。亦不可忽。所謂大計之繆者。攻守之策。皆失爾。臣視慶曆禦邊之備。東起麟府。西盡秦隴。地長一千餘里。分爲路者五。而路分爲州軍者。又二十有四。而州軍分爲寨。爲堡。爲城者。又幾二百。皆須列兵而守之。故吾兵雖衆。不得不分。所分既多。不得不寡。而賊之出也。常舉其國衆。合聚爲一。而來是吾兵雖多。分而爲寡。彼衆雖寡。聚之爲多。以彼之多。擊吾之寡。不得不敗也。此城寨之法。既不

古文國瑋集

卷之三十三

平宋文卷五

我之西鄙。夫兵分備寡。兵家之大害也。其害常在我。以逸待勞。兵家之大利也。其利常在彼。所以往年賊常得志也。今誠能反其事。而移我所害者。予敵奪敵所利者。在我。則我當先為出攻之計。使彼疲於守禦。則我亦得志矣。凡出攻之兵。勿為大舉。我每出一。彼必呼集而來。拒彼集於東。則別出於西。我歸彼散。則我復出。而彼又集。我以五路之兵。番休出入。使其一國之與。聚散奔走。無時暫停。則無不困之虜矣。此臣所謂方今可用之謀也。蓋往年之失。在守。方今之利。

古文國瑋集卷之三十三

五宋文卷五

在攻。昔至道中。亦嘗五路出攻矣。當時將相為謀。不重蓋欲攻黠嶺。方疆之國。不先以謀困之。而直為一戰。必取之計。大舉深入。所以不能成功也。夫用兵至難事也。故謀既審矣。則其發也必果。故能動而有成功也。若其山川之險易。道里之迂直。蕃漢兵馬之彊弱。騎軍步卒。長兵短兵之所利。與夫左右前後。出一入。開闔變化。有正有奇。凡用兵之形勢。有可先知者。有不可先言者。臣願陛下遣一重臣。出而巡撫。遍見諸將。與熟圖之。以先定大計。凡山川道里。蕃漢步

騎出入之所宜。可先知者。悉圖上方畧。其餘不可先言。付之將。率使其見形應變。因敵制勝。至於諒祚之所為。宜少屈意含容。而曲就之。既以驕其心。亦少緩其事。以待吾之為備。而且嚴戒五路。飭兵選將。利器甲畜資糧。常具軍行之計。待其反。書朝奏。則王師暮出。以駭其心。而奪其氣。使其枝梧不服。則勝勢在我矣。往年議者。亦欲招輯橫山蕃部。謀取山界之地。然臣謂必欲招之。亦須先藉勝捷之威。使知中國之彊。則方肯來附也。由是言之。亦以出攻為利矣。凡臣之

古文國瑋集卷之三十三

宋文卷五

所言者。大畧如此。爾然。臣足未嘗踐邊陲。目未嘗識戰陣。以一儒生偏見之言。誠知未可必用。直以方當陛下勞心西事。廣詢眾議之時。思竭愚慮。備蕘蕘之一說爾。

此等議論。宋人必不能為然。制勝之長策。實在乎此。不可因其不能行。便謂不可行也。

論罷鄭戢四路都部署劄子

歐陽修

臣伏觀勅除鄭戢知永興軍仍兼陝西都部署自開此命外人議論皆以爲非在臣思之實亦未便竊以兵之勝負全由處置如何臣見用兵以來累次更改或四路都部署或分而各領一方乍合乍離各有利害惟夏竦往年所任鄭戢今日之權失策最多請試條列臣聞古之善用將者先問能將幾何今而不復問戢能將幾何直以關中數十州之廣蕃漢十萬之兵治遠二三千之事盡以委之此其失者一也

古文國瑋集

卷之三十三

七八九十宋文卷五

或曰戢雖名都部署而諸路自各有將又其大事不令專制而必稟朝廷假如邊將有大事先稟於戢又稟於朝廷朝廷議定下戢戢始下於治遠只此一端自可敗事其失二也今大事戢既不專若小事又不由戢則部署一職止是虛名若小事一一問戢則四路去永興皆數百里其寨柵遠者千餘里使戢一一處分合宜尚有遲緩之失萬一耳日不及處置失宜則爲害不細其失三也若大小事都不由戢而但使帶其雖豈有數十州之廣數十萬之兵二三千之

遠事作一虛名使爲無權之大將若知戢可用則推心用之若知不可用則善罷之豈可盡關中之大設爲虛名而以不誠待人其失四也今都部署名號四路而諸將事無大小不稟可行則四路偏裨各見其將不由都帥則上下相効皆欲自專其失五也今都部署是大將又不得節制四路而逐路是都帥都將却得專制一方則委任之意大小乖殊軍法難行名體不順其失六也若知戢果不可大用但不敢直罷其職則是大臣顧人情避已怨如此作事何以弭息

古文國瑋集

卷之三十三

士宋文卷五

人言其失七也料朝廷忽有此命必因韓琦等近自西來有此學畫琦等身在邊陲曾爲將帥豈可如此失計臣今欲乞令兩府之臣明議四路不當置都部署利害其鄭戢既不可內居永興而遙制四路則乞落其虛名只令坐鎮長安撫民臨政以爲關中之重其任所繫亦大而使四路各責其將則事名一作體皆順處置合宜今取進止

遠鎮之患莫大於節制太多而事權不一雖能者尚不可而況于不能者乎反覆論之最爲熟悉

再論按察官吏狀

歐陽修

右臣自初奉諫官於第一次上殿日。曾建言。方今天下凋殘。公私困急。全內官吏冗濫者多。乞朝廷選差按察使。糾舉年老病患。賊污不材。四色之人。以行澄汰。仍具陳按察之法。餘日甚詳。如臣之議。蓋欲使使者四出。而天下悚然。知朝廷有賞善罰惡之意。然後按文責實。甚惡者黜。有善者升。中材之人。盡使警勵。況臣所言者。乃所以救民急病。革數一作十年蠹弊之事。若非遭逢聖主銳意求治之時。上下力行之。古文園瑋集卷之三十三

主宋文選五

不可也。奈何議行。憚於作事。惟樂因循。祗命諸路轉運使。就兼其職。命出之日。外論皆謂諸路之中。貪賊如蠹。兼老病如陳杲。穢惡如錢延年。庸常齷齪如袁張可久之輩。盡為轉運使。皆自是可黜之人。必不能舉職。臣亦再具論奏其議格而不行。按察空名。日遂寢廢。生民蠹病。日益可哀。伏見陛下聖德日新。憂心庶政。近發手詔。督勵宰輔。然天下之事。積弊已多。如治亂絲。未知頭緒。欲事事更改。則力未能周。而煩難行。欲漸漸整頓。則日弊已極。而未見速効。臣謂

如欲用功少。為利博。及民速。於事切。則莫若精選明

幹朝臣。十人。分行天下。盡籍官吏能否。而升黜之。

如臣前所陳者。而後可。臣聞治天下者。如農夫之治

田。不可一槩也。蒿萊蕪穢。久荒之地。必先力加墾闢。

芟除。待其成田。然後以時耘耨。冗濫之官。蕪穢天下

久矣。必先力行澄汰。待其百職粗治。然後精選有司。

常令糾舉。今特遣之。使如久荒而芟闢也。轉運兼按

察。乃以時之耘耨者耳。寬猛疾徐。各有所宜也。漢時

刺舉。唐世黜陟。使考課使之類。歲歲遣出。祖宗朝亦

古文園瑋集卷之三十三

主宋文選五

有考課院。蓋按察升黜。古今常法。非是難行之異事

也。方今言事者。多以高論見棄。或以有害難行。如臣

所言。只是選十餘人。明幹朝臣。察視官吏善惡。灼然

有迹。易見者。著之簿籍。朝廷詳之。黜其甚者耳。臣自

謂於論不為甚高。為甚高三字一作遣行之有利無害。然尚慮

議者未以為然。謹條陳冗官利害六事。以明利博効

速。而可行不疑。伏望聖慈。特賜裁擇。如有可採。乞早

施行。

一日去冗官。則民之科率十分減九。

凡加賦別
稅朝廷未
得其利百
姓已受其
害者往往
如此

臣伏見兵興以來公私困弊者不惟賦歛繁重全
由官吏爲姦每或科率一物則貪殘之吏先於百
姓而刻剝老繆之吏恣其羣下之誅求朝廷得其
一分姦吏取其十倍民之重困其害在斯今若去
此四色冗官代以循良之吏事隨便宜絕去騷擾
使民專供朝廷實數科率免却州縣分外誅求故
臣謂於民力十分減九也比於別圖減省細碎無
益者其利博矣

二曰不材之人爲害深於賊吏

古文園瑋集卷之三十三

宋文卷五

國家之法除賊吏因民告發者乃行之其他不材
之人大者壞州小者壞縣皆明知而不問臣謂凡
賊吏多是強悍之人所取在於豪富或不及貧弱
不材之人不能馭下雖其一身不能乞取而恣其
羣下下字一作不共行誅剝更無貧富皆被其殃爲害
至深縱而不問故臣尤欲盡取老病繆懦者與賊
吏一例黜之

三曰內外一體若外官不澄則朝廷無由政治

今朝廷雖有號令之善者降出外方若落四色冗

若待外吏
補救朝廷
不足難望
其事但求
官不主情
與耳

官之手則或施設乖方不如朝廷本意及舊見
或稽滯廢失全不施行而又無紀舉一作作空弃
文若外邊去却冗官盡得良吏則朝廷所下之令
雖有乖錯彼亦自能回改或執奏更易終不至爲
大害是民之得失不獨上賴朝廷全繫官吏善惡
以此而言冗官豈可不汰

四曰去冗官則吏貞清簡差遣通流

今天下官有定員而入仕之人無定數既不黜陟

黜陟者多差遣不行賢愚同滯每有一闕衆人爭

古文園瑋集卷之三十三

宋文卷五

之一一作爭得者無廉耻之風不得者騰怨嗟之口
濫官之弊近古無之今若擇四色冗官去之則待
闕之人可無怨滯

五曰去冗官則中材之人可使勸懼

今天下官吏豈必盡是不材蓋爲朝廷本無黜陟

善惡不分今若見國家責實求治逐一作求人人精則中材之人皆自勉強不敢因循雖

有貪殘亦須斂手

六曰去冗官則不過暮月民受其賜

六曰去冗官則不過暮月民受其賜

原勞之偏
最易見後

方今朝廷雖有受一作念疲民之意然上下臣之
必未有餘力廣惠及民若但去冗官則民受速賜
蓋臣常見外處州縣每一移官替去一能者代之
不過數日民已歌謠今若盡去冗濫之吏而以能
吏代之不過月民即一作受賜此臣所謂及民
速於事切者也

按察之官即今巡方之職也歐公云以除荒穢而
今反以滋蠹賊其賢而一作不視一二也蓋
其選太輕其使太頻選太輕則人不求望實使太

古文園璋集

卷之三十三

宋文卷五

類則體必失威重而又以使之太頻也則選不得
不輕愚以為朝廷之上不必歲歲遣使但于朝臣
之中擇其廉恭有威為海內所望者數十人分行
天下出于

天子之特命而不以為御史之常差稱則加以顯擢
不稱則施以嚴誅則貪殘之吏必有望風解綬而
百姓受其賜者矣

論河北守備事宜劄子

歐陽修

臣伏見朝廷方遣使與西賊議通和之約近日竊聞
邊臣頗得北界文字來問西夏約和了與未了苟實
如此事深可憂臣以謂天下之患不在西戎而在北
虜縱使無此文字終須貽患朝廷契丹通好僅四十
年無有繼介之際而輒萌姦計要有請求竊以戎狄
貪悍性同犬彘遇強則伏見弱便欺見我無謀動皆
屈就謂我為弱知我可欺故添以金帛未滿其志更
邀名分抑使必從無事而來尚猶如此若更因西事

古文園璋集

卷之三十三

宋文卷五

攬以為功別有過求將何塞請此天下之人無愚與
智共為朝廷寒心者也今若果有文字來督通和之
事則臣謂醜虜狂計其迹已萌不和則詰我違言既
和則論功責報不出年歲恐須動作苟難曲就必至
交兵至於選將練師既難卒辦禦戎制勝當在機先
臣竊惟在朝之臣尚偷安靜自河以北絕無處置因
循弛慢誰復挂心豈可待虜使在廷寇兵壓境然後
計無所出空務張皇而已哉今國家必體西意雖平
尚牽盟誓邊防處置未敢張皇以臣思之憂者精選

臣等伏以
北邊要害
州軍不過
十餘人不
為難得各
以一州付
之使其各
得便宜如
理家事完
城壘訓兵
戎習山川
蓄積食凡
百自辦不
煩朝廷經
度以茲預
備尚可枝
梧至如鎮
定一路最
為要害張
存昔在延
州以不了
事罷去今
乃委以鎮
府王克恭
凡庸輕巧
非將臣之
材而任定
州其餘州
郡多匪其
人臣欲乞
陛下特詔
兩府大臣
取見在邊

材臣付與邊郡使其各圖禦備務修完此最為得也。況今邊防處置百事惟有人最為首務。今北邊要害州軍不過十有餘處。於文武臣寮中選擇十餘人不為難得。各以一州付之。使其各得便宜。如理家事。完城壘。訓兵戎。習山川。蓄積食。凡百自辦。不煩朝廷經度。以茲預備。尚可枝梧。至如鎮定一路。最為要害。張存昔在延州。以不了事罷去。今乃委以鎮府王克恭。凡庸輕巧。非將臣之材。而任定州。其餘州郡多匪其人。臣欲乞陛下特詔兩府大臣取見在邊。南文國璋集卷之三十三 宋文卷五

郡守臣可以禦敵捍城。訓兵待戰者。留之。其餘中常之材。不堪邊任者。悉行換易。若秋風漸勁。虜騎有端。陛下試思邊鄙之臣。誰堪力戰。朝廷之將。誰可出師。當臣初授諫職之時。見朝廷進退大臣。陛下銳意求治。必謂羣臣自此震懼。百事自此修舉。西北二邊。最為大者。自當處置。不待人言。及龍轍以來。已數十日。而政令之出。漸循舊弊。惟言事之臣。拾遺補闕者。勉強施行。其一二至如講利害。正大紀綱。外制四夷。內紓百姓。凡廟堂帷幄之謀。未有一事施行於外者。臣

系司諫諍。豈敢不言。伏望陛下。不忌社稷之深耻。無使夷狄之交侵。駿發天威。奮勵臣下。仍乞詢問兩府大臣。西鄙和與不和。能保契丹。別無辭說否。苟有所說。能以廟謀。奇筭。沮止之否。苟無謀以止之。則練兵選將。備邊待寇。賊至而後圖。能不敗事否。臣願陛下勿謂去歲六符之來。可以賄解。今而有請。則事難從矣。勿謂累年西賊為患。習以為常。若此。事一動。則天下搖。哭臣所言者。社稷之大計也。願陛下留意而行。南文國璋集卷之三十三 宋文卷五

宋初選任邊將。如李漢超。姚內斌等。各與一州。聽其便宜。極為可法。歐公論守備。亦是此意。

論軍中選將劄子

歐陽修

臣伏見國家自西鄙用兵，累經敗失，京師勤卒，多在
征行禁衛諸軍，全然寡少，又無將帥以備爪牙。方今
爲國計者，但務外憂夷狄專意邊陲，殊不知根本內
虛，朝廷勢弱萬一有變，無以枝梧。今軍帥暗懦，非其
人禁兵驕惰，不可用。此朝廷自以爲患，不待臣言而
可知也。臣亦歷考前世有國之君，多於無事之際，恃
安忘危，備患不謹，使禍起倉卒而至敗亡者多矣。然
亦有於用兵之時而反忘武備，如今日者其法曰：將
古文國華集卷之三十三
主宋文卷五
主民之司命，國家安危之主也。今外以李昭亮王克
基輩當契丹，內以曹瑋李用和等衛天子，如當今之
事勢而以民之司命，國之安危繫此數人，安得不取
笑四夷，遭其輕侮？臣謂去歲北虜忽興狂悖，今年元
昊妄有請求，若使朝廷有一二人中材之將，叩頭効
死，奮身請戰，誓雪君耻，少增國威，則戎狄未敢侵陵。
朝廷未至屈辱，奈何自中及外都無一人既無可恃
以力爭，遂至甘心於自弱，夫天下至廣，遂無一人者
非真無人也，但求之不得耳。臣愚自用兵以

來朝廷求將之法，不過命近臣舉朝士換武官及環
試班行方畧等人而已。近臣所舉不過俗吏材幹之
士，班行所選乃是弓馬一夫之勇，至於方畧之人尤
爲乖濫。試中者僅堪借職縣尉參軍齋掾而已。於此
求將而欲擇當今之患，此所以困天下而敗於夷狄
者也。臣不知朝廷以此數事爲求將之術，果是乎？果
非乎？以爲是則所得何人？知其非則盡思改革，又不
知朝廷將爲易得手爲難得手爲易得則數歲未見
一人知其難得，則當多方用意早思求擇俟其臨患
古文國華集卷之三十三
主宋文卷五
何可得乎？伏望陛下特詔兩府大臣別議求將之法，
盡去循常之格，以求非常之人。苟非不次以用人，雖
彈當今之大患，臣亦嘗有愚見，久欲條陳，若必講求
庶可參用。臣伏見唐及五代至平國朝征伐四方立
功行陣，其間名將多出軍卒，只如西鄙用兵以來武
將稍可稱者往往出於軍中。臣故謂只於軍中自可
求將，試畧言求將之法，謹條如左：
凡求將之法，先取近下禁軍至廂軍中年少有力
者不拘等級，因其使同者，每百人團爲一隊而教

字將近于
行伍則能
知士卒之
艱苦而注
服其心

古文國璋集卷之三十三

重宋文港五

之較其伎精而最勇者百人之中必有一人矣得之以爲隊將此一人伎勇實能服其百人矣以爲百人將可也令十隊將而又教之較其伎精而最勇者十人之中必有一人矣得之以爲裨將此一人之伎勇實能服其千人矣以爲千人將可也合十裨將而又教之夫伎勇出千人之上而難爲勝矣則當擇其有識見知變通者十人之中必有一人矣得之以爲大將此一人之伎勇乃萬人之選而又粗知變通因擇智謀之佐以輔之以爲萬人將可也幸而有伎勇不足而材識出乎萬人之外者此不世之奇將非常格之所求也臣所謂只於軍中自可求將者此也誠能如此得五七萬兵隨而又得萬人之將五七人下至千人百人將皆自足然後別立軍名而爲階級之制無萬人爲一軍以備宿衛有事則行師出征無事則坐威天下此夫以豐衣厚祿養驕惰無用之卒而遞遷次補至于校帥皆是凡愚暗懦之人得失相萬矣若臣之說果可施行俟成一軍則代舊禁兵萬

人散出之使就食于外新置之兵便制其始稍增舊給不使太優常役其力不令驕惰比及新兵成立舊兵出盡則京師減冗費得精兵此之爲利又遠矣

右臣所陳只是選勇將訓衛兵之一法耳如捍邊破賊奇才異畧之人不可謂無伏乞早賜留意精求謹具奏聞伏候勅旨

古文國璋集卷之三十三

重宋文港五

凡游談浮議之人最易僥倖爵賞及其臨事多至覆敗故武畧必試之戰陣而後見然戰陣又不可嘗試也則試之于治軍此歐公選將之法極有當于實事也

藝祖名江
南使臣以
不注字人
管仲與齊
主之大舉

論元昊來人不可令朝臣管仲劄子 歐陽修
臣風聞朝旨欲以殿中丞任顯管領元昊遣來一行
人等。臣竊知元昊此來全無好意。不肯稱臣。索物太
多。其志不小。乃是欲以強相迫脅爾朝廷。既不能
從。則待其來人凡事不可過分。至於禮數厚薄。賜與
多少。雖云小事。不足較量。然於事體之間。所繫者大。
凡兵交之使來入大國。必須窺伺將相勇怯。覘察國
家強弱。若見朝廷威怒未息。事勢未削。則必內憂新
戮。次恐拘留。使其偶得生歸。自為大幸。則我弱形未
古文國璋集 卷之三十三 宋文卷五
露壯論。可持。今若便損國威。過加厚禮。先為有弱。長
彼驕心。使其知我。可欺。則議論愈難合矣。必若成就
其事。尤須鎮重。為先。況其議必不成。可憐空損事體。
前次元昊來人。至少朝廷。只差一班行侍之。今來漸
多。遂差朝士。若其後次來者。漸盛。則必須差近侍。或
是彼轉自強。我轉自弱。况間邵良佐。昨來往彼。僅免
屈辱而還。則彼雖戎狄。不謂無謀。今其來人。必須極
驕強。辭以圖相勝。若能先薄其禮。以折之。亦挫賊之
一端也。其元昊來人。欲乞更不差官管領。送置驛中。

不須急問。至於監視饋餉。傳道語言。一丁事班行足
矣。臣料今國家若不能曲從其意。即雖尊寵來人。厚
加禮遇。元昊不覺出兵攻寇。還彼忿心。等是不和。何
必自虧事體。不若急脩邊備。以圖勝算。取進止。
宋朝每事先有振兵之意。故夷狄益得以為憤。寇
萊公戒曹利用。不得多許金帛。富鄭公爭獻納。二
宇歐陽公請不令朝臣館伴。夏人皆是欲爭上流
之勢耳。

古文國璋集 卷之三十三

宋文卷五

論乞主張范仲淹富弼等行事劄子 歐陽修

臣伏聞范仲淹富弼等自被手詔之後已有條陳事件必須裁擇施行臣聞自古帝王致治須待同心叶力之人而君臣相得謂之千載一遇之難仲淹等遇陛下聖明可謂難逢之會陛下有仲淹等亦可謂難得之臣陛下既已傾心待之仲淹等亦又各盡心思報上下如此臣謂事無不濟但顧行之如何况仲淹弼是陛下特出聖意自選之人初用之時天下已皆相賀然猶竊謂陛下既能選之未知用之如何耳及

古文國瑋集

卷之三十三

宋文卷五

見近日特開天章從容訪問親寫手詔督責丁寧然後中外喟然既驚且喜此二盛事固已朝報京師暮傳四海皆謂自來未曾如此責任大臣天下之人延首拭目以看陛下欲作何事此工人所報陛下果有何能是陛下得失在此一舉生民休戚繫此一時以此而言則仲淹等不可不盡心展効陛下不宜不力至而行使上不玷知人之明下不失四海之望臣非不知陛下專心銳志必不自怠而中外大臣且憂國同心必不相忌而沮難然臣所慮者仲淹等所言必須

先絕僥倖因循姑息之事方能救數世之積弊如此等事皆外招小人之怨怒不免浮議之紛紜而姦邪未去之人亦須時有譏沮若稍聽之則事不成矣臣謂當此事初尤須上下叶力凡小人怨怒仲淹等自以身當浮議姦譏陛下亦須力拒待其久而漸定自可日見成功伏望聖慈留意終始成之則社稷之福天下之幸也取進止

古文國瑋集

卷之三十三

宋文卷五

矣

論葛宗古等不當減添劄子

歐陽修

臣伏見近日賊吏葛宗古王克庸滕宗諒等相繼贓汚事發。內葛宗古情理尤惡。臣伏覩去年朝廷命賈昌朝等減省天下冗費。上自陛下供御之物。至於皇后宮嬪飲食已來。盡皆減節。蓋謂調度至多。公私已乏。故陛下以身先天下。自行減刻。要供軍費。凡爲邊將者。所得一錢一帛。宜思此物自生民困苦之中。取其膏血。陛下憂勞之際。減自聖躬。如此得之。宜作如何使用。今乃盜朝廷賞勞蕃夷之物。贍養求食婦人。

古文園瑋集卷之三十三

宋文卷五

全家骨肉及供自己家口。并營造工作私家冗用之類。量其如此用心。豈是愛君憂國。忘身破賊之人。何足愛惜。若律文已重。卽乞盡行更不減法。若舊法尚輕。仍望特加重斷。其滕宗諒王克庸若事狀分明。亦望早賜勘鞫。正行國典。竊慮議者爲宗古等方任邊陲。宜從寬貸。臣非不知駕馭英雄。難拘常法。如太祖委用李漢超等。蓋漢超能捍寇戎。不爲邊患。功大過小。理可優容。諸將守邊。未有尺寸之効。而先已踰違不。然外恃威在。而欲望朝廷寬貸。姑息。今朝廷未曾

行寬假之患。而此三人不法。如此更寬之。則今後邊臣不復可以法制矣。臣思邊上公使。必欲使將臣不拘常法者。若用之陰養死士。招延布衣。利啗敵人。賞勞將校。如此之數。皆不必問其出入可恣所爲。或其性本閭閻。偶不照檢。誤用於私家。原其本情。亦可輕恕。若宗古等故意偷謾。減刻宴犒蕃夷軍士之物。入己者。有何可恕之理。特減從輕。有何可贖之功。得以爲法。若此三人不行重斷。則邊臣知元昊常在。則可以常爲不法。臣恐說寇弄兵。事無了日。今取進止。

古文園瑋集卷之三十三

宋文卷五

姑息之朝最宜如此振勵。況賊在邊境而法廢。朝廷尤不可也。

論江淮官吏劄子

歐陽修

臣聞江淮官吏等各爲王倫事。奏案已到多時。而尚未聞斷遣。仍聞議者猶欲寬貸。臣聞昨來江淮官吏。或歛物獻送。或望賊奔迎。或獻納兵甲。或同飲宴。臣謂倫一叛卒。偶肆猖狂。而官吏敢如此者。蓋知賊可畏。而朝廷不足畏也。今若更行寬貸。則紀綱隳壞。盜賊縱橫。天下大亂。從此始矣。何以知之。昨王倫事起。江淮官吏未行遣之間。京西官吏又已弃城而走。望賊而迎。若江淮官吏不重行遣。則京西官吏亦須輕

古文國瑋集卷之三十三

手宋文卷五

怨京西官吏。見江淮官吏已如此。則天下諸路亦指此兩路爲法。在處官吏皆迎賊弃城。獻兵納物矣。則天下何由不大亂也。臣伏思祖宗艱難。創造基圖。陛下憂勤兩守先業。而一旦四夷外叛。盜賊內攻。其壞之者誰哉。皆由前後迂繆之臣。因循寬弛。使朝威不振。綱紀遂隳。今已壞之至此。而猶不革前非。以寬濟寬。何以救弊。如晁仲約等情法至重。俱合深行議者。無由曲解。或聞以謂自是朝廷素不爲備。不可全罪。外官假如有殺父與兄者。豈可只言自是朝廷素無

教化而不罪殺親之人。又如有人掠奪生人男女金帛。不可只言自是朝廷素無禮讓而不罪劫人之賊。迂儒不可用可笑如此。李熙古豈獨是朝廷素有備之州。傅永吉豈獨是朝廷素練之兵。蓋用命則破賊矣。今朝廷素無禦備。爲大臣者又不責之。守州縣者令有罪又寬之。天下之事何人任責。竊緣韓綱是大臣之家。父子兄弟並在朝廷。權要之臣皆是相識。多方營救。故先於江淮官吏寬之。只要韓綱行遣不重。今大臣不思國體。但徇私恩。惟陛下以天下安危爲計。出於聖斷。以勵羣下。則庶幾國威粗振。賞罰有倫。其晁仲約等乞重行朝典。乞不寬恕。取進止。所論皆爲國體。自與法吏不同。

古文國瑋集卷之三十三

手宋文卷五

論捕賊賞罰劄子

歐陽修

臣伏見方今天下盜賊縱橫王倫張海等所過州縣縣尉巡檢有迎賊飲宴者有獻其器甲者有畏懦走避者有被其驛役者朝廷於此憂賊之時正患乏人之際或於巡檢縣尉之內得一捕賊可使之人則必特示旌酬以行激勵苟或未能者猶須懸賞以待其有自而失賞伏見吏部選人區法自出身以來縣尉初任臨江軍新淦縣一年之內大小賊盜四十餘火內雖小盜數多其如強劫奪賊亦不爲少據欲賞格合改京官而有司守纖細之文執尋常之例謂其所獲雖爲全火而不同時因不與理爲勞績臣料天下州縣盜賊之多無如新淦天下縣尉能捉賊之多亦無如區法又聞法次任吉水縣尉使其縣民結爲伍保至今吉水一縣全無盜賊民甚便之法爲縣尉官至卑賤所至之處皆有可稱臣思朝廷非不欲賞善罰惡以行勸戒而患於有司法獎拘守常文致抑才能失於旌賞其區法偶與臣相識因得知之然人有不知抑而欲其可也故竊以盜賊

古文國璋集卷之三十三

宋文卷五

是方今急患縣尉方今切要之人皆朝廷常念留意之尊臣輒有起請事件具畫一如後

一選人區法捕賊之功甚多但爲有司拘守細碎之文不理勞績其人已升得職官伏乞追取本人歷子別加考驗如實有勞能卽乞不拘常格特與酬獎以勸後來

一臣謂天下羣盜縱橫皆由小盜合聚今但患其大而不防其微故必欲止盜先從其小能絕小盜者巡檢縣尉也然而賞罰之法其弊極多只如捕盜

古文國璋集卷之三十三

宋文卷五

公要但惡爭盡豈必須是一日之內同時捕獲假如有全火強盜縣尉巡檢以死命鬪敵若於兩日內捉盡已不理爲勞績其守文之弊如此極多欲乞下給司重定捕賊賞格施行

一臣伏見自天下有盜賊以來議者多陳禦盜之策皆欲使民結爲伍保則姦惡不容今區法於吉水縣立伍保之法三年之內劫賊不敢入其縣界臣欲乞特降指揮下江南西路體量吉水縣自區法創立法保之法以來如實全無劫賊又民間以爲

便利。卽乞須行伍保之法於天下。

天下盜賊日衆。半是州縣養成。朝廷若能舉捕賊數多之人。出爲幕僚。剿賊能效。旣著。便與優陞。此亦救標之急務也。然除盜之本。又須一講求之。

論美人張氏恩寵宜加裁損劄子 歐陽修

臣近風聞禁中。因皇女降生。於左藏庫取綾羅八千疋。染院工匠。當此大雪苦寒之際。敲冰取水。染練供應。頗甚艱辛。臣伏思陛下恭儉勤勞。愛民憂國。以此勞人在費之事。必不肯爲。然外議相傳。皆云。見今染練未絕。臣又見近日內降美人張氏。親戚恩澤太頻。臣忝爲諫官。每見小有虧損聖德之事。須合力言。難避天譴。臣竊見自古帝王。所寵嬪御。若能謙儉柔善。不求恩澤。則可長保君恩。或恣意驕奢。多求恩澤。則皆速致禍敗。臣不敢遠引古事。只以今宮禁近事言之。陛下近年所寵。尙氏楊氏余氏苗氏之類。當其被寵之時。驕奢自恣。不早裁損。及至滿盈。今皆何在。況聞張氏本良家子。昨自修媛進爲美人。中外皆聞。以謂與楊尙等不同。故能保寵最久。今一旦宮中取索頓多。恩澤日廣。漸爲奢侈之事。以招外人之言。臣不知陛下欲愛惜保全張氏。或欲縱恣而敗之。若欲保全。則須常令謙儉。不至驕盈。臣料八千疋綾羅。豈是張氏一人獨用。不過支散與衆人而已。乃是枉費財。

物盡爲衆人。至於中外譏議。則陛下自受以此而言。廣散何益。昨正月一日曹氏封縣君。至初五日又封郡君。四五日間兩度封拜。又聞別有內降。應是疎遠親戚。盡求恩澤。父母因子而貴可矣。然名分亦不可太過。其他疎遠皆可減罷。臣謂張氏未入宮之前。疎遠親戚各家何在。今日富貴何必廣爲閑人自招。誘。系聖德若陛下只爲張氏計。亦宜如此。況此事得爲張氏大凡後宮恩澤太多。官中用度奢侈。皆是虧損聖德之事。繫於國體。臣合力言伏望聖慈防。古文圖瑋集卷之三十三 宋文卷五

微杜漸早爲裁損取進止

言宮禁之事婉約曲致最得規諷之義

論乞與元六約不攻甬斯羅劄子 歐陽修

臣風聞魚周詢不靖孫抃等奉使北虜。皆有事宜。爲北虜中詰問元昊通和之意。將來必須因此別與朝廷生患。又聞虜人已欲議移界。至漸示相侵。禍亂之萌其端可見。臣自去年春始蒙聖恩。擢在諫列。便直朝廷。與西賊初議和好。臣當時首建不可通和之議。前後具奏狀劄子十餘次。論列皆言不和則害少。和則害多。利害甚詳。懇切亦至。然天下之士無一人助臣言。朝廷之臣無一人採臣說。今和議密就。禍胎已成。而韓琦自西來。方言和有不便之狀。余靖自北至。始知虜知急和之謀。見事何遲。雖廢無及。當臣建議之際。衆人方欲急和。以臣一人誠難力奪衆議。今韓琦余靖親見二虜事宜。中外之人亦漸知通和爲患。臣之前說。稍似可採。但願大臣不執前議。早肯回心。則於後悔之中。尚有可爲之理。昨來許賊之物數已太多。然尚有禁背。墮還侵地等事。非賊所利。幸其因此自絕。不遣人來。朝廷深戒前非。慎自持重。因而罷議。不落賊計。則轉禍爲福。後策可爲。若賊志愈驕。貪

古文圖瑋集卷之三十三

宋文卷五

心未滿復遣人使更有須求則假此為名亦可拒絕
今通和之事為中國之患大為二虜之利深萬一西
賊貪深利而不惜侵地更無他求急來就之和則此
取舍便繫安危陛下宜詔執議之臣定果決之計
賊肯和之意知我害彼利之謀尤須多方以事拒絕
臣計西賊無故而請和者不止與北虜通謀共困中
國兼欲詐謀款我併力以吞兩廝囉摩旃旌之類
諸族地大力盛然後東向以攻中國耳今若未有他
計拒其來和則當賜以詔書言兩廝囉等皆受朝廷

古文國書集卷之三十三

宋文卷五

官爵父子為國蕃臣今若講和則不得攻此數族且
攻此數族是賊本心所貪聞我此言必難聽約用此
為說亦可解和臣所以區區惟願未和者蓋臣愚慮
知不和患輕易為處置和後患大不可枝梧臣前後
奏章論列已備此乃天下安危大計聖心日察所憂
臣為言事之官見利害甚明若不極言罪實誅戮伏
望聖慈特賜省覽取進止

兩廝囉為元昊肘掖之患歐公此計正欲結兩氏
之心以寒元昊之膽

論湖南賊可招不可殺節子 歐陽修

臣風聞楊攻近與齊觀敵殺得七八十人首級仍
剛入彼巢穴奪其糧儲挫賊之鋒增我士氣敗之勇
畧固亦可嘉然朝廷謀慮事機宜思久遠竊恐上下
之心急於平賊聞此小捷便形虛喜不能鎮靜外示
輕脫其間二事尤合深思一日不待成功便行厚賞
二曰謂其可殺更不肯招苟或如此則計之大失而
事之浚害也今湖南捕賊者殺一人頭賞錢十千官
軍利賞見平人盡殺平人驚懼盡起為盜除鄧和尚

古文國書集卷之三十三

宋文卷五

李花脚等數十頭項外其餘隨大小成火者不可勝
數今敗所擊只一洞所聚已二千餘人於二十人中
殺七八十人是二十分之一其餘時暫鳥散必須
集臣見自古蠶蛋為害者不聞盡殺須是招降昨緣
邵師等失信於黃機鬼遂恐更難招誘今若因敗小
勝示以恩威正是天與招服之機不可失也若令
自作意度招取大頭項者因此小勝傳布捷辭其餘
諸處結集者分行招誘藉此聲勢必可盡降旬月之
間湖南定矣若失此時漸何夏無以我所病之兵當

彼慣習水上之賊。小有敗。則彼勢復堅。不惟爲害。湖南必慮自此貽朝廷憂。患今於未了之間。便行厚賞。則諸處巡檢捕賊官等。見收獲。賞爭殺平人。而敗等。自恃因戰得功。堅執不招之議。朝廷亦恃收小勝。更無招輯之心。上下失謀。必成大患。其楊政等伏乞且降勅書獎諭。授與事宜。俟彼招安。便行厚賞。今湖南賊數雖多。然首惡與本賊絕少。其餘盡是枉遭殺戮。逼脅爲盜之徒。在於人情。豈忍盡殺。惟能全活人命多者。則其功更大。仍乞明說此意。諭與楊政。其實古文國璋集卷之三十三

宋文卷五

典乞少遲留。庶合事體。取進止

大凡邊吏遇大敵。未有不以畏怯敗事。遇小蠻。未有不以貪功生事者。此疏可與昌黎黃家賊事宜同觀

論水洛城事宜乞保全劉滬等劄子 歐陽修

臣近風聞狄青與劉滬爭水洛城事。枷禁滬等。奏來竊以邊將不和。用兵大患。況狄青劉滬皆是可惜之人。事體須要兩全。利害最難處置。臣聞水洛城自曹瑋以來。心知其利。患於難得。未暇經營。今滬能得之。則於滬之功不小。於秦州之利極多。昨韓琦等自西未聞有論奏。非以水洛爲不便。但慮難得而難成。今滬能得之。又有成之之志。正宜專委此事。責其必成。而狄青所見不同。遂成疊隙。其間利害。臣請詳言。國典乞少遲留。庶合事體。取進止

宋文卷五

以來未能得之。亦聞韓琦近在秦州。嘗欲經營而未暇。今滬奮然力取其功。魯就而中道獲罪。遂無所成。則今後邊將誰肯爲國家立事。此其不便三也。臣又聞水洛之戍。雖能救援秦州。而須藉渭州應副。今劉滬既與狄青異議。縱使水洛築就。他時萬一緩急。狄青怒滬異已。又欲逐其偏見。稍不應副。則水洛必須復失。其不便四也。緣此之故。遂移青於別路。則是因一小將移一部署。此其不便五也。此臣所謂利害甚多。最難處置者也。臣謂今宜遣一中使。處分魚周詢等。速令和解。務要兩全。必先密諭狄青曰。滬城水洛本有所稟。非是擅爲役衆築城。不比行師之際。滬見利堅執。意在成功。不可以違節制。加罪滬宜釋放。朝廷不欲直放。恐挫卿之威。卿自擇之。使威卿惠若他時。出師臨陣。有違進退之命者。任卿自行軍法。然後密諭滬曰。汝違大將指揮。自今有罪。朝廷以汝於水洛展効。望汝成功。故諭青使赦汝。爾卒事以自贖。俟水洛功就。則文戒青不可因前曾異議。堅執不修。惟幸失之。遂已。偏見今後水洛緩急。尤須極力應副。

古文國瑋集

卷之三十三

聖宋文卷五

萬一小有疎失。則是汝挾情以陷之。必有重責。如此則水洛之利可成。蕃戶之恩信不失。邊將立事者不解。大將之威不挫。苟不如此。未見其可。蓋罪滬既不可罷。水洛城又不可沮。狄青又不可事。關利害。伏望聖慮深思。取進止。

調停邊將最合事宜

古文國瑋集

卷之三十三

聖宋文卷五

再論水洛城事乞保全劉滬劄子 歐陽修

臣伏見朝廷近爲修水洛城事雖已差魚周詞等就彼相度風聞周詢近有奏來爲水洛蕃族見狄青枷取劉滬等因致驚擾周詢却乞將帶滬等往彼以此足驗劉滬能以恩信服彼一方朝廷必知水洛爲利而不欲廢之非滬守之不可然滬與狄青尹洙已立同異難使共了此事臣謂必不得已寧移尹洙不可移滬尚慮議者必謂不可因小將而動大將今若但移洙而不動狄青卽不是特移大將矣若却移路分

古文國瑋集卷之三十三

宋文卷五

更升差遣或召拜他官苟不類前後因事移替之人卽不是因滬被移矣如此則於洙無損於滬獲全其功於邊防利便三者皆獲其利若曲爲尹洙狄青却將立功將校輕沮則其害有三大凡文武官常以類分武官常疑朝廷偏厚文臣假有二人相爭實是武人理曲然武人亦不肯服但謂執政盡是文臣遷相黨護輕沮武士况今滬與洙爭而滬實有功效其理不曲若曲罪劉滬則沿邊武臣盡鼓怨怒其害一也自有西事以朱朝廷擢用

少惟范仲淹築大曠城种世衡築青澗城滬築水洛耳臣亦聞三者惟滬尤爲艱辛是功不在二人之下今若曲加輕沮則今後武臣不肯爲朝廷作事共害二也滬若不在水洛則蕃族恐他人不能綏撫別致生事則今後邊防永不能招緝蕃部其害三也今三利三害其理甚明但得大臣公心不於尹洙曲有黨庇則不於邊防生患此繫國家利害甚大伏望聖意斷而行之取進止

古文國瑋集卷之三十三

宋文卷五

大臣之不同如此

通進司上書

歐陽脩

十二月二十四日宣德郎守太子中允充館閣校勘臣歐陽脩謹昧死再拜上書于皇帝闕下臣伏見國家自元昊叛逆關西用兵以來爲國言事者衆矣臣初竊爲二策以料賊情然臣迂儒不識兵之大計如猶遲疑未敢自信今兵興既久賊形已露如臣素料頗不甚遠故竊自謂有可以助萬一而虛聽覽者謹條以聞惟陛下仁聖寬其狂妄之誅幸甚夫關西弛備而民不見兵者二三十年矣使賊萌亂之初藏形古文國瑋集卷之三十三

宋文卷五

隱計卒然而來當是時吾之邊屯寡弱城堡未定時習久安而易驚將非素選而敗怯使其半驅豕突可以奮然而滾入然國威未挫民力未疲彼得城而居不能久守虜掠而去可邀擊其歸此下策也故賊知而不爲之戎狄侵邊自古爲患其攻城掠野敗則走而勝則來蓋其常事此中策也故賊兼而用之若夫假僭名號以威其衆先擊吾之易取者一二以悅其心然後訓養精銳爲長久之計故其來也雖勝而不前不敗而自退所以誘吾兵而勞之也或擊吾東或

擊吾西乍出乍入所以使吾兵分備多而不得減息也吾欲速攻賊方新銳坐而待戰彼則不來如此相持不三四歲吾兵已老民力已疲不幸又遇水旱之災調餉不勝而盜賊羣起彼方奮其全銳擊吾困弊可也使吾不堪其困忿而出攻決於一戰彼以逸而待吾勞亦可也幸吾苦兵計未知出遂求通聘以邀歲時之賂度吾困急不得不從亦可也是吾力一困則賊謀無施而不可此兵恣所謂不戰而疲人兵者上策也而賊今方用之今三十萬之兵食於西者二古文國瑋集卷之三十三

宋文卷五

歲矣又有十四五萬之鄉兵不耕而自食其民自古未有四五十萬之兵連年仰食而國力不困者也臣聞元昊之爲賊威能畏其下恩能死其人自初僭叛嫚書已上逾年而不一出則鋒不可當執劫蕃官獲吾將帥多禮而不殺此其寇謀所畜皆非倉卒者也奈何彼能以上策而疲吾吾不自知其已困彼爲久計以撓我我無長策而制之哉夫訓兵養士伺隙乘便用間出奇此將帥之職也所謂關外之事而君不御者可也至於外料賊謀之心內察國家之勢知

彼知此因。謀制敵此。朝廷之大計也。所謂廟筭而勝者。也不可以不思。今賊謀可知。以久而疲我耳。吾勢可察。西人已困也。誠能豐財積粟。以紓西人。而完國壯兵。則賊謀沮而廟筭得矣。夫兵攻守而已。然皆以財用爲彊弱也。守非財用而不久。此不待言。請試言攻。昔秦席六世之彊。資以事胡。卒困天下而不得志。漢因文景之富力。三舉而纔得河南。隋唐突厥吐蕃。常與中國相勝敗。擊而勝之有矣。未有舉而滅者。秦漢尤強者。其所攻今元昊之地是也。況自劉平陷沒。古文國璋集卷之三十三 宋文卷五 賊鋒熾銳。未嘗挫衄。攻守之計。非臣所知。天威所加。始終期於掃盡。然臨邛之將。尚未聞得賊驍隙。桂其兇鋒。是攻守皆未有休息之期。而財用不爲長久之計。臣未見其可也。四五十萬之人。坐而仰食。然關西之地。物不加多。關東所有。莫能運致。枵腹細碎。既以無益而罷之矣。至於鬻官入粟。下無應者。攻浚權貨。而商旅不行。是四五十萬之人。惟取足於西人而已。西人何爲而不困。困而不起爲盜者。須水旱爾外。爲賊謀之所疲。內遭水旱而多故。天下之患。可勝道哉。

夫關西之物。不能加多。則必通其漕運。而致之漕運。已通而關東之物。不充。則無得而西矣。故臣以謂通漕運。盡地利。權商賈。三術並施。則財用足而西人行。國力完而兵可久。以守以攻。惟上所使。夫小項目前之利。既不足爲長久之謀。非旦夕而可効。故爲長久之計者。初若迂愚而可笑。在必而行之。則其利溥矣。故臣區區不敢避迂愚之責。請上便宜三事。惟陛下裁擇。其一曰通漕運。臣聞今爲西計者。皆患漕運之不通。臣以謂但未求之耳。今京師在汴。漕運不西。而人之習見者。遂以爲不能西。不知秦漢隋唐。其都在雍。則天下之物。皆可致之西也。山川地形。非有變易於古。其路皆在。咎人可行。今人引爲而不可。漢初歲漕山東粟數十萬石。是時運路未修。其漕尚少。其後武帝益修渭渠。至漕百餘萬石。隋文帝時。沿水爲倉。轉相運置。而關東汾晉之粟。皆至渭南。運物最多。其遺倉之迹。往往皆在。然皆尚有二門之險。自唐裴耀卿又尋隋迹。於二門東西置倉。開山十八里。爲陸運。以避其險。卒汴河而入渭。當時歲運不減二三百萬。

石其後劉晏邊耀卿之路悉漕江淮之米以實關西後世言能經財利而善漕運者耀卿與晏爲首今江淮之米歲入于汴者六百萬石誠能分給關西得一二百萬石足矣今兵之食汴漕者出戍甚衆有司不惜百萬之粟分而及之其患者三門阻其中爾今宜浚汴渠使歲運不阻然後按求耀卿之迹不憚十許里陸運之勞則河漕通而物可致且紓關西之困使古無汴今有可爲尙當爲之况管入行之而未遑今人行之而豈難哉耀卿與晏初理漕時其得尙少

古文國瑋集卷之三十三

辛未文卷五

至其末年所入十倍是可久之明矣此水運之利也臣聞漢高祖之入秦不由東關而道南陽過鄆析而入武關曹操等起兵誅董卓亦欲自南陽道丹析而入長安是時張濟又自長安出武關奔南陽則自古用兵往來之徑也臣嘗至南陽問其遺老云自鄧西北至永興六七百里今小商賈往往行之初漢高入關其兵十萬夫能容十萬兵之路宜不甚狹而險也但自雒陽爲都行者皆趨東關其路久而遂廢今能按求而通之則武昌漢陽鄧復襄陽梁洋金商

均房光化沿漢之地十一二州之物皆可漕而頗之南陽自南陽爲輜車入輦而遞之募置遞兵爲十五六舖則十餘州之物日日入關而不絕沿漢之地山多美木近漢之民仰足而有餘以造舟車甚不難也前日陛下深恤有司之勤內賜禁錢數十萬以供西用道路艱遠輦運逾年不能畢至至於軍裝輸送多苦秋霖邈州已寒冬服尙滯於路其艱如此夫使州縣綱吏遠輸京師轉肩艱澀然後得西若較南陽之旁郡度其道里入于武關與至京師遠近等者與

古文國瑋集卷之三十三

辛未文卷五

其尤近者皆使直輸于關西京師之用有不足則以禁帑出賜有司者代而充用其迂曲簡直利害較然矣此陸運之利也其二曰盡地利臣聞昔之盡財利者易爲工今之言財利者難爲術昔者之民賦稅而已故其不足則鑄山煮海權酒與茶征關市而算舟車尙有可爲之法以苟一時之用自漢魏迄今其添日增其取益細今取民之添盡矣昔者賦外之征以備有事之用今盡取民之添用於無事之時悉以冗費而廢之矣至卒然有事則無添可增然獨猶有可

爲者民作而輪官者已勞而游手之人方逸地之產
物者耕不得代而不墾之土尙多是民有遺力地有
遺利此可爲也况歷視前世用兵者未嘗不先營田
漢武帝時兵興用乏趙過爲畝田人犁之法以足用
趙充國攻西羌議者爭欲出擊而充國深思全勝之
策能忍而待其弊至違詔罷兵而治屯田田於極邊
以遊兵而防鈔寇則其理田不爲易也猶勉爲之後
漢之時曹操屯兵許下疆敵四面以今視之疑其旦
戰爭而不暇然用襄祢韓浩之計建置田官募民
古文園瑋集卷之三十三 筆宋文卷五

而田近許之地歲得穀百萬石其後郡國皆田積穀
無數隋唐田制尤廣不可勝舉其勢艱而難田莫若
充國迫急而不暇田莫如曹操然皆勉焉不以迂緩
而不田者知地利之博而可以紓民勞也今天下之
土不耕者多矣臣未能悉言謹舉其近者自京以西
土之不闢者不知其數非土之瘠而棄也蓋人不勤
農與夫役重而逃爾久廢之地其利數倍於營田今
若督之使勤與免其役則願耕者衆矣臣聞鄉兵之
不便於民議者方論之矣充兵之人遂棄農業託云

教習聚而飲博取資其家不傾無有官吏不加禁父
兄不敢詰家家自以爲患也河東河北關西之鄉兵
此猶有用若京東西者平居不足以備盜而水旱適
足以爲盜其尤可患者京西素貧之地非有山澤之
饒民惟力農是仰而今三夫之家一人五夫之家三
人爲游手凡十八九州以少言之尚可四五萬人不
耕而食是自相糜耗而重困也今誠能盡驅之使耕
于棄地官貸其種歲田之入與中分之如民之訟募
吏之習田者爲田官優其課最而誘之則民願田者
古文園瑋集卷之三十三 筆宋文卷五

衆矣太宗皇帝時嘗貸陳蔡民錢使市牛而耕真宗
皇帝時亦用耿望之言買牛湖南而治屯田今湖南
之牛歲賈于北者皆出京西若官爲買之不難得也
一有又宜重爲法以困所謂私牛之客者使不客於
民而棄爲官耕凡民之已有牛者使自耕則牛不足
而官市者不且鄉兵本農也籍而爲兵遂棄其業今
幸其去農未久尙可復驅還之田畝使不得羣游而
飲博以爲父兄之患此民所願也一夫之力以逸而
言任耕種田一頃使四五萬人皆耕而久廢之田利
又數倍則歲穀不可勝數矣京西之分比有大河南

明于遠利
者不計近
功此等經
義出於聖
孔之上而
又儒生之

論其也

至漢而西接關若又通其水陸之運所在積穀惟陳
下詔有司而移用之耳其三曰權商賈臣聞秦廢王
法啓兼并其上侵公利下刻細民爲國之患久矣自
漢以來嘗欲爲法而抑奪之然不能也蓋爲國者興
利日繁兼井者趨利日巧重其甚也商賈坐而權國
利其故非他由興利廣也夫興利廣則上難專必與
下而共之然後流通而不滯然爲今議者方欲奪商
之利一歸於公上而專之故奪商之謀益深則爲國
之利益損前日有司屢變其法法每一變則一歲之
古文國璣集卷之三十三
主而宋文惠王
間所損數百萬歲者不知利不可專欲專而反損但
云變法之未嘗變而不已其損愈多夫欲十分之利
皆歸于公至其虧少十不得三不若與商共之常得
其五也今爲國之利多者茶與鹽耳茶自變法已來
商賈不復一歲之失數年莫補所在積朽棄而焚之
前日議者屢言三說之法爲便有司既以詳之矣今
誠能復之使商賈有利而通行則上下濟矣解池之
鹽積若山阜今宜暫下其價誘羣商而散之先爲今
日三年將復舊價則貪利之商爭先而湊矣夫茶者

生於山而無窮鹽有出於水而不竭賤而散之
十未減其一二天二物之所以貴者以能爲國資
幣爾今不散而積之是情朽壤也夫何用哉夫大商
之能蕃其貨者豈其錙銖躬自需於市哉必有販夫
小賈就而分之販夫小賈無利則不爲故大商不結
販夫之分其利者恃其貨博雖取利少貨行流速則
積少而爲多也今爲大國者有無窮不竭之貨反紹
大商之分其利乎使無用而積爲朽壤何哉故大商
之善爲術者不惜其利而誘販夫大國之善爲術者
古文國璣集卷之三十三
主而宋文惠王
不惜其利而誘大商此與商賈共利取少而致多之
術也一有又今商賈之難以制者以其積貨多而
也故每有司變法下利則利薄則利薄則利薄則利
則大商方寸小同之不行適得獨資其貨而安肯勉
理薄利而求哉故變法而不利者適足使小商不來
而爲大商賈積貨也今必以制商爲宜蓋括其居積
之物官爲買而還之使其貨盡而後變法夫大商以
利爲主一歲不獲利則有他往之憂彼必不能守積
錢而閑居得利薄則將勉而求此變法制商之術
也夫欲誘商而通貨莫若與之共利此制商之上也
制商使其不得不從則莫若新稅之使無積貨此制
之下一也然此可制茶商耳若鹽古禁益密則肩法愈
多而刑繁凡二若乃縣官自爲鬻市之事此大商之
百三十八條不爲臣謂行之難久者也誠能不較錙銖而思遠大

則積朽之物散而錢幣通。可不勞而用足矣。臣愚不足以知時事。若夫堅守以扞賊利。則出而擾之。凡小便宜。願且委之邊將。至於積穀與錢。通其漕運。不二三歲。而國力漸豐。邊兵漸習。賊銳漸挫。而有隙可乘。然後一舉而滅之。此萬全之策也。願陛下以其小者責將帥。謀其大計而行之。則天下幸甚。臣修昧死再拜。

古文國瑋集卷之三十三
宋文卷五

小夷與中國抗。而中國受其弊者。一方有微四。而俱動。疲于奔命耳。若能持久之計。應之從容。常有餘力。則彼之事力。非我敵也。持之數年。終不得逞。則不戰而屈之矣。歐公三策。所謂坐得制勝之本者也。

歷代古文國瑋集卷之三十三

襄西方岳貢禹脩評選

宋文

準詔言事上書

歐陽脩

月日臣脩謹昧死再拜上書于皇帝陛下。臣近準詔書許臣上書言事。臣學識愚淺。不能廣引深遠。以明治亂之原。謹採當今急務。條爲三弊五事。以應詔書所求。伏惟陛下裁擇。臣聞自古王者之治天下。雖有憂勤之心。而不知致治之要。則心愈勞而事愈乖。雖有納諫之明。而無力行之果。斷則言愈多而聽愈惑。故爲人君者。以經務而責人。專大事而獨斷。此致治之要術也。納一言而可用。雖衆說不得以沮之。此力行之果斷也。知此二者。天下無難治矣。伏見國家自大兵一動。中外騷然。陛下思社稷之安危。念兵民之疲弊。四五年來。聖心憂勞。可謂至矣。然而兵日益老。賊日益彊。併九州之力。討一西戎。小者尚無一人敢前。今又北戎大者違盟而動。其將何以禦之。從來所患者夷狄。今夷狄叛矣。所惡者盜賊。今盜賊起矣。所

憂者水旱。今水旱作矣。所賴者民力。今民力困矣。所須者財用。今財用乏矣。陛下之心。日憂於一日。天下之勢。歲危於一歲。此臣所謂用心雖勞。不知求政治之要者也。近年朝廷開發言路。獻計之士。不下數千。然而事緒轉多。枝梧不暇。從前所採衆議紛紜。至於臨事。雖策可用。此臣所謂聽言雖多。不如力行之果斷者也。伏思聖心所甚憂。而當今所尚闕者。不過曰無兵也。無將也。無財用也。無禦戎之策也。無可任之臣也。此五者。陛下憂其未有。而臣謂今皆有之。然陛下

下未得而用者。未思其術也。國家創業之初。四時。據中國地狹。兵民不多。然尚能南取荆楚。收僞唐。定閩嶺。西平兩蜀。東下并潞。北窺幽燕。當時所用兵財將吏。其數幾何。惟善用之。故不覺其少。何況今日。承百年祖宗之業。盡有天下之富彊。人衆物盛。十倍國初。故臣敢言。有兵有將。有財用。有禦戎之策。有可任之臣。然陛下皆不得而用者。其故何哉。由朝廷有三。大弊故也。何謂三弊。一曰不慎號令。二曰不明賞罰。三曰不責功實。此三弊因循於上。則萬事弛慢。廢壞

於下。臣聞號令者。天子之威也。賞罰者。天子之權也。若號令不信。賞罰不當。則天下不服。故又須責臣下以功實。然後號令不虛出。而賞罰不濫行。是以慎號令。明賞罰。責功實。此三者。帝王之奇術也。自古人君英雄如漢武帝。聰明如唐太宗。皆知用此三術。而自執威權之柄。故所求無不得。所欲皆如意。漢武好用兵。則誅滅四夷。立功萬里。以快其心。欲求將。則有衛霍之材。以供其指使。欲得賢士。則有公孫董汲之徒。以稱其意。唐太宗好用兵。則誅突厥。服遼東。威振夷

狄以逞其志。欲求將。則有李靖李勣之徒。入其駕馭。欲得賢士。則有房杜之徒。在其左右。此二帝者。可謂所求無不得。所欲皆如意。無他術也。惟能自執威權之柄耳。伏惟陛下以聖明之姿。超出二帝。又盡有漢唐之天下。然而欲禦邊。則常患無兵。欲破賊。則常患無將。欲贍軍。則常患無財用。欲威服四夷。則常患無策。欲任使賢材。則常患無人。是所求皆不得。所欲皆不如意。其故無他。由不用威權之術也。自古帝王。或為強臣所制。或為小人所惑。則威權不得出於己。今

人主之權
不敵一
縣矣

古文國璋集

卷之三十四

宋文鑑

朝無強臣之患。旁無小人偏任之禍。內外臣庶。尊陛下如天。愛陛下如父。傾耳延首。願陛下之所為。然何所憚而不為乎。若一日赫然執威權以臨之。則萬事皆辦。何患五者之無奈何。為三弊之因循。一事之不集。臣請言三弊。夫言多變。則不信。令頻改。則難從。今出令之初。不加詳審。行之未久。尋又更張。以不信之言。行難從之令。故每有處置之事。州縣知朝廷未是一定之命。則官吏或相謂曰。且未要行。不久必須更改。或曰。備禮行下。略與應破指揮。旦夕之間。果然又變。至於將吏更易。道路疲於送迎。符牒縱橫。上下莫能遵守。中外臣庶。或聞而歎息。或聞而竊笑。歎息者有憂天下之心。竊笑者有輕朝廷之意。號令如此。欲威天下。其可得乎。此不慎號令之弊也。用人之術。不過賞罰。然賞及無功。則恩不足。勸罰失有罪。則威無所恩。雖有人不可用矣。太祖時。王全斌破蜀而歸。功不細矣。犯法一貶。十年不問。是時方討江南。故黜全斌與諸將立法。太祖神武英斷。所以能平定天下者。其賞罰之法皆如此也。昨關西用兵四五年矣。大將

古文國璋集

卷之三十四

宋文鑑

以無功罷者。依舊居官。軍中見無功者。不妨得好官。則諸將誰肯立功矣。裨將畏懦。逗遛者。皆當斬罪。或暫貶而尋遷。或不貶而依舊。軍中見有罪者不誅。則諸將誰肯用命矣。所謂賞不足勸。威無所恩。賞罰如此。而欲用人。其可得乎。此不明賞罰之弊也。自兵動以來。處置之事不少。然多有有名而無實。臣請略言其一二。則其他可知。數年以來。點兵不絕。諸路之民。半為兵矣。其間老弱病患。短小怯懦者。不可勝數。是有點兵之虛名。而無得兵之實數也。新集之兵。所在教習。追呼上下。民不安居。主教者非將領之材。所教者無旗鼓之節。往來州縣。愁嘆嗷嗷。既多是老病怯之人。又無訓齊精練之法。此有教兵之虛名。而無訓兵之實藝也。諸路州軍。分造器械。工作之際。已勞民力。輦運般送。又苦道塗。然而鐵刃不剛。筋膠不固。長短大小。多不中度。造作之所。但務充數而速了。不計所用之不堪。經歷官司。又無檢責。此有器械之虛名。而無器械之實用也。以州州之法。教老怯之兵。執鈍折不堪之器械。百戰百敗。理在不疑。臨事而悟。何可

及乎。故事無大小。悉皆面奏。則不責功實之弊也。臣
故曰三弊因循于上。則萬事弛慢廢壞於下。萬事不
可盡言。臣請言大者五事。其一曰兵。臣聞攻人以謀
不以力。用兵聞智不聞多。前代用兵之人。多者常敗。
少者常勝。漢王尋等以百萬之兵。遇光武九千人而
敗。是多者敗。而少者勝也。苻堅以百萬之兵。遇東晉
二萬三萬人而敗。是多者敗。而少者勝也。曹操以三十
萬青州兵大敗于呂布。退而歸許。復以二萬人破袁
紹十四五萬。是用兵多則敗。少則勝之明驗也。況于
古者國璋集卷之三十四 宋文鑑
夷狄尤難以力爭。只可以計取。李靖破突厥於定襄。
只用三千人。其後破頡利於陰山。亦不過一萬。蓋兵
不在多。能以計取爾。故善用兵者。以少為多。不善用
者。雖多而愈少也。為今計者。添兵則耗國。減兵則破
賊。今沿邊之兵。不下七八十萬。可謂多矣。然訓練不
精。又有老弱虛數。則十人不當一人。是七八十萬之
兵。不當七八萬人之用。加又軍無統制。分散支離。分
多為寡。兵法所忌。此所謂不善用兵者。雖多而愈少。
故常戰而常敗也。臣願陛下赫然奮威。勸諸將精

之弱正
于兵多
其後正
公既知
勢而反
智共故
十餘不

加訓練。去其老弱。七八十萬中。可得五十萬數。古人
用兵。以一當百。今既未能。但得以一當十。則五十萬
精兵。可當五百萬兵之用。此所謂善用兵者。以少而
為多。古人所以少而常勝者。以此也。今不思實効。但
務添多。耗國耗民。積以年歲。賊雖不至。天下已困矣。
此一事也。其二曰將臣。又聞古語曰。將相無種。故或
出於奴僕。或出於軍卒。或出於盜賊。惟能不次而用
之。乃為名將耳。國家求將之意。雖勞。選將之路太狹。
今詔近臣舉將。而限以資品。則英豪之士在下位者。
古文國璋集卷之三十四 宋文鑑
不可得矣。試將材者。限以弓馬。一夫之勇。則智略萬
人之敵。皆遺之矣。山林奇傑之士。召而至者。以其貧
賤而薄之。不過與一主簿借職。使其快快而去。則古
之屠釣飯牛之僕。皆激怒而失之矣。至于無人可用。
則寧用龍鍾跛躄。庸懦暗劣之徒。皆授之兵柄。天下
三尺童子。皆為朝廷危之。前日澶淵之卒。幾為國家
生事。此可見也。議者不知取將之無術。但云當今之
無將。臣願陛下革去舊弊。奮然精求有賢豪之士。不
須限以下位。有智略之人。不必試以弓馬。有山林之

僕不可薄其貧賤。惟陛下能以非常之禮待人。人臣亦將以非常之効報國。此二事也。其三曰財用。臣又聞善治病者必醫其受病之處。善救弊者必尋其起弊之源。今天下財用困乏。其弊安在。起於用兵而費大故也。漢武好窮兵。用盡累世之財。當時勒兵單于。臺不過十八萬。尚能困其國力。況未若今日七八十萬。連四五年而不能。所以罄天地之所生。竭萬民之膏血。而用不足也。今雖有智者。物不能增。而計無所出矣。惟有減冗卒之虛費。練精兵而速戰。功成兵罷。自然足矣。今兵有可減之理。無人敢當其事。賊有速擊之便。無將敢奮其勇。後時敗事。徒耗國而耗民。此三事也。其四曰禦戎之策。臣又聞兵法曰。上兵伐謀。其次伐交。北虜與朝廷通好。僅四十年不敢妄動。今一旦發其狂謀者。其意何在。蓋見中國頻為元昊所敗。故敢啓其貪心。伺隙而動耳。今若勸勵諸將。選兵秣馬。疾入西界。但能痛敗吳賊一陣。則吾軍威大振。而虜計沮矣。此所謂上兵伐謀者也。今詞事者皆知北虜與西賊通謀。欲併二國之力。窺我河吐陝西。今

古文國璋集

卷之三十四

八

宋文卷六

言之雖落
事勢實是
如此非儒
皆妄為大
言也

若我能先擊敗其一國。則虜勢減半。不能獨舉。此兵法所謂伐交者也。元昊地狹。賊兵不多。向來攻我傳聞。虜常有肋兵。今若虜中自有點集之謀。而元昊驟然被擊。必求助於北虜。北虜分兵助吳。則可牽其南寇之力。若不助吳。則二國有隙。自相疑貳。此亦伐交之策也。假令二國尅期分路來寇。我能先期大舉。則元昊發皇自救。不暇。豈能與北虜相為表裏。是破其素定之約。奪其剋日之期。此兵法所謂親而離之者。亦伐交之策也。元昊叛逆以來。幸而屢勝。常有輕視諸將之心。今又見朝廷北憂戎虜。方經營於河朔。必謂我師不能西出。今乘其驕怠。正是疾驅急擊之時。此兵法所謂出其不意者。此取勝之上策也。前年西將有請出攻者。當時賊氣力方盛。我兵未練。朝廷尚許其出師。況今元昊有可攻之勢。此不可失之時。彼方幸吾憂河北。而不虞我能西征。出其不意。此可攻之勢也。自四路分帥。今已半年。訓練恩信。兵已可用。故近日屢奏小捷。是我師漸振。賊氣漸勦。此可攻之勢也。苟失此時。而使二虜先來。則吾無策矣。臣願

古文國璋集

卷之三十四

九

宋文卷六

若制廷分
一人獨東
亦是不堪
亦多舉主
亦無益也

古文圖瑋集卷之三十四

十宋文卷六

陛下詔執事之臣熟議而行之。此四事也。其五曰。可任之臣。臣又聞仲尼曰。十室之邑必有忠信。況今文武列職。徧于天下。其間豈無性智之臣。而陛下總治萬機之大。既不暇盡識其人。故不能躬自進賢而退不肖。執政大臣。動拘舊例。又不敢進賢而退不肖。審官吏部三班之職。但掌文簿。差除而已。又不敢越次進賢而退不肖。是上自天子。下至有司。無一人得進賢而退不肖者。所以賢愚混雜。僥倖相容。三載一遷。更無旌別。平居無事。惟患太多。而差遣不行。一旦臨事。要人常患乏人使用。自古任官之法。無如今日之繆也。今議者或謂舉主轉官。為進賢。犯罪黜責。為退不肖。此不知其弊之深也。大凡善惡之人。各以類聚。故守廉慎者。各舉清幹之人。有賊汙者。各舉貪濁之人。好徇私者。各舉請求之人。性庸暗者。各舉不材之人。朝廷不問是非。但見舉主數足。便與改官。則清幹者。進矣。貪濁者。亦進矣。請求者。亦進矣。不材者。亦進矣。混淆如此。便可為進賢之法乎。方今黜責官吏。豈有澄清糾舉之術哉。惟犯賊之人。因民論訴者。乃能

古文圖瑋集卷之三十四

十宋文卷六

黜之耳。夫能舞弄文法而求財賂者。亦強黜之吏。政事必繇已出。故雖誅剝豪民。尚或不及貪弱。至於不材之人。不能主事。衆胥羣吏。共為奸欺。則民無貧富。一時受弊。以此而言。則賊吏與不材之人。為害等耳。今賊吏因自敗者。乃加黜責。十不去其一二。至于不材之人。上下共知。而不問寬緩容姦。其弊如此。便可為退不肖之法乎。賢不肖既無別。則宜乎設官雖多。而無人可用也。臣願陛下明賞罰。責功實。則材皆列於陛下之前。臣故曰五者皆有。然陛下不得而用者。為有弊也。三弊五事。臣既已詳言之矣。惟陛下擇之。天下之務。不過此也。方今天文變於上。地理逆於下。人心怨於內。四夷攻於外。事勢如此矣。非是陛下遲疑寬緩之時。惟願為社稷生民留意。臣俯昧死再拜。

內外諸事無不備言。而條貫分明。不作制科習氣。

與李訓第二書

歐陽脩

脩自前辱示書及性論三篇。見吾子好學善辯而文能盡其意之詳。今世之言性者多矣。有所不及也。故思與吾子卒其說。脩思世之學者多言性。故常爲說曰。夫性非學者之所忌。而聖人之所罕言也。易六十四卦不言性。其言者動靜得失吉凶之常理也。春秋二百四十二年不言性。其言者善惡是非之實錄也。詩三百五篇不言性。其言者政教興衰之美刺也。書五十九篇不言性。其言者堯舜三代之治亂也。禮樂之書雖不完。而雜出於諸儒之記。然其大要治國脩身之法也。六經之所載皆人事之切於世者。是以言之甚詳。至於性也。百不一二言之。或因言而及焉。非爲性而言也。故雖言而不究。予之所謂不言者。非謂絕而無言。蓋其言者鮮。而又不主於性而言也。論語所載七十二子之問於孔子者。問孝問忠問仁義問禮樂問脩身問爲政問朋友問鬼神者有矣。未嘗有問性者。孔子之告其弟子者。凡數千言。其及於性者一言而已。予故曰。非學者之所忌。而聖人之罕言也。

古文圖瑋集

卷之三十四

主

宋文卷六

書曰。習與性成。語曰。性相近。習相遠者。戒人慎所習而言也。中庸曰。天命之謂性。率性之謂道者。明性無常。必有以率之也。樂記亦曰。感物而動。性之欲者。明物之感人。無不至也。然終不言性。果善果惡。但戒人慎所習與所感。而勤其所以率之者爾。予故曰。因言以及之。而不究也。脩少好學。知學之難。凡所謂六經之所載。七十二子之所問者。學之終身有不能達者矣。於其所達行之終身有不能至者矣。以予之汲汲於此。而不暇乎其他。因以知七十二子亦以是汲汲而不暇也。又以知聖人所以教人。垂世亦皇皇而不暇也。今之學者。於古聖賢所皇皇汲汲者。學之行之或未至其一二。而好爲性說。以窮聖賢之所罕言。而不究者。孰後儒之偏說。事無用之空言。此予之所不暇也。或有問曰。性果不足學乎。予曰。性者與身俱生。而人之所皆有也。爲君子者。脩身治人而已。性之善惡不必究也。使性果善。邪身不可以不脩。人不可以不治。使性果惡。邪身不可以不脩。人不可以不治。不脩其身。雖君子而爲小人。書曰。惟聖罔念作狂。是也。

古文圖瑋集

卷之三十四

主

宋文卷六

能脩其身。雖小人而為君子。書曰：惟狂克念作聖。是也。治道備人。斯為善矣。書曰：黎民於變時雍。是也。治道失人。斯為惡矣。書曰：殷頑民。又曰：舊染汚俗。是也。故為君子者。以脩身治人為惡。而不窮性以為言。夫七十二子之不問。六經之不主言。或雖言而不究。豈略之哉。蓋有意也。或又問曰：然則三子言性過歟。曰：不過也。其不同何也。曰：始異而終同也。使孟子曰：人性善矣。遂息而不教。則是過也。使荀子曰：人性惡矣。遂棄而不教。則是過也。使楊子曰：人性混矣。遂肆而

古文圖緯集 卷之三十四 宋文卷六

不教。則是過也。然三子者。或身奔走諸侯。以行其道。或著書累千萬言。以告于後世。未嘗不區區以仁義禮樂為惡。蓋其意以謂善者。一日不教。則失而入于惡。惡者。勤而教之。則可使至于善。混者。驅而率之。則可使去惡而就善也。其說與書之習與性成。語之性近。習遠。中庸之有以率之。樂記之慎物所感。皆合夫三子者。推其言則殊。察其用心則一。故予以為推其言。不過始異而終同也。凡論三子者。以子言而一之。則謏謏者可以息矣。予之所說如此。吾子其擇焉。

上范司諫書 歐陽脩

月日具官謹齋沐奉書司諫學士執事。前月中得進奏吏報云。自陳州召至闕。拜司諫。即欲為一書以賀。多事卒卒未能也。司諫七品官。爾於執事得之不為喜。而獨區區欲一賀者。誠以諫官者。天下之得失一時之公議繫焉。今世之官。自九卿百執事外。至一郡縣吏。非無貴官大職。可以行其道也。然縣越其封。郡逾其境。雖賢守長。不得行以其有守也。吏部之官。不得理兵部。戶部之卿。不得理光祿。以其有司也。若天

古文圖緯集 卷之三十四 宋文卷六

下之失得。生民之利害。社稷之大計。惟所見聞。而不繫職司者。獨宰相。相可行之。諫官可言之。爾故學古懷道者。仕於時。不得為宰相。必為諫官。諫官雖卑。與宰相等。天子曰：不可。宰相曰：可。天子曰：然。宰相曰：不然。坐乎廟堂之上。與天子相可否者。宰相也。天子曰：是諫官。曰：非天子曰：必行。諫官曰：必不可。行立殿陛之前。與天子爭是非者。諫官也。宰相尊行其道。諫官卑行其言。言行道亦行也。九卿百司郡縣之吏。守一職者。任一職之責。宰相諫官繫天下之事。亦任天下之責。

然宰相九卿而下失職者受責於有司諫官之責也取譏于君子有司之法行乎一時君子之譏著之簡冊而昭明焉之百世而不泯甚可慰也夫七品之官任天下之責思百世之譏豈不重邪非材且賢者不能爲也近執事始被召于陳州洛之士大夫相與語曰我識范君知其材也其來不爲御史必爲諫官及命下果然則又相與語曰我識范君知其賢也他日聞有立天子陛下直辭正色而爭庭論者非他人必范君也拜命以來翹首企足竚平有聞而卒未也

竊感之豈洛之士大夫能料于前而不能料於後也將執事有待而爲也昔韓退之作爭臣論以議陽城不能極諫卒以諫顯人皆謂城之不諫蓋有待而然退之不識其意而妄議修獨以謂不然當退之作論時城爲諫議大夫已五年後又二年始庭論陸贄及沮裴延齡作相欲裂其麻纓兩事爾當德宗時可謂多事矣授受失宜叛將強臣羅列天下又多猜忌進任小人於此之時豈無一事可言而須七年耶當時之事豈無急於沮延齡論陸贄兩事也謂宜朝拜官

而夕奏疏也幸而城爲諫官七年適遇延齡陸贄事一諫而罷以塞其責同使止五年六年而遂遷司業是終無一言而去也何所取哉今之居官者率三歲而一遷或一二歲甚者半歲而遷也此又非一可以待乎七年也今天子躬親庶政化理清明雖爲無事然自千里詔執事而罪是官者豈不欲聞正議而樂讜言乎然今未聞有所言說使天下知朝廷有正士而彰吾君有納諫之明也夫布衣韋帶之士窮居艸茅坐誦書史常恨不見用及用也又曰彼非我職不敢言或曰我位猶卑不得言矣又曰我有待是終無一人言也可不惜哉伏惟執事思天子所以見用之意思君子百世之譏一陳昌言以塞重望且解各之七大夫之惑則幸甚幸甚

韓動更快於諍臣論

與高司諫書

歐陽脩

脩頓首再拜白司諫足下。某年十七時家隨州。見天聖二年進士及第榜。始識足下姓名。是時予年少。才與人接。又居遠方。但聞今宋舍人兄弟。與葉道卿鄭天休數人者。以文學大有名。號稱得人。而足下廁其間。獨無卓卓可道說者。予固疑足下不知何如人也。其後更十一年。予再至京師。足下已爲御史裏行。然猶未暇一識足下之面。但時時于予友尹師魯間。足下之賢否。而師魯說足下正直有學問。君子人也。予猶疑之。夫正直者不可屈曲。有學問者必能辨是非。以不可屈之節。有能辨是非之明。又爲言事之官。而俯仰默默無異衆人。是果賢者耶。此不得使予之可疑也。自足下爲諫官。來始得相識。侃然正色。論前世事。歷歷可聽。褒貶是非。無一謬說。噫。持此辯以示人。孰不愛之。雖予亦疑足下眞君子也。是予自聞足下之名。及相識。凡十有四年。而三疑之。今者推其實迹而較之。然後決知足下非君子也。前日范希文貶官。後與足下相見於安道家。足下詆訕希文爲人。予始

古文國粹集

卷之三十四

宋文卷六

聞之。疑是戲言。及見師魯亦說足下深非希文所爲。然後其疑遂決。希文平生剛正好學。通古今。其立朝有本末。天下所共知。今又以言事觸宰相得罪。足下既不能爲辨其非辜。又畏有識者之責。已遂隨而詆之以爲當黜。是可怪也。夫人之性。剛果懦軟。稟之于天。不可勉強。雖聖人亦不以不能責人之必能。今足下家有老母。身惜官位。思飢寒而顧利祿。不敢一忤宰相。以近刑禍。此乃庸人之常情。不過作一不才諫官爾。雖朝廷君子。亦將閔足下之不能而不責以必能也。今乃不然。反昂然自得。了無愧畏。便毀其賢以爲當黜。度乎飾已。不言之過。夫力所不敢爲。乃愚者之不逮。以智文其過。此君子之賊也。且希文果不賢耶。自三四年來。從大理寺丞至前行員外郎。作待制。日備顧問。今班行中無與比者。是天子驟用不賢之人。夫使天子待不賢以爲賢。是聰明有所未盡。足下身爲司諫。乃耳目之官。當其驟用時。何不一爲天子辨其不賢。反默默無一語待其自敗。然後隨而非之。若果賢邪。則今日天子與宰相以忤意逐賢人。足

古文國粹集

卷之三十四

宋文卷六

下。不。得。不。言。是。則。足。下。以。希。文。爲。賢。亦。不。免。責。以。爲。不。賢。亦。不。免。責。大。抵。罪。在。默。然。爾。昔。漢。殺。蕭。望。之。與。王。章。計。其。當。時。之。議。必。不。肯。明。言。殺。賢。者。也。必。以。石。顯。王。鳳。爲。忠。臣。望。之。與。章。爲。不。賢。而。被。罪。也。今。足。下。視。石。顯。王。鳳。果。忠。邪。望。之。與。章。果。不。賢。邪。當。時。亦。有。諫。臣。必。不。肯。自。言。畏。禍。而。不。諫。亦。必。曰。當。誅。而。不。足。諫。也。今。足。下。視。之。果。當。誅。邪。是。直。可。欺。當。時。之。人。而。不。可。欺。後。世。也。今。足。下。又。欲。欺。今。人。而。不。思。後。世。之。不。可。欺。邪。況。今。之。人。未。可。欺。也。伏。以。今。皇。帝。卽。位。已。來。進。用。諫。臣。容。納。言。論。如。曹。脩。古。劉。越。雖。殺。猶。被。褒。稱。今。希。文。與。孔。道。輔。皆。自。諫。諍。擢。用。足。下。幸。生。此。時。遇。納。諫。之。聖。主。如。此。猶。不。敢。一。言。何。也。前。日。又。聞。御史。臺。勝。朝。堂。戒。百。官。不。得。越。職。言。事。是。可。言。者。惟。諫。臣。爾。若。足。下。又。遂。不。言。是。天。下。無。得。言。是。也。足。下。在。其。位。而。不。言。便。當。去。之。無。妨。他。人。之。堪。其。任。者。也。昨。日。安。道。貶。官。師。魯。待。罪。足。下。猶。能。以。面。目。見。士。大。夫。出。入。朝。中。稱。諫。官。是。足。下。不。復。知。人。間。有。羞。耻。事。爾。所。可。惜。者。聖。朝。有。事。諫。官。不。言。而。使。他。人。言。之。書。在。

史冊他日爲朝廷羞者足下也。春秋之法責賢者得。今某區區猶望足下之能一言者。不忍便絕足下。而不以賢者責也。若猶以謂希文不賢而當逐。則予今所言如此。乃是朋邪之人爾。願足下直携此書于朝。使正予罪而誅之。使天下皆釋然知希文之當逐。亦諫臣之一効也。前日足下在安道家。召予往論希文之事。時坐有他客。不能盡所懷。故輒布區區。伏惟幸察。不宣。脩再拜。

之意耳。歐公不誅其意。而但以大義責之。猶爲忠厚也。

與尹師魯第一書

歐陽脩

某頓首師魯十二兄書記前在京師相別時約使人如何上既受命便遣白頭奴出城而還言不見舟矣其夕及得師魯手簡乃知留船以待怪不如約方悵此奴懶去而見給臨行臺吏催苛百端不比催師魯人長者有禮使人惶迫不知所為是以又不留下書在京師但深託君貺因書道脩意以西始謀陸赴夷陵以大暑又無馬少作此行沿汴絕淮泛大江凡五千里用一百一十程纔至荊南在路無附書處不知君貺曾作書道脩意否及來此問荆人云去郢止兩程方喜得作書以奉問又見家兄言有人見師魯過襄州計今在郢久矣師魯歡戚不問可知所渴欲問者別後安否及家人處之如何莫若相尤否六郎舊疾平否脩行雖久然江湖皆昔所游往往有親舊留連又不遇惡風水老母用術者言果以此行爲幸又聞夷陵有米麪魚如京洛又有梨栗橘柚大筍茶薺皆可飲食益相喜賀昨日因參轉運作庭趨始覺身是縣令矣其餘皆如昔時師魯簡中言疑脩有自疑

古文國瑋集卷之三十四

宋文卷六

之意者非他蓋恐責人太深以取直爾今而思之自決不復疑也然師魯又云簡於朋友此似未知脩心當與高書時蓋已知其非君子發於極憤而切責之非以朋友待之也其所爲何足驚駭路中來頗有人以罪由不測見平者此皆不知修心也師魯又云非忘親此又非也得罪雖灰不爲忘親此事須相見可盡其說也五六十年来天生此輩沈默畏恩布在世間相師成風忽見吾輩作此事下至竈間老婢亦相驚怪交口議之不知此事古人日日有也但問所言當否而已又有深相賞歎者此亦是不慣見事人也可嗟世人不見如往時事久矣往時砧斧問鏤皆是烹斬人之物然士有友不失義則趨一就之與几席枕藉之無異有義君子在傍見有就死知其當然亦不甚歎賞也史冊所以書之者蓋特欲警後世愚懦者使知事有當然而不得避爾非法爲奇事而詫人也幸今世用刑至仁慈無此物使有一人就之不知作何等怪駭也然吾輩亦自當絕口不可及前事也居閑僻處日知進道而已此事不須言然師魯以

古文國瑋集卷之三十四

宋文卷六

脩有自疑之言。要知脩處之如何。故略道也。安道與予在楚州談禍福事甚詳。安道亦以爲然。俟到夷陵寫去。然後得知脩所以處之之心也。又嘗與安道言。每見前世有名。人當論事時。感激不避誅死。真若知義者。及到貶所。則感感怨嗟。有不堪之窮愁。形於文字。其心歡戚無異庸人。雖韓文公不免此累。用此戒安道。慎勿作感感之文。師魯察脩此語。則處之之心。又可知矣。近世人因言事。亦有被貶者。然或傲逸狂醉。自言我爲人不爲小。故師魯相別。自言益慎。職無古文國瑋集卷之三十四 宋文卷六

飲酒。此事脩今亦遵此語。咽喉自由。京愈矣。至今不曾飲酒。到縣後。勤官以懲。洛中時。懶慢矣。夷陵有一路。祇數日。可至郢。白頭奴足以往來。秋寒矣。千萬保重。不宣。脩頓首。傳長虞曰。人死于作直。與死于酒色等耳。死于酒色。不怪而死。于作直。輒怪是。荀子庸者也。而歐陽公亦云。枯斧鼎鑊。皆是昔時烹斬人之物。趨義而死。不足駭嘆。二公相去千載。言不同。而意相合。然二公又俱極享爵祿。身名俱泰。乃知死不死。有命。又不關作此與不作直耳。

朋黨論

歐陽脩

臣聞朋黨之說。自古有之。惟幸人君辨其君子小人而已。大凡君子與君子。以同道爲朋。小人與小人。以同利爲朋。此自然之理也。然臣謂小人無朋。惟君子則有之。其故何哉。小人所好者。祿利也。所貪者。財貨也。當其同利之時。暫相黨引。以爲朋者。僞也。及其見利而爭。利盡而交疎。則反相賊害。雖其兄弟親戚。不能相保。故臣謂小人無朋。其暫爲朋者。僞也。君子則不然。所守者道義。所行者忠信。所惜者名節。以

古文國瑋集卷之三十四

重宋文卷六

之脩身則同道而相益。以之事國則同心而共濟。終始如一。此君子之朋也。故爲人君者。但當退小人之僞朋。用君子之眞朋。則天下治矣。堯之時。小人共工。讎兜等四人。爲一朋。君子八元八凱十六人。爲一朋。舜佐堯。退四凶。小人之朋。而進元凱。君子之朋。堯之天下大治。及舜自爲天子。而皋夔稷契等二十二人。並列于朝。更相稱美。更相推讓。凡二十二人。爲一朋。而舜皆用之。天下亦大治。書曰。紂有臣億萬。惟億萬心。周有臣三千。惟一心。紂之時。億萬人各異心。可謂

不爲朋矣。然紂以亡國。周武王之臣三千人爲一大朋。而周用以興。後漢獻帝時。盡取天下名士囚禁之。目爲黨人。及黃巾賊起。漢室大亂。後方悔悟。盡解黨人而釋之。然已無救矣。唐之晚年。漸起朋黨之論。及昭宗時。盡殺朝之名士。或投之黃河。曰此輩清流可投濁流。而唐遂亡矣。夫前世之主。能使人人異心。不爲朋莫如紂。能無絕善人爲朋莫如漢獻帝。能誅戮清流之朋莫如唐昭宗之世。然皆亂亡其國。更相稱美。推讓而不自疑。莫如舜之二十二臣。舜亦不疑而皆用之。然而後世不謂舜爲二十二人朋黨所欺。而稱舜爲聰明之聖者。以能辨君子與小人也。周武王之世。舉其國之臣三千人。共爲一朋。自古爲朋之多且大。莫如周。然周用此以興者。善人雖多而不厭也。夫興亡治亂之迹。爲人君者可以鑒矣。

古文國璋集卷之三十四 宋文卷六

後世之爲黨者。未必皆君子。然其自謂無黨而攻人爲黨者。必小人也。人主知此。則邪正之辨。思過半矣。

春秋論下 歐陽脩

弑逆大惡也。其爲罪也莫贖。其於人也不容。其在法也無赦。法施於人。雖小必慎。况舉大法而加大惡乎。既輕加之。又輕赦之。則自侮其法。而人不畏春秋用法。不如是之輕易也。三子說春秋書趙盾以不討賊。故加之大惡。既而以盾非實弑。則又復見于經。以明盾之無罪。是輒加之。而輒赦之。爾以盾爲無弑心乎。其可輕以大惡加之。以盾不討賊情可責。而宜加之乎。則其後頑然未嘗討賊。既不改過。以自贖何爲遽赦。使同無罪之人。其於進退皆不可。此非春秋意也。趙穿弑君大惡也。盾不討賊。不能爲君復讎。而失刑於下。二者輕重不較。可知就使盾爲可責。然穿焉得免也。今免首罪爲善人。使無辜者受大惡。此決知其不然也。春秋之法。使爲惡者不得幸免。疑似者有所辨明。所謂是非之公也。據三子之說。初靈公欲殺盾。盾走而免。穿盾族也。遂弑而盾不討。其迹涉於與弑矣。此疑似難明之事。聖人尤當求情責實。以明白之。使盾果有弑心乎。則自然罪在盾矣。不得曰爲法受

古文國璋集卷之三十四 宋文卷六

惡而稱其賢也。使果無弑心乎。則當爲之辨明。必先正穿之惡。使罪有所歸。然後責盾縱賊。則穿之大惡。不可幸而免。盾之疑似之迹。獲辨而不討之責。亦不得辭。如此。則是非善惡明矣。今爲惡者獲免。而疑似之人。陷于大惡。此決知其不然也。若曰盾不討賊。有幸弑之心。與自弑同。故寧捨穿而罪盾。此乃逆詐用情之吏。矯激之爲爾。非孔子忠恕春秋以王道治人之法也。孔子患舊史是非錯亂。而善惡不明。所以脩春秋。就令舊史如此。其肯從而不正之乎。其肯從而稱美。又教人以越境逃惡乎。此可知其繆傳也。問者曰。然則夷皋執弑之曰。孔子所書是矣。趙盾弑其君也。今有一人爲父病。躬進藥而不嘗。又有一人爲父病。而不躬進藥。而二父皆歿。又有一人爲操刃而殺其父。使吏治之。是三人者。其罪同乎。曰。雖庸吏猶知其不可同也。躬藥而不知嘗者。有愛父之孝心。而不習於禮。是可哀也。無罪之人。爾不躬藥者。誠不孝矣。雖無愛親之心。然未有殺父之意。使善治獄者。猶當與操刃殊科。況以躬藥之孝。反與操刃同其罪乎。此

庸吏之不爲也。然則許世子止。實不嘗藥。則孔子決不書曰弑君。孔子書爲弑君。則止決非不嘗藥。難者曰。聖人借止以垂教。爾對曰。不然。夫所謂借止以垂教者。不過欲人之知嘗藥耳。聖人一言。明以告人。則萬世法也。何必加孝子以大惡之名。而嘗藥之事。卒不見于文。使後世但知止爲弑君。而莫知藥之當嘗也。殺未可垂而已。陷人於大惡矣。聖人垂教。不如是之迂也。果曰責止不如是之刻也。難者曰。然則府曷爲復見于經。許悼公曷爲書葬。曰。弑君之臣。不見經。此自三子說爾。果聖人法乎。悼公之葬。且安知其不討賊而書葬也。自止以弑見經後。四年吳敗許師。又十有八年當定公之四年。許男始見于經。而不名許之書于經者。略矣。止之事迹。不可得而知也。難者曰。三子之說。非其臆出也。其得於所傳如此。然則所傳者。皆不可信乎。曰。傳聞何可盡信。公羊穀梁以尹氏卒爲正卿。左氏以君氏卒爲隱母。一以爲男子。一以爲婦人。得於所傳者。蓋如是。是可盡信乎。以聖人立教之旨。說經故曲。儒俗說不得而蔽之。

三年無改閏

歐陽脩

或問傳曰三年無改於父之道可謂孝矣信乎曰是有孝子之志焉蹈道則未也凡子之事其親莫不盡其心焉爾君子之心正正則公盡正心而事其親大舜之孝是也蓋嘗不告而娶矣豈曰不孝乎至公之道也惟至公不敢私其所私私則不正以不正之心事其親者孝乎非孝也故事親有三年無改者有終身而不可改者有不俟三年而改者不敢私其所私也衰麻之服祭祀之禮哭泣之節哀思之心所謂三

古文國瑋集

卷之三十四

宋文卷六

年而無改也世其世奉其遺體守其宗廟遵其教詔雖終身不可改也國家之利社稷之大計有不俟三年而改者矣禹承堯舜之業啓嗣之無改焉可也武王繼文之業成王嗣之無改焉可也使舜行弊之不善禹行繇之惡曰俟三年而後改可乎不可也凡為人子者幸而伯禹武王爲其父無改也雖過三年忍改之乎不幸而瞽繇爲其父者雖生焉猶將正之死可以遂而不改乎文王生而事紂其死也武王不待畢喪而伐之敢曰不孝乎至公之道也魯隱讓桓欲

成父志身終以弒春秋譏之可曰孝乎私其私者也故曰凡子之事其親者盡其心焉爾心貴正正則不敢私其所私者大孝之道也曰然則言者非乎曰夫子歿門弟子記其言門弟子死而書寫出乎人家之牋中者果盡天子之云乎哉

三年無改之論後世半爲小人藉口如紹聖之于元祐是也本朝嘉隆之際新鄭亦以此語傾華亭乃知歐公此議大有補于聖經也

古文國瑋集

卷之三十四

宋文卷六

魏梁解

歐陽修

予論正統辨魏梁不爲僞議者或非予大矣春秋之旨以謂魏梁皆負篡弑之惡當加誅絕而反進之是獎篡也非春秋之志也予應之曰是春秋之志耳魯桓公弑隱公而自立者宣公弑子赤而自立者鄭厲公逐世子忽而自立者衛公孫剽逐其君衍而自立者聖人於春秋皆不絕其爲君此予所以不黜魏梁者用春秋之法也魏梁之惡三尺童子皆知可惡予不得聖人之法爲據依其敢進而不疑乎然則春秋亦獎篡乎曰惟不絕四者之爲君于此見春秋之意也聖人之于春秋用意深故能勸戒切爲言信然後善惡明夫欲著其罪於後世在乎不沒其實其實嘗爲君矣書其爲君其實篡也書其篡各傳其實而使後世信之則四君之罪不可得而掩耳使爲君者不得掩其惡則人之爲惡者庶乎其息矣是謂用意深而勸戒切爲言信而善惡明也凡惡之爲名非徒君子嫉之雖爲小人者亦知其可惡也而小人常至於爲惡者蓋以人爲可欺與夫幸人不知而可掩耳夫

古文國瑋集

卷之三十四

聖

宋文卷六

位莫貴乎國君而不能逃大惡之名所以示人不可欺而惡不可掩也就使四君因聖人誅絕而其惡彰焉則後世之爲惡者將曰彼不幸遭逢聖人黜絕而不得爲君遂彰其惡耳我無孔子世莫我黜則冀人爲可欺而惡可掩也如此則僥倖之心啓矣惟與其爲君使不得掩其惡者春秋之深意也桀紂不待貶其爲王而萬世所共惡者也今匹夫之士比之顏閔則喜方之桀紂則怒是大惡之君不及一善之士也春秋之于大惡之君不誅絕之者不害其哀善貶惡之旨也惟不沒其實以著其罪而信乎後世與其爲君而不得掩其惡以息人之爲惡能知春秋之此旨然後知予不黜魏梁之是也

正統論可以不作不沒其實以著其惡此義深明不可廢也

古文國瑋集

卷之三十四

聖

宋文卷六

秋聲賦

歐陽修

歐陽子方夜讀書，聞有聲自西南來者，悚然而聽之，曰：異哉！初淅瀝以蕭颯，忽奔騰而砰湃，如波濤夜驚，風雨驟至，其觸於物也，鏦鏦鏗鏘，金鐵皆鳴，又如赴敵之兵，銜枚疾走，不聞號令，但聞人馬之行聲。余謂童子：此何聲也？汝出視之。童子曰：星月皎潔，明河在天，四無人聲，聲在樹間。余曰：噫嘻悲夫！此秋聲也，胡為而來哉？蓋夫秋之為狀也，其色慘澹，烟霏雲歛，其容清明，天高日晶，其氣慄冽，砭人肌骨，其意蕭條，山川寂寥，故其為聲也，淒淒切切，呼號憤發。豐艸綠絳而爭茂，佳木葱蘢而可悅，艸拂之而色變，木遭之而葉脫，其所以摧敗零落者，乃其一氣之餘烈。夫秋刑官也，於時為陰，又兵象也，於行用金，是謂天地之義氣，常以肅殺而為心。天之於物，春生秋實，故其在樂也，商聲主西方之音，夷則為七月之律，商傷也，物既老而悲傷，夷戮也，物過盛而當殺，嗟乎！艸木無情，有時飄零，人為動物，惟物之靈，百憂感其心，萬事勞其形，有動于中，必搖其精，而況思其力之所不及，憂其

古文國璋集

卷之三十四

孟

宋文卷六

智之所不能，宜其渥然月者為槁木，黧然黑者為星，星奈何？非金石之質，欲與艸木而爭榮，念誰為哉？賊亦何恨乎？秋聲童子莫對，垂頭而睡，但聞四壁蟲聲唧唧，如助余之歎息。

古文國璋集

卷之三十四

筆

宋文卷六

峽州至喜亭記

歐陽脩

蜀於五代爲僭國以險爲虞以富自足舟車之迹不通乎中國者五十有九年宋受天命一海內四方次第平太祖政元之三年始平蜀然後蜀之絲枲織文之富衣被於天下而貢輸商旅之往來者陸輦秦鳳水道岷江不絕于萬里之外岷江之來合蜀衆水出三峽爲荆江傾折回直捍怒闢激束之爲湍觸之爲旋順流之舟頃刻數百里不及顧視一失毫釐與崖石遇則糜潰漂沒不見蹤迹故凡蜀之可以克內府供京師而移用于諸州者皆陸出而其羨餘不惡之物乃下于江若棄之然其爲險且不測如此夷陵爲州當峽口江出峽始漫爲平流故舟人至此者必漚酒再拜相賀以爲更生尚書虞部郎中朱公再治是州之三月作至喜亭于江津以爲舟者之停畱也且誌夫天下之大險至此而始平夷以爲行人之喜幸夷陵固爲下州廩與俸皆薄而僻且遠雖有善政不足爲名譽以資進取朱公能不以陋而安之其心又喜夫人之去憂患而就樂易詩所謂愷悌君子者矣

古文國瑋集

卷之三十四

集

宋朱公

古文國瑋集

卷之三十四

集

宋朱公

自公之來歲數大豐因民之餘然後有作惠于往來以館以勞動不違時而人有賴是皆宜書故凡公之佐吏因相與謀而屬筆於脩焉
惟原通蜀之始便復峻嶒有氣

吉州學記

歐陽脩

慶曆三年秋天子開天章閣召政事之臣八人問治天下其要有幾施于今者宜何先使坐而書以對八人者皆震恐失位俯伏頓首言此非愚臣所能及惟陛下所欲爲則天下幸甚於是詔書屢下勸農桑責吏課舉賢才其明年三月遂詔天下皆立學置學官之員然後海隅徼塞四方萬里之外莫不皆有學嗚呼盛矣學校王政之本也古者致治之盛衰視其學之興廢記曰國有學遂有序黨有庠家有塾此三代極盛之時大備之制也宋興蓋八十有四年而天下之學始克大立豈非盛美之事須其久而後至於太備歟是以詔下之日臣民喜幸而奔走就事者以後爲羞其年十月吉州之學成州舊有夫子廟在城之西北今知州事李侯寬之至也謀與州人遷而太之以爲學舍事方上請而詔已下學遂以成李侯治吉敏而有方其作學也吉之士率其私錢一百五十萬以助用人之力積二萬三千工而人不以爲勞其良材堅甃之用凡二十二萬三千五百而人不以爲多

古文國學集卷之三十四

宋文鑑

學有堂庭齋講有藏書之閣有賓客之位有游息之亭嚴嚴翼翼壯偉闡耀而人不以爲侈旣成而來學者常三百餘人予世家于吉而濫官于朝進不能贊揚天子之盛美退不得與諸生揖讓乎其中然予聞教學之法本於人性磨揉遷革使趨於善其勉于人者勤其入于人者漸善教者以不倦之意須遲久之功至于禮讓興行而風俗純美然後爲學之成今州縣之吏不得久其職而躬親于教化也故李侯之績及於學之立而不及待其成惟後之人毋廢慢天子之詔而殆以中止幸予他日因得歸榮故鄉而謁於學門將見吉之士皆道德明秀而可爲公卿問于其俗而婚喪飲食皆中禮節入于其里而長幼相孝慈于其家行於其郊而少者扶其羸老壯者代其負荷于道路然後樂學之道成而得時從先生者充席于衆賓之後聽鄉樂之歌飲獻酬之酒以詩頌天子太平之功而周覽學舍思詠李侯之遺愛不亦美哉故于其始成也刻辭于石而立諸其廡以俟

作學記者多矣庸人以煩穢爲莊嚴宋人以腐爛

古文國學集卷之三十四

宋文鑑

為博大故余皆末之而取子厚柳州永叔吉州二記以其切于時地而近于人情也

國朝集

卷之三十四

平定文

豐樂亭記

歐陽脩

脩既治滁之明年夏始飲滁水而甘問諸滁人得于州南百步之近其上豐山聳然而特立下則幽谷窈然而深藏中有清泉滃然而仰出俯仰左右顧而樂之于是疏泉鑿石闢地以為亭而與滁人往遊于其間滁於五代干戈之際用武之地也昔太祖皇帝嘗以肩師破李景兵十五萬于清流山下生擒其將皇甫暉姚鳳于滁東門之外遂以平滁脩嘗考其山川按其圖記升高以望清流之關欲求暉鳳就擒之所古文國朝集卷之三十四 聖文卷六 而故老皆無在者蓋天下之平久矣自唐失其政海內分裂豪傑並起而爭所在為敵國者何可勝數及宋受天命聖人出而四海一嚮之憑恃險阻剗削消磨百年之間漠然徒見山高而水清欲問其事而遺老盡矣今滁介于江淮之間舟車商賈四方賓客之所不至民生不見外事而安于畎畝衣食以樂生送死而孰知上之功德休養生息涵煦百年之深也脩之來此樂其地僻而事簡又愛其俗之安閑既得斯泉于山谷之間乃日與滁人仰而望山俯而聽泉擬

幽芳而蔭喬木。風霜水雪。刻露清秀。四時之景。無不可愛。又幸其民樂其歲物之豐成。而喜與予遊也。因為本其山川。道其風俗之美。使民知所以安此豐年之樂者。幸生無事之時也。夫宜上恩德。以與民共樂。刺史之事也。遂書以名其亭焉。慶曆丙戌六月日。右正言知制誥知滁州軍州事歐陽脩記。

俯仰太平。詠歌盛德。每讀其文。使人留連而不已。

峴山亭記

歐陽脩

峴山。臨漢上。望之。隱然。蓋諸山之小者。而其名特著於荊州者。豈非以其人哉。其人謂誰。羊祜叔子。杜預元凱。是已。方晉與吳以兵爭。常倚荊州以為重。而二子相繼於此。遂以平吳而成晉業。其功烈已蓋於當世矣。至於風流餘韻。藹然被於江漢之間者。至今人猶思之。而於思叔子也尤深。蓋元凱以其功。而叔子以其仁。二子所為雖不同。然皆足以垂於不朽。余頗疑其反。自汲汲於後世之名者。何哉。傳言叔子嘗登

茲山。慨然語其屬。以謂此山常在。而前世之士皆已湮滅於無聞。因自顧而悲傷。然獨不知茲山待已而名著也。元凱銘功於二石。一置茲山之上。一投漢水之淵。是知陵谷有變。而不知石有時而磨滅也。豈皆自喜其名之甚。而過為無窮之慮歟。將自待者厚。而所思者遠歟。山故有亭。世傳以為叔子之所遊止也。故其屢廢而復興者。繇後世慕其名。而思其人者多也。熙寧元年。余友人史君中輝。以光祿卿來守襄陽。明年。因亭之舊。廣而新之。既周以回廊。之壯又大。其

後軒使與亭相稱。君知名當世。所至有聲。要人安其政而樂從其遊也。因以君之官名其後軒為光祿堂。又欲紀其事于石。以與叔子元凱之名並傳于久遠。君皆不能止也。乃來以記屬於余。余謂君知慕叔子之風而襲其遺迹。則其為人與其志之所存者可知矣。襄人愛君而安樂之如此。則君之為政于襄者又可知矣。此襄人之所共書也。若其左右山川之勝。執與夫艸木雲烟之杳。出沒於空曠。有無之間。而可以備詩人之登高。寫離騷之極目者。宜其覽者自得之。至于亭屢廢興。或自有記。或不必究其詳者。皆不復道。熙寧三年十月二十有二日。六一居士歐陽脩記。

誦此文于襄漢之間。當令羊公輟嘆。當陽撫節于秋萬世之後。人固不可以無名。名固不以無文。哉。

醉翁亭記

歐陽脩

環滁皆山也。其西南諸峰。林壑尤美。望之蔚然而深秀者。琅琊也。山行六七里。漸聞水聲潺潺而瀉出于兩峯之間者。醴泉也。峰回路轉。有亭翼然臨于泉上者。醉翁亭也。作亭者誰。山之僧曰智仙也。名之者誰。太守自謂也。太守與客來飲于此。飲少輒醉。而年又最高。故自號曰醉翁也。醉翁之意不在酒。在乎山水之間也。山水之樂。得之心而寓之酒也。若夫日出而林霏開。雲歸而巖穴暝。晦明變化者。山間之朝暮也。野芳發而幽香。佳木秀而繁陰。風霜高潔。水清而石出者。山間之四時也。朝而往。暮而歸。四時之景不同。而樂亦無窮也。至于負者歌于塗。行者休于樹。前者呼。後者應。僮僕提攜。運來而不絕者。滁人遊也。臨谿而漁。谿深而魚肥。釀泉為酒。泉香而酒冽。山肴野蔌。雜然而前陳者。太守宴也。宴酣之樂。非絲非竹。射者中。奕者勝。觥籌交錯。起坐而誼譁者。眾賓惟也。蒼顏白髮。頽然乎其間者。太守醉也。已而夕陽在山。人影散亂。太守歸而賓客從也。樹林陰翳。鳴聲上下。遊人

去而禽鳥樂也。然而禽鳥知山林之樂，而不知人之樂。人知從太守遊而樂，不知太守之樂其樂也。醉能同其樂，醒能述以文者，太守也。太守謂誰？廬陵歐陽脩也。

送田畫秀才寧親萬州序

歐陽脩

五代之初，天下分爲十三四。及建隆之際，或滅或微。其在者，猶七國。而蜀與江南地最大。以周世宗之雄，三至淮上，不能舉李氏。而蜀亦恃險爲阻。秦隴山南，皆被侵奪。而荆人縮手歸峽，不敢西窺以爭故地。及太祖受天命，用兵不過萬人，舉兩國如一郡縣吏。何其偉歟！當此時，文初之祖從諸將西平成都，及南攻金陵，功最多於時。語名將者，稱田氏。田氏功書史官，祿世于家。至今而不絕。及天下已定，將率無所用其。武士君子，爭以文儒進。故文初將家子，反衣白衣，從鄉進士舉於有司。彼此一時，亦各遭其執而然也。文初辭業通敏，爲人敦潔，可喜。歲之仲春，自荆南拜其親於萬州。維舟夷陵，予與之登高以遠望，遂遊東山。窺綠蘿溪，坐磐石。文初愛之，數日乃去。夷陵者，其地志云：址有夷山，以爲名。或曰：巴峽之險，至此地始平。夷蓋今文初所見，尚未爲山川之勝者。繇此而上，沂江湍入三峽，險怪奇絕，乃可愛也。當王師伐蜀時，兵出兩道：一自鳳州以入，一自歸州以取忠萬。以西今

之所經皆王師嚮所用武處實其山川可以慨然而賦矣

江山歷落有助壯懷

古文國華集

卷之三十四

史宋公卷六

孫子後序

歐陽脩

世所傳孫武十三篇多用曹公杜牧陳皞注號三家孫子余頃與撰四庫書目所見孫子注者尤多武之書本於兵。兵之術非一。而以不窮為奇。宜其說者之多也。凡人之用智有短長。其施設各異。故武膠其說於偏見。然無出所謂三家者。三家之注皞最後。其說時時攻牧之短。牧亦慨然最喜論兵。欲試而不得者。其學能道春秋戰國時事。甚博而詳。然前世言善用兵稱曹公。曹公嘗與董呂諸豪角其力而勝之。遂與古。古文國華集。卷之三十四。史宋公卷六。吳蜀分漢而王。傳言魏之諸將出兵千里。每坐計勝敗。授其成算。諸將用之。十不夫一。一有違者。兵輒敗北。故魏世用兵。悉以新書從事。其精於兵也如此。牧謂曹公於注孫子尤略。蓋惜其所得自為一書。是曹公悉得武之術也。然武嘗以其書于吳王闔閭。闔閭用之。西破楚。北服齊。晉而霸。諸侯夫使武自用其書止於疆伯。及曹公用之。然亦終不能滅吳蜀。豈武之術盡於此乎。抑用之不極其能也。後之學者徒見其書。又各牽于已見。是以注者雖多而少當也。獨吾友

聖俞不然。嘗評武之書曰。此戰國相傾之說也。三代王者之師。司馬九伐之法。武不及也。然亦愛其文略而意深。其行師用兵。料敵制勝。亦皆有法。其言甚有次序。而注者汨之。或失其意。乃自爲注。凡膠于偏見者。皆排去。傳以已意而祭之。然後武之說不汨而明。吾知此書當與三家並傳。而後世取其說者。往往於吾聖俞多焉。聖俞爲人。謹質溫恭。衣冠進趨。眇然儒者也。後世之視其書者。與太史公疑張子房爲壯夫何異。

古文圖瑋集

卷之三十四

事

宋文卷六

歐公論兵有緩帶投壺之風

石曼卿墓表

歐陽脩

曼卿諱延年。姓石氏。其上世爲幽州人。幽州入于契丹。其祖自成。始以其族間走南歸。天子嘉其來將祿之。不可。乃家于宋州之宋城。父諱補之。官至太常博士。幽燕俗勁武。而曼卿少亦以氣自豪。讀書不治章句。獨慕古人奇節偉行。非常之功。視世俗屑屑無足動其意者。自顧不合于時。乃一混以酒。然好劇飲。大醉頽然自放。繇是益與時不合。而人之從其遊者。皆知愛曼卿落落可奇。而不知其才之有以用也。年四

古文圖瑋集

卷之三十四

事

宋文卷六

十八。康定二年二月四日。以太子中允秘閣校理卒。子京師。曼卿少舉進士不中。真宗推恩三舉進士。皆補奉職。曼卿初不肯就。張文節公素奇之。謂曰。母老。乃擇祿耶。曼卿矍然起就之。遷殿直。久之。改太常寺太祝。知濟州金鄉縣。歎曰。此亦可以爲政也。縣有治聲。通判乾寧軍。丁母永安縣君李氏憂。服除。通判永靜軍。皆有能名。充館閣校勘。累遷大理寺丞。通判海州。還爲校理。莊獻明肅太后臨朝。曼卿上書請選政天子。其後太后崩。范諷以言見幸。引嘗言太后事者。

遷得顯官。欲引曼卿。曼卿固止之。乃已。自契丹通中國。德明盡有河南而臣屬。遂務休兵。養息天下。然內外弛武三十餘年。曼卿上書言事不報。已而元昊反。西方用兵。始思其言。召見。稍用其說。籍河北河東陝西之民。得鄉兵數十萬。曼卿奉使籍兵河東。還稱旨。賜緋衣銀魚。天子方思盡其才。而且病矣。既而聞邊將有欲以鄉兵扞賊者。笑曰。此得吾相也。夫不教之兵。勇怯相雜。若怯者見敵而動。則勇者亦牽而潰矣。今或不暇教。不若募其敢行者。則人人皆勝兵也。其

古文國璋集

卷之三十四

筆

宋文卷六

視世事。蔑若不足為。及聽其施設之方。雖精思深慮。不能過也。狀貌偉然。喜酒自豪。若不可繩以法度。退而質其平生趣舍大節。無一悖于理者。遇人無賢愚。皆盡忻歡。及聞而不可。天下是非善惡。當其意者。無幾入其為文章。勁健稱其意氣。有子濟滋。天子聞其喪。官其一子。使祿其家。既卒之三十七日。葬于太清之先塋。其友歐陽脩表於其墓曰。嗚呼曼卿。寧自混以為高。不少屈以合世。可謂自重之士矣。士之所負者愈大。則其自顧也愈重。自顧愈

重。則其合愈難。然欲與共大事。立奇功。非得難合自重之士。不可為也。古之魁雄之人。未始不負高世之志。故寧或毀身污迹。卒困於無間。或老且死。而幸一遇。猶克少施於世。若曼卿者。非徒與世難合。而不克所施。亦其不幸。不得至于中壽。其命也夫。其可哀也夫。

曼卿為人跌宕好奇。故其文易為佳。

古文國璋集

卷之三十四

筆

宋文卷六

歐公作大
人志每不
止而作
臺杰之士
夫職不其
用者每佳
如師魯曼
卿是也

尹師魯墓誌銘

歐陽修

師魯河南人。姓尹氏。諱洙。然天下之士。識與不識。皆稱之曰師魯。蓋其名重當世。而世之知師魯者。或推其文學。或高其議論。或多其材能。至其忠義之節。處窮達。臨禍福。無愧於古君子。則天下之稱師魯者。夫必盡知之。師魯爲文章。簡而有法。博學強記。通知今古。長於春秋。其與人言。是是非非。務窮盡道理。乃已。不爲苟止而妄隨。而人亦罕能過也。遇事無難。易而勇於敢爲。其所以見稱於世者。亦所以取嫉於人。故

古文國瑋集

卷之三十四

墓誌

宋文卷六

亦徙通判濠州。久之。韓公奏得通判秦州。遷知涇州。又知渭州。兼涇原路經畧部署。坐城水洛與邊臣異議。徙知晉州。又知潞州。爲政有惠愛。潞州人至今思之。累遷官。至起居舍人。直龍圖閣。師魯當天下無事時。獨喜論兵。爲叙燕息戍二篇。行于世。自西兵起。凡五六歲。未嘗不在其間。故其論議益精密。而於西事尤習。其詳其爲兵制之說。述戰守勝敗之要。盡當今之利害。又欲訓士。兵代戍卒。以減邊用。爲禦戎長久之策。皆未及施。爲而元昊臣。西兵解嚴。師魯亦去。而得罪矣。然則天下之稱師魯者。於其材能。亦未必盡知之也。初。師魯在渭州。將吏有違其節度者。欲按軍法斬之。而不果。其後吏至京師。上書訟師魯。以公使錢貸部將。貶崇信軍節度副使。徙監均州酒稅。得疾。無醫藥。昇至南陽求醫。疾革。隱几而坐。顧稚子在前。無甚憐之色。與賓客言。終不及其私。享年四十有六。以卒。師魯娶張氏某縣君。有兄源。字子漸。亦以文學知名。前一歲卒。師魯凡十年間。三貶官。喪其父。又喪其兄。有子四人。連喪其三。女一適人。亦卒。而其身終

古文國瑋集

卷之三十四

墓誌

宋文卷六

以貶。一子三歲四女未嫁。家無餘貲。客其喪於南陽。不能歸。平生故人無遠邇。皆往賻之。然後妻子得。以其柩歸河南。以某年某月某日葬於先塋之次。余與師魯兄弟交。嘗銘其父之墓矣。故不復大其世家焉。銘曰。

藏之深固之密。石可朽。銘不滅。

歷代古文圖緯集卷之

宋文

責臣

石介

大過上六君子矣。心在救時。至於滅頂凶而無悔。且當棟橈之世。居無位之地。而過涉以扶衰拯弱。可謂君子矣。今國家有西北邊之憂。聖君夙夜勤勞。日昃不食。重擇大臣。付以專征。大官以寵之。富祿以厚之。節旌以榮之。宜竭智力以幹乃任。盡謀策以濟厥事。

古文圖緯集卷之三十五

宋文卷七

智力竭矣。謀策盡矣。然後以死繼之可也。乃偃蹇君命。優游私家。謂聞金鼓之震。天下不若聞絲竹之淫耳。謂見羽旄之翳。目不若見趙衛之侍。前謂若被甲胄。不若服輕紈。謂若冒矢石。不若御重裘。不竭智力。不盡謀策。乃稱才不稱任。飲食加多。筋力完壯。乃謂病不任事。上以罔於君。下以欺於人。以圖其身之。噫。國家以安無事。乃將乃相。爾公爾侯。貪榮取寵。不知休止。聚財積貨。不知紀極。飽而嬉。醉而眠。聞則陳功勞。叙閭閻。矜材能。薦智畧。恨爵位之不高。任使之

不先曾不曰才不稱任。病不任事。國家一日有邊鄙之憂。聖君倚之以安。則曰臣病。臣不才。至於兩銓三班院。除人往西北邊去。多不肯行。嗚呼。食人之祿。死人之事。況聖君英威。唐武仁行如春。義行如秋。敢茲不肅。是臣得以慢君。君不能以使臣也。天子之命。豈不行乎。傳曰。四郊多壘。卿大夫之辱也。又曰。主憂臣辱。大官以被其身。富祿以厚其家。四郊多壘。則曰非我之辱也。主憂則曰非我之事。有官責而不勤其官。矧在於無位之地乎。吾是以責斯人而賢上六也。嗚呼。賴聖君洪覆如天。不以置諸法。若有如孔子者出。則當以春秋亂臣同誅矣。

此文亦模擬韓柳雜作言。雖諧而志則貞。故載之。

古文園瑋集卷之三十五 宋文卷七

論西事疏

張方平

臣等近爲中書樞密院傳聖旨。宣示所答契丹國書。令各陳所見。已於初六日同上劄子。具陳事意。竊聞朝議改定。回答契丹書。以爲元昊若盡如要約。卽朝廷難爲辭却者。臣等竊懷未盡。須至再有敷陳。蓋當今可慮於西者三。可慮於北者五。何者。若朝廷已納元昊誓書。勢必便行封冊。而虜使復至。固邀我以拒絕。此其可慮一也。若朝廷已納元昊誓書。遲留未行封冊。是使西人窺我有所牽制。此其可慮二也。必不

古文園瑋集卷之三十五 宋文卷七

獲已而封冊之命中止。是中國無復信義。永斷招懷之理。此其可慮三也。若報至虜廷。見我辭拒意堅言切。萬一睚眦生忿。因成急變。則河東河北。忽爲所乘。邊備何若。此其可慮四也。且以西人攜難於我虜。曾約束使來納和。今西人起釁於虜。我乃遂納不同其患。持此責我。虜爲有辭。此其可慮五也。今二虜相持。事形可見。元昊權譎無恥。狙詐多端。縱負屢勝之強。必不兩延大敵。虜兵旣迫。或迎而伏罪。則虜之號令。元昊未應敢逆。安知已和之約。不能復使之離。是我

不能弭患於西。徒以致怨於比。此其可虞三也。今虜聚兵馬。近在境上。擇利而動。勢不虛歸。若元昊且而受封。虜必怨而望報。但恐事之以金帛。未稱其所欲也。故不如叩其兩端之中。徐觀二虜之變。逗畱日月。繕完守備。不當乘其方逞。激之卒發。此其可虞四也。夫二虜之隙。誠偽未明。就使信然。尤宜審處。見情則獲。直往必達。而我以新附難保之叛人。怨次和可患之強敵。既促尋戈之釁。翻堅元昊之交。此其可虞五也。凡此可慮可虞之事。若朝廷深謀長策。有以善其後。臣等所不敢知。倘未有以侍之。則若虜機張。釋括期於必中。爾臣等前議。故願示以大義。要之兩全。且未納西人誓表。時降詔書。或遣一介之使。往申告諭。至於和約。又非阻絕。卽具以此意回報。契丹。因令使人邀其終趣。於北則言遜而體正。於西則名拒而實通。凡諸事機。後皆可救。臣等位叨侍從。義均休戚。國之大議。復蒙訪逮。愚慮所及。不避再三。伏望朝廷更賜採亮。

方平欲遣使諭元昊。令其除嫌。陳于契丹。然後可。

得誓書於中國語在前疏中。此疏淡謀遠慮。總欲不失國體。

上平戎十策

張方平

臣於景祐元年以茂才異等對詔策。陛下擢臣秘書省校書郎。至寶元元年以賢良方正能直言極諫對詔策。陛下擢臣秘書省著作佐郎。夫士感知已猶許以死。況陛下自臨御已來十五年中三策天下士中選者止五人。而臣再濫揀拔。等比三人而已。今雖遠在江湖之外。而聞朝廷有鄙上之虞。其可悠悠自同常人者哉。臣不佞才見短淺。然歷代之書。備嘗涉獵。至於成敗得失。尤用心探討。略能言其梗槩。至于國

古文國瑋集

卷之三十五

宋文卷七

論大體。時務細故。參詳措置。使臣間議其中。臣潛思量亦未敢在諸生後。是陛下再選臣于大問之中。臣幸不辱也。頃聞元昊猖獗。敢于邊吏出車遣戍。頗煩肝吳。臣竊投筆憤歎。西望毛監。恨身在遐遠。不得請纓闕下。思效愚者之慮。輒上平戎十策。臣未嘗遊函潼之西。故其山川地形。土風人物。不無闕略。至于軍國機事。臣以疎遠。莫得詳知。今所論著。徒採歷代史冊兵謀地志。及所見朝廷施爲顯然之事。臆度道聽。懼不精審。至有所得。或足以發。伏惟陛下神機天略。

固遺算萬機之暇。清閒之餘。少迴日月之光。一登衡石之末。以臣策不甚迂疎。乞召兩府大臣。試於御前商榷。或有一得上稱清衷。則於海嶽亦有涓塵之益也。所撰平戎十策。謹別錄實封附進。上進干瀆天威。臣無任戰汗頌越待罪之至。

攻心

臣聞上兵伐謀。又曰攻心爲上。竊料戎心之蓄叛謀。有日矣。國家自藝祖剷除五代之弊。始大一統。立太平之基。太宗真宗休養生息。仁澤覆露。文德綏遠。戎

古文國瑋集

卷之三十五

宋文卷七

狄侵軼。驅逐山疆。謹備邊而已。未嘗耀威靈。勦遠略。深入虜地。以恢封境也。今元昊猖獗負恩。且息我之舊。有輕我之志。而無備我之心。謂我必不能長驅出塞。薄伐問罪也。臣謹按地志。麟府本銀勝之地。去銀州三百里。夏州五百里。其去興州。封壤相接。賊巢穴在興州中都山。若因鄉導。渡河直趨。五七日可到。賊來入寇。必自延渭。比還自救。程途自倍。若徒遣輕騎姑謀犯邊。清野深溝。足挫其銳。儻悉發其衆。身來入寇。則中都守備。勢當單寡。誠能先以精兵屯布旁河。

州郡至元吳犯寨之時。為奇兵自麟府路入。卷甲掩其巢穴。使西進城壘。守險自固。勿與之戰。元吳聞兵臨國正所必救。事出慮表。眾懷沮懼。敢道伏擊。潰敗可保。日彼州父老。我之遺人。飲潼荷旌。猶懷華土。王師淹至。可以恩信招徠。則朔方之地。庶復歸國。伐其謀于已定。攻其心于不測。所謂出其不意。掩其不備。一舉破賊。策之上也。臣聞先人有奪人之心。軍之善志。自國家失朔方。奔靈武。置戍內地。控扼益感。傳為靜勝。深戒生事。然戎心貪戾。益思蚕食。今若屯兵邊

古文閣集

卷之三十五

宋文卷七

伐交

用兵之道。其次伐交。今元吳所持為交者。豈非北虜乎。臣聞元吳與虜通姻。揆其事勢。必先要結。我與契丹通好。餘三十年矣。自漢氏以來。夷夏之和。而能謹守信誓。如今之久者。未之有也。非惟懷我恩信。利我聘幣。抑當我盛德之世。無囊可乘。今其與我之和好。

宋元吳而遣人與

古文閣集

卷之三十五

宋文卷七

結虜及元吳而遣人與

也。在外而其與戎人之親睦。也在內外。雖我睦。陰為戎助。此又不可不過慮也。示我之有禮。防彼之有辭。此為事機不可失者。臣願遣使一介。齎書一函。示之以元吳背義之由。朝廷備禦之意。其書曰。夏州自德明以來。受恩于國。至于元吳。綏撫彌隆。今忽恣睢。廢貢職。藩臣阻命。法當致討。如聞元吳連彼婚姻。遠與問罪之師。實損與國之好。彼誠矜其狂易。遺喻此情。若元吳悔過。改圖效誠。請命則為之寬宥。待之如初。誠元吳不棄訓辭。居然復舊。達我二國之命。自恃

專勝

善用兵者。我專而敵分。我專為一。敵分為十。是以武擊其一也。則我眾而敵寡。吾所與戰者。約也。吾所與戰之地。不可知。則敵所備者多。吾所與戰者。寡矣。寡者備人者也。眾者使人備已者也。昔吳為三軍。而病

楚隋以易成而弊陳多方誤之用此算也今緣邊城
壘。絲接千里。臣慮元昊分布兇黨。間出討掠。示欲掩
襲。分我守備。務以疲我。而諸守將。輕請濟師。我備彼
去。正墮其計。今鄜延環慶涇原諸路。皆國家控制。西
陲置兵之根本也。形勢影援。足相首尾。緣邊城壘。于
茲倚重。臣請諸境上州軍。擇守將。使修築城壘。斥遠
烽候。非時寇至。姑使歛衆。清野閉壘。自保勿與輕接。
又元昊犯塞。路皆荒墳。地無水草。齎糧而至。假有攻
圍。勢不能久。若賊亟來攻我。則逐路發師。設謀邀逐。
古文圖瑋集卷之三十五 宋文卷七

以夷狄攻夷狄

遼川大酋領喃廝囉。本吐蕃之遺種也。自清羅支殺
繼遷。而德明破滅六谷。世爲仇怨。今諸戎能爲元昊
後患。者惟洮涼爾。比聞效順。來獻戎捷。朝廷撫納。恩
信亦厚。此誠以夷狄攻夷狄之策也。臣以爲馭戎狄
之道。不惟賞利懷誘。亦在誠信要結。今遼川介于西
鄙。感慕恩德。納忠爲用。常所贈賄。恐未足以致其力。

倘于朝臣中。擇一有機辯材。謀之士。銜命臨撫。論以
國家春遇之意。凡元昊部族。與洮河接壤。而我應援
可及者。使自攻取之。爲出偏師。超要害。爲之犄角。是
令遼川自爲戰也。武難臣曰。元昊既弱。遼川復強。是
元昊未破。又生一秦矣。臣曰。不然。今重遼川之衆。固
未能困元昊也。我因其力。而假之勢。羌有貪利之心。
且爲我用。足以牽持元昊之後。分其備禦。茲亦多算
之一端也。

安民

臣聞武有七德。先安民而後可以保大定功也。今聚
師西陲。凡百調率。應期超辦。實在關中。若百姓力屈
流亡。騷動。則嚙聚草竊。不逞之民。乘焉。語云。鳥窮則
啄。獸窮則搏。民窮斯爲盜矣。羣黨連結。展轉相雄。茲
亦患起于甚微。蠶生乎所忽。則朝廷之憂。不在邊防。
而在四郊之內矣。伏願陛下深念茲哉。諸陝西將帥
轉運使等。宜得識大體。明時務。周材之人。充之。凡廢
置之宜。弛歛之事。常循寬大。無使躁急。陝西州縣長
吏。悉爲選擇。特降深詔。告諸守令。所聽民政。務從簡

直宿速久負一切除免諸所科率起自近年有害于民者悉且權罷應徭役重色破民產力者使更張之以便安百姓關津山澤侵民小利者與衆公共以惠貧弱上以布國家之德澤下以裕編氓之生路以弭盜賊以固根本安民之要此其大節若其不先恤之而先困之寇未至而民已疲則是自取弊也何保定功之有哉

置兵根本

用軍決勝在手統帥統帥不一則威令不行不相為

用非成功之勢也近觀唐時元濟淮西之誅慶緒相

州之圍成敗之由其事可見淮西之師中外疑阻以

用裴度為宣慰使度幾至師諸將各圖立功惟恐在

後故元濟卒擒焉相州之圍子儀光弼皆在非無名

將也以九節度之師不相統制企用魚朝恩為觀軍

容使故相觀望卒以潰歸今環慶鄜延涇原等路各

有部○分○莫○相○統○領○臂○指○仰○屈○當○從○中○御○機○宜○緩○急○勢

不相及夫同舟而濟胡越一心利害背馳則為路人

矣臣伏觀唐氏制度方面重權不欲專授戎帥故命

陝西一方
事即置其
帥何害

皇子弟為元帥及節度大使而藩帥但授副元帥節度副大使及長史行軍司馬亦或命宰臣遙領節度及副元帥者今自陝以西永興當咽喉之要大河之南襄漢之北榮陽之西輸餽供億此其都會臣愚竊以為大軍根本宜駐此地而置陝西處招討使之名應鄜延環慶涇原諸路皆節度之其大使請自聖心選置畱止都下使遙領之擇命大臣才望威略可任以重者為副大使行大使事以永興為治所以臨制諸路凡緣邊城戍要害控扼之處為寇衝突或邀襲

古文閣羣集卷之三十五

討逐當得隣道相會合應援者聽其處置焉此則權用雖在外而柄鑄實在內輕重相持易以移改蓋馭將之要道也

足食

關中雍州之域厥田上上昔秦鄭國引涇水注洛三百餘里溉澤鹵之田皆畝收一鍾至漢白公復引涇水注渭袤二百里故關中號為沃野千里而無凶年自漢唐之盛此焉作都非惟百二之固抑資膏腴之利也臣竊以為西疆之事宜聚重師于永興為臨置

根本之地。然今閩中地有遺利。山陸險阻。飛輓爲艱。邊儲軍資。供須勞弊。今誠能按兩渠之故跡。豐衣食之本原。檢責徑界。開置屯務。則不煩遠爲調發。而足食矣。或難臣曰。昔唐氏都閩中。肅代兵興。中外艱食。禁軍乏餉。百姓至接穗以供之。及劉晏領租庸轉運。使並達食貨輕重之術。然徒能引江淮之粟。以食秦人。豈二渠之利。不興于爾時乎。臣對曰。昔在唐初二渠所溉。猶萬餘頃。及承平漸久。事不務本。沃衍之地。占爲權豪。觀游林苑。而水利分于池榭。碾磑以故。公

古文圖緯集

卷之三十五

南宋文卷七

天府之利。貽天下之害。故二渠難復于唐氏之時。正爲建都于彼也。今議復之。又何憚焉。

豐財

夫兵事之大。財用爲急。豐財足用。必有根本。財用根本。在乎三司。比來邦費。敝事積矣。有司徒張空簿。而國財糜散于姦游之手。伏望選用才幹精力之吏。通輕重之數。明功利之術。者覆實天下之金穀。以入爲出。以有餘補不足。以會中外一歲經用之實。則財賦之盈虛可預料矣。而又通其積滯。權其贏縮。使閩市

不乏貨物平準。此理國行師之本也。諸不急之務。無益之作。浮冗之費。侵欺之弊。精爲節度。以集大計。于曰足食足兵。洪範八政。先食貨而後賓師。故知師旅大事。財用爲急也。

備姦

臣聞用兵之術。多方誤之。伏以東南糧運。在于汴渠。比來重惜民力。久不開濬。每歲霜寒水落。泥沙填淤。遂至渠底高淤。堤下民屋。至於黃河奔流湍瀉。亦全藉隄防之固。所謂築垣行水。今黃汴是也。自戎人卽

古文圖緯集

卷之三十五

南宋文卷七

叙。通其行商。憧憧往來。布於都市。其所通結。素無禁限。唐憲宗初。討淮西。而姦臣王承宗。李師道。輩潛遣刺客。暴害大臣。斷陵廟之棘。焚芻廩之聚。此亦慮外之事也。今黃河橫腹心之內。汴渠爲輪委之本。若姦人窺伺。潛有決鑿。汙瀦我良田。損墊我邑屋。阻絕我運路。則肘腋之下。更生一役。其汴渠黃河。隄障益望。擇勤幹吏。密爲分地巡邏。以譏察姦人。書曰。唯事事乃其有備。有備無患。其此之謂矣。

購募

竊聞元昊勇而好殺。安忍無親。背面之間。必有仇敵。可重行購賞。以動其人。有能得其首級者。舉元昊之爵位土疆授之。而許以重師爲之援護。戎人不義。聞利必動。則彭龍喪元于宋奴。符生殞命於近族。事或有之矣。

右御戎十策。伏念臣齷齪書生。本學俎豆之事。區區壯志。頗涉孫吳之書。豈達權謀。徒得糟粕。頃聞元昊飽飛。朝廷備禦。雖蜂蟻屯聚。犬羊躑躅。仰惟聖慮。未忘憂軫。臣身紆郡級。神馳塞垣。不得一至軍前。圖上方略。輒此遠寄。或裨萬分天地容覆。日月照被。蠶蠅微動。各得盡情。臣之芻蕘。伏望採擇。

古文國瑋集

卷之三十五

宋文卷七

論國計

張方平

臣切惟天之生民。以衣食爲命。聖人因是而爲之均節。立君臣貴賤等威之分。以正其爭。且亂。故禮也者。文飾此者也。刑也者。防禦此者也。凡所爲賞罰法令。仁義廉恥。皆緣此而後立者也。衣食不足。何禮刑之有哉。內無以保其社稷。外無以制其夷狄。國非其國矣。故貨食者。人事之確論。非高談虛辭之可致者也。今京師砥平。衝會之地。連營設衛。以當山河之險。則是國依而兵立。兵待貨食而後可聚。此今天下之大

古文國瑋集

卷之三十五

宋文卷七

勢也。臣在仁宗廟。慶曆中。克三司使。嘉祐初。再領邦計。嘗爲朝廷精言此事。累有奏議。所陳利害安危之體。究其本原。冗兵最爲大患。畧計中等禁軍。一卒歲給約五十千。十萬人歲費五百萬緡。臣前在三司勘會。慶曆五年。禁軍之數。比景祐以前。增置八百六十餘指揮。四十餘萬人。是增歲費二千萬緡也。太祖皇帝制折杖法。免天下徒。初置壯城牢城。備諸役使。謂之廂軍。後乃展轉增創軍額。今遂與禁軍數目幾等。比其歲增衣糧錢餼。是皆出於民力。則天下安得不

固臣慶曆五年取諸路鹽酒商稅歲課。此景德會計錄皆增及三數倍。以上景德中收商稅四百五十餘萬貫。慶曆中一千九百七十五萬餘貫。景德中收酒課四百二十八萬餘貫。慶曆中收一千七百一十萬餘貫。景德中收鹽稅課三百五十五萬餘貫。慶曆中收七百一十五萬餘貫。但茶亦有增而不及多爾。天下和買細絹本以利民。初行於河北。但資本路軍衣遂通其法。以及京東淮南江浙等處。其路所買不及二百萬疋。慶曆中乃至三百萬疋。自爾時及今二

古文園璋集

卷之三十五

宋文卷七

十年。但聞比較督責。不聞有所寬減也。如此浚取天下。豈復有遺利。自古有國者。貨利之入。無若是之多。其費用亦無若是之廣也。昔唐室自天寶之亂。肅代之後。國力大窘。禁軍之餉。幾旬百姓。至接穗以供兵食。登都城門以望四方。貢奉之至。可謂危蹙也。然患難平。則兵有時而解。兵解。則民力紓矣。今中外諸軍。坐而衣食。無有解期。天下困敝已如此。而上下恬然。不圖營救。寶元康定中。夏戎阻命。西師在野。既聚軍馬。即須入中。糧草在京。支還交抄銀錢物帛。一歲約

支一千餘貫以上。三司無以計置。即須內帑供給。慶曆二年三年。連年支撥。內庫銀絹。只此兩次。六百萬疋兩。三司以補不足。尋即支盡。西事已定。二紀于茲。中間亦不聞有所處置者。邦家不幸。大變仍臻。頒賚之餘。府庫虛匱。宿藏舊積。蓋無餘幾。萬一因之以饑饉。加之寇戎。臣恐智者難以善于後矣。夫苟且者。臣下及身之謀。遠慮者。陛下家國之計。茲事體大。在陛下所憂。無先于此。財計之任。雖三司之職。日生煩務。常程計度。簿書期會。則在有司。至於議有繫於

古文園璋集

卷之三十五

宋文卷七

軍國之體。事有關於安危之機。其根本在於中書樞密院。非有司可得預也。今夫賦歛必降敕。支給必降宣。是祖宗規摹。二府共司。邦計之出入也。今欲係大豐財。安民固本。當自中書樞密院。同心協力。修明真宗已前舊典。先由兵籍減省。以次舉其為敝之大。若宗室之制。官人之法。諸生事造端。非簡便者。裁而正之。至於微末細故。於國計盈虛不足為損益。屬之有司可矣。提其綱。則眾目張。澄其源。則下流清。易曰。窮則變。變則通。通則久。又曰。變而通之。以盡利。節卦之

辭曰節以制度。不傷財不害民。故傷財害民之事。當
為制度以節之。爾若但遵常守故。齟齬細文。避猜嫌。
顧形迹。恤浮議。而廢遠圖。忽人謀而徼天幸。日月逝
矣。歲不我與。後雖噬臍。何嗟及矣。臣服在近列。荷恩
三朝。竊見時事。日以迫急。不勝憂憤。輒罄狂瞽。惟陛下
下留神省察。

此未行新法以前議也。蓋國儲日虛。其勢不得不
變。安道欲以兩府推三司之計。卽荆公制置三司
條例意耳。

論常平倉

余靖

臣聞天下無常安之勢。無常勝之兵。無常足之民。無
常豐之歲。由是古之聖王。守之有道。制之有術。倘有
緩急。不可無備。伏睹真宗皇帝景德中。詔天下以逐
州戶口多少。量置上供錢。起置常平倉。付司農寺係
帳。三司不問出入。每年夏秋兩熟。准市價加錢收糴。
其出息本利錢。只委司農寺專掌。三司轉運司不得
支撥。自後每遇災傷賑貸。使國有儲蓄。民無流散者。
用此術也。前三司使姚仲孫。今春已來。於京東等處

借支司農常平錢以給和買。雖然借支官錢以克官
用。循常視之。似無妨礙。若於經遠之謀。深所未便。臣
竊惟真宗皇帝。聖慮深遠。臣敢梗槩言之。當今天下
金穀之數。諸路州軍年支之外。悉克上供。及別路經
費。見在倉庫。更無餘羨。所置常平本錢。及斛斛等。若
以賑贍饑荒。此固常慮所及矣。萬一不幸。方偶小有
緩急。常給資糧。應卒可備。豈非先皇暗以數百萬之
資。蓄於四方者乎。今若先為三司所支。則天下儲蓄
盡矣。伏乞特降指揮。三司先借支常平本錢去處。並

仰疾速撥還今後不得更有支撥並依景德先降敕命施行又聞昨來遭旱州軍司農寺至今未曾指揮出糶斛斛伏乞指揮司農寺通牒諸路州軍應令出糶斛斛去處並仰疾速開倉減價出糶無使人民失所此實惠民之急經國之要者也

是時已有借用常平本錢者至新法行而常平之善政耗盡矣

論增置諫官

蔡襄

慶曆三年仁宗月余靖歐陽修等增置諫官亦命襄知諫院襄言路開而懼正人難久立也故上疏言之

臣伏見朝廷選用王素余靖歐陽修等增備諫官是三人者皆特立之士昔以直言觸忤權臣擯斥且久今者一日並命人無賢愚萬口相慶皆謂陛下特發神斷罷任不疑蓋陛下深憂政教未衆賞罰未明群臣之邪正未分四方之利害未究故增耳目之官以廣言路此陛下為社稷生靈大計也臣切思任諫非

難唯用諫之難如素靖修等忠誠剛氣著信于人况蒙陛下獎拔之知必能箴闕失獻明謨挽回邪孽權倖思所以報効也然邪人惡之必有禦之之說不過曰某人也好名也好進也彰君過也或進此說正是邪人欲蔽天聰不可不察臣請為陛下陳之一曰好名夫忠臣務盡其心事有必須切直者則極論之豈顧名哉若避好名之毀而無所陳施則土木其人皆可備數何煩陛下選揀如此之至况名者聖人以之勵世俗分善惡豈可廢乎借使為善近名陛下試思

歸名于上
使之不息

諫亮解事之言

今之人。違權利。敦潔行。以近名者。亦幾人哉。二曰。好進。前古諫臣之難者。遭遇昏世。上犯威嚴。旁觸勢要。鼎鑊居側。斧鑕在前。死且不辭。安得好進乎。蓋近來諫官。進用太速。故世人得以謂之好進。今諫官有盡忠補闕之効。陛下但久而勿遷。使其人果忠且義。雖死。於是官萬無恨矣。三曰。彰君過。凡諫諍之臣。蓋以司乎過舉也。緩則密疏。急則昌言。期于必正。若人主從而行之。適以彰乎從諫之笑。安得謂之彰過乎。然諫君亦有好名好進。彰君過者。異于此。巧者之為諫。

古文國瑋集卷之三十五

宋文卷七

臣事之難言者。則暗而不言。擇其無所忤者言之。就令不行。不復再議。退而曰。其事我嘗言之矣。此可謂之好名也。容容默默。無所恥媿。踐歷資序。以登貴仕。此可謂之好進也。凡人主之有過。諫官最為近密。或不盡言。人主何從而知。且變更乎。傳之當世。垂之于後。終以為過。此可謂彰君過也。臣向之所論。乃忠臣巧者之分。願賜省覽。今陛下出於聖慮。自擢諫官。必自主之。若有陳迹。于理適當。即賜施行。無使天下之人。謂朝廷有好諫之名。而無好諫之實。使其言有訐。

切亦願優假。無為奸邪譏間。致有斥逐。使天下之人。指朝廷有拒諫之失也。臣迹遠言近。不任兢惶激切之至。

此疏論事從容入情有永叔之風味

古文國瑋集卷之三十五

宋文卷七

叙燕

尹洙

西北久安洙作叙燕息戎一篇以爲武備不可弛

戰國世燕最弱。二漢叛臣持燕挾虜。蔑能自固。以公孫伯珪之彊。卒制于袁氏。獨慕容乘石虎亂。乃并趙。雖勝敗異術。大槩論其彊弱。燕不能加趙。趙魏一則燕固不敵。唐三盜連衡百餘年。虜未嘗越燕侵趙。魏是燕獨能支虜也。自燕覆于虜。虜日熾大。顯德世雖復三關。尚未盡燕南北國初虜與併合。勢益張。然止命偏師備禦。師伐蜀伐吳。秦然不以兩河爲顧。是趙

古文園瑋集卷之三十五

宋文卷七

也。雖委大柄。不無疑貳。復命貴臣監督。進皆山中禦。失于應變。六也。兵分則盡易其弊。是有六利也。勝敗兵家常勢。悉內以擊外。失則舉所有以弃之。符堅淝水哥舒翰潼關是也。是則制敵在謀。不在衆。以趙魏燕南益以山西。民足以守。兵足以戰。分而帥之。將得專制。就使偏師挫衄。他衆尚奮。詎能繫國安危哉。故師覆于外。而根本不搖者。善敗也。昔者六國有地千里。師敗於秦。散而復振。幾百戰。猶未及其都守。國之固也。陳勝項梁舉關東之衆。朝敗而夕滅。新造之勢也。以天下之廣。謀其國。不若千里之固。而襲新造之勢。微幸于一戰。庸非惑哉。兵久弭。士大夫誦聖。謂百世不復用。非甚妄者不談。然兵果廢則已。倘後世復用之。鑒此少以悟世主。故述其勝敗云。

是時天下宴然。獨師魯好言兵事。其言兵當分者。欲使將帥盡力。卽藝祖遺意也。

古文園瑋集卷之三十五

宋文卷七

息戍

尹洙

國家割棄朔方。西師不出三十年。而亭徼千里。環重兵以戍之。雖種落屢擾。卽時輯定。然屯戍費亦已甚矣。西戎爲寇。遠自周世。西漢先零。東漢燒當。晉氏羌唐禿髮。歷朝侵軼。爲國劇患。典師定律。皆有成功。而勞弊中國。東漢尤甚。費用常以億計。孝安世羌叛。十四年。用二百四十億。永和末復經七年。用八十餘億。及段紀明用裁五十四億。而剪滅殆盡。今西北涇原邠寧秦鳳鄜延四帥。戍卒十餘萬。一卒歲給無慮二

古文國璋集卷之三十五

宋文卷七

萬。平騎卒與冗卒較其中者。總廩給之數。恩賞不在焉。以十萬較之。歲用二十億。自靈武罷兵。計費六百餘億。方前世數倍矣。平世屯戍。且猶若是。後雖無它警。不可一日輟去。是十萬衆有益而無損明也。國家厚利募商入粟。傾四方之貨。然無水漕之運。所輓致亦不過被邊數郡爾。歲不常登。廩有常給。頃年亦嘗稍匱矣。倘其乘我薦飢。我心濟師。饋餉當出于關中。則未戰而西夏已困。可不慮哉。按唐府兵上府千二百人。中府千人。下府八百人。爲今之計。莫若籍丁民

兵。擬唐置府。頗損其數。又今邊鄙雖有鄉兵之制。然止極塞郡。民籍寡少。不足備敵。料京兆西北數郡。上戶可十餘萬。中家半之。當得兵六七萬。質其賦。無它易賦以泉石者。不易以五穀。畜馬者又蠲其雜徭。民幸於庇宗。樂然隸籍。農隙講事。登材武者爲什長。除正盛秋旬閱。常若寇至。以關內河東勁兵傅之。盡罷京師禁旅。慎簡守師。分其統。專其任。分統則柄不重。專任則將益勵。堅于守備。習其形勢。積粟多。教士銳。使虜衆無隙可窺。不戰而懼。兵志所謂無恃其不

古文國璋集卷之三十五

宋文卷七

來恃吾有以待之。其廟勝之策乎。

兵制

尹洙

今之戎狄地兼燕京然強大之勢未過乎前世中國士卒專力以事非若古者籍兵于民農戰兼用者是中國兵勝于古夷狄不勝于古也古者中國鞭笞四夷而役屬者有之給繒帛以懷來者有之與之戰或勝或負者有之今厚賂以厭其求惟恐不及或與之較未嘗一勝焉其故何哉非夷狄之兵強非中國之兵弱法制之失也何謂法制之失以吏事而制戎

古本國璋集卷之三十五

手宋文卷七

廢葦之長用策之失所以亟敗也假以虜事言之若聞其將寇我境我之大將不計敵衆寡之勢不論戰速之利必分兵禦之禦之不勝制令者曰吾知出兵而已行者曰吾知奮命而已朝廷必薄其責議者亦置其罪苟不禦之雖全其師朝廷誅其逗遛議者稱其畏懦此所以必禦之也若聞一城被圍不計受攻之急緩不論城壘之堅脆必盡銳救之救之不勝制令者曰吾知救之而已行者曰吾知死之而已朝廷必薄其責議者亦置其罪苟不救之雖城獲全朝廷

廷咎其不進議者言其坐觀此所以必救之也禦與救非將之罪也以吏事制戎事法制之失也或曰禦亦戰也救亦戰也禦與救皆爲失策何謂戰爲長策也夫禦與救非利戰不得已而戰也非我利則敵之利也所謂戰者我利則戰不利則不戰先計而後戰者也先計而後戰鮮不勝矣不幸而不勝者將之罪也然則中國之爲守備久矣何得謂守爲長策而廢不用也所謂守者方面之守非一堡一障之守也非尺寸之地守也今敵入吾地不計衆寡利害而禦之

古文國璋集卷之三十五

手宋文卷七

敵圍吾城不計堅脆緩急而救之禦之必敗救之必敗兵潰于外民潰于內失所以爲守矣守方面者異于是使城自守毋望救兵之出蓋兵不出則勢不分勢不分則有以待之夫待之者不戰則敵疑作戰則敵懼必則敵北能守所以辦戰能戰所以濟守明戰守之利而不得志于夷狄者未之有也

軍國異宜以吏治戎事以制將帥則有餘以却敵立功則不足此其敝在今日猶然

華戎魯衛信錄總序

蘇頌

神宗以宋興契丹通好八十餘年盟誓聘使禮幣儀式皆無所考據故頌為之及書成帝讀序引事曰正類序卦之文賜名魯衛信錄

臣切惟念國家奄宇四海方制萬區九夷八蠻罔不率俾蠢茲種獫早以面內章聖皇帝因其喪師請和許通信好歲時問遺寔以訓備陛下欽若成憲羈靡要荒乃命儒臣討論故事將欲垂于方冊副在有司其所以慮遠防微紆意及此者皆以偃兵息民故也顧臣愚陋不足以奉承明詔匪勉期月粗見綱領餘

古文國璋集卷之三十五

圭宋文卷七

次類例皆稟聖謨前詔斷自通好以來以迄乎今將明作書之由故以叙事冠于篇首厥初講和始于繼忠書奏虜主乞盟之請賜以俞旨由是行成故次之以書詔既許其通好乃有載書以著信故次之以誓書昔之和戎則有金絮衣繒之賂我朝歲致銀絹以資其費故次之以歲幣恩意既通又有好貨以將之故次之以國信信好不可單往必有言詞以文之故次之以國書異國之情非行人莫達故次之以奉使之別則有接送館伴所經城邑郵亭次舍山川有險

易道塗有回遠若非形于績事則方嚮莫得而辨也

故作驛程地圖前後遣到名氏非一職秩不同南北群臣交相禮接年月次序散而不齊既為信書不可無紀故作名銜年表大如是而使事盡矣通好肇於戎人我從而聽之凡問遺之事皆列北信北書于前朝廷所遺乃報禮也故載之於後所以著其所從來也凡使者之至在道則有郵館宣勞之儀入朝則有見辭宴賜之式禮意疏數並有節文故次之以儀式又次之以賜予虜待王人亦有常矩無敢違越故以

古文國璋集卷之三十五

圭宋文卷七

持禮過北界及北界分物係于後使者宜通賓主之歡而贊見之禮不可闕也故次之以交馳問勞往返詔宣書劄體範存焉故受之以詔錄又次之以書儀信幣則有資操之勤導從則有輿隸之衆需資所及無不均通故次之以例物使者至都上恩顧卹靡所不至或貿易貨財或須索供饋或丐求珍異許于多矣故次之以市易而供須求丐附焉南北將命往還約束細大之務動循前比故次之以條例凡此皆常使也誕辰歲節致禮而已至若事干大體則有專使

以導之。故次之以泛使。疆場之虞。帥守當任其責。則接境司用得。以公。雖往復。故次之以文移。事非司州所能予奪。至待命官。及疆吏對議者。代州移徙巡鋪。界壕是也。故次之以河東地界。疆界既辨。則進圍不可不謹。故次之以邊防。其別又有州郡壁壘之繕完。砦鋪塘濠之限斷。載于輿地。所以示守備之嚴也。凡為此書。本于通好遼人。則彼之種類自出。不可不知。遼本契丹也。故次之以契丹世系。虜與中國。言語不通。飲食不同。逐草隨畜。射獵為生。難以禮義治也。朝廷所以能固結而柔服之。蓋知其愛好之實也。故次之以國俗。耶律氏僭擬中華。有年數矣。爵號官稱。往往竊名。故次之以官屬。而宗戚俸祿三者。相須並見。于夷狄之俗。恃險與馬。由古然矣。故次之以關口道路。又次之以番軍馬。遼之為國。幅員不過三千餘里。而並建都府。兼置州縣。輅車所過。宜詳其處。故次之以州縣。彼裔夷也。非有奚渤故土。外接大荒之境。其可見者。宜兼著之。所以示天聲之遠遠也。故終于耆夷雜錄。而經制方略。論議奏疏附焉。臣切觀前世制

古宋國事集

卷之三十五

手

宋文卷七

自大之語
所以存國
體也

禦戎狄之道。載籍所紀。不過厚利和親。以約結之用。武克伐以驅除之。或入朝質子。以制其命。漢唐之事。若可信也。然約結一解。則陵暴隨之。彼豈不得其術耶。蓋恃一時之安。而不圖經久之利固也。淵謀碩畫。何代無之。至於我朝。乃得上策。年歷七紀。而保塞無患。歲來信幣。而致禮益恭。行旅交通。邊城晏閑。黎民土著。至老死而不知兵革。自書契以來。戢兵保定。未有如今日之全勝者也。聖上方恢天下之度。以威懷遠人。猶慮有司慢令。取侮。遂纂圖籍。為冷典。使之循守。無得而踰。後雖有忿驚悍黠之虜。欲啓事端。繼以章條。彼常自屈。若然。舉遼朝之衆。唯上之令。則是書之作。可謂規撫宏遠而德施無窮矣。然以今日承平之勢。當彼百年既往之運。祖我烈祖。後心漸萌。後極而微。形兆茲見。藩衛質館。行可致其俘入矣。姑。其大要。慨副聖辰。經遠之慮。總二百卷。卷有冗併。則釐為上中下。謹條事目。具于茲方。

自南北通好數十年無事。講信之要所當詳考。

古宋國事集

卷之三十五

手

宋文卷七

富國策第六

李觀

古人有言曰。穀甚賤則傷農。貴則傷末。爲農常糴而
未常糴也。此一切之論也。愚以爲賤則傷農。貴亦傷
農。賤則利末。貴亦利末。蓋農不常糴。有時而糴也。末
不常糴。有時而糴也。以一歲之中論之。大抵欲時多
賤。而種時多貴矣。夫農勞于作。劇于病也。愛其穀。甚
于生也。不得已而糴者。則有由焉。小則具服器大則
營什貨。公有賦役之令。私有稱貸之責。故一穀始熟。
腰鎌未解。而日輸於市焉。糴者既多。其價不得不賤。
古文國瑋集卷之三十五 宋文卷七
賤則賈人乘勢而罔之。輕其幣而大其量。不然則不
售矣。故曰。欲時多賤。賤則傷農而利末也。農人倉廩
既不盈。實窖既不實。多或數月。少或旬時。而用度竭
矣。土將生而或無種也。耒將執而或無食也。于是乎
日取于市焉。糴者既多。其價不得不貴。貴則賈人乘
勢而罔之。重其幣而小其量。不然則不予矣。故曰。種
時多貴。貴亦傷農而利末也。農之糴也。或闔項而收。
連車而出。不能以足用。及其糴也。或倍稱賤賣。毀室
伐樹。不能以足食。而坐賈常規人之餘。幸人之不足。

所爲甚逸而所得甚饒。此虞所以困窮而末所以兼
恣也。易繫辭曰。何以聚人曰財。理財正辭禁民爲非
曰義。財者君之所理也。君不理則蓄賈專行而制民
命矣。上之澤于是。不下流而人無聊矣。此平糴之法。
有爲而作也。管仲行于齊。李悝行于魏。耿壽昌行于
漢。國不失實。人獲其利。自晉迄隋。時或興廢。厥聞未
昭。唐天寶中。天下平糴殆五百萬斛。茲全盛之事也。
大宋受命。將百年矣。穀入之藏。所在山積。平糴之法。
行之久矣。蓋平糴之法行。則農人秋糴不甚賤。春糴
古文國瑋集卷之三十五 宋文卷七
不甚貴。大賈蓄家不得豪奪之矣。而官之出息。常什
一二。民既不困國且有利。茲古聖賢之用心也。然其
所未至。則有三焉。數少也。道遠也。吏奸也。一郡之糴。
不數千萬。其餘畢入于賈人。至春當糴。寡出之。則不
足于饑也。多出之。則可計日而盡也。于是賈人深藏
而待其盡。盡則權歸于賈人矣。是數少之弊也。倉儲
乏建。皆在郡治。縣之遠者或數百里。其貧民多糴則
無資。少糴則非可朝行而暮歸也。故終弗得而食之
矣。是道遠之弊也。舉掌之人。政或以賄。槩量不均。行

濫時有。及其出也。或減焉。或雜焉。名曰裁。價實則貴矣。是吏奸之弊也。今若廣置本泉。增其糴數。則蓄賈無所專利矣。倉儲之建。各于其縣。則遠民可以得食矣。申命州郡。必使廉能。則奸吏無以侵刻矣。如此利國便人。事可經久。是謂通輕重之權。不可不察。此論常平之當立。殊爲切至。文亦緊勁。有古意。

強兵策第四

李觀

或曰。地勢西北高。東南下。地高而寒。其民體厚而力強。氣剛而志果。地下而溫。其民體薄而力弱。氣柔而志回。故西北之兵。能辛苦有成功。而東南之士。少所立。此士大夫咸知之也。而子謂郡國屯軍。可以征伐。意者非東南之謂歟。曰。是老生之論也。夫民之情性。有地氣矣。是之謂風也。教而使之。在君長矣。是之謂俗也。聖王不擇民而教。賢將不擇士而使。擇民而教。是國無顏冉。未可學也。擇士而使。是世無賁育。未可戰也。水至柔也。揚水以風。則可使覆舟。金至剛也。冶之以火。則可使成器。顧所用之方畧何如耳。江南有甲薄之稱。荆楚有剽輕之議。其傳非一世矣。然楚若敖。筭路監樓。而其後世常與晉爭諸侯。吳泰伯斷髮文身。而其後世亦先晉歟。項籍以八千人起。會稽而殺秦降王。遷漢王于蜀。分裂天下。號稱爲霸。宋武帝以百餘人起丹徒。而誅桓正晉。遂平齊地。長驅關洛。是則東南之士。亦嘗與西北較矣。惟其將之才不才也。然以今日之事言之。則習有所多。技有所長。亦不

可不察也。若夫沙平草淺，千里在目，土不成丘，水不成谷，馬肥人輕，往來電駭，雙帶兩鞬，左右馳射，此非南軍之所長也。山陵險阨，草木蓊蔚，江流吞天，巨浪時起，行人疑惑，飛鳥不渡，徒步相搏，短兵相擊，此亦非北軍之所長也。北征而用南軍，眾則笑之矣。南征而用北軍，未有言其不可者。竊所未諭也。江海之濱，或一盜肆虐，一邦被擾，則命王人帥王卒以捕之，以多擊少，以短擊長，費或甚厚，而功或不立，此亦一失也。嚮者征南蠻，谿洞則可監矣，去平地而卽險阻，出古文國瑋集卷之三十五 罕宋文卷七

中國而入瘴癘，役穴未堙，而吾軍殆矣。竊惟廟算之深，未必不及此也。蓋郡國無精兵，不可不內發，故也。載使置軍屯田，隨便興發，則何征而不服，何討而不誅哉。至若以古名將將之，以騎戰之法教之，舍此所短，從彼所長，則運之天下，亦猶在席間也。

宋時凡有兵役，多用禁軍。然征蠻用北軍，未見其利。其意欲用土著也。

論鳳一係
亦矯健

強兵策第六 李觀

孫子曰：將能而君不御者勝。故古者天子遣將于太廟，親操鉞，持其首，授其柄，曰：從是以上至天者，將軍制之；乃復操柄，授與刃，曰：從是以下至淵者，將軍制之。故李牧之爲趙將，居邊軍市之租，皆自用饗士，賞賜決于外，不從中御也。周亞夫之軍細柳，軍中唯聞將軍之命，不聞天子之詔也。夫古先哲后，于王業亦艱難矣。安不忌危，其心亦至矣。豈故欲示人以利器，成人以威柄，以天下之命屬之于臣哉？蓋任賢之道，不得不然也。馬之所以能千里者，以其獨行也。若使駕以輜車，繫以寒駟，役夫罷羸，執轡其上，則未必不傾覆矣。況乎致遠哉？鳳之所以能千仞者，以其自恣也。若使繫之以線，縷養之於囹圄，藩籬之類，啁啾其側，未必不憂死矣。況乎冲天哉？用兵之法，一步百變，見可則進，知難則退，而曰有王命焉，是白大人以救火也。未及反命，而煨燼久矣。曰有監軍焉，是作舍道邊也。謀無適從，而終不可成矣。竊跡其原，蓋知之不盡，信之不篤也。知之不盡，恐其不賢也；信之不篤，

古文國瑋集卷之三十五 罕宋文卷七

懼其不忠也。不賢而無所制。則或敗事矣。不忠而無所監。則武生變矣。是故東之以詔令。持之以親貴焉。然恐其不賢。胡不選賢而任之。懼其不忠。胡不擇忠而使之。未見其賢而任之。是國無賢邪。未知其忠而使之。是下無忠邪。與其用之之疑。曷若取之之懼。孔子曰。視其所以。觀其所由。察其所安。人焉廋哉。必也授以節度。使之遵行邪。則王人之微者。自足爲之矣。安用大臣哉。大臣而尚可疑邪。則小臣胡爲而可信也。彼誠不忠邪。則不知有君矣。何憚于一小臣哉。昔古文國璋集卷之三十五

聖宋文卷七

韓信平齊七十餘城。南面稱孤。與楚則楚重。與漢則漢重。鼎足之形。可坐而定也。而藉金石之交。荷解衣推食之德。蒯通之說。弗忍從也。當是之時。豈有監之者哉。及其削爵爲侯。居京師。奉朝請。乃欲外結陳彭。內因諸官徒奴。以行大事。誠非嚮者三分之勢也。而卒以叛逆者。君恩不終。而懷怨望也。漢孝武之千霍子孟。蜀先主之千諸葛孔明。皆託以六尺之孤。而弗聞有變者。君臣之義至深。國士之遇可懷也。苟推赤心。嚮敢不順。苟爲疑之人。亦無足信者。今茲兵興矣。

將用矣。惟上心曠然。與忠賢爲一體。無置節目于其間。則將才如神。軍鋒如雷。功業易可成也。

古文疑人勿用。用人勿疑。然未有如用兵選將者。從來不善。取將總由擇之不審。而信之不篤。知言哉。

上韓范二招討書

劉 爽

爽皆荷二明公之恩顧。而未嘗敢一言以干左右者。誠有謂也。夫位卑者不得僭言。識短者不可輕議。故雖胸中紆鬱。亦自釋之而已。今有身與其事。心知不然。又安得隱忍不言哉。竊見岐府修北路山城。蓋上奉朝旨。乃有經度。次招討之命。卽議緒完。計工數萬。資財數千。雖亦不甚廣。然皆民力也。爽近從府尹往觀之。府城北走二十里至山足。乃曲盤而上。僅五里至山頂。涉頂而行餘十里。至今議爲城之城。行頂而周視。群山蔓衍不絕。極目如浪。按圖牒岐隴涇乾內郡環是山。自涇而南及岐六舍。汧源而東抵奉天數百里。所謂山者。但土坡高原耳。非若嵩華終南之有懸崖石壁。絕頂孤擎之爲限也。今所議者。岐及涇之路耳。戎馬必欲自北而南。旁出可作數十路。高者平之。下者增之。岐者盤曲之。澗者橋梁之。皆人力所能爲也。加之是城不可屯軍馬。賊至則不守也。雖能守之。賊由他道而來。無所難也。恭惟二明公居秦居慶。皆嘗作城。人尚以爲勞。其如秦之城。州城也。大而

古文國璋集

卷之三十五

書

宋文卷七

壯之。使賊無逼視之心。大順城。邊寨也。屯軍塲上。壯我邊防。是雖勞而有益也。今中道作城。無軍馬以守。而賊又有他路可行。是城之爲無益也。明矣。役已困之民。爲無益之事。于今豈宜哉。今作此城。蓋爲岐之計也。爽以謂爲岐之計。不若此。岐之爲府城。郭人民雍。則三分損一。倉廩之實。帑藏之積。監酒之利。與雍均。船塲竹鹽鐵冶。雍無之。造作兵器供應邊須。諸郡不及焉。民之室比閭。中內郡亦號富饒。其地形南西北皆山險。獨東去爲坦途。必若邊城失守。賊無後顧之慮。長驅而來。賊之請岐有道路之勞。不若請雍之易也。若雍之有備。則岐爲易下也。以岐今日之備。賊至則破。何者。無兵也。無戰具也。無是二者。則民不固也。前日定川之役。人甚不寧。閭閻無賴輩。往往有妖言者。爽嘗私自思之。以謂朝廷與招討。得非知岐爲自安不足備也。今而觀之。尚使中道作城。以禦寇。是亦爲岐之備。不爲不至也。爽以謂爲岐之計。莫若使有兵三五千。能執銳披堅。可使者。有甲冑弧矢。戈戟皆稱之。有能將萬兵者。一人在城中。如此則賊雖

古文國璋集

卷之三十五

書

宋文卷七

大至岐可守也。今岐無是兵與器，雖中道有數十城，無益也。況爲一城哉？夷嘗患關中民費財與力，十官未得其一。今費工數萬，費財數千，郡邑畏威，靡敢舒緩。其間督促鞭笞吏緣爲奸，不可勝紀，而一無所濟。是誠可惜也。朝廷命二明公專關中之事，其寄亦已重矣。二明公之憂思，諒非不深矣。計朝夕事之大者，萬端。此但一小事耳。故不足思且慮也。明公以爲小岐之民，以爲大勞，而有益于事，雖大爲也。勞而無益于事，雖小不可爲也。關中之事，所以多失者，上輕之。

古文國璋集

卷之三十五

宋文卷七

而不思下隨之，而不言增少而爲多，積小以成大。夫事雖于謀始，易于讖終。今此一事，其爲無益也甚者，其能辯之者亦甚衆，而乃無肯言者。恤事可知也。夷恃賴恩，顧仰于聽覽，願軫思念，如此言不至在願則望稍緩其期，使有識者聞而議之，然後錄其可否，夷下情無任惶顧祈之至。

沿邊多築城堡，備分而力弱，非良策也。故苟非要地，且可勿築，一以息衆，一以畜威。

歷代古文國璋集卷之三十五

歷代古文國璋集卷之三十六

襄西方岳貢禹修評選

宋文

上仁宗皇帝書

蘇洵

前月五日，蒙本州錄到中書劄子，連牒臣以兩制議上翰林學士歐陽修奏。臣所著權書衡論幾策二十篇，乞賜甄錄。陛下過聽召臣試策，論舍入院，仍令本州發遣臣赴闕。臣本田野匹夫，名姓不登於州閭。今一旦卒然被召，實不知其所以自通於朝廷。承命

古文國璋集

卷之三十六

宋文卷八

悸恐不知所爲，以陛下躬至聖之資，又有群公卿之賢，與天下士大夫之衆，如臣等輩固安不少。有臣無臣，不加損益。臣不幸有負薪之疾，不能奔走道路，以副陛下搜揚之心。憂惶負罪，無所容處。臣本凡才，無路自進。當少年時，亦嘗欲僥倖於陛下之科舉，有司以爲不肖，輒以擯落。蓋退而處者十有餘年矣。今雖欲勉強扶病戮力，亦自知其疎拙，終不能合有司之意。恐重得罪，以辱明詔。且陛下所爲千里而召臣者，其意以臣爲能有所發明，以庶幾有補於聖政之萬

今之科目
選官亦難
此

一而臣之所以自結髮讀書至於今茲犬馬之齒幾已五十而猶未敢廢者其意亦欲教尺寸於當時以快平生之志耳今雖未能奔伏闕下以累有司而猶不忍默默卒無一言而已也天下之事其深遠切至者臣自惟疎賤未敢遽言而其近而易行淺而易見者謹條爲十通以塞明詔其一曰臣聞利之所在天下趨之是故千金之子欲有所爲則百家之車無寧居者古之聖人執其大利之權以奔走天下意有所向則天下爭先爲之今陛下有奔走天下之權而不能用何則古者賞一人而天下勸今陛下增秩拜官動以千計其人皆以爲已所自致而不知戮力以報上之恩至於臨事誰當効用此由陛下輕用其爵祿使天下之士積日持久而得之譬如傭力之人計工而受直雖與之千萬豈知德其主哉是以雖有能者亦無所施以爲謹守繩墨足以自致高位官吏繁多溢於局外使陛下皇皇汲汲求以處之而不暇擇其賢不肖以病陛下之民而耗竭大司農之錢穀此議者所欲去而未得也臣竊思之蓋今制馭天下之吏

古文國瑋集

卷之三十六

宋文卷八

若謀精不
精則所云
其亦無其
實而爲之
名耳

自用縣令錄幕職而改京官者皆未得其術是以若此紛紛也今雖多其舉官而遠其考重其舉官之罪此適足以隔賢者而容不肖且天下無事雖庸人皆足以無過一旦收官無所不爲彼其舉者曰此廉吏此能吏朝廷不知其所以爲廉與能也幸而未有敗事則長爲廉與能矣雖重其罪未見有益上下相蒙請託公行茲官六七考未舉至五六人此誰不能者臣愚以爲舉人者當使明著其迹曰某人廉吏也嘗有某事以知其廉某人能吏也嘗有某事以知其能古文國瑋集

卷之三十六

宋文卷八

之甚也。或者以為如此則天下之吏務為可擇用意
過當。生事以為已功。漸不可長。臣以為不然。蓋聖人
必觀天下之勢而為之法。方天下初定。民厭勞役。則
聖人務為因循之政。與之休息。及其久安而無變。則
必有不振之禍。是以聖人破其苟且之心。而作其怠
惰之氣。漢之元成。惟不知此。以至於亂。今天下少惰
矣。必有以激發其心。使踴躍於功名。以變其俗。況乎
元官紛紛如此。不知所以節之。而又何疑於此乎。且
陛下與天下之士相期於功名。而毋苟得。此待之至

古文圖瑋集卷之三十六

宋文卷八

深也。若其宏才大略。不樂於小官而無間焉者。使兩
制得以非常舉之。此天下亦不過幾人而已。吏之有
過而不得遷者。亦使得以功贖。如此亦以示陛下之
有所推恩。而不惟難之也。其二曰。臣聞古者之制爵
祿。必皆孝悌忠信。修潔博習。聞於鄉黨。而達於朝廷
以得之。及其後世不然。曲藝小數。皆可以進。然其得
之也。猶有以取之。其弊不若今之甚也。今之用人。最
無謂者。其所謂任子乎。因其父兄之資。以得大官。而
又任其子弟。子將復任其孫。孫又任其子。是不學而

唐朱任子
官至通顯

為名臣者
甚多惟能
不限其
至而有以
勵其後
必欲盡
之亦非
世之非
是希矣
不能行也

古文圖瑋集卷之三十六

宋文卷八

得者常無窮也。夫得之也易。則其失之也不甚惜。以
不學之人。而居不甚惜之官。其視民如草芥也。固宜。
朝廷自近年始有意於裁節。然皆知損之而未得其
所損。此所謂制其末而不窮其源。見其粗而未識其
精。使侍之風少衰。而猶在也。夫聖人之舉事。不唯曰
利而已。必將有以大服天下之心。今欲有所去也。必
使天下知其所以去之之說。故雖盡去而無疑。何者
恃其說明也。夫所謂任子者。亦猶曰信其父兄。而用
其子弟。云爾。彼其父兄。固學而得之也。學者任人不
學。學者任於人。此最曉也。今之制苟幸而其官至於可
任者。舉使任之。不問其始之何從而得之也。且彼任
於人。不服。又安能任人。此猶借資之人。而欲從之。旬
貸。不已難乎。臣愚以為父兄之所任。而得官者。雖至
正郎。空皆不聽任子弟。唯其能自修飾。而越錄。躐次
以至於清顯者。乃聽。如此則天下之冗官。必大衰少。
而公卿之後。皆奮志為學。不待父兄之資。其任。而得
官者。知後不得復任其子弟。亦當勉強不肯終老。自
棄於庸人。此其為益。豈特一二而已。其三曰。臣聞自

吏部考大吏
其屬亂是
良法今自
盡令吏部
考之詳于
小節略于
大略略于
吏則小者
又不符而
弊也

設官以來皆有考績之法。周室既亡其法廢絕。自京
房建考課之議其後終不能行。夫有官必有課。有課
必有賞罰。有官而無課。是無官也。有課而無賞罰。是
無課也。無官無課而欲求天下之大治。臣不識也。然
更歷千載而終莫之行行之則益以紛亂而終不可
考其故何也。天下之吏不可以勝考。今欲人人而課
之。必使入於九等之中。此宜其顛倒錯繆而不若無
之為便也。臣觀自昔行考課者皆不得其術。蓋天下
之官皆有所屬之長。有功有罪其長皆得以舉刺。如

古文國庫集卷之三十六 宋文卷八

必人人而課之於朝廷則其長為將安用。惟其大吏
無所屬而莫為之長也。則課之所宜加何者其位尊
故課一人而其下皆可以整齊其數少故可以盡其
能否而不謬。今天下所以不大治者守令丞尉賢不
肖混淆而莫之辨也。太守令丞尉賢不肖之不能其
咎在職司之不明。職司之不明其咎在無所屬。而莫
為之長。陛下以無所屬之官而寄之以一路其賢不
肖當使誰察之。古之考績者皆從司會而至於天子
古之司會即今之尚書尚書既廢唯御史可以提察

吏部考大吏
其屬亂是
良法今自
盡令吏部
考之詳于
小節略于
大略略于
吏則小者
又不符而
弊也

中外之官臣愚以為可使朝臣議定職司考課之法
而於御史臺別立考課之司。中丞舉其太綱而屬官
之中選強明者一人以專治其事。以舉刺多者為上
以舉刺少者為中。以無舉刺者為下。因其罷歸而奏
其治要。使朝廷有以為之賞罰其非常之功不可掩
之罪。又當特有以償之。使職司知其所懲勸則其下
守令丞尉不容復有所依違。而其所課者又不過數
十人足以求得其實。此所謂用力少而成功多。法無
便於此者矣。今天下號為太平其實遠方之民窮困

古文國庫集卷之三十六 宋文卷八

已甚其咎皆在職司臣不敢盡言。陛下試加採訪乃
知臣言之不妄。其四曰臣聞古者諸侯臣妾其境內
而卿大夫之家亦各有臣。陪臣之事其君如其君之
事天子此無他其一境之內所以生殺予奪富貴貧
賤者皆自我制之。此固有以臣妾之也。其後諸侯雖
廢而自漢至唐猶有相君之勢何者其署置辟舉之
權猶足以臣之也。是故太守刺史坐於堂上州縣之
吏拜於堂下雖奔走頓伏其誰曰不然。自太祖受命
收天下之尊歸之京師一命以上皆上所自署而大

上下之際
體統森嚴
無害於治
明允此端
本無有不
不目氣
此亦必然
今之縣令
其所拜伏
者多矣未
見其下之
性之也

司農示食之自宰相至於州縣吏雖貴賤相去甚遠而其官皆所與比肩而事主耳是以百餘年間天下不知有權臣之威而太守刺史猶用漢唐之制使州縣之吏事之如事君之禮皆受天子之爵皆食天子之祿不知其何以臣之也小吏之於大官不憂其有所不從唯恐其從之過耳今天下以貴相高以賤相誦奈何使州縣之吏趨走於太守之庭不當若僕妾唯唯不給故大吏常恣行不忌其下而小吏不能正以至於曲隨諂事助以爲虐其能中立而不撓者固已難矣此不足怪其勢固使然也夫州縣之吏位卑而祿薄去於民最近而易以爲姦朝廷所恃以制之者特以厲其廉隅全其節槩而養其氣使知有所恥也且必有異材焉後將以爲公卿而安可薄哉其尤不可者令以縣令從州縣之禮夫縣令官雖卑其所負一縣之責與京朝官知縣等耳其吏胥人民習知其官長之拜伏於太守之庭如是之不威也故輕之輕之故易爲姦此縣令之所以爲難也臣愚以爲州縣之吏事太守可恭遜卑抑不敢抗而已不至於通

古文國璋集

卷之三十六

宋文卷八

每見國家
有急務乃
用桑格水
天下奇謀
異能之士
即果得奇
謀異能之
士而用之
名位不虛
以服人信
者不足爲
用衆精而
不可以厭
威終于覆

名贊拜趨走其下風所以全士大夫之節且以儆大吏之不法者其五曰臣聞爲天下者必有所不可窺是以天下有急不求其素所不用之人使天下不能幸其倉卒而取其祿位唯聖人爲能然何則其素所用者緩急足以使也臨事而取者亦不足用矣傳曰寬則寵名譽之人急則用介冑之士今者所用非所養所養非所用國家用兵之時購方略設武舉使天下屠沽健武皆能徒手攫取陛下之官而兵休之日雖有超世之才而惜斗升之祿臣恐天下有以窺朝廷也今之任爲將帥卒有急難而可使者誰也陛下之老將曩之所謂戰勝而善守者今亡矣臣愚以爲可復武舉而爲之新制以革其舊弊且昔之所謂武舉者蓋疎矣其以弓馬得者不過扼強引重市井之麤材而以策試中者亦皆記錄章句區區無用之學又其取人太多天下之知兵者不宜如此之衆而待之又甚輕其第下者不免於隸役故其所得皆貪汙無行之徒豪傑之士恥不忍就宜因貢士之歲使兩制各舉其所聞有司試其可者而陛下親策之權略

古文國璋集

卷之三十六

宋文卷八

人臣不能
有形跡此
小不法不
能舉職此
大不法也
不能制其
大不法而
制其小不

之外。便於弓馬。可以出入險阻。勇而有謀者。不遵取
一二人。待以不次之位。試以守邊之任。文有制科。武
有武舉。陛下欲得將相。於此乎取之。十人之中。豈無
一二斯亦足以濟矣。其六曰。臣聞法不足以制天下。
以法而制天下。法之所不及。天下斯欺之矣。且法必
有所不及也。先王知其有所不及。是故存其大略。而
濟之以至誠。使天下之所以不吾欺者。未必皆吾法
之所能禁。亦其中有所不忍而已。人君御其大臣。不
可以用法。如其左右大臣。而必待法。而後能御也。則
古文國瑞集卷之三十六
宋文卷八

其疎遠小吏。當復何以哉。以天下之大。而無可信之
人。則國不足以爲國矣。臣觀今兩制以上。非無賢俊
之士。然皆奉法供職。無過而已。莫肯於繩墨之外。爲
陛下深思遠慮。有所建明。何者。陛下待之於繩墨之
內也。臣請得舉其一二以言之。夫兩府與兩制宜使
日夜交於門。以講論當世之務。且以習知其爲人。臨
事授任。以不失其才。今法不可以相往來。意將以杜
其告謁之私也。君臣之道不同。人臣惟自防。人君惟
無防之。是以勸欣相接。而無間。以兩府兩制爲可信。

法亦復安
所用法乎

耶。當無所請。屬以爲不可信。耶。彼何患。無所致其私
意。安在其相往來。耶。今兩制知舉。不免用封彌。謄錄
既奏而下。御史親往。注之。漂漂如鞠。大獄。使不知誰
人之辭。又何其甚也。臣愚以爲如此之類。一切撤去。
彼稍有知。而不忍負。若其猶有所欺也。則亦天下之
不才無恥者矣。陛下赫然震威。誅一二人。可以使天
下姦吏重足而立。想聞朝廷之風。亦必有側隱非常
之才。爲陛下用也。其七曰。臣聞爲天下者。可以名器
授人。而不可以名器許人。人之不可以一日而知也。
古文國瑞集卷之三十六
宋文卷八

久矣。國家以科舉取人。四方之來者如市。一旦使有
司第之。此固非真知其才之高下大小也。特以爲始
收之而已。將試之爲政。而觀其悠久。則必有大異不
然者。今進士三人之中。釋褐之日。天下望爲卿相。不
及十年。未有不爲兩制者。且彼以其一日之長。而擅
終身之富貴。舉而歸之。如有所負。如此則雖天下之
美材。亦或怠而不修。其率意恣行者。人亦望風畏之。
不敢按。此何爲者也。且又有甚不便者。先王制其天
下尊尊相高。貴貴相承。使天下仰視朝廷之尊。如泰

今世既重
進士便令
不可復殿
又不止于
三人矣

南北朝使
下以應選
文舉不獨
誇耀口語
之閒亦所
以明用人
之當而震
豪敵之謀

山喬嶽。非振援所能及。苟非有大功與出群之才。則不可以輕得其高位。是故天下知有所忌而不敢覬覦。今五尺童子。斐然皆有意於公卿。得之則不知愧。不得則怨。何則。彼習知其一旦之可以僥倖而無難也。如此則匹夫輕朝廷。臣愚以為三人之中。苟優與一官足以報其一日之長。館閣臺省。非舉不人。彼果不才者也。其安以入為。彼果才者也。其何患無所舉。此非獨以愛憎名器。將以重朝廷耳。其八曰。臣聞古者敵國相觀。不觀於其山川之險。士馬之衆。相觀於古。文國璋集卷之三十六。主宋文港八

呂中公使
富鄭公于
契丹人。以
為報復然
為國計亦
當如此

必使強之。彼有倉皇失次。為夷狄笑而已。古者大夫出疆。有可以安國家利社稷則專之。今法令太密。使小吏執簡記其旁。一搖足輒隨而書之。雖有奇才辯士。亦安所効用。彼夷狄觀之以為蟬組談燕之間。尚不能辦軍旅之際。固宜其無人也。如此將何以破其姦謀而折其驕氣哉。臣愚以為奉使宜有常人唯其可者。而不必均。彼其不能者。陛下責之以文學政事。不必強之於言語之間。以敗吾事。而亦稍寬其法。使得有所施。且今世之患。以奉使為難危。故必均而後。古文國璋集卷之三十六。主宋文港八

一經大禮。費以萬億。賦歛之不輕。民之不聊生。皆此之故也。以陛下節用愛民。非不欲去此矣。顧以爲所從來久遠。恐一旦去之。天下必以爲少恩。而凶豪無賴之兵。或因以爲辭而生亂。此其所以重改也。蓋事有不可改。而遂不改者。其憂必深。改之則其禍必速。惟其不失推恩。而有以救天下之弊者。臣愚以爲先郊之歲。可因事爲辭。特除大號。如郊之赦。與軍士之賜。且告之曰。吾於天下。非有惜乎推恩也。惟是凶殘之民。知吾當赦。輒以犯法以賊害吾良民。今而後赦。古文國瑋集卷之三十六 古文卷八

不於郊之歲。以爲常制。天下之人。喜乎非郊之歲。而得郊之賞也。何暇慮其後。其後四五年而行之。七八年而行之。又從而盡去之。天下晏然不知。而以遠矣。且此出於五代之後。兵荒之間。所以姑息天下而安反側耳。後之人相承而不能去。以至於今。法令明具。曰方無虞。何畏而不改。今不爲之計。使姦人猾吏。養爲盜賊。而後取租賦。以啖驕兵。乘之以飢饉。鮮不及矣。當此之時。欲爲之計。其猶有極乎。其十曰。臣聞古者所以採庶人之議。爲其疎賤而無嫌也。不知爵

祿之可愛故其言公不知君威之可畏故其言直今
 臣幸而未立于陛下之朝無所愛惜顧念於其心者
 是以天下之事陛下之諸臣所不敢盡言者臣請得
 以僭言之陛下擢用俊賢思致太平今幾年矣事垂
 立而輒廢功未成而旋去陛下知其所由乎陛下知
 其所由則今之在位者皆足以有立若猶未也雖得
 賢臣千萬天下終不可爲何者小人之根未去也陛
 下遇士大夫有禮凡在位者不敢用褻狎戲嫚以求
 親媚於陛下而讒言邪謀之所由至於朝廷者天下
 古○文○國○瑋○集○
 卷之三十六
 主○宋○文○卷八
 之人皆以爲陛下不疎遠宦官之過陛下特以爲耳
 目○玩○弄○之○臣○而○不○知○其○陰○賊○險○詐○爲○害○最○大○天○下○之○
 小○人○無○由○至○於○陛○下○之○前○故○皆○通○於○宦○官○珠○玉○錦○繡○
 所○以○爲○賂○者○絡○繹○於○道○以○間○關○齟○齬○賢○人○之○謀○陛○下○
 縱○不○聽○用○而○大○臣○常○有○所○顧○忌○以○不○得○盡○其○心○臣○故○
 曰○小○人○之○根○未○去○也○竊○聞○之○道○路○陛○下○將○有○意○去○而○
 疎○之○也○若○如○所○言○則○天○下○之○福○然○臣○方○以○爲○憂○而○未○
 敢○賀○也○古○之○小○人○有○爲○君○子○之○所○抑○而○反○激○爲○天○下○
 之○禍○者○臣○每○痛○傷○之○蓋○東○漢○之○衰○宦○官○用○事○陽○球○爲○

此子由不
主調停之
說所本也

司諫校尉發憤誅王甫等數人磔其尸于道中常侍
曹節過而見之遂奏誅陽球而宦官之用事過於王
甫之末誅其後竇武何進又欲去之而反以遇害故
漢之衰至於掃地而不可救夫君子之去小人惟能
盡去乃無後患惟陛下思宗廟社稷之重與天下之
可畏既去之又去之既疎之又疎之刀鋸之餘必無
忠良縱有區區之小節不過聞閹掃洒之勤無益於
事惟能務絕其權使朝廷清明而忠言嘉謨易以入
則天下無事矣惟陛下無使爲臣之所料而後世以
古文國璋集卷之三十六
臣爲知言不勝大願曩臣所著二十二篇略言當世
之要陛下雖以此召臣然臣觀朝廷之意特以其文
采詞致稍有可嘉而未必其言之可用也天下無事
臣每每狂言以迂闊爲世笑然臣以爲必將有時而
不迂闊也賈誼之策不用於孝文之時而使王父偃
之徒得美餘論而施之於孝武之世夫施之於孝武
之世固不如用之於孝文之時之易也臣雖不及古
人惟陛下不以一布衣之言而忽之不勝越次憂國
之心敬其所見且非陛下召臣臣言無以至於朝廷

今老矣恐後無由復言故云云之多至於此也惟陛下
下寬之



古文國璋集卷之三十六

宋文公

修禮書狀

蘇洵

右洵先奉勅編禮書。後聞臣寮上言。以爲祖宗所行不能無過。差不經之事。欲盡芟去。無使存錄。洵竊見議者之說。與勅意大異。何者。前所授勅。其意曰。纂集故事。而使後世無忘之耳。非曰制爲典禮。而使後世遵而行之也。然則洵等所編者。是史書之類也。遇事而記之。不擇善惡。詳其曲折。而使後世得知而善惡自著者。是史之體也。若夫存其善者而去其不善。則是制作之事。而非職之所及也。而議者以責洵等。不

古文國瑋集

卷之三十六

宋文卷八

已過乎。且又有所不可者。今朝廷之禮雖爲詳備。然大抵往往亦有不妥之處。非特一二事而已。而欲有所去焉。不識其所去者果何事也。既欲去之。則其勢不得不盡去。盡去則禮缺而不備。苟獨去其一。而不

去其二。則適足以爲抵牾齟齬。而不可齊。且議者

之意。不過欲以掩惡諱過。以存臣子之義如是而已

矣。昔孔子作春秋。惟其惻隱而不忍。而後有隱諱。蓋威公薨。子般卒。而

不書其實。以爲是不何害也。至於成宋亂。及齊狩。躋僖公。作丘甲。用田賦。丹桓

官。機。刻。桓。官。梯。若。此。之。類。皆。書。而。不。諱。其。意。以。爲。雖。不。善。而。尚。可。書。也。今。先。世。之。所。行。雖。小。有。不。善。者。猶。與。春。秋。之。所。書。者。甚。遠。而。悉。使。洵。等。隱。諱。而。不。書。如。此。將。使。後。世。不。知。其。淺。深。徒。見。當。時。之。臣。子。至。於。隱

諱。而。不。言。以。爲。有。所。大。不。可。言。者。則。無。乃。欲。益。而。反。損。歟。公。牟。之。說。滅。紀。滅。項。皆。所。以。爲。賢。者。諱。然。其。所

謂。諱。者。非。不。書。也。書。而。迂。曲。其。文。耳。然。則。其。實。猶。不。沒。也。其。實。猶。不。沒。者。非。以。彰。其。過。也。以。見。其。過。之。止。於。此。也。今。無。故。乃。取。先。世。之。事。而。沒。之。後。世。將。不。知

古文國瑋集

卷之三十六

宋文卷八

而大疑之。此其不便者也。班固作漢志。凡漢之事悉載而無所擇矣。洵如之。則先世之小有過差者。不足

以害其大明。而可以使後世無疑之之意。且使洵等爲得其所職。而不至於侵官者。謹具狀

持論堅正不肯詭隨當路如此

事在門日
今國家忠
而亦制進
士之數甚
非計蓋亦
用老蘇之
說而精之
於終也

三代卿聚
聖選必其
人物已自
足觀而後
以射次第
之耳亦非
以射取
人也而其
言之則同

上文丞相書

蘇海

昭文相公執事天下之事制之在始始不可制制之在末是以君子慎始而無後憂收之於其末而其始不為無謀失諸其始而邀諸其終而天下無遺事是故古者之制其始也有百年之前而為之者也蓋周公營乎東周數百年而待乎平王之東遷也然及其收天下之士而責其賢不肖之分則未嘗於其始焉而制其極蓋常舉之於諸侯考之於太學引之於射官而試之於弓矢如此其備矣然而管叔蔡叔文王之子而武王周公之弟也生而與之居處習知其性之所好惡與夫居之於太學而習之於射官者宜愈詳矣然其不肖之實卒不見於此時及其出為諸侯監國臨大事而不克自定然後敗露以見其不肖之才且夫張弓而射之一不失容此不肖者或能焉而聖人豈以為此足以盡人之才蓋將為此名以收天下之士而後觀其臨事而黜其不肖故曰始不可制制之在末於此有人求金於沙欲而揚之惟其揚之也始是以責金於揚而欲之則無擇焉不然金與沙

古文圖碑集卷之三十六

手宋文卷八

已辨矣

礪皆不錄而已矣故欲求盡天下之賢後莫若略其始欲求責實於天下之官莫若精其終今者天下之官自相府而至於一縣之丞尉其為數實不可勝計然而大數已定餘屯溢于官籍大臣建議減任子削進士以求便天下竊觀古者之制略於始而精於終使賢者易進而而不肖者易犯夫易犯故易退易進故賢者眾眾賢進而而不肖者易退夫何患官冗今也艱之於其始竊恐夫賢者之難進與夫不肖者之無以異也方今進退天下士大夫之權內則御史外則轉運而士大夫之間潔然而無過可任以為吏者其實無幾且相公何不意推之往年吳中復在號為一月而發二吏中復去職而吏之以罪免者曠歲無有也雖然此特洵之所見耳天下之大則又可知矣國家法令甚嚴洵從蜀來見凡吏商者皆不征非追胥調發皆得役天子之吏是以知天下之吏犯法者甚眾從其化而黜之十年之後將分職之不給此其權在御史轉運而御史轉運之權實在相公顧其易為也今四方之士會於京師口誦籍籍莫不為此然皆

古文圖碑集卷之三十六

主宋文卷八

莫肯一言於其上。誠以爲近於私我也。洵西蜀之人方不見用於當世。幸又不復以科舉爲意。是以肆言於其間。而可以無嫌。伏惟相公慨然有憂天下之心。征伐四國。以安天子。毅然立朝。以威制天下。名著功遂。文武並濟。此其享功業之重。而居富貴之極。於其平生之所望。無復慷慨者。惟其獲天下之多士。而與之皆樂乎。此可以復動其志。故遂以此告其左右。惟相公亮之。

韓退之曰。今雖精其後用也。必相陸敬輿。曰武后

古文圖彙集

卷之三十一

五

宋文卷八

以易得人。德宗以精而失士。賢者所見固自略同。

詩論

蘇洵

人之嗜欲。好之有甚於生。而憤憾怨怒。有不顧其死。於是禮之權又窮。禮之法曰。好色不可爲也。爲人臣爲人子。爲人弟。不可以有怨於其君父兄也。使天下之人。皆不好色。皆不怨其君父兄。夫豈不善。使人之情皆泊然而無思。和易而優柔。以從事如此。則天下固亦大治。而人之情又不能皆然。好色之心。毆諸其中。是非不平之氣。攻諸其外。炎災而生。不顧利害。趨死而後已。噫。禮之權止於死生。天下之事不至乎可。

古文圖彙集

卷之三十一

五

宋文卷八

以博生者。則人不敢觸死。以達吾法。今也人之好色。與人之是非不平之心。勃然而發於中。以爲可以博生也。而先以死自處其身。則死生之機固已去矣。死生之機去。則禮爲無權。區區舉無權之禮。以強人之所不能。則亂益甚。而禮益敗。今吾告人曰。必無好色。必無怨。而君父兄。彼將遂從吾言。而忘其中心所自有之情耶。將不能也。彼既已不能。純用吾法。將遂大棄而不顧吾法。既已大棄。而不顧。則人之好色與怨。其君父兄之心。將遂蕩然無所隔限。而易內勃妻之。

變與弑其君父兄之禍必反公行於天下。聖人憂焉。曰禁人之好色而至於淫。禁人之怨其君父兄而至於叛。患生於責人太詳。好色之不絕而怨之不禁。則彼將反不至於亂。故聖人之道嚴於禮而通於詩。禮曰必無好色必無怨而君父兄。詩曰好色而不至於淫。怨而君父兄而無至於叛。嚴以待天下之賢人。通以全天下之中人。吾觀國風婉孌桑扈而卒守以正好色而不至於淫者也。小雅悲傷訴離而君臣之情卒不忍去怨而不至於叛者也。故天下觀之曰聖人固許我以好色而不尤我之怨吾君父兄也。許我以好色不淫可也。不尤我之怨吾君父兄則彼雖以虛遇我。我明識而明怨之。使天下明知之。則吾之怨亦得當焉。不反可也。夫背聖人之法而自棄於淫。欲之地者。非斷不能也。斷之始生於不勝人。不自勝其忿。然後忍棄其身。故詩之教不使人之情至於不勝也。夫橋之所以為安於舟者。以有橋而言也。水潦大至。橋不解而舟不至於必敗。故舟者所以濟橋之所不及也。夫禮之權窮於易達而有易焉。窮於後世之不及也。

信而有樂焉。窮於強人而有詩焉。鳴聖人之慮事也。蓋詳其文曲折而道動雖日習之不覺其厭。

茅鹿門曰
明之小者
也伯者之
所操切也
聖人之明
則以結心
而虛虛故
能照照則
能善萬物
而不惑
氏之所謂
天之所謂
泰宇定而
天光發皆

此意也

明論

蘇 洵

天下有大知有小知。人之智慮有所及有所不及。聖人以其大知而兼其小知之功。賢人以其所及而濟其所不及。愚者不知大知。而以其所不及喪其所及。故聖人之治天下也。以常。而賢人之治天下也。以時。既不能常。又不能時。悲夫殆哉。夫惟大知而後可以常。以其所及濟其所不及。而後可以時。常也者。無治而不治者也。時也者。無亂而不治者也。日月經乎中天。大可以被四海。而小或不能入一室之下。彼固無用此區區小知也。故天下視日月之光。儼然其若君父之威。故自有天地而有日月。以至於今。而未嘗可以一日無焉。天下嘗有言曰。叛父母。廢神明。則雷霆下擊之。雷霆固不能為天下盡擊此等輩也。而天下之所以兢兢然不敢犯者。有時而不測也。使雷霆日轟轟焉。逮天下以求夫叛父母。喪神明之人。而擊之。則其人未必能盡。而雷霆之威。無乃衰乎。故未知日月雷霆之分者。可以用其明矣。聖人之明。吾不得而知也。吾獨愛夫賢者之用其心約而成功博也。吾獨

古文圖章集

卷之三十六

宋

宋文卷八

怪夫愚者之用其心勞而功不成也。是無他也。專於其所及。而及之。則其及必精。兼於其所不及。而及之。則其及必粗。及之而精。人將曰。是惟無及。及則精矣。不然。吾恐奸雄之竊笑也。齊威王。卽位大亂。三載威王一奮。而諸侯震懼。二十年。是何修何營耶。夫齊國之賢者。非獨一卽墨大夫。明矣。亂齊國者。非獨一阿大夫。與左右。舉阿而毀卽墨者。幾人。亦明矣。一卽墨大夫。易知也。一阿大夫。易知也。左右舉阿而毀卽墨者。幾人。易知也。從其易知。而精之。故用心甚約。而成功博也。天下之事。譬如物十焉。吾舉其一。而人不知。吾之不知其九也。歷數之。至於九。而不知其一。不如舉一之。不可測也。而況乎不至於九也。此是人主用明之術。英主不可不知。

古文圖章集

卷之三十六

宋

宋文卷八

辨奸論

蘇洵

事有必至。理有固然。惟天下之靜者。乃能見微而知著。月暈而風。礎潤而雨。人人知之。人事之推移。理勢之相因。其疎闊而難知。變化而不可測者。孰與天地陰陽之事。而賢者有不知其故何也。好惡亂其中而利害奪其外也。昔者山巨源見王衍曰。誤天下蒼生者。必此人也。郭汾陽見盧杞曰。此人得志。吾子孫無遺類矣。自今而言之。其理固有可見者。以吾觀之王衍之爲人。容貌言語。固有以欺世而盜名者。然不佞不求。與物浮沉。使晉無惠帝。僅得中主。雖衍百千何從而亂天下乎。盧杞之奸。固足以敗國。然而不學無文。容貌不足以動人。言語不足以眩世。非德宗之鄙暗。亦何從而用之。由是言之。二公之料二子。亦容有未必然也。今有人口誦孔老之言。身履夷齊之行。收召好名之士。不得志之人。相與造作言語。私立名字。以爲顏淵孟軻復出。而陰賊險狠。與人異趣。是王衍盧杞合而爲一人也。其禍豈可勝言哉。夫面垢不洗。衣垢不忌澣。此人之至情也。今也不然。衣巨盧之

末。食犬豕之食。回首垢面而談詩書。此豈其情也哉。凡事之不近人情者。鮮不爲大奸。惡豎刁易牙開方。是也以蓋世之名。而濟其未形之患。雖有願治之主。好賢之相。猶將舉而用之。則其爲天下患。必然而無疑者。非特二子之比也。孫子曰。善用兵者。無赫赫之功。使斯人而不用也。則吾言爲過。而斯人有不遇之歎。孰知禍之至於此哉。不然。天下將被其禍。而吾復知言之名。悲夫。

古文圖瑋集卷之三十六
宋文卷八
何其言之勇而決也。荆公在後世有正人之目。而所爲皆小人之事。因當以此文爲定論。

宋文

審勢論

蘇洵

王遵岩曰
是泉此論
於宋然其
對病之藥
痛乎常時
之不能用

治天下者定所尚。所尚一定。至於千萬年而不變。使民之耳目純于一。而子孫有所守。易以爲治。故三代聖人其後世遠者至七八百年。夫豈惟其民之不忘其功。以至於益其子孫得共祖宗之法而爲依據。可以永久。夏之尚忠。商之尚質。周之尚文。視天下之

古文國瑋集

卷之三十七

宋文

卷九

所宜尚而固執之。以此而始。以此而終。不朝文而慕質。以自潰亂。故聖人者出。必先定一代之所尚。周之世益有周公爲之制禮。而天下遵尚文。後世有賈誼者。說漢文帝亦欲先定制度。而其說不果用。今者天下幸方治安。子孫萬世帝王之計。不可不預定于此。時然萬世帝王之計。常先定所尚。使其子孫可以安坐而守其舊。至於政弊。然後變其小節。而其大體卒不可革易。故享世長遠。而民不苟簡。今也考之于朝野之間。以觀國家之所尚者。而愚猶有感也。何則。天

古文國瑋集

卷之三十七

宋文

卷九

下之勢有強弱。聖人審其勢而應之以權。勢強矣。強其而不已。則折勢弱矣。弱甚而不已。則屈。聖人權之。而使之甚。不至於折與屈者。威與惠也。夫強甚者威竭而不振。弱甚者惠衰而下不以爲德。故處弱者利用威。而處強者利用惠。乘強之威以行惠。則惠尊。乘弱之惠以養威。則威發。而天下震慄。故威與惠者。所以裁節天下強弱之勢也。然而不知強弱之勢者。有殺人之威而下不懼。有生人之惠而下不喜。何者。威竭而惠衰故也。故有天下者。必先審知天下之勢。而後可與言用威惠。不先審知其勢。而徒曰我能用威。我能用惠者。末也。故有強而益之以威。弱而益之以惠。以至於折與屈者。是可悼也。譬之人身。將欲飲藥。餌石以養其生。必先審觀其性之爲陰。其性之爲陽。而投之以藥石。藥石之陽而投之以陰。藥石之陰而投之以陽。故陰不至於涸。而陽不至於亢。苟不能先審觀已之爲陰。與已之爲陽。而以陰攻陰。以陽攻陽。則陰者固死於陰。而陽者固死於陽。不可救也。是以善養身者。先審其陰陽。而善制天下者。先審其強弱。

以爲之謀。昔者周有天下。諸侯大盛。當其盛時。大者已有地五百里。而畿內反不過千里。其勢爲弱。秦有天下。散爲郡縣。聚爲京師。守令無大權柄。伸縮進退。無不在我。其勢爲強。然方其成康在上。諸侯無小大。莫不臣伏。弱之勢未見於外。及其後世失德。而諸侯會奔獸遊。各固其國。以相侵攘。而其上之人。卒不悟區區守姑息之道。而望其能以制服強國。是謂以弱政濟弱勢。故周之天下。卒斃於弱。秦自孝公其勢固已駸駸焉。日趨於強大。及其子孫已并天下。而亦不

古文國華集

卷之三十七

三宋文卷九

悟專任法制。以斬捷平民。是謂以強政濟強勢。故秦之天下。卒斃於強。周拘於惠。而不知權秦勇於威。而不知本二者皆不審天下之勢也。吾宋制治有縣令有郡守。有轉運使。以大系小。絲牽繩聯。總合於上。雖其地在萬里外。方數千里。擁兵百萬。而天子一呼于殿陛間。三尺豎子。馳傳捧詔。召而歸之京師。則解印趨走。惟恐不及。如此之勢。秦之所恃以強之勢也。勢強矣。然天下之病常病於弱。噫。有可強之勢。如秦而反陷於弱者。何也。習於惠而怯於威也。惠太甚而威

不勝也。夫其所以習於惠而惠太甚者。賞數而加於無功也。怯於威而威不勝者。刑弛而兵不振也。由賞與刑與兵之不得其道。是以有弱之實者於外焉。何謂弱之實。曰官吏曠惰。職廢不舉。而敗官之罰不加。嚴也多贖。數赦。不問有罪。而典刑之禁不能行也。冗兵驕狂。負力幸賞。而維持姑息之恩。不敢節也。將帥覆軍。匹馬不返。而敗軍之責不加重也。羌胡強盛。凌壓中國。而邀金繒增幣帛之恥。不爲怒也。若此類者。太弱之實也。久而不治。則又將有大於此。而遂浸微

古文國華集

卷之三十七

三宋文卷九

浸消。釋然而潰。以至於不可救止者。乘之矣。然愚以爲弱在於政。不在於勢。是謂以弱政敗強勢。今夫一與薪之火。衆人之所憚。而不敢犯者也。舉而投之河。則何熱之能爲。是以負強秦之勢。而溺於弱周之弊。而天下不知其強焉者。以此也。雖然。政之弱。非若勢弱之難治也。借如弱周之勢。必變易其諸侯。而後強可能也。天下之諸侯。固未易變易。此又非一日之故也。若夫弱政。則用威而已矣。可以朝改而夕定也。夫齊古之強國也。而威王又齊之賢王也。當其卽位。委

政不治。諸侯爭侵而入。不知其國之爲強國也。一旦發怒。裂萬家。封卽墨太夫。召烹阿大夫。與常譽阿大夫者。而發兵擊趙魏。趙魏盡走。請和而齊國人人震懼。不敢飾非者。彼誠知其政之弱。而能用其威以濟其弱也。況今以天子之尊。藉郡縣之勢。言脫於口。而四方響應。其所以用威之資。固以完具。且有天下者。患不爲焉。有爲而不可者。今誠能一留意於用威。一賞罰一號令。一舉動無不一切出於威嚴。用刑法而不赦有罪。力行果斷而不牽衆人之是非。用不測之

刑。用不測之賞。而使天下之人。視之如風雨雷電。遽然而至。截然而下。不知其所從發。而不可逃避。朝廷如此。然後平民恭務檢慎。而奸民猾吏亦常恐恐然。懼刑法之及其身。而歛其手足。不敢輒犯法。此之謂強政。政強矣。爲之數年。而天下之勢。可以復強。愚故曰。乘弱之惠。以養威。則威發而天下震懼。然則以當今之勢。求所謂萬世爲帝王。而其大體卒不可革易者。其尙威而已矣。或曰。當今之勢。事誠無便於尙威者。然孰知夫萬世之間。其政之不變。而必曰威耶。愚

應之曰。威者君之所恃以爲君也。一日而無威。是無君也。久而政弊。變其小節而參之以惠。使不至若秦之甚可也。舉而棄之非矣。或者又曰。王者任德不任刑。任刑霸者之事。非所宜言。此又非所謂知理者也。夫湯武皆王也。桓文皆霸也。武王乘紂之暴。出民於炮烙斬刑之地。苟又遂多殺人。多刑人。以爲治。則民之心去矣。故其治一出於禮義。彼湯則不然。桀之惡固無以異紂。然其刑不若紂暴之甚也。而天下之民化其風。淫情不事法度。書曰。有衆率怠弗協。而又諸

侯昆吾氏首爲亂。於是誅鋤其強梗。怠情不法之人。以定紛亂。故記曰。商人先罰而後賞。至於桓文之事。則又非皆任刑也。桓公用管仲。管仲之書好言刑。故桓公之治。常任刑。文公長者。其佐狐趙先魏。皆不說以刑法。其治亦未嘗以刑爲本。而號亦爲霸。而謂湯非王。而文非霸也。得乎。故用刑不必霸。而用德不必王。各觀其勢之何所宜用而已。然則今之勢。何爲不可用刑。用刑何爲不曰王道。彼不先審天下之勢。而欲應天下之務難矣。

人主之大權曰威福威先於福有威而後有福也
然有以姑息而傷威有以刻劾而傷威威傷則無
以爲福于天下而人主之勢弱矣故曰周宋用惠
而至于無惠秦人用威而至于無威此又不可不
論也

項籍

蘇洵

吾嘗論項籍有取天下之才而無取天下之慮曹操
有取天下之慮而無取天下之量劉備有取天下之
量而無取天下之才故三人終其身無成焉且夫不
有所棄不可以得天下之勢不有所忍不可以盡天
下之利是故地有所不取城有所不攻勝有所不就
敗有所不避其來不喜其去不怒肆天下之所爲而
徐制其後乃克有濟嗚呼項籍有百戰百勝之才而
死於垓下無惑也吾於其戰鉅鹿也見其慮之不長
古文國璋集卷之三十七 宋文卷九
量之不大未嘗不怪其死於垓下之晚也方籍之渡
河沛公始整兵嚮關籍於此時若急引軍趨秦及其
鋒而用之可以據咸陽制天下不知出此而區區與
秦將爭一旦之命既全鉅鹿而猶徘徊河南新安關
至函谷則沛公入咸陽數月矣夫秦人既已安沛公
而讐籍則其勢不得強而臣故籍雖遷沛公漢中而
卒都彭城使沛公得還定三秦則天下之勢在漢不
在楚楚雖百戰百勝尚何益哉故曰兆垓下之死者
鉅鹿之戰也或曰雖然籍必能入秦乎曰項梁死章

孔明亦不
得不然
無西蜀則
又無所據
矣

邯鄲不足慮故移兵伐趙有輕秦心而良將勁兵
盡於鉅鹿籍誡能以不死之士擊其輕敵寡弱之師
入之易耳且亡秦之守關與沛公之守善否可知也
沛公之攻關與籍之攻善否又可知也以秦之守而
沛公攻入之沛公之守而籍攻入之然則亡秦之守
籍不能入哉或曰秦可入矣如救趙何曰虎方捕鹿
罷據其穴搏其子虎安得不置鹿而返返則碎于羅
網矣軍志所謂攻其必狃也使籍入關王離涉間必
釋趙自救籍據關逆擊其前趙與諸侯救者十餘壁
皆其後覆之必矣是籍一舉解趙之圍而收功於秦
也戰國時魏伐趙齊救之田忌引兵疾走大梁因存
趙而破魏彼求義就知兵殊不遠此也安陽不進而
曰待秦敵吾恐秦未敵而沛公先據關矣籍與義俱
失焉是故古之取天下者常先圖所守諸葛孔明棄
荊州而就西蜀吾知其無能為也且彼未嘗見大險
也彼以為劔門者可以不亡也吾嘗觀蜀之險其守
不可出其出不可繼兢兢而自完猶且不給而何足
以制中原哉若夫秦漢之故都沃土千里洪河大山

古文國華集卷之三十七

宋文卷九

真可以控天下又烏事夫不可以措足如劔門者而
後曰險哉今夫富人必居四通五達之都使其財布
出于天下然後可以收天下之利有小丈夫者得一
金積而藏諸家拒戶而守之嗚呼是求不失也非求
富也大盜至劫而取之又焉知其果不失也
於其得意處看失著出來真識兵家先後之勢

古文國華集卷之三十七

宋文卷九

御將

蘇洵

人君御臣相易而將難。將有二：有賢將有才將。而御才將尤難。御相以禮，御將以術。御賢將之術以信，御才將之術以智。不以禮，不以信，是不為也；不以術，不以智，是不能也。故曰：御將難而御才將尤難。六畜其初皆獸也，彼虎豹能搏能噬，而馬亦能蹄，牛亦能觸。先王知能搏能噬者不可以人力制，故殺之；殺之不能驅之而後已。蹄者可取以羈絆，觸者可拘以楅衡。故先王不忍棄其材而廢天下之用。如曰：是能蹄是

古文國華集卷之三十七

士宋文港九

能觸，當與虎豹并殺而同驅，則是天下無騏驎終無以服乘邪？先王之選才也，自非大奸劇惡如虎豹之不可以變其搏噬者，未嘗不欲制之以術，而全其才以適于用。況為將者又不可責以廉隅細謹，顧其才何如耳。漢之衛霍趙充國，唐之李靖李勣，賢將也。漢之韓信黥布彭越，唐之薛萬徹侯君集，盛彥師才將也。賢將既不多有，得才者而任之可也。苟又曰：是難御，則是不肖者而後可也。結以重恩，示以赤心，美田宅，豐飲饌，歌童舞女，以極其口腹耳目之欲，而折之

又曰華宋

古文國華集卷之三十七

主宋文港九

以威。此先王之所以御才將者也。近之論者或曰：將之所以畢志竭力，犯霜露，蹈白刃而不辭者，異賞耳。為國家者不如勿先賞，以邀其成功，或曰：賞所以使人，不先賞，人不為我用，是皆一隅之說，非通論也。將之才固有大小，傑然於庸將之中者，才小者也；傑然於才將之中者，才大者也。才小志亦小，才大志亦大。人君當觀其才之大小，而為制御之術，以稱其志。一隅之說不可用也。夫養騏驎者，豐其芻秣，潔其羈絡，居之新閒浴之清泉，而後責之千里，彼騏驎者其志常在千里也。夫豈以一飽而廢其志哉？至於養鷹，則不然，獲一雉，飼以一雀，獲一兔，飼以一鼠，彼知不盡力於擊搏，則其勢無所得食，故然後為我用。才大者，騏驎也，不先賞之，是養騏驎者飢之而責其千里，不可得也；才小者，鷹也，先賞之，是養鷹者飽之而求其擊搏，亦不可得也。是故先賞之說，可施之才大者，不先賞之說，可施之才小者，兼而用之可也。昔者漢高帝一見韓信，而授以上將解衣衣之，推食哺之，一見黥布，而以為淮南王，供具飲食如王者，一見彭越而

以爲相國。當是時。三人者。未。有。功。于。漢。也。厥。後。追。項。籍。拔。下。與。信。越。期。而。不。至。捐。數。千。里。之。地。以。昇。之。如。棄。弊。屣。項。氏。未。滅。天。下。未。定。而。三。人。者。已。極。富。貴。矣。何。則。高。帝。知。三。人。者。之。志。大。不。極。於。富。貴。則。不。爲。我。用。雖。極。於。富。貴。而。不。滅。項。氏。不。定。天。下。則。其。志。不。已。也。至。於。樊。噲。滕。公。灌。嬰。之。徒。則。不。然。拔。一。城。陷。一。陣。而。後。增。數。級。之。爵。否。則。終。歲。不。遷。也。項。氏。已。滅。天。下。已。定。樊。噲。滕。公。灌。嬰。之。徒。計。百。戰。之。功。而。後。爵。之。通。侯。大。豈。高。帝。至。此。而。畜。哉。知。其。才。小。而。志。小。雖。不。先。

古文國粹集

卷之三十七

宋文卷九

賞。不。怨。而。先。賞。之。則。彼。將。泰。然。自。滿。而。不。復。以。立。功。爲。事。故。也。噫。方。韓。信。之。立。於。齊。蒯。通。武。涉。之。說。未。去。也。當。是。之。時。而。奪。之。王。漢。其。殆。哉。夫。人。豈。不。欲。三。分。天。下。而。自。立。者。而。彼。則。曰。漢。王。不。奪。我。齊。也。故。齊。不。捐。則。韓。信。不。懷。韓。信。不。懷。則。天。下。非。漢。之。有。嗚。呼。高。帝。可。謂。知。大。計。矣。

宋之藝祖可謂能御將者矣然其於李漢趙姚內

貲諸人則卑其爵豐其賞以責其吠狗之用而曹

彬下江南則斬一使相而不與是知用小才而不

知用大才者也向使彬如韓軫者豈肯爲之用乎

古文國粹集

卷之三十七

宋文卷九

兵制

蘇洵

三代之時舉天下之民皆兵也。兵民之分自秦漢始。三代之時聞有諸侯抗天子之命矣。未聞有卒伍叫呼衡行者也。秦漢以來諸侯之患不滅於三代而御卒伍者乃如畜虎豹。圜檻一缺。咆哮四出。其故何也。三代之兵耕而食。蚕而衣。故勞勞則善。心生秦漢以來所謂兵者皆坐而衣食於縣官。故驕驕則無所不爲。三代之兵皆齊民。老幼相養。疾病相救。出相禮讓。入相慈孝。有愛相弔。有喜相慶。其風俗優柔而和易。故其兵畏法而自重。秦漢以來號齊民者比之曰代。則既已薄矣。況其所謂兵者乃其齊民之中尤爲悍桀黠者也。故常慢法而自棄。夫民耕而食。蠶而衣。雖不幸而不給。猶不我怨也。今謂之曰爾無耕爾無蠶。爲我兵。吾衣食爾。他日一不充其欲。彼將曰。爾謂我游耕母蠶。余而不我給也。然則怨從是起矣。夫以有善心之民。畏法是重而不我怨。欲其爲亂不可得也。既驕矣。又慢法而自棄。以怨於上。欲其不爲亂亦不可得也。且夫天下之地不加于三代。天下之民不

古文圖彙集卷之三十七

宋文卷九

食乎其中者。又不減於三代。平居無事。屯軍積穀。妻子而餽給於斯。民者則得天下不知其數。奈何民之不日剝月割。以至於流亡而無告也。其患始於縣井田。開阡陌一壞。而不可復收。故雖有明君賢臣。焦思極慮。而求以救其弊。卒不過開屯田。置府兵。使之無事。則耕而食耳。嗚呼。屯田府兵其利既不足以及天下。而後世之君又不能循而守之。以至於廢。廢及於五代。燕師劉守光又從而爲之。黥面渾手之制。天下遂以爲常法。使之判然不得與齊民齒。故其入益復自棄。視齊民如越人。秦太祖既受命。懲唐季五代之亂。聚衆兵京師。而邊境亦不曰無備。損節度之權。而藩鎮亦不曰無威。周與漢唐邦鎮之兵彊。秦之郡縣之兵弱。兵彊故末大不掉。兵弱故天子孤睽。周與漢唐則過而秦則不及。得其中者惟吾宋也。雖然。置帥之方。則遠過於前代。而制兵之術。吾猶有疑焉。何者。自漢及唐。或開屯田。或置府兵。使之無事。則耕而食。而民猶且不勝其弊。今屯田益無幾。而府兵亦已廢。欲民之豐阜。勢不可也。國家治平日久。民之趨於

古文圖彙集卷之三十七

宋文卷九

農者日益衆。而天下無萊田矣。以此觀之。謂斯民如生三代之盛時。而乃戚戚嗟嗟。無終歲之蓄者。食奪之也。三代井田。雖三尺童子。知其不可復。雖依倣古制。漸而圖之。則亦庶乎其可也。方今天下之田在官者。惟二職分也。籍沒也。職分之田。募民耕之。歛其租之半而歸之吏。籍沒則鬻之。否則募民耕之。歛其租之半而歸諸公。職分之田。徧於天下。自四京以降。至於大藩鎮。多至四十頃。下及一縣。亦能千畝。籍沒之田。不知其數。今可勿復鬻。然後量給其所募之民。家三百畝。以爲率。前之歛其半者。今可取之三分而取一。以歸諸吏。與公使之家。出一夫爲兵。其不欲者。聽其歸田。而他募。謂之新軍。毋黥其面。毋涅其手。毋拘之營。三時縱之。一時集之。授之器械。教之戰法。而擇其技之精者。以爲長。在野督其耕。在陣督其戰。則其人皆良農也。皆精兵也。夫籍沒之田。旣不復鬻。則歲益多。田益多。則新軍益衆。而嚮所謂仰給於斯民者。雖有廢疾死。可勿復補。如此數十年。則天下之兵。新軍居十九。而皆力田不事他業。則其人必

純固朴厚。無叫呼衡行之憂。而斯民不復如有何。供億之勞矣。或曰。昔者歛其半。今三分而取一。其無乃薄於吏與公乎。曰。古者公卿大夫之有田也。以爲祿。而其取之亦不過十一。今吏旣祿矣。給之田則已甚矣。况三分而取一。則不旣優矣乎。民之田不幸而籍沒。非官之所待以爲富也。三分而取一。不猶愈於無乎。且不如是。則彼不勝爲兵故也。或曰。古者十一而稅。取之薄。故民勝爲兵。今三分而取一。可乎。曰。古者一家之中。一人爲正卒。其餘爲羨卒。田與追胥竭

張益州畫像記

蘇洵

至和元年秋。蜀人傳言有寇至。邊軍夜呼。野無居人。妖言流聞。京師震驚。方命釋帥。天子曰。毋養亂。毋助變。衆言朋興。朕志自定。外亂不作。變且中起。不可以文令。又不可以武競。惟朕一二大吏。孰能爲處之。文武之間。其命往撫朕師。乃惟曰。張公方平其人。天子曰。然。公以親辭。不可遂行。冬十一月至蜀。至之日。歸屯軍。撤守備。使謂郡縣寇來在吾。無爾勞苦。明年正月朔旦。蜀人相慶如他日。遂以無事。又明年正月相告。畱公像於淨衆寺。公不能禁。嘗陽蘇洵言於衆曰。未亂易治也。既亂易治也。有亂之萌。無亂之形。是謂將亂。將亂難治。不可以有亂急。亦不可以無亂弛。是惟元年之秋。如器之欹。未墜於地。惟爾張公安坐於其旁。顏色不變。徐起而正之。既正。油然而退。無矜容。爲天子牧小民不倦。惟爾張公。爾繫以生。惟爾父母且公。嘗爲我言。民無常性。惟上所待。人皆曰。蜀人變。於是待之以待盜賊之意。而繩之以繩盜賊之法。重足屏息之民。而以礎斧令。於是民始恐以其父母

妻子之所仰賴之身。而棄之於盜賊。故每每大亂。夫

約之以禮。驅之以法。惟蜀人爲易。至於急之而生變。

雖齊魯亦然。吾以齊魯待蜀人。而蜀人亦自以齊魯

之人待其身。若夫肆意於法律之外。以威劫齊民。吾

不忍爲也。嗚呼。愛蜀人之深。待蜀人之厚。自公而前

吾未始見也。皆再拜稽首曰。然。蘇洵又曰。公之恩在

爾心。爾死在爾子孫。其功業在史官。無以像爲也。且

公意不欲如何。皆曰。公則何事於斯。雖然。於我心有

不釋焉。今夫平居聞一善。必問其人之姓名。與其爵

古文圖瑋集卷之三十七 千宋文卷九

里之所在。以至於其長短大小美惡之狀。甚者或詰

其平生所嗜好。以想見其爲人。而史官亦書之於其

傳。意使天下之人思之於心。則存之於目。存之於目

故其思之於心也固。由此觀之。像亦不爲無助。蘇洵

無以詰。遂爲之記。公南京人。爲人慷慨有大節。以度

量雄天下。天下有大事。公可屬。系之以詩曰。

詩亦述公不以事人之作

天子在祿歲在甲午。西人傳言有寇乘垣。庭有武臣

謀夫如雲。天子曰。喜。命我張公。公來自東。旗纛舒舒。

西人聚觀於巷。於塗。謂公暨暨。公來于王。公謂西人

安爾室家。無敢或訛。訛言不祥。往卽爾常春爾條桑。
秋爾滌場。西人稽首。公我父兄。公在西園。草木駢號。
公宴其僚。伐鼓淵淵。西人來觀。祝公萬年。有女娟娟。
閨閣閑閑。有童哇哇。亦既能言。昔公未來。期汝棄捐。
永麻芄芄。倉庾崇崇。嗟我婦子。樂此歲豐。公在朝廷。
天子股肱。天子曰歸。公敢不承。作堂嚴嚴。有廡有庭。
公像在中。朝服冠纓。西人相告。無敢逸荒。公歸京師。
公像在堂。

序事動直不別起議論是記之最佳者

古文園壘集

卷之三十七

主宋文卷九

送石昌言爲北使引

蘇洵

昌言舉進士時。吾始數歲。未學也。憶與群兒戲先府
君側。昌言從旁取棗栗啖我。家居相近。又以親戚故。
甚狎。昌言舉進士日有名。吾後漸長。亦稍知讀書。學
句讀屬對聲律。未成而廢。昌言聞吾廢學。雖不言。察
其意甚恨。後十餘年。昌言及第。第四人。守官四方。不
相聞。吾日以壯大。乃能感悟。摧折復學。又數年。遊京
師。見昌言長安。相與勞問。如平生歡。出文十數首。昌
言甚喜。稱善。吾晚學無師。雖日爲文。中心自慚。又聞
昌言說。乃頗自喜。今十餘年。又來京師。而昌言官兩
制。乃爲天子出使萬里之外。疆悍不屈之虜庭。建大
旆。從騎數百。送車千乘。出都門。意氣慨然。自思爲兒
時。見昌言先府君旁。安知其至此。富貴不足怪。吾於
昌言獨自有感也。大丈夫生不爲將。得爲使。折衝但
吾之間足矣。往年彭任從富公使還。爲我言曰。旣出
境。宿驛亭。聞介馬數萬。騎馳過。劍槊相摩。終夜有聲。
從者怛然失色。及明。視道上馬跡。尚心掉不自禁。凡
虜所以誇耀中國者。多此類也。中國之人不測也。故

文甚老

或至於震懼而失辭以爲夷狄笑嗚呼何其不思之甚也昔者奉春君使冒頓壯士健馬皆匿不見是以有平城之役今之匈奴吾知其無能爲也孟子曰說大人則藐之況於夷狄請以爲則序情而慷慨振厲使人奮袂而起又語不流宕氣不平衍宋文如此者絕不多見

族譜引

蘇洵

蘇氏族譜譜蘇氏之族也蘇氏出於高陽而蔓延於天下唐神堯初長史味道刺眉州卒於官一子鬻於眉眉之有蘇氏自此始而譜不及者親盡也親盡則曷爲不及譜爲親作也凡子得書而孫不得書者何也以著代也自吾之父以至吾之高祖仕不仕娶某氏享年幾某日卒皆書而他書者何也詳吾之所自出也自吾之父以至吾之高祖皆曰諱某而他則遂名之何也尊吾之所自出也譜爲蘇氏作而獨吾之所自出得詳與尊何也譜吾作也嗚呼觀吾之譜者孝悌之心可以油然而生矣情見於親親見於服服始於衰而至於緦麻而至於無服無服則親盡親盡則情盡情盡則喜不慶憂不弔喜不慶憂不弔則塗人也吾所與相視如塗人者其初兄弟也兄弟其初一人之身也悲夫一人之身分而至於塗人吾譜之所以作也其意曰分至於塗人者勢也勢吾無如之何也幸其未至於塗人也使其無至於忽忘焉可也嗚呼觀吾之譜者孝悌之心可以油然而生矣

之以詩曰吾父之子今爲兄吾疾在身兄呻不舉歎世之後不知何人彼死而生不爲戚欣兄弟之情如足於手其能幾何彼不相能彼獨何心

一意層折如懸波激湍迴湫有勢公家二子不得
不以此事讓乃翁矣

歷代古文國瑋集卷之

古文國瑋集卷之三十七

宋文卷九

歷代古文國瑋集卷之三十八

襄西方岳貢禹脩評選

宋文

論錢穀宜歸一

呂誨

臣竊以洪範八政食貨爲先故古者國用必使冢宰制之祖宗之制天下錢穀自非常平倉隸司農寺外其餘皆總於三司一文一勾以上悉申帳籍非條例有定數者不敢擅支故能知其大數量入爲出詳度利害變通法度分畫移用取彼有餘濟彼不足指揮有司轉運使諸州如臂使指朝廷常選健吏精於理財者爲三司官如陳恕林特李參之類皆稱職有名者也其餘非通曉錢穀者亦罕得叨居其任理資序受厚俸而已故能倉庫充溢用度有餘民不匱乏邦家乂安自改官制以來備置尚書省六曹二十四司及九寺三監各令有職事將舊日三司所掌事務散在六曹及諸寺監戶部不得總天下財賦既不相統攝帳籍不盡申戶部不能盡知天下錢穀之數五曹各得支用錢物有司得符不敢不應副戶部不能制

古文國瑋集卷之三十八

宋文卷十

戶部既不能知天下錢穀由納見在之數。無形量入。爲出。五曹及內百司。各自定自理財之法。申奏施行。戶部不得一一關預。無繇盡公共利害。今之戶部尚書。舊三司使之任也。左曹隸尚書。右曹不隸尚書。天下之財。分而爲二。視彼有餘。視此不足。不得移用。天下皆國家之財。而分張如此。無專主之者。誰爲國家公共愛惜。通融措置者乎。譬人家有財。必使一人專主管支用。使數人主之。各務已分。所有多互相侵奪。又人人得取用之。財有增益者乎。故利權不一。雖使天下財如江海。亦有時而竭。況民力及山澤所出。有限劑乎。此臣所以日夜爲國家深憂者也。今縱未能大有更張。欲乞且令尚書兼領左右曹。侍郎則分職而治。其右曹所掌錢物。尚書非奏請得旨。不得擅支。諸州錢穀金帛。隸使提舉常平倉司者。每月亦須具文帳申戶部。六曹及寺監欲支用錢物。皆須先關戶部符下支撥。不得一面奏乞直支。應掌錢物諸司。不見戶部符。不得應副。其舊日三司所管錢穀財用事。有散在五曹及諸寺監者。並乞收歸戶部。若以如此。

戶部事多官少。難以辦集。即乞減戶部冗末事務。付開曹比司兼領。而通隸戶部。如此則利權歸一。若更選用得人。則天下之財。庶幾可理矣。宋制兵權掌于樞密而不隸兵部。財用主于三司而不隸戶部。經制之始。厥有深意。其後元豐改官制。而三司不得其職矣。

諭新法進派民圖

鄭俠

依彭亨新政不便王安石不用使使監安上
門使因歲旱乃悉給派民為圖奏之不納使
假稱密奏發馬進上之神宗
親圖為之罷新政十有八事

臣伏觀去年大蝗秋冬亢旱以至于今經春不雨麥
苗焦枯黍粟麻荳粒不及種旬日來街市米價暴貴
羣情憂惶十九懼死方春斬伐竭澤而漁大營官錢
小求升米艸木魚鱉亦莫生遂結吏輕肆敢侮中國
皆歸中外之臣輔相陛下不以道以至于此臣切惟
災患有可召之道無可試之形其致之有漸而來如

古文國瑋集卷之三十八

四宋文卷十

疾風暴雨不可復禦流血籍尸方知喪敗此愚夫庸
人之見而古今比比有之所貴于聖神者為其能圖
患未然而轉禍為福者也方今之執猶有可救臣願
陛下開倉廩賑貧乏諸有司欽仰不道之政一切罷
去庶幾早召和氣上應天心調陰陽降雨露以延天
下萬姓垂死之命而固宗社萬萬年無疆之社君臣
際遇貴乎知心以臣之愚深知陛下養愛黎庶甚于
赤子故自即位以來一有利民便物之政靡不毅然
主張而行陛下之心亦欲其人人壽富而躋之堯舜

三代之盛耳夫豈區區充滿府庫盈溢倉廩終以富

衍強大勝天下哉而中外之臣略不推明陛下此心
而乃肆其叨憤剝削生民侵肌及骨使之困苦而不
聊生坐視夫民之歟而不恤夫陛下所存如彼羣臣
所為如此不知君臣際遇欲作何事徒只日超百資
意指氣使而已乎臣又惟何世而無忠義何代而無
賢德亦在乎人君駕御之如何耳古之人在山林賦
畝不忘其君其芻蕘負販匹夫匹婦咸欲自盡以贊
其上陛下之朝臺諫默然具位而不敢言事至有規

古文國瑋集卷之三十八

五宋文卷十

避百為不敢居是職者而左右輔弼之臣又皆貪
近利使夫抱道懷識之士皆不欲與之言不知朕
耶陛下使之然耶以為時然則堯舜在位便有變
湯文在上便有伊呂以至漢唐之明君我祖宗之聖
朝皆有大忠義大賢德之臣而在中外君臣之際共
腹心手足然君唱于上臣和于下主發于內臣應于
外而休嘉之德下浸于昆蟲艸木千百世之下莫不
欣慕而傲則之獨陛下以仁聖當御撫養為心而羣
臣所以應和之者如此夫非時然抑陛下所以駕

之道未審耳。陛下以爵祿駕馭天下忠賢。而使之如此。甚非宗廟社稷之福也。夫得一飯于道傍。則遑遑圖報。而終身饜飽于其父。則不知德。此庸人之常情也。今之食祿。往往如此。若臣所聞則不然。君臣之義。父子之道也。故食其祿。則憂其事。凡以移事父之孝。而從事于此也。若乃思慮不出其位。尸祝不越樽俎。治庖人之事。牛羊茁壯會計當。各以其職而不相侵也。至于邦國若否。知無不言。豈有君憂國危。羣臣乃飽食饜觀。若視路人之事而不救。曰吾各有守。天下之事。非我憂哉。故知朝廷設官。位有高下。臣子事上忠無兩心。與其得罪于有司。孰與不忠于君父。與其苟容于當世。孰與得罪于皇天。臣所不避萬死。冒千萬重之天闕。以告訴于陛下者。凡以上畏天命。中憂君國。而下憂生民耳。若臣之身。使其粉碎如一螻蟻。無足顧愛。臣切聞南征西伐者。皆以其勝捷之勢。山川之形。爲圖而來獻。料無一人以天下之民。質妻賣兒。沉離逃散。斬桑伐棗。拆壞廬舍。而賣于城市。輸官輸粟。遑遑不給之狀。爲圖而獻前者。臣不敢以所聞。

謹以安上門逐日所見。續成一圖。百不及一。但經聖朝眼目。已可嗟容涕泣。而況數千里之外。有甚于此者哉。其圖謹附狀投進。如陛下觀圖。行臣之責。十日不雨。卽乞斬臣宣德門外。以正欺君慢天之罪。如稍有所濟。亦乞正臣越分言事之刑。甘俟誅戮。朴直憤結之言。閱之者不自知其流涕也。

上皇帝書

宇文之邵

陛下初卽大位。念萬世無疆之業。詔求闕失。開開言路。可謂誦上矣。家人之初九曰。閑有家。悔亡。九處家人之初。當端其本。以保終吉。民之所以望而則效者。常在於人君繼統之始。此安危之機。不可不慎也。昔成湯既沒。伊尹奉太甲。以見厥祖。戒之曰。今王嗣厥德。罔不在初。陛下新服厥命。惟以祖宗爲念。以天人爲畏。則小大之事。不懈矣。宋之有宋。百有餘年。陛下。一日南面而享之。固宜跡其所傳之艱難。夙夜栗栗。以求負荷。承恩太祖之武。太宗之文。真宗之畏天。克己。仁宗之寬大慈仁。英宗之厲精庶政。立則見五聖于前。行則見於側。坐則見於堂。食則見于杯棬之間。詩曰。天難惓斯言。天不可不畏也。書曰。民可近。不可下。言民不可不畏也。去歲以來。千里不雨。近者畿甸。遠者河北。京東蝗蝻蔽野。穀價踴貴。重以山陵之役。京西民力。尤爲彫敝。臣竊恐葦蒲之盜。或貽宵旰之憂。爲今之計。不過多鬻爵以濁入仕之流。廣度僧以奪可耕之民。終非計也。願今被災之郡。許富者舉

古文國璋集

卷之三十八

宋文卷十

息于下。凡官給以質驗。待豐歲償其所貸。通者官爲治之。其息不過一倍。此有餘資者。樂爲而濟。災之衆。可救溝壑之命。陛下又責躬引咎。寬獄訟。出宮女。斥哀歛之吏。蠲苛虐之政。罷無名之費。省勦民之役。凡所以蠹政而召乖怨之氣者。舉更革之。如此則大異可塞。王化可興也。京師者諸夏之本也。今薦紳之士。不勵名節。而以勢利離合。器血衣服。窮于侈麗。車馬宮室。過于軌制。姦聲亂色。盈于耳目。衢巷之中。父子兄弟。不敢肩隨。孰謂王者之都。而風俗一至於此哉。願陛下思所以澄源之法。以禮節廉恥磨切臣下。崇獎敦厚。而都下亦少爲之厲禁。滌去佻薄之弊。淫瀆敗教之具。一加遏絕。凡侍從輔弼。宜慎簡脩。潔方嚴之臣。俾宅其任。以允清議。古之求賢者。數路以取之。寵以好爵。厚其禮命。惟恐其去也。而猶有三聘而不顧者。有閉門而不納者。有踰垣而避之者。臣諫於其君。而三不聽。則去之。其至于郊也。君必使人要之。年七十而致其事。君不聽。則必以几杖錫之。猶有不稅冕而行者。有辭三公而爲人灌園者。今日仕進之門。

古文國璋集

卷之三十八

宋文卷十

國家直患不能塞之爾。科防口增。格今日繁。來者甚拒之日峻。猶有假名氏以竊官號。匿苦塊之家。以干寵祿。少者增齒以希番仕。老者匿年以幸晚祿。譬之隄防之壞。塞其一穴。一穴又決。蕩然莫之能止也。今限年致仕。著於令矣。又患其去之不速。令於門闕以示百僚。而猶不知止者。其可痛也。陛下盍稍補其弊。隆於待士之意。示之以至庶之實。使求冠者人人自重。庶幾風教之美。少近于古。去歲諒祚猖獗。七八萬衆。突至大順。廟堂無奇算。守邊無良將。臣竊爲朝廷憂之。慶曆間。緣邊之民不解帶者七年。國用大窘。三將淪沒。而功不成者。陛下知其然乎。其患在于虜兵常合而我兵常分也。六路兵亡慮二十萬。而二十三州二百餘寨。分屯保戍。則是我兵雖多。而散在處處也。賊之來也。大則六監軍銜頭一時俱發。小則隨處寇掠。邊城一面受敵。則所與角戰者無幾。而城寨之兵。又各有所守。不可會集。衆寡不敵。則乞師告急。救兵譏至。賊又已去。今賊常以合兵擊我散兵。而我常以不敵之衆當其鋒。此慶曆之失也。今不改前轍。

分兵之論
丁瞻詳言

則後車又將覆也。觀今之勢。其能深入賀蘭收復十州以爲我有也乎。臣知其不能也。其能如先朝之舉五路進軍。直擣其巢穴乎。臣又知其不能也。計今之利。莫若詔諸道分勒所部。將伍符尺籍。而規畫之。若干以爲守。若干以爲戰。若干以爲救。兵救兵必使與戰。兵相近而駐於喉亢之地。則可以應猝而不失機會也。明氏嘗爲元昊所殘。南徙歷精。亦宜厚其種族。共爲聲援。以蠻夷攻蠻夷。計之上也。吐谷渾者。今之文扶羗是也。其俗隨水州遷徙。食肉衣皮毛。無堅甲利刃。臨陣擊刺之技。不及於他夷。仰給我之泉若繒帛。我與之通者。亦恃以其馬也。今陰平之民。歲苦重役者。勾馬戶也。凡羗馬之來。則使之資給。費公私之財甚多。而所入之馬。不足以備國乘。不足以職也。遼吏養羗。非不厚也。而去歲反。有安昌之變。塞上之民切齒。且安昌之羗。與南路磨達羅多留。悉林諸寨之羗一也。今閉安昌之路。禁其出入。而諸寨之馬。貿易如故。是何異一室而多門者。杜其前而闢其後乎。臣之縣所管萬戶。而居民蕭然者。其弊實在於羗也。

至和講解之後。約不敢犯邊而去歲大我三寨驅殺士卒。國家以奉西北虜者。勢不得已也。今又驕寵小寇。而足其無厭之求乎。臣愚以爲不若杜塞衆路。使不得入。而絕市無用之馬。益以一旅之兵。列置諸堡。則邊民小安矣。爲政所重。莫急於農。且耕則得食。不耕則不得食。繫其身之損益也。長民者何與焉。夫各治其田。以厚其生者。百姓之私節授民事。往而立官以勸課之者。人君之公也。詩曰。曾孫來止。以其婦子。饁彼南畝。田畯至喜。此天子之勸農也。又曰。嗟嗟保介。維莫之春。亦又何求。如何新畲。此諸侯之勸農也。今監司郡守。皆以勸農爲自然。而未嘗省民。臣願立考課之法。以農政爲殿最。言之似迂。而富國之良術也。郡縣之政。類多因循。而不甚治者。臣知其繇也。上牽制不得盡其才故也。千里之郡。不能興利除害。受制於漕帥也。百里之邑。不能興利除害。受制於郡守也。郡縣之吏。寧違天子之詔條。而不敢違按察之命。蓋違天子之詔條。未必獲咎。而違按察之命。其禍可立而待也。今一伍之長。一平之正。以法治其所部。

古文國粹集

卷之三十八

主宋文卷十

上不問其所爲也。今爲民守令。而其勢顧不若卒伍之長。郡縣之民。習知其執之弱。而不畏服其教令。此獄訟所以益多也。臣願精選監司。必以清望。假守令之權。責其實效。庶循良之吏有聞焉。凡臣之所陳。明詔之所求也。然臣尚有至忠。不敢嘿嘿。又爲陛下極言之。臣聞疾未兆。而先治者。善醫也。夫居憂而約。居樂而泰。人情之常也。今陛下處則諒闇。服則端裏。行則直杖。無紛華之事。交戟于前。誠能以此時遠念將來之失。慎微杜漸。克已復禮。使其志一定。則他日雖有可欲之物。亦無以勝其習成之性也。伯益之戒舜曰。罔遊于逸。罔淫于樂。傳說之戒高宗曰。無以逸豫。惟以治民。夫舜起於耕稼陶漁。高宗遯于荒野。極知小人之勞。而子臣猶或以此戒之。况陛下生長富貴。臨御方始。則安可不豫爲之防哉。願陛下聽政之間。則命通經之士。講明古訓。究觀敗亡之主。以自創艾。盡孝兩官。查謀故老。則恐慰脩省。習而成性矣。臣誠私憂過計。三載變除之後。永厚陵土漸乾。而陛下憂悼之心。又已素殺。龍衣冕。憑玉几。目有靡曼之色。耳

古文國粹集

卷之三十八

主宋文卷十

有要妙之聲，凡所以娛意者，畢奏于前，自非信道之深，孰得而禦哉？老子曰：塞其兌，閉其門，終身不勤，正在於今日也。

世中邊郡議

呂大鈞

中國之大戒，無急于邊防。自秦漢以來，禦戎之策，是非未能相遠。竊嘗求三代之法，宜于今日而推行之，乃知聖人封建之深意，不獨尚德，專治吾民而已。其禦邊之要，微妙深達，固在術內，迨非衆人之智所可及已。蓋天下之執，不得不一，亦不得不分。分而不一，則上無以制命而爲下者肆，一而不分，則下無以陳久而爲上者勞。故古者分天下爲列國，統萬國于一王，使禮樂征伐，一出于天子，教治禁令，一委之諸侯。則是天子持威福之柄，優游于內，以專察國君之善惡。諸侯任過功之責，勤勞于外，以同體王室之休戚。如是則四方之警急，何以惡天子之視聽哉？彼不任吾患者，吾得執而戮之，孰敢矣？吾所以待夷狄者，特招携以禮，懷遠以德而已。在商之時，古公以皮幣犬馬珠玉事獯鬻，而商王不知在周之時，晉國拜戎不暇，而周室不與然。則三代禦邊之略，蓋可知已。臣竊謂分剖天下以爲列國，則未敢輕議。如使邊郡略法古意，慎選仁勇之士，使得世守郡事，兵民措置，悉以

委之。征調出入。一切不問。惟財用不足者。附以次邊。支郡以供其乏。其治以安靜不擾。敵人感服者爲上。富強自守。彼不能犯者次之。戰勝攻取。無所退伯者。又次之。賞罰者增損其名位而已。甚者則升黜之。不使輕去其郡。若此。則安危利害。不離其身。勢不得不盡其力。以從事。盡心以防患。所謂世守者。亦不得純如周制。父子相繼。必使選賢以自代。毋問親疎。天子加察焉。然後可之。遂使承其郡事。以終舉者之身。然後命之。沒則祿其子孫。以祀之。若有功德。則郡人世。古文國璋集卷之三十八 宋文卷十

世祀之。仍爵其子孫。庶幾亦可以爲備邊之一術也。唐時河北之將。自守而夷患鮮少。若捐邊郡以與能者。可以省繇戍數陪。

吳起論

張來

吾讀吳起傳。觀與田文論功。發三問。文不得一。然則起之才。豈淺淺者耶。及田文爲之言。主少國疑。大臣未附。百姓不信。當是時。屬之子乎。屬之我乎。起曰。屬之子矣。吾嘗疑起才何獨短於此。而不敢與文較。及觀起之相楚。方悼王之死。未幾而楚之宗室大臣起而殺吳起。方是時。悼王死。起相新君。可謂主少國疑矣。起也。于是乎不免。然則起之才是。詎短乎。此則其始無以抗田文之言。蓋無足怪。而田文之於知人也。亦明矣。然則田文之知起之不足。以處此者。何說也。蓋起之爲人也。明厲而不達。於變從事於法。而不知權是二者。蓋相疑國輔少主。親未附而安不信者之所深忌也。昔者鄭國有難。而子孔當國。乃爲載書。以序位聽政。辟而子產請焚之。夫子孔之爲載書。叙羣臣而使之聽政。豈有所不可哉。而子產請焚而鄭國果定。何也。蓋誠未加於物。則吾之所爲。衆之所疑。故忌之。則亂。繩之。則怨。方是時。法有所不行。是非有所不較。徒知吾法之不欺。而不顧物之情。此取禍之道。

古文國璋集卷之三十八

宋文卷十

也。故曰衆怒難犯。專欲難成。蓋當新造之國。與夫舉情反側之際者。不可以求定乎法。而取必於理之是非。而其權乃在夫人情可否之際。此子產所以焚之而國定也。史稱吳起治楚。明法審令。捐不急之官。廢公族疎遠者。夫起當新難之國。輔未壯之主。而馭不附之人。臣與不信之百姓。而其所行苟若是而不知變。是其死也。不亦宜乎。嗚呼。智士因變。聖人乘時。一龍一蛇。與化推移。庸得而制之哉。吾悲吳起之志。故論其說云。

文替論多取法蘇氏此篇直起不用迂叙另一格也

擇將篇上

張耒

將主於智而勇爲下。智之必有勇。勇之不必智。智能使勇。勇者不能使智。立軍於此。則智者上而勇者下。蓋將軍拱手而不能射。末害也。戰士之箭不穿札。則斥之矣。用衆于此。則智者謀而勇者行。譬之人身。手足之爲力者。搏擊於前。耳目之爲聽者。夫何事於動作也。故曰。將主於智而勇爲下。今天下之將。其智足以觀成敗。審彼我。足以役百萬人之衆。而無疑於胸中。則其遇敵之際。有不能襲而見我之利。有不能動者耶。夫疑畏不勇。見害而不能避。見利而不能赴者。必於利害不明故也。使其視利害如平日之自黑則變。至於前。有不能爲之應者乎。天下固有氣凌三軍。而不足以治一邑。勇陷萬夫。而術不足以守一壘。故曰。智者必有勇。勇者不必有智。童子出令而不失。則豪奴悍僕趨於堂下。鵬鷃之力。未必不能制人也。然人寔用之。未聞鵬鷃之能制人也。故曰。智者能使勇。勇者不能使智。所謂擇將者。非擇勇也。將以擇智也。一鄉之人。銖銖而程其力。則必得一人焉。

力足以雄一鄉。夫力足以雄一鄉。則一鄉之勇人也。是故天下不患乎無勇。夫至於一鄉之中。求一人焉。智足以師一鄉。使之順令從教。畏而不敢議。則百鄉之中。未有一人。蓋千室之邑。必有令。萬室之郡。必有守。天下固郡邑十數。而無一賢守令者矣。而況乎付以百萬之衆。而聽仇怨之敵。決成敗可否於俄頃之間。能否者。何帝求之百鄉之中。而未有一人。雖半天下未必有也。故智者常難得。如是則勇者有所不必擇。而智者不可一日而不求。雖然。天下之智將非徒如

古文國瑋集

卷之三十八

手宋文十卷

是也。蓋知之至難。用之爲尤難。何者。萬人之衆至多也。欲程其勇乎。合圍而攻。虎豹與乎前。熊羆勃乎左。袒袖徒搏。大呼直前而不畏者。必勇於黨者也。畏縮而不敢先。與夫隨衆而進退者。其常材也。夫終日而攻。則萬夫勇性。吾能數之矣。故勇者易知。夫般倮之巧於剗室也。非巧於斧斤也。百匠斲木而成屋。般倮傍睨而杜口。則誰知般倮之智過於百匠哉。使般倮雖爲之言。然授之斧斤而不能運。遺之斲削而不能工。則信般倮之爲巧者。蓋百人未有一人也。故智者

六子取此

常難知。昔辛武賢爲漢宣帝畫伐先零之策。宣帝不終朝而從之。趙充國智將也。爲之陳屯田之計。謀已審矣。宣帝反復詰難。督使進取。非充國之堅守不顧。則其說幾不行。其後充國之計已殺。而武賢之計與充國之策。終兩用之。夫何其勁勁不忍棄於進取之武賢。而阻勉不獲已於持重之充國也。蓋人君樂用勇將。而不快於用智將。非獨人君於將爲然也。凡人之情皆然。一家而有二子焉。一力農。一爲商。爲商者。冒山險。涉江湖。征利而不顧其身。不終年而獲千金。

古文國瑋集

卷之三十八

手宋文十卷

力農者。終歲勤力。安居不出。非大豐多收。則終歲之入。不足以爲喜。故人之父母。未有不快爲商之千金。而以終歲常安之入。爲庸庸也。冒險而商者。勇將也。勤力務農者。智將也。故勇將常以樂用而不遺。智將常以不快而遭廢。雖然。一日覆舟敗車。而不能反。使家失壯子。而忽喪其千金之積者。必行商者也。力耕而不廢。竭力而不矢。歷年而積之。持久而得富焉者。十常八九。故不計其後日之患。則不能勝其初用之喜。故用智將之爲尤難。夫知人之術。各得諸心而不

能以自言則夫將求知智者之心是宜可以言語達而明者或逆得之於心然大率臨事不亂慮事不遺治繁多而力有餘更變故而術不窮者必智也夫無遺事固與鹵莽者異形而無亂志固與狼狽者殊觀力不足者自不能爲有餘而術易竭者豈可使不窮則其述又有較然必見于外而易別者此亦觀智者之一道也夫決萬全之生死事之至危者也謀人之國都技之至難者也事至危者非先有至安之地則不可動技至難者非先得至易之術者不可行二

古文國瑋集卷之三十八

宋文卷十

者非要以持久則至安至易之道不可以遽得故入君於此必有堅忍不拔之心小挫不足以敗成計而小勝不足以易至謀以吾從容勿迫之心要於必成之地者用智者之道也所謂智將者何能用孫吳之術明於兵勢動必有功而不輕爲進退者也若此者文法牽之計未就而罪已及矣

送李端叔赴定州序

張耒

耒爲兒童從先人于山陽學宮始見端叔爲諸生耒雖未有知意已相親後幾二十年端叔罷官四明道楚耒又獲見耒時已孤端叔吊我悲懷如骨肉後凡再遇于京師今其再也然端叔每別數年一見其論議益奇名譽益高今朝廷士大夫相與稱說天下士屈指不一二必曰吾端叔也元祐八年蘇先生守定武士願從行者半朝廷然皆不敢有請于先生而蘇先生一日言于朝請以端叔佐幕府蘇先生之位耒

古文國瑋集卷之三十八

宋文卷十

能進退天下士故用子如此然其意可知也耒蘇公門人之下列也其親慕端叔不足怪庚年來卧病城南門無雞犬晝卧悄悄端叔嘗夜過我以燭視我面目見病有間喜動詞色訪覓醫藥以至無恙我之道藝無取名譽不振端叔獨拳拳如此何也然端叔與予外家通譜于我舅行也豈其出于此非耶八年十月過我告以將北求余言爲贈行余在交遊中已號爲多言其敢有愛于子爲今中國患者西北二虜也徂伺我久矣西小而輕故爲變易北大而重故爲變

遲小者疥癬大者癰疽也。自北方罷兵。中國直信而不問。君臣不以掛于口而慮于心者數十年矣。吾知其故。誠知驕虜之不能棄吾之重幣也。有司如故事。歲時發幣車馬出門。而比顧無事矣。凡爲是說者。謂非虜情則不可。然人度量相遠。未可以十百計也。世固有得一金而喜者。何必金帛數十萬。亦有得國于人而不厭者。數十萬金帛未足賴也。往趙元昊未反時。中國不爲備禦。猶今日之信比。一旦不遜。中國震動。視其治軍立國。驕逆悍鷙。豈特河隴間一羌酋也。

古文國瑋集 卷之三十八 宋文卷十

吾安能復以羈縻其父祖者制畜之哉。且雄傑之才。未嘗絕于世。不在中國。必在夷狄。高皇帝以氣吞中原之雄。而冒頓張于匈奴。高帝終無以困之。魏滅蜀。晉滅吳。大敵已盡。而苻石驚于中國。祖宗芟夷僭亂。天下聽順。無復偃蹇。而久之元昊叛于羗。自是以來。又數十年矣。未聞今比邊要郡。有城隍不脩。器械苦惡。屯戍單寡。然跬步強敵。而人不思者。誠信之也。梟鳴不鳴。要非祥也。豺狼不噬。要非仁也。見其不鳴。謂之孔鸞。見其不噬。待以犬馬。吁。亦過矣。定武虜酋也。

其容有悔乎。未頃在洛陽。與劉几者語邊事。几老將也。謂余曰。比見詔書。禁邊吏夜飲。此曹一旦有急。將使輸其肝腦。而平日禁其爲樂。爲今役者不亦難乎。夫椎牛釃酒。豐犒而休養之。非欲以醉飽爲德。所以增士氣也。未聞定武異時從軍吏士。豐樂豪盛。而今燕豆疏惡。終日受饗。腹猶枵然。官吏貧窶。有愁苦無聊之心。且朝廷既委所當費。而不愛矣。將軍重兵臨方面。天子屬以何事。而與持籌小吏。日夜計口腹之贏。此何爲者也。真能遂不費一錢。得幾何哉。子從

古文國瑋集 卷之三十八 宋文卷十

辟以佐帥。軍事與有責矣。挾端叔之學問詞章。而從蘇先生。如決大川而放之海。是則余無以費于矣。因西測北。知其不能久。無事言。雖未稔于後。而計慮深長。文法段落。亦自洒然。

黃樓銘

陳師道

熙寧十年京東路安撫使臣某轉運使臣某判官臣某稽首言河決澶州南傾淮泗彭城當其衝夾以連山扼以呂梁流泄不時盈溢千里平地水深丈餘下顧城中井山脉發東薄兩隅西入通海南滾水垣土惡不支百有餘日而後已守臣蘇軾深惟流亡為天子憂夙夜不怠以勞其人興發戍兵固弊應卒外為長健家高如虹以其惡內為大堤附城如環以待其潰築二陽于南門之外以通南山以安危疑發倉吏古文國璋集卷之三十八共宋文卷十

明勸禁以惠困窮以督盜賊宣布恩澤巡行內外吏民嚮化興于事功法施四邑誠格百神可謂有功矣宜有褒嘉以勸郡縣十月二十甲子奏京師明年元豐正月甲子制誥喻意臣軾惟念祗承謨訓人神力同敢自為功以速大戾而明揚褒大無以報稱乃作黃樓于東門具刻明詔以承天休而明德意使其客陳師道以為之銘臣師道伏惟呂尚南仲內撫百姓外平諸侯詩美文武尹甫召虎南伐淮夷北伐玁狁功歌宣王君能使人以盡其才臣能奉功以報其上

此數語稍涉議論

古之義也臣師道又惟感而通之者道也行而化之者德也制法明教者政也治人成功者事也昔之詩人歌其政事則并其道德而傳之後王有作可舉而行顧臣之愚何與于此誠樂君臣之盡道云臣不佞冒死上黃樓銘其詞曰

皇治惟戒脩明法度協和陰陽十有一年天災時行河失其防齊魯梁楚千里四達潰亂散亡皇仁隱憂臨遣信臣以惠東方羸老不窮安慰撫養發散積倉流入如歸臣人忘危完聚靡傷天叙地平明聖成能古文國璋集卷之三十八共宋文卷十

人神效祥靈平告成百穀豐盈萬邦樂康郡縣祇畏允迪聖謨終事無荒皇功不居歸休臣民遐昭遠揚守臣拜手夸大休嘉使民不忘改作黃樓以臨泗上述脩故常庶臣無佞原始念終銘之石章以告成功以揚德聲永永無疆

銘叙古質有先民典刑

慶州大順城記

張載

慶曆二年某月某日。經略元帥范公仲淹鎮總若
干建城于柔遠寨東北四十里。故大順川。越某月某
日城成。汴人張載謹次其事。爲之文以紀其功。詞曰
兵久不用。文張武縱。天警我宋。羗蠢而動。恃地之強。
謂兵之衆。傲侮中原。如撫而弄。天子曰嘻。是不可捨。
養姦縱殘。何以令下。講謨于朝。講士于野。鋹刑斧誅。
選付能者。皇皇范侯。開府于慶。壯方之師。坐立以聽。
公曰彼羗地。武兵勁。我士未練。宜勿與競。當避其彊。
古文園瑋集卷之三十八 宋文卷十
徐以計勝。吾觀寨口有田。其中賊騎未迹。卯橫午縱。
余欲連壁以禦其衝。保兵儲糧。以俟其窮。將吏掾曹。
軍師卒走。交口同辭。樂贊公命。月良日吉。將奮其旅。
出卒于營。出器于府。出幣于帑。出糧于庾。公曰戒哉。
無敗我舉。汝礪汝戈。汝鑒汝斧。汝干汝誅。汝勤汝與。
既戒既言。遂及城所。索木箕土。編繩奮杵。胡虜之來。
百十其至。自朝及晝。衆積我倍。公曰無譁。是亦何害。
彼姦我乘。及我未備。勢雖不敵。吾有以恃。爰募強弩。
其衆累百。依城而陣。以堅以格。戒曰謹之。無闕以力。

去則勿追。往終我役。賊之逼城。傷死無數。謨不我加。
困潰而去。公曰可矣。我功汝全。無怠無遽。城之惟堅。
勞不累日。池隄以完。深矣如泉。高焉如山。百萬雄師。
莫可以前。公曰濟矣。吾讓其旋。擇士以守。擇民而遷。
書勞賞才。以飫以進。圖列而止。薦聞于天。天子曰嗟。
我嘉汝賢。錫號大順。因名其川。于金于湯。保之萬年。
高勁有氣。亦善募昌黎者。

古文園瑋集卷之三十八

宋文卷十

論聽政

范祖禹

宣仁太后崩議者復有行新法之意中外洶洶在位者惶思莫敢發言祖禹慮小人乘間害政乃上此疏

臣等伏以天下不幸太皇太后登遐陛下號慕哀毀孝性天至在廷聞者無不摧閉今總覽廢政延見羣臣四方之民傾耳而聽拭目而視此乃宋室隆替之本社稷安危之基天下治亂之端生民休戚之始君子小人消長進退之際天命人心去就離合之時也嗚呼可不慎哉可不慎哉臣等久備講讀職在古文國璋集卷之三十八

論思首當獻言以助萬一陛下宜先誠意正心推廣聖孝發為德音行爲仁政以懃答天下生民之望此在陛下加意而已非有所難也願陛下循其本而行之則其末可以無難昔周公以成王幼弱故位冢宰治天下七年制禮作樂以致太平其功德至隆周公成王追念其勲勞賜魯以天子禮樂使世世祀周公以爲非此不足以稱周公之德也成王所以報周公如此故天下莫不歸心漢大將軍霍光尊立宣帝霍光既沒宣帝亦堊以天子之禮帝始親政事又思報

小人有所謂
以感亂人
主而進邪

古文國璋集

卷之三十八

李

大將軍功德夫周公霍光皆人臣也有非常之功效成王宣帝皆報以非常之禮而况太皇太后英宗之配神宗之母陛下之祖母有大功于宗廟社稷有大德于億兆人民于陛下之恩與天地無極豈人臣之比哉然則今陛下所宜先者莫如報太皇太后之德也自仁宗以來三后臨朝皆有大功章獻明肅之于仁宗慈聖光獻之于英宗鞠育扶持勤勞艱難亦未得如太皇太后之于陛下也元豐之末神宗寢疾已不能出號令陛下年始十歲太皇太后內定大策擁立陛下儲位遂定陛下之有天下乃得之于太皇太后也聽政之初詔令所下百姓無不歡呼鼓舞自古母后多私外家惟太皇太后未嘗有毫髮假借族人不能族人而已徐王魏王皆親子也以朝廷之故疎遠隔絕魏王病既沒然後一往太皇太后疾已革然後徐王得入進退羣臣必從天下人望不以已意爲喜怒賞罰故至公無私之德雖匹夫匹婦之口亦能道之臨朝九年未嘗少自娛樂焦勞刻苦以念生民所以如此豈有他求哉凡皆爲趙氏社稷宋室宗廟

專心一意以保佑陛下也。故身當其勞苦而使陛下享其安逸。昔章獻明肅而親黨多僥倖。溫惠仁宗既親機。不免釐革。故小人不能無怨。今太皇太后自臨朝以來。左右請求。一切拒絕。內外肅然。嘉以朝廷不可無綱紀。故身當其怨而使陛下坐收肅清之功。陛下如欲報太皇太后之德。莫若循其法度而謹守之。祖宗以來。唯以德澤結百姓之心。欲四海安靜無事。仁宗行之四十二年。天下至今思之。恭惟太皇太后之政事。乃仁宗之政事也。然而仁宗聖性寬裕。不忍拒人。內降溫恩。其後亦比比而有。惟太皇太后嚴正至靜。不可干犯。故能外斥逐姦邪。以清朝廷。內裁抑僥倖。以肅官禁。九年之間。終始如一。故離德澤深厚。結于百姓。而小人怨者亦不爲少矣。今必有小人進言曰。太皇太后不當改先帝之政。逐先帝之臣。此乃離間之言。陛下不可不察也。當陛下嗣位之初。太皇太后同聽政。中外臣民上書者以萬數。皆言政令有不便者。太皇太后因天下人心欲改。故與陛下同改之。非以已之私意而改也。既改其法。則作法之人及

古文國璋集

卷之三十八

聖宋文卷十

主其法者有罪。當逐陛下與太皇太后亦以衆言而逐之。其所逐者皆上負先帝。下負萬民。天下之所歸疾。衆庶所欲同去者也。太皇太后豈有憎愛于其間哉。顧不如此。則天下不安耳。惟陛下清心照理。辨察是非。斥遠佞人。深拒邪說。有敢以奸言惑聖聽者。宜明正其罪。付之典刑。痛懲一人以儆羣慝。則帖然無事矣。陛下若稍入其語。不正其罪。則恐奸言邪說繼進不已。萬一追報之禮。小有不至。此于太皇太后聖德無損。而于陛下孝道有虧。必大失天下之心。陛下豈不見司馬光以公忠正直爲天下所信服。陛下與太皇太后用以爲相。海內之人無不欣悅。光沒之日。無不悲哀。乃至茶坊酒肆之中。亦事其畫像。光所以得人心如此者。爲其能輔佐陛下。與太皇太后功及天下也。以光之功。比之太皇太后。止是萬分之一。而百姓思之如此。而況太皇太后有天地之恩于陛下。若聽小人讒說。或追報有所不至。或輕其政事。豈不大失天下人心乎。人心離于下。則天變只于上。陛下雖欲爲善以救之。改過以補之。亦無及矣。孝者萬

古文國璋集

卷之三十八

聖宋文卷十

行之本。本既立。則其餘何足觀焉。夫小人之情。非爲朝廷之計。亦非爲先帝之事。皆爲其身之利也。日夜伺候。欲逞其憾者久矣。太皇太后新棄天下。陛下初攬政事。乃小人乘間伺隙之時也。不可不預防之。此等既上誤先帝。今又欲復誤陛下。天下之事。豈堪小人再破壞耶。臣等恭聞陛下自太皇太后寢疾。朝夕不離左右。躬親藥膳。衣不解帶。憂瘁涕泣。形于顏色。自遭變故以來。哀慕思痛。中外共聞。喪服之禮。務從至隆。又下詔發揚太皇太后盛德。推恩高氏。此大

古文國璋集

卷之三十八

宋文卷十

孝之極也。至親之際。無所間然。然而臣等猶言及此者。竊以小人衆多。恐置陛下于有過之地也。如臣等所言。雖萬萬無之。然不敢不慮于未然。或有纖芥流聞於外。則臣等上負陛下。不先言之罪大矣。不勝憂國愛君之至。唯陛下深留聖思。

太后崩後執政易小人進矣。此疏見其微。

歷代古文國璋集卷之三十九

宋文

本朝百年無事劄子

王安石

臣前蒙陛下問及本朝所以享國百年。天下無事之故。臣以淺陋。誤承聖問。迫於日昃。不敢久留。語不及悉。遂辭而退。竊惟念聖問及此。天下之福。而臣遂無一言之獻。非近臣所以事君之義。故敢昧冒而粗有所陳。伏惟太祖躬上智。獨見之明。而周知人物之情。偽指揮付託。必盡其材。變置施設。必當其務。故能駕馭將帥。訓齊士卒。外以扞夷狄。內以平中國。於是除苛賦。止虐刑。廢強橫之藩鎮。誅貪殘之官吏。躬以簡儉爲天下先。其於出政發令之間。一以安利元元爲事。太宗承之以聰武。真宗守之以謙仁。以至仁宗英宗。無有逸德。此所以享國百年。而天下無事也。仁宗在位歷年最久。臣於時實備從官。施爲本末。臣所親見。嘗試爲陛下陳其一二。而陛下詳擇其可。亦足以申鑒於方今。伏惟仁宗之爲君也。仰畏天。俯畏人。寬

仁恭儉出於自然而忠恕誠懇終始如一未嘗妄興一役未嘗妄殺一人斷獄務在生之而特惡吏之殘擾寧屈已棄財於夷狄而終不忍加兵刑平而公賞重而信納用諫官御史公聽並觀而不蔽於偏至之譏因任衆人耳目拔舉疎遠而隨之以相坐之法蓋監司之吏以至州縣無敢暴虐殘酷而有調發以傷百姓自夏人順服蠻夷遂無大變邊人父子夫婦得免於兵死而中國之人安逸蕃息以至今日者未嘗妄興一役未嘗忘殺一人斷獄務在生之而特惡吏之殘擾寧屈已棄財於夷狄而不忍加兵之効也大

古文圖彙集

卷之三十九

宋文卷十一

觀而不蔽於偏至之譏之効也。自縣令京官以至監司臺閣陞擢之任雖不皆得人然一時之所謂才士亦罕蔽塞而不見收舉者此因任衆人之耳目拔舉疎遠而隨之以相坐之法之効也。升遐之日天下號慟如喪考妣此寬仁恭儉出於自然忠恕誠懇終始如一之効也。然本朝累世因循未俗之弊而無親友群臣之議人君朝夕與處不過宦官女子出而視事又不不過有司之細故未嘗如古大有爲之君與學士大夫討論先王之法以措之天下也。一切因任自然之理勢而精神之運有所不加名實之間有所不察君子非不見貴然小人亦得廁其間正論非不見容然邪說亦有時而用以詩賦記誦求天下之士而無學校養成之法以科名資歷敘朝廷之位而無官司課試之方監司無檢察之人守將非選擇之吏轉徙之亟既難於考績而游談之衆因得以亂真交私養望者多得顯官獨立營職者或見排沮故上下偷惰取容而已雖有能者在職亦無以異於庸人農民壞於繇役而未嘗特見救恤又不爲之設官以修其水

古文圖彙集

卷之三十九

宋文卷十一

土之利。兵士雜於疲老。而不甯申勅訓練。又不爲之擇將。而久其疆場之權。宿衛則聚卒伍無賴之人。而未有以變五代姑息羈縻之俗。宗室則無教訓選舉之實。而未有以合先王親疎隆殺之宜。其於理財。大抵無法。故雖儉約而民不富。雖憂勤而國不强。賴非夷狄昌熾之時。又無堯湯水旱之變。故天下無事。過於百年。雖曰人事亦天助也。蓋累聖相繼。仰畏天。俯畏人。寬仁恭儉。忠恕誠懇。此其所以獲天助也。伏惟陛下躬上聖之質。承無窮之緒。知天助之不可常恃。知人事之不可怠終。則大有爲之時。正在今日。臣不敢輒廢將明之義。而苟逃諱忌之誅。伏惟陛下幸者而留神。則天下之福也。取進止。

此篇大意鼓舞變法言之有形足以動英主

古文國瑋集卷之三十九

四宋文卷十一

上仁宗皇帝言事書

王安石

安石慨然有矯世變俗之志遂上萬言書

臣愚不肖蒙恩備使一路。今又蒙恩召還闕廷。有所仕屬。而當以使事歸報陛下。不自知其無以稱職。而敢緣使事之所及。冒言天下之事。伏惟陛下詳思而擇其中幸甚。臣竊觀陛下有恭儉之德。有聰明睿智之才。夙興夜寐。無一日之懈。聲色狗馬。視游玩好之事。無纖介之蔽。而仁民愛物之意。孚于天下。而又公選天下之所願以爲輔相者屬之以事。而不蔽于讒邪傾巧之臣。此雖二帝三王之用心。不過如此而已。宜其家給人足。天下大治。而効不至于此。顧內則不能無以社稷爲憂。外則不能無懼于夷狄。天下之財力日以困窮。而風俗日以衰壞。四方有志之士。認然常恐天下之久不安。此其故何也。患在不知法度故也。今朝廷法嚴令具。無所不有。而臣以謂無法度者何哉。方今之法度。多不合乎先王之政故也。孟子曰。有仁心仁聞。而澤不加于百姓者。爲政不法于先王之道故也。以孟子之說。觀方今之失。正在于此。而

改法度是則公本意

古文國瑋集卷之三十九

五宋文卷十一

已夫以今之世去先王之世遠所遭之變所遇之勢不一而欲一一修先王之政雖甚愚者猶知其難也然臣以謂今之失患在不法先王之政者以謂當法其意而已夫二帝三王相去蓋千有餘載一治一亂其盛衰之時異矣其所遭之變所遇之勢亦各不同其施設之方亦皆殊而其為天下國家之意本末先後未嘗不同也臣故曰當法其意而已法其意則吾所改易更革不至乎傾駭天下之耳目驚天下之口而固已合乎先王之政矣雖然以方今之勢揆之陛下雖欲改易更革天下之事合于先王之意其勢必不能也陛下有恭儉之德有聰明睿智之才有仁民愛物之意誠加之意則何為而不成何欲而不得然而臣願以謂陛下雖欲改易更革天下之事合于先王之意其勢必不能者何也以方今天下之人才不足故也臣嘗試窮觀天下在位之人未有乏于此時者也夫人才乏于上則有沈廢伏匿在下而不為當時所知者矣臣又求之于閭巷草野之間而亦未見其多焉豈非陶冶而成之者非其道而然乎臣以謂

古文圖瑋集卷之三十九

宋文卷十二

方今在位之人才不足者以臣使事之所及則可知矣今以一路數千里之間能推行朝廷之法令知其所緩急而一切能使民以修其職事者甚少而不才苟簡貪鄙之人至不可勝數其能講先王之意以合當時之變者蓋閭閻之間往往而絕也朝廷每一令下其意雖善在位者猶不能推行使膏澤加于民而吏輒緣之為姦以擾百姓臣故曰在位之人才不足而草野閭巷之間亦未見其多也夫人才不足則陛下雖欲改易更革天下之事以合先王之意大臣雖有能當陛下之意而欲領此者九州之大四海之遠孰能稱陛下之指以一二推行此而人人蒙其施者乎臣故曰其勢必未能也孟子曰徒法不能以自行非此之謂乎然則方今之急在于人才而已誠能使天下之才衆多然後在位之才可以擇其人而取足焉在位者得其才矣然後稍視時勢之可否而因人情之忠苦變更天下之弊法以趨先王之意其易也今之天下亦殆主之天下先王之時人才常衆矣何至于今而獨不足乎故曰陶冶而成之者非其道故

古文圖瑋集卷之三十九

宋文卷十二

也。商之時天下嘗太亂矣。在位貪毒禍敗。皆非其人。及文王之起。而天下之才嘗少矣。當是時文王能陶冶天下之士。而使之皆有士君子之才。然後隨其才之所有而官使之。詩曰。豈第君子。遐不作人。此之謂也。及其成也。微賤兎置之人。猶莫不好德。兎置之詩是也。又況于在位之人乎。夫文王惟能如此。故以征則服。以守則治。詩曰。奉璋峨峨。髦士攸宜。又曰。周王于邁。六師及之。言文王所用文武各得其才。而無廢事也。及至夷厲之亂。天下之才又嘗少矣。至宣王之起。所與圖天下之事者。仲山甫而已。故詩人歎之曰。德輿如毛。維仲山甫舉之。愛莫助之。蓋閔人士之少。而山甫之無助也。宣王能用仲山甫。推其類以新美天下之士。而後人才復衆。于是內修政事。外討不庭。而復有文武之境土。故詩人美之曰。薄言采芑。于彼新田。于此蔣畝。言宣王能新美天下之士。使之有可用之才。如農夫新美其田。而使之有可采之芑也。由此觀之。人之才未嘗不自人主陶冶而成之者也。所謂陶冶而成之者。何也。亦教之養之取之任之有其

古文圖瑋集

卷之三十九

宋文卷十一

道而已。所謂教之之道何也。古者天子諸侯自國至于鄉黨。皆有學。博置教導之官。而嚴其選。朝廷禮樂刑政之事。皆在于學。士所觀而習者。皆先王之法言德行。治天下之意。其才亦可以爲天下國家之用。苟不可以爲天下國家之用。則不教也。苟可以爲天下國家之用者。則無不在于學。此教之之道也。所謂養之之道何也。饒之以財。約之以禮。裁之以法也。何謂饒之以財。人之情。不足于財。則貪鄙苟得。無所不至。先王知其如此。故其制祿自庶人之在官者。其祿已足以代其耕矣。由此等而上之。每有加焉。使其足以養廉恥。而離于貪鄙之行。猶以爲未也。又推其祿以及其子孫。謂之世祿。使其生也。既于父子兄弟妻子之養。昏姻朋友之接。皆無憾矣。其死也。又于子孫無不足之憂焉。何謂約之以禮。人情足于財。而無禮以節之。則又放僻邪侈。無所不至。先王知其如此。故爲之制度。婚喪祭養。燕享之事。服食器用之物。皆以命數爲之節。而齊之以律度量衡之法。其命可以爲之。而財不足以具。則弗具也。其財可以具。而命不得爲

古文圖瑋集

卷之三十九

宋文卷十一

何耶

古文國華集卷之三十九

十宋文卷十一

之者。不使有銖兩分寸之加焉。何謂裁之以法。先王于天下之士。教之以道藝矣。不帥教則待之以屏弃。遠方。終身不齒之法。約之以禮矣。不循禮則待之以流殺之法。王制曰。變衣服者其君流。酒誥曰。厥或誥曰。群飲。汝勿佚。盡執拘以歸于周。予其殺。夫群飲變衣服。小罪也。流殺大刑也。加小罪以大刑。先王所以忍而不疑者。以爲不如是不足以一天下之俗。而成吾治。夫約之以禮。裁之以法。天下所以服從無抵胷者。又非獨其禁嚴而治察之所能致也。蓋亦以吾至誠懇惻之心。力行而爲之倡。凡在左右通貴之人。皆順上之欲而服行之。有一不帥者。法之必自此始。夫上以至誠行之。而貴者知避上之所惡矣。則天下之不罰而止者衆矣。故曰。此養之之道也。所謂取之之道者何也。先王之取人也。必于鄉黨。必于庠序。使衆人推其所謂賢能。書之以告于上。而察之。誠賢能也。然後隨其德之大小。才之高下。而官使之。所謂察之者。非專用耳目之聰明。而聽私于一人之口也。微審知其德。間以行。微審知其才。間以言。得其言行。則

古文國華集卷之三十九

十宋文卷十一

試之以事。所謂察之者。試之以事是也。雖堯之用舜。亦不過如此而已。又況其下乎。若夫九州之大。四海之遠。萬官億醜之賤。所須士大夫之才。則衆矣。天下者。又不可以一一自察之也。又不可以偏屬于一人。而使之于一日三日之間。考試其行能而進退之也。蓋吾已能察其才行之大者。以爲大官矣。因使之取其類。以持久試之。而考其能者。以告于上。而後以爵命祿秩予之而已。此取之之道也。所謂任之之道者何也。人之才德高下厚薄不同。其所任有宜有不宜。先王知其如此。故知農者。以爲后稷。知工者。以爲共工。其德厚而才高者。以爲之長。德薄而才下者。以爲之佐屬。又以久于其職。則上忤習而知其事。下服馴而安其教。賢者則其功可以至于成。不肖者則其罪可以至于著。故久其任而待之。以考績之法。夫如此。故智能才力之士。則得盡其智以赴功。而不患其事之不終。其功之不就也。偷惰苟且之人。雖欲取容于一時。而顧僇辱在其後。安敢不免乎。若夫無能之人。固知辭避而去矣。居職任事之日久。不勝任之罪。

荆公爲政
又何爲行
字說釋義
以取人

不可以幸而免故也。彼且不敢月而知辭避矣。尚何有比周讒諂爭進之人乎。取之既已詳。使之既已當。處之既已久。至其任之也。又專焉而不一。一以法束縛之。而使之得行其意。是舜之所以理百官而熙衆工者。以此而已。書曰。三載考績。三考。斥陟幽明。此之謂也。然堯舜之時。其所斥者。則聞之矣。蓋四凶是也。其所陟者。則皋陶稷契。終身一官而不徙。蓋其所謂陟者。特加之爵命祿賜而已耳。此任之之道也。夫教之養之。取之任之之道如此。而當時人君又能與其大臣。悉其耳目心力。至誠惻怛。思念而行之。此其人臣之所以無疑。而于天下國家之事。無所欲爲而不得也。方今州縣雖有學。取牆壁具而已。非有教導之官。長育人才之事也。唯太學有教導之官。而亦未嘗嚴其選。朝廷禮樂刑政之事。未嘗在于學。學者亦漠然自以體學。則政爲官用之事。非已所當知也。學者之所教。詩說章句而已。講說章句。固非古者教人之道也。近歲乃始教之以課試之文章。夫課試之文章。非博誦強學窮日之力。則不能及其能工也。大

古文國瑋集卷之三十九

主宋文卷十一

則不足以用天下。國家小則不足以爲天下。國家之用。故雖自首于庠序。窮日之力。以帥上之教。及使之從政。則茫然不知其方者皆是也。蓋今之教者。非特不能成人之才而已。又從而困苦毀壞之。使不得成才者何也。夫人之才。成于專而毀于雜。故先王之處民才。處之于官府。處農于畝。處商賈于肆。而處士于庠序。使各專其業。而不見異物。懼異物之足以害其業也。所謂士者。又非特使之不得見異物而已。一示之以先王之道。而百家諸子之異說。皆屏之而莫敢習者焉。今士之所宜學者。天下國家之用也。今悉便置之不教。而教之以課試之文章。使其耗精疲神。窮日之力。以從事于此。及其任之以官也。則又悉使置之。而責之以天下國家之事。夫古之人。以朝夕專其業于天下國家之事。而猶才有能有不能。今乃移其精神。奪其日力。以朝夕從事于無補之學。及其任之以事。然後卒然責之以爲天下國家之用。宜其才之足以有爲者少矣。臣故曰。非特不能成人之才。又從而困苦毀壞之。使不得成才也。又有甚害者。先王

古文國瑋集卷之三十九

主宋文卷十一

之時。士之所學者文武之道也。士之才有可以爲公卿大夫。有可以爲士。其才之大小。宜不宜。則有矣。至于武事。則隨其才之大小。未有不學者也。故其大者。居則爲六官之卿。出則爲六軍之將也。其次則比閭族黨之師。亦皆卒兩師旅之帥也。故邊疆宿衛皆得士大夫爲之。而小人不得奸其任。今之學者。以爲文武異事。善知治文事而已。至于邊疆宿衛之任。則推而屬之于卒伍。往往天下姦悍無賴之人。苟其才行足自託于鄉里者。亦未有肯去親戚而從召募者也。

古文園華集 卷之三十九 宋文卷上

邊疆宿衛。此乃天下之重任。而人主之所當任重者也。故古者教士。以射御爲急。其他技能。則視其人才之所宜而後教之。其才之所不能。則不强也。至于射則爲男子之事。人之生有疾。則已。苟無疾。未有去射而不學者也。在庠序之間。固當從事于射也。有賓客之事。則以射。有祭祀之事。則以射。別士之行。同能偶。則以射。于禮樂之事。未嘗不寓于射。而射亦未嘗不在于禮樂祭祀之間也。易曰。弧矢之利。以威天下。先王豈以射爲可以習揖讓之儀而已乎。固以爲射者。

武事之尤大。而威天下。守國家之具也。居則以是習禮樂。出則以是從戰伐。士既朝夕從事于此。而能者衆。則邊疆宿衛之任。皆可以擇而取也。夫士嘗學先王之道。其行義。嘗見推于鄉黨矣。然後因其才而託之以邊疆宿衛之士。此古之人君所以推干戈以屬之人。而無內外之虞也。今乃以天下之重任。人主所當至慎之選。推而屬之姦悍無賴。才行不足。自託于鄉里之人。此方今所以認認然常抱邊疆之憂。而虞宿衛之不足恃。以爲安也。今孰不知邊疆宿衛之士。不足恃。以爲安哉。顧以爲天下學士。以執兵爲恥。而亦未有能騎射行陣之事者。則非召募之卒伍。孰能任其事者乎。夫不嚴其教。高其選。則士之以執兵爲恥。而未嘗有能騎射行陣之事。固其理也。凡此皆教之非其道故也。方今制祿大抵皆踰自非朝廷侍從之列。食戶稍衆。未有不兼農商之利。而能充其養者也。其下州縣之吏。一月所得。多者錢八九千。少者四五千。以守選待除。守闕通之。蓋六七年而後得三年之祿。計一月所得。乃實不能四五千。少者乃實不

古文園華集 卷之三十九 宋文卷上

能及三四千而已。雖廩養之給亦窘于此矣。而其養生喪死婚姻葬送之事。皆常于此。夫出中人之上者。雖窮而不失為君子。出中人之下者。雖泰而不失為小人。唯中人不然。窮則為小人。泰則為君子。計天下之士。出中人之上下者。十而無十一。窮而為小人。泰而為君子者。則天下皆是也。先王以爲衆不可以力勝也。故制行不以已。而以中人爲制。所以因其欲而利道之。以爲中人之所能守。則其制可以行乎天下。而推之後世。以今之制祿。而欲士之無毀廉恥。蓋中人之所不能也。故今官大者。往往交路遺。營貨產。以資食汗之毀。官小者。販鬻乞可。無所不爲。夫士已嘗毀廉恥。以資累于世矣。則其偷惰取容之意。起而矜奮自強之心。息。則職業安得而不弛。治道何從而興乎。又況委法受賂侵牟百姓者。往往而是也。此所謂不能饑之以財也。婚喪奉養服食器用之物。皆無制度。以爲之節。而天下以奢爲榮。以儉爲恥。苟其才之可以具。則無所爲而不得。有司既不禁。而人又以此爲榮。苟其才不足。而不能自稱于流俗。則其婚喪

此又荆公
一試之第
一事也

之際。往往得罪于族人親姻。而人以爲恥矣。故富者貪。而不知止。貧者則強勉。其不足以追之。此士之所。以重困而廉恥之心毀也。凡此所謂不能約之以禮也。方今陛下躬行儉約。以率天下。此左右通貴之臣。所親見。然而其閭門之內。奢靡無節。犯上之所惡。以傷天下之教者。有已甚者矣。未聞朝廷有所放縱。以示天下。昔周之人。拘群飲而破之。以殺刑者。以爲酒之末流生害。有至于死者衆矣。故重禁其禍之所自。生重禁禍之所自。生故其施刑極省。而人之抵于禍敗者少矣。今朝廷之法。所尤重者。獨食吏耳。重禁食吏。而輕奢靡之法。此所謂禁其末而弛其本。然而世之識者。以爲方今官冗。而縣官財用已不足以供之。其亦蔽于理矣。今之人官誠冗矣。然而前世置員蓋甚少。而賦祿又如此之薄。則財用之所不足。蓋亦有說矣。吏祿豈足計哉。臣于財利固未嘗學。然竊觀前世治財之大略矣。蓋因天下之力。以生天下之財。取天下之財。以供天下之費。自古治世。未嘗以不足爲天下之公患也。患在治財無其道耳。今天下不見此

華之具。而元元安土樂業。人致已力。以生天下之財。然而公私常以困窮為患者。殆以理財未得其道。而有司不能度世之宜。而通其變耳。誠能理財以其道。而通其變。臣雖愚固知增吏祿。不足以傷經費也。方今法嚴令具。所以羅天下之士。可謂密矣。然而亦嘗教之以道藝。而有不帥教之刑。以待之乎。亦嘗約之以制度。而有不循理之刑。以待之乎。亦嘗任之以職事。而有不任事之刑。以待之乎。夫不先教之以道藝。誠不可以知其不帥教。不先約之以制度。誠不可以誅其不循理。不先任之以職事。誠不可以誅其不任事。此三者先王之法。所尤急也。今皆不可得誅。而薄物細故。非害治之急者。為之法禁。月異而歲不同。為吏者至于不可勝記。又况能一一避之。而無犯者乎。此法令所以玩而不行。小人有幸而免者。君子有不幸而及者焉。此所謂不能裁之以刑也。凡此皆治之非其道也。方今取士。強記博誦。而略通于文辭。謂之茂才異等。賢良方正。茂才異等。賢良方正者。公卿之選也。記不必強。誦不必博。略通于文辭。而又嘗學詩

古文國華集

卷之三十九

宋文卷上

論制科取人得夫教為尤當

賦則謂之進士。進士之高者。亦公卿之選也。夫此二科所得之技能。不足以為公卿。不待論而後可知。而世之議者。乃以為吾常以此取天下之士。而才之可以為公卿者。常出于此。不必法古之取人。而後得士也。其亦蔽于理矣。先王之時。盡所以取人之道。猶懼賢者之難進。而不肖者之難去。其間也。今悉廢先王所以取士之道。而殿天下之才士。悉使為賢良進士。則士之才。可以為公卿者。固宜為賢良進士。而賢良進士亦固宜有時而得才之。可以為公卿者也。然而古文國華集卷之三十九宋文卷上

不肖者。苟能離蟲篆刻之學。以此進至乎公卿。才之可以為公卿者。困于無補之學。而以此絀死于田野。蓋十八九矣。夫古之人有天下者。其所以慎擇者。公卿而已。公卿既得其人。因使推其類以聚于朝廷。則百司庶物。無不得其人也。今使不肖之人。幸而至乎公卿。因得推其類聚之朝廷。此朝廷所以多不肖之人。而雖有賢智。往往困于無助。不得行其意也。且公卿之不肖。既推其類以聚于朝廷。朝廷之不肖。又推其類以備四方之任使。四方之任使者。又各推其不

肖以布于州郡。則雖有同罪。舉官之科。豈足恃哉。適足以爲不肖者之資而已。其次九經五經學。究明法之科。朝廷固已嘗患其無用于世。而稍責之以大義矣。然大義之所得。未有以賢于故也。今朝廷又開明經之選。以進經術之士。然明經之所取。亦記誦而略通于文辭者。則得之矣。彼通先王之意。而可以施于天下國家之用者。顧未必得與于此選也。其次則恩澤子弟庠序不教之以道藝。官司不考問其才能。父兄不保任其行義。而朝廷輒以官予之。而任之以事。

古文圖華集

卷之三十九

主宋文卷七

武王數紂之罪。則曰官人以世。夫官人以世而不計其才行。此乃紂之所以亂亡之道。而治世之所無也。又其次曰流外。朝廷固已擠之于廉恥之外。而限其進取之路矣。顧屬之以州縣之事。使之臨士民之上。豈所謂以賢治不肖者乎。以臣使事之所及。一路數千里之間。州縣之吏出于流外者。往往而有。可屬任以事者。殆無二三。而當防閑其姦者。皆是也。蓋古者有賢不肖之分。而無流品之別。故孔子之聖。而嘗爲季氏吏。蓋雖爲吏。而亦不害其爲公卿。及後世有流

品之別。則凡在流外者。其所成立。固當自置于廉恥之外。而無高人之意矣。夫以近世風俗之流靡。自雖士大夫之才勢。足以進取。而朝廷嘗獎之以禮義者。晚節末路。往往怵而爲姦。況又其素所成立。無高人之意。而朝廷固已擠之于廉恥之外。限其進取者乎。其臨人親職。放僻邪侈。固其理也。至于邊疆宿衛之選。則臣固已言其失矣。凡此皆取之非其道也。方今取之既不以其道。至于任之。又不問其德之所宜。而問其出身之後先。不論其才之稱否。而論其歷任之

古文圖華集

卷之三十九

主宋文卷七

多少。以文學進者。且使之治財。已使之治財矣。又轉而使之典獄。已使之典獄矣。又轉而使之治禮。是則一人之身。而責之以百官之所能備。宜其入才之難爲也。夫責人以其所難爲。則人之能爲者。少矣。人之能爲者。少。則相率而不爲。故使之典獄。未嘗以不知禮爲憂。以今之典禮者。未嘗學禮故也。使之典獄。未嘗以不知獄爲恥。以今之典獄者。未嘗學獄故也。天下之人。亦已漸漬于失教。被服于成俗。見朝廷有所任使。非其資序。則相議而訕之。至于任使之不當其

才。未嘗有非之者也。且在位者數徙。則不得久于其官。故上不能狃習而知其事。下不肯服馴而安其教。賢者則其功不可以及于成。不肖者則其罪不可以至于著。若夫迎新將故之勞。緣絕簿書之弊。固其害之小者。不足悉數也。設官大抵皆當久于其任。而至于所部者遠。所任者重。則尤宜久于其官。而後可以責其有爲。而方今尤不得久于其官。往往數日輒遷之矣。取之既已不詳。使之既已不當。處之既已不久。至于任之。則又不專。而又一一以法束縛之。不得行

古文園羣集

卷之三十九

宋文卷十一

其意。臣故知當今在位多非其人。稍假借之權。而不一一以法束縛之。則放恣而無不爲。雖然在位非其人。而恃法以爲治。自古及今未有能治者也。即使位皆得其人矣。而一一以法束縛之。不使之得行其意。亦自古及今未有能治者也。夫取之既已不詳。使之既已不當。處之既已不久。任之又不專。而又一一以法束縛之。故雖賢者在位。能者在職。與不肖而無能者亦無以異。夫如此故朝廷明知其賢能。足以任事。苟非其資序。則不以任事。而輒進之。雖進之士猶

不服也。明知其無能。而不肖。苟非有罪。爲在事者所劾。不敢以其不勝任而輒退之。雖退之士猶不服也。彼誠不肖無能。然而士不服者何也。以所謂賢能者任其事。與不肖而無能者亦無以異故也。臣前以謂不能任人以職事。而無不任事之刑以待之者。蓋謂此也。夫教之養之取之任之。有一非其道。則足以敗天下之人才。又況兼此四者而有之。則在位不才。苟簡貪鄙之人。至于不可勝數。而草野閭巷之間。亦少可任之才。固不足怪。詩曰。國雖靡止。或聖或否。民雖

古文園羣集

卷之三十九

宋文卷十一

靡廬。或哲或謀。或肅或艾。如彼泉流。無淪胥以敗。此之謂也。夫在位之人才不足矣。而閭巷草野之間。亦少可用之才。則豈特行先王之政而不得也。社稷之託。封疆之守。陛下其能久以天幸爲常。而無一旦之憂乎。蓋漢之張角。三十六萬。同日而起。所在郡國。莫能發其謀。唐之黃巢。橫行天下。而所至將吏無敢與之抗者。漢唐之所以亡。禍自此始。唐旣亡矣。陵夷以至五代。而武夫用事。賢者伏匿。消沮而不見。在位無復有知君臣之義。上下之禮者也。當是之時。變置社

稷蓋甚于奕碁之易。而元元肝腦塗地。幸而不轉死。于溝壑者無幾耳。夫人才不足。其患蓋如此。而方今公卿大夫莫肯爲陛下長慮後顧。爲宗廟萬世計。臣竊惑之。昔晉武帝起過目前。而不爲子孫長遠之謀。當時在位。亦皆偷合苟容。而風俗蕩然。棄禮義。捐法制。上下同失。莫以爲非。有識因知其將必亂矣。而其後果海內大擾。中國列于夷狄者。二百餘年。伏惟三廟祖宗神靈。所以付屬陛下。固將爲萬世血食。而大庇元元于無窮也。臣願陛下鑒漢唐五代之所以亂。

古文國瑋集

卷之三十九

古

宋文卷十一

是疑孟子雖賢。其仁智足以一天下。亦安能毋劫之以兵革。而使數百千里之強國。一旦肯損其地之十八九。比于先王之諸侯。至其後觀漢武帝用主父偃之策。令諸侯王地悉得推恩。封其子弟。而漢親臨定其號名。輒別屬漢。于是諸侯王之子弟。各有分土。而勢強地大者。卒以分析弱小。然後知慮之以謀計。之以數。爲之以漸。則大者固可使小。強者固可使弱。而不至乎傾駭變亂。敗傷之弊。孟子之言。不爲過。又况今欲改易更革其勢。非若孟子所爲之難也。臣故曰。慮之以謀。計之以數。爲之以漸。則其爲甚易也。然先王之爲天下。不患人之不爲。而患人之不能。不患人之不能。而患已之不勉。何謂不患人之不爲。而患人之不能。人之情所願得者。善行美名。尊爵厚利也。而先王能操之以臨天下之士。天下之士。有能遵之以治者。則悉以其所願得者。以與之士。不能則已矣。苟能則孰肯舍其所願得。而不自勉以爲才。故曰。不患人之不爲。患人之不能。何謂不患人之不能。而患人之不勉。先王之法。所以待人者。盡矣。自非下愚不可。

古文國瑋集

卷之三十九

古

宋文卷十一

移之才。未有不能赴者也。然而不謀之以至誠惻怛之心。力行而先之。未有能以至誠惻怛之心。力行而應之者也。故曰不患人之不能。而患己之不勉。陛下誠有意乎成天下之才。則臣願陛下勉之而已。臣又觀朝廷異時欲有所施為變革。其始計利害未嘗熟也。顧有一流俗僥倖之人。不悅而非之。則遂止而不改。夫法度立則人無獨蒙其幸者。故先王之政雖足以利天下。而當其承弊壞之後。僥倖之時。其朔法立制。未嘗不艱難也。以其朔法立制。而天下僥倖之人。

古文圖彙

卷之三十九

朱文公

卷上

亦願說以趨之。無有阻難。則先王之法。至今存而不廢矣。惟其朔法立制之艱難。而僥倖之人。不肯順悅而趨之。故古之人欲有所為。未嘗不先之以征伐。而後得其意。詩曰。是伐是肆。是絕是忽。四方以無拂。此言文王先征誅而後得意于天下也。夫先王欲立法度。以變衰壞之俗。而成成人之才。雖有征誅之難。猶忍而為之。以爲不若是。不可以有爲也。及至孔子以匹夫遊諸侯。所至則使其君臣捐所習。逆所順。強所劣。憧憧如也。卒困于排逐。然孔子亦終不爲之變。以爲

不如是不可以有爲。此其所守。蓋與文王同意。夫在上之聖人。其如文王。在下之聖人。其如孔子。而欲有所施為變革。則其事蓋如此矣。今有天下之勢。居先王之位。朔立法制。非有征誅之難也。雖有僥倖之人。不悅而非之。固不勝天下順悅之人衆也。然而一有流俗僥倖不悅之言。則遂止而不敢爲者。惑也。陛下誠有意乎成天下之才。則臣又願斷之而已。夫慮之以謀。計之以數。爲之以漸。而又勉之以成。斷之以果。然而猶不能成天下之才。則以臣所聞。蓋未有也。然

古文圖彙

卷之三十九

朱文公

卷上

臣之所稱。流俗之所不講。而今之議者。以謂迂闊而熟爛者也。竊觀近世士大夫。所謂悉心力耳目。以補助朝廷者有矣。彼其意。非一切利害。則以爲當世所能行者。士大夫既以此希世。而朝廷所取于天下之士。亦不過如此。至于大倫大法。理義之際。先王之所力學而守者。蓋不及也。一有及此。則群聚而笑之。以爲迂闊。今朝廷悉心于一切之利害。有司法令于刀筆之間。非一日也。然其效可觀矣。則夫所謂迂闊而熟爛者。惟陛下亦可以少留神而察之矣。昔唐太宗

正觀之初，人人異論，如封德彝之徒，皆以爲非雜用秦漢之政，不足以爲天下。能使先王之事，開太宗者，魏文正公二人耳。其所施設，雖未能盡當先王之意，抑其大略，可謂合矣。故能以數年之間，而天下幾致刑措。中國安寧，蠻夷順服。自三王以來，未有如此盛時也。唐太宗之初，天下之俗，猶今之世也。魏文正公之言，固當時所謂迂闊而熟爛者也。然其效如此，賈誼曰：今或言德教之不如法令，胡不引商周秦漢以觀之。然則唐太宗之事，亦足以觀矣。臣幸以職事，竭

古文圖彙

卷之三十九

宋 徐文卷上

報陛下，不自知其驚下，無以稱職，而敢及國家之大體者，以臣蒙陛下任使，而當歸報，竊謂在位之人才不足，而無以稱朝廷任使之意，而朝廷所以任使天下之士者，或非其理，而士不得盡其才，此亦臣使事之所及，而陛下之所宜先聞者也。釋此一言，而毛舉利害之一二，以汗陛下之聰明，而終無補于世，則非臣所以事陛下惓惓之義也。伏惟陛下詳思而擇其中，天下幸甚。

成就人才者，荆公立言之端也。其大旨在講求財

用與強軍政也。然此二事引而未詳，以待再問而盡之。爾仁宗無意于此，故荆公去而堅臥終仁宗之世不起。

古文圖彙

卷之三十九

宋 徐文卷上

進字說表

王安石

臣某言。竊以書用於世久矣。先王立學以教之。設官以達之。置使以喻之。禁誅亂名。豈苟然哉。凡以同道德之歸。一名法之守而已。道衰以隱。官失學廢。循而發之。實在聖時。豈臣愚。敢逮斯事。小謝蓋聞物生而有情。情發而為聲。聲以類合。皆是相知。人聲為言。述以為字。字雖人之所制。本實出於自然。鳳鳥有文。河圖有畫。非人為也。人則效此。故上下內外。初終前後。中偏左右。自然之位也。衡。表。曲。直。摺。重。交。析。反。缺。

古文國璋集

卷之二十九

手

宋文卷十一

倒。又。自然之形也。發。歛。呼。吸。抑。揚。合。散。虛。實。清。濁。自然之聲也。可視而知。可聽而思。自然之義也。以義自然。故僊聖所宅。雖殊方域。言音乖離。點畫不同。譯而通之。其義一也。道有升降。文物隨之。時變事異。書名或改。原由要歸。亦無二焉。乃若知之所不能與。思之所不能至。則雖非即此而可證。亦非舍此而能學。蓋唯天下之至神。為能究此。伏惟皇帝陛下。體元用妙。該極象數。稽古勅法。紹天覺民。乃惟茲學。闕缺弗嗣。因任眾智。微明顯隱。蓋將以祈合乎神。情者。布之海。

內。眾。妙。所。寄。窮。之。實。難。而。臣。頃。御。燕。閒。親。承。訓。敕。抱。病。負。憂。久。無。所。成。雖。嘗。有。獻。大。懼。冒。浼。退。復。自。力。用。忘。疾。憊。咨。諏。討。論。博。盡。所。疑。冀。或。涓。塵。有。助。深。崇。謹。勒。成。字。說。二。十。四。卷。隨。表。上。進。以。聞。臣。某。誠。惶。誠。懼。頓。首。謹。言。

荆公字說頗不合人心。若此表則工雋有體。

古文國璋集

卷之二十九

手

宋文卷十一

諫官論

王安石

以賢治不肖。以貴治賤。古之道也。所謂貴者何也。公卿大夫是也。所謂賤者何也。士庶人是也。同是人也。或爲公卿。或爲士。何也。爲其不能公卿也。故使之爲士。爲其賢於士也。故使之爲公卿。此所謂以賢治不肖。以貴治賤也。今之諫官者。天子之所謂士也。其貴則天子之三公也。惟三公於安危治亂存亡之故。無所不任其責。至於一官之廢一事之不得。無所不當言。故其位在卿大夫之上。所以貴之也。其道德必稱其位。所謂以賢也。至士則不然。修一官而百官之廢。不可以預也。守一事而百事之失。可以母言也。稱其德。副其材。而命之以位也。循其名。徠其分。以事其上。而不敢過也。此君臣之分也。上下之道也。今命之以士。而責之以三公士之位。而受三公之責。非古之道也。孔子曰。必也正名乎。正名也者。所以正分也。然且爲之。非所謂正名也。身不能正名。而可以正天下之名者。未之有也。蚩盡爲士師。孟子曰。似也。爲其可以言也。龜諫於王而不用。致爲臣而去。孟子曰。有言責

古文國瑋集卷之三十九

華宋文卷十一

者不得其言。則去。有官守者不得其職。則去。然則有官守者。莫不有言責。有言責者。莫不有官守。士師之諫於王是也。其諫也。蓋以其官而已矣。是古之道也。古者官師相規。工執藝事以諫。其或不能諫。謂之不恭。則有常刑。蓋自公卿至於百工。各以其職諫。則君孰與爲不善。自公卿至於百工。皆失其職。以阿上之所好。則諫官者。乃天子之所謂士耳。吾未見其能爲也。待之以輕。而要之以重。非所以使臣之道也。其待已也。輕而取重任焉。非所以事君之道也。不得已。若唐之太宗。庶乎其或可也。雖然有道而知命者。果以爲可乎。未之能處也。唐太宗之時。所謂諫官者。與丞弼俱進於前。故一言之謬。一事之失。可救之於將然。不使其命已布於天下。然後從而爭之也。君不失其所以爲君。臣不失其所以爲臣。其亦庶乎其近古也。今也上之所欲爲。丞弼所以言於上。皆不得而知也。及其命之已出。然後從而爭之。上聽之而改。則是士制命而君聽也。不聽而遂行。則是臣不得其言而君聽也。臣不得其言。士制命而君聽。二者上下所以

古文國瑋集卷之三十九

華宋文卷十一

相悖而否亂之勢也。然且爲之。其亦不知其道矣。及其諄諄而不用。然後知道之不行。其亦辨之晚矣。或曰。周官之師氏保氏司徒之屬。而大夫之秩也。曰嘗聞周公爲師而召公爲保矣。周公則未之學也。古今異宜。諫官位卑而責重。位卑則可以無嫌。又使之自見風節。不惜其官也。則公以尊卑體制律之。故其秉政不屈意於言事者。蓋周禮有餘而權變不足。亦可以見之。

周公論

王安石

甚哉荀卿之好妄也。載周公之言曰。吾所執贊而見者十人。還贊而相見者三十人。貌執者百有餘人。欲言而請畢事。千有餘人。是誠周人之所爲。則何周公之小也。夫聖人爲政於天下也。初若無爲於天下。而天下卒以無所不治者。其法誠修也。故三代之制。立庠於黨。立序於遂。立學於國。而盡其道。以爲養賢教士之法。是士之賢雖未及用。而固無不見尊養者矣。此則周公待士之道也。誠若荀卿之言。則春申孟嘗。古文國瑋集卷之三十九。之行亂世之事也。豈足爲周公乎。且聖世之事。各有其業。講道習藝。患日之不足。豈暇遊公卿之門哉。彼遊公卿之門。求公卿之禮者。皆戰國之奸民。而毛遂侯嬴之徒也。荀卿生於亂世。不能考論先王之法。著之天下。而惑於亂世之俗。遂以爲聖世之事。亦若是而已。亦已過也。且周公之所禮者。大賢與。則周公豈唯執贊見之而已。固當薦之天子。而共天位也。如其不賢。不足與共天位。則周公如何其與之爲禮也。子產聽鄭國之政。以其乘輿濟人於溱洧。孟子曰。惠而

不知爲政。蓋君子之爲政。立善法於天下。則天下治。立善法於一國。則一國治。如其不能立法。則欲人人悅之。則日亦不足矣。使周公知爲政。則宜立學校之法於天下矣。不知立學校。而徒能勞身以待天下之士。則不惟力有所不足。而勢亦有所不得也。或曰。仰祿之士。猶可驕。正身之士。不可驕也。夫君子之不驕。雖閭室不敢自慢。豈爲其人之仰祿而可以驕乎。嗚呼。所謂君子者。貴其能不易乎世也。苟卿生於亂世。而遂以亂世之事量聖人。後世之士。尊荀卿以爲大儒。而繼孟子者。吾不信矣。

古文國韋集卷之三十九

宋文卷上

一蘭陵所言。固是牽於習見。若周公之待士。已不可考。然亦恐非一以法制約之。而不取謀議者。

歷代古文國韋集卷之三十九

歷代古文國韋集卷之四十

襄西方岳貢禹脩評選

宋文

材論

王安石

天下之患。不患材之不衆。患上之人。不欲其衆。不患士之不欲爲。患上之人。不使其爲也。夫材之用。國之棟梁也。得之則安。以榮。失之則亡。以辱。然上之人。不欲其衆。不使其爲者。何也。是有三蔽焉。其尤蔽者。以爲吾之位。可以去辱絕危。終身無天下之患。材之得失。無補於治亂之數。故偃然肆吾之志。而卒入於敗。亂危辱。此一蔽也。又或以謂吾之爵祿貴富。足以誘天下之士。榮辱憂戚在吾。吾可以坐驕天下之士。將無不趨我者。則亦卒入於敗。亂危辱而已。此亦一蔽也。又或不求所以養育取用之道。而認認然以爲天下實無材。則亦卒入於敗。亂危辱而已。此亦一蔽也。此三蔽者。其爲患則同。然而用心非不善。而猶可以論其失者。獨以天下爲無材者耳。蓋其心非不欲用天下之材。特未知其故也。且人之有材能者。其形何

古文國韋集卷之四十

宋文卷上

古文國璋集 卷之四十

以異於人哉。惟其遇事而事治。畫策而利害得。治國而國安。利此其所以異於人也。上之人苟不能精察之。審用之。則雖抱皋夔稷契之智。且不能自異於衆。況其下者乎。世之蔽者。方曰人之有異能於其身。猶錐之在囊。其末立見。故未有有其實而不可見者也。此徒有見於錐之在囊。而固未覩夫馬之在廐也。驚驥雜處。飲水食芻。嘶鳴啼齧。求其所以異者。蔑矣。及其引重車。取夷路。不煩策。不煩御。一頓其轡。而千里已至矣。當是之時。使驚馬並驅。則雖傾輪絕勒。敗筋傷骨。不舍晝夜而追之。遽乎其不可及也。夫然後。騏驎騷衷。與驚駘別矣。古之人君。知其如此。故不以天下爲無材。盡其道以求而試之。試之之。在當其所能而已。夫南越之修幹族。以百鍊之精金。羽以秋鶚之勁翮。加強弩之上。而殲之于步之外。雖有犀兕之捍。無不立穿而死者。此天下之利器。而決勝觀武之所寶也。然用以敲朴。則無以異於朽槁之挺。是知雖得天下之瑰材。桀智而用之。不得其方。亦若此矣。古之人君。知其如此。於是銖量其能。而審處之。使大

此段與上
卷宗者相
出入

古文國璋集 卷之四十

者小者長者短者強者弱者無不適其任者焉。如是則士之愚蒙鄙陋者。皆能奮其所知。以効小事。況其賢能智力卓犖者乎。嗚呼。後之在位者。蓋未嘗求其說而試之以實也。而坐曰天下果無材。亦未之思而已矣。或曰古之人於材。有以教育成就之。而子獨言其求而用之者何也。曰天下法度未立之後。必先索天下之材。而用之。如能用天下之材。則能復先王之法度。能復先王之法度。則天下之小事。無不如先王時矣。況教育成就人材之大者乎。此吾所以獨言求而用之之道也。噫。今天下蓋嘗患無材。吾聞之六國合從而辯說之材出。劉項並世而籌畫戰聞之徒起。唐太宗欲治。而謨謀諫諍之佐來。此數輩者。方此數君未出之時。蓋未嘗有也。人君苟欲之。斯至矣。天下之廣。人物之衆。而曰果無材可用者。吾不信也。末數語慨然有志於用世。蓋自寓也。

三不欺

王安石

昔論者曰。君任德則下不忍欺。君任察則下不能欺。君任刑則下不敢欺。而遂以德察刑爲次。蓋未之畫也。此三人者之爲政。皆足以有取於聖人矣。然未聞聖人爲政之道也。夫未聞聖人爲政之道。而足以有取於聖人者。蓋人得聖人之一端耳。且子賤之政。使人不忍欺。古者任德之君。宜莫如堯也。然則驩兜猶或以類舉於前。則德之使人不敢欺。豈可獨任也哉。子產之政。使人不能欺。夫君子可欺以其方。故使畜魚而投人烹之。然則察之使人不敢欺。豈可獨任也哉。西門豹之政。使人不敢欺。夫不及於德。而任刑以治。是孔子所謂民免而無耻者也。然則刑之使人不敢欺。豈可獨任也哉。故曰。此三人者。未聞聖人爲政之道也。然聖人之道。有出此三者乎。亦兼用之而已。昔者堯舜之時。比屋之民。皆足以封。則民可謂不忍欺矣。驩兜以丹朱稱於前。曰。訟可乎。則民可謂不能欺矣。四罪而天下咸服。則民可謂不敢欺矣。故任德則有不可化者。任察則有不可周者。任刑則有不可服者。

古文圖釋集

卷之四十

四味文卷上

然則子賤之政。無以正暴惡子產之政。無以周隱微。西門豹之政。無以漸柔良。然而三人者。能以治者。蓋足以治小具。而高亂世耳。使當堯舜之時。所大治者。則豈足用哉。蓋聖人之政。仁足以使民不忍欺。智足以使民不能欺。政足以使民不敢欺。然後天下無或欺之者矣。或曰。刑亦足任以治乎。曰。所任者。亦非專用之。而足以治也。豹治十二渠。以利民。至于漢吏不能廢民。以爲西門君所爲。不從吏以廢也。則豹之德亦足以感於民心矣。然則尚刑。故曰。任刑焉耳。使無以懷之。而惟刑之見。則民豈得或不能欺之哉。平論三事。而意在西門君。以其行政剛決。類乎已也。

古文圖釋集

卷之四十

五宋文卷上

進說

王安石

古之時士之在下者無求于上。上之人日汲汲惟恐一士之失也。古者士之進有以德。有以才。有以言。有以曲。藝今徒不然。自茂才等而下之。至于明法。其進退之皆有法度。古之所謂德者才者無以為也。古之所謂言者又未必應今之法度也。誠有豪傑不世出之士不自進乎此。上之人弗舉也。誠進乎此而不應今之法度。有司弗取也。夫自進乎此皆所謂枉已者也。孟子曰。有枉已能正人者也。然而今之士不自進乎此者。未見也。豈皆不如古之士自重以有恥乎。古者非天下之地而授之。士之未命也。則授一廛而為其父母妻子。裕如也。自家達藝有序。有序有學。觀游止處。師師友友。弦歌堯舜之道。自樂也。磨礱錫切。沉沒灌養。行完而才備。則曰上之人其舍我哉。上之人其亦莫之能舍也。今也地不井。國不學。黨不序。遂不序。家不塾。士之未命也。則或無以裕父母妻子。無以處行完而才備。上之人亦莫之舉也。士安得而不自進。嗚呼。使今之士不若古。非人則然。勢也。勢。

古文圖緯集卷之四十

六宋文卷上

荆公已深
知制科之
勢矣

之與聖賢之所以不得同也。孟子不見王公而孔子為季氏吏。夫不以勢乎哉。士之進退不惟其德與才。而惟今之法度。而有司之好惡。未必今之法度也。是士之進不惟今之法度。而幾在有司之好惡耳。今之有司非昔之有司也。後之有司又非今之有司也。有司之好惡豈常哉。是士之進退果卒無所必而已矣。噫。以言取人。未之失也。取焉而又不待其所謂言。是失之失也。況又重以有司好惡之不可常哉。古之道其卒不可以見乎士也。有得已之勢。其得不已乎。得已而不已。未見其為有道也。楊叔明之兄弟以父任皆京官。其勢非吾所謂無以處。無以裕父母妻子而不得已焉者也。自枉而為進士。而又枉於有司。而又若不得已焉。然二君固常自任以道。而且朋友我矣。懼其猶未審也。為進說與之。

荆公之為師友其嚴如是

古文圖緯集卷之四十

七宋文卷上

風俗論

王安石

夫天之所愛育者民也。民之所係仰者君也。聖人上承天之意。下爲民之主。其要在安利之。而安利之要。不在於它。在乎正風俗而已。故風俗之變。遷染民志。關之盛衰。不可不慎也。君子制俗以儉。其弊爲奢。奢而不制。弊將若之何。夫如是。則有殫極財力。罄殫。擬倫以追時好者矣。且天地之生財也。有時。人之爲力也。有限。而日夜之費。無窮。以有時之財。有限之力。以給無窮之費。若不爲制。所謂積之涓涓。而洩之浩浩。

古文國粹集

宋之四十

八宋文卷三

如之何。使斯民不貧且溢也。國家奄有諸夏。四聖繼統。制度以定矣。紀綱以緝矣。賦歛不傷於民矣。徭役以均矣。升平之運。未有盛於今矣。固當家給人足。無一夫不獲其所矣。然而窶人之子。短褐未盡完。趣末之民。巧僞未盡抑。其故何也。殆風俗有所未盡淳歟。且聖人之化。自近及遠。由內及外。是以京師者風俗之樞機也。四方之所向內而依倣也。加之士民富庶。財物畢會。難以儉率。易以奢變。至於發一端。作一舉。永冠車馬之奇。器物服玩之具。且更奇制。文染諸夏。

古文國粹集

卷之四十

宋文

九宋文卷三

工者矜能於無用。商者通貨於難得。歲加一歲。巧眩之性。不可窮。好尚之競。多所易。故物有未弊而見毀於人人者。有循舊而見嗤於俗富者。競以自勝。貧者恥其不若。且曰。彼人也。我人也。彼爲奉養若此之麗。而我反不及。由是轉相慕効。務盡鮮明。使愚下之人。有逞一時之嗜。欲破終身之貴產。而不自知也。且山林不能給野火。江海不能實漏卮。淳朴之風散。則貪婪之行成。貪婪之行成。則上下之力匱。如此。則人無完行。士無廉聲。尚陵通者爲時宜。守檢押者爲鄙野。節義之民少。兼并之家多。富者財產滿布州城。貧者困窮不免於溝壑。夫人之爲性。心克體逸。則樂生心。爵能勞則思死。若是之俗。何法令之能避哉。故刑罰所以不措者此也。且壞崖破岩之水。原自涓涓。干雲蔽日之木。起於青蔥。禁微則易。救末者難。所宜略依古之王制。命市納賈以觀好惡。有作奇技淫巧以疑衆者。糾罰之下。至物器俱具。爲之品制以節之。工商逐末者。重租稅以困辱之。民見末業之無用。而又爲糾罰困辱。不得不趨田畝。田畝則民無饑矣。以此顯

示衆庶。未有輦轂之內治。而天下不治矣。
此文高朴有似漢人疏荆公爲政不尚奢侈是以
人主禮遇不同有大儒之號

商賈既通
則開市之
稅自倍

議茶法論

王安石

國家罷榷茶之法。而使民得自販。於方今實爲便。於
古義實爲宜。而有非之者。蓋聚斂之臣。將盡財利於
毫末之間。而不知與之爲取之過也。夫茶之爲民用。
等於米鹽。不可一日以無。而今官場所出。皆粗惡不
可食。故民之所食。大率皆私販者。夫奪民之所甘而
使不得食。則嚴刑峻法有不能止者。故鞭扑流徒之
罪。未常少弛。而私販私市者。亦未嘗絕於道路也。既
罷榷之之法。則凡此之爲患。皆可以無矣。然則雖盡
古。文。圖。瑋。集。卷之四十一。安石。士宋文卷上
克歲入之利。亦爲國者之所當務也。況關市之入。自
足侔昔日之利乎。昔桑洪羊與榷酤之議。當時以爲
財用待此而給。萬世不可易者。然至霍光不學無術
之人。遂能屈其論而罷其法。蓋義之勝利久矣。今朝
廷之治。方欲剗百代之弊。而復堯舜之功。而其爲法
度。乃欲出於霍光之所羞爲者。則可乎。以今之勢。雖
未能盡罷榷貨。而能緩其一。亦所以示上之人恤民
之深。而興治之漸也。彼區區聚斂之臣。務以求利爲
功。而不知與之爲取。上之人亦當斷以義。豈可以人

人合其私說然後行哉。楊雄曰：爲人父而推其子，縱利如子何？以雄之聰明，其講天下之利害，宜可信。然則今雖國用甚不足，亦不可以復易已行之法矣。是以國家之勢，苟修其法度，以使本盛而未衰，則天下之財不勝用。庸詎而必區區於此哉？

荆公爲政，大槩主於足財用而推茶之議，則不然。疑此是未執政以前議也。

桂州新城記

王安石

公是乎夫
利矣此宋
之所以弱

儂智高反南方，出入十有二州。十有二州之守吏，或死或不死，而無一人能守其州者。豈其材皆不足歟？蓋夫城郭之不設，甲兵之不戒，雖有智勇，猶不能以勝一日之變也。唯天子亦以爲任其罪者不獨守吏，故特推恩，褒廣死節，而一切貸其失職。於是遂推選士大夫所論以爲能者，付之經略。而今尚書戶部侍郎余公靖，常廣西焉。寇平之明年，蠻越接和，乃大城桂州，其方六里，其木甍瓦石之材，以枚數之，至四百萬有奇。用人之力，以工數之，至一十餘萬。凡所以守之具，無一求而有不給者焉。以至和元年八月始作，而以三年之六月成。夫其爲役亦大矣。蓋公之信於民也，久而費之欲以衛其材，勞之欲以休其力，以故爲是有大費與大勞，而人莫或以爲勤也。古者君臣父子夫婦兄弟朋友之禮失，則夷狄橫而窺中國，方是時，中國非無城郭也，卒於陵夷毀頓，陷滅而不援。然則城郭者，先王有之，而非所以恃而爲存也。及至喟然覺寤，興起舊政，則城郭之修也，又嘗不敢以爲

後蓋有其患而圖之無其具。有其具而守之非其人。有其人而治之無其法。能以久存而無敗者。皆未之聞也。故文王之興也。有四夷之難。則城于朔方。而以南仲宣王之起也。有諸侯之患。則城于東方。而以仲山甫此二臣之德。協于其君。於爲國之本。未與其所先後。可謂知之矣。慮之以悄悄之勞。而發赫赫之名。承之以翼翼之勤。而續明明之功。卒所以攘戎夷而中國以全安者。蓋其君臣如此。而守衛之有其具也。今余公亦以文武之材。當明天子承平日久。欲補弊立廢之時。鎮撫一方。修其民其勤。於今與周之有南仲仲山甫蓋等矣。是宜有紀也。故其將吏相與謀而來取文將刻之城。而告後之人焉。至和三年九月丙辰。羣牧。版官太常博士王某記。

是文雖雜議論而氣体亦不卑

古文園瑞集卷之四十 宋文卷十三

芝閣記

王安石

祥符時封泰山。以文天下之乎。四方以芝來告者萬數。其大吏則天子賜書以寵嘉之。小吏若民輒錫金帛。方是時。希世有力之大臣。窮搜而遠采。山農野老。攀緣狙杙。以上至不測之高。下至澗溪壑谷。分角裂絕。幽窮隱伏。人迹之所不通。往往求焉。而芝出於九州四海之間。蓋幾於盡矣。至今上卽位。謙讓不德。自大臣不敢言封禪。詔有司以祥瑞告者。皆勿納。於是神奇之產。銷藏安翳於蒿藜榛莽之間。而山農野老。不復知其爲瑞也。則知因一時之好惡。而能成天下之風俗。况於行先王之治哉。太丘陳君學文而好奇。芝生於庭。能識其爲芝。惜其可獻而莫售也。故關於其於之東偏。掇取而藏之。蓋其好奇如此。噫。芝一也。或貴於天子。或貴於士。或辱於凡民。夫豈不以時乎哉。士之有道。固不役志於貴賤。而卒所以貴賤者。何以異哉。此予之所以歎也。皇祐五年十月日記。

寓感慨意亦不繁

古文園瑞集卷之四十 宋文卷十三

古勁有氣

餘姚縣海塘記

王安石

自雲柯而南至于某有隄若干尺。然令海水之潮。汝不得冒其旁田者。知縣事謝君爲之也。始隄之成。謝君以書屬予。記其成之始。曰。使來者有考焉。得卒任完之。以不辱謝君者。陽夏人也。字師厚。景初其名也。其先以文學稱天下。而連世爲貴人。至君遂以文學世其家。其爲縣不以材自負。而忽其民之急。方作隄時。歲丁亥十一月也。能親以身當風霜氛霧之毒。以勉民作而除其菑。又能令其民翕然皆勸趨之。而忘其役之勞。遂不踰時以有成功。其仁民之心。效見於事如此。亦可以已。而猶自以爲未也。又思有以告後之人。令嗣續而完之。以永其存。善夫仁人長慮。却顧圖民之災如此其至。其不可以無傳。而後之君子考其傳。得其所以爲。其亦不可以無思。而異時予嘗以事至餘姚。而君過予。與予從容言天下之事。君曰。道以閭大隱密。聖人之所獨鼓萬物以然而皆莫知其所以然者。蓋有所難知也。其治政教令施爲之詳。凡與人共而尤丁寧以急者。其易知較然者也。通塗

古文國朝集

卷之四十一

宋

宋文卷上

川治田桑爲之隄防溝澮渠川以禦水旱之災。而興

學較屬其民人相與習禮樂其中。以化服之。此其尤丁寧以急而較然易知者也。今世吏者其愚也固不知所爲。而其所謂能者。務出奇爲聲威以驚世。震俗至或盡其力以事刀筆簿書之間而已。而反以謂古所爲尤丁寧以急者。吾不暇以爲。吾曾爲之而曾不足。以爲之。萬有一人爲之。且不足以名於世。而見謂材嗜其可歎也。夫爲天下國家且百年而勝殘去殺之效則猶未也。其不出於當時。予良以其言爲然。既

古文國朝集

卷之四十一

宋文卷上

而聞君之爲其縣。至則爲橋於江。治學者以教。養縣人之子弟。既而又有隄之役。於是又信其言之行。而不予欺也。已爲之書其隄事。因并書其言終始。而存之以告後之人。慶曆八年七月日記

古勁有氣格

遊褒禪山記

王安石

褒禪山亦謂之華山。唐浮圖慧褒始舍於其址而卒葬之。以故其後名之曰褒禪。今所謂慧空禪院者。褒之廬冢也。距其院東五里。所謂華山洞者。以其乃華山之陽名之也。距洞百餘步。有碑仆道。其文漫滅。獨其爲文猶可識曰。花山。今言華如華實之華者。蓋音謬也。其下平曠有泉側出。而記遊者甚衆。所謂前洞也。由山以上五六里有穴窈然。入之甚寒。問其深則其好遊者不能窮也。謂之後洞。余與四人擁火以入。

古文國瑋集

卷之四十

宋文卷十三


入之愈深。其進愈難。而其見愈奇。有怠而欲出者。曰不出火且盡。遂與之俱出。蓋予所至。此好遊者尚不能十一。然視其左右來而記之者。已少。蓋其又深則其至又加少矣。方是時予之升峭足。以火尚足以明也。既其出則或咎其欲出者。而予亦悔其隨之而不得極夫遊之樂也。於是子有歎焉。古人之觀於天地山川草木蟲魚鳥獸。往往有得以其求思之深而無不在也。夫夷以近則遊者衆。險以遠則至者少。而世之奇偉瑰怪。非常之觀。常在於險遠。而人之所罕

古文國瑋集

卷之四十

宋文卷十三

至焉。故非有志者不能至也。有志矣。不隨以止也。然力不足者亦不能至也。有志與力。而又不隨以怠。至於幽暗昏惑。而無物以相之。亦不能至也。然力足以至焉。於人爲可譏。而在已爲有悔。盡吾志也。而不能至者。可以無悔矣。其孰能譏之乎。此予之所得也。余於仆碑。又以悲夫古書之不存。後世之謬其傳而莫能名者。何可勝道也哉。此所以學者不可以不深思而慎取之也。四人者。廬陵蕭君圭。君玉。長樂王回。深父。余弟安國。平父。安上。絕父。至和元年七月某日。臨



祭范潁州文

仲淹

王安石

嗚呼我公。一世之師。由初迄終。名節無疵。明肅之盛。身危志殖。瑤華失位。又隨以斥。治功亟聞。尹帝之都。閉姦興良。雅于歌呼。赫赫之家。萬首俯趨。獨繩其私。以走江湖。士爭留公。蹈禍不憚。有危其辭。謁與俱出。風俗之衰。駭正怡邪。蹇蹇我初人。以疑嗟力行不回。慕者興起。儒先首酋。以節相修。公之在貶。愈勇爲忠。稽前引古。誼不營躬。外更三州。施有餘澤。如醴河江。以灌尋尺。宿賊自解。不以刑加。猾盜涵仁。終老無邪。

古文國璋集

卷之四十

三宋文卷三

講藝弦歌。慕來千里。溝川障澤。田桑有喜。戎孽制狂。敢齟我疆。鑄印刻符。公屏一方。取將於伍。後常名顯。收士至佐。維邦之彥。聲之所加。虜不敢瀕。以其餘威。走敵完鄰。昔也始至。瘡痍滿道。藥之養之。內外完好。既其無爲。飲酒笑歌。百城晏眠。吏士委蛇。上喜曰材。以副樞密。稽首辭讓。至于六七。遂參宰相。釐我典常。扶賢贊傑。亂冗除荒。官更於朝。士變於鄉。百治具修。倫墮勉強。彼闕不遂。歸侍帝側。卒屏于外。身屯道塞。謂宜耆老。尚有以爲。神乎燕忍。使至於斯。蓋公之才。

猶不盡試。肆其經綸。功孰與計。自公之貴。廩庫逾空。和其色辭。傲訐以容。化于婦妾。不靡珠玉。翼翼公子。弊締惡粟。閔死憐窮。惟是之奢。孤女以嫁。男成厥家。孰堙于深。孰鏖乎厚。其傳其詳。以法永久。碩人今亡。邦國之憂。矧鄙不肖。辱公知尤。永凶萬里。不往而留。涕哭馳辭。以贊醪羞。

詞意俊拔

古文國璋集

卷之四十

三宋文卷三

彰武軍節度使侍中曹穆公行狀 王安石

公諱瑋字寶臣真定府靈壽縣人少以蔭爲天平正寧二軍牙內都虞候至道中李繼遷盜據河西銀夏等州後又擊諸部并其衆李繼隆范廷召等數出無功而朝廷終棄靈武繼遷遂強屢入邊州爲寇當是時公爲東頭供奉官閤門祇候年十九太宗問大臣誰可使當繼遷者武惠王以公應詔太宗以知渭州而欲除諸司使以遣之武惠王爲公固讓乃以本官知渭州公即位改內殿崇班閤門通事舍人西上

古文國朝集卷之四十一

宋文公集

使用此言
則西夏可
以內附不
成國矣

關門副使移知銀州軍當是時繼遷虐使其衆人多怨者公即移書言朝廷恩信撫納之厚以動之羌人得書往往感泣於是康奴諸族皆內附咸平六年繼遷死其子德明求保塞公上書言繼遷擅中國要害地終身旅拒使謀臣狼顧而憂方其國危子弱不即捕滅後更盛強無以息民當是時朝廷欲以恩致德明寢其書不用而河西大族延家妙等遂拔其部人來歸諸將猶豫未知所以應公曰德明野心去就尚

遲今不急折其羽融而長養就之其飛必矢即自將

古文國朝集卷之四十

宋文公集

騎士入天都山取之內徙德明由此遂弱而至死不敢窺邊大中祥符元年召還除西上閤門使邠寧環慶路兵馬都鈐轄兼知邠州東封遷東上閤門使高州刺史再移真定府三州路都鈐轄已而又以爲涇原路都鈐轄兼知渭州乃圖涇原環慶兩路山川城郭戰守之要以獻真宗留其一樞密院而以其一付本路使諸將出兵皆按圖議事祀汾陰還四方館使初章埋驕於武延鹹泊撥滅掘強於平涼公皆誅之而汧渭之間遂無一羌犯塞八年遷英州圖練使知泰州泰西南羌所屬囉宗哥立遵始大遵獻方物求稱贊普公上書言夷狄無厭足其求必輕中國人臣方疑其事會得公書遂不許而猶以爲保順軍節度使公曰我征避矣又將爲寇吾治兵以俟爾遵使其舅賓樣丹招熟戶郭厮敦爲鄉導公即誘樣丹捕厮敦而許以一州樣丹終殺厮敦公遂奏以爲潁州刺史而樣丹亦舉南市城以獻先是張吉知泰州生事熟戶多去爲遵耳目及公誅樣丹即皆惶恐遵逃公許之入贖自首還故地而至者數千人後遂帖服

其能親正
久又如此

皆爲用。至明年囉遵果悉衆號十萬寇三都公帥三將破之。追北至沙州。所俘斬以萬計。事聞除客省使。康州防禦使。其後又破滅馬波叱臘鬼留等諸羌囉遵遂以窮孤逃入磧中。而公斥境隴上。置弓門威遠。凡十寨。自是秦人無事矣。天禧三年召還除華州觀察使。以西人之恃公也。復以爲鄜延路馬步軍都部署。四年遂除宣徽北院使。鎮同軍節度觀察留後。發署樞密院事。丁晉公用事。稍除不附已者。既貶寇萊公。卽指公爲黨。改宣徽南院使。出爲環慶路都署。又

古文國璋集卷之四十

宋文卷十一

降容州觀察使知萊州。晉公貶乃以公爲華州觀察使。知清州。天聖三年除彰化軍節度觀察留後。知天雄軍。又移知永興軍。而詔使來朝。至則除昭武軍節度使。而復還之。天聖五年以疾病求知孟州得之。會言事者以公宿將有威名。不當置之閒處。乃以爲真定路馬步軍都部署。知定州。七年換彰武軍節度使。八年正月薨于位。年五十八。皇帝爲罷朝兩日。贈侍中。謚曰武穆。公爲將幾四十年。用兵未嘗敗衄。尤有功於西方。舊羌殺中國人。得以羊馬贖死。如羌法。公

以謂如此非所尊中國而愛吾人。奏請不許其贖。又請補內附羌百族以爲上軍主。假以勲階爵秩。如王官。至今皆爲成法。陝西歲取邊人爲弓箭手。而無所給。公以塞上廢地募人爲之。若干畝出一卒。若干畝出一馬。至其重歛發兵戍守。至今邊賴以實。所募皆爲精兵。在渭州取隴外龍干川築城置兵以守。曰後常有川此者。及李元昊叛。兵數出。卒以龍干川爲德順將軍。而自隴以西公所措置。人悉以爲便也。自三都之戰。威震四海。哨所囉聞公姓名。卽以手加額。在

古文國璋集卷之四十

宋文卷十一

天雄契丹使過魏地。輒陰勒其從人。無得高語疾驅。至多憚公不敢仰視。契丹旣請盟。真宗於兵事尤重。慎卽有邊手詔詰難至十餘反。而公每守一議終無以奪。真宗後愈聽信有論邊事者。往往密以付公。可否好讀書。所如必載書數兩。兼通春秋公羊穀梁左氏傳。而尤熟於左氏。始娶潘氏。馮翊郡夫人。忠武軍節度使同中書門下平章事韓國公美之子。後娶沈氏。安國太夫人。故相左僕射論之孫。光祿少卿繼宗之子。子男四人。僖禮賓使知儀州當元昊叛時以策

說大將不能用反罪之還韶州以死倚終內殿崇班
俟供備庫副使拒元昊於瓦亭戰死贈寧州刺史倩
右侍禁一女子適四方館使榮州刺史王德基孫五
人諒諷東頭供奉官諱右侍禁閤門祗候請三班奉
職諡右班殿直

戶部郎中贈諫議大夫曾公墓誌銘

王安石

公諱致堯字正臣其先封鄆鄆云去邑為氏王莽亂
都鄉侯據棄侯之孫章家之蓋豫章之南昌後分為
南豐故今為南豐人可徒為空州刺史再世生仁旺
贈尚書水部員外郎公考也李氏有江南撫州上公
進士第一不就太平興國八年乃舉進士中第選主
符離簿歲餘授興元府司錄道遷大理評事遷光祿
寺丞監越州酒召見拜著作佐郎知淮陽軍將行天
子惜留之直史館賜緋魚袋使自汴至建安軍行漕
詔曰凡三司州郡事有不中理者即驗之最鈞得匿
貨以五百萬計除秘書丞兩潮轉運副使改正使始
諫議大夫知蘇州魏庠侍御史知越州王柄不讐於
政而喜怒縱入庠介舊恩以進柄喜持上公到劾之
以聞上驚曰曾某乃敢治魏庠克畏也克畏可畏也
語轉而然庠柄皆被絀楊允恭督楊子運數言事多
可人厭苦之公每得詔曰使在外便文全已非吾心
也輒不果行允恭告上上使問公公以所守言上錄

神似班史

此薄允恭不聽言苛稅一百三十餘條罷之。移知壽州。壽俗挾貲自豪。陳氏范氏名天下。聞公至皆迎自戢。公亦盡歲無所罰。既代空一城人進。行至夜乃從。二卒騎出城去。郡轉太常博士。主客員外郎。章聖嗣位。常親決細務。公言之。又言民慙甚。宜弛利禁。是時羌數犯塞。大臣議弃銀夏以解之。公奏曰。羌虛款屬我。我分地王之。非計也。令羌席此。功亡種以自助。不過二三年。忠必復起矣。空擇人行塞下。先調兵食待其變而已。不報。二年羌果反。圖靈州。議臣請去靈州。古文國華集卷之四十 宋文卷十二

勿事。公議曰。羌所以易拒者。以靈州綴其後也。判三司監鐵匄院。天子欲以為知制誥。召試矣。大臣或忌之。遷戶部員外郎。京西轉運使。請限公卿大夫子官京師。陳彭年議遣使行諸部。減吏員。下其事京西。公曰。彭年議無賢愚。一切置不用邪。抑擇愚而廢之邪。擇愚而廢之。人材其可以發。暮驗邪。上令趣追使還。數論事。上感之。還公。既而王均誅。命公撫蜀。所剏更百餘事。李繼遷再圖清遠靈武。以丞相齊賢為鄆寧。環慶涇原儀渭經略使。丞相引公為判官。公奏記曰。

亦似史記

兵數十萬。王超既以都部署為之主。丞相徒領一二朝士往臨之。超肯用吾進退乎。吾能以謀付與超。而有不能自將乎。不并將西。無補也。超能薄此重事。願更審計。丞相及公以為言。詔陝西即經略使追兵。皆以時赴。公曰。將在空虛無人之處。事薄而後追兵。如後何。遂辭行。上怒。未有所發。會召賜金紫。公曰。丞相敏中以非功德進官。臣論其不可。而爾臣受命事。未有效。不敢以冒賜固辭。上錄此。貶公為黃州團練副使。既而超果敗。清遠靈武踵亡。會南郊恩復官。知泰州。丁母夫人陳氏憂。外除授吏部員外郎。知泉州。公常謂選舉舊制非是。請得論改之。陳省華子堯咨受請。毀上為奸。以第昇舉。人敗省華。堯咨有邪巧材。朝廷皆患惡。而方幸無敢斥之者。公入十餘疏。辯之。移知蘇州。至五日。移知揚州。揚州守職田歲常得千斛。然遣吏督貧民耕。民苦之。公不使耕。天子方崇符瑞。與昭應諸宮。且出幸祠。公疏言。昔周成王既卜世三十。年七百。然觀於周禮。其經緯國體。人事微細。無不具。則知王者受命。必修人事。以稱天。所以命之之。

意不舉屬之天以怠人事也終曰陛下始卽位以爵
祿得君子近年以來以爵祿畜盜賊大臣愈不擇移
知鄂州封泰山恩遷禮部郎中始解揚州受添支差
多一月公尋自言患公者因復紉公監江寧鹽酒西
祀恩遷戶部郎中以祥符五年五月丁亥疾不起年
六十六階至朝請郎勲至騎都尉遺戒曰毋陷於俗
媚佛夷鬼以汙我家人之行所著仙臆羽翼三十卷
廣中台志八十卷清邊前要五十卷西陲要紀十卷
爲臣要紀三卷直言集五卷文集十卷傳於世尤長
古文國韋集卷之四十

安二 手 宋文卷

未可必也彼誠有命焉雖然其難合也祗所以見正
也孔子曰所謂大臣者以道事君不可則止於戲公
之節非庶幾所謂大臣者歟銘曰
既墓而祀乃升宅原誰來求銘公子與孫公初洎終
惟義之事維才之完而薄于施乃其後人有克厥家
天啓予公非在茲邪
都鄉族之號後漢始有之奔時何得有此譌誤也

古文國韋集卷之四十

三 宋文卷十二

荆湖北路轉運判官尚書屯田郎中劉君墓誌

銘并序

王安石

治平元年五月六日，荆湖北路轉運判官尚書屯田郎中劉君年五十四以官卒。三年十月某日，葬真州揚子縣蜀岡，而子洙以武寧章望之狀來求銘。噫，余故人也，爲序而銘焉。序曰：君諱牧，字先之，其先杭州臨安縣人。君曾大父諱彥琛，爲吳越王將有功，刺衢州，葬西安。於是劉氏又爲西安人。當太宗時嘗求諸有功於吳越者錄其後，而君大父諱仁祥辭以疾。古文園叢集卷之四十 王宋文卷十三

及君父諱知禮又不仕，而鄉人稱爲君子。後以君故贈官至尚書職方郎中。君少則明敏，年十六求舉進士，不中。曰：有司豈枉我哉？乃多買書閉戶治之。及再舉，遂爲舉首。起家饒州軍事推官，與州將爭公事，爲所擠，幾不免。及後將范文正公至，君大喜曰：此吾師也。遂以爲師。文正公亦數稱君勉以學。君論議仁恕，惡人之窮於財物，無所顧計。凡以慕文正公故也。弋陽言人爲客所誣，將抵死，君得實以告。文正公未甚信，然以君故使吏雜治之。居數日，富人得不死。文正

大名宋時
爲北京故
曰留守

古文園叢集

卷之四十

安石

王宋文卷十三

公由此愈知君任以事，歲終將舉京官。君以讓其同官有親而老者。文正公爲歎息許之，曰：吾不可以不。成君之善。及文正公安撫河東，乃始舉君可治劇。於是君爲兗州觀察推官，又學春秋於孫復與石介爲友。州旱蝗，奏便宜十餘事，其一事請通盤茶鹽商，至。今以爲賴。改大理寺丞，知大名府館陶縣。中貴人隨契丹使往來多擾縣，君視遇有理，人吏以無所苦。先是多盜，君用其黨推逐，有發輒得，後遂無爲盜者。詔集強壯刺其手爲義勇，多惶怖不知所爲，欲走。君諭以詔意，爲言利害，皆就刺，欣然曰：劉君不吾欺也。留守稱其能，雖府事往往咨君計策。用舉者通判廣信軍，以親老不行。通判建州，當是時，今河陽宰相富公以樞密副使使河北，奏君掌機宜文字，保州兵士爲亂，富公請君撫視。君自長垣乘驛至其城下，以三日會富公罷出。君乃之建州，方并屬縣諸里，均其徭役，人大喜。而遭職方君喪，以去。通判青州，又以母夫人喪罷。又通判廬州，朝廷弛茶權，以君使江西，議均其稅，蓋期年而後反。客曰：平生聞君敏而敢爲，今濡滯

光州公推
不識知公
之留心於
軍事

若此何故也。君笑曰：是固君之所能易也，而我則不能。且是役也，朝廷豈以爲它亦曰愛人而已。今不深知其利害，而苟簡以成之，君雖以吾爲敏，而人必有不勝其弊者。及奏事，皆聽人果便之，除廣南西路轉運判官。於是修險阨，募丁壯，以減戍卒，徙倉便輸。考攝官功次，絕其行賕。居二年，凡利害無所不與廢。乃移荆湖北路。至踰月卒。家貧無以爲喪，自棺槨諸物皆荆南士人爲具。君娶江氏，生五男二女。男曰洙，沂汶爲進士，洙以君故試將作監主簿，餘尚幼。初君爲古文國璋集卷之四十

宋文卷十三

卷終

歷代古文國璋集卷之四十一

襄西方岳貢禹詩評

宋文

論財利疏

司馬光

仁宗崩，英宗繼體，用日不堪，公方逆諫，青苗之害，而又不可以無聚，乃爲此疏以開廣之。月日具位臣光謹昧死上疏，尊號皇帝。陛下臣聞昔楚莊王以無災爲懼，曰：天豈棄不穀乎？范文子曰：唯聖人能外內無患，然則歲小不登，邊鄙有警，未必非國家之福也。伏見今春天久不雨，陛下憂勞於內，公卿惶恐於外，豈不以公私之積素不充，實苦遇饑饉，將無以相恤乎？一朝京師得雨，遠方未徧，則君臣釋然相慶，不復以民食爲念。陛下安知來歲之旱，不甚於今歲乎？蓋天降災沴，變夷猾夏，寇賊奸宄，此堯舜所不能免也。卽不幸有大水大旱，方二三十里，戎狄乘間而窺邊，細民窮困而爲盜，軍旅數起，久未有功，府庫之蓄積已竭，百姓之生業已盡。陛下當此之時，將以何道救之乎？臣不知陛下與公卿大臣，以此爲必無而不足憂乎？將以爲有之而不爲之備，俟事至

然後憂之也。若俟事至然後憂之。雖以陛下之聖明。得益稷太公以爲輔佐。臣以爲不及矣。何則。聖賢之治。皆積以歲月。然後有功。欲天下之家給人足。固不可一日具也。周易既濟之象曰。君子以思患而豫防之。思患而豫防之。此其時矣。失之愈遠。救之愈難。奈何。日復一日。取過目前而已乎。晉武帝時。何曾謂其子孫曰。吾每見主上所說。皆平生常語。未嘗及經遠大計。吾子孫其及於亂乎。其後五胡構亂。中州覆沒。生民塗炭。幾三百年。繇是觀之。上下偷安。不爲遠謀。

古文圖彙集

卷之四十一

宋文卷

此最國家之大患也。詩曰。哀哉爲猷。匪先民是程。匪大猷是經。維通言是聽。維通言是爭。如彼繁室。於道謀。是用不潰於成。方今之政。何以異此。此臣之夙夜所爲痛心疾首者也。古之王者。藏之於民。降而不能乃藏於倉廩府庫。故上不足則取之於下。下不足則資之於上。此上下所以相保也。今民既困矣。而倉廩府庫又虛。陛下儻不深以爲憂而早爲之謀。臣恐國家異日之患。不在於他。在於財力屈竭而已矣。今朝廷不循其本而救其末。特置寬恤民力之官。分命使

觀溫公此
論因詳不
利用之

者。旁午四出。爭言便宜。以變更舊制。米鹽靡費之集。皆非朝廷所當預者。張議科條。不可勝紀。或不如其舊。益爲民患。或朝三暮四。移在於右。其間果能利民者。不過放散縣官之物。以予民耳。是誠損上益下。王者之仁政也。然臣聞古之聖王。養之有道。用之有節。上有餘財。然後推以予民。是以上下交足。而頌聲作矣。今人者日寡。出者日滋。是所謂厭其原。開其潰。其竭可立而待也。公家既竭。不取諸民。將焉取之。是徒有利民之名。而無利民之實。果何益哉。夫寬恤民力。

古文圖彙集

卷之四十一

宋文卷

在於擇人。不在立法。若守令得人。則民力雖欲毋寬。其可得乎。守令非其人。而徒立苛法。適所以擾民耳。自置此官以來。於今累年。臣訪之民間。未聞其困弊小瘳於前也。然則爲今之術。奈何。曰。在隨材用人。而久任之。在養其本原。而徐取之。在減損浮冗。而省用之。何謂隨材用人。而久任之。夫人之材性。各有所宜。雖則孔之材。不能備爲人之所爲。況其下乎。固當就其所長而用之。今朝廷用人。則不然。顧其出身資叙何如耳。不復問其材之所堪也。故在兩禁。則欲其爲

嚴助司馬相如。任將帥則欲其爲衛青霍去病。典州郡則欲其爲龔遂黃霸。尹京邑則欲其爲張敞趙廣漢。司財利則欲其爲孔僅桑弘羊。世豈有如此人哉。故財用之所以匱乏者。繇朝廷不擇專曉錢穀之人爲之故也。國初三司使或以諸衛將軍諸司使爲之。判官則朝士曉錢穀者皆得爲之。不必用文辭之士也。先朝以數路用人。文辭之士寘之館閣。曉錢穀者爲三司判官。曉刑獄者爲開封府推判官。三者職業不同。趣舍各異。莫相涉也。然後人主以時引對。訪問以察之。使令以試之。積久以觀之。覈其真偽。辨其臧否。考其功效。然後進之退之。未必歷其職者皆須進用。不可復退也。故羣臣各宜其用而萬事交舉矣。朱官久於其業而後明。功久於其事而後成。是以古者世世相承以爲氏姓。先朝陳恕領三司十餘年。至今稱能治財賦者。以恕爲首。豈恕之材智獨異於人哉。蓋得久從事於其職故也。至於副使判官。堪其事者亦未數易也。是以先帝屢行大禮。東封西祀。廣修官觀。而財用有餘者。用人專而任之久故也。近歲三司

使副使判官。大率多用文辭之士爲之。以爲進用之資。塗不復問其習與不習於錢穀也。彼文辭之士。曉錢穀者固。有之矣。然不能專也。於是乎有以簿書爲煩而不省。以錢穀爲鄙而不問者矣。又居官者出入遷徙。有如郵舍。或未能盡識吏人之面。知職業之所主。已捨去矣。臣頃者判度支句院甫二年耳。上自三司。使下至檢法。官改易皆徧。甚者或更歷數人。雖有恪勤之人。夙夜盡心以治其職。人情稍通。綱紀粗立。則捨之而去。後來者意見各殊。則歸之所爲。一皆廢壞。況怠惰之人。因循苟且。惟思便身。不顧公家者。亦如此。而望太倉有紅腐之粟。水衡有貫朽之錢。臣未知其期也。凡百官莫不欲久於其任。而食貨爲甚。何則。二十七年。咄。然後有九年之食。今居官者不滿三歲。安得有二十七年之效乎。臣愚以爲朝廷宜精選朝士之曉練錢穀者。不問其始所以進。或進士。或諸科。或閭閻。先使之治錢穀小事。有功則使之權發遣三司判官事。及三年而察之。實効顯著。然後得權三司判官事。又二年更有實效。然後得爲正三司判官。

其無實效者。退。常。請。勿。復。收。用。其。諸。路。轉。運。使。不。復。以。路。分。相。壓。使。之。久。於。其。任。有。實。效。者。或。自。權。爲。正。自。轉。運。到。使。爲。轉。運。使。無。實。效。者。亦。退。常。請。勿。復。收。用。每。三。司。副。使。闕。則。選。三。司。判。官。及。諸。路。轉。運。使。功。效。尤。著。者。以。補。之。三。司。使。闕。亦。選。於。副。使。以。補。之。三。司。使。久。於。其。任。能。使。用。度。豐。衍。公。私。富。實。者。增。其。秩。使。與。兩。府。同。而。勿。改。其。職。如。此。則。異。日。財。用。之。豐。耗。不。離。於。已。不。得。諉。之。他。人。必。務。爲。永。久。之。規。矣。其。文。辭。之。士。則。自。有。資。塗。不。必。使。爲。錢。穀。之。吏。以。輕。

古文圖彙集

卷之四

宋文卷十三

之也。何謂養其本原而徐取之。善治財者。養其所自來。而收其所有餘。故用之不竭。而上下交足也。不善治財者。反此。夫農工商賈者。財之所自來也。農盡力。則田善收。而穀有餘矣。工盡巧。則器斯堅。而用有餘矣。商賈流通。則有無交。而貨有餘矣。彼有餘而我取之。雖多不病矣。今之有司。自謂能治財者。臣見之矣。凍餒其民。而豐積聚者也。掃土以市祿位。而不恤後人者也。搖拾麻麥。而喪丘山者也。保惜一錢。而費千金者也。不操白刃。而爲寇攘者也。奸巧簿書。而罔君。

特實苦
而之役
刑公改

上者也。必曰。養其所自來。而收其所有餘。則聞者以爲笑矣。夫使稼穡者饒樂。而惰游者困苦。則農盡力矣。堅好便用者獲利。浮偽侈靡者不售。則工盡巧矣。公家之利。捨其細而取其大。散諸近而取諸遠。則商賈流通矣。農工商賈。皆樂其業。而安其富。則公家何求而不獲乎。夫農天下之首務也。古人之所重。而今人之所輕。非獨輕之。又困苦莫先焉。何以言之。彼農者。苦身勞力。衣粗食糲。官之百賦出焉。百役歸焉。歲豐則賤買其穀。以應官私之求。歲凶則流離凍餒。先。

古文圖彙集

卷之四

宋文卷十三

衆人填溝壑。如此而望浮食之民。轉而緣南畝難矣。彼直生而不知市井之樂耳。苟或知之。則去而不返矣。故以今天下之民度之。農者不過二三。而浮食者常七八矣。欲倉廩之實。其可得乎。臣愚以爲凡農民租稅之外。宜無有所預。衙前富募人爲之。以優重相補。不足則以坊郭上戶爲之。彼坊郭之民。部送網運。典領倉庫。不費二三。而農民常費八九。何則。假利懸愚之性。不同故也。其餘輕役。則以農民爲之。歲豐則官爲平糶。使穀有所歸。歲凶則先案籍。則贖農民。而。

後及浮食者。民有能自耕種積穀多者。不籍以爲家
貲之數。如此。則穀重而農勤矣。彼百工者。以時俗爲
心者也。時俗貴用物而賤浮僞。則百工變而從之矣。
時俗者。以在上之人爲心者也。在上好朴素而惡淫
侈。則時俗變而從之矣。其百工在官者。亦當擇人而
監之。以工致爲工。華靡爲下。物勒工名。謹考其良苦
而誅賞之。取其用。不取其數。則器用無不精矣。彼商
賈者。志於利而已矣。今縣官數以一切之計。變法更
令。棄信而奪之。彼無利。則棄業而從他。縣官安能止
之哉。是以茶鹽棄捐。征稅耗損。凡以此也。然則縣官
之利。果何得哉。善治財者不然。將取之必予之。將歛
之必散之。故日計之不足。而歲計之有餘。此乃白圭
猗頓之所知。豈國家選賢擇能以治財。其用智。顧不
如白圭猗頓耶。患在國家任之不久。責近效而遺遠
謀故也。夫伐薪者。刈其條。牧養其本根。則薪不絕矣。
若并本根而伐之。其得薪豈不多哉。後無繼矣。是非
難知之道也。然有司不爲者。彼其心曰。吾居官不日。
而遷。不立効於目前。以自顯。顧養財以遺後之人。使

爲功。吾何賴焉。是非特有司之罪也。亦朝廷用人之
法。驅之使然也。何謂減省浮冗而省用之。昔太祖初
得天下之時。止有一百一十一州耳。江南兩浙西川
富饒之土。皆爲異域。又承五代荒亂之餘。府庫空竭。
豪傑基布於海內。戎狄窺覲於邊境。戎車歲駕。四方
多虞。當是之時。內給百官。外奉軍旅。誅除僭僞。賞賜
鉅萬。未嘗聞財用不足。如今日之汲汲也。陛下承祖
宗之業。奄有四百餘州。天下一統。戎狄款塞。富饒之
土。貢賦相屬。承平積久。百姓阜安。是宜財用羨溢。百
倍於前。奈何竭府庫之所蓄。罄率土之所有。當天下
無事之時。遽遑焉專放輕費而不足。萬一有不可期
之災患。將何以待之乎。夫以國初之狹隘。艱難。財用
虛不足而有餘。今日之廣太。安寧。財用宜有餘而不
足。陛下亦嘗熟思其所以然之理乎。得非太祖所養
者。皆有功有用之人。陛下養者。未必盡有功用乎。
臣竊見陛下天懷恭儉。不好侈靡。宮室苑囿。皆因祖
宗之舊。無所更造。出獵慎苑囿。不加修治。飲膳衣服。
器與帷帳。適足供用。不極精華。或苦惡弊。絕亦不更

易雖唐虞之士階三尺茅茨不翦。殆無以過。然左右侍御之人。宗戚貴臣之家。第宅園囿。服食器用。往往窮天下之珍。極一時之鮮明。惟意所欲。無復分限。以豪華相尚。以儉陋相訾。愈厭而好新。月異而歲殊。是以費用不足。則請求無厭。旬貸不恥。甚者或依憑詔令。以發府庫之財。假託供奉。以糜判官之物。真偽莫辨。多少不會。陛下聖度寬仁。不欲拒塞惡聞。人過不加案詰。至於頒賜外廷之臣。亦皆踰溢常數。不循舊規。如鼎者皇女初生。所散包子之類。費用不可勝紀。臣嘗聞者舊之人言。先朝公主在官中。俸錢不過月五千。其餘後官月給。大抵倣此。非時未嘗輕有賜予。雖有賜予。亦不甚豐。竊聞近日。俸給賜予。比於先朝。何啻數十倍矣。漢明帝曰。我子豈宜與先帝子等乎。夫等猶不可。又況過之。是以祖宗之積。窮於賜予。困於浮費。臣不能知其詳。以外望度之。什耗七八矣。內藏已虛。而浸淫於左藏矣。夫府庫者。聚天下之財。以爲民也。非以奉一人之私也。祖宗所爲。置內藏者。以備饑饉。兵革非常之費。非以供陛下奉養賜予之

具也。今內藏庫專以內臣掌之。不領於三司。其出納之多少。積蓄之虛實。簿書之是非。有司莫得而知也。若皆以奉養賜予而盡之。一旦有饑饉兵革之事。三司經費。自不能周。內藏又無所仰。歛之於民。則民已困竭。得無狼狽而不支乎。此臣夙夜所懷懼也。今陛下所以有唐虞之德。而無唐虞之治者。其失在於不忍而好予。不忍則不誅。有罪奸予。則不待有功。不誅有罪。則姦邪欺罔而不忌。不待有功。則貪倅微幸而無厭。治道之所以不格於上下者。凡以此也。昔韓昭侯有敝袴。命藏之。侍者曰。君亦仁者矣。不賜左右而藏之。昭侯曰。吾聞明主愛一頓一笑。頓有爲。頓笑有爲。笑今袴豈特頓笑哉。吾必待有功者。彼小國諸侯。猶能慎賞如是。而國以富彊。況以四海之主。不行無功微幸之賞。杜塞甘言悲辭之請。則唐虞之治。何遠之有哉。夫府庫金帛。皆生民之膏血。州縣之吏。鞭撻其丁壯。凍餒其老弱。銖銖寸寸而誅之。今以富大之州。終歲之積。輸之京師。適足以供陛下一朝恩澤之賜。貴臣一日飲宴之費。陛下何獨不忍於目前之群

臣而忍之於天下之百姓乎。夫以陛下恭儉之德。擬乎唐虞。而百姓困窮之弊。鈞於秦漢。秦漢竭天下之力以奉一身。陛下竭天下之力以資衆人。其用心雖殊。其病民一也。此臣之所以尤戚戚者也。又宮掖者風俗之原也。貴近者衆庶之法也。故宮掖之所尚。則外必爲之貴。近之所好。則下必效之。自然之勢也。是以內自京師士大夫。外及遠方之人。下及軍中士伍。無不慕民其服食器用。比於數十年前。皆華靡而不實矣。鄙之所有。今人見之。皆以爲鄙陋而笑之矣。

古文國庫集 卷之四十一

主宋文卷十三

夫天地之產有常。而人類日繁。畊者寔寡。而游手日衆。嗜慾無極。而風俗日奢。欲財力之無屈得乎哉。又府史胥徒之屬。居無廩祿。進無榮望。皆以啗民爲生者也。上自公府省寺。諸路監司。州縣鄉村。倉場庫務之吏。詞訟追呼。租稅徭役。出納會計。凡有毫厘之事。關其手者。非賂遺則不行。是以百姓破家壞產者。非縣官賦役。獨能使之然也。太半盡於吏家矣。此民之所以重困者也。又國家比來政令寬弛。百職廢。在上者簡倨而不知省察。在下者侵盜而恣爲奸利。是

以每有營造買買。其所費財物。十倍於前。而所收功利。曾不一二。此國用之所以尤不足者也。又自古百官皆有常員。而國家因廢勘之法。滿歲則遷。日滋月盛。無復限極。是以一官止數百人。則俸祿有增而無損矣。又近歲養兵務多。不務精。夫兵多而不精。則力用寡。而衣糧費。衣糧費。則府庫耗。府庫耗。則賜賚稀。是以不足者豈惟民哉。兵亦貧矣。策之失者無甚於此也。凡此數者。皆所以竭民財者也。陛下安得熟視而無所變更耶。臣愚伏願陛下觀今日之弊。思將來

古文國庫集 卷之四十二

主宋文卷十三

之患。深自抑損。先錄近始。凡宗室外戚。後宮內臣。以至外廷之臣。俸給賜予。皆循祖宗舊規。勿復得援用近歲僥倖之例。其踰越常分。妄有干求者。一皆塞絕。分毫勿許。若神請不已者。宜嚴加懲譴。以警其餘。凡文思院後苑作所爲奇巧珍玩之物。不急而無用者。一皆罷省。內自妃嬪。外自宗戚。下至臣庶之家。敢以奢麗之物。夸眩相高。及貢獻賸遺。以求悅媚者。亦明治其罪。而焚毀其物於四達之衢。專用樸素。以率先天下。矯正風俗。然後登用廉良。誅退貪殘。保佑公直。

消除奸蠹。澄清庶官。選練戰士。不祿無功。不食無用。如此行之。久而不懈。臣見御府之財。將朽蠹而無所容貯。太倉之粟。將彌漫而不可益藏。農夫棄耒於畝。商賈讓財於道路矣。孰與今日汲汲以應目前之求。懔懔以憂將來之困乎。夫食貨者天下之急務。今窮乏如是。而宰相不以爲憂。意者以爲非已之職故也。臣願陛下復置總計使之官。使宰相領之。凡天下金帛錢穀。隸於三司。及不隸三司。如內藏庫奉宸庫之類。總計使皆統之。小事則官長專達。大事則謀於總計使。而後行之。歲終則上其出入之數於總計使。總計使量入以爲出。若入寡而出多。則總計使察其所。以然之理。求其費用之可省者。以奏而省之。必使歲餘三分之一。以爲儲蓄。備禦不虞。凡三司使副使判官轉運使及宰內藏奉宸等庫之官。皆委總計使察其能否。考其功狀。以奏而誅賞之。若總計使久試無效。則乞陛下罷退其人。更置之。議者必以爲宰相論道經邦。變理陰陽。不當領錢穀之職。是皆愚人不知治體者之言。昔舜舉八愷。使主后土。桑扈艱食。質

遷有無。地平天成。九功惟叙。周禮冢宰以九職九蠲。九式九貢之法。治財用。唐制以宰相領益鐵度支戶部。國初亦以宰相都提舉三司水陸發運等使。是則錢穀自古及今。皆宰相之職也。今譯經潤文。猶以宰相領之。豈有食貨國之大政。而謂之非宰相之事乎。必若府庫空竭。閭閻愁困。四方之民。流轉死亡。而曰我能論道經邦。變理陰陽。非愚臣之所知也。臣不勝狂愚。冒犯忌諱。惟陛下裁察。臣光昧死再拜上疏。

宋宰自仁英以後。國用漸屈。日就不支。雖非判公

亦須變法。故溫公此疏。極言財用經制。但行之有便不便耳。

論徙禁兵于淮南

司馬光

在京禁軍及其家屬率皆生長京師親姻聯布安居樂業衣食縣官日久年四十五未爲衰老尚任征役一旦別無罪冒削募遠徙是橫遭降配也汰既多人情惶惑大致愁怨雖國家既承平糾綱素張此屬恂恂亦無能爲然詔書一下萬一有道路流言驚動百姓朝廷欲務省事復爲收還則頓失威重向去不復可挽今驕兵若遂推行則衆怨難犯梁室分魏博之兵致張彥之亂此事之可鑑者也且國家竭天下

古文國瑞集

卷之四十一

宋文

卷十三

之財養長征兵士本欲備禦邊陲今淮南非用武之地而多屯禁軍坐費衣食是養無用之兵實諸無用之地也又使邊陲常無事則已異日或小有警急主兵之臣必爭求益兵京師之兵既少必須使者四出大加召募廣爲揀選將數倍多於今日所退之兵舊兵尚請衣糧而新兵更添衣糧是棄已教閱經戰之兵而收市井喇訖之人本欲減冗而冗兵更多本欲省大費而大費更廣切恐非計之得也臣愚伏願朝廷且依舊法每歲揀禁軍有不任征戰者減充小分

小分復不任執役者放令聽其自便在京居止但勿使老病者尚占兵籍虛費衣糧人情既安於所習皆無怨嗟國家又得其力用不爲虛設冗兵既去大費自省茲事繫國家安危不敢不言
汰兵最易激變莫若以練之之法汰之溫公所言近之矣

古文國瑞集

卷之四十一

宋文

卷十三

乞罷保甲疏

司馬光

兵出民間。雖云古法。然古者八百家纔出甲士三人。步卒七十三人。閭民甚多。三時務農。一時講武。不妨稼穡。自兩司馬以上。皆選賢士大夫爲之。無侵漁之患。故卒乘輯睦。動則有功。今藉鄉村人民。三丁取一。以爲保甲。授以弓弩。教之戰陳。是農民半爲兵也。三四年來。又令河北河東陝西置都教場。無間四時。每五日一教。特置此使者。比監司專切提舉。州縣不得干預。每一丁教閱。一丁供送。雖云五日。而保正長以

古文國瑋集

卷之四十一

宋文卷十一

泥糊除草爲名。日聚教場。得賂則縱。不則留之。是三路耕耘收穫稼穡之業。幾盡廢也。自唐開元以來。民兵法壞。戍守戰功。盡募長征兵士。民間何嘗習兵。夫兵者凶器。聖人不得已而用之。國家承平百餘年。四夷順服。戴白之老。不識兵革。一旦畎畝之人。忽皆戎服執兵。奔驅滿野。耆舊歎息以爲不祥。事既草創。調發無法。比戶騷然。不遺一家。又巡檢指使。按行鄉村。往來如織。保正保長。依倚弄權。坐索供給。多責賂遺。小不副意。妄加鞭撻。蠶食行伍。不知紀極。中下之民

罄家所有。侵肌削骨。無以供億。愁苦困弊。靡所投訴。流移四方。極負盈路。又朝廷時遣使者徧行按閱。所至犒設賞資。糜費金帛。以巨萬計。此皆鞭撻平民。鉅兩丈尺。而歛之。一旦用之。如糞土。而鄉村之民。但勞苦役。不感恩澤。於農民之勞。旣如彼。國家之費。又如此。終何所用哉。若使之捕盜賊。衛鄉里。則何必如此之多。若使之戍邊境。征戎狄之民。以騎射爲業。以攻戰爲俗。自幼及長。更無他務。中國之民。生長太平。服田力穡。雖復授以兵械。教之擊刺。在牧場之中。坐作

古文國瑋集

卷之四十一

宋文卷十一

進退。有似嚴整。必若使之與戎狄相遇。填然鼓之。鳴鏑始交。其奔北潰敗。可以前料。決無疑也。是猶驅羣羊而戰豺狼也。當是時。豈不誤國事乎。又悉罷三路巡檢下兵士。及諸縣弓手。皆以保甲。令主簿兼縣尉。但主草市以裏。其鄉村盜賊。悉委巡檢兼掌。巡按保甲教閱。朝夕奔走。猶恐不辦。何暇逐捕盜賊哉。及保甲中。往往有自爲盜者。亦有乘保馬行劫者。然則設保甲保馬。本欲除盜。又更資盜也。自教閱保甲以來。河東陝西京西盜賊已多。至敢白晝公行人縣鎮殺

官吏官軍追討經歷歲月終不能制况三路未至大錢而盜賊已昌熾如此萬一遇數千里之蝗旱而失業饑寒武藝成就之人所在峰起以應之其爲國家之患可勝言哉此非小事不可以忽夫奪其衣食使無以爲生是驅民爲盜也使比屋習戰勸以官賞是教民爲盜又撤去捕盜之人是縱民爲盜也謀國如此果爲利乎害乎且嚮者十進之士說先帝以征伐四夷開邊拓土之策故立保甲戶馬保馬等法近者登極赦書節文云應緣邊州軍仰逐處長吏并巡檢古文國瑋集卷之四十一

宋文卷十三

惡賊人者各隨功大小選補職級或補班行務在假弓手使人勸募然後募本縣鄉村戶有勇力武藝者投充計即保甲中有勇力武藝者必多願應募者一人闕額有二人以上爭投者即委本縣令尉選武藝高强者充武藝衰退者許他人指名與之比較若武藝勝與舊者即令充替其被替者更不得蔭田如此則不必教閱武藝自然精熟一縣之中其壯勇者既爲弓手其羸弱者雖使爲盜亦不能爲患仍委本州及提點刑獄常按察令佐有取捨不公者嚴行典憲若召募不足即且於鄉村戶上依舊法權差候有投名者即令充替其餘巡檢兵士縣尉弓手耆長壯丁逐捕盜賊並乞依祖宗舊法

使人自爲教練上無犒設之費而下無騷擾之苦甚便計也荆公之讀周禮不若溫公之讀周禮遠甚

上謹習疏

司馬光

宋自仁宗以皆思後不誤臣下常
越常制無正法公上此以厲之

月日具位臣光謹昧死上疏尊號皇帝陛下臣以驚
寒之質再為諫官荷陛下寵祿之優責任之重夙夜
震恐不遑寧處思極竭愚忠以報塞萬一顧瑣瑣細
務皆不足以煩瑣聖聽竊以國家之治亂本於禮而
風俗之善惡繫於習亦子之啼無有五方其聲一也
及其長則言語不通飲食不同有至死莫能相為者
是無他焉所習異也至於古今亦然有服古之衣冠
古文園瑋集卷之甲

宋文卷上

於今之世則駭於州里矣服今之衣冠於古之世則
僂於有司矣衣冠烏有是非哉習與不習而已矣夫
民朝夕見之其心安焉以為天下之事正應如此一
旦驅之使去此而就彼則無不憂疑而莫肯從矣昔
秦廢井田而民愁怨王莽復井田而民亦愁怨趙武
靈王變華俗效胡服而羣下不悅後魏孝文帝變胡
服效華俗而羣下亦不悅繇此觀之世俗之情安於
所習所未見固其常也是故上行下效謂之風薰
蒸漸漬謂之化淪胥委靡謂之俗眾心安定謂之俗

及大風化已失流俗已成則雖有辯智非能論也獨
毅不能制也重賞不能勸也嚴刑不能止也自非聖
人得位而臨之積百年之功莫之能變也周易履之
象曰君子以辨上下定民志故天子之令必行於諸
侯諸侯之令必行於卿大夫士卿大夫士之令必行
於庶人使天下之勢如身之使臂臂之使指莫不率
從詩曰勉勉我王綱紀四方此禮之本也昔三代之
王皆習民以禮故子孫數百年享天之祿及其衰也
雖以晉楚齊秦之強不敢篡蔑王室豈其力不足哉
古文園瑋集卷之甲

宋文卷上

知天下之不已與也於是乎翼戴王命以威懷諸侯
而諸侯莫敢不從所以然者猶有先王之遺風餘俗
未絕於民故也其後日以衰薄下陵上替晉平公之
世魯子服回如晉還謂季孫意如曰晉之公室將遂
卑矣六卿彊而奢傲將因是以習習實為常能無卑
乎其後趙魏韓氏卒分晉國習於君臣之分不明故
也降及漢氏雖不能若三代之盛王然猶尊君卑臣
敦尚名節以行義取士以儒術化民是以王莽之亂
民思劉氏而卒復之亦眉雖羣盜猶立宗室以從民

望三郎矯託名氏而燕趙響應董卓之亂袁紹以誅卓爲名而州郡雲合曹操挾獻帝以令諸侯而天下莫能與之敵操之心豈不欲廢漢而立哉然沒身不敢爲者畏天下之人疾之也自魏晉以降人主始貴通才而賤守節人臣始尚浮華而薄儒術以先王之禮爲糟粕而不行以純固之士爲鄙樸而不用於是風俗日壞入於偷薄叛君不以爲恥犯上不以爲非惟利是從不顧名節至於有唐之衰麾下之士有居逐元帥者朝廷不能討因而撫之拔於行伍授以

古文國瑋集卷之四十一

宋文卷三

刑賞斷於聖志然後人主之勢重而羣臣懾服矣於是前削藩鎮齊以法度擇文吏爲之佐以奪其殺生之柄擊其金穀之富還其麾下精銳之士聚諸京師以備宿衛制其腹心落其爪牙使不得陸梁然後天子諸侯之分明而悖亂之原塞矣於是節度使之權歸於州鎮員之權歸於縣又分天下爲十餘路各置轉運使以察州縣百吏之臧否復漢部刺史之職使朝廷之令必行於縣縣之令必行於吏民然後上下之叙正而紀綱立矣於是申明軍法使自押官以上各有階級以相臨統小有違犯罪皆殊死然後行伍之政肅而士用命矣此皆禮之大節也故能四征不庭莫不率服沃壤九州以陟禹之迹至於真宗重之以明德繼二聖之志夙夜孜孜宣布善化銷鑠惡俗以至於今治平百年頑民殄絕衆心咸安此乃曠世難成之業陛下當戰戰慄慄守而勿失者也臣竊見陛下有中宗之嚴恭文王之小心而小大之政多謙讓不決委之臣下誠使所委之人常得忠賢則可矣萬一

古文國瑋集卷之四十一

宋文卷三

員者節之牙將也

以大臣判
州府而
轉運使
之亦爲
休蓋寬
嚴皆不
可也

有奸邪在焉。豈不危甚矣哉。古人所謂委任而責成
功者。擇人而授之職業。養壯之務。不身親之也。至於
爵祿廢置。殺生予奪。不由已出。不可也。洪範曰。惟辟
作威。惟辟作福。臣之有作威作福。害於而家。凶於而
國。威福之柄。一失於人。而習以爲常。則不可復收矣。
此明主之所慎也。又頃以西鄙用兵。權置經略安撫。
使總一路之兵。得以便宜從事。及西事已平。因而不
廢。其河東一路。總二十二州軍。歸時節度使之權。不
能及矣。唐始置沿邊八節度。亦如是而已。以其權任

古文國璋集

卷之四十一

宋文卷三

太重。故後世有跋扈之臣。洛誥曰。毋若火始餓餓厥
攸。灼敘弗其絕。言慎其微也。又將相大臣典諸州者。
多以貴倨自恃。轉運使欲振舉職業。往往故違戾而
不肯從。夫將相大臣在朝廷之時。則轉運使名位固
相遠矣。及在外爲知州。則轉運使統諸州職也。烏得
以一身之貴庇一州之事。轉運使不得問哉。漢刺史
以六百石吏督察二千石。豈以名位之貴賤哉。又自
景祐以來。國家怠於久安。樂因循而冷省事。執事之
臣頗行姑息之政。於是胥吏譁譁而斥逐御史中丞。

古文國璋集

卷之四十二

宋文卷三

輦官悖慢而廢退宰相。衛士凶逆而獄不窮奸。澤加
於舊。軍人罵三司使而法官以爲非犯階級。疑於用
法。朝廷雖特誅其人。而已停之卒。復收養之。其餘有
一夫流言於道路。而爲之變令推恩者多矣。凡此數
者。殆非所以習民於上下之分也。夫朝廷者。四方之
表儀也。朝廷之政如是。則四方必有其者矣。於是元
帥畏偏裨。偏裨畏將校。將校畏士卒。奸邪怯懦之臣。
至有簡省教閱。使之驕情。保庇羸老。使之繁冗。屈撓
正法。使之縱恣。詆訾衆官。使之憤惋。甘言諂笑。靡所
不至。於是士卒翕然譽之。而歸怨於上矣。彼既爲之。
則此効之。下旣言之。則上從之。前旣行之。則後襲之。
苟彼爲而此不效。下言而上不從。前行而後不襲。則
怨怒聚於其身。而禍亂生矣。長此不已。日滋月益。民
之耳目習而安之。此有以異唐之季世乎。後魏孝明
帝時。征西將軍張彝子仲瑀上封事。欲抑損武人。不
預清品。羽林虎賁千餘人焚焚策。殺彝父子。官爲收
捕凶強者八人斬之。其餘大赦以安之。懷朔鎮人高
歡時奉使至洛陽。見之歸而散家財以結客。曰。朝政

如此事可知矣。於是始有飛揚之志。由是觀之。紀綱不立。則奸維生心矣。夫祖宗苦身焦思。以變衰唐之俗。而陛下高拱熟視。以成後魏之風。此臣之所為陛下痛惜也。臣愚以為陛下當奮剛健之志。宣神明之德。凡羣臣奏事。皆察其邪正。辨其臧否。熟問深思。求合於道。然後賞罰黜陟。斷而行之。則天下孰不曠然。悅喜。詩曰。君子如怒。亂庶遄沮。君子如祉。亂庶遄已。蓋言無所臧否之為患大也。經略安撫使有征討之事。則置之。無事。則當廢之。儻未能廢。則軍事迫急。不

古文國璋集 卷之四十一

宋文卷三

暇奏知者。使專之可也。其餘民事。皆委之州縣。一斷於法。或法重情輕。情重法輕。可殺可徒。可宥可赦。並聽本州申奏。決之朝廷。何必出於經略安撫使哉。轉運使規畫號令。行下諸州。而諸州違戾不從者。朝廷當辨其曲直。若事理實可施行。而州將恃貴勢故違之者。當罪州將。勿罪轉運使。將較士卒之於州縣及所統之官。或公卿大臣有恃慢無禮者。明著階級之法。使屬者不疑。將帥之官。有廢法違道以取悅於下。歸怨於上者。當隨其輕重。誅竄廢黜。公正無私。御衆

嚴整者。當量其才能。擢用褒賞。如是則上之人難。而下用命矣。上之人難動。而下用命。此所以尊朝廷也。上下已明。綱紀已定。然後修儒術。隆教化。進敦篤。退浮華。使禮義興行。風俗純美。則國家保萬世無疆之休。倘倚南山而坐平原也。臣光昧死。再拜上疏。此論諸事。大概指上下凌替無法度以治故也。然後荆公改制而人情又不悅。

古文國璋集 卷之四十一

宋文卷三

乞罷刺陝西義勇第二上殿劄子 司馬光

臣近曾上言乞罷刺陝西義勇事。未審朝廷曾與不曾別爲商量。臣前次上殿乞陛下留意備邊。所謂備者。非但添屯軍馬。積貯糧草而已。在於擇將帥而脩軍政。今將帥不才者未聞有所更改。軍政頽弊者未聞有所振舉。而忽取腹內州軍之民。盡刺以爲兵。外人聞之無不駭愕。今陝西沿邊正軍動以萬數。朝廷若能擇有方略膽勇之人以爲將帥使之簡去疲弱。選取精銳。勸加教習。明行賞罰。則雖欲取銀夏而稅其地。擒趙諒祚而制其命。有何所難。況但止其鈔盜乎。今朝廷不孜孜以將帥軍政爲急。而無故籍耕桑之民使之執兵。徒有驚擾而實無所用。臣不知誰爲陛下盡此策也。昔康定慶曆之間。朝廷以元昊犯邊。官軍不利。已曾籍陝西之民以爲鄉弓手。始者明出勅賜云。但欲使之守護鄉里。必不刺充正軍。屯戍邊境。勝猶未收。而朝廷盡刺充保捷指揮。今於邊州屯戍。當是之時。臣丁憂在陝。備見其事。民皆生長太平。不識金革。一旦誦發爲兵。自陝以西間閭之間。如人

古文國瑋集卷之四十一

宋文卷三

未練土兵
不當先使
當敵

古文國瑋集卷之四十一

宋文卷三

人有喪。戶被掠。號哭之聲。滿天亘野。天地爲之慘慘。日月爲之無色。往往逃避於外。官中繫其父母妻子。急加追捕。鬻賣田園以充贖賞。斃刺面之後。人員教頭利其家富。百端誅剝。衣糧不足以自贍。須至取於私家。或屯戍在邊。則更須千里供送。祖父財產。日銷月鑠。以至於盡。況其平生所習者。惟桑麻耒耜。至於甲冑弩架。雖日加教閱。不免生疎。而又資性憊愚。加之畏懦。臨敵之際。得便即思退走。不惟自喪其身。兼更搜動大陣。自後官中知其無用。遂大加沙汰。裕與公憲。放令逐便。而墮游已久。不復肯服稼穡之勞。兼田產已空。無所復歸。皆流落凍餓。不知所在。長老至今言之。猶長歎出涕。其爲失策。較然可知。足以爲後來之戒。而不足以為法也。今朝廷雖云所籍之民。止刺手背。農隙之時。委州縣召集教閱。只在鄉里。不令戍邊。而民間懲往年之事。必大興詆言。互相驚擾。朝廷號令失信。前後已多。雖州縣之吏。編至民家。面加曉諭。亦終不肯信。逃亡避匿。刑獄必繁。怨嗟之聲。周遍一方。足以動搖羣心。感傷和氣。若使分毫有益

于國亦無所顧。此有害無益。顯然明白。近在目前。設使教習得成。一旦諒祚大舉入寇。邊臣不能捍禦。而使之深入三輔。東過潼關。乃欲驅此烏合村民以拒之。不亦難乎。此適足以取戎狄之笑而已。伏望陛下軫念生民。深察得失。其刺義勇事。早賜寢罷。取進止。欲團練土兵。當視民情。不宜以官法拘督。王荊公立保甲法。少年無賴者。皆自出投募。而責父兄供調。在在苦之。官不得其用。而私家多破壞矣。義勇之刺。亦猶此也。況名曰土兵。而其後入籍為正軍乎。

古文國瑞集

卷之四十一

聖

宋文卷三

乞聽宰臣等辭免郊賜制

司馬光

臣伏觀宰臣曾公亮等。奏以河朔舊冷。調用繁冗。欲望將來大禮畢。兩府臣寮。更不賜銀絹。奉聖旨。送學士院取旨議者。或以爲兩府所賜無多。納之不足以富國。而於待遇大臣之禮太薄。頗爲傷體。臣愚竊以爲不然。古者冢宰制國用。視年之豐耗。並入以爲出。固不可於飢饉之時。守豐登之法也。是故歲凶年穀不登。君膳不祭肺。大夫不食梁。士飲酒不樂。明君臣上下皆當深自貶損。以救民急也。臣竊惟國家帑藏素已空虛。重以今歲河北之地。災害特甚。曩者慶曆之末。河決商胡。民田雖傷。官倉無損。而河北父子相食。飢殍蔽野。今河決之外。加以地震。官府民居蕩爲糞壤。繼以霖雨。倉粟腐朽。軍食空乏。何暇及民。冬夏之交。民必大困。甚於慶曆之時。國家豈可坐而視之。不加賑救乎。況復城櫓須修。河防應塞。百役並興。所費不貲。當此之際。朝廷上下。安得不同心協力。痛加裁損。以徇一方之急。凡宜布惠澤。則宜以在下爲先。樽節用度。則宜以在上爲始。今欲裁損諸費。不先于

古文國瑞集

卷之四十一

聖

宋文卷三

貴者近者則疎遠之人安肯甘心而無怨乎必若爲臣有大勲於天下雖錫之山川土田附庸何爲不可若止因郊禮陪位而受數百萬之賞臣竊有所不安矣臣前所謂賞賜無節者此亦其一也雖臣下不辭猶應裁減況其自辭裁之何損乎儻若但務因循姑息度日欲裁損乘輿供奉之物則曰減於制度大爲削弱非所以華國欲裁損大臣無功之賞則曰所減無多虧傷大體非所以養賢欲裁損羣下浮冗之費則曰人情不悅恐致生事非所以安衆如此則是國

古文國璋集

卷之四十一

宋文卷三

用永無可省之日下民永無蘇息之期必至於涸竭窮極然後止也且君子之所尚者義也小人之所徇者利也爲國者當以義褒君子以利悅小人今大臣以災害之故辭錫賚以佐百姓之急義之可褒者也陛下從而聽之乃所以爲厚非所以爲薄也雖然兩府銀絹止於二萬匹兩未足以救今日之災又國家舊制每遇郊禮大賚四海下逮行伍無不霑洽不可於公卿大夫全無賜予臣愚以爲文臣自大兩省以上武臣及宗室自正任刺史以上內臣自押班以上

將來大禮畢所賜並宜減半俟佗年豐稔自依舊制其文武朝臣以下一切更不減似爲酌中臣亦知此物未能富國誠冀國家因此漸思減損其餘浮費自今日爲始耳臣素愚戇識慮膚淺所言者皆目前之實狀非奇偉之高論也伏望陛下更賜裁察若果有可取乞斷自聖志勿爲衆言所移則天下幸甚取進止

古文國璋集

卷之四十一

宋文卷三

況止於大臣乎

歷代古文國瑋集卷之四十二

襄西方岳貢禹修評選

宋文

上體要疏

司馬光

公此疏極爲論多功少者言以神宗圖治甚急不得要領故也然卒不能用

月日具位臣司馬光謹昧死再拜上疏皇帝陛下臣准御史臺牒伏奉四月二十日詔敕傳曰近臣盡規以其榮恥休戚與上同也今在此位者視朕過失與朝廷政事之闕默而不言乃或私議竊歎若以爲其

古文國瑋集卷之四十二

宋文卷南

責不在已夫豈皆習見成俗以爲當然其亦有合章懷寶待唱而發者也今百度廢弛風俗偷惰薄惡裁異譴告不一此誠忠賢助朕憂惕以勅制改法救弊除患之時宜令侍從官自今視朕過失與朝廷政事之闕無有巨細各具章奏極言無隱噫言善而不用朕有厥咎導之而弗言爾爲不恭朕將用此考察在位所以事君之實明黜陟焉臣以驚下之材自仁宗皇帝時蒙擢在侍從服事三朝恩隆德厚隕身喪元不足爲報雖訪問所不及猶將披肝瀝膽以効其區

維引經傳
斷以已意
有似劉子
政

區之忠況聖意采納之勤督責之嚴諄諄如此臣敢營私避怨匿情愛已不爲陛下別白當今之切務庶幾少補萬分之一耶臣聞爲政有體治事有要自古聖帝明王垂拱無爲而天下大治者凡用此道也何謂爲政有體君爲元首臣爲股肱上下相維內外相制若網之有綱綱之有紀故詩云勉勉我王綱紀四方又云豈弟君子四方之綱古之王者設三公九卿二十七大夫八十一元士以綱紀其內設方伯甸牧卒正連帥屬長以綱紀其外尊卑有敘若身之使臂臂之使指莫不率從此爲政之體也何謂治事有要

古文國瑋集卷之四十二

宋文卷南

夫人智有分而力有涯以一人之智力兼天下之衆務欲物物而知之日亦不給矣是故尊者治衆卑者治寡治衆者事不得不約治寡者事不得不詳約則舉其大詳則盡其細此自然之勢也益稷曰元首明哉股肱良哉庶事康哉言君明則能擇臣臣良則能治事也又曰元首叢脞哉股肱惰哉萬事墮哉言君親細務則臣不盡力而事廢壞也立政曰文王既假兼于庶言庶獄庶慎惟有司之牧夫是訓用勸庶獄

神宗初年
銳意圖治
此言非謬

古文圖彙卷之四十一

宋文卷四

庶慎文王罔敢知于茲言文王擇有司而任之其餘皆不足知也康誥曰庸庸祗祗威威顯民言文王用其可用祗其可祗刑其可刑專明此道以示民也是故王者之職在於量材任人賞功罰罪而已苟能謹擇公卿牧伯而屬任之則其似不待擇而精矣謹察公卿牧伯之賢愚善惡而進退誅賞之則其餘不待進退誅賞而治矣然則王者所擇之人不為多所察之事不為煩此治事之要也臣竊見陛下日出視朝繼以經席將及日中乃還宮禁入官之後旁開亦不自開省閱天下奏事羣臣章疏逮至昏夜又御燈火研味經史博觀羣書雖中宗高宗之不敢荒寧文王之日昃不食臣以為不能及也然自踐祚以來孜孜求治於今三年而功業未著者治未得其體要故也祖宗創業垂統為後世法大則設中書樞密院御史臺三司審官審刑等在京諸司外則設轉運使知州知縣等眾官以相統御上下有叙此所謂綱紀者也今陛下好使大臣奪小臣之事小臣侵大臣之職是以大臣解體不肯竭忠小臣諂上不肯盡力此百官

古文圖彙卷之四十二

宋文卷四

所以弛廢而萬事所以隳頽者也而陛下方用為垂治之本此臣之所大惑也臣微賤不得盡知朝廷之事且以耳目所接近日數事臣所知者言之其餘陛下可以類求也昔漢文帝問陳平天下一歲決獄及錢穀出入幾何平曰陛下即問決獄責廷尉問錢穀責治粟內史必也使卿大夫各得任其職此乃宰相事也若平者可謂能知治體矣今之兩府皆古宰相之任也中書主文樞密主武若乃百官之長非其人刑賞大政失其宜此兩府之責也至於錢穀之不充條例之不當此三司之事也陛下苟能精選曉知錢穀憂公忘私之人以為三司使副判官諸路轉運使各使久於其任以盡其能有功則進無功則退名不能亂實偽不能掩真安民勿擾使乏自富處之有道用之有節何患財利之不豐哉今乃使兩府大臣悉取三司條例別置一局聚文士數人與之謀議改更制置三司皆不與聞臣恐所改更者未必勝於其舊而後紛亂祖宗成法考古則不合適今則非宜吏緣為奸農商失業數年之後府庫耗竭於上百姓愁困

於下。衆心離駭。將不復振矣。且兩府於天下之事。無所不總。若百官之職。皆使兩府治之。則在上者不勝其勞。而在下者爲無所用矣。又監牧使主養馬。四園苑主課利。今乃使監牧使不屬群牧司。四園苑不屬三司提舉司。則在下者各得專權自恣。而在上者爲無所用矣。陛下欲納天下於大治。而使百官在上者不委其下。在下者不稟其上。能爲治乎。若此之類。臣竊恐似未得其體也。凡天下之事。在一縣者當委之知縣。在一州者當委之知州。在一路者當委之轉

古文國瑞集卷之四十一

五宋文卷四

運使在邊鄙者。當委之將帥。然後事乃可集。何則。久任其位。識其人情。知其物宜。賞罰之權。足以休戚所部之人。使之信服。故也。今朝廷每有一事。不委之將帥。監司守宰。使之自爲方略。責以成效。而施其刑賞。常好別遣使者。銜命奔走。旁午於道。所至徒有煩擾之弊。而於事未必有益。不若勿遣之爲愈也。夫事之利害。吏之能否。皆非使者所能素知。不免臨時詢采於人所詢者。或遇公明忠信之人。猶僅能得其一二。或遇私闇奸險之人。則是非爲之倒置矣。此二者之

轉運使若
今中丞使
若若今物
史臺也事
休亦有別

集於前而使者不能猝辨也。是以往往害事而少能爲益。非將帥監司守宰皆賢而使者皆愚也。累歲之講求與一朝之議論。積久之平察與目前之毀譽。精粗詳略。其勢不同故也。其有居官累歲而不知利害。臨人積久而不知能否。或雖知利害而不能變更。雖知能否而不能黜陟。此乃愚昧私曲之人。朝廷當察而去之。更擇賢者以代其位。不當數遣使者擾亂其間。使不得行其職業也。又庸人之情。苟策非已出。則媚嫉沮壞。唯恐其成。官吏若庸者。十常五六。借使使

古文國瑞集卷之四十二

六宋文卷十四

者所規畫曲盡其宜。在彼之日。其當職之人已快快不悅。不肯同心以助其謀。協力以成其事。曰朝廷自遣專使治之。我何敢與知及。遂命之日。彼必敗之。於後曰。使者既謀而授我。我今竭力而成之。功悉歸於首謀之人。我何有哉。此所以謂不若毋遣使者而屬任當職之人爲愈也。夫使者所以通遠邇之情。固不可無。然今之轉運使。卽古使者之任。苟得人而委之。賢於鑒遣使者遠矣。若監司自爲奸惡貪縱。或有所隱蔽欺罔。或爲部內之人所訟。或所謀畫之事未得

其宜朝廷欲察其罪惡審其虛實判其曲直決其是非然後別遣使者案之若案得其實監司有罪則當刑不才則當廢豈有但已者也今每有一事朝廷輒自京師遣使者往治之是在外之官皆無所用也使者既代之治事而當職之人亦無所利無所廢是只使之拱手旁觀偷安竊祿者矣若此之類臣竊恐似未得其體也今朝廷之士左右之臣皆曰陛下聰明剛斷威福在已太平之功可指日而致臣愚竊獨以爲未也臣聞古之聖帝明王問人之言則能識其是古文國璋集卷之四十二

宋文卷四十二

此公私之
別簡而有
要千古之
至論也

當委牧伯察之而不當使左右視之儻公卿牧伯尚不能擇賢者而任之小臣左右獨能得賢者而使之乎若苟爲不賢則險詖私謁無不爲已今陛下好於禁中出手詔指揮外事非公卿所薦舉牧伯所糾劾或非次遷官或無故廢罷外人疑駭不知所從此豈非朝廷之士左右之臣所謂聰明剛斷威福在已者耶陛下聞其言而信之臣竊以爲過矣夫公卿所荐舉牧伯所糾劾或謂之賢者而不賢謂之有罪而無罪皆有迹可見責有所歸故不敢大爲欺罔若奸臣密白陛下令陛下自爲聖意以行之則威福集於私門怨謗歸於陛下矣安得謂之威福在陛下耶且陛下將時中詔所指揮者率非大事至於兩禁笑官遷藩將歸省府職任諸路監司此皆衆人之所希求治亂之所繫屬當除授之際竊恐未必一一出聖志也若乃奸邪貪猥之人陛下所明知而黜去者或更改官而升資或不久復進用然則威福之柄果不在陛下而陛下偶未之思也以此觀之而陛下聰明剛斷威福在已太平可立致者非愚則決不可不察也

宋文卷四十二

陛下必欲威福在已。曷若謹擇公卿大臣。明正忠信者留之。愚昧阿私者去之。在位者既皆得其人矣。然後凡舉一事。則與之公議於朝。使各言其志。陛下清心平慮。擇其是者而行之。非者不得復奪也。凡除一官。亦與之公議於朝。使各舉所知。陛下清心平慮。擇其賢者而用之。不肖者不能復爭也。如此則謀者舉者。雖在公卿大臣而行之。用之。皆在陛下。安得謂之威福不在已耶。陛下此之不爲。而傾彼之久。行臣竊恐似未得其要也。夫三人羣居。無所統一。不散則亂。是故立君以司牧之。羣臣百姓。勢均力敵。不能相治。故從人君決之。人君者。固所以決是非。行刑賞也。若人君復不肯決。當使從誰決之乎。夫人心不同。如其面焉。國家凡舉一事。朝野之人。必或以爲是。或以爲非。凡用一人。必或以爲賢。或以爲不肖。此固人情之常。自古而然。不足怪也。要在人主審其是非。而取捨之。取是而捨非。則安榮。取非而捨是。則危辱。此乃安危榮辱之所以分也。是以聖王重之。故博謀羣臣。下及庶人。然而終決之者。要在人君也。古人有言曰。謀

之多。斷之在獨。謀之多。故可以觀利害之極。斷之故。可以定天下之是非。非若知謀而不知斷。則羣下人人各欲逞其私志。斯衰亂之政也。詩云。謀夫孔多。是用不集。發言盈庭。誰敢執其咎。如匪行邁謀。是用不得於道。哀哉。爲猷。匪先民是程。匪大猷是經。維通言是聽。維通言是爭。如彼築室於道謀。是用不潰於成。此言周室之衰。人臣不知先王之大道。務爭近小之事。人君不能定其可否。而事終無成也。漢世國家有大典禮。大政令。大刑獄。大征伐。必下公卿大夫。博士議郎議。其議者固不能一。必有參差不齊者矣。於是天子稍制決之。曰。丞相議是。或曰。廷尉當是。而羣下厭然無有不服者矣。今陛下聽羣臣各盡其情。以議事。此誠善矣。然終不肯以聖志裁決。遂使羣臣有尚勝者。以巧文相攻。辯口相擠。至於再至於三五。相反覆。無有限極。臣愚深恐虧朝廷之政體。損陛下之明德。流問四方。取輕夷狄。非嘉事也。夫天下之事。有難決者。以先王之道揆之。若權衡之於輕重。規矩之於方圓。錙銖毫忽。不可欺矣。是以人君務明先王

之道而不習律令。知本根既植，則枝葉必茂故也。述者登州婦人阿云謀殺其夫，重傷垂死，情無可懸，在理甚明，已傷不首，於法無疑。中材之吏，皆能立斷，事已經審，刑院大理寺刑部斷為死罪，而前知登州許遵文過飾非，妄為巧說，朝廷命兩制定奪者再，命兩府定奪者再，勅出而復收者一，收而復出者一，爭論縱橫，至今未定。夫以田舍一婦人有罪，在於四海之廣，萬幾之衆，其事之細，何啻秋毫之末。朝廷欲斷其獄，一法更足矣。今乃紛紛至此，設更有可疑之事。

古文國瑋集 卷之四十二
宋文卷古

大於此者，將何以決之？夫執條據例者，有司之職也。原情制義者，君相之事也。分爭辨訟，非禮不決，禮之所去，刑之所取也。阿云之事，陛下試以禮觀之，豈難決之獄哉？彼謀殺為一事，為二事，謀為所因，不為所因，此苛察繳繞之論。乃文法俗吏之所爭，豈明君賢相所當留意耶？今議論歲餘而後成法，終於素百代之常典，悖三綱之大義，使良善無告，奸凶得志，豈非徇其枝葉而忘其本根之所致耶？若此之類，臣竊恐似未得其要也。此皆衆人之所私議，竊嘆而莫敢明。

言者，臣獨以受恩深重，不顧斧鉞，為陛下言之。惟聖明裁察。臣光祿死，再拜上疏。

神宗銳於更制立事，溫公以執要之論進，宜其不相入也。此文大概與子瞻相表裏，蘇用排體，此則

論盜財賊等疏

司馬光

時降勅下京東京西災傷州軍婦人戶委家貧因而盜財者與賊等斷放公論其不便

臣聞周禮荒政十有二散利薄征緩刑弛力舍禁去幾率皆推寬大之恩以利于民獨于盜賊愈更嚴焉所以然者蓋以饑饉之歲盜賊必多殘害良民不可不除也頃年嘗見州縣官吏有不知治體務為小仁者或遇凶年有劫盜斛斗者小加寬縱則盜賊公行更相劫奪鄉邨大擾不免廣有收捕重加刑辟或死或流然後稍定今若朝廷明降勅文豫言偷盜斛斗

古文國律集

卷之四十二

宋文卷十四

因而盜財者與賊等斷放是勸民為盜也百姓乏食官中當輕徭薄賦開倉賑貸以救其疾不當使之相劫奪也今歲府界京東京西水災極多嚴刑變法以除盜賊猶恐春冬之交饑民鬻鬻不可禁禦又况降勅以勸之臣恐國家始于寬仁而終于酷暴意在活人而殺人更多也

此等奏疏簡直明暢不減西京

不當令內官采訪

司馬光

臣竊聞陛下好令內臣采訪外事及問以羣臣能否臣愚竊以為非宜陛下內有兩府兩制臺諫外有提轉牧守皆腹心耳目股肱之臣也陛下誠能精擇其人使之各舉其職薦舉賢能糾按姦慝論政事得失述民間利害皆令列于奏牘明白啓陳其有尸祿偷安及挾欺罔者小則罪黜大則誅竄誰敢不盡公竭誠以承休德如此則天下之事猶一堂之上陛下何患於不知哉今若深處九重之內詢於近習之臣采

古文國律集

卷之四十二

司馬光宋文卷十四

道聽塗說之言訥曲躬附耳之奏不驗虛實即行賞罰臣恐讒邪得以逞其愛憎而陛下為之受其譏謗也近聞王中正差往陝西幹當公事有知涇州劉漢等曲加諂奉廊延路鈴轄吳舜臣違失其意俄而漢等進擢舜臣降黜眾人皆言中正所為審或如此則是中正弄權已有其驗今陛下又置之肘腋委以腹心臣恐天下之人將重足接跡而畏之與金華壁而奉之矣外議又言山陵禮畢韓琦必求引退兩府當有遷臣竊慮兩制以上萬一有無廉恥之人或陰結

此屬以求進用者。夫以堯之聰明。咨于四岳。衆言僉同。然後用人。猶失之于鯀。况可決于近習之口乎。凡公忠正直之士。必不肯借譽左右。以求自售。齊威王所以賞卽墨大夫而烹阿大夫。正謂此也。昔漢唐之衰。官官所以壞亂紀綱。傾覆國家者。皆繇人主與之謀議帷幄。進退羣臣故也。此乃治亂安危之本。不可不察。伏望聖慈。詳思臣言。凡欲知天下之事。當詢訪外廷之臣。其王中正不可令幹當御藥院。或姦佞之徒。豫設機謀。以經營兩府者。必不可用。則天下幸甚。

古文國璋集

卷之四十二

司馬

十五

古文卷十四

內宦得勢。必有小人憑附之。則其禍更烈。溫公此疏。真大臣之言也。

論納橫山非便劄子

司馬光

光又論納橫山非便。上奏曰。臣聞王者之于夷狄。或懷之以德。或震之以威。要在使之不犯邊境。中國獲安。則善矣。不以踰葱嶺。誅大宛。絕沙漠。擒頡利。然後爲快也。竊聞有邊臣趙鼎。部將輕泥。懷側欲以橫山之衆。攻取涼州。歸命聖德。朝廷已有指揮。許令招納。臣近者雖曾論列。以爲非宜。尚懼語言疎略。未盡本末。不敢不再爲陛下陳之。今進謀者但言其利。不言其害。臣請試言其害。雖逆盛意。願陛下勿遽加棄。置略賜省覽。與進謀者參校其是非。臣聞戎狄之僭。自爲兒童。則習騎射。父子兄弟相與羣處。未嘗講仁義禮樂之言也。唯以詐謀攻戰相尚而已。故其民習于用兵。善忍飢渴。能受辛苦。樂鬪死而耻病終。此中國之民所不能爲也。是以聖王與之校德。則有天地之殊。與之校力。則未能保其必勝也。以舜禹之明。征三苗而三旬逆命。商高宗之賢。伐鬼方而三年乃克。漢高祖之雄傑。爲日頓所圍。七日不火食。國朝以太宗之英武。北舉河東。南取閩浙。若拾地芥。加之猛將。

古文國璋集

卷之四十二

古文卷十四

如雲謀臣如雨。天下新平。民未忘戰。當是之時。繼遷背叛。太宗以鄭文寶爲陝西轉運使。用其計策。假之威權。以討之。十有餘年。卒不能克。發閩中之民。飛芻輓粟。以饋靈州。及清遠軍。爲虜所抄掠。及經沙磧。飢渴死者什七八。白骨蔽野。號哭滿道。長老至今言之。猶欬酸鼻。及真宗卽位。會繼遷爲潘羅支所殺。真宗因洗滌其罪。吊撫其孤。賜節鉞。使長不毛之地。訖于天聖。明道四十餘年。爲不侵不叛之臣。閩中戶口滋息。農桑豐富。由是觀之。征伐之與懷柔。利害易見矣。及元昊背恩。國家發兵調賦。以供邊役。閩中飢渴。延及四方。東自海岱。南踰江淮。占籍之民。無不蕭然。苦於科歛。自其始叛。以至納款。纔五年耳。天下困弊。至今未復。仁宗屈已。賜以誓誥。冊爲國主。歲與之物。凡二十五萬。豈以罪不足誅。而功可賞哉。計不得已也。向者諒祚雖時有假蹇禮節。不備。或誘掠熟戶。驚擾邊民。然猶稱臣奉貢。未敢顯然自絕也。今乃誘其叛臣以圖之。縱使誠泉諒祚之首。復靈夏之土。以王者之兵言之。猶可耻也。况其成敗未可知乎。臣恐邊

中國之計
外夷亦當
使其辭可

事之興。生民之苦。由此而始也。王者之於諸侯。叛則討之。服則撫之。是以諸侯懷德畏誥。莫不卒從。去歲諒祚攻大順城。殺掠吏民。今春明言之使。不以時至。當是時。不能討也。今朝廷既赦其罪。與其賜物。受其使者。納其貢獻。又從而誘其叛臣。激其忿心。是常欲其叛。不欲其服也。信義賞罰。將安在乎。議者或以爲彼誘我民。我誘彼臣。何爲不可。是特問閭小人之語。非知國家大體者也。彼僻陋小羌。切誘我民。以益其衆。仍欲以天子億兆之富。而效其所爲邪。譬如鄰人竊已之財。已以正譴責之可也。豈可復旁彼之財。以相報邪。臣聞諒祚陰蓄奸謀。爲日固久。招納不逞之人。以爲謀主。誘脅熟戶。以徹中國之藩籬。常有據關中。窺河東之心。雖未必能然。若縱其毒奸。亦足以爲亭郭之患。未可以小種之羌。孱弱之人待之也。國家不幸。比遭大憂。帑藏空虛。閩中之民。自經西事以來。仍苦鉄錢。財力凋弊。熟戶屢經殺掠。亡失太半。縱其在者。亦懷二心。非復得如景祐寶元之時也。當此際。陛下深詔邊吏。崇信誓。係分界。嚴守備。明斥疾。以待

此等文章
見於西京
孔子雲矣

之猶。懼。諒。詐。使。子。野。心。不。識。恩。義。乘。我。囊。隙。使。噬。疆。
場。又。况。彼。不。動。而。擾。之。不。來。而。召。之。乎。臣。又。聞。虜。中。
間。謀。所。在。甚。多。中。國。動。靜。豪。髮。皆。知。其。嚙。側。自。程。戡。
在。鄜。廷。時。已。有。聲。聞。云。欲。降。自。是。至。今。已。經。數。年。
朝。廷。屢。召。邊。臣。與。之。謀。議。外。人。往。往。知。之。亦。有。邸。吏。
傳。報。四。方。安。有。虜。中。獨。不。覺。悟。寂。然。無。事。曾。無。誅。討。
之。意。乎。臣。切。疑。其。內。挾。詐。謀。未。可。信。也。或。者。諒。詐。久。
懷。逆。計。以。朝。廷。待。之。恩。禮。優。厚。無。因。而。發。故。遣。其。部。
將。詐。降。以。卜。之。若。朝。廷。受。之。則。將。歸。曲。而。責。直。得。以。
古文圖彙集卷之四十二 宋文卷四
為。背。叛。之。名。或。者。使。其。部。將。詐。言。勢。孤。力。微。不。能。獨。
制。諒。詐。乞。朝。廷。遣。將。出。師。為。助。而。陰。設。伏。兵。以。敵。大。
利。此。二。者。皆。未。可。知。也。若。萬。一。有。之。則。今。日。受。之。正。
墮。其。計。中。矣。縱。使。嚙。側。實。有。降。心。蓋。亦。祇。有。忿。恨。或。
別。負。罪。惡。反。側。不。安。欲。倚。大。國。之。威。以。逼。其。主。其。所。
部。之。民。未。必。肯。盡。從。也。雖。其。自。言。權。勢。之。強。甲。兵。之。
盛。有。謀。善。戰。為。民。所。附。蓋。欲。自。誇。以。求。售。耳。未。必。然。
也。借。今。實。能。舉。兵。以。與。諒。詐。為。敵。戰。而。勝。之。則。是。滅。
一。諒。詐。生。一。諒。詐。也。若。其。不。勝。必。引。其。餘。眾。南。奔。中。

文曲而筆
直意明而
款盡

國。諒。詐。悉。其。境。內。之。兵。以。追。之。怒。氣。直。隄。長。驅。入。塞。
當。是。之。時。非。口。舌。文。移。所。能。解。也。臣。恐。朝。廷。不。惟。失。
信。子。諒。詐。又。將。失。信。于。嚙。側。也。若。嚙。側。餘。眾。無。幾。猶。
可。以。縛。而。送。之。以。緩。諒。詐。之。兵。然。形。迹。已。露。諒。詐。必。
叛。無。疑。也。若。嚙。側。餘。眾。尚。多。還。北。不。可。入。南。不。受。窮。
無。所。歸。必。不。肯。如。山。遇。東。手。就。死。將。實。據。邊。城。以。救。
其。命。更。為。中。國。之。患。未。有。涯。也。陛。下。不。見。候。景。之。事。
乎。臣。聞。羽。翼。未。成。不。可。以。高。飛。近。者。未。悅。不。可。以。來。
遠。上。自。堯。舜。禹。湯。文。武。之。王。下。至。齊。威。晉。文。之。霸。未。
古文圖彙集卷之四十二 宋文卷四
有。不。先。治。其。內。而。能。治。於。外。者。也。故。孔。子。曰。善。人。教。
民。七。年。亦。可。以。即。戎。矣。又。曰。以。不。教。民。戰。是。謂。棄。之。
今。陛。下。新。即。大。位。尚。未。逾。年。朝。廷。之。政。未。盡。脩。也。封。
域。之。中。未。盡。治。也。內。郡。無。一。年。之。畜。左。帑。無。累。月。之。
財。民。間。貧。困。十。室。九。空。小。有。水。旱。印。化。為。流。殍。承。平。
日。久。戎。事。不。講。將。帥。乏。人。士。卒。驕。惰。上。下。姑。息。有。同。
兒。戲。發。開。稍。頑。則。溫。慰。怨。戾。賜。與。不。時。則。揚。言。不。遜。
彼。甲。行。數。十。里。則。喘。汗。不。進。遇。鄉。邑。小。盜。則。望。塵。奔。
潰。此。乃。眾。人。所。共。知。非。臣。敢。為。欺。罔。兵。法。曰。知。彼。知。

臣百戰不殆。知彼不知己。一勝一負。不知彼不知己。毋戰必殆。陛下親今天下如此。而欲謀境外之事。起兵事之端。挑陸梁之虜。冀難立之功。此臣所謂塞心者也。爲今日之計。莫如收拔賢俊。隨才受任。以舉百職。有功必賞。有罪必罰。以修庶政。謹擇監司。澄清守令。以安百姓。屏絕浮費。沙汰冗食。以實倉庫。詢訪智略。察驗武勇。以選將帥。申明階級。剪戮桀黠。以立軍法。料簡驍銳。罷去羸老。以練士卒。修整犀利。變更苦窳。以精器械。俟百職既舉。庶政既修。百姓既安。倉庫既實。將帥既選。軍法既立。士卒既練。器械既精。然後惟陛下之所欲爲。復靈夏。取瓜沙。平幽薊。收蔚朔。無不可也。今八者未有其一。而欲納邊吏之狂謀。信黠虜之詭譎。臣恐不能得其降者。數瓦而虜騎大至。覆軍殺將。邊城盡閉。朝廷乃爲之宵衣旰食。焦心勞思。興兵運財。以救其急。使天下愁困。如康定慶曆之時。已下卒無可奈何。然後忍耻以招之。卑辭以諭之。其其名以悅之。增其賂以來之。其爲損也不亦多乎。斯乃國之大事。安危所係。非特邊境之憂而已。願陛下

不可也

深留聖思。勿爲後悔。乃天下之福也。彼進謀者皆非實爲國家斬將奪旗。拓土開境。進衛霍甘陳之功也。但以利口長舌。虛辭大言。一時誑惑聖聰。欲盜陛下之官職耳。他日國家有患。不預其憂。是豈可哉。凡邊境有事。則將帥迂官。士卒受賞。無事則上下寂寂。無因微幸。此乃人臣之利。非國之利。陛下不可不察也。橫山之地。范希文嘗欲闢之矣。然當未服之時。用我智力而取之。則成中國之勢。既服之後。用彼叛臣而謀之。是失中國之體。此溫公所以反覆言其不可也。

論青苗錢疏

司馬光

彼言青苗錢不便者。大率但知所遣使者。或年少位卑。倚執作威。陵轢州縣。搔擾百姓。止論今日之害耳。臣所憂乃在十年之後。非今日也。夫民之所以有貧富者。由其材性愚智不同。富者智識差長。憂深思遠。寧勞筋骨。惡衣菲食。終不肯取償于人。故家常有贏餘。而不至狼狽也。貧者愚窳偷生。不為遠慮。一醉日富。無復贏餘。急則取償于人。積不能償。至于鬻妻賣子。凍餒填溝壑。而不知自悔也。是以富者常借貸。

古文國璋集卷之四十二

奎朱文卷

貧民以自饒。而貧者常假貸富民。以自存。雖苦樂不均。然猶彼此相資。以保其生。今縣官乃自出息錢。以春秋貸民。民之富者。皆不願取。貧者乃欲得之。提舉官欲以多散為功。故不問民之貧富。各隨戶等抑配。與之富者。與債仍多。貧者與債差少。多者至十五緡。少者不減千錢。州縣官吏。恐以逋欠為負。必令貧富相兼。共為保甲。仍以富者為之魁首。貧者得錢。隨手皆盡。將來二麥。小有不登。二稅且不能輸。況于息錢。固不能償。吏督之急。則散而之四方。富者不決。則獨

償數家所負。力竭不逮。則官必為倚闢。春債未了。秋債復來。歷年浸深。債負益重。或值凶年。則流轉死亡。幸而豐稔。則州縣之吏。并催積年所負之債。是使百姓無有豐凶。長無蘓息之期也。貧者既盡。富者亦貧。臣恐十年之外。富者無幾何矣。富者既盡。若不幸國家有邊隅之警。興師動衆。凡粟帛軍須之費。將誰從取之。臣不知今者天下所散青苗錢。凡幾千萬緡。若民力既竭。加以水旱之災。州縣之吏。果有仁心愛民者。安得不為之請于朝廷。乞因郊赦而除之。朝廷自

古文國璋集卷之四十三

奎朱文卷

祖宗以來。以仁政養民。豈可視其流亡轉死。而必貴其所負。其執不得不從。請者之言也。然則官錢幾千萬緡。已放散而不反矣。官錢既放散。而百姓又困竭。但使閭閻里長。于收督之際。有乞取之資。此可以謂之善計乎。且常平倉者。乃三代聖人之遺法。非獨李恢耿壽昌能為之也。穀賤不傷農。穀貴不傷民。民賴其食。而官收其利。法之善者。無過于此。比來所以廢者。由官吏不得其人。非法之失也。今開條例司。盡以常平倉錢為青苗錢。又以其穀換轉運司錢。是欲

盡壞常平專行青苗也國家每遇凶年供軍倉自不能足用固無羨餘以濟飢民所賴者只有常平倉錢穀耳今一旦盡作青苗錢散之何去若有豐年將以何錢平糶若有凶年將以何穀調贍乎臣切聞先帝出內藏庫錢一百萬緡助天下常平倉作糶本前日天下常平倉錢穀共約一千餘萬貫石今無故盡散之他日若思常平之法復欲收聚何時得及此數乎臣以謂散青苗錢之禍猶小而壞常平倉之害尤大也

古文國璋集卷之四十二

二十五 宋文忠公

壞常平爲青苗常平既已放散而青苗必至陷失其不謀朝夕之計也三尺童子皆知之而當事者不知可爲浩歎

與王介甫書

司馬光

光居嘗無事不敢涉兩府之門以是久不得通名於將命者春暖伏惟機政餘裕台候萬福孔子曰益者三友損者三友光不材不足以辱介甫爲友然自接侍以來十有餘年屢嘗同僚亦不可謂之無一日之雅也雖愧多聞至於直諫不敢不勉若乃便辟善柔便佞則固不敢爲也孔子曰君子和而不同小人同而不和君子之道出處語嘿安可同也然其志則皆欲立身行道輔世養民此其所以和也鄙者與介甫

古文國璋集卷之四十二

宋文忠公

議論朝廷事數相違戾未知介甫之察不察然於光嚮慕之心未始變夷也竊見介甫獨負天下大名三十餘年才高而學富難進而易退遠近之士議與不識或謂介甫不起而已起則太平可立致生民咸被其澤矣天子用此起介甫於不可起之中引參大政豈非亦欲望衆人之所望於介甫邪今介甫從政始期年而士大夫在朝廷及自四方來者莫不非議介甫如出一口下至閭閻細民小吏走卒亦竊竊怨歎人人歸咎於介甫不知介甫亦嘗聞其言而知其故

非但對介
甫語是定

評也

乎。光竊意門下之士。方日譽盛德而贊功業。未始有
一人敢以此聞達於左右者也。非門下之士。則皆曰
彼方得君而專政。無為觸之以取禍。不若坐而待之。
不過二三年。彼將自敗。若是者。不惟不忠於介甫。亦
不忠於朝廷。若介甫果信此志。推而行之。及二三年。
則朝廷之患已深矣。安可救乎。如光則不然。泰備左
遊之束。不敢苟避。雖不為介甫一一陳之。今天下
之人。惡介甫之甚者。其詆毀無所不至。光獨知其不
然。介甫固大賢。其失在於用心太過。自信太厚而已。
古文圖彙集 卷之四十二 主宋文卷四

當時所行
法大抵如
是

知條例一司。已不當置而置之。又於其中不次用人。
往還暴得美官。於是言利之人。皆攘臂圍視。銜鬻爭
進。各圖智巧。以變更祖宗舊法。大抵所利不能補其
所傷。所得不能償其所亡。徒欲別出新意。以自為功
名耳。此其為害已甚矣。又置提舉常平廣惠倉使者。
四十餘人。使行新法於四方。先散青苗錢。次欲使比
戶出助役錢。次又欲更搜求農田水利而行之。所遣
者。雖皆選擇才俊。然其中亦有輕佻狂躁之人。陵轢
州縣。騷擾百姓者。於是士大夫不服農商喪業。謗議
沸騰。怨嗟盈路。迹其本原。咸以此也。書曰。民不靜亦
惟在王。官邦君室。伊尹為阿衡。有一夫不獲其所。若
已推而內之溝中。孔子曰。君子求諸已。介甫亦當自
思。所以致其然者。不可專罪天下之人也。夫侵官亂
政也。介甫更以為治術而先施之。貸息鉅額。事也。介
甫更以為王政而力行之。徭役自古皆從民出。介甫
更欲歛民錢。顧市傭而使之。此三者。常人皆知其不
可。而介甫獨以為可。非介甫之智不及常人也。直欲
求非常之功。而忽常人之所知耳。夫皇極之道。施之

宋宋文卷四

於天地人皆不可須臾離。故孔子曰：道之不明也，我知之矣。知者過之，愚者不及也。道之不行也，我知之矣。賢者過之，不肖者不及也。介甫之智與賢皆過人，及其失也，乃與不及之患均。此光所謂用心太過者也。自古人臣之聖者，無過周公與孔子。周公孔子亦未嘗無過。未嘗無師介甫雖大賢，於周公孔子則有間矣。今乃自以爲我之所見，天下莫能及人之議論，與我合則喜之，與我不合則惡之。如此方正之士，何由進？諂諛之士何由遠？方正日疎，諂諛日親，而望萬

古文國璋集 卷之四十二
元宋文卷古

事之得其宜，今名之施四遠難矣。夫從諫納善，不獨人君爲笑也。於人臣亦然。昔鄭人遊於鄉校，以議執政之善否。或謂子產毀鄉校，子產曰：其所善者，吾則行之；其所惡者，吾則改之。是吾師也。若之何毀之？遂子馮爲楚令尹，有寵於遠子者，八人皆無祿而多馬。申叔豫以子南觀起之事警之，遠子懼，辭八人者而後王安之。趙簡子有臣曰周舍，好直諫，且有記。月有成，歲有效。周舍死，簡子臨朝而歎曰：千羊之皮，不如一狐之腋。諸大夫朝徒聞唯唯，不聞周舍之郭郭。吾

是以憂也。子路人告之以有過則喜，鄭文終侯相漢有書過之史。諸葛孔明相蜀，發教與羣下曰：違覆而得中，猶棄弊躋而獲珠玉。然人心苦不能盡。惟董幼宰參事七年，事有不至，至於十反，孔明嘗自較簿書。主簿楊顥諫曰：爲治有體，上下不可相侵。請爲公明以作家警之。今有人使奴執畊稼，婢典炊爨，雞主司晨，犬主吠盜，私業無曠，所求皆足。忽一旦盡欲以身親其役，不復付任，形疲神困，終無一成。豈其智之不如奴婢雞狗哉？失爲家主之法也。孔明謝之。及顥卒

古文國璋集 卷之四十二
元宋文卷古

孔明垂泣三日。呂定公有親近曰徐原，有才志。定公荐拔至侍御史，原性忠壯，好直言。定公時有得失，天輒諫爭。又公論之，人或以告定公。定公歎曰：是我所以貴德淵者也。及原卒，定公哭之盡哀。曰：德淵呂岱之益友。今不幸，倍復於何聞過哉？此數君子者，所以能功名成立，皆由樂聞直諫，不諱過失故也。若其餘驕亢自用，不受忠諫而亡者，不可勝數。介甫多識前世之載，固不俟光言而知之矣。孔子稱有一言而可以終身行之者，其恕乎？詩云：執柯伐柯，其則不遠。言

以其所願乎上。交乎下。以其所願乎下。事乎上。不遠求也。介甫素剛直。每議事於人主前。如與朋友爭辯。於私室。不少降辭氣。視斧鉞鼎鑊無如也。及賓客僚屬。謁見論事。則唯希意迎合。曲從如流者。親而禮之。或所見小異。微言新令之不便者。介甫輒粲然如怒。或詬訾以辱之。或言於上而逐之。不待其辭之畢也。明主寬容如此。而介甫拒諫乃爾。無乃不足於恕乎。昔王子難方於事上。而好下佞已。介甫不幸亦近似乎此。光所謂自信太厚者也。光昔者從介甫遊。介甫於諸書無不觀。而特好孟子與老子之言。今得君得位而行其道。是宜先其所美。必不先其所不美也。孟子曰。仁義而已矣。何必曰利。又曰。爲民父母。使民彫彫然。將終歲勤動。不得以養其父母。又稱貸而益之。惡在其爲民父母也。今介甫爲政。首建制置條例司。大講財利之事。又命薛向行均輸法於江淮。欲盡奪商賈之利。又分遣使者散青苗錢於天下。而收其息。使人愁痛。父子不相見。兄弟妻子離散。此豈孟子之志乎。老子曰。天下神器。不可爲也。爲者敗之。執者失

古文圖彙

卷之四十二

手

宋文卷四

之。又曰。我無爲。而民自化。我好靜。而民自正。我無事。而民自富。我無欲。而民自樸。又曰。治大國若烹小鮮。今介甫爲政。盡變更祖宗舊法。先者後之。上者下之。右者左之。成者毀之。屹屹焉窮日力。繼之以夜。而不得息。使上自朝廷。下及田野。內起京師。外周四海。士吏兵農工商僧道。無一人得業。故而守常者。紛紛擾擾。莫安其居。此豈老氏之志乎。何介甫總角讀書。白頭秉政。乃盡棄其所學。而從今世淺丈夫之謀乎。古者國有大事。謀及卿士。謀及庶人。成王戒君陳曰。有廢有興。出入自爾師虞。庶言同則釋。詩云。先民有言。詢於芻蕘。孔子曰。上酌民言。則下天上施。上不酌民言。則下不天上施。自古立功立事。未有專欲違衆而能有濟者也。使詩書孔子之言。皆不可信。則已。若猶可信。則豈得盡棄而不顧哉。今介甫獨信數人之言。而棄先聖之道。違天下人之心。將以致治。不亦難乎。近者藩鎮大臣。有言散青苗錢不便者。天子出其議以示執政。而介甫遽悻悻然不樂。引疾臥家。光被有爲批答。見士民方不安如此。而介甫乃欲辭位而去。

古文圖彙

卷之四十三

手

宋文卷五

然既已行之欲改殊難且堅忍以符其成此介甫之冰心耳

殆非明主所以拔擢委任之意。故直殺其事以義責介甫。意欲介甫早出視事。更新今之不便於民者。以福天下。其辭雖樸拙。然無一字不得其實者。竊聞介甫不相識察。頗督過之。上書自辯。至使天子自為手詔以遜謝。又使呂學士再三諭意。然後乃出視事。出視事誠是也。然當速改前令之非者。以慰安士民。報天子之盛德。今則不然。更加忿怒行之愈急。李正言言青苗錢不便。詰責使之分辯。呂司封傳語祥符知縣未散青苗錢。劾奏乞行取勘。觀介甫之意。必欲力

古文國璋集卷之四十二

垂宋文卷五

愛樂國家之安危。惟繫介甫之一言。介甫何忍必遂已意而不恤乎。夫人誰無過。君子之過。如日月之食。過也。人皆見之。更也。人皆仰之。何損於明。介甫誠能進一言於主上。請罷餘例司。追還常平使者。則國家太平之業。皆復其舊。而介甫改過從善之美。愈光大於目前矣。於介甫何所虧喪。而固不移哉。光今所言。正逆介甫之意。明知其不合也。然光與介甫趣嚮雖殊。大端則同。介甫方欲得位以行其道。澤天下之民。光方欲辭位以行其志。救天下之民。此所謂和而不同者也。故敢一陳其志。以自達於介甫。以終益友之義。其捨之取之。則在介甫矣。詩云。周爰咨謀。介甫得光書。儻未賜棄。幸與忠信之士謀。其可否。不可以示諂諛之人。必不肯以光言為然也。彼諂諛之人。欲依附介甫。因緣改法。以為進身之資。一旦罷局。譬如魚之失水。此所以挽引介甫。使不得由直道行者也。介甫奈何徇此曹之所欲。而不思國家之大計哉。孔子曰。巧言令色。鮮矣仁。彼忠信之士。於介甫當路之時。或齟齬可憎。及失勢之後。必徐得其力。諂諛之士。

古文國璋集卷之四十二

垂宋文卷五

於介甫當路之時。誠有順適之快。一旦失勢。必有賣介甫以自售者矣。介甫將何擇焉。國武子好盡言。以招人之過。卒不得其死。光常自病似之。而不能改也。雖然。施於善人。亦何憂之有用。是故敢妄發而不疑也。屬以辭避恩命。未得請易。病膝瘡不可出。不獲親侍言於左右。而布陳以書。悚惧尤深。介甫其受而聽之。與罪而絕之。或詬詈而辱之。與言於上而逐之。無不可者。光俟命而已。

神宗倚任介甫。而心重溫公。溫公於介甫論議不

古文國璋集卷之四十三

手宋文卷五

合而以德望相推。此書盡忠告之道。而不以饋贈為嫌。至矣哉。大臣之心也。

歷代古文國璋集卷之四十三



裏西方岳貢禹脩評



宋文

上太皇太后書

程頤

臣愚鄙之人。自少不喜進取。以讀書求道為事。于茲幾三十年矣。當英宗朝。暨神宗之初。屢為當塗者稱薦。臣于斯時。自顧學之不足。不願仕也。及皇帝陛下嗣位。太皇太后陛下臨朝。求賢願治。大臣上體聖意。搜揚岩穴。首及微賤。蒙恩除西京學官。臣于斯時。未有意于仕也。辭避方再。而遽有召命。臣門下學者促臣行者半。勸臣勿行者半。促臣行者則曰。君命召。禮不俟駕。勸臣勿行者則曰。古之儒者。召之則不往。臣以為召而不往。惟子思孟軻則可。蓋二人者。處賓師之位。不往所以規其君也。已之微賤。食土之毛。而為王民。召而不至。那有常憲。是以奔走應命。到闕蒙恩。授館職。方以義辭。遂蒙召對。臣於斯時。尚未有意于仕也。進至簾前。咫尺天光。未嘗敢以一言及朝政。陛下視臣。豈求進者哉。既而親奉德音。擢置經筵。事出

望外惘然驚傷臣切內思儒者得以道學輔人主蓋非常之遇使臣自擇所處亦無過于此矣臣于斯時雖以不才而辭然許國之心實已萌矣尚慮陛下食賢樂善果于取人知之或未審也故又進其狂言以覲詳察曰如小有可用則敢不就職或狂妄無取則乞聽辭避章再上再命祇受是陛下不以爲妄也臣於是受命供職而來夙夜畢精竭慮惟欲上上德如堯舜異日天下享堯舜之治廟社固無窮之基乃臣之心也臣本山野之人稟性樸直言辭鄙拙則有之

世之見以聖人之言爲可必信先王之道爲可必行勿徂滯于近規勿遷惑于衆口古人所謂周公豈欺我哉周公作立政之書舉言常伯常任至于綴衣虎賁以爲知恤者解一篇之中丁寧重複惟在此一事而已書又曰僕臣正厥后克正又曰后德惟臣不德惟臣又曰侍御僕從罔匪正人以旦夕承弼厥德出入起居罔有不欽是古人之意人主跬步不可離正人也蓋所以涵養氣質薰陶德性故能習與智長化與心成後世不復知此以爲人主就學所以涉書史覽古今也不知涉書史覽古今乃一端耳若止于雖是則能文官人可借勸講知書內侍可充輔導何置官設職精求賢德哉大抵人主受天之命稟賦自殊歷考前史帝王才質鮮不超人然而完德有慮之君至少其故何哉皆輔導不得其道而位勢使之然也伏惟皇帝陛下天資粹美德性仁厚必爲有宋今主但恨輔導之道有未至耳臣供職已來亦侍講筵但見諸臣拱手默坐當講者立案傍解帶數行禮如此雖彌年積歲所益幾何與周公輔成王之道

不同矣。或以為主上方幼。且當如此。此不知本之論也。古人生子能食能言。而教之大學之法。以豫為先。人之幼也。知思未有所至。便當以格言至論。日陳于前。雖未曉知。且當薰聒。使盈耳充腹。久自安習。若固有之。雖以他言惑之。不能入也。若為之不像。及乎稍長。私意偏好。生于內。眾口辯言。鑠于外。欲其純完。不可得也。故所急在先入。豈有太早者乎。或又以為主上天資至美。自無違道。不須過慮。此尤非至論。夫聖莫聖于舜。而禹皋陶未嘗忘規戒。至曰無若卅朱好古文圖彙集卷之四十三

明宋文鑑注

意異也。今士大夫家子弟。亦不肯使經時累月。不親儒士。初秋漸涼。臣欲乞于內殿。或後苑清涼處。召見當日講官。俾陳說道義。縱然未有深益。亦使天下知太皇太后用意如此。又一人獨對。與眾見不同。自然情意易通。不三五次。便當習熟。若不如。漸致待其自然。是輔道官都不為力。將來伏假既開。且乞依舊輪次直日。所貴常得一員獨對。開發之道。蓋自有方。明習之益。最為至切。故周公輔成王。使伯禽與之處。聖人所為。必無不當。真廟使蔡伯希侍仁宗。乃師古也。臣欲乞擇臣僚家子弟十歲已上。十二已下。端謹穎悟者三人。侍上左右。上所讀之書。亦使人擇有年官人。內臣二人。隨逐看承。不得暫離。常情笑語。亦勿禁止。唯須言語必正。舉動必莊。仍使日至資善堂。呈所習業。講官常加教勸。使知嚴憚。年纔十三。便令罷去。歲月之間。自覺其益。自來宰臣。自一至經筵。亦止于默坐而已。又問日講讀。則史官一人立侍。史官之職。言動必書。施于視政。時則可。經筵講

古文圖彙集卷之四十三

肆之所乃燕處也。主上方問學之初，立心恭謹，乃能悅懌。今則前對大臣，動虞有失，旁立史官，言出輒書，使上欲遊其志得乎？欲發于言敢乎？深妨問學，不得不改。欲乞特降指揮，宰臣一月兩次，與文彥博同赴經筵，遇宰臣赴日，即乞就崇政殿講說。因令史官入侍崇政殿，說書之職，置來已久，乃是講說之所。漢唐命儒士講論，亦多在殿上，蓋故事也。邇英殿迫狹，講讀官內臣近三十人在其中，四月間尚未甚熱，而講官已流汗，況主上氣體微弱，豈得爲便？春夏之際，古文國瑞集卷之四十三 宋文卷注

人。氣。深。可。慮。也。祖宗之時，偶然在彼，執爲典故，殊無義理。欲乞今後只于延和殿講讀，後極垂簾，簾前置御座，太皇太后每遇政事稀簡，聖體康和，時至簾下，觀講官進說，不惟省察主上進業，于陛下聖聰未必無補。兼講官輔道之間，事意不少。有當奏稟，便得上聞，亦不可煩勞聖躬，限以日數，但旬月之間，意適則往可也。今講讀官共五人，四人皆兼要職，獨臣不領別官，近復差修國子監太學條制，是亦兼它職也。乃無一人專職輔道者，執政之意可見也。蓋惜人

才。不欲使之閑爾。又以爲雖兼它職，不妨講讀，此尤不思之甚也。不敢言告君之道，只以告衆人言之。夫告于人者，非積其誠意，不能感而入也。聖人以蒲盧喻教，謂以誠化之也。今夫鍾怒而擊之，則武悲而擊之，則哀誠意之感而入也。告于人亦如是。古人所以齋戒而告君者，何謂也？臣前後兩得進講，未嘗敢不宿齋豫戒，潛思存誠，覲感動于上心，若使營營于職事，紛紛其思慮，待至上前，然後善其辭說，徒以煩舌感人，不亦淺乎？此理非知學者不能曉也。道衰學廢，古文國瑞集卷之四十三 宋文卷注

世俗何嘗聞此。雖聞之，必以爲迂誕。陛下高識遠見，當蒙鑒知，以朝廷之大，人主之重，置二三臣專職輔道，極非過當。今諸臣所兼皆要官，若未能遠罷，且乞免臣修國子監條制，俾臣夙夜精思，竭誠專在輔道。不惟事理當然，且使天下知朝廷以爲重事，不以爲閑所也。陛下擢臣于草野之中，蓋以其讀聖人書，聞聖人道，臣敢不以其所學上報聖明，竊以聖人之學，不傳久矣。臣幸得之于遺經，不自度量，以身任道，天下駭笑者雖多，而近年信從者亦衆。方將區區駕其

說以示學者。觀能傳于後世。不虞天幸之至。得備講
說于。人主之側。使臣得以聖人之學上沃聖聰。則聖
人之道有可行之望。豈特臣之幸哉。如陛下未以臣
言爲信。何不一賜訪問。臣當陳聖學之端緒。發至道
之淵微。陛下聖鑒高明。必蒙照納。如其妄僞。願從誅
殛。臣愚不任懇惓。惶惧待罪之至。

先生論經筵講說事理可謂詳切處置條件亦甚
近人情

上和戎六事疏

王韶

前輝州司戶參
軍王韶上書

國家必欲討平西賊。莫若先以威令制服河湟。欲服
河湟。莫若先以恩信招撫沿邊諸族。蓋招撫沿邊諸
族。所以威服唃廝囉也。威服唃廝囉。所以脅制河西也。陛
下誠能擇通材明敏之士。能周知其意者。令往來出
入於其間。推恩信以撫之。使其傾心向慕。馴然有歸
伏之意。但能得大族首領五七人。則其餘小種皆可
驅迫而用之矣。諸種既失。則唃廝囉君臣其敢復簡慢
而不歸心於我耶。唃廝囉既歸於我。卽河西李氏在吾
股掌中矣。急之可以蕩覆其巢穴。緩之可以脅制其
心腹。此所謂見形於彼。而收功在此也。今本征諸族
數款塞而內爲中國之用者久矣。此其意欲假中國
爵命以威其部內也。而邊臣以董氈故。莫能爲國家
通恩意以撫之。此所謂棄近援而結遠交。貪虛降而
忘實附。使董氈得市利而邀功於我。誠非取勝之術
也。今本征與青唐族首領唐古等。在河州。詔征與其
舅李篤癰及沈千族首領當于丹等。東歸可欺也。

溫與龍川首領羅結在黃河頭三者皆喃氏子孫各立文法漢界遠者不過四五百里近者二三百里皆可以并合而兼撫之也謹具和戎六事條列如左一臣切見涇原秦鳳兩路蕃兵及洮河宕疊州武勝軍諸族皆吐蕃之遺種也自喃斯羅死並酋繼立大法祇能安集河湟間而近邊諸族自爲種落其在疆場之外者皆強梗頑硬不爲吾用在內地者又分離散處不相統一此議者所以謂西蕃諸族皆微弱而不足用也臣聞古之善御戎狄者固不患其微弱也惟古文圖緯集卷之四十三十宋文卷注其微弱然後可以并合而有但國家未嘗得人而親撫之耳臣愚以爲陛下必欲令西戎諸族而用之宜擇通材明敏之士心慮軒豁能周知羌人情意者令朝夕出入於其間往來巡行察其疾苦平其冤讎治其舊結如漢護羌校尉之比有不服者卽稍以恩信綏之身與之爲帥使其傾心向慕然有歸伏之意然後激作而用之則十數萬之兵不出疆場而可集矣一臣切見西蕃種類皆尊大族重故主諸族有承喃氏之後者羌人皆畏服尊之而喃氏諸孫今在洮

河間者皆孱弱不能自立如木征往歲居洮山有唐族首領雞羅瞎藥及胡僧鹿尊事之欲立文法收復洮河宕疊等州及武勝軍諸羌而木征孱弱終不能自立會秦州遣人逐去今洮河間諸州並無大族爲主雖有瞎征及欺巴溫之徒各恃衆自立然文法所及者俱不過一二百里此其勢正可以并合而兼撫之也臣愚以爲宜遣人往河州與木征計議令入居武勝軍或渭源城與漢界相近輔以漢法因選官一員有文武材略者令與木征同居漸以恩信招撫古文圖緯集卷之四十三十宋文卷注沿邊諸羌有不從者令木征挾漢家法令以威之其瞎征及欺巴溫之徒既有分地亦宜稍以爵命制其心腹使其習用漢法漸同漢俗於漢界實有肘腋之助且使西賊不得與諸羌結連此乃制賊之上策也一臣切見鄜延環慶兩路蕃兵自來各有成法使之戰鬪及守境皆與漢兵無異往往禦敵殺將立功塞外此兩路蕃兵所以益固也今四路蕃兵並是羌夷舊種雖有吐渾党項及吐蕃之別然其種姓實皆出於西戎而已何獨在鄜延環慶則可用在涇原秦鳳

則不可用。豈天地之所生育。與人材性分之所授者。絕然相異耶。臣體問得宜。微使尊偉。在西邊見其用。環慶兵皆不及涇源秦鳳。只因經略使范仲淹。在慶州日。與种世衡等處置各盡其宜。故今四路之中。唯環慶路蕃兵號為得力。是知教之在人。而不在其性分之相異也。臣愚以為陛下宜擇朝廷有文武材略者。往涇源秦鳳。擇蕃兵可教者教之。固其部族。合其心力。使勸勉奮勵。樂為吾用。則十萬餘蕃兵。不費官中粒食。而可以為心腹之用矣。一臣以謂蕃人欲其古文國羣集卷之四十三

主宋文卷五

可用。須令有合有離。離之所以弱。其勢合之所以齊。其力。沿邊諸族附塞而居者。皆分離散處。無大首領也。勢既離弱。必須團合。所以均其志趣。齊其心力。使其勸勉奮勵。相率而為吾用。臣愚以謂涇源秦鳳兩路蕃兵。可為十部。每部置都巡檢一人。以蕃官有材能識略。為眾所服者統之。而以漢官一員為都大提舉以總之。但得蕃人畏其首領。而以漢官總其權任。自然不敢作過。而久遠竝為吾用矣。臣謂沿邊蕃部欲其可用。莫若使其與漢人雜居。今沿邊蕃部時

零田地耕墾所不至者極多。但自來官中須得項畝相連地段相接者。方始招添弓箭手。臣愚以為本不須地段相連。一段三二十畝以上者。即三五段。便可招一名弓箭手矣。切計沿邊諸族。不下十餘萬帳。大約十餘萬帳。可招弓箭手一萬人。以一萬人散居十餘萬帳之間。則何患其心腹不一。思慮不專乎。是則招添弓箭手一萬人。便可獲蕃兵十餘萬人之用也。一臣切見官中自來欲令蕃兵獻地。招致弓箭手多。是令其全段獻納。盡帳起離。此蕃人所以顧戀而不肯獻也。若田地隘狹。招致不足處。可令熟戶隨其地段多少。大約耕百畝者。即獻十畝。與官中招添弓箭手。令其全段獻納。盡帳起離。而蕃人顧戀所獻者狹。若隨其地段割令以獻。則山原高下。所獻者廣。又令弓箭手得散在沿邊族帳之間。使中國羈游無事之民耕蕃部荒閑之地。而可以禁其背叛。結其心腹。諳其利害。豈不顯然明白耶。昔魏終和戎。謂戎秋貴貨賤土。其土可賈。今之蕃部正同此耳。若國家厚以恩信撫之。其土地皆可賈易而致。臣切案古渭州一帶

古文國羣集卷之四十三

主宋文卷五

至洮河蘭郿之間。漢隴西南安金城三郡地。所謂望
中閣。壘臨羌。抱罕。耶。中大小榆。土地肥饒。宜穀者。皆
在洮河蘭郿之間。誠得而耕之。其利豈止威伏羌戎
而已耶。

上淵聖皇帝書

楊時

公以熙寧九年第進士。是時國方多難。支用
不足。詔書數下。人不能當。故時上此書。

臣聞古之欲明明德於天下者。先治其國。欲治其國
者。先齊其家。欲齊其家者。先修其身。欲修其身者。先
正其心。欲正其心者。先誠其意。欲誠其意者。先致其
知。致知在格物。物格而後知至。知至而後意誠。意誠
而後心正。心正而後身修。身修而後家齊。家齊而後
國治。國治而後天下平。自一身之修。推而至於天下
無二道也。本諸誠意而已。臣竊觀陛下育德東宮。十
有餘年。惟詩書是習。玩好聲色之奉。不接於耳目。雖
名實未加於上下。而恭儉之德。天下已孚矣。臨御之
初。東寇未平。虜騎尋至。城無樓櫓。士不素練。守禦之
具闕如也。城中之民。安特而無恐者。惟陛下盛德耳。
未平之寇。皆投戈負耒。復為力耕之農。豈一人一日
之力所能勝哉。誠意感通。而人自服從。其効可見也。
自古願治之君。惟在慎一相。蓋宰相入主之心。膂也。
臺諫耳目也。百執事股肱也。心膂之謀慮不深。耳目
之視聽不明。股肱之宜力不彊。而能安其身者。未之

淵聖本無
失德此言
非諛

有也。臣竊謂君臣相與之際，尤當以誠意為主。一有不誠，則任賢不能勿貳，去邪不能勿疑。忠邪不分，鮮克以濟。昔在仁祖時，韓琦爲諫官，論四執政，一日而盡去之。有唐陳師合言人主不可假宰相以事權。太宗曰：是欲間吾君臣也。遂逐之。故正觀嘉祐之治，幾至三代。以任賢去邪之功也。若仁祖而不明，則必以韓琦之言爲已甚。太宗而懷疑，則必以師合之言爲忠。豈不殆哉！近見臺諫有言宰相者，陛下兩置而不問，使言之無實而不罪，則讒邪誹怨者得以肆其奸。

古文國璋集

卷之四十三

宋文卷五

言之有實而不行，則鄙夫患失者得以安其位。如是而求治，臣知其難矣。唐中宗時，崔琬對仗彈宗楚客，故事大臣披彈，則俯伏趨出，立朝堂待罪。楚客更憤，怒自陳忠鯁，爲琬所誣。中宗不窮問，命琬與楚客結爲兄弟以和解之。故中宗卒有和事之名，和事非人主之美稱也。可不監之哉！臣願陛下明是非，辨邪正，有罪則去，妄言必誅，則小大之臣有所懲戒，咸懷忠良矣。如是而天下不治，未之有也。夫舜之命禹征苗也，禹以益贊之言而班師。二臣未嘗稟命也，而安行

之。舜亦誕敷文德而莫之間，以後世言之，二臣遂事之，誅宜無所逃也。非君臣相與以誠，無間言焉。有是哉！人君之任臣，當慎其始而已。苟非其人，雖一日居其位，不可也。疑而用之，其弊有不可勝言者。初，德宗在藩邸，親見代宗爲政之弊，雙溺奄官爲緝紳禍，及其卽位，痛懲之。省四方不急之貢，罪梨園樂工，及獻珍禽奇獸怪草異木，縱馴象四十有二於荆山之陽。又出官女數百人，中外聳觀。謂太平可以立致。淄青軍士至，投戈相顧曰：明主出矣。吾屬猶反乎？疎斥宦

古文國璋集

卷之四十三

宋文卷五

官親任朝士。張涉薛邕之徒，俱以儒雅入侍，已而二人繼以賍敗。於是始疑在庭之臣，無可倚信者。而宦官因得藉口，故近習用而朝士疎矣。蓋其任臣，其始不慎，擇故也。夫南北司相爲輕重，此重則彼輕，此輕則彼重，理之必至也。其後歛天下之財，婦之大盈，以爲私藏，借商除陌稅間架之令行而天下騷然矣。其弊益甚於代宗之時。奄人用事，至持天下之柄，授之卒有門生國老之稱，可勝痛哉！蓋其初出於一時之銳，無至誠不已之心以持之，未有終不變者也。此前

詔旨不信
於民故
三嘆

古文周章集卷之四十五

大宋文卷五

世覆車之轍可以爲監矣。近聞百工技巧雖盡廢罷猶私言於宦臣之家。覲幸異時投間而入不可不察也。竊聞道路之言頗異前日雖細民無知亦朝廷有以召之也。自正月以來屢降德音盡復祖宗之舊賦外征歛竝行蠲除閭巷歡忻鼓舞日需膏澤今既數月矣未有一事如祖宗之時者賦外征歛率由舊貫自崇寧迄於宣和寬恤之詔歲一舉之宣之通衢而人不聽掛之墻壁而人不睹以其文具而實不至故也陛下嗣守神器尤宜慎始詔令如此是亦文具而已。後雖有德意人誰信之。孟子曰得天下有道得其民斯得天下矣得其民有道得其心斯得其民矣夫民者邦本也一失其心則邦本搖矣不可不慮也。然邊陲未寧勤王之師無慮數十萬計幸於朔方日費不貲而邊郡殘破十無一二涓流積之而尾閭泄之臣知其不易供也朝廷未能一如詔旨不取於民者亦事有不可得已耳而遠方百姓蓋未之知也。人君高拱於一堂之上而四方萬里之遠欲上之德戶知之臣恐非智力所及也。周官擇人掌誦王志道國之政

古文國璋集卷之四十五

大宋文卷五

事巡天下邦國而語之正爲此也。臣願陛下修擇人之官每路遣使一員慎簡忠信可任者使誦上志道國之政事偏歷所部而語之候邊事稍寧兵革衰息則賦外蠲除悉如前詔不爲虛文使百姓曉然知息肩之有期則人將和悅而正王面矣。此今日之急務也。仍令詢寃民之利病可以興除者吏之能否可以升黜者獎政良法可以罷行者條具以聞方嬖倖持權官吏出其門者日求珍貨以媚悅之奸雖狼籍無敢誰何者上下相蒙所以成俗汚染之久未易遽革。臣嘗論其一二雖蒙施行不過放罷而已未嘗究治也。昔成王以商之頑民封康叔則告之曰欽明乃罰人有小罪非貴乃惟終自作不典式爾有厥罪小亦不可不殺聖人豈樂於殺人哉道之弗從令之不服非有嚴刑重誅不能禁也。既歷三紀世變風移而後康王以成周之衆命畢公則告之曰惟德惟義時乃大訓先王之施德刑非有異也因時而已。凡諸路奸賍之吏當究見情實稽成王命康叔之意甚者肆諸市朝投之領海庶乎人怨少伸和風克塞矣。

是時金人初退國用煩多恩詔不能如今亦事勢也欲使近臣慰諭四万雖未切要然亦爲朝廷敷德意根本之論也

選舉議

劉攽

神宗時同知禮院劉攽上奏

臣准御史臺告報進詔書天下學校貢舉之法傳訪臣等令得詳議者臣愚以謂人主之舉事與人臣之獻議不同人臣之議者盛言古事以爲高侈言已忠以爲情迂遠而不切事情汗漫而不濟世務雖已自知其無益于治矣而猶爲之何也其言之有理其持之有故其名之所存足以夸衆眩俗故敢爲而不疑耳人主之舉事則不然度時之所宜因俗之所安不以虛名而棄寔效不慕遠業而捐近功使令出而下必信事舉而俗必定故與其出令不當而急改之不如謀事于始而慎慮也今陛下思選舉之法不明教有之方未善此必有以自下久遠之事感動上聽者不可不察也本朝承下五之末創起律令雖未及三代其隨時因俗從宜應變增損不常亦自一朝之制而選舉之法行之百有餘歲累朝將相名卿及今之所謂賢材與其天下之議論者皆非以他塗進者也而誣以爲未嘗得人臣竊以爲過矣且臣論之今時

選舉之法
雖歷代不
同要其得
失在人而
不非法

宋時進士
官甚卑有
舉進士而
終身于州
縣元職不
得爲京官
者必待大
臣奏保而
後改京官
與我朝之
法大異

選舉之患不在創法之未善而在有司之弗良不患
試言之非要而患聽者之不察何以言之今國家求
賢良異材之人則使公卿荐舉求文學經術之士則
使郡縣推擇此雖三代取士何以過此帝典之言曰
敷納以言孔子曰不知言無以知人也然則未知人
莫如聽言故國家試士以文詞亦二帝敷納之比也
試使有司兼仲山將明之才懷孟子知言之術精聽
慎擇則賢不肖豈不較然由是觀之取士之法本未
嘗失而有司之聽或不能盡今以有司之不能聽盡
古文國璋集卷之四十三
主宋文卷五
而變法法雖亟變而不擇人付之雖法如三代猶將
終無益也議者或謂文詞之爲薄陋不足以待天下
之士臣愚以爲今進士之初任者不過得爲吏部選
人國家待門蔭恩澤者亦爲選人流外小吏亦爲選
人選人如此之卑也而天下之士以文詞應此選豈
不固有餘裕哉朝廷設置何等爵祿而更難難其選
乎且進士成名者國家亦何嘗便以爲才傑而任用
之或以文章顯或以法律用或以善政事稱或以治
財賦進皆待其來日成效而後有取則夫取士之始

取人于郡
縣吏試而
有微印也
鄉舉里選
之法小異
而大同此
後代所以
不汰漢也

亦何用新新選情若不得已哉且朝廷更選舉之法
將以想望高才豪傑之士也今天下之士至于禮部
者歲不下二千人朝廷豈能以玉帛之聘弓旌之招
而遍得此乎必亦使之投牒自進耳士之投牒自進
必非豪傑之士伊尹管仲之儔雖其科試而取之徒
小異其名目然其得士未有以異于前也更恐好利
術鬻之人崇虛名以亂真則取士之失又甚于往日
矣議者又謂不如一用鄉舉里選者此又知其一未
知其二也大二漢之用鄉舉里選所以得人者其時
古文國璋集卷之四十三
主宋文卷五
郡縣之吏自廷掾諸曹卒史取吏亭長游徼皆賢士
爲之故其臨財不苟則知其廉值事能斷則知其智
文武才略莫不畢效故其舉之有實舉之不難自流
品分別郡縣吏卒棄絕爲賤不齒于縉紳賢士不復
從此役士之居鄉里者何由察知苟憑虛名以進人
後有不稱將復相與蔽護其短而謂之材終亦不得
真賢寔廉矣是鄉舉里選又不可盡用也凡此數端
皆臣所以深疑者也不知臣之愚陋至此耶抑亦千
慮將有一得也然愚者之志專則難移故臣願朝廷

且毋庸輕變選舉之法。不如因舊法而慎選有司之
爲愈也。雖然尚有一說。今有人于此。明辨足以判獄
訟。智略足以治財賦。而文詞不足以自發。經藝不至
于浹洽。則將捐棄終身。無仕進之望。其材豈不可惜
哉。臣願陛下爲設從政科。使公卿及監司舉如此人
以充選。必有舉者三人。乃召而用之。且毋以爲真。試
之三年。才任其事。然後命之以官。卽不可。便復還爲
民而坐其舉者。如此。則天下之材士。殆無遺逸矣。臣
聞教育之法。所以治性也。性修則智明。智明則應物
古文圖彙集卷之四十三
不惑。不惑則盛德之士也。自兩漢以來。學者未嘗不
以利祿爲心。夫可誘以利祿。而勉強爲善。則德性難
矣。是故。造士不及三代者。由此也。今陛下建學校。爲
置明師而誨道之。母問其所學。母限其所能。則賢材
莫不養育矣。若惡文章之微。而以經藝勸之。學者之
志。不出爲于祿利也。則文章之士。變而爲經藝。雖曰
不同。其離于德性也均矣。天之生材。有昏有明。智明
才大者。非小智小識之能掩也。及其淺晦下位。雖曰
提之。亦終不能以致高大。士修之于家。足以成材。又

何待學官釋課督勉之哉。臣愚不足以知遠略。惟陛
下裁幸。

同時爲此議者甚多。唯此最明德達于事理。

論進築非便疏

范純粹

臣伏見陝西河東沿邊諸路拓地深遠城守增多凡
邊臣始議經營利害之實與夫朝廷處決之計臣固
不得與聞而他路形勢之狀保明之計臣所未嘗親
見者亦不敢輕議唯是河東一路臣忝領帥任雖止
百有餘日而承乏郵延亦既累月耳目間見略已詳
熟誠心所得義不蔽欺切惟兩路凋殘困于進築在
公則所費金帛緡錢不知其幾千萬內外之力既已
匱竭此朝廷固亦究見不待臣言而後知在私則大
古文圖瑋集卷之四十三 宋文卷五

兵之後洊有凶年雖去歲夏秋兩經豐穰而物價未
甚減小如鄜延路新城堡砦今春糴買米斗猶有至
一貫四百文者則一方艱食可以概見春冬苦雪餓
孱縱橫士卒疲羸鵠服過半其月得料錢不足克一
飽之費民之窮弊從此可推唯是浮浪賊貪之人欺
天罔上盜竄名器大得所欲賤者既貴貧者既富間
間小子略遂封侯之望而掉臂散去者又不知其幾
千百人也所拓之地疆界遼絕由是封堠有去城砦
一百五六十里去處必欲責巡捉人馬頻至境上則

裝糧露宿曠日不返奔走疲弊衆情厭苦若欲休養
士卒則新地之內無復人迹將士觀望不敢有言朝
廷欲墾闢新疆每路置提舉官招刺弓箭手以資兵
備而所得多浮浪闕食之人唯幸借貸種糧牛具等
錢而隨即逃亡臣在河東路勘會得一季之內逃亡
至四分今至鄜考察得提舉弓箭手官百杏所招人
計六千九百五十一人內已逃亡過二千八十八人
地未加闢而所失財用亦已多矣是未見得地之爲
利也郵延一路前此頗以招納爲事臣今契勘自紹
古文圖瑋集卷之四十三 宋文卷五

聖三年後來計招到夏國人口共一萬一千五百餘
人其中丁壯纔及三千自餘皆婦女老小之數並計
日給食內已得班行名目人皆給料錢驛券歲糜極
廣錢糧浩博若謂可以分彼兵力則一國之衆豈以
三千人爲重輕若謂使可以致彼離叛則前後招納
甚久而未嘗小驗平日莫測心腹間輒叛去不唯出
入之時決不敢保其爲用而緩急之際內變可虞遼
防事幾靡不傳洩由是推之安知其非謀也哉是未
見得人之爲利也新地之內既有城堡之備莫非先

計兵力。今計鄜延一路。新舊城砦二十七處。合用守兵六萬三千。然祇是依守禦之法。計地步排立之人。而出奇禦敵。將休固守者。未在此數。新壘守人。既不可闕。餘雖舊砦。亦當足兵。有如金明。最是近裏。乃者賊至。屠戮無遺。則知不問城堡之新舊。舉不可乏人。而後可以責其固守也。自夏人納款已來。朝廷已將戍兵將吏十減六七。今諸城寨守禦人數。未及合用十分之四。若將來稍有警急。則兵備何以自全。若萬一再遇凶年。則歲用何以取濟。是城守之計。爲甚。

古文園羣集 卷之四十三 宋文卷五

可憂也。議者以謂夏人力屈情見。既極恭順。請命率職。誠服不渝。邊患封疆。自此大定。臣愚不善料敵。未敢信然。而日夜區區私憂國計。何者在。彼國勢恐尚惜諸路所取之地。在人常情。恐未忘積年所結之隙。今雖修貢。而未及疆議者。良有以也。通養力待時。聊以自欺耳。蓋歲額賜予。至于來朝商賈。所得甚厚。而又諸路塞上。博易公行。度彼三二年間。事定力全。則必先以盡疆爲請。一語不契。決復盜邊。臣恐朝廷未可以今日之迹。遂爲奠枕之安。虜情深狡。爲甚可憂。

也。臣以謂開邊之初。昔固神速。善後之計。今實難爲。雖得地得人。未見稍利。而虜備實可寒心。臣不敢苟無事于目前。乃所願圖安于永久。若一路城守。朝廷可以增足戍兵。增戍之兵。朝廷可以常足歲費。則臣雖疲懦。敢不竭心。庶幾上遵廟謀。聊可居職。今守計不備。無兵可增。縱有兵可增。而財用乏。窘以此禦寇。豈臣敢當它路事宜。度不殊此。措置宜先于機會。豐凶難測。于天時。伏望聖慈。曲賜軫惻。內量國力。外察邊情。深詔大臣。更爲遠慮。明降畫略。以杜報虞。臣

古文園羣集 卷之四十三 宋文卷五

于神宗皇帝在御之時。數陳兵議。後于哲宗皇帝臨朝之日。復論土疆。或賜優容。或因而坐廢。有干典憲。實出狂愚。今者再被使令。未忍便爲緘嘿。不唯身任憂責。况復欲在論思。雖置散投閒。固重轡車之戒。而納忠敘事。詎忘體國之心。

邊防下

秦觀

臣既言靈武蘭會之形勢因請遠陳攻守之策今夫盡堅悉銳傳壘而陣八部並進晝夜不息是知攻而已者也增陴濬隍嬰城自固屈指計功以須援兵是知守而已者也知攻而已者可以擒小敵矣而不可以擒大敵知守而已者可以保堅城矣而不可以保危城古之知攻守者不然堅壁不戰自養其鋒則雖大敵而可擒直前逆擊折其盛勢則雖危城而可保是之謂以守爲攻以攻爲守非天下之奇材何足以

古文國瑋集

卷之四十三

辛宋文卷五

知之乎諸葛相蜀歲出師以伐魏魏人患之及亮死師不復出而蜀遂以亡蓋亮以蜀者險阻新造之國而四面皆迫強敵非數出銳師以挫之則其勢不能自保此則以攻爲守者也漢使趙克國擊先零而請罷騎兵留步士萬人屯田以待其敵宣帝從其議遂滅先零蓋克國以先零窮寇急與之角則中國必有饋轉輸之勞故罷騎留屯而圖以耕月此則以守爲攻者也臣以爲孔明所以保蜀之策可以守蘭會而克國所以破先零之計可以取靈武何則今蘭會

之地與夏人接界犬牙相入若積粟儲械端坐而守彼必時入而寇我小則掠羊馬大則拔障隄擾兵將至羗輒引去旣解而歸則又復入如此連年則我數搖動而車甲疲非長久之道也爲今之策莫若以秦鳳涇原麟府鄆延環慶五路之兵與蘭會相表裏約以兵萬人歲各一出雖大勝無輕入雖小却無久留務以撓羗人而已大以五路之兵歲各一出則是我之兵歲一戰而羗人歲五戰也羗雖魁健豈有歲五戰而不罷極者也彼旣收死扶傷之不給則蘭會之

古文國瑋集

卷之四十三

辛宋文卷五

地自然無事此則孔明守蜀之遺意也自靈武陷沒八十餘年其地北拒大河南抵環慶瀚海七百里曷齒無水泉若誠舉大兵徑薄其下則虜將嬰其巢穴竄伏不出而潛以精兵擊吾歸路吾軍糧盡引還則腹背受敵而進退不可得非萬全也爲今之策莫若興屯田假以歲月以爲必誅之計今屯田自關中以至塞下往往而有然水不興人力未盡內無良吏爲之教督外無遊兵爲之捍敵是以雖有其名而未享其利願置使者一人如漢之搜粟都尉之類專領

其事。凡要害之利。盡發吏卒屯之。潯溝滄。繕亭障。頻出騎士以爲田者。遊兵積粟數百萬斛。則靈武在吾掌股中矣。此亦充國破先零之遺意也。夫羌以數縣之衆。乃能與中國之師抗者。無他。吾軍動以轉輸。輜重自隨。非饋餉不行。彼則各處斗升之糧。負于馬上而戰耳。是中國所長者。兵多。所短者。難餉。羌所長者。易食。所短者。兵少也。今既大興屯田。假以歲月。以爲必誅之計。又分諸路之兵。歲各一出。以爲撓賊之謀。則吾之所短者。無足慮。彼之所長者。無所施。臣謂不過三年。羌必大困。然後遣一介之使。告之曰。能以靈武之地。歸中國。則罷兵。不然。并取夏臺。數州矣。彼知我不得靈武。兵未息也。必自割其地。獻于朝廷。如有迷慢不從。則以數萬人。自鄜時度塞門。抵回東阪。可唾手而取也。傳曰。猛虎在深山。百獸恐。及其在陷穽之中。搖尾而求食。積威約之漸也。夫能以積威約之漸。則羌雖勁悍。將徯尾而求食矣。

西夏之事。韓公主。戰范公主。守皆知其一。而不知其二。淮海欲兼之耶。

卷終

古文國瑋集 卷之四十三

宋文卷五

歷代古文國瑋集卷之

裏西方岳貢禹修評選

宋文

上皇帝書

蘇軾

熙寧四年二月 日殿中丞直史館伴官告院權開封府推官蘇軾謹昧萬死再拜上書皇帝陛下。臣近者不度愚賤。輒上封章。言買燈事。自知瀆犯天威。罪在不赦。席藁私室。以待斧鉞之誅。而側聽逾旬。威命不至。問之府司。則買燈之事。尋已停罷。乃知陛下不惟赦之。又能聽之。驚喜過望。以至感泣。何者。改過不吝。從善如流。此堯舜禹湯之所勉強而力行。秦漢以來之所絕無。而僅有。顧此買燈毫髮之失。豈能上累日月之明。而陛下翻然改命。曾不移刻。則所謂智出天下而聽於至愚。威加四海而屈於匹夫。臣今知陛下可與爲堯舜。可與爲湯武。可與富民而措刑。可與強兵而伐虜矣。有君如此。其忍負之。惟當披露腹心。捐棄肝膈。盡力所至。不知其它。乃者臣知天下之事。有大於買燈者矣。而獨區區以此爲先者。蓋未信

古文國瑋集 卷之四十四

宋文卷六

而諫聖人不與交淺言深。君子所戒。是以試論其小者。而其六者固將有待而後言。今陛下果赦而不誅。則是既已許之矣。許而不言。臣則有罪。是以願終言之。臣之所欲言者三。願陛下結人心。厚風俗。存紀綱而已。人莫不有所恃。人臣恃陛下之命。故能役使小民。恃陛下之法。故能勝服強暴。至於人主所恃者誰。書曰。子臨兆民。凜乎若朽索之馭六馬。言天下莫危於人主也。聚則爲君民。散則爲仇讐。聚散之間。不容毫釐。故天下歸往謂之王。人各有心。謂之獨夫。由此

古文圖彙

卷之四十四

二宋文卷十六

觀之人主之所恃者。人心而已。人心之於人主也。如水之有根。如燈之有膏。如魚之有水。如農夫之有田。如商賈之有財。水無根則槁。燈無膏則滅。魚無水則死。農無田則飢。商賈無財則貧。人主失人心則亡。此理之必然。不可逾之災也。其爲可畏。從古以然。苟非樂禍好亡。狂易喪志。則孰敢肆其冒瀆。輕犯人心。昔子產焚載書以弭衆言。賂伯石以安巨室。以爲衆怒難犯。專欲難成。而孔子亦曰。信而後勞其民。未信則以爲厲已也。唯商鞅變法。不顧人言。雖能驅至富強。

亦以召怨天下。使其民知利而不知義。見刑而不見德。雖得天下。旋踵而失也。至於其身。亦卒不免。負罪出走。而諸侯不納。車裂以徇。而秦人莫哀。君臣之間。豈願如此。宋襄公雖行仁義。失衆而亡。田常雖不義。得衆而強。是以君子未論行事之是非。先觀衆心之向背。謝安之用諸桓。未必非。而勢有不可。則反爲危辱。自古及今。未有和易同衆而不安。剛果自用而不危者也。今陛下亦知人心之不悅矣。中外之人。無賢不肖。皆言祖宗以來。治財用者。不過三司使副判官。

古文圖彙

卷之四十四

三宋文卷十六

經今百年。未嘗闕事。今者無故。又創一司。號曰制置三司條例司。六七少年。日夜講求於內。使者四十餘輩。分行營幹於外。造端宏大。民實驚疑。創法新奇。吏皆惶惑。賢者則求其說而不可得。未免於憂。小人則以其意度朝廷。遂以爲謗。謂陛下以萬乘之主。而言利。謂執政以天子之宰。而治財。商賈不行。物價騰踊。近自淮甸。遠及川蜀。喧傳萬口。論說百端。或言京師正店。議置監官。變路深山。當行酒禁。拘收僧尼常住。減刻兵吏廩祿。如此等類。不可勝言。而甚者至以爲

欲復肉刑。斯言一出。民且狼顧。陛下與二三大臣亦聞其語矣。然而莫之顧者。徒曰我無其事。又無其意。何恤於人言。夫人言雖未必皆然。而疑似則有以致謗。人必貪財也。而後人疑其盜。人必好色也。而後人疑其淫。何者。未置此司。則無其謗。豈去歲之人皆忠厚。而今歲之人皆虛浮。孔子曰。工欲善其事。必先利其器。又曰。必也正名乎。今陛下操其器。而諱其事。有其名而辭其意。雖家置一喙。以自解。市列千金。以購人人。必不信。謗亦不止。夫制置三司條例司。求利之名也。六七少年與使者四十餘輩。求利之器也。驅鷹犬而赴林藪。語人曰。我非獵也。不如放鷹犬而獸自馴。操網罟而入江湖。語人曰。我非漁也。不如捐網罟而人自信。故臣以爲消譏恩以召和氣。復人心而安國本。則莫若罷制置三司條例司。夫陛下之所以創此司者。不過以興利除害也。使罷之而利不興。害不除。則勿罷罷之而天下悅。人心安。興利除害無所不可。則何苦而不罷。陛下欲去積弊而立法。必使宰相熟議而後行。事若不由中書。則是亂世之法。聖君賢

相。夫豈其然。必若立法不免由中書。熟議不免使宰相。此司之設。無乃冗長而無名。智者所圖。貴於無述。漢之文景。紀無可書之事。唐之房杜。傳無可載之功。而天下之言治者。與文景言賢者。與房杜蓋事已立。而迹不見。功已成。而人不知。故曰善用兵者。無赫赫之功。豈惟用兵。事莫不然。今所圖者。萬分未獲其一也。而迹之布於天下。已若泥中之闕獸。亦可謂拙謀矣。陛下誠欲富國。擇三司官。屬與漕運使副。而陛下與二三大臣。孜孜講求。磨以歲月。則積弊自去。而人不知。但恐立志不堅。中道而廢。孟軻有言。其進銳者。其退速。若有始有卒。自可徐徐。十年之後。何事不立。孔子曰。欲速則不達。見小利則大事不成。使孔子而非聖人。則此言亦不可用。書曰。謀及卿士。至於庶人。翕然大同。乃底元吉。若違多而從少。則靜吉。而作凶。今上自宰相大臣。既已辭免。不爲。則外之議論。斷亦可知。宰相人臣也。且不欲以此自汙。而陛下獨安受其名而不辭。非臣愚之所識也。君臣宵旰幾一年矣。而富國之効。茫如捕風。徒聞內帑出數百萬緡。刑部

使民
益其

度五千餘人耳。以此爲衛。其誰不能且遣使縱橫。本非令典。漢武遺繡衣直指。相帝遣八使。皆以守宰。狼藉盜賊。公行出於無術。行此下策。宋文帝元嘉之政。比於文景。當時責成郡縣。未嘗遣使。至孝武以爲郡縣遲緩。始命臺使督之。以至蕭齊。此弊不革。故景陵王子良上疏極言其事。以爲此等朝辭禁門。情態卽異。幕宿村縣。威福使行。驅迫郵傳。折辱守宰。公私勞擾。民不聊生。唐開元中。宇文融奏置勸農判官。使裴寬等二十九人。並攝御史。分行天下。携勢戶口。檢責

古文圖彙集

卷之四十四

六宋文卷六

水利亦所
宜講但不
可若宋昌
輩耳

求不許邀功。然人臣事君之常情。不從其令而從其意。今朝廷之意。好動而惡靜。好同而惡異。指趣所在。誰敢不從。臣恐陛下赤子。自此無寧歲矣。至於所行之事。行路皆知其難。何者。汴水濁流。自生民以來。不以種稻。秦人之歌曰。涇水一石。其泥數斗。且既且糞。長我禾黍。何嘗言長我梗稻耶。今欲陂而清之。萬頃之稻。必用千頃之陂。一歲一淤。三歲而滿矣。陛下遂信其說。卽使相視地形。萬一官吏苟且順從。真謂陛下有意興作。上糜帑廩。下奪農時。隄防一開。水失故道。雖食議者之肉。何補於民。天下久平。民物滋息。四方遺利。蓋略盡矣。今欲鑿空訪尋水利。所謂卽鹿無虞。豈惟徒勞。必大煩擾。凡有墾畫。不問何人。小則隨事酬勞。大則量才錄用。若官私格沮。並行黜降。不赦原。若才力不辦。與修。便許申奏替換。賞可謂重。罰可謂輕。然並終不言諸色人妄有申陳。或官私悞興功役。當得何罪。如此則妄庸輕剽。浮浪姦人。自此爭言水利矣。成功則有賞。敗事則無誅。官司雖知其疎。豈可便行抑退。所在追集老少。相視可否。吏卒所遇。

古文圖彙集

卷之四十四

七宋文卷六

雞犬一空。若非灼然難行。必須且為興役。何則格沮之罪重。而悞興之過輕。人多愛身。勢必如此。且古使廢堰。多為側近冒耕。歲月既深。已同永業。苟欲興復。必盡追收。人心或搖。甚非善政。又有好訟之黨。多怨之人。妄言某處可作陂。渠規壞所怨田產。或指人舊業以為官陂。冒田之訟必倍今日。臣不知朝廷本無一事。何苦而行此哉。自古役人必用鄉戶。猶食之必用五穀。衣之必用絲麻。濟川之必用舟楫。行地之必用牛馬。雖其間或有以他物克代。然終非天下所可

古文圖華集卷之四十四

宋文卷十六

常行。今者徒聞江浙之間。數郡廢役。而欲指之天下。是猶見燕晉之棗栗。岷蜀之蹲鴟。而欲以廢五穀。豈不難哉。又欲官賣所在房場。以克衙前雇直。雖有長役。更無酬勞。長役所得既微。自此必漸衰散。則州郡事體。憔悴可知。士大夫捐親戚。棄墳墓。以從官於四方者。用力之餘。亦欲取樂。此人之至情也。若彫弊太甚。厨傳蕭然。則似危邦之陋風。恐非太平之盛觀。陛下誠慮及此。必不肯為。且今法令莫嚴於御軍。軍法莫嚴於逃竄。禁軍三犯。廂軍五犯。大卒處死。然逃軍

荆公之泥古至此

常半天下。不知雇人為役。與廂軍何異。若有逃者。何以罪之。其勢必輕於逃軍。則其逃必甚於今日。為其官長不亦難乎。近者雖使鄉戶。頗得雇人。然至於所雇逃亡。鄉戶猶任其責。今遂欲於兩稅之外。別立一科。謂之庸錢。以備官雇。則雇人之責。官所自任矣。自唐楊炎廢租庸調。以為兩稅。取大曆十四年應干賦歛之數。以定兩稅之額。則是租調與庸兩稅既兼之矣。如雇奈何復欲取庸。聖人之立法。必慮後世。豈可於兩稅之外。生出科名。萬一後世不幸有多欲之君。

古文圖華集卷之四十四

宋文卷十六

輔之以乘歛之臣。庸錢不除。差役仍舊。使天下怨毒。推所從來。則必有任其咎者矣。又欲使坊郭等第之民。與鄉戶均役。品官形勢之家。與齊民並事。其說曰。周禮田不耕者出屋粟。宅不毛者有里布。而漢世宰相之子。不免戍邊。此其所以藉口也。古者官養民。今者民養官。給之以田而不耕。勸之以農而不力。於是。有里布屋粟。大家之征。而民無所為生。去為商賈。事勢當耳。何名役之。且一歲之戍。不過三日。三日之雇。其直三百。今世三大戶之役。自公卿以降。毋得免者。

其費豈特三百而已。大抵事若可行。不必皆有故事。若民所不悅。俗所不安。縱有經典明文。無補於怨。若行此二者。必怨無疑。女戶單丁。蓋天民之窮者也。古之王者。首務恤此。而今陛下首欲役之。此等苟非戶將絕而未亡。則是家有丁而尚幼。若假之數歲。則必成丁而就役。老死而沒官。富有四海。忍不加恤。孟子曰。始作俑者。其無後乎。春秋書作兵甲。用曰賦。皆重其始為民患也。青苗放錢。自昔有禁。今陛下始立法。每歲常行。雖云不許抑配。而數世之後。暴君汙吏。古文圖彙集卷之四十四 宋文卷十六

陛下能保之歟。異日天下恨之。國史記之曰。青苗錢。自陛下始。豈不惜哉。東南買絹。本用見錢。陝西糧草。不許折兌。朝廷既有著令。職司又每舉行。然而買絹未嘗不折鹽。糧草未嘗不折鈔。乃知青苗不許抑配之說。亦是空文。只如治平之初。棟刺義勇。當時詔言。慰諭明言。永不戍邊。著在簡書。有如盟約。于今幾日。議論已搖。或以代還東軍。或欲抵換弓手。約束難恃。豈不明哉。縱使此令決行。果不抑配。計其間願輸之戶。必皆孤貧不濟之人。家若自有贏餘。何至與言交。

此最明新而人主不悟何也。

易此等輟捷已急。則繼之逃亡。逃亡之餘。則均之鄰。保勢有必至。理有固然。且夫常平之為法也。可謂至矣。所守者約。而所及者廣。借使萬家之邑。已有千斛。而穀貴之際。千斛在市。物價自平。一市之價。既平。一邦之民。自足無事。斗乞勺之弊。無里正催驅之勞。今若變為青苗。家貨一斛。則千戶之外。孰救其飢。且常平官錢。常患其少。若盡數收糶。則無借貸。若留充借貸。則所糶幾何。乃知常平青苗。其勢不能兩立。壞彼成此。所喪愈多。虧官害民。雖悔何逮。臣竊計陛下欲考其實。必然問人。人知陛下方欲力行。必謂此法有利無害。以臣愚見。恐未可憑。何以明之。臣在陝西。見刺義勇。提舉諸縣。臣常親行。愁怨之民。哭聲振野。當時奉使還者。皆言民盡樂為。希合取容。自古如此。不然。則山東之盜。三世何緣不覺。南詔之敗。明皇何緣不知。今雖未至於此。亦望陛下審聽而已。昔漢武之世。財力匱竭。用賈人桑羊之說。買賤賣貴。謂之均輸。于時商賈不行。盜賊滋熾。幾至於亂。孝昭既立。學者爭排其說。霍光順民所欲。從而予之。天下歸心。遂以

古文圖彙集卷之四十四 宋文卷十六

必難其
勢實有
礙耳

古文國瑞集卷之四十四

主宋文卷六

無事不意今者此論復興立法之初其說尚淺徒言
徒貴就賤屬近易遠然而廣置官屬多出縉錄豪商
大賈皆疑而不敢動以爲購不明言販賣然既已許
之變易變易既行而不與商賈爭利未之聞也夫商
賈之事曲折難行其買也先期而與錢其賣也後期
而取直多方相濟委曲相通倍稱之息由此而得今
官買是物必先設官置吏簿書廩祿爲費已厚非良
不售非賄不行是以官買之價比民必貴及其賣也
弊復如前商賈之利何緣而得朝廷不知慮此乃捐
五百萬緡以予之此錢一出恐不可復縱使其間薄
有所獲而征商之額所損必多今有人爲其主牧牛
羊不告其主而以一牛易五羊一牛之失則隱而不
言五羊之獲則指爲勞績陛下以爲褒常平而言青
苗之功虧商稅而取均輸之利何以異此陛下天機
洞照聖畧如神此事至明豈有不曉必謂已行之事
不欲中變恐天下以爲執德不一用人不終是以遲
留歲月庶幾萬一臣竊以爲過矣古之英主無出漢
高、鄧生謀捷楚權欲復六國高祖曰善趣刻印及聞

古文國瑞集卷之四十四

主宋文卷六

留侯之言吐哺而罵曰趣銷印稱善未幾繼之以罵
刻印銷印有同兇姬何嘗累高祖之知人適足明聖
人之無我陛下以爲可而行之知其不可而罷之至
聖至明無以加此議者必謂民可與樂成難與慮始
故陛下堅執不顧期於必行此乃戰國貪功之人行
險僥倖之說陛下若信而用之則是徇高論而逆至
情持空名而邀實禍未及樂成而怨已起矣臣之所
願結人心者此之謂也士之進言者爲不少矣亦嘗
有以國家之所以存亡層數之所以長短告陛下者
古文國瑞集卷之四十四
主宋文卷六
乎國家之所以存亡者在道德之淺深不在乎強與
弱層數之所以長短者在風俗之厚薄不在乎富與
貧道德誠深風俗誠厚雖貧且弱不害於存而長道
德誠淺風俗誠薄雖貧且富不救於短而亡人主知
此則知所輕重矣是以古之賢君不以弱而亡道德
不以貧而傷風俗而智者觀人之國亦以此而察之
齊至強也周公知其後有篡弑之臣衛至弱也季子
知其後亡吳破楚入郢而陳大夫逢滑知楚之必復
晉武既平吳何曾知其將亂隋文既平陳房喬知其

不久元帝新到支朝呼韓功多於武宣矣。偷安而王氏之釁生。宣宗收燕趙復河湟。力強於憲武矣。消兵而龐勛之亂起。故臣願陛下務崇道德而厚風俗。不願陛下急於有功而貪富強。使陛下富如隋。強如秦。西取靈武。北取燕薊。謂之有功可也。而國之長短則不在此。夫國之長短。如人之壽夭。人之壽夭在元氣。國之長短在風俗。世有尫羸而壽考。亦有盛壯而暴亡。若元氣猶存。則尫羸而無害。及其已耗。則盛壯而愈危。是以善養生者慎起居。節飲食。道引關節。吐故納新。不得已而用藥。則擇其品之上。性之良。可以久服而無害。則五臟和平而壽命長。不善養生者。薄節慎之功。逞吐納之効。厭上藥而用下品。伐真氣而助強陽。根本以空。僂仆無日。天下之勢。與此無殊。故臣願陛下愛惜風俗。如護元氣。古之聖人。非不知深刻之法。可以齊眾。勇悍之夫。可以集事。忠厚近於迂濶。老成初若遲鈍。終不肯以彼易此者。知其所得小而所喪大也。曹參賢相也。曰。慎無擾獄市。黃霸循吏也。曰。治道去泰甚。或譏謝安以清談廢事。安笑曰。泰

古文圖彙集卷之四十四

南宋文卷十六

劉晏亦本
易議蓋以
急速集事
之利

用法吏。二世而下。劉晏為度支。專居果銳。少年務在急速集事。好利之黨。相師成風。德宗初即位。擢崔祐甫為相。以道德寬大推廣上意。故建中之政。其聲蕩然。天下想望。庶幾正觀。及盧杞為相。諷上以刑名整齊天下。馴致澆薄。以及播遷。我仁祖之馭天下也。持法至寬。用人有敘。專務掩覆過失。未嘗輕改舊章。然考其成功。則曰未至。以言乎用兵。則十出而九敗。以言乎府庫。則僅足而無餘。徒以德澤在人。風俗知義。是以升遐之日。天下如喪考妣。社稷長遠。終必賴之。則仁祖可謂知本矣。今議者不察。徒見其末年吏多因循。事不振舉。乃欲矯之以苛察。齊之以智能。招來新進。勇銳之人。以圖一切速成之効。未享其利。澆風已成。且天時不齊。人誰無過。國君含垢。至察無徒。若陛下多方包容。則人材取次可用。必欲廣置耳目。務求瑕疵。則人不自安。各圖苟免。恐非朝廷之福。亦豈陛下所願哉。漢文欲拜虎圈。齊夫釋之以為利口。傷俗。今若以口舌捷給而取士。以應對遲鈍而退人。以虛誕無實為能文。以矯激不仕為有德。則先王之澤

古文圖彙集卷之四十四

南宋文卷十六

何其類今
目也

知公亦不
為無素望
特學問太
高經於太
早如以老
儒行賈而
非本色

遂將散微自古用人必須歷試諸難有卓異之器必
有已試之功一則使其更變而知難事不輕作一則
待其功高望重人自無辭昔先王以黃忠為後將軍
而諸葛亮憂其不可以為忠之名望素非關張之倫
若班爵遠同則必不悅其後關羽果以為言以黃忠
豪勇之資以先王君臣之契尚須慮此況其他乎世
嘗謂漢文不用賈生以為深恨臣嘗推究其旨竊謂
不然賈生固天下之奇才所言亦一時之良策然請
為屬國欲以係單于則是處士之大言少年之銳氣
古文國華集卷之四十四 宋文卷上

矣文景優劣於斯可見大抵名器爵祿人所奔趨必
使積勞而後遷以明持久而難得則人各安其分不
敢躁求今若多開驟進之門使有意外之得公卿侍
從跬步可圖其得者既不肯以僥倖自名則其不得
者必皆以沉淪為歎使天下常調舉生妄心耻不若
人何所不至欲望風俗之厚豈可得哉遂人之改京
官常須十年以上荐更險阻計折豪釐其間一事聲
牙常至終身淪棄今乃以一人之薦舉而與之猶恐
未稱章服隨至使積勞久次而得者何以厭服哉夫
古文國華集卷之四十四 宋文卷上

九相高以言而名實亂矣。惟陛下以簡易為法以清淨為心使姦無所緣而民德歸厚臣之所願厚風俗者此之謂也。古者建國使內外相制輕重相權如周如唐則外重而內輕如秦如魏則外輕而內重內重之末必有姦臣指鹿之患外重之弊必有大國問鼎之憂聖人方盛而慮衰常先立法以救弊我國家祖

古文國瑋集卷之四十四

大宋文公

歷觀秦漢以及五代諫爭而死蓋數百人而自建隆以來未嘗罪一言者縱有薄責旋即超升許以風聞而無官長風采所繫不問尊卑言及乘輿則天子改容事關廊廟則宰相待罪故仁宗之世議者議宰相但奉行臺諫風旨而已聖人深意流俗豈知臺諫固未必皆賢所言亦未必皆是然須養其銳氣而借之重權者豈徒然哉將以折姦臣之萌而救內重之弊也夫姦臣之始以臺諫折之而有餘及其既成以于戈取之而不足今法令嚴密朝廷清明所謂姦臣萬

公議所在
人主安可
不察
昔不謂大
理之議長
公當不深

無此理然而養貓以去鼠不可以無鼠而養不捕之猶畜狗以防姦不可以無姦而畜不吠之狗陛下得不上念祖宗設此官之意下為子孫立萬一之防朝廷紀綱孰大於此臣自幼小所記及聞長老之談皆謂臺諫所言常隨天下公議公議所與臺諫亦與之公議所擊臺諫亦擊之及至英廟之初始建稱親之議本非人主大過亦無禮典明文徒以衆心未安公議不允當時臺諫以死爭之今者物論沸騰怨謫交至公議所在亦可知矣而相顧不發中外失望夫彈

古文國瑋集卷之四十四

十九宋文公

劾積威之後雖庸人亦可奮揚風采消委之餘雖豪傑有所不能振起臣恐自茲以往習慣成風盡為執政私人以致人主孤立紀綱一廢何事不生孔子曰鄙夫可與事君也歟其未得之也患不得之既得之患失之苟患失之無所不至矣臣始讀此書疑其大過以為鄙夫之患失不過備位而苟容及觀李斯憂蒙恬之奪其權則立二世以亡秦盧杞憂懷光之數其惡則誤德宗以再亂其心本生於患失而其禍乃至於喪邦孔子之言良不為過是以知為國者平居

必有亡軀犯顏之士。則臨難庶幾有狗彘守死之臣。若平若尚不能一言。則臨難何以責其死節。人臣苟皆如此。天下亦曰殆哉。君子和而不同。小人同而不和。和如和羹。同如濟水。孫寶有言。周公大聖。召公大賢。猶不相悅。著於經典。晉之王導。可謂元臣。每與客言。舉坐解。而王述不悅。以爲人非堯舜。安得每事盡善。導亦歛衽謝之。若使言無不同。意無不合。更唱迭和。何者。非賢萬一有小人。若其間。則人主何緣得知。覺臣之所願存紀綱者。此之謂也。臣非敢歷詆新政。苟爲異論。如近日裁減皇族恩例。判定任子條式。修完器械。閱習鼓旗。皆陛下神筭之至明。乾剛之必斷。物議既允。臣敢有詞。至於所獻之三言。則非臣之私見。中外所病。其誰不知。昔禹戒舜曰。無若丹朱。傲惟慢遊。是好。舜豈有是哉。周公戒成王曰。毋若商王受之迷亂。酗於酒德。成王豈有是哉。周昌以漢高爲桀紂。劉毅以晉武爲桓靈。當時人君曾莫之罪。書之史冊。以爲美談。使臣所獻三言。皆朝廷未嘗有此。則天下之幸。臣與有焉。若有萬一似之。則陛下安可不

古文國瑋集

卷之四十四

千宋文卷十六

似國策范
對秦王
語

察然而臣之爲計。可謂愚矣。以螻蟻之命。試雷霆之威。積其狂愚。豈可數赦。大則身首異處。破壞家門。小則削籍投荒。流離道路。雖然。陛下必不爲此。何哉。臣天賦至愚。篤於自信。向者與議學校貢舉。首違大臣本意。已期竄逐。敢意自全。而陛下獨然其言。曲賜召對。從容久之。至謂臣曰。方今政令得失安在。雖朕過失指陳可也。臣卽對曰。陛下生知之性。天縱文武不患不明。不患不勤。不患不忠。但患求治太速。進人太銳。聽言太廣。又俾具述所以然之狀。陛下領之曰。卿所獻三言。朕當熟思之。臣之狂愚。非獨今日。陛下容之。久矣。豈其容之於始。而不赦之於終。恃此而言。所以不懼。臣之所懼者。譏刺既衆。怨仇實多。必將詆臣以深文。中臣以危法。使陛下雖欲赦臣。而不得。豈不始哉。死亡不辭。但恐天下以臣爲戒。無復言者。是以思之經月。夜以繼晷。表成復毀。至于再三。感陛下聽其一言。懷不能已。卒進其說。惟陛下憐其愚忠。而卒赦之。不勝俯伏待罪憂恐之至。

古文國瑋集

卷之四十四

千宋文卷十六

上皇帝書

蘇軾

公移守徐州、頗為重地、故察其形勢、言所以備賊之由

元豐元年十月 日尚書祠部員外郎直史館權知徐州軍州事臣蘇軾謹昧萬死再拜上書皇帝陛下臣以庸材、備員冊府、出守兩郡、皆東方要地、私竊以爲守法令、治文書、赴期會、不足以報塞萬一、輒伏思念東方之要務、陛下之所宜知者、得其一、二、草具以聞、而陛下擇焉、臣前任密州、建言自古河北與中原離合、常係社稷存亡、而京東之地、所以灌輸河北、鉗

古文國璋集卷之四十四

三宋文卷十六

抵牢形勢其文源於經彭城覽

竭則壘耻、辱亡則齒寒、而其民喜爲盜賊、爲患最甚、因爲陛下畫所以待盜賊之策、及移守徐州、覽觀山川之形勢、察其風俗之所上、而考之於載籍、然後又知徐州爲南北之襟要、而京東諸郡安危所寄也、昔項羽入關、既燒咸陽而東歸、則都彭城、夫以羽之雄略、搶咸陽而取彭城、則彭城之險固形便足以得志於諸侯者可知矣、臣觀其地、三面被山、獨其西平川數百里、西走梁宋、使楚人開關而延敵、材官騁發、突騎雲縱、真若屋上建瓴水也、地宜宿麥、一熟而飽數

其山川覺其險也

歲其城三面阻水、樓堞之下、以汴泗爲池、獨其南可通車馬、而戲馬臺在焉、其高十仞、廣袤百步、若用武之世也、千人其上、聚櫓木砲石、凡戰守之具、以與城相表裏、而積三年糧於城中、雖用十萬人、不易取也、其民皆長大、膂力絕人、喜爲剽掠、小不適意、則有飛揚跋扈之心、未止爲盜而已、漢高祖沛人也、項羽宿遷人也、劉裕彭城人也、朱全忠、碭山人也、皆在今徐州數百里間耳、其人以此自負、凶桀之氣、積以成俗、魏太武以三十萬人攻彭城、不能下、而王智興以卒

古文國璋集卷之四十四

三宋文卷十六

即今利國縣已無城守之遺矣

伍庸材、恣睢於徐、朝廷亦不能討、豈非以其地形便利、人卒勇悍故耶、州之東北七十餘里、卽利國監、自古爲鐵官、商賈所聚、其民富樂、凡三十六冶、冶戶皆大家、藏鏹巨萬、常爲盜賊所窺、而兵衛寡弱、有凶兒戲、臣中夜以思、卽爲寒心、使劇賊致死者十餘人、自晝入市、則守者皆棄而走耳、地既產精鐵、而民皆善鍛、散冶戶之材、以備召無賴、則烏合之衆、數千人之仗、可以一夕具也、順流南下、辰發已至、而徐有不守之憂矣、不幸而賊有過人之才、如呂布、劉備之徒、得

徐而逞其志。則京東之安危。未可知也。近者河北轉運司奏乞禁止利國監鐵。不許入河北。朝廷從之。昔楚人亡弓。不能忘楚。孔子猶小之。況天下一家。東北二冶皆爲國興利。而奪彼與此。不已隘乎。自鐵不北行。冶戶皆有失業之憂。詣臣而訴者數矣。臣欲因此以征冶戶爲利國監之捍屏。今三十六冶。冶各百餘人。採鐵伐炭多饑寒。亡命強力驚恐之民也。臣欲使冶戶每冶各擇有材力而忠謹者。保任十人。籍其名於官。授以卻刀。刀槩教之擊刺。每月兩衙集於知監之庭而閱試之。藏其刃於官。以待大盜。不得役使。犯者以違制論。冶戶爲盜所擬久矣。民皆知之。使冶出十人以自衛。民所樂也。而官又爲除近日之禁。使鐵得北行。則冶戶皆悅而聽命。姦猾破膽而不敢謀矣。徐城雖險固。而樓櫓敝惡。又城大而兵少。緩急不可守。今戰兵千人耳。臣欲乞移南京新招騎射兩指揮於徐。此故徐人也。嘗屯於徐。營壘材石既具矣。而遷於南京。異時轉運使分東西路。畏愧餉之勞而移之西耳。今兩路爲一。其去來無所損益。而足以爲徐之

古文國瑋集

卷之四十四

宋文卷十六

重城下數里。頗產精石。無窮。而奉化廂軍見闕數百人。臣願募石工以足之。聽不差出。使此數百人者常採石以甃城。數年之後。舉爲金湯之固。要使利國監不可窺。則徐無事。徐無事。則京東無虞矣。沂州山谷重阻。爲逋逃淵藪。盜賊每入徐州界中。陛下若採臣言。不以臣爲不肖。願復三年守徐。且得兼領沂州兵甲。巡檢公事。必有以自效。京東惡盜多出逃軍。逃軍以賄幸風畏之。何也。技精而法重也。技精則難敵。法重則致死。其勢然也。自陛下置將官。脩軍政。士皆精銳。而不免於逃者。臣嘗考其所由。蓋自近歲以來。部送罪人配軍者。皆不使役人而使禁軍。軍士當部送者。受賂即行。往返常不下十日。道路之費。非取息錢不能辦。百姓畏法不敢貸。貸亦不可復得。惟所部將校乃敢出息錢與之。歸而刻其糧賜。以上下相持。軍政不脩。博奕飲酒。無所不至。窮苦無聊。則逃去爲盜。臣自至徐。即取不係省錢百餘千。別儲之。當部送者。量遠近裁取。以三月刻納。不取其息。將吏有敢貸息錢者。痛以法治之。然後嚴軍政。禁酒博。比暮年

今內地兵
與皆武弁
相持之故

古文國瑋集

卷之四十四

宋文卷十六

重郡守之
權亦去盜
要法也

古文國璋集

卷之四十四

宋文卷十六

士皆飽暖。練熟技藝等策。爲諸郡之冠。陛下遣勅使。按閱所具見也。臣願下其法。諸郡推此行之。則軍政脩而赴者衰。亦去盜之一端也。臣聞之漢相王嘉曰。孝文帝時。二千石長吏安官樂職。上下相望。莫有苟且之意。其後稍稍變易。公卿以下。轉相促急。司隸部刺史發揚陰私。吏或居官數月而退。二千石益輕賤。吏民慢易之。知其易危。小失意則有離畔之心。前山陽亡徒蘇令從橫。吏士臨難。莫肯仗節死義者。以守相威權素奪故也。國家有急。取辦於二千石。尊重難。古文國璋集卷之四十四

聽法外處置強盜。頗賜緡錢。使得以布設耳目。畜養爪牙。然緡錢多。賜則難常。少有不足於用。臣以爲每郡可歲別給一二百千。使以釀酒。凡使人葺捕盜賊。得以酒予之。敢以爲他用者。坐贓論。賞格之外。歲得酒數百。亦足以使人矣。此又治盜之一術也。然此皆其小者。其大者非臣之所當言。欲然而不發。則又私自念。遭值陛下英聖特達如此。若有所不盡。非忠臣之義。故昧死復言之。昔者以詩賦取士。今陛下以經術用人。名雖不同。然皆以文詞進耳。考其所得。多吳楚閩蜀之人。至於京東西河北河東以西五路。蓋自古豪傑之場。其人沈鷺勇悍。可任以事。然欲使治聲律讀經義。以與吳楚閩蜀之人爭得失於毫釐之間。則彼有不仕而已。故其得人常少。夫惟忠孝禮義之士。雖不得志。不失爲君子。若德不足而才有餘者。困於無門。則無所不至矣。故臣願陛下特爲五路之士。別開仕進之門。漢法郡縣秀民。推擇爲吏。考行察廉。以次遷補。或至二千石。入爲公卿。古者不專以文詞取人。故得士爲多。黃霸起於卒吏。薛宣奮於書佐。朱

今之難法
古之難法
亦以此故
也如有惡
進之望則
人豈薄小
官而不為
哉

邑選於高夫。邢吉出於獄吏。其餘名臣。循吏。由此而進者。不可勝數。唐自中葉以後。方鎮皆選列校。以掌牙兵。是時四方豪傑。不能以科舉自達者。皆爭為之。往往積功。以取旄鉞。雖老姦巨盜。或出其中。而名卿賢將。如高仙芝。封常清。李光弼。來瑱。李抱玉。段秀實。之流。所得亦已多矣。王者之用人。如江河。江河所趨。百川赴焉。蛟龍生之。及其去而之他。則魚鱉無所還其體。而鰓鰓為之制。今世胥史牙校。皆奴僕庸人。者無他。以陛下不用也。今欲用胥史牙校。而胥史行文。古文國瑋集卷之四十四

宋文公集卷之四十四

其條目委曲。臣未敢盡言。惟陛下留神省察。昔晉武平吳之後。詔天下罷軍役。州郡悉去武備。惟山濤論其不可。帝見之曰。天下名言也。而不能用。及永嘉之後。盜賊蠭起。郡國皆以無備不能制。其言乃驗。今臣於無事之時。屢以盜賊為言。其私憂過計。亦已甚矣。陛下縱能容之。必為議者所笑。使天下無事。而臣獲笑可也。不然。事至而圖之。則已晚矣。干犯天威。罪在不赦。臣軾誠惶誠恐頓首頓首謹言

古文國瑋集卷之四十四

宋文公集卷之四十四

應制舉上兩制書

蘇軾

公始爲福昌主簿旋除鳳翔推官
此書深言治畧亦欲傾動兩制

軾聞古者有貴賤之際有聖賢之分二者相勝而不
可以相參其勢然也治其貴賤之際則不知聖賢之
爲高行其聖賢之分則知不貴賤之爲差昔者子思
孟軻之徒不見諸侯而耕於野比閭小吏一呼於其
門則搨衣而從之至于齊魯千乘之君操幣執贄因
門人以願交於下風則閉門而不納此非苟以爲異
而已將以明乎聖賢之分而不參於貴賤之際故其
搨衣而從之也君子不以爲畏而其閉門而拒之也
君子不以爲傲何則其分定也士之賢不肖固有之
矣子思孟軻不可以人人而求之然而貴賤之際聖
賢之分二者要以不可不知也世衰道喪不能深明
於斯二者而錯行之施之不得其處故其道兩亡今
夫軾朝生于草茅塵土之中而夕與於州縣之小吏
其官爵勢力不足較於世亦明矣而諸公之貴至與
人主揖讓周旋而無間大車駟馬至於門者逡巡而
不敢入軾也非有公事而輒至於庭求以賓客之禮

古文圖瑋集

卷之四十四

手宋文卷十六

一語可盡
意無傳矣

見於下執事固已獲罪於貴賤之際矣雖然當世之
君子不以其愚陋而使與於制舉之末朝廷之上不
以其疎賤而使奏其猖狂之論軾亦自忘其不肯而
以爲是兩漢之主所孜孜而求之親降色辭而問之
政者也其才雖不足以庶幾于聖賢之間而學其道
治其言則所守者其分也是故躊躇然而來仰不知
明公之尊而俯不知其身之賤不由紹介不待辭讓
而直言當世之故無所委曲者以爲貴賤之際非所
以施于此也軾聞治事不若治人治人不若治法治
法不若治時時者國之所以存亡天下之所最重也
周之衰也時人莫不苟煖而不立周雖欲其立而不
可得也故周亡秦之衰也時人莫不貪利而不仁秦
雖欲其仁而不可得也故秦亡西漢之衰也時人莫
不柔懦而謹畏故君臣相蒙而至於危東漢之衰也
時人莫不矯激而奮厲故賢不肖不相容而至于亂
夫時者豈其所自爲邪王公大人實爲之軾將論其
時之病而以爲其權在諸公諸公之所好天下莫不
好諸公之所惡天下莫不惡故軾敢以今之所患二

古文圖瑋集

卷之四十四

手宋文卷十六

今天下無
事不受任
法之害而
于餘除用
人尤甚
總是不限
內外耳
雖能自信
而人不之
信則奈何

者告于下執事其一口用法大密而不求情其二曰
奸名太高而不適實此二者時之大患也何謂用法
太密而不求情昔者天下未平而法不立則人行其
私意仁者遂其仁勇者致其勇君子小人莫不以其
意從事而不困於繩墨之間故易以有功而亦易以
亂及其治也天下莫不趨於法不敢用其私意而惟
法之知故雖賢者所為要以如法而止不敢於法律
之外有所措意夫人勝法則法為虛器法勝人則人
為備位人與法並行而不相勝則天下安今自一命
古文圖彙集卷之四十四
以上至于宰相皆以奉法循令為稱其職拱手而在
法曰吾豈得自由哉法既大行故人為備位其成也
其敗也其治也其亂也天下皆曰非我也法也法之
弊豈不亦甚矣哉昔者漢高之時晉侯為太子少傅
位于叔孫之後而周昌亦自御史大夫為諸侯相天
下有緩急則功臣左遷而不怨此亦知其君臣之權
不以法而相持也今天下所以任法者何也任法生
於自疑自疑生於多私惟天下之無私則能于法律
之外有以效其智何則其自信明也夫唐永泰之間

奸臣執政政以賄成德宗發憤而用常袞袞一切用
法四方奏請莫不獲者然天下否塞賢愚不分君子
不以為能也崔祐甫為相不至暮年而除吏八百多
其親舊或者以為譏祐甫曰不然非親與舊則安得
而知之顧其所用如何爾君子以為善用法今天下
泛泛焉莫有深思遠慮者皆任法之過也何謂奸名
太高而不適實昔者聖人之為天下使人各致其能
以相濟也不一則不專不專則不能自堯舜之時而
伯夷后夔稷契之倫皆不過各一藝辦一職以盡其
古文圖彙集卷之四十四
能至于子孫世守其業而不遷夔不敢自與于知禮
而契不敢自任于橋種至于三代之際亦各輪其才
而安其習以不相犯躐凡書傳所載者自非聖人皆
止于名一藝辦一職故其藝未嘗不精而其職未嘗
不舉後世之所希望而不可及者曰此故也下而至
於漢其君子各務其所長以相左右故史之所記武
宣之際自公孫魏邴以下皆不過以一能稱于當世
夫人各有才才各有大小大者安其大而無忽于小
小者樂其小而無慕于大是以各適其用而不喪其

講學之士
類然

所長。及至後世。上失其道。而天下之士。皆有侈心。唯以一藝自名。而欲盡天下之能事。是故喪其所長。而至于無用。今之士大夫。其質病此也。仕者莫不談王道。述禮樂。皆欲復三代。追堯舜。終於不可行。而世務因以不舉。學者莫不論天人。推性命。終於不可究。而世教因以不明。自許太高。而措意太廣。太高則無用。太廣則無功。是故賢人君子。布于天下。而事不立。聽其言。則侈大而可樂。責其效。則汗漫而無當。此皆好奇之過。深惟古之聖賢。建功立業。與利捍忠。至於百工小民之事。皆有可觀。不若今世之因循鹵莽。其故出於此二者歟。伏惟明公才畧之宏偉。度量之寬厚。學術之廣博。聲名之煒燁。冠於一時。而至於百世。百世之所望而正者。意有所向。則天下奔走而趨之。則其際時憂世之心。或有取於斯言也。賦將有深於此者。而未敢言焉。

古文園瑋集

卷之四十四

書

宋文卷十六

臣聞好兵猶好色也。傷生之事非一。而好色者必死。賊民之事非一。而好兵者必亡。此理之必然者也。夫惟聖人之兵。皆出於不得已。故其勝也。享安全之福。其不勝也。必無意外之患。後世用兵。皆得已而不已。故其勝也。則變遲而禍大。其不勝也。則變速而禍小。是以聖人不計勝負之功。而深戒用兵之禍。何者。興師十萬。日費千金。內外騷動。始於道路者七十萬家。內則府庫空虛。外則百姓窮匱。饑寒逼迫。其後必有盜賊之憂。死傷愁怨。其終必致水旱之報。上則將帥擁眾。有跋扈之心。下則士眾久役。有潰叛之志。變故百出。皆由用兵。至於興事首議之人。冥謫尤重。蓋以平民無故。緣兵而死。怨氣克積。必有任其咎者。是以聖人畏之重之。非不得已。不敢用也。自古人主好動干戈。由敗而亡者。不可勝數。臣今不敢復言。請為陛下言其勝者。秦始皇既平六國。復事吳越。戍役之患。被於四海。雖拓地千里。遠過三代。而墳土未乾。天下怨叛。二世被害。子嬰被擒。滅亡之酷。自古所未嘗有。

代張方平諫用兵書 熙寧十年 蘇軾

臣聞好兵猶好色也。傷生之事非一。而好色者必死。賊民之事非一。而好兵者必亡。此理之必然者也。夫惟聖人之兵。皆出於不得已。故其勝也。享安全之福。其不勝也。必無意外之患。後世用兵。皆得已而不已。故其勝也。則變遲而禍大。其不勝也。則變速而禍小。是以聖人不計勝負之功。而深戒用兵之禍。何者。興師十萬。日費千金。內外騷動。始於道路者七十萬家。內則府庫空虛。外則百姓窮匱。饑寒逼迫。其後必有盜賊之憂。死傷愁怨。其終必致水旱之報。上則將帥擁眾。有跋扈之心。下則士眾久役。有潰叛之志。變故百出。皆由用兵。至於興事首議之人。冥謫尤重。蓋以平民無故。緣兵而死。怨氣克積。必有任其咎者。是以聖人畏之重之。非不得已。不敢用也。自古人主好動干戈。由敗而亡者。不可勝數。臣今不敢復言。請為陛下言其勝者。秦始皇既平六國。復事吳越。戍役之患。被於四海。雖拓地千里。遠過三代。而墳土未乾。天下怨叛。二世被害。子嬰被擒。滅亡之酷。自古所未嘗有。

古文園瑋集

卷之四十四

書

宋文卷十六

文極頓挫
大有姿態

古文國瑋集卷之四十四

宋文卷十六

也。漢武帝承文景富溢之餘，首挑匈奴，兵連不解，遂使侵尋及於諸國。歲歲調發，所向成功。建元之間，兵禍始作。是時蚩尤旗出，長與天等。其春，戾太子生，自是師行三十餘年，死者無數。及巫蠱事起，京師流血，僵尸數萬。太子父子皆敗，班固以爲太子生長於兵，與之終始。帝雖悔悟自克，而殺身之恨已無及矣。隋文帝既下江南，繼事夷狄，煬帝嗣位，此心不衰。肯能誅滅強國，威震萬里，然而民怨盜起，亡不旋踵。唐太宗神武無敵，尤喜用兵，既已被滅突厥，高昌吐谷渾等猶且未厭。親駕遼東，皆志在立功，非不得已而用。其後武氏之難，唐室凌遲，不絕如綫。蓋用兵之禍，物理難逃。不然，太宗仁聖寬厚，克已裕人，幾至刑措，而一傳之後，子孫塗炭。此豈爲善之報也哉？由此觀之，漢唐用兵於寬仁之後，故其勝而僅存。秦隋用兵於殘暴之餘，故其勝而遂滅。臣每讀書至此，未嘗不掩卷流涕。傷其計之過也。若使此四君者，方其用兵之初，隨即收斂，惕然戒懼，知用兵之難，則禍敗之興，當不至此。不幸每舉輒勝，故使狙於功利，慮患不深，臣

古文國瑋集卷之四十四

宋文卷十六

故曰：勝則變遲，而禍大；不勝則變速，而禍小。不可不察也。昔仁宗皇帝覆育天下，無意於兵，將士惰偷，兵革朽鈍。元昊乘間竊發，西鄙延安、涇原、麟府之間，敗者三四，所喪動以萬計。而海內晏然，兵休事已，而民無怨言。國無遺患，何者？天下臣庶知其無好兵之心。天地鬼神諒其有不得已之實故也。今陛下天錫勇智，意在富彊，卽位以來，繕甲治兵，伺候鄰國。羣臣百寮窺見此指，多言用兵。其始也，弼臣執國命者，無憂深思遠之心；樞臣當國論者，無慮害持難之識。在臺諫之職者，無獻替納忠之議。從微至著，遂成厲階。既而薛向爲橫山之謀，韓絳劾深入之計，陳升之、呂公弼等陰與之協力，師徒喪敗，財用耗屈，較之寶元、慶曆之敗，不及十一。然而天怒人怨，邊兵背叛，京師騷然。陛下爲之盱衡者累月，何者？用兵之端，陛下作之。是以吏士無怒敵之意，而不直陛下也。尚賴祖宗積累之厚，皇天保佑之深，故使兵出無功，感悟聖意，然淺見之士，方且以收爲耻，力欲求勝以稱上心。於是王韶構禍於熙河，章惇造孽於橫山，熊本發難於渝

瀝然此等皆戕賊已降。俘繫老弱。困弊腹心。而取空虛無用之地。以爲武功。使陛下受此虛名。而忽於實禍。勉強砥礪。奮於功名。故沈起劉蕡復發於安南。使十餘萬人暴露瘴毒。死者十而五六。道路之人。斃於輸送。貨糧器械。不見敵而盡。以爲用兵之意。必且少衰。而李憲之師。復出於洮州矣。今師徒克捷。銳氣方盛。陛下喜於一勝。必有輕視四夷。凌侮敵國之意。天意難測。臣實畏之。且夫戰勝之後。陛下可得而知者。凱旋捷奏。拜表稱賀。赫然耳目之觀耳。至於遠方之古文國瑋集卷之四十四
宋文卷十六

之內府累世之積。掃地無餘。州郡征稅之儲。上供殆盡。百官習者。僅而能繼。南郊賞給。久而未辦。以此舉動。雖有庾倖。無以善其後矣。且饑役之後。所在盜賊。蠭起。京東河北。尤不可言。若軍事一興。橫歛隨作。民窮而無告。其勢不爲大盜。無以自全。邊事方深。內患復起。則勝廣之形。將在於此。此老臣所以終夜不寐。臨食而歎。至於慟哭。而不能自止也。且臣聞之。凡舉大事。必順天心。天之所向。以之舉事。必成。天之所背。以之舉事。必敗。蓋天心向背之迹。見於災祥豐歉之古文國瑋集卷之四十四
宋文卷十六

百戰百勝。祀漢配天。然至白登被圍。則講和親之議。西域請吏。則出謝絕之言。此二帝者。非不知兵也。蓋經變既多。則慮患深遠。今陛下深居九重。而輕議討伐。老臣庸懦。私竊以爲過矣。然人臣納說於君。因其既厭而止之。則易爲力。迎其方銳而折之。則難爲功。凡有血氣之倫。皆有好勝之意。方其氣之盛也。雖布衣賤士。有不可奪。自非智識特達。度量過人。未有能勇於奮發之中。舍已從人。惟義是聽者也。今陛下盛氣於用武。勢不可回。臣非不知。而獻言不已者。誠見

古文國瑋集

卷之四十四

宋文卷十六

陛下聖德寬大。聽納不疑。故不敢以衆人好勝之常心。望於陛下。且意陛下他日親見用兵之害。必將哀痛悔恨。而追咎左右大臣未嘗一言。臣亦將老且死。見先帝於地下。亦有以藉口矣。惟陛下哀而察之。張公先朝舊臣。故公爲草疏。其詞惻怛懇至。又不若公平日所爲文。以雄快自喜也。

歷代古文國瑋集卷之四十四終

歷代古文國瑋集卷之四十五

襄西方岳貢禹修評

宋文

論積欠六事并乞檢會應詔四事一處行下狀

元祐中。公知揚州。省吏暴肆民。多不堪。乃條六事爲狀以聞。蘇軾

元祐七年五月十六日。龍圖閣學士左朝奉郎知揚州蘇軾狀奏臣聞之孔子曰。善人教民七年。亦可以卽戎矣。夫民既富而教。然後可以卽戎。古之所謂善人者。其不及聖人遠甚。今二聖臨御八年于茲。仁孝

古文國瑋集卷之四十五

宋文卷十七

慈儉。可謂至矣。而帑廩日益困。農民日益貧。商賈不行。水旱相繼。以上聖之資。而無善人之効。臣竊痛之所至。訪問耆老有識之士。陰求其所以。皆曰。方今民荷寬政。無它疾苦。但爲積欠所壓。如負千鈞而行。免於僵仆。則幸矣。何暇舉首奮臂。以營求於一飽之外哉。今大姓富家。昔者號爲無比戶者。皆爲市易所破。十無一二矣。其餘自小民已上。大率皆有積欠。監司督守令守令督吏卒。文符日至其門。鞭笞日加其身。雖有白圭猗頓。亦化爲軍門圭竇矣。自祖宗已來。每

今臺使者
追比此類
類如此

有赦令。必曰凡欠官物。無侵欺盜用。及雖有侵盜。而
本家及伍保人無家業者。並與除放。祖宗非不知官
物失陷。奸民幸免之弊。特以民既乏竭。無以為生。雖
加鞭撻。終無所得。緩之則為姦吏之所蠶食。急之則
為盜賊之所憑藉。故舉而放之。則天下悅服。雖有水
旱盜賊。民不思亂。此為捐虛名而收實利也。自二聖
臨御以來。所以施捨已貴。為先務。登極赦令。每次郊
赦。或隨事指揮。皆從寬厚。凡今所催欠負。十有六七
皆聖恩所貸矣。而官吏刻薄。與聖意異。舞文巧詆。使
古文國華集卷之四十五
二宋文卷十七
不該放。監司以催欠為職業。守令上為監司之所迫。
下為胥吏之所使。大率縣有監催千百家。則縣中胥
徒舉欣欣然。日有所得。若一旦除放。則此等胥寂
寥無獲矣。自非有力之家。納賂請賕。誰肯舉行恩貸。
而積欠之人。皆隣於寒餓。何賂之有。其間貧困掃地。
無可蠶食者。則縣胥教令通指平人。或云衷私。擅買
抵當物業。或雖非衷私。而云買不當價。似此之類。蔓
延追擾。自甲及乙。自乙及丙。無有窮已。每限皆空身
到官。或三五限得一二百錢。謂之破限。官之所得至

承奉上官
者以正供

先抵賒贖
此類是也

微。而胥徒所取蓋無虛日。俗謂此等為縣胥食邑戶。
嗟乎。聖人在上。使民不得為陛下赤子。而皆為姦吏。
食邑戶。此何道也。商賈販賣。例無現錢。若用現錢。則
無利息。須今年索去年所賣。明年索今年所賒。然後
計算得行。彼此通濟。今富戶先已發破。中民又有積
欠。誰敢賒賣物貨。則商賈自然不行。此酒稅課利所
以日虧。城市房廊。所以日空也。諸路連年水旱。上下
共知。而轉運司窘於財用。例不肯放稅。縱放亦不盡
實。雖無明文指揮。而以喜怒風曉官吏。孰敢違者。所
古文國華集卷之四十五
三宋文卷十七
以逐縣例皆拖欠兩稅。較其所欠。與依實檢放無異。
於官了無所益。而民有追擾鞭撻之苦。近日詔旨。凡
積欠皆分為十料。催納通計五年而足。聖恩隆厚。何
以加此。而有司以謂有旨倚閣者。方得依十料指揮。
餘皆併催。縱使盡依十料。吏卒乞覓。必不肯分料少。
取人戶既未納足。則追擾常在。縱分百料。與一料同。
臣頃知杭州。又知潁州。今知揚州。親見兩浙京西淮
南三路之民。皆為積欠所壓。日就窮蹙。死亡過半。而
欠籍不除。以至虧欠兩稅。走陷課利。農末皆病。公私

並困。以此推之。天下大率皆然矣。臣自領移揚州。過
濠壽楚泗等州。所至麻麥如雲。臣每屏去吏卒。親入
村落訪問父老。皆有憂色。云豐年不如凶年。天災流
行。民雖乏食。縮衣節口。猶可以生。若豐年舉催積欠。
胥徒在門。枷棒在身。則人戶求死。不得言訖。淚下。臣
亦不覺流涕。又所至城邑。多有流民。官吏皆云。以夏
麥既熟。舉催積欠。故流民不敢歸鄉。臣聞之。孔子曰。
苛政猛於虎。昔常不信其言。以今觀之。殆有甚者。水
旱殺人。百倍於虎。而人畏催欠。乃甚於水旱。臣竊度
之。每州催欠吏卒。不下五百人。以天下言之。是常有
二十餘萬虎。狼散在民間。百姓何由安生。朝廷仁政。
何由得成乎。臣自到任以來。日以檢察本州積欠為
事。內已有條貫除放。而官吏不肯舉行者。臣即指揮
本州。一面除放去訖。其於理合放。而於條未有明文
者。即且令本州權住催理。聽候指揮。其於理合放。而
於條有礙者。臣亦未敢住催。各具利害奏取聖旨。

古文國華集卷之四十五

宋文卷十七

論河北京東盜賊狀

蘇軾

時公知密州。盜賊四起。河北京東。尤為要區。故條悉其事為之狀。

熙寧七年。月蘇軾奏。臣伏見河北京東。比年以來。蝗
旱相仍。盜賊漸熾。今又不雨。自秋至冬。方數千里。麥
不入土。竊料明年春夏之際。寇攘為患。甚於今日。是
以輒陳狂瞽。庶補萬一。謹按山東自前世以來。為腹
心根本之地。其與中原離合。常係社稷安危。昔秦并
天下。首收三晉。則其餘強敵。相繼滅亡。漢高祖殺陳
餘。走田橫。則項氏不支。光武亦自漁陽上谷。發突騎
古文國華集卷之四十五
宋文卷十七
席卷以分天下。魏武帝破殺袁氏父子。收冀州。然後
四方莫敢敵。宋武帝以英雄絕人之資。用武歷年。而
不能并中原者。以不得河北也。隋文帝以庸夫穿窬
之智。竊位數年。而一海內者。以得河北也。故杜牧之
論。以為山東之地。王者得之以為王。霸者得之以為
霸。猶賊得之以為亂。天下自唐天寶以後。姦臣僭峙
於山東。更十一世。竭天下之力。終不能取。以至於亡。
近世賀德倫。挈魏博降。後唐而梁。周高祖自鄴都
入京師。而漢亡。由此觀之。天下存亡之權。在河北。無

宋失幽并
河北之勢
弱矣

今江南之
天下亦

疑也。陛下卽位以來，北方之民流移相屬，天災譴告，亦甚於四方。五六年間，未有以塞大異者。至於京東，雖號無事，亦當常使其民安逸富強，緩急足以灌輸。河北餓竭，則蠲耻，替云則齒寒。而近年以來，公私匱乏，民不堪命。今流離饑饉，議者不過欲散賣常平之粟，勸誘蓄積之家，盜賊縱橫，議者不過欲增開告賞之門，申嚴緝捕之法，皆未見其益也。常平之粟，累經振發，所有無幾矣。而饑寒之民所在皆是，人得升合，官費丘山，蓄積之家，例皆困乏，貧者未蒙其利，富者先被其災。昔季康子患盜，問於孔子，對曰：「苟子之不欲雖賞之不竊，乃知上不盡利，則民有以爲生。苟有以爲生，亦何苦而爲盜？其間凶殘之黨，樂禍不悛，則須救法以峻刑，誅一以警百。今中民以下，舉皆鬬食，目法而爲盜，則死畏法而不盜，則饑饉寒之與棄市，均是死亡。而賒死之與忍饑，禍有遲速，相率爲盜，正理之常。雖日殺百人，勢必不止。苟非陛下至明至聖，至仁至慈，較得喪之孰多，權禍福之孰重，特於財利少有所捐，衣食之門一開，骨髓之恩皆徧，然後信賞

古文國瑋集

卷之四十五

宋文卷十七

必罰，以威克恩，不以能倖廢刑，不以災傷撓法，如此而人心不革，盜賊不衰者，未之有也。



古文國瑋集

卷之四十五

宋文卷十七

論綱稍欠折利害狀

蘇軾

欠折之多始干運法之弊元祐中往往如是公在揚州親理之乃上二章

元祐七年七月二十七日龍圖閣學士左朝奉郎知揚州蘇軾狀奏臣聞唐代宗時劉晏為江淮轉運使始於揚州造轉運船每船載一千石十船為一綱揚州差軍將押赴河陰每造一船破錢一千貫而實費不及五百貫或議其枉費晏曰大國不可以小道理凡所創置須謀經久船場既興執事者非一須有餘剩衣食養活眾人私用不窘則官物牢固乃於揚子

古文國瑞集

卷之四十五

縣置十船場差專知官十人不數年間皆致富贖凡五十餘年船場既無破敗餽運亦不闕絕至咸通末有杜侍御者始以一千石船分造五百石船二隻船始敗壞而吳堯卿者為揚子院官始創會每船合用物料實數估給其錢無復寬剩專知官十家即時凍餒而船場遂破餽運不繼不久遂有黃巢之亂劉晏以千貫造船破五百貫為千繫人欺隱之資以今之君子寡見淺聞者論之可謂疏繆之極矣然晏運四十萬石當用船四百隻五年而一更造是歲造八十

隻也每隻剝破五百貫是歲失四萬貫也而吳堯卿

不遇為朝廷歲寬四萬貫耳得失至微而餽運不繼以貽天下之太禍臣以此知天下之大計未嘗不成於大度之士而敗於寒陋之小人也國家財用大事安危所出願常不與寒陋小人謀之則可以經久不敗矣臣竊見嘉祐中張方平為三司使上諭京師軍儲云今之京師古所謂陳留四通八達之地非如雍洛有山河之險足恃也特恃重兵以立國耳兵恃食食恃漕運漕運一虧朝廷無所措手足因畫十四策

古文國瑞集

卷之四十五

今漕卒往征劫掠極亂皆計等苛害太過之故也

內一項云糧綱到京每歲少欠不下六七萬石皆以折會償填發運司不復抱認非祖宗之舊也臣以此知嘉祐以前歲運六百萬石而以欠折六七萬石為多訪聞去歲止運四百五十餘萬石而欠折之多約至三十餘萬石運法之壞一至於此又臣到任未幾而所斷糧綱欠折千繫人徒流不可勝數永糧盤於折會船車盡於折賣質妻鬻子饑瘵伶仃聚為乞丐散為盜賊竊計京師及緣河諸郡例皆如此朝廷之大計生民之大病如臣等輩豈可坐觀而不救耶輒

今雜錄
此私貨類

問之於吏乃金部便敢私意創立此條不取聖旨公然行下不惟非理刻剝敗壞祖宗法度而人臣私意乃能廢格制敕監司州郡靡然奉行莫敢誰何此豈小事哉謹按一綱三十隻船而稅務監官不過一員未委如何隨船點檢得三十隻船一時皆遍而不勒留住岸一船點檢卽二十九隻船皆須住岸伺候顯是違條舞法折文破敕苟以隨船爲名公然勒留點檢與兒戲無異訪聞得諸州多是元祐三年以來始行點檢收稅行之數年其弊乃出綱梢既皆赤露妻古文園彙集卷之四十五

宋文卷十七

攘取官米無復限量拆賣船板動使淨盡事敗人獄以命償官顯是金部與轉運司違條刻剝得糧綱稅錢一萬貫而令朝廷失陷綱運米三十萬餘石利害皎然今來倉部並不體訪綱運致欠之因却言緣倉司糾子乞覓綱梢錢物以致欠折遂立法令真揚楚泗轉船倉並行倉法其逐處糾子仍只存留一半命下之日揚州轉船倉糾子四十人皆詣臣陳狀盡乞歸農臣雖且多方抑按曉諭退還其狀然相度得此法必行則見今糾子必致星散雖別行召募未必無人然皆是浮浪輕生不畏重法之人所支錢米決不能贍養其家不免乞取既冒深法必須重賂輕齎密行交付其押綱綱梢等知專糾若不受賂必無寬剩對面央難了納卽須多方密行重賂不待求乞而後行用此必然之理也臣細觀近日倉部所立條約皆是枝葉小節非利害之大本何者自熙寧以前中外並無倉法亦無今來倉部所立條約而歲運六百萬石欠折不過六七萬石蓋是朝廷捐商稅之小利以養活綱梢而緣路官司遵守編敕法度不敢違條點

古文園彙集卷之四十五

宋文卷十七

檢收稅。以致綱梢飽暖。愛惜身命。保全官物。事理灼然。臣已取責得本州稅務狀。稱隨船點檢。不過檢得一船。其餘二十九船。不免住岸伺候。顯有違礙。臣尋已備坐元祐編敕曉示。今後更不得以隨船為名。違條勒令住岸點檢去訖。其稅務官吏。為准本州及倉部發運轉運司指揮。非是自擅為條。未敢便行取勘。其諸州軍稅務。非臣所管。無由一例行下。欲乞朝廷申明元祐編敕。不得勒令住岸條貫。嚴賜約束。行下并乞廢罷。近日倉部起請倉法。仍取問金部官吏。不

古文圖彙集

卷之四十五

主

宋文卷十七

取聖旨。擅立隨船一法。刻剝兵梢。敗壞綱運。以誤國計。及發運轉運司官吏。依隨情罪施行。庶使今後刻薄之吏。不敢擅行胸臆。取小而害大。得一而喪百。臣聞東南餽運。所係國計至大。故祖宗以來。特置發運司專任其責。選用既重。威令自行。如昔時許元輩。皆能約束諸路主張綱運。其監司州郡及諸場務。豈敢非理刻剝邀難。但發運使得人。稍假事權。東南大計。自然辦集。豈假朝廷更行倉法。此事最為簡要。獨在朝廷留意而已。

而後疏
能當法

奏內中車子爭道亂行劄子

蘇軾

元祐七年南郊。軾為鹵簿使。導駕內中朱紅車子十餘兩。有張紅蓋者。爭道亂行。於乾明寺前。軾於車中草此奏。奉人上在太廟。馳遣人以疏白太皇太后。明日中使傳命。甲教有司嚴整仗衛。自皇后以下皆不復迎謁中道。

元祐七年十一月十三日南郊鹵簿使龍圖閣學士

左朝奉郎守兵部尚書兼侍讀蘇軾劄子奏臣謹按

漢成帝郊祠北泉泰畤汾陰后土而趙昭儀常從在

屬車間時楊雄待詔承明奏賦以諷其略曰想西王

母欣然而上壽兮屏玉女而却處妃言婦女不當與

古文圖彙集 卷之四十五

三 宋文卷十七

齋祠之間也臣今備位夏官職在鹵簿准故事郊祀

既成乘輿還齋宮改服通天冠絳紗袍教坊鈞容作

樂還內然後后妃之屬中道迎謁已非典禮而况方

當祀事未畢而中宮掖庭得在勾陳豹尾之間乎竊

見二聖崇奉大祀嚴恭寅畏度越古今四方來觀莫

不悅服今車駕方宿齋太廟而內中車子不避仗衛

爭道亂行臣愚竊恐於觀望有損不敢不奏乞賜約

束仍乞取問隨行合于勾當人施行取進止

上固丘合祭六議劄子

蘇軾

本朝高
帝始主分
祭其後仰
察天心遂
定爲合祭
之禮夏文
惠之主分
祭其言誠

耕然不遇
以世宗
好議樂
更制度故
以此進耳
非必確然
有所見也

元祐八年三月日端明殿學士兼翰林侍讀學士左
朝奉郎守禮部尚書蘇軾劄子奏臣伏見九月二十
二日詔書節文俟郊禮畢集官詳議祠皇地祇事及
郊祀之歲廟饗典禮間奏者臣恭觀陛下近者至日
親祀郊廟神祇饗答實蒙休應然則固丘合祭允當
天地之心不宜復有改更臣竊惟議者欲變祖宗之
舊固丘祀天而不祀地不過以謂冬至祀天於南郊
陽時陽位也夏至祀地於北郊陰時陰位也以類求
神則陽時陽位不可以求陰也是大不然冬至南郊
既祀上帝則天地百神莫不從也古者秋分夕月於
西郊亦可謂陰位矣至於從祀上帝則以冬至而祀
月於南郊議者不以爲疑今皇地祇亦從上帝而合
祭於圓丘獨以爲不可則過矣書曰賜類于上帝禋
于六宗望于山川福于羣神舜之受禪也自上帝六
宗山川羣神莫不畢告而獨不告地祇豈有此理哉
武王克商庚戌柴望柴祭上帝也望祭山川也一日
之間自上帝而及山川必無南北郊之別也而獨略

古文國華集卷之四十五

西宋文卷十七

古文國華集卷之四十五

西宋文卷十七

地祇豈有此理哉臣以知古者祀上帝則并祀地祇
矣何以明之詩之序曰昊天有成命郊祀天地也此
乃合祭天地經之明文而說者乃以比之豐年秋冬
報也曰秋冬各報而皆歌豐年則天地各祀而皆歌
昊天有成命也是大不然豐年之詩曰豐年多黍多
稌亦有高廩萬億及秭爲酒爲醴烝畀祖妣以洽百
禮降福孔皆歌於秋可也歌於冬亦可也昊天有成
命之詩曰昊天有成命二后受之成王不敢康夙夜
基命宥密於緝熙單厥心肆其靖之終篇言天而不
及地頌所以告神明也未有歌其所不祭祭其所不
歌也今祭地於北郊歌天而不歌地豈有此理也臣
以此知周之世祀上帝則地祇在焉歌天而不歌地
所以尊上帝故其序曰郊祭天地也春秋書不郊猶
三望左氏傳曰望郊之細也說者曰三望太山河海
或曰淮海也又或曰分野之星及山川也魯諸侯也
故郊之細及其分野山川而已周有天下則郊之細
獨不及五嶽四瀆乎嶽瀆猶得從祀而地祇獨不得
合祭乎秦燔詩書經籍散亡學者各以意推類而已

王鄭賈服之流未必皆得其真臣以詩書春秋考之則天地合祭久矣議者乃謂合祭天地始於王莽以為不足法臣竊謂禮當論其是非不當以人廢光武皇帝親誅莽者也尙采川元始合祭故事謹按後漢書郊祀志建武二年初制郊兆於洛陽為圓壇入陛中又為重壇天地位其上皆南鄉西上此則漢世合祭天地之明驗也又按水經注伊水東北至洛陽縣固丘東大魏郊天之所准漢故事為圓壇入陛中又為重壇天地位其上此則魏世合祭天地之明驗也

古文國華集卷之四十五

宋文卷十七

唐睿宗將有事於南郊賈魯議曰有虞氏禘黃帝而郊嚳夏后氏禘黃帝而郊鯀郊之與廟皆有禘禘於廟則祖宗合食於太祖禘於郊則地祇羣望皆合於圓丘以始祖配享蓋有事祭非常祀也三輔故事祭于圓丘上帝后土位皆南面則漢嘗合祭矣時肅元量郭山暉等皆以曾言為然明皇天寶元年二月敕曰凡所祠享必在躬親朕不親祭禮將有闕其皇地祇宜如南郊令祭是月二十日合祭天地于南郊自後有事于圓丘皆合祭此則唐世合祭天地之明驗

如今制則一帝一郊矣既無宋世不經之費不宜太簡若此

不獨漢引經據理建唐時所以異于儒者

也今議者欲冬至祀天夏至祀地蓋以為用周禮也臣請言周禮與今禮之別古者一歲祀天者三明堂饗帝者一四時迎氣者五祭地者二饗宗廟者四凡此十五者皆天子親祭也而又朝月夕月四望山川社稷五祀及羣小祀之類亦皆親祭此周禮也太祖皇帝受天眷命肇造宋室建隆初郊先饗宗廟並祀天地自真宗以來三歲一郊必先有事於壇場饗太廟乃祀天地此國朝之禮也夫周之禮親祭如彼其多而歲行之不以為難今之禮親祭如此其少而三

古文國華集卷之四十五

宋文卷十七

歲一行不以為易其故何也古者天子出入儀物不繁兵衛甚簡用財有節而宗廟在大門之內朝諸侯出爵賞必於太廟不止時祭而已天子所治不過王畿千里唯以齊祭禮樂為政事能守此則天下服矣是故歲歲行之率以為常至於後世海內為一四方萬里皆聽命於上機務之繁億萬倍於古日力有不給自秦漢以來天子儀物日以滋多有加無損以至於今非復如古之簡易也今所行皆非周禮三年一郊非周禮也先郊二日而告原廟一日而祭太廟

宋之郊必
肆於推恩
賜養甚無
謂也

非周禮也。郊而肆赦，非周禮也。優賞諸軍，非周禮也。自后妃以下至文武官，皆得蔭補親屬，非周禮也。自宰相宗室以下至百官，皆有賜養，非周禮也。此皆不改而獨於地祇，則曰周禮不當祭於圜丘，此何義也？議者必曰：今之寒暑與古無異，而宣王薄伐玁狁，六月出師，則夏至之日，何為不可祭乎？臣將應之曰：舜一歲而巡四岳，五月方暑而南至衡山，十一月方寒而北至常山，亦今之寒暑也。後世人主能行之乎？周所以十二歲一巡者，唯不能如舜也。夫周已不能行，古文國華集卷之四十五

宋文卷十七

承宋五代
之陋習故
幽厚崇卑

吉之禮也。後世人主不能歲歲親祭，故命有司行事。其所從來久矣。若親郊之歲，遣官攝事，是無故而用有故之禮也。議者必又曰：省去繁文末節，則一歲可以再郊，臣將應之曰：古者以親郊為常理，故無繁文。今世以親郊為大禮，則繁文有不能省也。若惟城慢屋盛，夏則有風雨之虞，陛下自宮入廟，出郊，寇通天乘大輅，日中而舍，百官衛兵暴露於道，鎧甲具裝，人馬喘汗，皆非夏至所能堪也。王者父事天，母事地，不可偏也。事天則備事地，則簡。是於父母有隆殺也，豈得以為繁文末節而一切欲省去乎？國家養兵異於前世，自唐之時，未有軍賞，猶不能歲歲親祠。天子出郊，兵衛不可簡省，大輅一動，必有賞給。今三年一郊，傾竭帑藏，猶恐不足，郊養之外，豈可復加？若一年再賞，國力將何以給？分而與之，人情豈不失望？議者必又曰：三年一祀天，又三年一祭地，此又非臣之所知也。三年一郊，已為疏闊，若獨祭地而不祭天，是因事地而愈疏於事天，自古未有。六年一祀天者，如此則典禮愈壞，欲復古而背古益遠，神祇必不顧饗，非所

宋文卷十七

以爲禮也。議者必又曰：當郊之歲，以十月神州之祭，易夏至方澤之祀，則可以免方暑舉事之患。此又非臣之所知也。夫所以議此者，爲欲舉從周禮也。今以十月易夏至，以神州代方澤，不知此周禮之經耶？抑變禮之權耶？若變禮從權，而可則合祭圓丘，何獨不可十月親祭地？十一月親祭天？先地後天，古無是禮。而一歲再郊，軍國勞費之患，尚未免也。議者必又曰：當郊之歲，以夏至祀地，祇於方澤，上不親郊而通燔火，天子於禁中望祀，此又非臣之所知也。書之望秩，古文國璋集卷之四十五。丰宋文卷十七。

周禮之四望，春秋之三望，背謂山川在境內而不在四郊者，故遠望而祭也。今所在之處，俛則見地而云望祭，是爲京師不見地乎？此六議者，合祭可不之決也。夫漢之郊禮，尤與古戾，唐亦不能如古。本朝祖宗欽崇祭祀，儒臣禮官講求損益，非不知圓丘方澤皆親祭之爲是也。蓋以時不可行，是故參酌古今，上合典禮，下合時宜，較其所得，已多於漢唐矣。天地宗廟之祭，皆當歲徧，今不能歲徧，是故徧於三年。當郊之歲，又不能於一歲之中再舉大禮，是故徧於三日。此

皆因時制宜，雖聖人復起，不能易也。今並祀不失趨祭，而北郊則必不能親往，二者孰爲重乎？若一年再郊，而遣官攝事，是長不親事地也。三年間郊，當行郊地之歲，而暑雨不可親行，遣官攝事，則是天地皆不親祭也。夫分祀天地，決非今世之所能行。議者不過欲於當郊之歲，祀天地宗廟，分而爲三耳。分而爲三，有三不可：夏至之日，不可以動大衆，舉大禮一也。軍賞不可復加二也。自有國以來，天地宗廟唯饗此祭，累聖相承，唯用此禮，此乃神祇所用，祖宗所安，不可輕動。動之則有吉凶禍福，不可不慮三也。凡此三者，臣熟計之，無一可行之理。伏請從舊爲便。昔西漢之哀元帝，納貢禹之言，毀宗廟，成帝用丞相衡之議，改郊位，皆有殃咎，著於史策，往鑒甚明，可爲寒心。伏望陛下詳覽臣此章，則知合祭天地，乃是古今正禮，本非權宜，不獨初郊之歲所當施行，實爲無窮不刊之典。願陛下謹守太祖建隆神宗熙寧之禮，無更改易郊祀廟饗，以救寧上下神祇，仍乞下臣此章，付有司集議。如有異論，卽須盡一解破。臣所陳六議，使皆屈

伏上合周禮下不為當今軍國之患不可固執更不
論當今可與不可施行所貴嚴祀大典蚤以時定取
進止

乞校正陸贄奏議上進劄子 蘇軾

宜公奏議
詞切婉平
特微允耳

元祐八年五月七日端明殿學士兼翰林侍讀學士
左朝奉郎守禮部尚書蘇軾同呂希哲吳安詩豐稷
趙彥若范祖禹顧臨劄子奏臣等猥以空疎備員講
讀聖明天縱學問日新臣等才有限而道無窮心欲
言而口不逮以此自愧莫知所為竊謂人臣之納忠
譬如醫者之用藥藥雖進於醫手方多傳於古人若
已經効於世間不必皆從於已出伏見唐宰相陸贄
才本王佐學為帝師論深切於事情言不離於道德
古文國華集 卷之四十五 宋文卷十七
智如子房而文則過辯如賈誼而術不疎上以格君
心之非下以通天下之志三代已還一人而已但其
不幸仕不遇時德宗以苛刻為能而贄諫之以忠厚
德宗以猜疑為術而贄勸之以推誠德宗好用兵而
贄以消兵為先德宗好聚財而贄以散財為急至於
用人聽言之法治進取將之方罪已以收人心改過
以應天道去小人以除民患惜名器以待有功如此
之流未易悉數可謂進苦口之藥石鍼膏身之膏肓
使德宗盡用其言則貞觀可得而復臣等每退自西

拾遺時之
長公而能
求宜公于
異代未之
有也

閣。即私相告言。以陛下聖明。必喜贊議論。但使聖賢
之相契。即如臣主之同時。昔馮唐論頗牧之賢。則漢
文爲之太息。魏相條龐董之對。則孝宣以致中興。若
陛下能自得師。莫若近取諸贊。夫六經三史。諸子百
家。非無可觀。皆足爲治。但聖言幽遠。末學支離。譬如
山海之崇深。難以一二而推擇。如贊之論。開卷了然。
聚古今之精英。實治亂之龜鑑。臣等欲取其奏議。稍
加校正。繕寫進呈。願陛下置之坐隅。如見贊面。反覆
熟讀。如與贊言。必能發聖性之高明。成治功於歲月。
古文園瑋集卷之四十五
宋文卷十七

臣等不勝區區之意取進止

長公受知
至此何必
作相

謝宜論劄子

蘇軾

元祐八年五月二十四日端明殿學士兼翰林院侍
讀學士左朝奉郎守禮部尚書蘇軾劄子奏臣伏准
今月二十二日第門下侍郎轍奉宜聖旨緣近來衆
人正相招拾。令臣且須省事者。天慈深厚。如訓子孫。
委曲保全。如愛肢體。感恩之涕。不覺自零。伏念臣才
短數奇。性疎少慮。半生犯患。耄老困讒。非二聖之深
知。雖百死而何贖。伏見東漢孔融才疏意廣。負氣不
屈。是以遭路粹之冤。西晉嵇康才多識寡。好善聞人。
是以遇鍾會之禍。當時爲之扼腕。千古爲之流涕。臣
本無二子之長。而兼有昔人之短。若非陛下至公而
行之以恕。至仁而照之。以明。察消長之往來。辨利害
於疑似。則臣已下從二子遊久矣。豈復有今日哉。謹
當奉以周旋。不敢失墜。便須刻骨。豈獨書紳。庶全螻
蟻之軀。以報丘山之德。臣無任感天荷聖。激切屏營
之至。謹奏

古文園瑋集

卷之四十五

宋文卷十七

朝辭赴定州論事狀

蘇軾

宣仁后崩。哲宗始政。公外補以兩學士之定州。不得上殿視事。乃有此狀。

元祐八年九月二十六日。端明殿學士兼翰林侍讀學士左朝奉郎新知定州蘇軾狀奏。右臣聞天下治亂。出於下情之通塞。至治之極。至於小民。皆能自通。大亂之極。至於近臣。不能自達。易曰。天地交泰。其詞曰。上下交而其志同。又曰。天地不交。否。其詞曰。上下不交。而天下無邦。夫無邦者。亡國之謂也。上下不交。則雖有朝廷君臣。而亡國之形已具矣。可不畏哉。臣

宋古國瑋集

卷之四十五

宋

宋文卷十七

不敢復引衰世昏主之事。只如唐明皇中。興刑措之君也。而天寶之末。小人在位。下情不通。則鮮于仲通以二十萬人全軍陷沒於瀘南。明皇不知。馴致其事。至安祿山反。兵已過河。而明皇猶以爲忠臣。此無他。下情不通耳。目壅蔽。則其漸至於此也。臣在經筵。數論此事。陛下爲政九年。除執政臺諫外。未嘗與群臣接。然天下不以爲非者。以謂垂簾之際。不得不爾也。今者祥除之後。聽政之初。當以通下情。除壅蔽爲急務。臣雖不肖。蒙陛下擢爲河北西路安撫使。沿邊重

地。此爲首冠。臣當悉心論奏。陛下亦當垂意聽納。祖宗之法。邊帥當上殿面辭。而陛下獨以本任闕官。迎接衆人爲詞。降旨拒臣。不令上殿。此何義也。臣若伺候上殿。不過更留十日。本任闕官。自有轉運使權攝。無所闕事。迎接人衆。不過更支十日糧。有何不可。而使聽政之初。將帥不得一面天顏而去。有識之士。皆謂陛下厭聞人言。意輕邊事。其兆見於此矣。臣備位講讀。日侍帷幄。前後五年。可謂親近。方當戍邊。不得一見而行。况疎遠小臣。欲求自通。亦難矣。易曰。天行

古文國瑋集

卷之四十五

宋

宋文卷十七

健君子以自強不息。又曰。帝出乎震。相見乎離。夫聖人作而萬物覩。今陛下聽政之初。不行乘乾出震見離之道。廢祖宗臨遣將帥故事。而襲行垂簾不得已之政。此朝廷有識。所以驚疑而憂慮也。臣不得上殿。於臣之私。別無利害。而於聽政之始。天下屬目之際。所損聖德不小。臣已於今月二十七日出門。非敢求登對。然臣始者。本俟上殿。欲少效愚忠。今來不敢以不得對之故。便廢此言。惟陛下察臣誠心。少加採納。古之聖人。將有爲也。必先處晦而觀光。處靜而觀動。

此時方興
紹述之論
勸上以正
變故公以
此進

則萬物之情畢陳于前。不過數年。自然知利害之真。識邪正之實。然後應物而作。故作無不成。臣敢以小事譬之。夫操舟者常患不見水道之曲折。而水濱之立觀者常見之。何則。操舟者身寄於動。而立觀者常靜故也。奕棋者勝負之形。雖國工有所不盡。而袖手旁觀者常盡之。何則。奕者有意於爭。而旁觀者無心故也。若人主常靜而無心。天下其孰能欺之。漢景帝即位之初。首用鼂錯。更易法令。黜削諸侯。遂成七國之變。景帝往來兩宮間。寒心者數月。終身不敢復言。

古文國瑋集卷之四十五
宋文卷十七

兵武帝即位未幾。遂欲用兵。鞭撻四夷。兵連禍結。三十餘年。然後下哀痛詔。封宰相為富民侯。臣以此知古者英肅之君。勇於立事。未有不悔者也。景帝之悔速。故變而復安。武帝之悔遲。故幾至於亂。雖遲速安危小異。然比之常靜無心。終始不悔。如孝文帝者。不可同年而語矣。今陛下聖智絕人。春秋鼎盛。臣願虛心循理。一切未有所為。默觀庶事之利害。與群臣之邪正。以三年為期。俟得利害之真。邪正之實。然後應物而作。使既作之後。天下無恨。陛下亦無悔。上下同

享太平之利。則雖盡南山之竹。不足以紀聖功。兼二宗之壽。不足以報聖德。由此觀之。陛下之有為。惟憂太早。不思稍遲。亦已明矣。臣又聞為政如用藥。方今天下雖未大治。實無大病。古人云。有病不治。常得中醫。雖未能盡除小疾。然賢於誤服惡藥。覬萬一之利。而得不救之禍者遠矣。臣恐急進好利之臣。輒勸陛下輕有改變。故輒進此說。敢望陛下深信古語。且守中醫安穩。萬全之策。勿為惡藥所誤。實社稷宗廟之利。天下幸甚。臣不勝忘身憂國之心。冒死進言。謹錄。

古文國瑋集卷之四十五
宋文卷十七

奏聞伏候敕旨

議學校貢舉狀

蘇軾

熙寧四年正月日殿中丞直史館判官蘇軾具議狀聞奏者右臣伏以得人之道在於知人知人之法在於責實使君相有知人之才朝廷有責實之政則胥史皂隸未嘗無人而況於學校貢舉乎雖固今之法臣以爲有餘使君相無知人之才朝廷無責實之政則公卿侍從常患無人況學校貢舉乎雖復古之制臣以爲不足矣夫時有可否物有廢興方其所安雖暴君不能廢及其既厭雖聖人不能復故風俗之變

古文國瑋集卷之四十五

宋文卷十七

法制隨之譬如江河之徙移順其所欲行而治之則易爲功強其所不欲而復之則難爲力使三代聖人復生於今其選舉養才亦必有道矣何必由學且天下固嘗立學矣慶曆之間以爲太平可待至於今日惟有空名僅存今陛下必欲求德行道藝之士責九年大成之業則將變今之禮易今之俗又當發民力以治宮室歛民財以食游士百里之內置官立師獄訟聽于是軍旅謀于是又當以時簡不率教者屏之遠方終身不齒則無乃徒爲紛亂以患苦天下耶若

乃無大變改而望有益于時則與慶曆之際何異故臣以謂今之學校特可因循舊制使先王之舊物不廢於吾世足矣至於貢舉之法行之百年治亂盛衰初不由此陛下視祖宗之世貢舉之法與今爲孰精言語文章與今爲孰優所得文武長才與今爲孰多天下之事與今爲孰辦較此四者而長短之議決矣今議者所欲變改不過數端或曰鄉舉德行而畧文章或曰專取策論而罷詩賦或欲舉唐室故事兼採譽望而罷封彌或欲罷經生朴學不用貼墨而攷大

古文國瑋集卷之四十五

宋文卷十七

義此數者皆知其一不知其二者也臣請歷言之夫欲興德行在於君人者脩身以格物審好惡以表俗孟子所謂君仁莫不仁君義莫不義君之所向天下趨焉若欲設科立名以取之則是教天下相率而爲僞也上以孝取人則勇者割股怯者虛墓上以廉取人則弊車贏馬惡衣菲食凡可以中上意無所不至矣德行之弊一至於此乎自文章而言之則策論爲有用詩賦爲無益自政事言之則詩賦策論均爲無用矣雖知其無用然自祖宗以來莫之廢者以爲設

法取士不過如此也。豈獨吾祖宗自古堯舜亦然。晝日敷奏以言，明試以功，自古堯舜以來，進人何嘗不以言。試人何嘗不以功乎。議者必欲以策論定賢愚，能否，臣請有以質之。近世士大夫文章華麗者，莫如楊億、使楊億尚在，則忠清鯁亮之士也，豈得以華麗少之。通經學古者，莫如孫復、石介，使孫復、石介尚在，則迂闊矯誕之士也，又可施之於政事之間乎。自唐至今，以詩賦爲名臣者，不可勝數，何負於天下而必欲廢之。近世士人纂類經史，綴輯時務，謂之策括，待

古文國學集卷之四十五

宋文卷十七

問條目，搜抉略盡，臨時剽竊，竄易首尾，以眩有司，有司莫能辨也。且其爲文也，無規矩準繩，故學之易成，無聲病對偶，故考之難精，以易學之士付難攷之吏，其弊有甚於詩賦者矣。唐之通榜，故是弊法，雖有以名取人，厭伏衆論之美，亦有賄賂公行，權要請託之害。一使恩去王室，權歸私門，降及中葉，結爲朋黨之論，通榜取人，又豈足尚哉。諸科舉取人，多出三路，能文者既已變而爲進士，曉義者又皆去以爲明經，其餘皆朴魯不化者也。至於人才，則有定分，施之有政，

能否自彰。今進士日夜治經傳子史，貫穿馳騁，可謂博矣。至於臨政，曷嘗用其一二，顧視舊學，已爲虛器，而欲使此等分別注疏，粗識大義，而望其才能增長，亦已疎矣。臣故曰：此數者皆知其一，而不知其二也。特願陛下留意其遠者大者，必欲登俊良，黜庸回，總覽衆才，經畧世務，則在陛下與二三大臣。下至諸路職司，與良二千石耳。區區之法，何預焉。然臣竊有私憂過計者，敢不以告。昔王衍好老莊，天下皆師之，風俗凌夷，以至南渡。王晉好佛，捨人事而修異教，大曆

古文國學集卷之四十五

宋文卷十七

之政，至今爲笑。故孔子罕言命，則爲知者少也。子貢曰：夫子之文章，可得而聞也；夫子之言性與天道，不可得而聞也。夫性命之說，自子貢不得聞，而今之學者，耻不言性命，此可信也哉。今士大夫至以佛老爲聖人，粥書於市者，非莊老之書不售也。讀其文，浩然無當而不可窮，觀其貌，超然無著而不可挹，豈此真能然哉。蓋中人之性，安於放而樂於誕耳。使天下之士能如莊周齊死生，一毀譽，輕富貴，安貧賤，則人主之名器爵祿，所以礪世摩鈍者，廢矣。陛下亦安用之。

而况其實不能。而竊取其言以欺世者哉。臣願陛下明勅有司。試之以法言。取之以實學。博通經術者。雖朴不廢。稍涉浮誕者。雖工必黜。則風俗稍厚。學術近正。庶幾得忠實之士。不至蹈衰季之風。則天下幸甚。謹錄奏聞伏候勅旨。

因擒鬼章論西羌夏人事宜劄子 蘇軾

元祐二年蘇軾奏臣竊見近者熙河路奏生擒鬼章百官稱賀中外同慶臣愚無知竊謂安危之機正在今日若應之有道處之有術則安邊息民必自是始不然將驕卒惰以勝爲災亦不足怪故臣區區欲乞陳前後致寇之由次論當今待敵之要雖狂愚無取亦臣子之常分昔先帝用兵累年雖中國靡弊然夏人困折亦幾於亡橫山之地沿邊七八百里不敢耕者至二百餘里歲賜旣罷和市亦絕虜中匹帛至五十餘千其餘老弱轉徙牛羊墮壞所失蓋不可勝數饑羸之餘乃始款塞當時執政大臣謀之不深因中國厭兵遂納其使每一使賜予貿易無慮得絹五萬餘匹歸鬻之其民匹五六千民大悅一使所獲率不下二十萬緡使五六至而累年所罷歲賜可以坐復旣使虜因吾資以德其民且飽而思奮又使其窺我厭兵欲和之意以爲欲戰欲和權皆在我以故輕犯邊隣利則進否則復求和無不可者若當時大臣因虜之請受其詞不納其使且詔邊臣與之往返商議

所獲新疆。取舍在我。俟其詞意屈服。約束堅明。然後納之。則虜雖背恩反覆。亦不至如今日之速也。虜雖有易我意。然不得西蕃解仇結好。亦未敢動。夫阿里骨董璫之賊臣也。挾契丹公主以弑其君之二妻。董璫死。匪喪不發。逾年衆定。乃詐稱嗣子。偽書鬼章溫溪心等名。以請于朝。當時執政。若且令邊臣審問鬼章等。以阿里骨當立不立。若朝廷從汝請。遂授節鉞。阿里骨真汝主矣。汝能臣之如董璫乎。若此等無詞。則是諸瓮心服。既立之後。必能統一都部。吾又何求。

古文國瑋集

卷之四十五

宋文卷十七

若其不服。則曩端自彼。爵命未下。曲不在吾。彼既一國三公。則吾分其恩。禮各以一。近上使領命之鬼章。○是之長家也等。各得所欲。宜亦無患。當時執政不深慮此。專以省事爲安。因其妄請。便授節鉞。阿里骨自知不當立。而憂鬼章之計也。故欲借力於西夏。以自重。於是始有解仇結好之謀。而鬼章亦不平朝廷之以賊臣君我也。故怒而盜邊。夏人知諸瓮之叛也。故起而和之。此臣所謂前後致寇之由。明主不可以不知者也。雖往不咎。然可以爲方來之鑒。元昊本懷大志。長於用

兵。亮祚天付兇狂。輒用其衆。故其爲邊患。皆歷年而後定。今梁氏專國。素與人多不協。方內自相圖。其能以創殘呻吟之餘。久與中國敵乎。料其姦謀。蓋非元昊亮祚之比矣。意謂二聖在位。恭默守成。仁恕之心。著於遠邇。必無用武之意。可肆無厭之求。蘭曾諸城。邨延五寨。好請不獲。勢脅不從。猖狂之後。求無不獲。計不過此耳。今者切聞朝廷降詔諸路。敕勵戰守。深明逆順曲直之理。此固當今之急務。而詔書之中。亦許下人之自新。臣切以謂問之太急。納之太速。曾未

古文國瑋集

卷之四十五

宋文卷十七

一戰而厭兵。欲和之意已見乎。外此復蹈前日之失矣。臣甚惜之。今欲聞鬼章之捷。或漸有款塞之謀。必將爲恭狠相半之詞。而繼之以無厭之請。若朝廷復納其使。則是欲戰欲和。權皆在虜。有求必獲。不獲必叛。雖踰一時之安。必起無窮之釁。故臣願明主斷之於中。深詔大臣。密勅諸將。若夏人款塞。當受其詞。而却其使。然後明勅邊臣。以夏人受恩不貲。無故犯順。今雖款塞。反覆難保。若實改心向化。當且與邊臣商議。苟詞意未甚屈服。約束未甚堅明。則且却之以示

和戎寧緩
諸而後成
毋急成而
速變

吾雖不逆其善意。亦不汲汲求和也。彼若心服而來。吾雖未納其使。必不於往返商議之間。遽復益邊。若非心服。則吾雖蕩然開懷。待之如舊。能必其不叛乎。今歲涇原之入。豈吾待之不至邪。但使吾兵練士飽。斥候精明。虜無大獲。不過數年。必自折回。今雖小勞。後必堅定。此臣所謂當今待敵之要。亦明主不可以不知者也。今朝廷意在息民。不憚屈已。而臣獻言。乃欲艱難其請。不急於和。似與聖意異者。然古之聖賢。欲行其意。必有以曲成之。未嘗直情而徑行也。將欲古文國璋集卷之四十五
宋文卷十七
翁之。必固張之。將欲取之。必固予之。夫直情而徑行。未有獲其意者也。若權其利害。究其所至。則臣之愚計。於安邊息民。必久而固。與聖意初無小異。然臣竊度朝廷之間。似欲以畏事為無事者。臣竊以為過矣。夫為國不可以生事。亦不可以畏事。畏事之弊。與生事均。生事而服藥。與有病而不服藥。皆可以殺。人夫生事者。無病而服藥也。畏事者。有病而不服藥也。乃者阿里骨之請。人知其不當予。而朝廷予之。以求無事。然事之起。乃至於此。不幾於有病而不服

藥乎。今又欲遽納夏人之使。則是病未除而藥先止。其與幾何。臣於待從之中。受恩至深。其於委曲保全。與眾獨異。故敢出位先事而言。不勝恐悚待罪之至。取進止。

契丹內變。以鬼言誘于朝。乃偽名也。擒之。未足為賀。且隨軍實特為條議。

歷代古文國璋集卷之四十五終

古文國璋集卷之四十五

宋文卷十七

歷代古文國瑋集卷之四十六

襄西方岳貢禹修評選

宋文

乞郡劄子

蘇軾

元祐三年十月十七日翰林學士朝奉郎知制誥兼侍讀蘇軾劄子奏臣近以左臂不仁兩目昏暗有失儀曠職之憂堅乞一郡伏蒙聖慈降詔不允遣使存問賜告養疾恩禮之重萬死莫酬以臣子大義言之病未及死皆當勉強雖有失儀曠職之罰亦不當辭

古文國瑋集卷之四十六

宋文卷十八

然臣終未敢起就職事者實亦有故言之則觸忤權要得罪不輕不言則欺罔君父誅罰尤大故卒言之臣聞之易曰君子安其身而後動又曰君不密則失臣臣不密則失身以此知事君之義雖以報國爲先而報國之道當以安身爲本若上下相忌身自不安則危亡是憂國何由報恭惟陛下踐祚之始收臣於九死之餘半年之間擢臣爲兩制之首方將致命豈敢少分特以臣拙於謀身銳於報國致使臺諫例爲怨仇臣與故相司馬光雖賢愚不同而交契最厚光

古文國瑋集卷之四十六

宋文卷十八

既大用臣亦驟遷在於人情豈肯異論但以光所建差役一事臣實以爲未便不免力爭而臺諫諸人皆希合光意以求進用及光既歿則又妄意陛下以爲至光之言結黨橫身以排異議有言不便約共攻之曾不知光至誠爲民本不求人希合而陛下虛心無我亦豈有所主哉其後又因刑部侍郎范百祿與門下侍郎韓維爭議刑名欲守祖宗故事不敢以疑法殺人而諫官呂陶又論維專權用事臣本蜀人與此兩人實是知舊因此韓氏之黨一例疾臣指爲川黨御史趙挺之在元豐末通判德州而著作黃庭堅方監本州德安鎮挺之希合提舉官楊景綦意欲於本鎮行市易法而庭堅以謂鎮小民貧不堪誅求若行市易必致星散公文往來士人傳笑其後挺之以大薦召試館職臣實對衆言挺之聚斂小人學行無取豈堪此選又挺之妻父郭槩爲西蜀提刑時本路提舉官韓玠違法虐民朝有委槩體量而槩附會隱庇臣弟軾爲諫官劾奏其事玠槩並行黜責以此挺之疾臣尤出死力臣二年之中四遭口語發策草麻

皆謂之誹謗。未出省榜，先言其失，以至臣所薦士，例加誣讎。所言利害，不許相見。近日王觀言胡宗愈拍臣爲黨，孫覺言丁鶴云是臣親家，臣與此兩人有何干涉，而於意外巧構，曲成以積臣罪，欲使臣撓推於十夫之手，而使陛下投杆於三至之言，中外之人具曉此意，謂臣若不早去，必致傾危。臣非不知聖主天縱聰明，察臣無罪，但以臺諫氣焰震動朝廷，上自執政大臣，次及侍從百官，外至監司守令，皆畏避其鋒，奉行其意，意所欲去，勢無復全。天下知之，獨陛下

古文國華集

卷之四十六

三

宋文卷十八

深居法宮之中，無由知耳。臣竊觀三代以下，號稱明主，莫如漢宣帝、唐太宗。然宣帝殺蓋寬饒，太宗殺劉洎，皆信用讒言，死非其罪。至今哀之。宣帝初知蓋寬饒忠直，不畏強禦，自候司馬擢爲太中大夫，司隸校尉，不可謂不知之深矣。而蓋寬饒上書有云：「五帝官天下，三王家天下，而當時讒人乃謂寬饒欲求禪位。」宣帝不察，致使寬饒自刎北闕下。太宗信用劉洎言，無不從，嘗比之魏文貞公，亦不可謂不知之深矣。而太宗征遼患癰，洎泣曰：「聖體不康，甚可憂懼。」而當時

讒人乃謂洎欲行伊霍之事。太宗不察，賜洎自盡。二主非不明也。二臣之受知，非不深也。恃明主之深知，不避讒人積毀，以至身首異處，爲天下笑。今臣自度受知於陛下，不過知蓋寬饒之於漢宣帝，劉洎之於唐太宗也。而讒臣者乃十倍於當時。雖陛下明哲寬仁，度越二主，然臣亦豈敢恃此不去，以卒蹈二臣之覆轍哉！且二臣之死，天下後世皆言二主信讒邪而害忠良，以爲聖德之累。使此二臣者識幾畏漸，先事求去，豈不身名俱泰？臣至兩全哉！臣縱不自愛，獨不

古文國華集

卷之四十六

四

宋文卷十八

念一旦得罪之後，使天下後世有以議吾君乎？昔先帝召臣上殿，訪問古今，勅臣今後遇事卽言。其後臣屢論事，未蒙施行，乃復作爲詩文，寓物托諷，庶幾流傳上達，感悟聖意。而李定舒亶何正臣三人因此言臣誹謗，遂得罪。然猶有近似者，以諷諫爲誹謗也。今臣草麻詞，有云：「民亦勞止，而趙挺之以爲誹謗。」先帝則是白爲黑，以西爲東，殊無近似者。臣以此知挺之嶮毒，甚於李定舒亶何正臣。而臣之被讒，甚於蓋寬饒劉洎也。古人有言曰：「爲君難，爲臣不易。」臣欲依

違苟且。雷同衆人。則內愧本心。上負明主。若不改其操。知無不言。則怨仇交攻。不死卽廢。伏望聖慈。念爲臣之不易。哀臣處此之至難。始終保全。措之不爭之地。特賜指麾。檢會前奏。早賜施行。

論魏王在殯乞罷秋宴劄子 蘇軾

元祐三年八月二十一日翰林學士朝奉郎知制誥兼侍讀蘇軾劄子奏臣近准鈐轄教坊所關到撰秋燕致語等文字。臣謹按春秋左氏傳。昭公九年。晉荀盈如齊。卒於戲陽。殯于絳。未葬。晉平公飲酒樂。膳宰屠蒯趨入。酌以飲工曰。汝爲君耳。將司聰也。辰在子卯。謂之疾日。君徹燕樂。學人舍業。爲疾故也。君之卿佐。是謂股肱。股肱或虧。何痛如之。汝弗聞而樂。是不聰也。公說微樂。又按昭公十五年。晉荀躒如周。葬穆

后既葬除喪。周景王以賓燕。叔向譏之。謂之樂憂夫。晉平公之於荀盈。蓋無服也。周景王之於穆后。蓋期喪也。無服者未葬而樂。屠蒯譏之。暮喪者已葬而燕。叔向譏之。書之史冊。至今以爲非。仁宗皇帝以宰相富弼母在殯。爲罷春宴。傳之天下。至今以爲宜。今魏王之喪。未及卒哭。而禮部太常寺皆以謂天子絕期。不妨燕樂。臣竊非之。若絕期可以燕樂。則春秋何爲譏晉平公。周景王乎。魏王之親。孰與卿佐。遠比荀盈。近比富弼之母。輕重亦有間矣。魏王之葬。旣以陰陽

拘忌別擇年月。則當準禮以諸侯五月爲葬期。自今年十一月以前。皆爲未葬之月。不當燕樂。不可以權宜郊禋。便同已葬也。臣竊意皇帝陛下篤於仁孝。必罷秋燕。不待臣言。但至今未奉指揮。緣上件教坊致語等文字。準令於燕前一月進呈。臣既未敢撰。亦不敢稍延。伏乞詳酌。如以爲當罷。只乞自皇帝陛下聖意施行。更不降出臣文字。臣忝備侍從。叨陪講讀。不欲使人以絲毫議及聖明。故不敢不奏。取進止。

授引經術愛君以禮

古文國華集卷之四十六

七 宋文卷十八

論周種擅議配享自劾第二劄子 蘇軾

元祐三年十二月日翰林學士朝奉郎知制誥兼侍讀蘇軾劄子奏臣近上言以所舉學官周種擅議先帝配享欲以嘗試朝廷漸進邪說陰唱羣小乞下有司議臣妄舉之罪重行責降以警在位至今累日未奉旨揮切以爲國之本在於明賞罰辨邪正二者不立亂亡隨之易曰大君有命歸國承家小人勿用象曰大君有命以正功也小人勿用必亂邦也昔郭公善善惡惡而不免於亡者以善善而不能用惡惡而不能去也臣觀二聖嗣位以來斥逐小人如呂惠卿李定蔡確張誠一吳居厚崔白符楊汲王孝先何正臣盧秉憲周輔王子京陸師閔趙濟中官李憲宋用臣之流或首開邊隙使兵連禍結或漁利權財爲國歛怨或倡起大獄以傾陷善良其爲姦惡未易悉數而王安石實爲之首今其人死亡之外雖已退處閑散而其腹心羽翼布在中外懷其私恩冀其復用爲之經營遊說者甚衆皆矯情匿迹有爾鬼蜮其黨甚堅其心甚一而明主不知臣實憂之夫君子之難欺

古文國華集卷之四十六

八 宋文卷十八

此時熙寧
諸如已漸
有起色
宋法太寬
之故也
師之罪不
及於蔡而
則於身
不歸一
手亂朝廷
此意極長
明之跡耳

如麟鳳色斯舉矣。翔而後集。况可麾而却之乎。小人
之易進如蛆蠅。腥膻所聚。瞬息千萬。况可招而來之
乎。朝廷日近稍寬此等。如李憲乞於近地結住。王安
禮抗拒恩詔。蔡確乞放還其弟。皆即聽許。崔台符王
孝先之流。不旋踵進。用楊汲亦漸牽復。呂惠卿窺見
此意。故敢乞居蘇州。此等皆民之大賊。國之巨蠹。得
至首領以為至幸。豈可與尋常一青之臣計日累月。
洗雪復用哉。今既稍寬之後。必漸用之。如此不已。則
惠卿蔡確之流。必有時而用。青苗市易等法。必有時
古文國璋集卷之四十六
九宋文卷十八

今周種草芥之微而敢建此議。蓋有以啓之矣。昔淮
南王謀反。所憚獨汲黯。以謂說公孫丞相若發蒙耳。
今種蠶蠶小臣而敢為大姦。愚弄朝廷若無人然不
幸而有淮南王。當復誰憚乎。臣不敢遠引古人。但使
執政之中。有如富弼韓琦。臺諫之中。有如抱拯呂誨。
或謂馬光尚在。此風輩敢爾哉。昔王安石在仁宗英
宗朝。矯詐百端。妄竊大名。或以為可用。惟韓琦獨識
其姦。終不肯進。使琦不去。位安有何由得志。以此知
辨人物之邪正。消禍患於未萌。真宰相事也。臣數日
古文國璋集卷之四十六
十宋文卷十八

而復何以言之。將作監丞李士京者。邪佞小人。眾所
嗤鄙。而大臣不察。稍稍引用。以汙寺監。猶能建開壕
之議。為脩城之漸。其策既行。遂唱言於眾。欲次復用。
臣茶磨之法。由此觀之。惠卿蔡確之流。何愛不用。青
苗市易等法。何憂不復哉。昔盧杞責降既久。經涉累
赦。德宗欲與一小郡。舉朝憂恐。而宰相李勉給事中
袁高諫官趙需裴佖宇文炫盧景亮張薦常侍李泌
等皆以死爭之。勉等非惜一郡也。知杞得郡不已。必
將復用。一州有燎原之憂。而濫觴有滔天之禍。故也。

以來竊聞執政之議。多欲薄臣之責。而寬種之罪。若
果如此。則是使今後近臣輕引小人。而惠卿之流有
以下朝廷之輕重。事關消長。憂及治亂。伏望特出宸
斷。深詔有司。議臣與種之罪。不可輕恕。縱使朝廷察
臣本無邪心。止是暗繆。亦乞借臣以立法。則臣上荷
知遇。雖云得罪。實同被賞。若蒙寬貸。則是私臣之身。
而廢天下之法。臣之愧耻。若捷于市。不勝憤懣。憂國
之心。意切言慙。伏俟誅譴。取進止。

論行遣蔡確劄子

蘇軾

元祐四年四月十一日龍圖閣學士朝奉郎新知杭州蘇軾劄子奏臣近蒙聖恩哀臣疾病特許補外臣竊自惟受恩深重不敢以出入之故便同衆人有所聞見而不盡言竊聞臣寮有繳進蔡確詩言涉謗讟者臣與確元非知舊實自惡其爲人今來非敢爲確開說但以所係國體至重天下觀望二聖所爲若行遣失當所損不小臣爲侍從合具奏論若朝廷薄確之罪則天下必謂皇帝陛下見人毀謗聖母不加忿疾其於孝治所害不淺若深罪之則議者亦或以謂太皇太后陛下聖量寬大與天地等而不能容受一小人謗怨之言亦於仁政不爲無累臣欲望皇帝陛下降勅令有司置獄追確根勘然後太皇太后內出手詔云吾之不德常欲聞謗以自儆今若罪確何以來天下異同之言矧確嘗爲輔臣當知臣子大義今所繳進未必真是確詩其一切勿問仍榜朝堂如此處置則二聖仁孝之道實爲兩得天下有識自然心服臣不勝愛君憂國之心出位僭言謹伏誅殛取止

古文國瑋集

卷之四十六

十一

宋文卷十八

乞將臺諫官章疏降付有司核治劄子

蘇軾

元祐四年四月十七日龍圖閣學士朝奉郎新知杭州蘇軾劄子奏臣近以臂疾堅乞一郡已蒙聖恩差知杭州臣初不知其他但謂朝廷哀憐衰疾許從私便及出朝參乃聞班列中紛然皆言近日臺官論奏臣罪狀甚多而陛下曲庇小臣不肯降出故許臣外補臣本畏滿盈力求閑退既獲所欲豈更區區自辨但竊不平數年以來親見陛下以至公無私治天下

古文國瑋集

卷之四十六

十一

宋文卷十八

今乃以臣之故使人上議聖明以爲抑塞臺官私庇近侍其於君父所損不小此臣之所以不得不辨也臣平生愚拙罪戾固多至於非義之事自保必無只因任中書舍人日行呂惠卿等告詞極數其凶惡而弟轍爲諫官深論蔡確等姦回確與惠卿之黨布列中外共贊疾臣近日復因臣言鄆州教授周種以小臣而爲大姦故黨人共出死力搆造言語無所不至使臣誠有之則朝廷何惜寬逋以示至公若其無之臣亦安能以皎然之身而受此曖昧之謗也人主之

職在於察毀譽辨邪正。夫毀譽既難察，邪正亦不易辨。惟有坦然虛心而聽其言，顯然公行而考其實，則真妄自見，諛構不行。若陰受其言，不考其實，獻言者既不蒙聽用，而被謗者亦不為辨明，則小人習知其然，利在陰中浸潤膚受。日進日深，則公卿百官誰敢自保？懼者甚衆，豈惟小臣？此又臣非獨爲一身而言也。伏望聖慈，盡將臺諫官章疏降付有司，令盡理根治。依法施行，所貴天下曉然知臣有罪無罪，自有正法，不是陛下屈法庇臣，則臣雖死無所恨矣。夫君子之所重者名節也，故有捨生取義，殺身成仁，可殺不可辱之語。而爵位利祿，蓋古者有志之士所謂鴻毛弊屣也。人臣知此，然後可與事君。父言忠孝矣，今陛下不肯降出臺諫章疏，不過爲愛惜臣子，恐其萬一實有此事，不免降黜，而不念臣元無一事，空受誣讟，聖明在上，痛鳴無告，重壞臣爵位而輕壞臣名節，臣切痛之意，切言盡伏候誅殛，取進止。

古文國瑋集

卷之四十六

主

宋文卷十八

擬進士對御試策

并引狀問

蘇軾

時賜進士葉祖洽等三百人，祖洽對策專布
合時政，子瞻與宋敏求欲黜之，呂惠卿擢爲
第一，子瞻乃擬此策以獻王
安石，安石甚怒，屢請誅之。

右臣准宣命差赴集英殿編排舉人試卷，竊見陛下始革舊制，以策試多士，厥聞詩賦無益之語，將求山林朴直之論，聖德廣大，中外歡喜，而所試舉人不能推原上意，皆以得失爲慮，不敢指陳闕政，而阿諛順旨者，又卒據上第。陛下之所以求於人，至深切矣，而下之報上者如此，臣竊深悲之。夫科場之文，風俗所繫，所收者天下莫不以爲法，所弃者天下莫不以爲戒。昔祖宗之朝，崇尚辭律，則詩賦之工，曲盡其巧，自嘉祐以來，以古文爲貴，則策論盛行於世，而詩賦幾至於熄。何者？利之所在，人無不化。今始以策取士，而士之在甲科者，多以諛諛得之，天下觀望，誰敢不然？臣恐自今已往，相師成風，雖直言之科，亦無敢以直言進者。風俗一變，不可復返，正人衰微，則國隨之，非復詩賦策論迭興迭廢之比也。是以不勝憤懣，退而擬進士對御試策一道，學術淺陋，不能盡知當世之

古文國瑋集

卷之四十六

南

宋文卷十八

切務直載所聞、上將以推廣聖言、庶有補於萬一、下將以開示四方、使知陛下本不諱惡切直之言、風俗雖壞、猶可以少救、其所撰策、謹繕寫投進、于冒天威、臣無任戰恐待罪之至、

問朕德不類、託於士民之上、所與待天下之治者、惟萬方黎獻之求、詳延于廷、誠以世務豈特考子大夫之所學、且以博朕之所聞、蓋聖王之御天下也、百官得其職、萬事得其序、有所不爲、爲之而無不成、有所不革、革之而無不服、用疇闢、溝洫治、草木暢茂、鳥獸

古文國華集

卷之四十六

五

宋文卷十八

魚鱉無不得其性、其富足以備禮、其和足以廣樂、其治足以致刑、子大夫以謂何施而可以臻此、方今之弊、可謂衆矣、採之之術、必有本末、所施之宜、必有先後、子大夫之所宜知也、生民以來、所謂至治、必曰唐虞成周之時、詩書所稱、其迹可見、以至後世賢明之君、忠智之臣、相與憂勤、以營一代之業、雖未盡善、要其所以成就、亦必有可言者、其詳著之、朕將親覽、對臣伏見陛下發德音、下明詔、以天下安危之至計、謀及于布衣之士、其求之不可謂不切、其好之不可

謂不篤矣、然臣私有所憂者、不知陛下有以受之歟、禮曰、非受和、白受采、故臣願陛下先治其心、使虛一而靜、然後忠言至計可得而入也、今臣竊恐陛下先入之言、已實其中、邪正之黨、已貳其聽、功利之說、已動其欲、則雖有臯陶益稷之謀、亦無自入矣、而况於疎遠愚陋者乎、此臣之所以大懼也、若乃盡言以招過、觸諱以忘軀、則非臣之所恤也、聖策曰、聖王之御天下也、百官得其職、萬事得其序、臣以爲陛下未知此也、是以顛倒失序如此、苟誠知之、曷不尊其所聞、

古文國華集

卷之四十六

六

宋文卷十八

而行其所知歟、百官之所以得其職者、豈聖王人人而督責之、萬事之所以得其序者、豈聖王事事而整齊之哉、亦因能以任職、因職以任事而已、官有常守、謂之職、施有先後、謂之序、今陛下使兩府大臣、侵三司財利之權、常平使者、亂職司守令之治、刑獄舊法、不以付有司、而取決于執政之意、邊鄙大慮、不以責帥臣、而聽計於小吏之口、百官可謂失其職矣、王者之所宜先者、德也、所宜後者、刑也、所宜先者、義也、所宜後者、利也、而陛下易之、萬事可謂失其序矣、然此

猶其小者其大者則中書失其政也宰相之職古者所以論道經邦今陛下但使奉行條例司文書而已昔邴吉爲丞相蕭望之爲御史大夫望之言陰陽不和咎在臣等而宣帝以爲意輕丞相終身薄之今政事堂忿爭相詬流傳都邑以爲口實使天下何觀焉故臣願陛下首還中書之政則百官之職萬事之序以次而得矣聖策曰有所不爲爲之而無不成有所不革革之而無不服陛下之及此言是天下之福也今日之患正在於未成而爲之未服而革之耳夫成古文國華集卷之四十六 宋文卷十八

不信苟誠心乎爲利則雖自解釋而人不信且事有決不可欺者吏受賄枉法人必謂之賊非其有而取之人必謂之盜苟有其實不敢辭其名今青苗有二分之息而不謂之放債取利可乎凡人爲善不自譽而人譽之爲惡不自毀而人毀之如使爲善者必須自言而後言則堯舜周孔亦勞矣今天下以爲利陛下以爲義天下以爲害陛下以爲仁天下以爲貪陛下以爲廉不勝其紛紜也則使二三臣者極其巧辯以解答千萬人之口附會經典造爲文書以曉告四方之人四方之人豈如嬰兒鳥獸而可以小數眩之哉且夫未成而爲之則其弊必至於不敢爲未服而革之則其弊必至於不敢革蓋世有好走馬者一爲墜傷則終身徒行何者慎重則必成輕發則多敗此理之必然也陛下若出於慎重則屢作屢成不惟人信之陛下亦自信而日以勇矣若出於輕發則每舉每敗不惟人不信陛下亦自不信而日以怯矣文宗始用訓注其志豈意其淺也哉而一經大變則憂值喪氣不能復振文宗亦非有失德徒以好作而寡謀

不獨害民
又能害法
是亦一層
論

古文國華集卷之四十六

十九宋文卷十

也。慎者。重始。若怯。終必勇。輕發者。始若勇。終必怯。迺者。橫山之人。未嘗一日而忘漢。雖五尺之童子。知其可取。然自慶曆以來。莫之敢發者。誠未有以善其後也。近者。邊臣不計其後。而遽發之一發不中。則內帑之費。以數百萬計。而關輔之民。困於飛輓者。三年而卒已。雖天下之勇者。敢復爲之歟。爲之固不可。敢復言之歟。由此觀之。則橫山之功。是欲速而壞之也。近者。青苗之政。助役之法。均輸之策。營軍蒐卒之令。卒然輕發。又甚於前日矣。雖陛下不卹人言。持之益堅。而勢窮事蹙。終亦必變。他日雖有良法美政。陛下能復自信乎。人君之患。在於樂因循而重改作。今陛下春秋鼎盛。天錫勇智。此萬世一時也。而羣臣不能濟之以慎重。養之以敦朴。譬如乘輕車。馭駿馬。冒險夜行。而僕夫又從後鞭之。豈不殆哉。臣願陛下解轡秣馬。以須東方之明。而徐行於九軌之道。甚未晚也。聖策曰。田疇闢。溝洫治。草木暢茂。鳥獸魚鼈。莫不各得其性者。此百工有司之事也。曾何足以累陛下。陛下操其要。治其本。恭已無爲。而物莫不盡其理。以生以

古文國華集卷之四十六

十九宋文卷十

死。若夫百工有司之事。自宰相不屑爲之。而况於陛下乎。聖策曰。其富足以備禮。其和足以廣樂。其治足以致刑。何施而可以臻此。孔子曰。百姓足。君孰與不足。兕首彘彘。可以行禮。掃地而祭。可以事天。禮之。不備。非貧之罪也。管子曰。倉廩實而知禮節。臣不知陛下所謂富者。富民歟。抑富國歟。陸賈曰。將相和。則則士豫附。劉向曰。衆賢和於朝。則萬物和於野。今朝廷可謂不和矣。其咎安在。陛下不返求其本。而欲以力勝之力。之不能勝衆也。久矣。古者刀鋸在前。鼎鑊在後。而士猶犯之。今陛下躬蹈堯舜。未嘗誅一無罪。欲弭衆言。不遇斥逐異議之臣。而更用人。必不忍行。秦偶語之禁。起東漢黨錮之獄。多士何畏而不言哉。臣恐逐者不已。而爭者益多。煩言交攻。愈甚於今日矣。欲望致和而廣樂。豈不踈哉。古之求治者。將以措刑也。今陛下求治。則欲致刑。此又羣臣誤陛下也。臣知其說矣。是出於苟卿。苟卿喜爲異論。至以人性爲惡。則其言治世刑重亦宜矣。而說者又以爲書稱唐虞之隆。刑故無小而周之盛。時羣飲者殺。臣請有以

所謂此有
淫其之類

又為愚
非松也
公專好
人同已
知人

古文國華集卷之四十六

主宋文卷十八

詰之。夏禹之時。大辟二百。周公之時。大辟五百。豈可謂周治而禹亂耶。秦為法及三族。漢除肉刑。豈可謂秦治而漢亂耶。致之言極也。天下幸而未治。使一且治安。陛下將變今之刑。而用其極歟。天下幾何其不叛也。徒聞其語而懼者已衆矣。臣不意異端邪說。惑誤陛下。至於如此。且夫宥過無大刑。故無小。此用刑之常理也。至于今守之。豈獨唐虞之隆。而周之盛時哉。所以誅羣飲者。意其非獨羣飲而已。如今之法。所謂夜聚曉散者。使後世不知其詳。而徒聞其語。則此夜相過者。皆執而殺之可乎。夫人相與飲酒。而輒殺之。雖桀紂之暴。不至於此。而謂周公行之歟。聖策曰。方今之弊。可謂衆矣。抹之之術。必有本末。施之之宜。必有先後。臣請論其本。與其所宜先者。而陛下擇焉。方今抹弊之道。必先立事。立事之本。在於知人。則所施之宜。當先觀大臣之知人與否耳。古之欲立非常之功者。必有知人之明。苟無知人之明。則循規矩。蹈繩墨。以求寡過。二者皆審於自知。而安於才分者也。道可以講習而知。德可以勉強而能。惟知人之明不

古文國華集卷之四十六

主宋文卷十八

可學。必出於天資。如蕭何之識韓信。此豈有法而可傳者哉。亦極為淵公。地矣。以失之於馬謖。而孔明亦審於自知。是以終身不敢用魏延。我仁祖之在位也。事無大小。一付之於法。人無賢不肖。一付之於公議。事已效。而後行人。已試而後用。終不求非常之功者。誠以當時大臣。不足以與於知人之明也。古之為醫者。聆音察色。洞視五臟。則其治疾也。有剖胸決脾。洗濯胃腎之變。苟無其術。不敢行其事。今無知人之明。而欲立非常之功。解縱繩墨。以慕古人。則是未能察脉。而欲試華佗之方。其異於操刀而殺人者。幾希矣。房琯之稱劉秩。關播之用李元平。是也。至今以為笑矣。陛下觀今之大臣。為知人歟。為不知人歟。乃者推用衆才。皆其造室握手之人。要結密固。而後敢用。蓋以為其人可與勦力同心。共致太平。曾未安席。而交口攻之者。如蝟毛而起。陛下以此驗之。其不知人也。亦審矣。幸今天下無事。異同之論。不過瀆亂聖聽而已。若邊隅有警。盜賊竊發。俯仰成敗。呼吸變動。而所用之人。皆如今日。乍合乍

或以專信
而得或以
通衆而失
古事豈可
執論耶

散臨事解體不可復知則無乃誤社稷歟。華佗不世出。天下未嘗廢醫。蕭何不世出。天下未嘗廢治。陛下必欲立非常之功。請待知人之佐。若猶未也。則亦詔左右之臣。安分守法而已。聖策曰。生民以來。稱至治者。必曰唐虞成周之世。詩書所稱。其迹可見。以至後世。賢明之君。忠智之臣。相與憂勤。以營一代之業。雖未盡善。然要其所成就。亦必有可言者。其詳著之。臣以爲此不可勝言也。其施設之方。各隨其時。而不可知其所以知者。必畏天。必從衆。必法祖宗。故其言曰。古文國璋集卷之四十六。宋文卷十八。手書。戒之戒之。天惟顯思。命不易哉。又曰。稽于衆。舍已從人。又曰。丕顯哉。文王謨丕承哉。武王烈。詩書所稱。大畧如此。未嘗言天命不足畏。衆言不足從。祖宗之法不足用也。符堅用王猛而樊世仇。滕席寶不悅。魏鄭公勸太宗以仁義而封倫不信。凡今之人。欲陛下遊衆而自用者。必以此藉口。而陛下所謂賢明忠智者。豈非意在於此等歟。臣願考二人之所行而求之于今。王猛豈嘗設官而牟利。魏鄭公豈嘗貨錢而取息歟。且其不悅者。不過數人。固不害天下之信且服也。

今天下有心者。怨有口者。謗古之君臣。相與憂勤。以營一代之業者。似不如此。古語曰。百人之聚。未有不公。而况天下乎。今天下非之。而陛下不回。臣不知所稅駕矣。詩曰。譬彼舟流。不知所屆。心之憂矣。不遑假寐。區區之忠。惟陛下察之。臣謹昧死上對。

安石素惡異已。公進此策。甚刺其不知人。不可以任事。

古文國璋集卷之四十六

手書宋文卷十八

策斷上

蘇軾

二虜爲中國患至深遠也。天下謀臣猛將豪傑之士，欲有所逞於西北者久矣。聞之兵法，白先爲不可勝，以待敵之可勝。嚮者臣愚以爲西北雖有可勝之形，而中國未有不可勝之備。故竊嘗以爲可特設一官，使獨任其責而執政之臣得以專治內事。苟天下之弊莫不盡去，紀綱修明，食足而兵強，百姓樂業，知愛其君，卓然有不可勝之備。如此則臣固將備論而極言之。夫天下將興，其積必有源。天下將亡，其發必有由。古文國瑋集卷之四十六 宋文卷十八 門聖人者，唯知其門而塞之。古之亡天下者，四而天子無道不與焉。蓋有以諸侯強偏而至於亡者。周唐是也。有以匹夫橫行而至於亡者。秦是也。有以大臣執權而至於亡者。漢魏是也。有以蠻夷內侵而至於亡者。二晉是也。使此七代之君皆能逆知其所出亡之門而塞之，則至于今可以不廢。惟其諱亡而不爲之備，或備之而不得其門，故禍發而不救。夫天子之勢蟠於天下而結於民心者甚厚，故其亡也必有大隙焉。而日潰之，其窺之甚難，其取之甚密。曠日持久，

和戎定論

然後可得而聞。蓋非有一日卒然不救之患也。是故聖人必於其全安甚盛之時，而塞所由亡之門。蓋臣以爲當今之患，外之可畏者，西戎北狄。而內之可畏者，天下之民也。西戎北狄，不足以爲中國大憂。而其動也有以召內之禍。內之民實執存亡之權，而不能獨起其發也。必將待外之變，先之以戎狄，而繼之以吾民。臣之所謂可畏者，在此而已。昔者敵國之患起於多求而不供，供者有倦，而求者無厭，以有倦供無厭，而能久安於無事者，天下未嘗有也。故夫二虜之患，特有遠近耳，而要必至於戰。敢問今之所以戰者，何也？其無乃出於倉卒而備於一時乎？且夫兵不素定而出於一時，當其危疑擾攘之間，而吾不能自必，則權在敵國。權在敵國，則吾欲戰不能，欲休不可。進不能戰，而退不能休，則其計將出於求和。求和而自我，則其所以爲講者必重。軍旅之後，而斷之以重，則凡暴取豪奪之法，不得不施於今之世矣。天下動變生無方，國之大憂將必在此。蓋嘗聞之用兵有

今之論者
房撫寇者
不可不察
此機

權○權○之○所○在○其○國○乃○勝○是○故○國○無○小○大○兵○無○強○弱○有○
小○國○弱○兵○而○見○畏○於○天○下○者○權○在○焉○耳○千○鈞○之○牛○制○
於○三○尺○之○童○弭○耳○而○下○之○曾○不○如○狙○猿○之○僞○擲○於○山○
林○此○其○故○何○也○權○在○人○也○我○欲○則○戰○不○欲○則○守○戰○則○
天○下○莫○能○支○守○則○天○下○莫○能○窺○昔○者○秦○嘗○用○此○矣○開○
關○出○兵○以○攻○諸○侯○則○諸○侯○莫○不○願○割○地○而○求○和○諸○侯○
割○地○而○求○和○於○秦○秦○人○未○嘗○急○於○割○地○之○利○若○不○得○
已○而○後○應○故○諸○侯○常○欲○和○而○秦○常○欲○戰○如○此○則○權○固○
在○秦○矣○日○秦○非○能○強○於○天○下○之○諸○侯○秦○惟○能○自○必○而○
古文國瑋集 卷之四十六 三 宋文卷十八

之○大○而○權○不○在○焉○欲○天○下○之○安○則○莫○若○使○權○在○中○國○
欲○權○之○在○中○國○則○莫○若○先○發○而○後○罷○示○之○以○不○憚○形○
之○以○好○戰○而○後○天○下○之○權○有○所○歸○矣○今○夫○庸○人○之○論○
則○曰○勿○為○禍○始○古○之○英○雄○之○君○豈○其○樂○禍○而○好○殺○唐○
太○宗○既○平○天○下○而○又○歲○歲○出○師○以○從○事○於○夷○狄○盖○晚○
而○不○倦○暴○露○於○千○里○之○外○親○擊○高○麗○者○再○焉○凡○此○者○
皆○所○以○爭○先○而○處○強○也○當○時○羣○臣○不○能○深○明○其○意○以○
為○敵○國○無○事○而○我○則○發○之○夫○為○國○者○使○人○備○已○則○權○
在○我○而○使○已○備○人○則○權○在○人○當○太○宗○之○時○四○夷○狼○顧○
古文國瑋集 卷之四十六 三 宋文卷十八

以○備○中○國○故○中○國○之○權○重○苟○不○先○之○則○彼○或○以○執○其○
權○我○而○我○又○鯁○鯁○焉○惡○戰○而○樂○罷○使○敵○國○知○吾○之○所○
忌○而○以○是○取○必○於○吾○如○此○則○雖○有○天○下○吾○安○得○而○為○
之○唐○之○衰○也○惟○其○厭○兵○而○畏○戰○一○有○敗○衄○則○號○號○焉○
縮○首○而○去○之○是○故○姦○臣○執○其○權○以○要○天○子○及○至○憲○宗○
奮○而○不○顧○雖○小○挫○而○不○為○之○沮○當○此○之○時○天○下○之○權○
在○於○朝○廷○伐○之○則○足○以○為○威○舍○之○則○足○以○為○恩○臣○故○
曰○先○發○而○後○罷○則○權○在○我○矣○
欲○權○之○在○我○非○強○兵○不○可○難○以○虛○言○勝○矣○

策斷中

蘇軾

臣聞用兵有可以逆爲數十年之計者。有朝不可以謀夕者。攻守之方。戰鬪之術。一日百變。猶以爲拙。若此者。朝不可以謀夕者也。古之欲謀人之國者。必有一定之計。勾踐之取吳。秦之取諸侯。高祖之取項籍。皆得其至計。而固執之。是故有利。有不利。有進。有退。百變而不同。而其一定之計。未始易也。勾踐之取吳。是躡之而已。秦之取諸侯。是散其從而已。高祖之取項籍。是間疎其君臣而已。此其至計。不可易者。雖百

古文國璋集

卷之四十六

三十九

年可知也。今天下晏然。未有用兵之形。而臣以爲必至於戰。則其功守之方。戰上之術。固未可以豫論。而臆斷也。然至於用兵之大計。所以固執而不變者。臣請得以豫言之。夫西戎北胡。皆爲中國之患。而西戎之患。小。北胡之患。大。此天下之所明知也。管仲曰。攻堅則瑕者堅。攻瑕則堅者瑕。故二者皆所以爲憂。而臣以爲兵之所加。宜先於西。故先論所以制御西戎之大略。今夫鄒魯魯戰。則天下莫不以爲魯勝。大小之勢異也。然而勢有所激。則大者失其所以爲大。而

小有所長。地廣而備多。備多而力分。小國聚而大國分。則強弱之勢。將有所反。大國之人。譬如千金之子。自重而多疑。小國之人。計窮而無所恃。則致死而不顧。是以小國常勇。而大國常怯。恃大而不戒。則輕戰而屢敗。知小而自畏。則深謀而必克。此又其理然也。夫民之所以守戰至死而不去者。以其君臣上下。惟欣相得之際也。國大則君尊。而上下不交。將軍貴而吏士不親。法令繁而民無所措。其手足若夫小國。而吏士不親。法令繁而民無所措。其手足若夫小國。

古文國璋集

卷之四十六

三十九

宋文卷十八

之民。截然其若一家也。有憂則相卹。有急則相赴。凡此數者。是小國之所長。而大國之所短也。大國而不。用其所長。使小國常出於其所短。雖百戰而百屈。豈足怪哉。且夫大國則國固有所長矣。長於戰而不長於守。夫守者。出於不足而已。譬之於物。大而不。則易以腐敗。故凡擊搏進取。所以用大也。孫武之法。十則圍之。五則攻之。倍則分之。敵則能戰之。少則能逃之。不若則能避之。自敵以上者。未嘗有不戰也。自敵以上而不戰。則是以有餘而用不足之計。固已失其

西方用兵
宋雖多失
而見亦
古而不
於必戰
取勝也
見於常勝

古文國璋集

卷之四十六

宋文卷十八

所長矣。凡人國之所恃，台能分兵而彼不能分，吾能
數出而彼不能應，譬如千金之家，日出其財以周市
利而敗夫小民，終莫能與之競者，非智不若其財少
也。是故敗夫小民，雖有桀黠之才，過人之智，而其勢
不得不折而入於千金之家，何則？其所長者不可以
與較也。西戎之於中國，可謂小國矣。嚮者惟不用其
所長，是以累兵連年而終莫能服。今欲用吾之所長
則莫若數出，數出莫若分兵。臣之所謂分兵者，非分
屯之謂也，分其居者與行者而已。今河西之戍卒，惟
行則一歲可以十出，十二而行則一歲可以五出，十
一而十出，十二而五出，則是一人而歲一出也。吾一
歲而一出，彼一歲而十出，彼兵焉則眾寡之不侔，勢逸
之不敵，亦明矣。夫用兵必出於敵人之所不能，我
大而敵小，是故我能分而彼不能，此吳之所以肄楚
而隋之所以狙陳，陳夫禦戎之術，不可以逆知其詳
而其大略臣未見有過此者矣。

韓內余之

策斷下

蘇軾

其次請論北狄之勢。古者匈奴之衆，不過漢一大縣
然所以能敵之者，其國無君臣上下，朝覲會同之節
其民無穀米絲麻耕作織紉之勞，其法令以言語爲
約，故無文書符傳之繁。其居處以逐水草爲常，故無
城郭邑居聚落守望之助。其旃裘肉酪足以爲養生
送死之具，故戰則人人自鬪，敗則驅牛羊遠徙，不可
得而破。蓋非獨古聖人法度之所不加，亦天性之所
安者。猶狙猿之不可使寇，帶虎豹之不可被以羈維
也。故中行說教單于無愛漢物，所得綽絮皆以馳草
棘中，使衣袴弊裂，以示不如旃裘之堅善也。得漢食
物皆去之，以示不如湟酪之便美也。由此觀之，中國
以法勝而匈奴以無法勝，聖人知其然是故精修其
法而謹守之，築爲城郭，塹爲溝池，大倉廩，實府庫，明
烽燧，遠斥候，使民知金鼓進退坐作之節，勝不相先
敗不相後，此其所以謹守其法而不敢失也。一失其
法，則不如無法之爲便也。故夫各輔其性而安其生
則中國與胡本不能相犯，惟其不然是故皆有以相

魏孝文以
此故弱其
國

制胡人之不可從中國之法。猶中國之不可從胡人之無法也。今夫佩玉服韞冕而垂旒者。此宗廟之服。所以登降揖讓。折旋俯仰爲容者也。而不可以騎射。今夫蠻夷而用中國之法。豈能盡如中國哉。苟不能盡如中國而雜用其法。則是佩玉服韞冕而垂旒而欲騎射也。昔吳之先。斷髮文身。與魚鼈龍蛇居者數十世。而諸侯不敢窺也。其後楚申公巫臣始教以乘車射御。使出兵侵楚。而闔廬夫差又逞其無厭之求。闕溝通水。遂與齊晉爭強。黃池之會。強自冠帶。吳人不勝其弊。卒臣於越。夫吳之所以強者。乃其所以亡也。何者。以蠻夷之資而食中國之美。宜其可得而圖之哉。西晉之亡也。何奴鮮卑氏羌之類。紛紜中國。而其豪傑間起爲之君長。如劉元海。待堅石。勒慕容。傅之儔。皆以絕異之姿。驅駕一時之賢俊。其強者至有天下大半。然終於覆亡相繼。遠者不過一傳再傳而滅。何也。其心固安於無法也。而束縛於中國之法。中國之人固安於法也。而苦其無法。君臣相戾。上下相厭。是以雖建都邑。立宗廟。而其心岌岌然常若將去於

古文國學集

卷之四十六

重刊宋文卷十八

其後趙良
以燕人
而遠矣

其間而安能久乎。且人而弃其所得於天之分。有不亡者也。契丹自五代南侵。乘石晉之亂。奄至京邑。觀中原之富麗。廟社宮闕之壯而悅之。知不可以留也。故歸而竊習焉。山前諸郡。既爲所并。則中國士大夫有立其朝者矣。故其朝廷之儀。百官之號。文武選舉之法。都邑郡縣之制。以至於衣服飲食。皆雜取中國之象。然其父子聚居。貴壯而賤老。貪得而忘失。勝不相讓。敗不相救者。猶在也。其中未能革其犬羊豺狼之性。而外牽於華人之法。此其所以自投於陷穽。古文國學集

卷之四十六

重刊宋文卷十八

免因徒之耻。宜其有惋憤鬱結而思變者。特未有路耳。凡此皆可以致其心。雖不爲吾用。亦以間疎其君臣。此由余之所以入秦也。幽燕之地。自古號多雄傑。名於圖史者。往往而是。自宋之興。所在賢俊。雲合響應。無有遠邇。皆欲洗濯磨淬以觀上國之光。而此一方獨陷於非類。昔太宗皇帝親征幽州。未克而班師。聞之謀者曰。幽州士民。謀欲執其帥以城降者。間鑿與之還。無不泣下。且胡人以爲諸郡之民。非其族類。故厚歛而虐使之。則其思內附之心。豈得深計哉。此又足爲之謀也。使其上下相猜。若民相疑。然後可攻也。語有之曰。鼠不容穴。卿窵藪也。彼僭立四都。分置守宰。倉廩府庫。莫不備具。有一旦之急。適足以自累。守之不能。棄之不忍。華夷雜居。易以生變。如此則中國之長足。以有所施矣。然非特如此而已也。中國不能謹守其法。被慕中國之法。而不能純用。是以勝負相持。而未有決也。夫蠻夷者。以力攻。以力守。以力戰。顧力不能。則逃中國。則不然。其守以形。其功以勢。其戰以氣。故有戰而力有餘。形有所不守。而敵人莫

不忘也。勢者有所不攻。而敵人莫不備也。氣者有所不戰。而敵人莫不懾也。苟去此三者。而角之於力。則中國固不敵矣。尚何云乎。惟國家留意其大者。而爲之計。其小者。臣未敢言焉。

其後契丹日衰。惜宋不能自以兵力取之。而外引強寇共相淪胥耳。

歷代古文國璋集卷之四十七

宋文

續歐陽子朋黨論


蘇軾

歐陽子曰：小人欲空人之國，必進朋黨之說，嗚呼！國之將亡，此其微歟！禍莫大於權之移人，而君莫危於國之有黨。有黨則必爭，爭則小人者必勝，而權之所歸也。君安得不危哉！何以言之？君子以道事君，人主必敬之；而小人唯予言而莫予違，人主必狎之。而

古文國璋集卷之四十七

宋文卷十九

親疎者易間，而親者難睽也。而君子不得志，則奉身而退，樂道不仕。小人者不得志，則微倖復用，唯怨之報。此其所以必勝也。蓋嘗論之：君子如嘉禾也，封殖之甚難，而去之甚易；小人如惡草也，不種而生，去之復蕃。世未有小人，不除而治者也。然去之為最難，斥其一則援之者衆，盡其類則衆之致怨也深。小者復用，而肆威大者得志，而竊國害人為之掃地。世主為之屏息，譬斷蛇不死，刺虎不斃，其傷人則愈多矣。齊田氏魯季孫是已。齊魯之執事，莫非田季之黨也。歷



古文國璋集卷之四十七

宋文卷十九

數君不忘其誅，而卒之簡公殺昭哀，失國小人之黨，其不可除也如此。而漢黨錮之獄，唐白馬之禍，忠義之士，斥死無餘。君子之黨，其易盡也如此。使世主知易盡者之可戒，而不可除者之可懼，則有廖矣。且夫君子者，世無若是之多也；小人者，亦無若是之衆也。凡才智之士，銳於功名，而嗜於進取者，隨所用耳。孔子曰：仁者安仁，智者利仁，未必皆君子也。冉有從夫子，則為門人之選；從季氏，則為聚斂之臣。唐柳宗元、劉禹錫，使不陷叔文之黨，其高才絕學，亦足以為唐名臣矣。昔樂懷子得罪於晉，其黨皆出奔。樂王鮒謂范宣子曰：盍反州綽，那劓勇士也。宣子曰：彼樂氏之勇也，余何獲焉？王鮒曰：子為彼樂氏，乃子之勇也。嗚呼！宣子，齊從王鮒之言，豈獨獲二子之勇，且安有曲沃之變哉？愚以謂治道去泰甚耳。苟黜其首惡，而貸其餘，使才者不失富貴，不才者無所致憾，將為吾用之不暇，又何怨之報乎？人之所以為盜者，衣食不足耳。農夫市人，焉保其不為盜？而衣食既足，盜豈有不能返農夫市人也哉？故善除盜者，開其衣食之門，使

循其業。善除小人者。誘以富貴之道。使聽其黨。以力取威勝者。蓋未嘗不反為所噬也。曹參之治齊。曰。無擾獄市。獄市。姦人之所容也。知此。亦庶幾於善治矣。姦固不可長。而亦不可不容也。若姦無所容。君子豈又安之道哉。李之黨徧天下。而李德裕以一夫之力。欲窮其類。而致之必死。此其所以不旋踵。罹仇人之禍也。臣復熾忠義益衰。以力取威勝者。果不可耶。愚是以讀歐陽子之說。而為君子小人之戒。

宣仁有言。若章惇者。雖為宰相。豈肯止乎此首惡。

古文國瑋集卷之四十七

三 宋文卷十九

之不可貸也。然主調停之說者。欲引用熙豐舊人。而子由大非之。蓋一招此輩。大奸必攝之。而起如睢水之陣。其勢一動不可復止也。又有瞻風望氣。首先叛正。若楊畏輩。隱伏於中。何以防之哉。故湯與君子為難者。既可畏而依附君子者。尤不可測。此小人之所以常勝耶。

書論

蘇軾

愚讀史記。而君列傳。觀其改法易令。變更秦國之風俗。誅秦民之讒令者。以數千人。黜太子之師。殺太子之傳。而後法令大行。蓋未嘗不壯其勇而有決也。曰。嗟夫。世俗之人。不可以慮始。而可樂成也。使天下之人。各陳其所知。而守其所學。以議天子之事。則事將有格。而不得成者。然及觀三代之書。至其將有以矯拂世俗之際。則其所以告諭天下者。常丁寧激切。盡其而不倦。務使天下盡知其君之心。而又從而折其

古文國瑋集卷之四十七

四 宋文卷十九

不服之意。使天下皆信以為如此。而後從事。其言迴曲。宛轉譬如。平人自相議論。而詰其是非。愚始讀而疑之。以為近於濡滯迂遠。而無決然。其使天下樂從而無黽勉不得已之意。其事既發。而無紛紜異同之論。此則王者之意也。故常以為富彥舜之時。其君臣相得之心。歡然樂而無間。相與吁咻嗟嘆。唯諾於朝廷之中。不啻若朋友之親。雖其有所相是非論辨。以求曲直之際。當亦無足怪者。及至湯武征伐之際。周旋反覆。自述其用兵之意。以明曉天下。此又其勢然。

曰敢不專
猛毅若此

也。惟其天下既安。君民之勢闊遠而不同。天下有所
爲。而其匹夫匹婦。私有異論於天下。以齟齬其上之
畫策。令之而不肯聽。當此之時。刑驅而勢脅之。天下
夫誰敢不聽從。而上之人。侵滑而徐譬之。使之信之。
而後從此非王者之心。誰能處而待之。而不倦歟。蓋
盤庚之遷。天下皆嗟嗟而不悅。盤庚爲之稱其先王
盛德。明聖而猶五遷。以至于今。今不承于古。恐天之
斷棄汝命。不救汝災。既又恐其不從也。則又曰。汝罔
暨余同心。我先后將降爾罪。暨乃祖先父。亦將告我
古文圖瑋集卷之四十七
五
高后曰。作大戮于朕孫。蓋其所以開其不悟之心。而
諭之。以其所以當然者。如此其詳也。若夫商君。則不
然。以爲要使汝獲其利。而何卹乎吾之所爲。故無所
求於衆人之論。而亦無以告諭天下。然其事亦終於
有成。是以後世之論。以爲三代之治。柔懦不決。然此
乃王霸之所以爲異也。夫三代之君。惟不忍鄙其民
而欺之。故天下有故而其議及於百姓。以觀其意之
所嚮。及其不可聽也。則又反覆而論之。以窮極其說。
而服其不然之心。是以其民親而愛之。嗚呼。此王霸

之所爲不同也哉

專以商政立說亦欲爲立法大苛者戒

古文圖瑋集卷之四十七

宋文卷十七

孟子原于

伊尹論

蘇軾

辦天下之大事者。有天下之大節者也。立天下之大節者。狹天下者也。夫以天下之大。而不足以動其心。則天下之大節有不足立。而大事有不足辦者矣。今夫匹夫匹婦。皆知紫微忠信之為美也。使其果紫微而忠信。則其知慮未始不如王公大人之能也。惟其所爭者。止於簞食豆羹。而簞食豆羹足以動其心。則宜其智慮之不出乎此也。簞食豆羹。非其道不取。則一鄉之人莫敢以不正犯之矣。一鄉之人莫敢以不正犯之。而不能辦一鄉之事者。未之有也。推此而上。其不取者愈大。則其所辦者愈遠矣。讓天下與讓簞食豆羹。無以異也。治天下與治一鄉。亦無以異也。然而不能者。有所蔽也。天下之富。足簞食豆羹之積也。天下之大。是一鄉之推也。非千金之子。不能運千金之資。販夫販婦。得一金而不知所措。非智不若其所居之卑也。孟子曰。伊尹耕于有莘之野。非其道也。非其義也。雖祿之天下。弗受也。夫天下不能動其心。是故其才全。以其全才而制天下。是故臨大事而不亂。

古文圖瑋集卷之四十七

宋文卷十九

孔明亦然哉近之

古文圖瑋集卷之四十七

宋文卷十九

古之君子。必有高世之行。非苟求為異而已。卿相之位。千金之富。有所不屑。將以自廣其心。使窮達利害。不能為之芥蒂。以全其才。而欲有所為耳。後之君子。蓋亦嘗有其志矣。得失亂其中。而榮辱奪其外。是以役役至於老死。而不暇。亦是悲矣。孔子叙書。至於舜禹皋陶。相讓之際。蓋未嘗不太息也。夫以朝廷之尊。而行匹夫之讓。孔子安取哉。取其不汲汲於富貴。有以大服天下之心焉耳。夫太甲之廢。天下未嘗有是。而伊尹始行之。天下不以為驚。以臣放君。天下不以為僭。既放而復立。太甲不以為專。何則。其素所不屑者。足以取信於天下也。彼其視天下。眇然不足以動其心。而豈忍以廢放其君求利也哉。後之君子。蹈常而習俗。惴惴焉懼不免於天下。一為希闕之行。則天下羣起而誚之。不知求其素。而以為古今之變。時有所不可者矣。亦已過矣夫。

荀卿論

蘇軾

嘗讀孔子世家。觀其言語文章。循循莫不有矩矱。不放言高論。言必稱先王。然後知聖人憂天下之深也。茫乎不知其畔岸而非遠也。浩乎不知其津涯而非深也。其所言者。匹夫匹婦之所共知。而所行者。聖人有所不能盡也。嗚呼。是亦足矣。使後世有能盡吾說者。雖爲聖人無難。而不能者。不失爲寡過而已矣。子路之勇。子貢之辯。冉有之智。此三者皆天下之所謂難能而可貴者也。然三子者。每不爲夫子之所悅。古文國璋集卷之四十七 九宋文卷五

顏淵默然不見其所能。若無以異于衆人者。而夫子亟稱之。且夫學聖人者。豈必其言之云爾哉。亦觀其意之所嚮而已。夫子以爲後世必有不能行其說者矣。必有竊其說而爲不義者矣。是故其言平易正直。而不敢爲非常可喜之論。要在於不可易也。昔者常惟李斯事荀卿。既而焚滅其書。大變古先聖王之法。於其師之道。不啻若寇讐。及今觀荀卿之書。然後知李斯之所以事秦者。皆出于荀卿而不足怪也。荀卿者。喜爲異說。而不讓敢爲高論。而不顧者也。其言豈

意爲刑公

人之所驚。小人之所喜也。子思孟軻世之所謂賢人。君子也。荀卿獨曰亂天下者。子思孟軻也。天下之人如此其衆也。仁人義士如此其多也。荀卿獨曰人性惡。桀紂性也。堯舜偶也。由是觀之。意其爲人必也剛愎不遜。而自許太過。彼李斯者。又特甚者耳。今夫小人之爲不善。猶必有所顧忌。是以夏商之亡。桀紂之殘暴。而先王之法度禮樂刑政。猶未至於絕滅。而不可考者。是桀紂猶有所存。而不敢盡廢也。彼李斯者。獨能奮而不顧。焚燒夫子之六經。烹滅三代之諸侯。破壞周公之井田。此亦必有所恃者矣。彼見其師歷詆天下之賢人。自是其愚。以爲古先聖王皆無足法者。不知荀卿特以快一時之論。而荀卿亦不知其禍之至於此也。其父殺人。報仇其子必且行劫。荀卿明王道。述禮樂。而李斯以其學亂天下。其高談異論。有以激之也。孔孟之論。未嘗異也。而天下卒無有及者。荀天下果無有及者。則尚安以求異爲哉。變古復古。皆是自泥。此論以李斯攻荀卿大略亦爲刑公而發

古文國璋集

卷之四十七

十宋文卷五

韓非論

蘇軾

聖人之所爲惡夫異端。盡力而排之者。非異端之能亂天下。而天下之亂。所由出也。昔周之衰。有老聃莊周。列禦寇之徒。更爲虛無淡泊之言。而治其猖狂浮游之說。紛紜顛倒。而卒歸於無有。由其道者。蕩然莫得其當。是以忘乎富貴之樂。而齊乎灰生之分。此不得志於天下。高世遠舉之人。所以放心而無憂。雖非聖人之道。而其用意固亦無惡於天下。自老聃之死。百餘年。有商鞅韓非著書。言治天下無若刑名之賢。古文國璋集卷之四十七。士宋文卷九。及秦用之。終於勝。廢之亂。教化不足。而法有餘。秦以不祀。而天下被其毒。後世之學者。知申韓之罪。而不。知老聃莊周之使然。何者。仁義之道。起於夫婦父子兄弟相愛之間。而禮法刑政之厚。出於君臣上下相忌之際。相愛則有所不忍。相忌則有所不敢。夫不敢與不忍之心。合而後聖人之道。得存乎其中。今老聃莊周論君臣父子之間。汎汎乎若萍浮于江湖。而適相值也。夫是以父不足愛。而君不足忌。不忌其君。不愛其父。則仁不足以懷。義不足以勸。禮樂不足以化。

此四者皆不足用。而欲置天下於無有。夫無有豈誠足以治天下哉。商鞅韓非求爲其說。而不得其所以輕天下。而齊萬物之術。是以敢爲殘忍。而無忌。今夫不忍殺人。而不足。以爲仁。而仁亦不足以治民。則是殺人。不足以爲不仁。而不仁亦不足以亂天下。如此則舉天下。唯吾之所爲。刀鋸斧鉞。何施而不可。昔者夫子未嘗一日敢易其言。雖天下之小物。亦莫不有所畏。今其視天下。眇然若不足爲者。此其所以輕殺人歟。太史遷曰。申子卑卑。施於名實。韓子引繩墨。古文國璋集卷之四十七。士宋文卷九。切事情。明是非。其極慘戮少恩。皆原於道德之意。嘗讀而思之。事固有不相謀而相感者。莊老之後。其禍爲申韓。由三代之衰。至于今。凡所以亂聖人之道者。其弊固已多矣。而未知其所終。奈何其不爲之所也。子長所謂原本道德之意。不過以老子之曰。賊曰殺。曰陰用。而不以語人曰。利器申韓。得其一說。而爲治長公。獨以爲本之虛無。尤千古絕識。

子思論

蘇軾

昔者夫子之文章，非有意於爲文，是以未嘗立論也。所得而言者，唯其歸於至當，斯以爲聖人而已矣。夫子之道，可由而不可知，可言而不可議，此其不爭爲區區之論，以開是非之端，是以獨得不廢，以與天下後世爲仁義禮樂之主。夫子既沒，諸子之欲爲書以傳于後世者，其意皆存乎爲文，汲汲乎惟恐其汨沒而莫吾知也。是故皆喜立論，論立而爭起。自孟子之後，至于荀卿楊雄，皆務爲相攻之說，其餘不足數。古文國璋集卷之四十七

者紛紜於天下，究夫夫子之道不幸而有老聃莊周楊朱墨翟田駢慎到申不害韓非之徒，各持其私說以攻乎其外，天下方將惑之，而未知其所適從，奈何其弟子門人又內自相攻而不決，千載之後，學者愈衆而夫子之道益晦而不明者，由此之故歟。昔三子之爭起于孟子，孟子曰：人之性善，是以荀子曰：人之性惡，而楊子又曰：人之性善惡混。孟子既已據其善，是故荀子不得不出於惡人之性，有善惡而已。二子既以謬之，是以楊子亦不得不出於善惡混也。爲論

不求其精而務以爲異於人，則紛紛之說未可以知其所以止。且夫夫子未嘗言性也，蓋亦嘗言之矣，而未嘗有必然之論也。孟子之所謂性善者，皆出於其師子思之書。子思之書，皆聖人之微言，篤論孟子得之而不善用之，能言其道而不知其所以爲言之名，舉天下之大而必之以性善之論，昭昭乎自以爲的於天下，使天下之過者莫不欲援弓而射之，故夫二子之爲異論者，皆孟子之過也。若夫子思之論則不然，曰夫婦之愚可以與知焉，及其至也，雖聖人亦有所不知焉。夫婦之不可行，可以能行焉，及其至也，雖聖人亦有所不能焉。聖人之道，造端乎夫婦，之所能行而極乎聖人之所不能知，造端乎夫婦之所能行，是以天下無不可學而極乎聖人之所不能知，是以學者不知其所窮。夫如是，則惻隱足以爲仁，而仁不止於惻隱，羞惡足以爲義，而義不止於羞惡，此不亦孟子之所以爲性善之論歟。子思論聖人之道，出於天下之所能行，而孟子論天下之人皆可以行聖人之道，此無以異者，而子思取必于聖人之道，孟子取必于天

下之人故夫後世之異議皆出于孟子。而子思之論天下皆是而莫或非焉。然後知子思之善爲論也。周程相繼弟子或多紛。公此論意亦本此。

番戾論

蘇軾

古之所謂豪傑之士者。必有過人之節。人情有所不能忍者。匹夫見辱拔劍而起。挺身而鬪。此不足爲勇也。天下有大勇者。卒然臨之而不驚。無故加之而不怒。此其所挾持者甚大。而其志甚遠也。夫子房受書于圜上之老人也。其事甚怪。然亦安知其非秦之世有隱君子者。出而試之。觀其所以微見其意者。皆聖賢相與警戒之意。而世不察。以爲鬼物。亦已過矣。且其意不在書。當韓之亡秦之方盛也。以刀鋸鼎鑊待天下之士。其平居無罪夷滅者不可勝數。雖有賁育無所復施。夫持法太急者。其鋒不可犯。而其勢未可乘。子房不忍忿忿之心。以匹夫之力。而逞于一擊之間。當此之時。子房之不死者。其間不能容髮。蓋亦已危矣。千金之子。不死于盜賊。何者。其身之可愛。而盜賊之不足以死也。子房以蓋世之才。不爲伊尹太公之謀。而特出于荊軻荊政之計。以僥倖于不死。此已上之老人所爲深惜者也。是故倨傲鮮腆而深折之。彼其能有所忍也。然後可以就大事。故曰。孺子可教。

也。楚莊王伐鄭，鄭伯肉袒牽羊以逆莊王，曰：「其君能下人，必能信用其民矣。」遂捨之。勾踐之困於會稽，而歸臣妾於吳者三年而不倦，且夫有報人之志而不能下人者，是匹夫之剛也。夫老人者，以爲子房才有餘而憂其度量之不足，故深折其少年剛銳之氣，使之忍小忿而就大謀。何則？非有生平之素，卒然相遇於草野之間，而命以僕妾之役，油然而不怪者，此固秦皇之所不能驚，而項籍之所不能怒也。觀夫高祖之所以勝，而項籍之所以敗者，在能忍與不能忍之

古文園瑋集卷之四十七

宋文卷十九

間而已矣。項籍唯不能忍，是以百戰百勝而輕用其鋒。高祖忍之，養其全鋒而待其弊，此子房教之也。當淮陰破齊而欲自王，高祖發怒，見于詞色，由此觀之，猶有剛強不忍之氣，非子房其誰全之？太史公疑子房以爲魁梧奇偉，其狀貌乃如婦人女子，不稱其志氣，嗚呼！此其所以爲子房歟。

匹夫起義古所未有，當時秦勢已成，子房豈料有勝廣劉項之事，可以亡秦哉？故憤憤于一擊以畢其報韓之志耳。

辯論三

蘇軾

始終得其正，天下合於一；是二者必以其道得之邪，亦或不以其道得之邪？病乎或者之，不以其道得之也。于是乎舉而歸之名，歐陽子曰：「皆正統是以名言者也。」章子曰：「正統又曰霸統，是以實言者也。」歐陽子以名言而純乎名，章子以實言而不盡乎實，章子之急以霸統重其實，而不知實之輕，自霸統始，使天下之名皆不得過乎實者，固章子意也。天下之名果不過乎實也，則吾以章子爲過乎聖人，聖人不得已則不能以實傷名，而章子則能之，且吾豈不知居得其正之爲正，不如至公大義之爲正也哉？蓋亦有不得已焉耳。如章子之說，吾將求其備，堯舜以德，三代以德與功，漢唐以功，秦隋後唐晉漢周以力，晉梁以弑以實言之，則德與功不如德，功不如德與功，力不如功，弑不如力，是堯舜而下得統者，凡更四不如，而後至于晉梁焉。而章子以爲天下之實盡于其正統，霸統之間矣。歐陽子純乎名，故不知實之所止，章子雜乎實，故雖晉梁弑君之罪，天下所不容之惡，而其實

古文園瑋集卷之四十七

宋文卷十九

反不過乎霸。彼其初得正統之虛名而不測其實罪之所至也。章子則告之曰：爾霸者也。夫以弑君得天下而不失爲霸，則章子之說固便乎篡者也。夫章子豈曰弑君者其實止乎霸也哉？蓋已舉其實而著之名，雖欲復加之卑而不可得也。夫王者沒而霸者有功於天下，吾以爲在漢唐爲宜，必不得已而秦隋後唐。晉漢周得之，吾猶有憾焉。奈何其舉而加之欲君之人乎？嗚呼！吾不惜乎名而惜乎實也。霸之於王也，猶兄之於父也。聞天下之父嘗有曰堯者而曰必堯，下將有降父而至於僕妾者，無怪也。從章子之說者，其弊固至乎此也。故曰：莫若純乎名。純乎名，故晉梁之得天下，其名曰正統，而其弑君之實，惟天下後世之所加，而吾不爲之齊量焉。於是乎晉梁之惡不勝誅於天下，實於此反不重乎？章子曰：堯舜曰帝，三代曰王，夏曰氏，商周曰人。古之人輕重其君有是也，以爲其霸統之說，夫執聖人之一端以藉其口，夫何說而不可？吾亦將曰：孔子刪書而虞夏商周皆曰書，湯

古文國璋集

卷之四十七

宋文卷十九

古文國璋集

卷之四十七

宋文卷十九

武王伯禽秦穆公皆曰誓，以爲吾皆曰正統之說，其誰曰不可？聖人之于實也，不傷其名而後從之，帝亦天子也。王亦天子也。氏亦人也。人亦氏也。夫何名之傷？若章子之所謂霸統也，傷乎名而喪乎實也。正統之說不必立也，其得天下之全者，據之曰一統，得天下之半或大半者，據之曰偏王，或曰某國某國而邪正高下不係焉可也。

東周論

蘇軾

東漢部
僅西羌內
侵諸侯
東周能
以商賈
遷三輔
為
東周之
遷也
以長敵
故

王舉地
秦以障
西方即
無
策其矣

古文國瑋集卷之四十七

手文卷十九

太史公曰學者皆稱周代紂居河邑其實不然武王
營之成王使召公卜居九鼎焉而周復都豐鎬至犬
戎敗幽王周乃東徙于洛蘇子曰周之失計未有如
東遷之終者也自平王至於亡非有大無道者也顧
王之神聖諸侯服享然終以不振則東遷之過也昔
武王克商遷九鼎于洛邑成王周公復增營之周公
既沒蓋君陳畢公更居焉以重王室而已非有意於
遷也周公欲葬成周而成王墓之畢此豈有意於遷
哉今夫富民之家所以遺其子孫者田宅而已不幸
而有敗至於乞假以生可也然終不可議田宅今乎
王舉文武成康之業而大棄之此一敗而用宅者
也夏商之王皆五六百年其先王之德無以過周而
後王之敗亦不減幽厲然至於桀紂而後亡其未亡
也天下宗之不如東周之名存而實亡也是何也則
不謂田宅之效也盤庚之遷也復殷之舊也古公遷
于岐方是時周人如狄人也逐水草而居豈所難哉
猶文公東徙渡河恃齊而存耳齊遷臨晉晉遷于絳

古文國瑋集卷之四十七

手文卷十九

于新田皆其盛時非有所畏也其餘避寇而遷都未
有不亡雖不即亡未有能復振者也春秋時楚大饑
羣蠻叛之申息之北門不啓楚人謀徙於阪高為賈
曰不可我能往寇亦能往於是乎以秦人巴人滅庸
而楚始大蘇峻之亂晉幾亡矣宗廟宮室盡為灰燼
溫嶠欲遷都豫章三吳之豪欲遷會稽將從之矣獨
王導不可曰金陵王者之都也王者不以豐儉移都
若弘衛文大帛之冠何適而不可不然雖樂土為墟
矣且北寇方強一旦示弱竄於蠻越聖賢皆畏矣乃
不果遷而晉復安賢哉導也可謂能定大事矣嗟夫
平王之初周雖不如強顧不愈於東晉之微乎使平
王有一王導定不遷之計收豐鎬之遺民修文武成
康之政以形勢臨東諸侯齊晉雖強未敢貳也而秦
何自霸哉魏惠王畏秦遷于大梁楚昭王畏吳遷于
郢頃襄王畏秦遷于陳考烈王畏秦遷于壽春皆不
復振有亡徵焉東漢之末董卓劫帝遷于長安漢遂
以亡近世李景遷于豫章亦亡故曰周之失計未有
如東遷之終者也

秦論

蘇軾

秦始皇帝十八年取韓、二十二年取魏、二十五年取趙、取楚二十六年取燕、取齊初并天下。蘇子曰：秦并天下，非有道也，特巧耳。非幸也，然吾以為巧於取齊而拙於取楚，其不敗於楚者幸也。烏乎秦之巧亦創智伯而已。魏韓肘足接而智伯死，秦知創智伯而諸侯終不知師韓魏。秦并天下，不亦宜乎？齊湣王死，法章立，君王后佐之，秦猶伐齊也。法章死，王建立，六年而秦攻趙，齊楚救之，趙乏食，請粟於齊，而齊不予，秦

古文國事集卷之四十七

宋文公卷十九

遂圍邯鄲，幾亡趙。趙雖未亡而齊之亡形成矣。秦人知之，故不加兵於齊者四十餘年。夫以法章之才而秦伐之，建之不才而秦不伐何也？太史公曰：君王后事秦謹，故不被兵。夫秦欲并天下，豈以謹故置齊也哉？吾故曰：巧於取齊者，所以慰齊之心而解三晉之交也。齊秦不兩立，秦未嘗須臾忘齊也。而四十餘年不加兵者，豈其情乎？齊人不悟而與秦合，故秦得以其間取三晉。三晉亡，齊益岌岌矣。方是時，猶有楚與燕也。三國合，猶足以拒秦。秦大出兵伐燕而齊不

遠交近攻
范雎之術
也

若
始
亦
然
未
也

故二國亡而齊亦虜，不聞歲如晉取虞，豈不可謂巧乎？二國既滅，齊乃發兵守西界，不通秦使。嗚呼！亦晚矣。秦初遣李信以二十萬人取楚，不克，乃使王翦以六十萬攻之。蓋秦國之戰也，使齊有中主具臣，知亡之無日而掃境以俟秦，以又安之齊而入戰兵，空虛之秦，實秦如反掌也。吾故曰：拙於取楚，然則秦何曰古之取國者必有數如取郢齒也，必以漸故齒脫而見不知。今秦易楚以為是，郢齒也可拔，遂決其口一拔而取之，兒必傷，吾指必齧。故秦之不亡者，幸

古文國事集卷之四十七

宋文公卷十九

也。非數也，災為三軍迭出以肆楚，三年而入郢。晉之平吳，隨之平陳，皆是物也。惟苻堅不然，使堅知出此以百倍之衆為迭出之計，雖韓白不能支而况謝玄軍之之流乎？吾以是知二秦之一律也。始皇幸勝而堅不幸耳。

養士論

蘇軾

春秋之末至于戰國諸侯卿相皆爭養士自謀夫說客談天雕龍堅白同異之流下至擊劍扛鼎雞鳴狗盜之徒莫不賓禮靡衣玉食以館於上者何可勝數越王勾踐有君子六千人魏無忌齊田文趙勝黃歇呂不韋皆有客三千人而田文招致任俠姦人六萬家於齊齊稷下談者亦千人魏文侯燕昭王太子丹皆致客無數下至秦漢之間張耳陳餘號多士賓客廝養皆天下豪傑而田橫亦有士五百人其略見於古文國彙集卷之四十七

宋文卷十九

傳記者如此度其餘當倍官吏而半農夫也此皆姦民蠹國者民何以支而國何以堪乎蘇子四此先王之所不能免也國之有姦也猶鳥獸之有鸞猛昆蟲之有毒螫也區處條理使各安其處則有之矣鋤而盡去之則無是道也吾考之世變知六國之所以久存而秦之所以速亡者蓋出於此不可以不察也夫智勇辯力此四者皆天民之秀傑者也類不能惡衣食以養人皆役人以自養者也故先王分天下之貴富與此四者共之此四者不失職則民靖矣四者雖

秦以前則皆以爲國之寶而不可失者也

始自以爲去諸侯而天下可無事矣不知患之在於此也而防其後者不知其然者也

古文國彙集卷之四十七

宋文卷十九

異先王因俗設法使出於一三代以上出於學戰國至秦出於客漢以後出於郡縣吏魏晉以來出於九品中正隋唐至今出於科舉雖不盡然取其多者論之六國之君虐用其民不減始皇二世然當是時百姓無一人叛者以凡民之秀傑者多以容養之不失職也其力耕以奉上皆推轂無能爲者雖欲怨叛而莫爲之先此其所以少安而不卽亡也始皇初欲逐客因李斯之言而止既并天下則以客爲無用於是任法而不任人謂民可以恃法而治謂吏不必十取能守吾法而已故墮名城殺豪傑民之秀異者散而歸田畝向之食於四公子者不學之徒者皆安歸哉不知其能搞項黃馱以老死於布褐乎抑將輟耕太息以俟時也秦之亂雖成於二世然使始皇知畏此四人者有以處之使不失職秦之亡不至若是速也縱百萬虎狼於山林而饑渴之不知其將噬人世以始皇爲智吾不信也楚漢之禍生民盡矣豪傑宜無幾而代相陳稀從車千乘蕭曹爲政莫之禁也至文景武之世法今至密然吳濞淮南梁王魏其武安之

流皆爭致賓客。世主不問也。豈懲秦之禍以爲爵祿不能盡廢天下士故少寬之。使得或出於此也耶。若夫先王之政則不然。曰君子學道則愛人。小人愛道則易使也。嗚呼。此其秦漢之所及也哉。後世法網益密。其俗稍變。然如國家法取士太徇無度外之事。以收羈旅之人。亦深可畏也。

秦論一

蘇軾

封建非聖人意。秦以後勢難復古。公故論之。

秦初并天下。丞相綰等言。燕齊荆地遠。不置王。無以鎮之。請立諸子。始皇下其議。羣臣皆以爲便。廷尉斯曰。周文武所封子弟同姓甚衆。然後屬疎遠。相攻擊。今諸侯更相誅伐。天子不能禁止。今海內賴陛下一統。皆爲郡縣。諸子功臣。公賦稅重賞賜之。足易制天下。無異意。則安寧之術也。置諸侯不便。始皇曰。天下共苦戰鬪不休。以有侯王。賴宗廟天下初定。又復立國。是樹兵也。而求其寧息。豈不難哉。廷尉議是。分天下爲三十六郡。郡置守尉監。蘇子曰。聖人不能爲時。亦不失時。時非聖人之所能爲也。能不失時而已。三代之興。諸侯無罪。不可奪削。曰。而君之雖欲罷侯置守。可得乎。此所謂不能爲時者也。周衰諸侯相并。齊晉秦楚皆千餘里。其勢足以建侯樹屏。至于七國皆稱王。行天子之事。然終不封諸侯。不立諸家。世卿者。以魯三桓。晉六卿。齊田氏爲戒也。久矣。世之畏諸侯之禍也。非獨李斯始皇知之。始皇既并

天下分郡邑置守宰理固當然如冬裘夏葛時之所宜非人之私智獨見也所謂不失時者而學士大夫多非之漢高又欲立六國後張子房以為不可世未
有非之者李斯之論與子房何異世特以成敗為是非耳高帝聞子房之言吐哺罵鄴生知諸侯之不可復明矣然卒王韓彭英盧豈獨高帝子房亦與焉故
柳宗元曰封建非聖人意也勢也昔之論封建者曹元首陸機劉頌及唐太宗時魏徵李百藥顏師古其
後則劉秩杜佑柳宗元宗元之論出而諸子之論廢

矣雖聖人復起不能易也故吾取其說而附益之曰凡有血氣必爭爭必以利利莫大於封建封建者爭之端而亂之始也自書契以來臣弑其君子弑其父父子兄弟相賊殺有不出於襲封而爭位者乎自三代聖人以禮樂教化天下至刑措不用然終不能已篡弑之禍至漢以來君臣父子相賊虐者皆諸侯王子孫其餘卿士大夫不世襲者蓋未嘗有也近世無復封建則此禍幾絕仁人君子忍復開之歟故吾以李斯始皇之言柳宗元之論當為萬世法也

秦論二

蘇軾

秦始皇時趙高有罪蒙毅按之當死始皇赦而用之長子扶蘇好直諫上怒使監蒙恬兵於上郡始皇東游會稽并海走瑯琊少子胡亥李斯蒙毅趙高從道病使蒙毅還禱山川未及還上崩李斯趙高矯詔立胡亥殺扶蘇蒙恬蒙毅卒以亡秦蘇子曰始皇制天下輕重之勢使內外相形以禁奸備亂者可謂密矣蒙恬將三十萬人威震北方扶蘇監其軍而蒙毅侍帷幄為謀臣雖有大姦賊敢睥睨其間哉不幸道病

禱祠山川尚有人也而遣蒙毅故高斯得成其謀始皇之遺毅毅見始皇病太子未立而去左右皆不可言智然天下亡人國其禍敗必出於智所不及聖人為天下不恃智以防亂恃吾無致亂之道耳始皇致亂之道在用趙高夫閹戶之禍如毒藥猛獸未有不裂肝碎首者也自書契以來惟東漢呂彊後唐張承業二人號稱良善豈可望一二於千萬以微必亡之禍哉然世主皆甘心而不悔如漢桓靈唐肅代猶不足深怪始皇漢宣皆英主亦湛於趙高恭顯

之禍彼自以爲聰明人傑也。奴僕熏腐之餘何能爲及其亡國亂朝乃與庸主不異。吾故表而出之以戒後世人。主如始皇漢宣者。或曰李斯佐始皇定天下不可謂不智。扶蘇親始皇子。秦人戴之久矣。陳勝假其名猶足以亂天下。而蒙恬持重兵在外。使二人不卽受誅而復請之。則斯高無遺類矣。以斯之智而不慮此何哉。蘇子曰。嗚呼。秦之失道有自來矣。豈獨始皇之罪。自商鞅變法以誅死爲輕典。以慘夷爲常法。人臣狼顧脅息以得死爲幸。何暇復請方其法之行也。求無不獲禁無不止。執自以爲執堯舜而駕湯武矣。及其出亡而無所舍。然後知爲法之弊。夫豈獨執而秦亦悔之矣。荆軻之變持兵者熟視始皇環柱而走。莫之救者以秦法重故也。李斯之立胡亥不復忌二人者知威令之素行。臣子不敢復請也。二人之不敢請亦知始皇之驚悍而不可回也。豈料其僞也哉。周公曰平易近民。民必歸之。孔子曰有一言而可以終身行之其恕矣乎。夫以忠恕爲心而以平易爲政。則上易知而下易達。雖有資國之姦無所投其隙。

古文園璋集卷之四十七

宋文卷十九

給卒之變無自發焉。然其令行禁止蓋有不及商鞅者矣。而聖人終不以彼易此。商鞅立信於徙木立威於棄灰。刑其親戚師傅。積威信之極。以及始皇。秦人視其君如雷電鬼神不可測也。古者公族有罪三宥然後致刑。今至使人矯殺其太子而不忘。太子亦不敢請則威信之過也。故夫以法毒天下者未有不反中其身及其子孫者也。漢武與始皇皆果於殺者也。故其子如扶蘇之仁則寧死而不請。如戾太子之悍則寧反而不訴。知誅之必不察也。戾太子豈欲反者哉。計出於無聊也。故爲二君之子者有死與反而已。李斯之智蓋足以知扶蘇之必不反也。吾又表而出之以戒後世人。主之果於殺者。

古文園璋集卷之四十七

宋文卷十九

歷代古文國璋集卷之四十八

襄西方岳貢禹修評選

宋文

除呂公著特授守司空同平章軍國事加食邑

實封餘如故制

元祐三年四月四日

蘇軾

門下仁莫大於求舊。智莫良於用衆。既得天下之大老。彼將安歸。以至國人皆曰賢。大然後用。今朕一舉仁智在焉。宜告治朝。以孚大號。金紫光祿大夫守尚書右僕射兼中書侍郎上柱國東平郡開國公食邑七千一百戶。食實封二千三百戶。呂公著。訂謨。經遠。精識造微。非堯舜不談。昔聞其語。以社稷爲悅。今見其心。三年有成。百揆時敘。維乃烈考。相于昭陵。蓋清淨以寧民。亦勞謙而得士。凡我儀刑之老。多其賓客之餘。在武丁時。雖莫望於前烈。作召公考。固無易於象賢。而乃屢貢封章。力求退避。朕重失此三益之友。而閑勞以萬幾之煩。是用遷平土之司。釋文昌之任。毋廢議論。時游廟堂。於戲。大事雖咨於房喬。非如晦莫能果斷。重德無逾於邵令。而裴度亦寄安危。聞傳

古文國璋集卷之四十八

宋文卷二十

斯人專美唐世。可特授司空同平章軍國事加食邑七百戶。食實封三百戶。餘如故。仍一月三赴經筵。二日一入朝。因至都堂議軍國事。

王安石贈太傅

蘇軾

較朕式觀古初。灼見天意。將有非常之大事。必生希世之異人。使其名高一時。學貫千載。智足以達其道。辨足以行其言。瑰瑋之文。足以藻飾萬物。卓絕之行。足以風動四方。用能於期歲之間。靡然變天下之俗。故觀文殿大學士守司空集禧觀使王安石少學孔孟。晚師瞿聃。罔羅六藝之遺文。斷以已意。糠粃百家之陳述。作新斯人。屬熙寧之有為。冠羣賢而首用。信任之篤。古今所無。方需功業之成。遽起山林之興。浮雲何有。脫屣如遺。屢爭席於漁樵。不亂羣於麋鹿。進退之際。雍容可觀。朕方臨御之初。哀疚罔極。乃眷三朝之老。邈在大江之南。究觀規模。想見風采。豈謂告終之間。在予諒闇之中。胡不百年為之一涕。於戲。死生用捨之際。孰能違天。贈賻哀榮之文。豈不在我。是用寵以師臣之位。蔚為儒者之光。庶幾有知。服我休命。可特贈守太傅。不遺其美。而情見乎辭。有體之文。

古文國璋集卷之四十八

王宋文卷二十

呂惠卿責授建寧軍節度副使本州安置不得簽書公事

蘇軾

敕凶人在位。民不莫居。司寇失刑。士有異論。稍正滔天之罪。永為垂世之規。具官呂惠卿。以斗筭之才。挾穿窬之智。誦事宰輔。同升廟堂。樂禍而貪功。好兵而喜殺。以聚斂為仁義。以法律為詩書。首建青苗。次行助役。均輸之政。自同商賈。手實之禍。下及鵲豚。苟可蠹國以害民。率皆攘臂而稱首。先皇帝求賢若不及。從善如轉圜。始以帝堯之聰。姑試伯鯀。終然孔子之聖。不信宰予。發其宿姦。譴之輔郡。尚疑改過。稍畀重權。復陳周上之言。繼有楊山之貶。反覆教戒。惡心不悛。躁輕矯誣。德音猶在。始與知己共為欺君。喜則摩足以相懽。怒則側目以相噬。連起大獄。發其私書。黨與交攻。幾半天下。姦賊狼籍。橫被江東。至於復用之年。始倡西戎之隙。妄出新意。變亂舊章。力引狂生之謀。馴至永樂之禍。興言及此。流涕何追。迫于踐阼之初。首發安邊之詔。假我號令。成汝詐謀。不圖渙汗之文。止為款賊之具。迷國不道。從古罕聞。尚寬兩觀之

古文國璋集卷之四十八

王宋文卷二十

誅薄示三危之竄。國有常典。朕不敢私。

惠卿受知安石。繼復背之。公爲此敕。歷指其事。

古文國璋集卷之四十八

五宋文卷三十一

太皇太后賜門下手詔元祐三年閏十月十四日

雖長公筆實安石命意也

敕門下官冗之患。所從來尚矣。流弊之極。實萃于今。以闕計員。至相倍蓰。上有久閒失職之吏。則下有受害無告之民。故命大臣。考求其本。苟非裁損入流之數。無以澄清取士之源。吾今自以眇身。率先天下。永惟臨御之始。嘗敕有司。蔭補私親。舊無定限。自惟薄德。敢託前人。已詔家庭之恩。止從母后之比。今當又損以示必行。夫以先帝顧託之深。天下責望之重。苟有利於社稷。吾無愛於髮膚。矧此恩私。實同毫末。忠義之士。當識此誠。各忘內顧之心。共成節約之制。今後每遇聖節大禮生辰。合有親屬恩澤。並四分減一。皇太后皇太妃准此。

古文國璋集卷之四十八

宋文卷三十一

湖州謝上表

蘇軾

公自徐移湖州與民休息
頗自高遠故謝表云云

臣軾言蒙恩就移前件差遣已于今月二十日到任
上訖者風俗阜安在東南號爲無事山水清遠本朝
廷所以優賢顧惟何人亦與茲選臣軾伏念臣性資
頑鄙名迹堙微議論闊疎文學淺陋凡人必有一得
而臣獨無寸長荷先帝之誤恩擢實三館蒙陛下之
過聽付以兩州非不欲痛自激昂少酬恩造而才分
所局有過無功法令具存雖勤何補罪過多矣臣猶
古文圖彙集卷之四十八
宋文卷二十

謝除兵部尚書賜對衣金帶馬狀二首

公徙揚州未闕歲乃
除此職謝賜如是
蘇軾

蒙恩賜臣衣一對金帶一條并魚袋金鍍銀鞍轡馬
一匹者盛服在躬無復曳婁之歎名駒出廐遂忘奔
走之勞施重丘山身輕毫末伏念臣少賤而鄙性惟
少文衣敝緼袍未嘗有耻乘款段馬自以爲安豈意
晚年屢膺此寵此蓋伏遇皇帝陛下紹隆景命總攬
羣英無競維人勢已干加九鼎惟德其物恩有重于
千金臣敢不上體懷眷勉思報稱贈繞朝之策愧不
古文圖彙集卷之四十八
宋文卷二十

又

伏以在笥之珎本出于民力脫駟之賜以結于士心
顧臣何人屢膺此寵伏念臣學本爲已材不適時乘
伯厚之車雖云疾惡束公西之帶愧不能言而二年
之間三拜是賜此蓋伏遇太皇太后陛下心存社稷
德協天人以長策駕馭四方以盛德藩籬多士故令
衰朽猶玷光華豈曰無衣蓋獨求于安吉慨然攬轡
敢有志于澄清臣無任

英州謝上表

蘇軾

紹聖初御史復有言乃請公知英州

罪益義絕誅九族以猶輕威震怒行實一州而太幸驚覓方散感涕徒零伏念臣草芥賤儒眠峨冷族襲先人之素業借一第以竊名雖幼歲勤勞實學聖入之大道而終身窮薄常爲天下之罪人先帝念臣於衆怒必死之中陛下起臣於散官永棄之地恩深報茂每憂天地之難欺福助禍多是亦古今之罕有自悲棄物猶欲額天惟上聖纂宗廟之圖方太母聽簾

古文國璋集卷之四十八

宋文卷二十

帷之政招延俊乂登進老成何期章句之諛才使掌絲綸之要職凡一時黜陟進退之衆皆兩官威福賞福之公既在代言敢思逃責苟不能敷揚上意尊朝廷于日月之明則何以發勳四方鼓號令于雷震之震固當昭陳功罰直論正邪豈臣愚敢有於私心蓋至言不可以匿言當今之天奪其魄但謂守官今日之臣肆其言期于必戮賴父母之深憐免子弟之僭誅罪雖駭於聽聞怒終歸於寬宥有不獨再生于東市猶令尸祿于南州累歲寵榮固已太過此時實責誠

所以然瘴癘炎飯去若清涼之地蒼顏素髮誰憐衰暮之年恩重丘山感藏骨髓此蓋伏遇皇帝陛下知惟天錫行自生知巍巍繼大聖之神休孜孜盡二宮之孝養深原心迹曲示哀矜臣實何人恩常異衆在先朝偶脫其誅戮故此日復煩于典刑頑戾如斯生存何面臣敢不噬臍悔過吞舌知非革再三不改之愆庶萬一善終之望殺身莫喻敢懷窮困之憂守土非輕尚界遐荒之俗儻沐先朝之化永惟結草之忠臣無任

古文國璋集卷之四十八

宋文卷二十

移廉州謝上表

蘇軾

使命遠臨。初開喪膽。詔詞溫厚。亟返驚魂。拜望闕庭。喜溢顏面。否極泰遇。雖物理之當然。昔棄今收。豈罪餘之敢望。伏膺知幸。揮涕無從。伏念臣傾以狂愚。遽遭譴責。荷先帝之厚德。寬蕭律之重誅。投彼遐荒。幸逃鼎鑊。風波萬里。歎衰病以何堪。烟瘴五年。賴喘息之猶在。憐之者謂之。已甚嫉之者恨其太輕。考圖經止曰海隅。其風土疑非人世。食有併日。衣無禦冬。淒涼百世。顛躓萬狀。恍若醉夢。已無意于生還。豈謂優容。許承恩而近徙。雖云僥倖。實有夤緣。此蓋伏遇皇帝陛下。道本生知。性由天縱。舊勞于外。爰及小人之依。堪家多艱。鑒于先帝之德。奉聖母之慈訓。擇正人而與居。凡有嘉謀。出于虛斷。憫臣以孤忠。援寡察臣。以眾忌。獲愆許以更新。庶使改過。天地有造化之大。不能使人之再生。父母有鞠育之恩。不能全身于必死。報期碎首。言豈淪心。濯于淤泥。已有遭逢之便。擴開雲日。復觀於變之時。此生敢更求榮處世。但知絃默。臣無任。

古文圖瑋集卷之四十八

宋文卷二十一

時為張天
克時耶

如此時心
向作激語

賀歐陽少師致仕啓

蘇軾

歐陽少師知公最深。時少師去位。公亦多艱。故敢中一一自況。伏審抗章得謝。釋位言還。天眷雖隆。莫奪已行之志。士流太息。共高難繼之風。凡在庶席。共增慶慰。伏以懷安天下之公。思去就君子之所難。世靡不知。人更相笑。而道不勝欲。私于為身。君臣之恩。係席之于前。妻子之計。推荷之于後。至于山林之士。猶有降志于垂老。而況廟堂之舊。欲使辭福于當年。有其言而無其心。有其心而無其決。愚智共蔽。古今一塗。是以用古文圖瑋集卷之四十八。士宋文卷二十一。捨行藏。仲尼獨許于顏子。存亡進退。周易不及于賢人。自非智足以周知。仁足以自愛。適足以忘物之得喪。志足以一氣之盛衰。則孰能見幾禍福之先。脫履塵垢之外。常恐茲世不見其人。伏惟致政觀文少師。全德難名。巨材不器。事業三朝之望。文章百世之師。功存。稷而人不知。躬履艱難。而節乃見。縱使耄期。篤老猶當就見質疑。而乃力辭于未及之年。退託以不能而止。大勇若怯。大智如愚。至貴無軒冕而榮。至仁不導引而壽。較其所得。孰與昔多。軾受知最深。聞

道有自雖外爲天下惜老成之去而私喜明哲得保
身之全伏暑向闌台候何似伏冀爲時自重少慰與
情



表忠觀碑

蘇軾

熙寧十年十月戊子資政殿大學士右諫議大夫知
杭州軍州事臣卞言故吳越國王錢氏墳廟及其父
祖妃夫人子孫之墳在錢塘者二十有六在臨安者
十有一皆蕪廢不治父老過之有流涕者謹按故武
肅王鏐始以鄉兵破走黃巢名聞江淮復以八都兵
討劉漢宏并起州以奉董昌而自居於杭及昌以越
叛則誅昌而并起盡有浙東西之地傳其子文穆王
元瓘至其孫忠顯王仁侑越破李景兵取福州而仁
佐之弟忠懿王俶又大出兵攻景以迎周世宗之師
其後卒以國入觀三世四王與五代相終始天下大
亂豪傑蜂起方是時以數州之地盜名字者不可勝
數既覆其族延及于無辜之民罔有孑遺而吳越地
方千里帶甲十萬鑄山煮海象犀珠玉之富甲于天
下然終不失臣節貢獻相望於道是以其民至于老
死不識兵革四時嬉遊歌鼓之聲相聞至于今不廢
其有德於斯民厚皇宋受命四方僭亂以次削平
而蜀江南負其險遠兵至城下力屈勢窮然後束手

而河東劉氏百戰守以抗王師積骸爲城。醢血爲池。竭天下之力。僅乃克之。獨吳越不待告命。封府庫。籍郡縣。請吏于朝。視夫其國。如去傳舍。其有功于朝廷甚大。昔竇融以河西歸漢。光武詔右扶風修理其父子墳塋。祠以太牢。今錢氏功德。殆過於融。而不及百年。墳廟不治。行道傷嗟。甚非所以勸獎忠臣。慰答民心之義也。臣願以龍山廢佛祠曰妙因院者爲觀。使錢氏之孫爲道士。曰自然者居之。凡墳廟之在錢塘者。以付自然。其在臨安者。以付其縣之淨上寺僧。

古文國瑋集卷之四十八

宋文卷二十

曰道微。歲各度其徒一人。使世掌之。籍其地之所入。以時修其祠宇。封殖其草木。有不治者。縣令丞察之。甚者易其人。庶幾永終不墜。以稱朝廷待錢氏之意。臣抃昧死以聞。制曰可。其妙因院改賜名曰表忠觀。銘曰

天目之山。蒼水出焉。龍飛鳳舞。萃于臨安。篤生異人。絕類離群。奮挺大呼。從者如雲。仰天誓江。月星晦蒙。強弩射潮。江海爲東。殺宏誅昌。奄有吳越。金券玉冊。虎符龍節。大城其居。包落山川。左江右湖。控引島嶼。

歲時歸休。以燕父老。曄如神人。玉帶珪馬。四十一年。寅畏小心。厥篚相望。大貝南金。五朝昏亂。罔堪託國。三王相承。以待有德。既獲所歸。弗謀弗咨。先王之志。我維行之。天胙忠孝。世有爵邑。允文允武。子孫千億。帝謂守臣。治其祠墳。毋俾樵牧。愧其後昆。龍山之陽。歸焉新宮。匪私于錢。唯以勸忠。非忠無君。非孝無親。凡百有位。視此刻文。

古文國瑋集卷之四十八

宋文卷二十

潮州韓文公廟碑

蘇軾

匹夫而爲百世師。一言而爲天下法。是皆有以參天地之化。關盛衰之運。其生也有自來。其逝也有所爲矣。故申呂自嶽降。而傳說爲列星。古今所傳。不可誣也。孟子曰。吾善養吾浩然之氣。是氣也。寓於尋常之中。而塞乎天地之間。卒然遇之。則王公失其貴。晉楚失其富。良平失其智。賁育失其勇。儀秦失其辯。是孰使之然哉。其必有不依形而立。不恃力而行。不待生而存。不隨死而亡者矣。故在天爲星辰。在地爲河嶽。

古文圖彙集

卷之四十八

宋文卷二十

幽則爲鬼神。而明則復爲人。此理之常。無足怪者。自東漢以來。道喪文弊。異端並起。歷唐正觀。開元之盛。輔以房杜姚宋。而不能救。獨韓文公起布衣。談笑而麾之。天下靡然從公。復歸于正。蓋三百年于此矣。文起八代之衰。而道濟天下之溺。忠犯人主之怒。而勇奪三軍之帥。豈非參天地。關盛衰。浩然獨存者乎。蓋嘗論天人之辨。以謂人無所不至。惟天不容僞。智可以欺王公。不可以欺豚魚。力可以得天下。不可以得匹夫匹婦之心。故公之精誠。能開衡山之雲。而不

能回憲宗之惑。能馴鰐魚之暴。而不能弭皇甫鎛李

逢吉之謗。能信于南海之民。廟食百世。而不能使其身一日安于朝廷之上。蓋公之所能者天也。所不能者人也。始潮人未知學。公命進士趙德爲之師。自是潮之士皆篤于文行。延及齊民。至于今。稱稱易治。信乎孔子之言。君子學道則愛人。而小人學道則易使也。潮人之事公也。飲食必祭。水旱疾疫。凡有求必禱焉。而廟在刺史公堂之後。民以出入爲艱。前守欲請諸朝。作新廟。不果。元祐五年。朝散郎王君滌來守是

古文圖彙集

卷之四十八

宋文卷二十一

邦。凡所以養士治民者。一以公爲師。民既悅服。則出令曰。願新公廟者。聽。民謹趨之。卜地于州城之南七里。若年而廟成。或曰。公去國萬里。而謫于潮。不能一歲而歸。沒而有知其不眷戀于潮審矣。軾曰。不然。公之神在天下者。如水之在地中。無所往而不在也。而潮人獨信之深。思之至。慕焉懷愴。若或見之。譬如鑿井得泉。而曰水專在是。豈理也哉。元豐七年。詔封公昌黎伯。故榜曰昌黎伯韓文公之廟。潮人請書其事于石。因作詩以遺之。使歌以祀公。其詞曰。

公昔騎龍白雲鄉手扶雲漢分天章。天孫爲織雲錦
裳飄然乘風來帝旁。下與濁世掃批糠。西游咸池畧
扶桑。草木衣被昭回光。追逐李杜參翱翔。汗流籍湜
走且僵。滅沒倒景不可望。作書詆佛譏君王。要觀南
海鏡。衡湘歷舜九疑吊英皇。祝融光驅海若藏。約束
蛟鰐如驅羊。鈞天無人帝悲傷。謳吟下招遣巫陽。操
牲雞卜羞我觴。於粲荔丹與蕉黃。公不少流我涕滂。
翩然拔髮下大荒。

古文國華集卷之四十八

九 宋文卷二十

此乃公居
昌化時所
作

峻靈王廟碑

蘇軾

古者王室及大諸侯國皆有寶。周有琬琰大玉。魯有
夏后氏之璜。皆所以守其社稷。鎮撫其人民也。唐代
宗之世。有比丘尼若夢悅。忽見上帝者。得八寶以獻
諸朝。且傳帝命曰。中原兵久不解。歷闢于天。故以此
寶鎮之。則改元寶應。以是知天亦分寶以鎮世也。自
徐聞渡海。歷瓊至儋。又西至昌化縣。西北二十里有
山秀峙海上。石峯巉然若巨人冠帽。西南向而坐者。
俚人謂之山胳膊。而僞漢之世。封山神爲鎮海廣德
王。五代之末。南夷有知望氣者。曰。是山有寶氣。上達
于天。巖舟其下。斷山鑿石以求之。夜半大風浪。駕其
舟空中。碎之石峯下。夷皆溺死。僊之父老。猶有及見
敗舟山上者。今獨有石存焉耳。天地之寶。非人所
得。睥睨者。晉張華使其客雷煥發鄆城獄取寶劍佩
之。華終以忠遇賊。坐此也。夫今此山之上。上帝賜寶
以奠南極。而貪冒無知之夷。欲以力取而已有之。其
誅必且哉。皇宋元豐五年七月。詔封山神爲峻靈王。
用部使者承議郎彭大雲之請也。紹聖四年七月。瓊

州別駕蘇軾以罪謫千僱至元符三年五月有詔徙廉州自念謫居海南三歲飲鹹食腥陵暴風霧而得還者山川之神實相之再拜稽首西嚮而辭焉且書其事碑而銘之山有石池產紫鱗魚民莫敢犯石峯之側多荔支黃柑得就食持去則有風雹之變其銘曰

瓊崖千里塊海中民夷錯居古相蒙方壺蓬萊此別宮峻靈獨立秀且雄爲寶守寶甚嚴恭庇蔭嘉穀歲屢豐小大消送遠餒龍鵲鵲安栖不避風我浮而西

古文圖彙集卷之四十八

東坡銘碑曄然照無窮

主宋文卷三十

錢塘勤上人詩集叙

蘇軾

歐陽公好士多見公故勅上人叙專以歐陽爲主

昔翟公罷廷尉賓客無一人至者其後復用賓客欲往翟公大書其門曰一死一生乃知交情一貧一富乃知交態一貴一賤交情乃見世以爲口實然余嘗薄其爲人以爲客則陋矣而公之所以待客者獨不爲小哉故太子少師歐陽公好士爲天下第一士有一言中於道不遠千里而求之甚於士之求公以故盡致天下豪俊自庸衆人以顯於世者固多矣然士之負公者亦時有蓋嘗慨然大息以人之難知爲好古文圖彙集卷之四十八主宋文卷三十士者之戒意公之於士自是少倦而其遇老於薪水之上余往見之則猶論士之賢者唯恐其不聞於世也至於負已者則卽是罪在我非其過翟公之客其之於死生貴賤之間而公之士叛公於瞬息俄頃之際翟公罪客而公罪已與士益厚賢於古人遠矣公不喜佛老其徒有治詩書學仁義之說者必引而進之佛者惠勸從公遊三十餘年公常稱之爲聰明才智有學問者尤長於詩公薨於汝陰余哭之於其室其後見之語及於公珠璣不涕泣也勸回無求於世

而公又非有德於勤者其所以涕泣不忘豈爲利也哉。余然後益知勤之賢。使其得列於士大夫之間而從事於功名。其不負公也審矣。熙寧七年。余自錢塘將赴高密。勤出其詩若干篇。求余文以傳於世。余以爲詩非待文而傳者也。若其爲人之人略。則非斯文莫之傳也。

歐公之好士不待言。至于士之負公者。其大者不可知也。豈爲契助張女事及後濮議詆毀耶。

古文園璋集 卷之四十八 宋文卷三十一

此文似考
故起諸先
明其不然

六一居士集叙

蘇軾

夫言有六而非夸。達者信之。衆人疑焉。孔子曰。天之將喪斯文也。後死者不得與於斯文也。孟子曰。禹抑洪水。孔子作春秋。而子距楊墨。蓋以是配禹也。文章之得喪。何與於天。而禹之功。與天地並。孔子孟子以空言配之。不已夸乎。自春秋作。而亂臣賊子懼。孟子之言行。而楊墨之道廢。天下以爲是固然。而不知其功。孟子既沒有申商韓非之學。違道而趣利。殘民以厚主。其說至陋也。而士以是罔其上。上之人僥倖一暗指孟子古文園璋集 卷之四十八 宋文卷三十一切之功。靡然從之。而世無大人先生如孔子孟子者。推其本末。權其禍福之輕重。以救其惑。故其學遂行。泰以是喪天下。陵夷至於勝廣劉項之禍。死者十八九。天下蕭然。洪水之患。蓋不至此也。方秦之未得志也。使復有一孟子。則申韓爲空言。作於其心。害於其事。作於其事。害於其政者。必不至若是烈也。使楊墨得志於天下。其禍豈減於申韓哉。由此言之。雖以孟子配禹可也。太史公曰。蓋公言黃老。賈誼晁錯明申韓。錯不足道也。而誼亦爲之。余以是知邪說之移人。

雖豪傑之士。有不免者。况衆人乎。自漢以來。道術不出於孔氏。而亂天下者多矣。晉以老莊下。梁以佛亡。莫或正之。五百餘年。而後得韓愈。學者以愈配孟子。蓋庶幾焉。愈之後三百有餘年。而後得歐陽子。其學推韓愈。孟子以達於孔氏。著禮樂仁義之實。以合於大道。其言簡而明。信而通。引物連類。折之於至理。以服人心。故天下翕然師尊之。自歐陽子之存。世之不能者。譁而攻之。能折困其身。而不能屈其言。士無賢不肖。不謀而同曰。歐陽子今之韓愈也。宋興七十餘

古文國瑋集卷之四十八

宋文卷五

年民不知兵。富而教之。至天聖景德極矣。而斯文終有愧於古。士亦因陋守舊。論卑而氣弱。自歐陽子出。天下爭自濯磨。以通經學古爲高。以救時行道爲賢。以犯顏納諫爲忠。長育成就。至嘉祐末。號稱多士。歐陽子之功爲多。嗚呼。此豈人力也哉。非天其孰能使之。歐陽子沒十有餘年。士始爲新學。以佛老之似亂周孔之真。識者憂之。賴天子明聖。詔脩孔士法。風厲學者。專治孔氏。黜異端。然後風俗一變。考論師友淵源。所自復。知誦習歐陽子之書。予得其詩文七百六

十六篇於其子。裴乃次而論之曰。歐陽子論大道似韓愈。論事似陸贄。記事似司馬遷。詩賦似李白。此非余言也。天下之言也。歐陽子諱脩字永叔。既老自謂六一居士云。

歐公於蘇公有國士之遇。此文推而高之於義良。稱。

歐陽公待公甚厚。故公爲叙雅不欲負之。

古文國瑋集卷之四十八

宋文卷五

以黃老托
之政

蓋公堂記

蘇軾

始吾居鄉有痼疾而欬者問諸醫醫以爲蠱不治且
殺。人取其百金而治之。飲以蠱藥。攻伐其腎腸。燒灼
其體膚。禁切其飲食之美者。菴月而百疾作。內熱惡
寒而欬不已。然真蠱者也。又求於醫。醫以爲熱。授
之以寒藥。旦朝吐之。暮夜下之。於是始不能食。懼而
反之。則鍾乳烏喙。雜然並進。而癰疽癰疥眩瞢之狀
無所不至。三易醫而疾愈甚。里老父教之曰。是醫之
學藥之過也。予何疾之有。人之生也。以氣爲主。食爲
古文國璋集卷之四十八 手宋文卷下
輔。今予終日藥不釋口。臭味亂于外。而百毒戰于內。
勞其主。隔其輔。是以病也。予退而休之。謝醫却藥而
進所嗜。氣完而食美矣。則夫藥之良者。可以一飲而
效。從之菴月而病良已。昔之爲國者亦然。吾觀夫秦
自孝公以來。至于始皇。立法更制。以錙磨鍛鍊其民。
可謂極矣。蕭何曹參親見其斲喪之禍。而收其民於
百戰之餘。知其厭苦憔悴無聊而不可與有爲也。是
以一切與之休息。而天下安。始參爲齊相。召長老諸
先生。問所以安集百姓而齊故諸儒以百教。言人人

欲以蓋公
配黃石

殊參未知所定。聞膠西有蓋公。善治黃老言。使人請
之。蓋公爲言。治道貴清淨。而民自定。推此類其言之
參於是。避正堂以舍蓋公。用其言而齊大治。其後以
其所以治齊者治天下。天下至今稱賢焉。吾爲膠西
守。知公之爲邦人也。求其墳墓。千孫而不可得。慨然
懷之。師其言。想見其爲人。庶幾復見如公者。治新寢
於黃堂之北。易其敝陋。達其重蔽。重門洞開。盡城之
南北。相望如引繩。名之曰蓋公堂。時從賓客僚吏。進
息其間。而不敢居。以待如公者焉。夫曹參爲漢宗臣
古文國璋集卷之四十八 手宋文卷下
而蓋公爲之師。可謂盛矣。而史不記其所終。豈非古
之至人。得道而不死者歟。膠西東並海。南放于九仙。
北屬之牢山。其中多隱君子。可聞而不可見。可見而
不可致。安知蓋公不往來其間乎。吾何足以見之。
荆公行新法。以擾天下民。不堪也。此文寓意於清
靜。蓋以刺時。

肩山遠景樓記

直起卷五

吾州之俗有近古者三。其士大夫貴經術而重氏族。其民尊吏而畏法。其農夫合耦以相助。蓋有三代漢唐之遺風。而他郡之所莫及也。始朝廷以聲律取士。而天聖以前學者猶襲五代文弊。獨吾州之士通經學。以西漢文詞爲宗。師方是時。四方指以爲迂闊。至於郡縣胥吏。皆挾經載筆。應對進退。有足觀者。而大家顯人以門族相上。推次甲乙。皆有定品。謂之江鄉。非此族也。雖貴且富。不通婚姻。其民事太守縣令。古文圖彙集卷之四十四

元朱文卷五

如古君臣。既去。輒畫像事之。而其賢者則記錄其行事。以爲口實。至四五十年。不忘富商小民。常儲善物。而別異之。以待官吏之求。家藏律令。往往通念。而不以爲非。雖薄刑小罪。終身有不敢犯者。歲二月農事始作。四月初吉。殺雞而草壯。耘者畢出。數十百人爲曹。立表下漏。鳴鼓以致衆。擇其徒爲衆所畏信者二人。一人掌鼓。一人掌漏。進退作止。惟二人之聽。鼓之而不不至。而不力。皆有罰。量田計功。終事而會之。田多而丁少。則出錢以償衆。七月既望。殺艾而草衰。則

什鼓。決漏。取罰金與償衆之錢。買羊豕酒醴。以祀田祖。作樂飲食。醉飽而去。歲以爲常。其風俗蓋如此。故其民皆聰明才智。務本而力作。易治而難服。守令始至。視其言語動作。輒了其爲人。其明且能者。不復以事試。終日寂然。苟不以其道。則陳義秉法。以譏切之。故不知者以爲難治。今太守黎侯希聲。軾先君子之友人也。簡而文。剛而仁。明而不苛。衆以爲易事。既滿將代。不忍其去。相率而留之。上不奪其請。既留三年。民益信。遂以無事。因守居之北墉而增築之。作遠景樓。日與賓客。僚吏游處其上。軾方爲徐州。吾州之人。以書相往來。未嘗不道黎侯之善。而求文以爲記。軾夫軾之去鄉久矣。所謂遠景樓者。雖想見其處。而不能道其詳矣。然州人之所以樂斯樓之成。而欲記焉者。豈非上有易事之長。而下有易治之俗也哉。孔子曰。吾猶及史之闕文也。有馬者。借人乘之。今予已夫。是二者於道。未有大損益也。然且錄之。今吾州近古之俗。獨能累世而不遷。蓋耆老昔人。豈弟之澤。而賢守令。撫循教誨。不倦之力也。可不錄乎。若夫登臨覽

元朱文卷五

然公終其
身不入蜀
此願遂也

觀之樂。山川風物之美。賦將歸老於故丘。布衣幅巾。
從邦君於其上。酒酣樂作。授筆而賦之。以頌黎侯之
遺愛。尚未晚也。元豐元年七月十五日記。

古文圖彙集卷之四十八

李
宋文卷二十

微昌黎

游桓山記

元豐二年正月己亥晦。春服既戒。從二三子。游於泗
之上。登桓山。入石室。使道士戴日祥鼓雷氏之琴。搯
履霜之遺音。曰噫嘻。悲夫。此宋司馬桓魋之墓也。或
曰鼓琴於墓禮歟。曰禮也。季武子之喪。曾點倚其門
而歌。仲尼日月也。而魋以爲可得而害也。且死爲石
椁。三年不成。古之愚人也。余將弔其藏。而其骨毛爪
齒。既已化爲飛塵。湯爲冷風矣。而况於椁乎。况於從
死之臣妾。飯含之貝玉乎。使魋而無知也。余雖鼓琴
而歌可也。使魋而有知也。聞余鼓琴而歌。知哀樂之
不可常。物化之無日也。其愚豈不少瘳乎。二三子喟
然而歎。乃歌曰。桓山之上。維石嵯峨。今司馬之惡。與
石不磨。今桓山之下。維水瀾瀾。今司馬之藏。與水皆
逝。兮歌闕而去。從游者八人。畢仲孫舒煥冠昌朝王
適王適王肆軾之子適煥之子彥舉。

古文圖彙集卷之四十八

李
宋文卷二十

此文簡古
凌石論亦
新奇可喜

問君子能補過

對甚哉聖人待天下之通且恕也。朝而爲盜。雖莫而爲伯夷。聖人不棄也。孟僖子之過也。其悔亦晚矣。雖然。聖人不棄也。曰。猶愈乎卒而不知悔者也。孟僖子之過。可悲也。已。仲尼之少也。賤。天下莫知其爲聖人。魯人曰。此魯東家丘也。又曰。此鄒人之子也。楚之子西齊之晏嬰。皆當時之所謂賢人君子也。其言曰。孔丘之道。迂濶而不可用。況夫三桓之間。而孰知夫有僖子之賢哉。僖子之病也。告其子曰。孔丘聖人之後也。其先正考甫。三命益恭。而弗父何以有來而授。公華父督之亂。無罪而絕於宋。其後必有聖人。今孔丘傳學而好禮。殆其是與。爾必往師之。以學禮。嗚呼。孔子用於魯。三月而齊人畏其霸。以僖子之貴而知夫子之爲聖人也。使之未亡而授之以政。則魯作亂。周矣。故曰。孟僖子之過。可悲也。已。雖然。夫子之道。充乎天下者。自僖子始。懿子學乎仲尼。請於魯君而與之車。使適周而觀禮焉。而聖人之業。然後大備。僖子之功。雖不能用之於未亡之前。而猶能救之於已沒。

古文國瑋集

卷之四十八

宋文卷二十

之後。左丘明懼後世不知夫僖子之功也。故丁寧而稱之。以爲補過之君子。昔仲虺言湯之德曰。改過不吝。夫以聖人而不稱其無過之爲能。而稱其改之爲善。然則補過者。聖人之徒歟。孟僖子者。聖人之徒也。謹對。

歷代古文國瑋集卷之四十八

古文國瑋集

卷之四十八

宋文卷二十

歷代古文國璋集卷之五十

襄西方岳貢禹修評選

宋文

上皇帝書

蘇轍

熙寧二年三月日具位臣蘇轍謹冒萬死再拜上書
皇帝陛下臣官至疎賤朝廷之事非所得言然竊自
惟雖其勢不當進言至於報國之義猶有可得言者
昔仁宗親策直言之士臣以不識忌諱得罪於有司
仁宗哀其狂愚力排群議使臣得不遂棄於世臣之

古文國璋集卷之四十九

宋文卷之四十九

感激思有以報爲日久矣今者陛下以聖德臨御天
下將大有爲以濟斯世而臣材力駑下無以自放竊
聽之道路得其一二思致之左右苟懲勅前事不獲
以聞則其思報之誠沒世而不能自達是以輒發其
狂言而不知止臣聞善爲國者必有先後之次自其
所當先者爲之則其後必舉自其所當後者爲之則
先後並廢書曰欲登高必自下欲涉遐必自邇世未
有不自下而能高不自近而能遠者然世之人常鄙
其下而厭其近務先從事於高遠不知其不可得也

詩曰無田甫田維莠騶騶無思遠人勞心忉忉以爲

田甫田而力不給則田蕪而不治不若不田也思遠
人而德不足則心勞而無獲不若不思也欲田甫田
則必自其小者始小者之有餘而甫田可啓矣欲來
遠人則必自其近者始近者之既服而遠人自至矣
苟由其道其勢可以自得苟不由其道雖強求而不
獲也臣愚不肖蓋嘗試妄論今世先後之宜而竊觀
陛下施設之萬一以爲所當先者失在於不爲而所
當後者失在於太早然臣非敢以爲信然也特其所

古文國璋集卷之四十九

宋文卷之四十九

見有近於是者是以因其近似而爲陛下深言之伏
惟陛下卽位以來躬親庶政聰明睿智博達宏辯文
足以經治武足以制斷重之以勤勞加之以恭儉凡
古之帝王曠世而不能有一焉者陛下一旦兼而有
之矣夫以天縱之資濟之以求治之心施之於事宜
無爲而不成無欲而不遂今也爲國歷年於茲而治
不加進天下之弊日益於前世天下之人未知所以
適治之路災變橫生川原震裂江河湧沸人民流離
災火繼作歷月移時而其變不止此臣所以日夜思

念而不曉。疑其先後之次。有所未得者也。夫今世之患。莫急於無財而已。財者爲國之命。而萬事之本。國之所以存亡。事之所以成敗。常必由之。昔趙充國論備邊之計。以爲湟中穀斛八錢。糴三百萬斛。羌人不敢動矣。諸葛亮用兵如神。而以糧道不繼。屢出無功。由是觀之。苟無其財。雖有聖賢。不能自致於跬步。苟有其財。雖庸人可以一口而千里。陛下頃以西夏不臣。赫然發憤。建用兵之策。招來橫山之民。將奪其險阻。破壞其國。而後已。方是之時。夏人殘虐失衆。橫山

之民。厭苦思漢。而又乘其薦飢。苟加以兵。此非計之失者也。然而沿邊無數月之糧。關中無終歲之儲。而所興之役。有莫大之費。陛下方且泰然不以爲憂。以爲萬舉而有萬全之功。旣而邊臣失律。先事輕發。亦旣入踐其國。係虜其民矣。然而陛下得其地而不敢收。獲其人而不敢臣。雖有成功而不敢繼也。其終卒於廢黜謀臣而講和好。夫陛下謀之於恭年之前。而罷之於旣發之後。豈以爲是失當而悔之哉。誠無財以繕其後爾。且夫財之不足。是爲國之先務也。至

於鞭笞四夷。臣服異類。是極治之餘功。而太平之粉飾也。然今且先之。此臣所以知其先後之次。有所未得者也。今者陛下懲前事之失。出祕府之財。徙內郡之租賦。督轉漕之吏。使備沿邊三歲之畜。臣以此疑陛下之有意乎財矣。然猶以爲未也。何者。祕府之財。不可多取。而內郡之民。不可重困。可以紓目前之患。而未可以爲長久之計。此臣所以求効其區區而不能自己也。蓋善爲國者。不然。知財之最急。而萬事賴焉。故常使財勝其事。而事不勝財。然後財不可盡而

事無不濟。財者車馬也。事者其所載物也。載物者常使馬輕其車。車輕其物。馬有餘力。車有餘量。然後可以涉淪泥而車不償。登峻嶮而馬不蹶。今也四方之財。莫不盡取。民力屈矣。而上用不足。平居惴惴。僅能以自完。而事變之生。復不可料。譬如弊車羸馬。而引丘山之載。幸而無虞。猶恐不能勝。不幸而有陰雨之變。陵谷之嶮。其患必有不可知者。故臣深思極慮。以爲方今之計。莫如豐財。然臣所謂豐財者。非求財而益之也。去事之所以害財者而已矣。夫使事之害財

者未去雖求財而益之財愈不足使事之害財者盡去雖不求豐財然而求財之不豐亦不可得也故臣謹爲陛下言事之害財者三一日冗吏二日冗兵三日冗費冗吏之說曰請原古之所以置吏之意有是民也而後有是官有是官也而後有是吏量民而置官量官而求吏其本凡以爲民而已是以古者卽其官以取人郡縣之職缺而取之於民府寺之屬缺而取之於郡縣出以爲守令入以爲卿相出入相受中外相貫一人去之一人補之其勢不容有冗食之吏

古文國璋集卷之四十九

宋文卷世

近世以來取人不由其官士之來者無窮而官有限極於是兼守判知之法生而官法始壞浸淫分散不復其舊是以吏多於上而士多於下上下相窒譬如決水於不流之澤前者未盡來者已至填咽充滿一陷於其中而不能出故布衣之士多方以求官已仕之吏多方以求進下慕其上後慕其前不愧詐僞不恥爭奪禮義消亡風俗敗壞勢之窮極遂至於此夫人情紆則樂易樂易則有所不爲窮則遷亂遷亂則無所不至今使舉人相與皆出於隘足履相礙肩肘

之進士
可爲少
矣而時有
人多缺少
之患以皆
欲爭清要
而其後有
所不屑爲
也

相連徬徨而不得進又將禁其奔走而爭先者苟將禁之則莫如止來者而闢其隘今也驅市人而納之不勝其多也設喻於中塗而艱難之是以法愈設而爭愈甚惟陛下以時救之下哀痛之書明告天下以吏多之故與之更立三法其一使進士諸科增年而後舉其額不增累舉多者無推恩其說曰凡今之以至於不可勝數者以其取之之多也古之人其擇吏也甚精人知吏之不可以妄求故不敢輕爲士爲士者皆其修潔之人也今世之取人誦文書習程課未有不可爲吏者也其求之不難而得之甚樂是以群起而趨之凡今農工商賈之家未有不捨其舊而爲士者也爲士者日多然而天下益以不治舉今世所謂居家不事生產仰不養父母俯不恤妻子浮游四方侵擾州縣造作誹謗者農工商賈不與也祖宗之世士之多少其比於今不能一二也然其削平僭亂創制立法功業卓然見於後世今世之士不敢望其萬一也士也多不汲汲於今世而功則過之無足怪者取之至少則入不敢輕爲世其所取者皆州郡之

古文國璋集卷之四十九

宋文卷世

之用利
亦類此

選人也故爲是法使人知上意之所向十年之後無
實之士將不熟而自滅且夫設科以待天下之士蓋
將使其才者得之不才者不可得也吾則取之而彼
則不能得猶曰雖不能得而累舉多者必取無棄則
是以官徇人也且累舉之士類非少年矣耳目昏塞
筋力疲勦而後得之數目而計之知其不能有所及
也則其爲政無所賴矣今有人畜牛羊而求牧既取
其壯者又取其老者取其壯者曰吾取其力也取其
老者曰吾憐其老也如憐其老而已則曷爲以累牛

古文圖學集卷之四十九

七 宋文卷七

卒哉苟誠以爲有遺才焉則今所謂遺逸之責有以
收之矣其二使官至於任子者任其子之爲後者世
世祿仕於朝襲簪紱而守祭祀可以無憾矣然而爲
是法也則必始於二府法行於賤而屈於貴天下將
不服天下不服而求法之行不可得也蓋矯失以救
患者必有所過而後濟臣非不知二府之不可以齒
庶官也其三使百司各損其職掌而多其出職之歲
月其說曰百司臣不得而盡諱也請言其尤甚者其
如三司三司之吏世以爲多而不可損何也國計重

以生弊
勢然也

而簿書衆也臣以爲不然至大計者必執簡以御繁
以簡自處而以繁寄人以簡自處則心不可亂心不
可亂則利至而必知害至而必察以繁寄人則事有
所分事有所分則毫末不遺而情僞必見今則不然
東四海之大而一毫之用必會於三司故三司者衆
賸之委也衆賸既積則吏不得不多衆賸積而吏多
則欺之者衆雖有大利害不能察也夫天下之財下
自郡縣而至於轉運轉相鈎較足以爲不失矣然世
常以轉運使爲不可獨信故必至於三司而後已夫

古文圖學集卷之四十九

八 宋文卷八

苟轉運使之不可獨信而必三司之可任則三司未
有不責成於吏者豈三司之吏則重於轉運使歟故
臣以爲天下之財其詳可分於轉運使而使三司歲
攬其綱目既使之得優游以治財貨之源又可頗損
其吏以絕亂法之弊苟三司猶可損也而百司可見
矣然而此三法者皆世之所謂拂世戾俗召怨而速
謗者也今且將行之臣非敢犯衆人之怒而行此危
事也以爲有可行之道焉何者自臺省六品諸司五
品二郊而任一人自兩制以上一歲而任一人此祖

宗百年之法相承而不變者也。而仁宗之世則損之
三載而考績無罪者遷其官。自唐以來亦未始有變
者也。而英宗之世則增之。此二者夫豈便於世俗哉
然而莫敢怨者。以爲吏多而欲損者。天下之公義其
不欲者。天下之私計也。以私計而怨公義其爲怨也
不直矣。是以善爲國者循理而不卹怨。非不卹怨知
其無能爲也。且今此三法者。罔未嘗行也。然而天下
亦不免於怨何者。士之出身爲吏者損其生業。棄其
田里。以盡力於王事。而今也以吏多之故。積勞者久
古文國理集 卷之四十九 宋文憲公集

如此可使
舉動之法
相通而無

發則與之同罪。雖去官與赦不降也。夫以私罪至某
罪正入已至若干。其爲惡也著矣。而上不察則上
之不明亦可知矣。故雖與之同罪而不過。今世之法
任人者。任其終身。苟其有罪終身鈞坐之。夫任人之
終身任其未然之不可知者也。任人之歲終而無過
任其已然之可知者也。臣請得以較之。任其未然之
不可知。雖聖人有所不能。任其已然之可知。雖衆人
能之。今也任之以聖人之所不能。既不敢辭矣。而
任之以衆人之所能。顧不可哉。且按察之吏則亦不
古文國理集 卷之四十九 宋文憲公集

此我分而敵衆之故

其患在於不知敵之所攻也

古文園集卷之四十九

宋文卷二

殺並作。而兵力不屈。未嘗有兵少之患也。自咸平景德以來。契丹內侵。繼遷叛逆。每有警急。將帥不問得失。輒請益兵。於是召募日增。而兵額之多。遂倍前世。其後寶元慶曆之間。元昊竊發。復使諸道點民爲兵。而沿邊所屯。至七八十萬。自是天下遂以百萬爲額。雖復近歲無事。而關中之兵。至於二十八萬。率雍熙天下之衆。適以備方今關中一隅之用。兵多之甚於此見矣。然臣聞方今宿邊之兵。分隸保障。戰兵統於將帥者。其實無幾。每一見賊。賊兵常多。我兵常少。衆寡不敵。每戰輒敗。往者將帥失利。未有不以此自解者也。夫祖宗之兵。至少而常若有餘。今世之兵。至多而常患於不足。此二者不可不察也。兵法有之曰。衆師十萬。出征千里。百姓之費。公家之奉。日費千金。內外騷動。怠於道路者七十萬家。而愛爵祿百金。不能知敵之情者。不仁之至也。故三軍之事。莫親於間。賞莫重於間。間者三軍之司命也。臣竊惟祖宗用兵。至於以少爲多。而今世用兵。至於以多爲少。得失之原。皆出於此。何以言之。臣聞太祖用李漢超馬仁瑀韓

古文園集卷之四十九

宋文卷二

令坤賀惟忠何繼筠等五人。使備契丹。用郭進武守琪李謙溥李繼勳等四人。使備河東。用趙贊姚內斌董遵誨王彥升馮繼業等五人。使備西羌。皆厚之以關市之征。餽之以金帛之賜。其家屬之在京師者。仰給於縣官。貿易之在道路者。不問其商稅。故此十四人者。皆富厚有餘。其視棄財如棄糞土。嗚人之急。如恐不及。是以死力之士。食其金錢。捐軀命。冒患難。深入敵國。刺其陰計。而効之。至於飲食動靜。無不畢見。每有入寇。輒先知之。故其所備者寡。而兵力不敵。之至者。舉皆無得而有。喪是以當此之時。備邊之兵。多者不過萬人。少者五六千人。以天下之大。而三十萬兵。足爲之用。今則不然。一錢以上。皆籍於三司。有敢擅用。謂之自盜。而所謂公使錢。多者不過數千緡。百須在焉。而監司又伺其出入。而繩之以法。至於用間。則曰官給茶絲。夫百餅之茶。數束之絲。其不足以易人之死也明矣。是以今之爲間者。皆不足恃。聽傳聞之言。采疑似之事。其行不過於出境。而所問不過於熟戶。苟有藉口以欺其將帥。則止矣。非有能知敵

前人有事如此

之至情者也。故之至情既不可得而知。故常多屯兵以備不意之患。以百萬之衆而常患於不足。由此故也。陛下何不權其輕重而計其利害。夫關市之征。比於茶絲則多。而三十萬人之奉。比於百萬則約。衆人知目前之害。而不知歲月之病。平居不忍棄關市之征。以與人。至於百萬。則恬而不知怪。昔太祖起於布衣。百戰以定天下。軍旅之事。其思之也。說其計之也。熟矣。故臣願陛下復修其成法。擇任將帥而厚之。以財。使多養閒謀之士。以爲耳目。耳目既明。雖有強敵。古文國瑋集卷之四十九

宋文卷四十九

而不敢輒近。則雖雍熙之兵。可以足用於今世。陛下誠重難之。臣請陳其可減之實。何者。今世之強兵。莫如沿邊之土人。而今世之情兵。莫如內郡之禁旅。其名愈高。其廩愈厚。其材愈薄。往者西邊用兵。禁軍不堪其役。死者不可勝計。羌人每出。則多禁軍。輒舉手相賀。聞多土兵。輒相戒不敢輕犯。以實較之。土兵一人。其材力足以當禁軍三人。禁軍一人。其廩給足以瞻土兵三人。使禁軍萬人在邊。其用不能當三千人。而常耗三萬人之膏。邊郡之儲。比於內郡。

宋宗室於京師後

古文國瑋集卷之四十九

宋文卷四十九

其價不啻數倍。以此權之。則土兵可益。禁軍可損。雖三尺童子。知其無疑也。陛下誠聽臣之謀。臣請使禁軍之在內郡者。勿復以成邊。因其老死與亡而勿復補。使足以爲內郡之備而止。去之以漸而行之。以十年而冗兵之弊可知矣。冗費之說曰。世之冗費。不可勝計也。請言其大。典臣之所知者。而陛下以類推之。臣聞事有所必至。恩有所必窮。事至而後謀。則害於事。恩窮而後遷。則傷於恩。昔者太祖太宗敦睦九族。以先天下。方此之時。宗室之衆無幾也。是以合族於京師。久而不別。世歷五聖。而太平百年矣。宗室之盛。未有過於此時者也。祿廩之費。多於百官。而子孫之衆。官室不能受。無親疎之差。無貴賤之等。自出齒以上。皆養於縣官。長而爵之。嫁娶喪葬。無不仰給于上。日引月長。未有知其所止者。此亦事之所必至。而恩之所必窮者也。然而未聞所以謀而遷之。古者天子七廟。三昭三穆。與太祖而七。以人子之愛其親。推而上之。至於其祖。而繼而上。至於百世。宜無所不愛。無所不愛。則宜無所不廟。苟推其無窮之心。則百世之

祖皆廟而後爲稱也。聖人知其不可故爲之制七世之外非有功德則迭毀。春秋之祭不與莫貴於天子莫尊於天子之祖而廟不加於七。何者。恩之所不能及也。何獨至於宗室而不然。臣聞三代之間公族有以親未絕而列於庶人者。兩漢之法帝之子爲王王之庶子猶有爲侯者。自侯以降則庶子無復爵土蓋有去而爲民者。有自爲民而復仕於朝者。至唐亦然。故臣以爲凡今宗室宜以親疎貴賤爲差。以次出之使得從仕。比於異姓擇其可用而試之以漸。凡其祿

秩之數遷叙之等。黜陟之制。任子之令。與異姓均。雖之以按察持之以察吏。威之以刑禁。以時察之。使其不才者不至于害民。其賢者有以自効。而其不任爲吏者。則出之於近郡。官爲廬舍而廩給之。使得占田治生。與士庶比。今聚而養之。厚之以不訾之祿。尊之以莫貴之爵。使其賢者老死鬱鬱而無所施。不賢者居處隘陋戚戚而無以爲樂。甚非計之得也。昔唐武德之初。封從昆弟子。自勝衣以上皆爵郡王。太宗即位。疑其不便。以問大臣。封德彝曰。爵命崇則力役多

以天下爲私奉。非至公之法也。於是疏屬王者降爲公。夫自王而爲公。非人情之所樂也。而猶且行之。今使之爵祿如故而獲。治民雖有內外之異。宜無有怨者。然臣觀朝廷之議。未嘗敢有及此。何者。以宗室之親而布之於四方。懼其啓姦人之心。而生意外之變也。臣竊以爲不然。古之帝王好疑而多防。雖父子兄弟不得尺寸之柄。幽囚禁錮。齒於匹夫。莫如秦魏然。秦魏皆數世而亡。其所以亡者。劉氏項氏與司馬氏。而非其宗室也。故爲國者。苟失其道。雖胡越之人

皆得謀之。苟無其彙。雖宗室誰敢觀者。惟陛下蕩然與之無疑。使得以次居外。如漢唐之故。此亦去冗費之一端也。臣聞漢唐以來。重兵分爲四方。雖有未夫之憂。而餽運之勞。不至於太甚。祖宗受命。懲其大患而略其細故。歛重兵而聚之京師。根本既強。天下承望而服。然而轉漕之費。遂倍於古。凡今東南之米。每歲遡汴而上。以石計者。至五六百萬。山林之木。盡于舟楫。州郡之卒。弊于道路。月廩歲給之舉。不可勝計。往返數千里。飢寒困迫。每每侵盜。雜以他物。米之至

此亦未易
言上雖出
令禁制而
必私之費
抑勒之害
必數倍於
軍運矣
此語深得
運事利害
禁絕私帶
非良策也

京師者率非完物矣。由此觀之。今世之法。直以其力致之。而不計其患。非法之良者也。臣願更爲之法。舉今每歲所運之數而四分之。其二卽用舊法。官山船與兵而漕之。凡皆如舊。其一募六道之富人。使以其船及人漕之。而所過免其商稅。能以若干至京師。而無欺盜敗失者。以今三司軍大將之賞與之。方今濱江之民。以其船爲官運者。不求官直。蓋取官之所入。而不覆較者。得其贏以自潤。而富民之欲仕者。往往求爲軍大將。以此推之。宜有應募者。其一官自置場而買之。京師京師之兵。當得米而不願者。計其直以錢償之。夫物有常數。取之於南。則不足於北。捨之於東。則有餘於西。此數之必然。而不可逃者也。今官欲買之。其始不免於貴。貴甚則東南之民傾而赴之。赴之者衆。則將反於賤。致賤必以貴致貴。必以賤此亦必然之數也。故臣願爲此二者。與舊法皆立。試其利害而較其可否。必將有可用者。然後舉而從之。此又去冗費之一端也。臣聞富國有道。無所不卹者。富之端也。不足卹者。貧之源也。從其可卹而收之。無所不

古文圖彙集卷之四十九

宋文卷二

收。則其所存者廣矣。從其無足卹而棄之。無所不棄。則其所亡者多矣。然而世人之議者。則不然。以爲天下之富。而顧區區之用。此有司之職。而非帝王之事也。此說之行於天下。數百年於茲矣。故天下之費。其可已者。常多於舊。臣不敢遠引前世。請言近歲之事。自嘉祐以來。聖人迭興。而天下之吏。京秩以上。再遷其官。天下郡守職司。再補其親戚。自治平京師之大水。與去歲河朔之大震。百役竝作。國有至急之費。而郊祀之賞。不廢於百官。自橫山用兵。供億之未定。與京西流民勞徠之未息。官私之困。日不暇給。而宗室之喪。不俟歲月而葬。臣以此觀之。知朝廷有無足卹之義。臣誠知事之既往。無可爲者。然苟自今從其可卹而收之。則無益之費。猶可漸減。此又去冗費之一端也。臣不勝拳拳私憂過計。爲是三冗之說。以獻伏惟陛下思深謀遠。聽斷詳盡。於天下之事。無所不賜。臣之所陳。何足言者。然臣愚以爲苟三冗未去。要之十年之後。天下將益衰耗。難以復治。陛下何不講求其原而定其方略。擇任賢俊而授之以成法。使皆久

古文圖彙集卷之四十九

宋文卷二

於其官而後責其成績方今天下之官泛泛乎皆有欲夫不久之心侍從之臣逾年而不得代則皇皇而不樂今雖不能使之盡久然至於諸道之職司三司之官吏沿邊之將佐此皆與天子共成事者也天下之事將責成之而不久其任開其源者不見其流發其謀者不見其成功此事之所以不得成也陛下誠擇人而用之使與二府皆久於其官人知不得苟免而思長久之計君臣同心上下協力磨之以歲月如此而三冗之弊乃可去也然而爲此猶有所患何者

古文園珠集

卷之四十九

宋文卷二

今世之士大夫好同而惡異疾成而喜敗事苟不出於已小有齟齬不合則群起而噪之借如今使按察之官任其屬吏歲終而無過此其勢必將無所不按得罪者必將多於其舊然則天下之口紛然非之矣不幸而有一不當衆將群指以罪法一不當不能動不幸而至於再三雖上之人亦將不免於惑衆人非之於下而朝廷疑之於上攻之者衆而持之者不堅則法從此敗矣蓋世有耕田而以其耜殺人者或者因以耕田爲可廢夫殺人之可誅與耕田之不可廢

此二事也安得以彼而害此哉故夫按人而不以其實者罪之可也而法之是非則不在此苟陛下誠以爲可行必先能破天下之浮議使良法不廢於中道如此而後三冗之弊可去也三冗既去天下之財得以日生而無害百姓充足府庫益溢陛下所爲而無不成所欲而無不如意舉天下之衆惟所用之以攻則取以守則固雖有西戎北狄不臣之國宥之則爲漢文帝不宥則爲唐太宗伸縮進退無不在我今陛下不事其本而先舉其末此臣所以大惑也

古文園珠集

卷之四十九

宋文卷二

已然何况
新法紛紜
時耶

制置三司條例司論事狀 蘇轍

敝項者誤蒙聖恩得備官局受命以來於今五月雖勉強從事而才力寡薄無所建明至於措置大方多所未論每獻狂瞽輒成異同退加考詳未免疑惑是以不虞僭冒聊復一言竊見本司近日奏遣使者八人分行天下按求農田水利與徭役利害以為方今職司守令無可信用欲有興作當別遣使愚陋不達竊以為國家養材如林治民之官恭布海內與利除害豈待他人今始有事輒特遣使使者一出人人不安能者嫌使者之侵其官不能者畏使者之議其短客主相忌情有不通利害相加事多失實使者既知朝廷方欲造事必謂功效可以立成人懷此心誰肯徒返為國生事漸不可知徒使官有送迎供饋之煩民受更張勞擾之弊得不補失將安用之朝廷必欲興事以利民輒以為職司守令足矣蓋勢有所便衆有所安今以職司治民雖其賢不肖不可知而衆所素服於勢為順稍加選擇足以有為是以古之賢君間選用職司以責成功未聞遣使以代職司治事者

古文閣律集卷之四十九 宋文鑑

也蓋自近世政失其舊均稅寬卹每事遣使冠蓋相望而卒無絲毫之益謗者至今未息不知今日之使何以異此至於遣使條目亦所未安何者勸課農桑墾闢田野人存則舉非有成法誠使職司得人守令各舉其事罷非時無益之役去猝暴不急之賦不奪其力不傷其財使人知農之可樂則將不勸而自勵今不治其本而遂遣使將使使者何從施之議者皆謂方今農事不修故經界可興農官可置輒觀職司以下勸農之號何異於農官嘉祐以來方田之令何異於經界行之歷年未聞有益此農田之說輒所以未論也天下水利雖有未興然而民之勞佚不同園之貧富不等因民之佚而用國之富以興水利則其利可待因民之勞而乘國之貧以興水利則其害先見苟誠知生民之勞佚與國用之貧富則水利之廢興可以一言定矣而況事起無漸人不素講未知水利之所在而先遣使使者所至必將求之官吏官吏有不知者有知而不告者有實無可告者不得於官吏必求於民不得於民其勢將求於中野與事至此

古文閣律集卷之四十九 宋文鑑

爲主
役與此
異然子
亦僅言
前役

蓋已甚勞此水利之說。轍所以未諭也。徭役之事。議者甚多。或欲使鄉戶助錢。而官自雇人。或欲使城郭等第之民。與鄉戶均役。或欲使品官之家。與齊民並事。此三者。皆見其利。不見其害者也。役人之不可不用鄉戶。猶官吏之不可不用士人也。有田以爲生。故無逃亡之憂。朴魯而少詐。故無欺謾之患。今乃捨此不用。而用浮浪不根之人。輒恐掌財者必有盜用之。姦捕盜者必有竄逸之弊。今國家設捕盜之吏。有巡檢。有縣尉。然較其所獲。縣尉常密。巡檢常疎。非巡檢古文圖彙集卷之四十九

圭宋文卷世

則愚縣尉則智。蓋弓手鄉戶之人。與屯駐客軍異耳。今將使雇人捕盜。則與獨任巡檢不殊。盜賊縱橫。必自此始。輒觀近歲。雖使鄉戶。頗得雇人。然至於所雇逃亡。鄉戶猶任其責。今遂欲於兩稅之外。別立一科。謂之庸錢。以備官雇。鄉戶舊法。革去無餘。雇人之責。官所自任。且自唐楊炎廢租庸調。以爲兩稅。取大曆十四年應干賦歛之數。以定兩稅之額。則是租調與庸。兩稅既兼之矣。今兩稅如舊。奈何復欲取庸。蓋天下郡縣上戶常少。下戶常多。少者徭役頻。多者徭役

乃知欲養
富人之財
以益國無
是法也

簡。是以中下之戶。每得休閒。今不問戶之高低。例使出錢助役。上戶則便。下戶實難。顛倒失宜。未見其可。然議者皆謂助役之法。要使農夫專力於耕。徹觀三代之間。務農最切。而戰陣田獵。皆出於農。苟以徭役較之。則輕重可見矣。城郭人戶。雖號兼井。然而緩急之際。郡縣所賴。飢饉之歲。將勸之分。以助民盜賊之。歲將借其力。以捍敵。故財之在城郭者。與在官府無異也。方今雖天下無事。而三路芻粟之費。多取京師銀絹之餘。配賣之民。皆在城郭。苟復充役。將何以濟古文圖彙集卷之四十九

圭宋文卷世

故不如稍加寬假。使得休息。此誠國家之利。非民之利也。品官之家。復役已久。議者不究本末。徒聞漢世宰相之子。不免戍邊。遂欲使衣冠之人。與編戶齊役。夫一歲之更。不過三日。三日之雇。不過三百。今世三大戶之役。自公卿以下。無得免者。以三大戶之役。而較之三日之更。則今世既已重矣。安可復加哉。蓋自古太平之世。國子俊造。將用其才者。皆復其身。胥史賤吏。既用其力者。皆復其家。聖人舊法。良有深意。以爲責之以學。而奪其力。用之於公。而病其私。人所難

兼是以不取。奈何至於官戶而又將役之。且州縣差役之法。皆以丁口爲之高下。今已去鄉從官。則丁口登降。其勢難論。將使差役之際。以何爲據。必用丁。則州縣有不能知。必不用丁。則官戶之役比民爲重。今朝廷所以條約官戶。如租佃田宅。斷買坊場。廢舉貨財。與衆爭利。比於平民。皆有常禁。苟使之與民皆役。則昔之所禁。皆當廢罷。罷之則其弊必甚。不罷則不如爲民。此徭役之說。轍所以未論也。轍又聞發運之職。今將改爲均輸。常平之法。今將變爲青苗。愚鄙之

古文圖事集卷之四十九
宋文憲

人亦所未達。昔漢武外事四夷。內興官室。財用匱竭。力不能支。用賈人桑羊之說。賈賤賣貴。謂之均輸。雖曰民不加賦。而國用饒足。然而法術不正。吏緣爲姦。倍克日溷。民受其病。孝昭既立。學者爭排其說。霍光順民所欲。從而予之。天下歸心。遂以無事。不意今世此論復興。衆口紛然。皆謂其患必甚於漢。何者。方今衆歛之臣才智方略。未見桑羊之比。而朝廷破壞規矩。解縱繩墨。使得馳騁自由。惟利是嗜。以轍觀之。其害必有不可勝言者矣。今立法之初。其說甚美。徒言

徙貴就賤。用近易遠。苟誠止於此。則似亦可爲。然而假以財貨。許置官吏。事體既大。人皆疑之。以爲雖不明言販賣。然既許之以變易矣。變易既行。而不與商賈爭利者。未之聞也。夫商賈之事。曲折難行。其買也先期而與錢。其賣也後期而取直。多方相濟。委曲相通。倍稱之息。由此而得。然至往往敗折。亦不可期。今官買是物。必先設官置吏。簿書祿廩。爲費已厚。然後使民各輸其所有。非良不售。非賄不行。是以官買之價。比民必貴。及其賣也。弊復如前。然而商賈之利。何緣可得。徒使謗議騰湧。商旅不行。議者不知慮此。至欲捐數百萬緡。以爲均輸之法。但恐此錢一出。不可復還。且今欲用忠實之人。則患其拘滯不通。欲用巧智之士。則患其出沒難考。委任之際。尤難得人。此均輸之說。轍所以未論也。常平條勅。纖悉具存。患在不

古文圖事集卷之四十九
宋文憲

行。非法之弊。必欲修明舊制。不過以時歛之以利農。以時散之以利末。歛散既得。物價自平。貴賤之間。官亦有利。今乃改其成法。雜以青苗。逐路置官。號爲提舉。別立賞罰。以督增虧。法度紛紜。何至如此。而况錢

布於外。凶荒水旱。有不可知。歛之則結怨於民。捨之則官將何賴。此青苗之說。輟所以未論也。凡此數事。皆議者之所詳論。明公之所深究。而輟以才性朴拙。學問空疎。用意不同。動成違忤。雖欲勉勵自効。其勢無由。苟明公見寬。諒其不逮。特賜敷奏。使輟得外任一官。苟免罪戾。而明公選賢舉能。以備僚佐。兩獲所欲。幸孰厚焉。

乞誅竄呂惠卿狀

蘇轍

右臣聞漢武帝世。御史大夫張湯挾持巧詐。以迎合上意。變亂貨幣。崇長犴獄。使天下重足而立。幾至於亂。武帝覺悟。誅湯而後天下安。唐德宗世。宰相盧杞妬賢嫉能。戕害善類。力勸征伐。助成暴斂。使天下相率叛上。至於流播。德宗覺悟。逐杞而後社稷復存。蓋小人天賦傾邪。安於不義。性本陰賊。尤喜害人。若不死。終必爲患。臣伏見前參知政事呂惠卿懷張湯之辨詐。乘虛起之。姦凶詭變多端。敢行非度。見利忘義。黷貨無厭。王安石初任執政。用之心腹。安石山野之人。強很傲誕。其於吏事。冥無所知。惠卿指撻教導。以濟其惡。青苗助役。議出其手。韓琦始言青苗之害。先帝知琦朴忠。豁然感悟。欲退安石而行琦言。當時執政皆聞德音。安石惶遽自失。亦累表乞退。天下欣然有息肩之望矣。惠卿方爲小官。自知失勢。上章乞對。力進邪說。熒惑聖聽。巧回天意。身爲館殿。攝行內侍之職。親往傳宣。以起安石。肆其僞辨。破難琦說。仍爲安石書。劫持上下之策。大率多用刑獄。以震動天

下自是評臣吞聲有識喪氣而天下靡然矣至於排
擊忠良引用邪黨惠卿之力十居八九其後又建手
實簿法尺橡寸土檢括無遺雞豚狗彘抄剝殆遍專
用告訐推析毫毛鞭笞交下紙筆翔貴小民怨苦甚
於苗役又因保甲正長給散青苗結甲赴官不遺一
戶上下騷動不安其生遂致河北人戶流移雖上等
富家有驅領車牛懷挾金銀流入襄鄧者旋又興起
大獄以恐脇士人如鄭俠王安國之徒僅保首領而
去原其害心本欲株連蔓引塗汙公卿不止如此頗
古文國璋集卷之四十九
惠卿得罪
天下其故
尤爲險惡
故詳論之

疲勞永樂之敗大將徐禧本惠卿白布衣中保薦托
任始終協議遂付邊政敗聲如聞震動宸極循致不
豫初實由此邊釁一生至今爲梗及其移領河東大
發人牛耕葭蘆吳堡兩寨生地托以重兵方收布種
投種而歸不敢復視及至秋成復以重兵防托收刈
所得率皆耗耗而中收穫即時腐爛惠卿張皇其數
牒轉運司交割妄言可罷饋運其實所費不貲而無
絲毫之利邊臣畏懼皆不敢言此則惠卿立朝事迹
一二雖復肆諸市朝不爲過也若其私行險薄非人
古文國璋集卷之四十九
幸宋文卷世

西和忠而
發私書小
人常態不
足怪也生
險惡在相
款時便留
却耳也來
親戚僚友
間多有
此者何患

卿之多也

冤案在御史可覆視也。惠卿言安石相與為姦發其私書。其一曰無使齊年知齊年者馮京也。京安石皆生於辛酉。故謂之齊年。先帝猶薄其罪。惠卿復發其一曰無使上知。安石由是得罪。夫惠卿與安石出肺腑。託妻子平居相結。惟恐不深。故雖欺君之言。見於尺牘。不復疑間。惠卿方其無事。已一一收錄。以備緩急之用。一旦爭利。遂相挾搥。不遺餘力。必致之死。此大穢之所不為。而惠卿為之。曾不懼。天下之士。見其在位。側目畏之。夫人君用人。欲其忠信於已。必取仁於父兄。信於師友。然後付之以事。故放廢違命也。而推其仁。則可以託國食子。狗君也。而推其忍。則至於弑君。藥布惟不廢彭越之命。故高祖知其賢。李勣惟不利李密之地。故太宗許其義。二人終事二主。俱為名臣。何者。仁心所有。無施不可。雖公私有異。而忠厚不殊。至於呂布事丁原。則殺丁原。事董卓則殺董卓。劉牢之事王恭。則反王恭。事司馬元顯。則反元顯。皆逆人理。世所共疑。故呂布見誅於曹公。而牢之見殺於桓氏。皆以其平生反覆勢。不可存。夫曹桓古之

古文國璋集卷之四十九

主宋文卷世

高峻。獨美。何所不有。然推究利害。終畏此人。今朝廷選用忠信。惟恐不及。而置惠卿於其間。譬如蕭牆難處。巢鷺並棲。不惟勢不兩立。蒙亦惡者必勝。況自去歲以來。朝廷廢吳居厚。呂嘉問。遷周輔。宋用臣。李憲。王中正等。或以牟利。或以驕兵。一事害民。皆不得逃。詎今惠卿身兼衆惡。自知罪大。而欲以閑地自免。天下公議。未肯赦之。然近日言事之官。論奏姦邪。至於締結李定之徒。微細畢舉。而不及惠卿者。蓋其凶悍猜忌。如螳螂。萬一復用。恐必報是以言者。未敢輕發。臣愚竊竊慮。以為備位官責。與元惡同時。而畏避隱忍。辜負朝廷。是以不憚死。獻此愚直。伏乞陛下斷自聖意。略正典刑。縱未以汙鉄鎖。猶當追削官職。投畀四裔。以禦魑魅。謹錄奏聞。

古文國璋集卷之四十九

主宋文卷世

歷代古文國璋集卷之五十終

宋文

乞分別邪正劄子

蘇轍

臣竊見元祐以來朝廷改更弊事屏逐群枉上有忠厚之政下無聚斂之怨天下雖未大治而經今五年中外帖然莫以為非者惟奸邪失職居外日夜窺伺便利規求復進不免百端游說動搖貴近臣愚竊漢憂之若陛下不察其實大臣惑其邪說遂使忠邪雜

古文國華集卷之五十

宋文卷三

宋世不輕
冰炭亦無
謀問之例
不遠遠以
而已故以
否泰內外
為辭然小
人者豈肯
枯然而在
外哉恐將
隔尺寸而
害矣

進於朝以示廣大無所不容之意則冰炭同處必至交爭薰蕕共器久當遺臭朝廷之患自此始矣昔聖人作易內陽外陰內君子外小人則謂之泰內陰外陽內小人外君子則謂之否蓋小人不可使在朝廷自古而然矣但當置之於外每加安存使無失其所不至忿恨無聊謀害君子則泰卦之本意也東晉桓溫之亂諸桓親黨布滿中外及溫死謝安代之為政以三桓分泄三州彼此無怨江左遂安故晉史稱安有經遠無競之美然臣竊謂謝安之於桓氏亦用

引劄范也

之於外而已未嘗引之於內與之共政也向使安引桓氏而賓諸朝人懷異心各欲自行其志則謝安將不能保其身而況安朝廷乎頃者一二大臣專務含養小人為自便之計既小人內有所至故蔡確邢恕之流敢出妄言以欺惑眾及確恕被罪有司懲前之失凡在內臣僚例蒙推沮盧秉何正臣皆身為待制而明堂薦子止得選人蒲宗孟曾布所犯明有典法而降官褫職唯恐不其明立痕迹以示異同為朝廷欽怨此二者皆過矣故臣以為小人雖決不可任

古文國華集卷之五十

宋文卷三

以腹心至於牧守四方奔走庶事各隨所長無所偏廢寵祿恩賜常使彼此如一無迹可指此朝廷之至計也近者朝廷用鄧溫伯為翰林承旨而臺諫雜然進言指為邪黨以為小人必由此棄進臣嘗論溫伯之為人粗有文藝無他大惡但性本柔弱委曲從人方王珪蔡確用事則願指如意及司馬光呂公著當國亦脂韋其間若以其左右附麗無所損益遇便流轉緩急不可保信誠不為過也若謂其懷挾奸詐能首為亂階則甚矣蓋臺諫之言溫伯則過至為朝廷

遠慮則未爲過也。故臣願陛下謹守元祐之初政。久而彌堅。慎用左右之近臣。毋雜邪正。至於在外臣子。一以恩意待之。使嫌隙無自而生。愛戴以忘其死。則垂拱無爲。安意爲善。愈久而愈無患矣。臣不勝區區。博采公議而效之。左右伏乞宣諭大臣。共敦斯義。勿謂不預。改更之政。輒懷異同之心。如此而後朝廷安矣。取進止。

再論分別邪正劄子

蘇轍

臣今月二十三日延和殿進呈劄子論君子小人不可並處朝廷。因復口陳其詳。以瀆天聽。竊觀聖意。雖不以臣言爲非者。然天威咫尺。言詞迫遽。有所不盡。退伏思念。若使邪正並進。皆得與聞國事。此治亂之機。而朝廷所以安危者也。臣誤蒙聖恩。典司邦憲。臣而不言。誰當救其失者。謹復稽之古今。考之聖賢之格言。莫不謂親近君子。斥遠小人。則人主尊榮。國家安樂。疎外君子。進任小人。則人主憂辱。國家危殆。此古文國華集卷之五十 宋文卷三

理之必然。而非一人之私言也。故孔子論爲邦則曰。放鄭聲。遠佞人。子夏論舜之德則曰。舉皋陶。不仁者遠。論湯之德則曰。舉伊尹。不仁者遠。諸葛亮戒人君則曰。親賢臣。遠小人。此前漢所以興隆也。親小人。遠賢臣。此後漢所以傾頽也。凡典冊所載。如此之類。不可勝紀。至於周易所論。尤爲詳密。皆以君子在內。小人在外。爲天地之常理。小人在內。君子在外。爲陰陽之逆節。故一陽在下。其卦爲復。二陽在下。其卦爲臨。陽雖未盛。而居中得地。聖人知其有可進之道。一陰

其卦爲姤。二陰在下。其卦爲遯。陰雖未壯。而聖人知其有可畏之漸。若夫居天地之正。得陰陽之和者。惟泰而已。泰之爲象。三陽在內。三陰在外。君子既得其位。可以有爲。小人僉居於外。安而無怨。故聖人各之曰泰。泰之言安也。言惟此可以久安也。方泰之時。若君子能保其位。外安小人使無失其所。則天下之安。未有艾也。惟恐君子得位。因勢陵暴。小人使之在外。而不安。則勢將必至反覆。故泰之九三。則曰無平不陂。無往不復。竊惟聖人之戒。深切詳盡。所以誨

古文閣事集卷之五

宋文卷五

人者至矣。獨未聞以小人。在外憂其不悅。而引之於內。以自遺患者也。故臣前所上劄子。亦以謂小人雖決不可任以腹心。至於牧守四方。奔走庶務。各隨所長。無所偏廢。寵祿恩賜。彼此如一。無迹可指。如此而已。若遂引而實之於內。是猶畏盜賊之欲得財。而導之於寢室。知虎豹之欲食肉。而開之以圉牧。天下無此理也。且君子小人。勢同冰炭。同處必爭。一爭之後。小人必勝。君子必敗。何者。小人貪利。忍恥。擊之難去。君子潔身重義。知道之不行。必先引退。故古語曰一

薰一蕕。十年尚猶有臭。蓋謂此矣。昔先皇帝以聰明聖智之資。疾頹靡之俗。捫以綱紀四方。追迹三代。全觀其設意。本非濫爵之君所能髣髴也。而一時臣佐不能將順聖德。造作諸法。率皆民所不悅。及二聖臨御。因民所願。取而更之。上下忻慰。當此之際。先朝用事之臣。皆布列於朝。自知上逆天意。下失民心。徬徨踰躅。若無所措。朝廷雖不斥逐其勢。亦自不能復留矣。尚賴二聖慈仁。不加譴責。而宥之於外。益已厚矣。今昔政令已平。事勢大定。而議者或於浮說。乃欲招而納之。與之共事。欲以此調平其黨。臣謂此人若返。豈肯徒然而已哉。必將戕害正人。漸復舊事。以快私忿。大臣被禍。豈不足哀。而臣所惜者。祖宗朝廷也。蓋自熙寧以來。小人執柄二十年矣。建立黨與。布滿中外。一旦失勢。覬覦者多。是以創造語言。動搖貴近。脇之以禍。誘之以利。何所不至。臣雖不聞其言。而繫可料矣。聞者若又不加審察。遂以爲然。豈不過甚矣哉。臣聞管仲治齊。奪伯氏騅邑三百。飯蔬食。沒齒無怨。言諸葛亮治蜀。廢廖立李嚴爲民。徙之邊遠。久而不

古文閣事集卷之五

宋文卷五

君子欲特
常勝之計
惟在大公
至正捐異
同守法度
而不按小
人以口實
然而政柄
非一人所
執誠二以
詳論而起
小人乘之
禍亂從此
而生每

然也

古文圖華集卷之五十一

宋文公集

召及亮死二人皆垂泣思亮夫駟立嚴三人者皆青
蜀之貴臣也管葛之所以能戮其貴臣而使之無怨
者非有他也賞罰必公舉措必當國人皆知其所與
之非私而所奪之非怨故雖仇讎莫不歸心耳今臣
竊觀朝廷用捨施設之間其不合人心者尚不爲少
彼既中懷不悅則其不服固宜今乃直欲招而納之
以平其隙臣未見其可也詩曰無競維人四方其訓
之陛下誠以異同反覆爲憂惟當久任才性忠良識
慮明審之士但得四五人常在要地雖未及臯陶伊
尹而不仁之人知自遠矣故臣願陛下斷自聖心不
爲流言所惑毋使小人一進後有噬臍之悔則天下
幸甚天下幸甚臣既待罪執法若見用人之失理無
不言言之不從理不徒止如此則異同之迹亦復著
明不若陛下早發英斷使彼此泯然無迹可見之爲
善也恩深重輒敢先事獻言罪合萬死取進止

論開孫村河劄子

蘇轍

古文圖華集卷之五十一

宋文公集

臣爲戶部右曹兼領金倉二部任居天下財賦之半
適當中外匱竭不繼之時日夜憂惶常慮敗事竊見
左藏見緡一月出納之數大抵皆五十餘萬畧無處
餘其他金帛諸物雖小有羨數亦不足賴臣之愚怯
常恐天災流行水旱作沴西羌旅距邊鄙釋駭河議
失常賦役橫起三事有一大計不支雖使桑羊劉晏
復生計無從出矣而況於臣之駑下乎今者幸賴二
聖慈仁恭儉天地垂睨諸道秋稼稍復成熟雖京西
陝西災旱相接而一方之患未爲深憂羌人困窮旋
聞款塞惟有黃河西流議復故道事之經歲役兵二
萬人蓄聚梢櫓等物三千餘萬方河朔災傷困敝之
餘而興必不可成之功吏民勞瘁勞苦已甚而莫大
之役尚在來歲天啓聖意灼知民心特召河北轉運
司官吏訪以得失延開回河大議已寢不行臣平日
過憂頓然釋去然尚聞議者固執開河分水之策雖
權罷大役而兵工小役竟未肯休如此則河北來年
之憂亦與今年何異今者小災決口入地已深而孫

今河之說
其說大高
九河之說
而其說非
也

村所開丈尺有限不獨不能回河亦必不能分水況
黃河之性急則通流緩則淤澱既無東西皆急之勢
安有兩河並行之理哉縱使兩河並行不免各立堤
坊其為費耗又倍今日矣臣聞自古聖人不能無過
過而能改善莫大焉故君子之過如日月之食過也
人皆見之更也人皆仰之朝廷舉動義當如此今議
河失當知其害人中道而復本何所愧雖使天下知
之亦足以明二聖憂民之深為之改過不吝今乃顧
惜前議未肯曠然更張果於遂非難於遷善臣實為
古文閣學集卷之五十一
宋文卷三十一
朝廷惜之然臣聞議者初建開河分水之策其說有
三其一曰御河湮滅失饋運之利其二曰恩冀以北
漲水為害公私損耗其三曰河徙無常萬一自虜界
入海邊防失備凡其所以榮感聖聰沮難公議皆以
三說藉口夫河決西流勢如建瓴引之復東勢如登
屋雖使三說可信亦莫如之何矣況此三說皆未必
然臣請得具言之昔大河在東御河自懷衛經北京
漸歷邊郡饋運既便商賈通行今河既西流御河湮
滅失此大利誰則不知天實使然人力何及若議者

宋初遼人
三死每歲
西山而南
燕遼莫開
多水不便
故也

能復漚淵故道則御河有可復之理今河自小吳北
行占壓御河故地雖使如議者之意自北京以南折
而東行則御河湮滅已一二百里亦無由復見矣此
御河之說不足聽一也河之所行利害相半夏潦漲
溢浸敗秋田濱河數十里為之破稅此其害也漲水
既去淤厚累尺宿麥之利比之他田其收十倍寄居
丘冢以避滯潦民習其事不甚告勞此其利也今河
水在西勢亦如此違為堤坊不與之爭正得漢賈遷
治河之意比之故道歲省兵夫精莖其數甚廣而故
古文閣學集卷之五十一
宋文卷三十一
道已退之地桑麻千里賦役完復為利不費安用違
天地之性移西流之憂為東流之患哉此恩冀以北
漲水為害之說不足聽二也河昔在東自河以西郡
縣與虜接壤無山河之限邊臣建為塘水以捍胡馬
之衝今河既西行則西山一帶胡馬可行之地已無
幾矣其為邊防之利不言可知然議者尚恐河復北
徙則海口出虜界中造舟為梁便於南牧臣聞虜中
諸河自北南注以入於海蓋地形北高河無北徙之
道而海口淺淺勢無從移臣雖非目見而習北方之

事者爲臣言之。大略如此。可以遣使按視圖畫而知此河入虜界邊防失備之說。不足聽三也。臣願以此三說質之議者。則開河分水之說。誠不足復爲矣。又臣訪聞今歲四五月間。河上役兵勞苦無告。嘗有數百人持板築之械。訪求都水使者。意極不善。願防邏之卒。擁拒而散。盛夏苦役。病死相繼。使者恐朝廷知之。皆于垂死放歸本郡。鑿于道路者。不知其數。若今冬放凍。來歲春暖。復調就役。則意外之患。復當如前。臣不知朝廷何苦而不罷此役哉。今建議之臣。恥于古文國璋集卷之五十一 宋文忠公

古文國璋集

卷之五十一

宋文忠公

請戶部復三司諸案劄子

蘇轍

臣以愚拙待罪戶部。右曹僂仰幾歲。訖無云補。竊嘗以祖宗故事考之。今日本部所行體制既殊。利害相遠。恐合隨事措置。以塞弊原。謹昧死具三弊以聞。其一曰分河渠案。以爲都水監。其二曰分胃案。以爲軍器監。其三曰分修造案。以爲將作監。前件三監皆隸工部。則本部所專其餘無幾。出納損益。制在他司。頃者司馬光秉政。知其爲害。嘗使本部收攬諸司利權。然當時所收。不得其要。至今三案之事。猶爲諸司所擅。淚可惜也。祖宗參酌古今之宜。建立三司。所領天下事。幾至大半。權任之重。非他司比。推原其意。非以私三司也。事權分則財利散。雖欲求富。其道無由。蓋國之有財。猶人之有飲食。飲食之道。當使口司出納。而腹制多寡。然後分布氣血。以養百骸。耳目賴之以爲明。手足賴之以爲力。若不專任口腹。而使手足耳目得分治之。則雖欲求一飽。不可得矣。而況于安且壽乎。今戶部之在朝廷。猶口腹也。而使他司分治其事。何以異此。自數十年以來。群臣不明祖宗之意。每

古文國璋集

卷之五十一

宋文忠公

即今戶工
部執類此
事多

因一事不舉輒以三司舊職分建他司利權一分用
財無藝他司以辦事為效則不恤財之有無戶部以
給財為功則不論事之當否彼此各營一職其勢不
復相知雖使戶部得才智之臣終亦無益于算矣能
否同病府庫卒空今不早救後患必甚昔嘉祐中京
師頻歲大水大臣始取河案案置都水監置監以來
比之舊案所謂何事而大不便者河北有外監公使
李轉運司職事轉運司之領河事也凡郡之諸捕捕
之吏兵諸蓄無事則分有事則合水之所向諸捕捕
古文圖碑集卷之五十

之吏兵得以併功儲蓄得以併用故事作之日無暴
飲傷財之患事定之後徐補其闕兩無所妨自有監
丞據法責成緩急之際諸捕所有不相為用而轉運
司始不勝其弊矣近歲嘗詔罷外監丞議者避之既
而復故物論所惜此工部都水監為戶部之害一也
先帝一新官制並建六曹隨曹付事故三司步多隸
工曹名雖近正而實非利昔冒案所掌今內為軍器
監而止隸工部外為都作院而止隸提刑司欲有與
作戶部不得與議訪聞河北道頃歲為羊渾脫動以

今工部
所事未
之類皆

千計渾脫之用必軍行屯水過渡無船然後須之而
其為物稍經歲目必須盡敗朝廷無出兵之計而有
司營職不顧利害至使公私應副虧財害物若使專
在轉運司必不至此此工部都作院為戶部之害二
也昔修造案掌百工之事事有緩急物有利害皆得
專之今工部以辦職為事則緩急利害誰當謀之朝
廷近以銷場竹箔積欠損爛創令出賣上下皆以為
當指揮未幾復以諸處修造歲有料例遂令般運堆
積以分出賣之計臣不知將作見工幾何一歲所用
古文圖碑集卷之五十一

幾何取此積彼未用之圖有無損敗而遽為此計本
部雖知不便而以工部之事不暇復言此工部將作
監為戶部之害三也凡事之類此者多矣臣不能備
舉也故願明詔有司罷外水監丞而舉河北河事及
諸路都作院皆歸之轉運司至于都水軍器將作三
監皆隸戶部使定其事之可否裁其費之多少而
工部任其功之良否觀其作之遲速苟可否多少在
戶部則凡傷財害民戶部無所逃其責矣苟良者遲
速在工部則凡敗事之用工部無所辭其過矣利歸

于一而後天下貧富可責之戶部而工部工拙可得而考矣事在本職在臣不得不言如果可采伏乞付外施行取進止

古文國璋集卷之五十一

古文國璋集卷之五十一

論御試策題劄子

蘇轍

時李邦直首倡和議公力論之然人勢已移莫可回矣

臣伏見御試策題歷詆近歲行事有欲復熙寧元豐故事之意臣備位執政不敢不言然臣竊料陛下本無此心其必有人妄意陛下牽于父子之恩不復深究是非遠慮安危故勸陛下復行此事此所謂小人之愛君取快于一時非忠臣之愛君以安社稷為悅者也臣竊觀神宗皇帝以天縱之才行大有為之志其所設施度越前古蓋有百世而不可變者矣臣請為陛下指陳其畧先帝在位近二十年而終身不受

古文國璋集卷之五十一

古文國璋集卷之五十一

尊號款損宗室恩止租免減朝廷無窮之費出賣坊場雇募衙前免民間破家之患罷黜諸科誦數之學訓練諸將懾情之兵置寄祿之官復六曹之舊嚴重祿之法禁交謁之私行淺攻之策以折西戎之狂收六色之錢以寬雜役之困其微至于設抵當賣熟藥凡如此類皆先帝之聖謨睿算有利無害而元祐以來上下奉行未嘗失墜者也至如其他事有失當何世無之父作之于前而子救之于後前後相濟此則聖人之存也昔漢武帝外事四夷內興宮室財賦匱

是修鹽鐵權酷平準均輸之政民不堪命幾至
大亂昭帝委任霍光罷去煩苛漢室乃定光武顯宗
以察爲明以識決事上下恐懼人懷不安章帝卽位
深鑒其失代之以寬豈於之政後世稱焉及我本朝
真宗皇帝石文僊非號稱太平而群臣因其極盛爲
天書之說章獻明肅太后臨御攬大臣之議燕書梓
官以異其美及仁宗聽政亦絕口不言天下至今建
之英宗皇帝自藩邸入繼大臣過計剝廢廟之議朝
廷爲之洶洶者數年及先帝嗣位或請復舉其事寢
而不答遂以安靖夫以漢昭章之賢與吾仁宗神宗
之聖豈於恭敬而輕事變易也哉蓋事有不可
不以廟社爲重故也是以子孫既獲奉敬之實而父
祖不失聖明之稱此真明君之所務不可與流俗議
也臣不勝區區願陛下反覆臣言慎勿輕事改易若
輕變九年已行之事擢任累歲不用之人人懷私忿
而以先帝爲詞則大事去矣臣不勝憂國之心冒犯
天威甘俟譴責取進止

古文園肆集卷之五十

宋文恭公

再論御試策題劄子

蘇轍

臣近以御試策題有欲復熙寧元豐故事之意尋具
劄子論先帝所行善政見今遵行者自己非一其間
事有過差元祐以來隨宜修改以安天下者正是子
孫奉敬之義未審陛下以臣言爲然否臣竊觀自陛
下親政于今已是半年臣等日侍清光若聖意誠謂
先帝舊政有不合改更自當宣諭臣等令商議措置
今自宰臣以下未嘗略聞此言而忽因衆同進士宜
露密旨中外聞者莫不驚怪譬如家人父兄欲有所
爲子弟有不預知而亟與行路謀之可乎臣聞兩喜
必有溢笑之言兩怒必有溢惡之言喜怒不忘于心
而以議天下之政必有過甚而不平者朝廷雖有今
昔之異其實一家欲有所爲當愛惜事體豈可如仇
讎之相反惟患不速也哉頃者元祐之初初議改更
亦未免此病故役法一事隨改隨復數年而後稍定
臣于此時初爲諫官後爲御史每言差役不可盡行
而河流不可強遏上下頗望終不盡從陛下以此察
之臣非私元祐之政也蓋知事出急遽則民受其病

門戶之吏
所爲與國
相終始也

古文園肆集卷之五十

宋文恭公

此議者誠謂元豐之事有可復行而元祐之政有所未便。臣願陛下明詔臣等公共商議見其可而後行。審其失而後罷。深以生民社稷爲意。勿爲此怒。怒則天下之幸也。取進止。

論西事狀

蘇轍

右臣伏見西夏項自秉常之禍。人心離貳。梁氏與人多二族。分據東西。廂兵馬勢力相敵。疑阻日深。入寇之謀。自此衰息。朝廷略加招納。隨即伏從。使介相尋。臣禮甚至。只自今年春末夏初以來。始有桀心。出兵數萬。掩襲涇原。殺虜弓箭手數十人。復歸巢穴。朝廷方事安衆。難于用武。接以君臣之禮。加以冊命之恩。特遣使人。厚賜金幣。戎狄獸心。敢爲侮慢。輒以地界爲詞。不入謝。至坤成賀使。亦遂不遣。中外臣子。聞

者無不憤怒。思食其肉。臣忝備侍從。至憂臣辱。義不辭勞。況臣懼自小官。列于禁近。議論幾事。既其本職。感激思報。宜異常人。是以冒昧獻言。不避罪戾。庶幾聖意由此感悟。雖被譴逐。臣不恨也。臣竊惟當今之務。以爲必先知致寇之端。由審行事之得失。然後料虜情之所在。定制敵之長算。誠使四者畢陳於前。究戎小醜。勢亦無能爲也。董氈本與西夏世爲仇讎。元昊之亂。仁宗賴其牽制。梁氏之篡。神宗藉在征討。世幼忠力。非諸蕃之比。乃耆董氈老病。其相阿里骨擅

于曉諭見
章諸事
明

其國事與其妻契丹公主殺其二妻心牟氏其大將
鬼章及溫溪心等皆心懷不服。阿里骨欺罔朝廷自
稱董德嗣子。朝廷不察情偽。不原逆順。即以節鉞付
之。謀之不臧。患自此起。阿里骨既知失衆。虐用威刑。
衆心日離。而鬼章自謂與阿里骨比肩一體。頗居其
下。心常不悅。夏人乘此間隙。折節下之。先與阿里骨
解仇結懽。令轉說鬼章。舉兵入寇。復誘脇人多保忠。
令于涇原竊發。黨與既立。羽翼既成。是以敢肆狂言。
以動朝廷。向若阿里骨以董德之死。來告立嗣。朝廷

古文圖彙卷之五十

王宋文

因其所請。通問鬼章。溫溪心等。以確實當立。若衆以
阿里骨爲可立。則既立之後。衆必無詞。若以爲不可。
則分董德之舊秩。以三使額授此三人。阿里骨無僥
倖之命。鬼章無怨望之意。則夏人無與爲援。安能動
搖。加以數年以來。朝廷本厭兵事。瓮中測知此意。亦
以自安。頃者忽命熙河點集人馬。大城西關仍云來
年當築瓮谷。聲實既暴。虜心不平。舉兵自強。衆亦由
此。此所謂致寇之端由也。先帝昔因梁氏篡逆之禍。
舉兵誅討。侵擾地界。爲怨至深。寇虜之性。重于復讐。

其思報之心。未嘗一日忘也。徒以喪亂相繼。兵力
凋殘。陛下臨御之初。意切懷納。是以連年入貢。以休
息其民。雖有恭順之言。蓋亦非其本意矣。假令犯順
固猶有詞。今朝廷因其承襲之後。賜之冊命。捐金錢
二十餘萬緡。以爲之禮。彼既與我有君臣之分。然後
可責以忠順之節。朝廷此舉。于義甚長。而寇虜無謀。
遂肆桀傲。內則其國中士民。自知不直。必不爲用。外
則中國兵將。皆有鬪志。易以立功。曲直之幾。於此始
定。雖棄捐金幣。以封殖寇讎。小人謂之失策。而分別

古文圖彙卷之五十

王宋文

曲直。以激勵將士。智者謂之得計。此所謂行事之得
失也。元昊本懷大志。長于用兵。亮神天付兇狂。輒用
其衆。頃爲邊患。皆歷歲年。然而國小力微。終以困斃。
今梁氏事國素與人多不睦。內自多難。而欲外侮中
原。料其奸謀。豈非元昊亮神之比矣。意謂三聖在位。
恭默守成。仁澤之渙。遠近所悉。既無用武之意。可操
無厭之求。蘭會諸城。都延五寨。好請不獲。勢脇必從。
以爲狂言一聞。求無不得。今朝廷既已漸爲邊備。益
兵練將。則寇虜之心。已乖本計。不過秋冬寒涼之後。

小小跳梁以嘗試朝廷而已。若朝廷執意不搖守邊無失則款塞請盟本無愧恥。若朝廷用心不一惟務求和則求請百端漸不可忍此所謂屬情之所在也。凡欲應敵必先正名。夏人初起邪謀必有二說其一以為慢詞既達則地界可得無窮之請因以滋彰其二以為雖不得地實亦無損猖狂力屈稍復求和中國厭兵勢無不許方其不遜則張皇事勢誇示諸戎及其柔伏則畧為恭順使中國屈倦而聽今朝廷遣兵積粟地界之請固已不從然而號令未明逆順未

古文圖彙卷之五十

宋文卷三

著臣恐夏人未知朝廷不憚用兵之意無以折其奸心又恐將來奸窮力屈畧修臣禮使與講和要約不堅必難持久昔趙欲與秦為購其謀臣虞卿以為從趙為購不若從秦為購于是東結齊人而秦人自至區區之趙尚知出此而况堂堂中國畏避畜縮始于無事不一分別曲直而反聽命于羌人哉臣願陛下明降詔書榜沿途諸郡其大意畧曰夏國頃自亮祚喪亡先帝舉兵弔伐既絕疆場復禁和市羌中窮困一絹之直至十餘千又命沿途將吏迭行攻討橫山

西夏自熙寧用兵之後中國雖勞費而夏未田矣故法攻之策不得而非

一帶皆不敢耕窮守沙漠衣食併糴老少窮餓不能自存朕統御四海均覆無外。閱此一方窮而無告遂敕諸道帥臣禁止侵掠自是近塞之田始復耕墾既通和市復許入貢使者一至賜予不貲販易而歸獲利無算傳聞羌中得此厚利父子兄弟始有生理朕猶念孤童幼弱部族攜貳若非本朝賜之策命假以寵靈則何以威伏酋豪保有疆土是時朝士大夫咸謂夷狄反覆心未可知使者將行言猶未已朕有存亡繼絕之志欲修祖宗爵命諸侯之典以為學人

古文圖彙卷之五十

宋文卷三

負我斷而不疑故遣使出疆授以禮命。朕帶帛相屬于道遲人父老觀者太息以為仁義之厚古所未有而狼子野心飽而背德不遣謝使不賀坤成朕以君道拊之而不以臣禮報朕天地所嫉將相咸怒朕惟狂謀逆節止其一二奸臣國人何辜當彼殺戮是以彈兵安衆求議攻討然而逆順之理不可不明其令沿途諸將飭勵兵馬廣為備峙敢有犯塞即殺無赦彼既背違天理不有人禍必有鬼誅姑修吾疆以待其變臣料薊命一出羌人愧異雖未斷然伏而紆

計泚屈無以號令其下。諸路兵民知彼曲我直。人思致死。勇氣一發。邊聲自倍。此必然之勢也。今朝廷日久備邊。常若寇至。而但曲加隱忍。不降此命。使虜衆一旦犯境。終亦不免交鋒。若聽臣此言。要之亦不出兵。坐而待敵。初無有異。而使士氣感忿。以思戰。虜情知難而自屈。求和之請。其至必速。此所謂制敵之長算也。臣竊聞朝廷近已添屯兵將。增廣邊儲。議絕和市。使熙河帥臣招來阿里骨。鬼章溫溪心人多保忠等。此兵法所謂上兵伐謀。不戰而屈人者。陛下若能饒之以金錢。而寬其繩墨。使將帥得盡其心。間謀得盡其力。則事無不成。而虜漸可制矣。然有一事。似非臣所得言者。但以蒙國厚恩。不敢不盡。昔熙寧元豐之間。所行政令。雖未必便民。然先帝操之以法。濟之以威。是以令無不從而事無不舉。頃者朝廷削去苛法。施行仁政。可謂善矣。然而刑政不明。多行姑息。中外觀望。靡然有縱弛怠惰之風。平居無事。姑以偷安可耳。今虜方不順。勝負之變。蓋未可知。緩急之際。誠無素何以使衆。臣謂宜因事正法。以明示天下。臣

前所言去歲大臣承用阿里骨欺罔之奏。授以節制。致令鬼章懷憤入寇。夏人乘釁違命。此則當時宰相樞密使副苟簡無謀之罪也。近者涇源賊馬至者數萬。殺略數千。斥候不明。備禦不及。熙河賊退。經今累月。而殺傷焚蕩之奏。至今未止。此則將帥弛慢不懼朝廷之罪也。陛下恬不爲怪。畧無責問。政之不修。孰大乎此。中外相視。以爲疑怪。朝廷方將使人蹈白刃。赴湯火。臣有以知其不能矣。昔公孫弘爲相。諸侯有逆謀。請歸侯印以塞責。諸葛亮爲相。任馬謖不當。請自貶三等。以右將軍領事。蓋大臣體國。不惜身自降黜。爲衆行法。今陛下何不取去歲冊命阿里骨與議大臣。不論去位在位。皆奪一官。至于兩路將帥。雖寄任不改。而法不可廢。皆使隨罪行罰。以此號令四方。庶幾知所畏懼。政修於朝廷之上。而敵人恐懼于千里之外。勢之所至。不足怪也。今陛下未能正群臣而望西羌之畏威。不可得矣。臣聞范仲淹守慶州。因萬懷敏之敗。請以任將非人。因兩府違謝。損其勳爵。而復其位。以激厲諸將。感慰邊兵。時雖不用。而仲淹之

言至今惜之臣雖不敢究觀往事以爲可施于今不敢默已小臣狂僭斧鉞之誅無所逃避惟陛下裁察取進止

歷代古文國瑋集卷之五十終

古文國瑋集卷之五十

宋文卷三

歷代古文國瑋集卷之五十一

真西方岳貢禹修評選

宋文

御試制策

蘇轍

臣謹對曰臣不佞陛下過聽策臣於庭使得竭愚衷以奉大計臣性狂愚不識忌諱伏讀陛下制策凡所以問臣之事數十條者臣已詳聞之矣然臣內省愚誠欲先以聞而後答陛下以所問伏惟陛下承先帝之業卽位以來三十餘年四方乂安陛下守此太平之成基平日無事端居靜慮亦嘗有憂於此乎無憂於此乎陛下策臣曰朕承祖宗之大統先帝之休烈深惟寡昧未燭於理又曰志勤道遠治不加進夙興夜寐于茲三紀此陛下憂懼之言也然臣以謂陛下未有憂懼之誠耳往者寶元慶曆之間西羌作難陛下晝不安坐夜不安席當此之時天下皆謂陛下憂懼小心如周文王然而自西方解兵陛下棄置憂懼之心而不復思者二十年矣古之聖人無事則深憂有事則不懼夫無事而深憂者所以爲有事之不懼

也。今陛下無事則不憂，有事則大懼。臣以爲陛下未
所憂矣。故願陛下雖天下無事，而不忘憂懼之心。陛
下誠能用臣此言，則凡所以問臣者，臣雖不言，可得
而舉也。苟未能用臣此言，則凡所以問臣者，臣雖言
之無益也。制策曰：德有所未至，教有所未孚，闕政尚
多，和氣或輟。陛下思慮至此，此則聖人之用心也。臣
請爲陛下推其本原而極言其故。臣聞之書曰：與治
同道，罔不興；與亂同事，罔不亡。昔者夏之衰，也有太
康，商之微，也有祖甲，用之敗，也有穆王，漢之卑，也有
古木園集卷之五十一
宋文忠公

成帝、唐之亂也，有穆宗、恭宗，此六帝王者，皆以天下
之治安，朝夕不戒，沈湎于酒，荒耗于色，晚朝早罷，早
寢晏起，大臣不得盡言，小臣不得極諫，左右前後，惟
婦人是侍，法度正直之言，不聞于心，而惟婦言是聽。
謁行于內，勢橫于外，心荒氣亂，邪僻而無所主，賞罰
失次，萬事無紀。以至于天下大亂，而其心不知也。是
以三代之季，詩人疾而悲傷之曰：匪教匪戒，時惟婦
寺。聽言則對，諛言如醉。又曰：亂匪降自天，生自婦人。
赫赫宗周，褒姒滅之。蓋傷其不可告教，而至于敗也。

臣竊賤之臣，竊聞之道路，陛下自近歲以來，宮中貴
姬至以千數，歌舞飲酒，歡樂失節，坐朝不聞咨議，便
殿無所顧問。夫三代之衰，漢唐之季，其所以召亂之
由，陛下已知之矣。久而不正，百憂將由之而出。內則
將爲蠱惑之所汙，以傷和伐性；外則將爲諂諂之所
亂，以敗政害事。婦人之情，無有厭足，迭相誇尚，爭爲
侈靡，賜予不足以自給，則不憚于受賂賄賂。賂既至，
則不憚于私謁私謁既行，則內外將亂。陛下無謂好
色於內而不害外事也，且臣聞之：欲極必厭，樂極必
古木園集卷之五十一
宋文忠公

反。方其極甚之時，一陷于其中，而不能以自出，然及
其覺悟之後，未始不以自悔也。陛下何不試于清閑
之時，上思宗廟社稷之可憂，內思疾疚病恙之可惡，
下思庶人百姓之可畏，則夫嬪御滿前，適足以爲陛
下憂，而末足以爲陛下樂也。伏惟聖心未之思焉，是
以遲遲而不去。詩云：顛沛之揭，枝葉未有害，本實先
撥。方今承祖宗之基，四方無虞，法令修明，百官繕完，
陛下奈何先自撥其本哉？臣恐如此，德教日以陵
遲，闕政將至于敗，戾氣將至于災，而不可救也。制策

曰田野雖闢，民多亡聊，邊境雖安，兵不可徹，利入已浚，浮費彌廣，臣以爲地有所未闢，是以民不得安其生，邊境雖安而非誠安，是以兵不得徹其備。浮費日廣，是以利入浚而不能休，何者？自京以西，近自許鄭而遠至唐鄧，凡數千里，列郡數十，土皆膏腴，古之賦輸大半多出于此。自兩漢以來，名臣賢守，所以爲民興利除害，溝洫訟澮之迹，往往猶在，而荆棘成林，無尺寸之耕，狐狸豺狼之所噬，而逃兵罷士之所窟伏，陛下所使守此地者，終無一人爲陛下深思極慮，招來流亡，以墾化其地，賢才良士，以爲此僻遠之處而不肯往，陛下何不使大臣舉人而守之，親召而勉勵其志，屬以此事，而亦以此爲殿最之課，不及十年，此將皆爲天下之沃壤，臣故曰地有所未闢，是以民不得安其生也。臣又聞古之制邊備者，外有亭障，內有屯兵，亭障欲繁，屯兵欲簡，繁則耳目明，簡則氣勢合。今者邊境之患，患在亭障之地，而皆屯兵以待寇至，屯兵之處，兵分力弱而不足以備禦，夫屯兵于亭障之地者，兵必不能甚多也，兵不能甚多則寇至必不

古文國璋集卷之五十一
宋文卷三

雖有城障而無助兵亦無益也

能抗而徒棄甲兵于無用，此拙守者之計也。然今之人又患夫屯之不密而歲益增焉，小也不滿百人，大也不過數百，城壘之廣狹，弱弓乏矢，可以越而過者，往往是也。然而前守之所成，後守不敢徹，非不知徹也，恐後之有敗事，而以是爲過也。兵法曰：善攻者敵不知所守，善守者敵不知所攻。夫敵不知所攻，非連臂而守之也，雖連臂而守之，敵尚可得攻而絕也。古之善守者，置兵于要害之地，則敵人不敵過而爲盜，何者？畏吾之乘其背也。過人之城而又過城焉，則腹背而受敵，此用兵之深忌也。今國家不料敵之不敢過吾城以深入吾地，而懼敵之敢入深也，夫敵之過吾城以深入吾地，是吾利也，而又何患乎？臣故欲收諸小屯，無益之兵，而聚之大屯，諸故小屯皆廢，以爲亭障，嚴斥候，謹烽燧，以爲大屯之耳目，置大屯于要害之地，以形制戎狄，高城深池，精爲守備，使可以對敵逾月而不陷，制爲諸屯，使其相去之遠近可以輕兵十日而相救，臣讀古兵書戰國策，未嘗見有敵人敢越大城深入而爲寇者。臣故曰邊境雖安而非誠

古文國璋集卷之五十一
宋文卷三

安是以兵不得微其備也。臣又聞人君之于天下。本非有情愛相屬。如父子兄弟之親也。上以其勢臨下。則下以其勢奉上。二者相持而行。不相悅則解。不相合則叛。譬如草木之于地也。託之而生。判然二物也。有根而綱繆之。交橫相入而至于不可拔。及其不相入也。木槁于上。而根不下屬。地確于下。而氣不上接。一夫之力。可拔而取也。飄風暴雨。可拔而離也。是以古之聖人。于其無事之時。必深結百姓之心。使之歡欣交通。分義積厚。而不忍相棄于緩急之際。昔漢之

文景優裕天下。時使薄歛。寬田租。宥罪戾。當此之時。雖天下和平。猶未見其利。及至末世。賊臣竊命。國統已絕。而天下之心。猶依依不忍離漢者。徒以文景之所以愛之者深而不可忘也。國家自祖宗以來。至于陛下四世矣。陛下之所以深結于民者何也。民之所好者生也。所惜者財也。陛下擇吏不精。百姓受害于下。無所告訴。則是陛下未得以生結民也。陛下賦歛煩重。百姓日以貧困。衣不蓋體。則是陛下未得以財結民也。吏之不仁。尚可以爲吏之過。賦歛之不仁。誰

當任其咎。且陛下凡所以用財者。果何事乎。上有官吏之俸。下有士卒之廩。外有夷狄之賂。此三者陛下未得省之之術。臣亦未敢以爲言也。臣獨怪陛下內有宮中賜予玩好無極之費。此何爲者。凡今百姓所爲一物已上。莫不有稅。茶鹽酒鐵關市之征。古之所無者。莫不並行。疲民容嗟。不安其生。而宮中無益之用。不爲限極。所欲則給。不問無有。司會不敢爭。大臣不敢諫。執帛持救。迅若兵火。陛下外有北狄西戎。歲邀金繒。而又內自爲一筭。以耗其所遺餘。臣恐陛下

以此獲譏。而民心之不歸也。故臣願陛下日夜自損。以礪左右。痛爲節儉。以寬百姓。捐錦繡棄金玉。以質素爲貴。賦稅之入。獨以供不得已之費。使天下知戴陛下之德。一旦有緩急。則民尚可以使之無叛。臣故曰。浮費日廣。是以利入浚而不能止者。此之謂也。制策曰。軍冗而未練。官冗而未澄。夫軍冗未練。則爲無兵。官冗未澄。則爲無吏。古者民多則兵衆。兵衆則國強。今兵衆而至于以爲冗者。則是不耕而食之過也。然而屯田之利。是當今之至計也。然而屯田之不用。

則亦有說。有兵而不可使耕。一也。天下須兵之地。無官田。而開田之鄉。不須兵。二也。此三患者。臣嘗慮之。蓋亦以爲無難也。有兵而不可使耕。臣亦不敢強使也。計今天下之兵。一歲死亡幾何。而以其數募民爲兵。且屯田。民自將有應此選者。則今不耕之兵。十數歲之後。其存者將有幾。此非屯田之所當畏者一也。天下郡縣。未嘗無官田。郡縣之無官田者。嘗有之。而官鬻之也。籍沒之田。歲歲不絕。舉而積之。而田皆在官矣。開田之鄉。不過京師之西。雖差遠于京畿。然而車馳卒奔。可以不過旬日而至。有欲用之。可以緩急而召。雖禁衛之兵。亦可以循漢之故。發郡縣之兵。充之。其年而一易。京師可獨置。天子腹心之軍。數萬人。以制四方之客軍。使之獨得不耕而食。卽周之環人。漢之羽林。伏飛之類。此又非屯田之所當畏者二也。如此而兵冗之弊。可以去矣。臣又聞方今用人之弊。有一更多也。吏雜也。吏多之弊。輕吏雜之弊。重吏多而不雜。則賢不肖猶有辨也。多而不免于雜。既廢廩祿。又不得賢也。費廩祿。則國貧。不得賢。則事不舉。均

之二。幾事不舉者。所當先治也。如臣之意。且可使審官銓曹。密院三班。分別天下之官。其事之爲天下之要。而其地之爲一方之急者。別之以爲一等。而使諸道之職司。各第其吏之廉明喜事最異者。而上之於審官銓曹。密院三班。而審官銓曹。密院三班。卽任之。以此至於其餘不急之官。則又爲一等。使碌碌之吏。以今先後之法。占之。此法既行。要以世之庸吏。必將群議而聚怨。然臣以爲聖人之爲天下。不憚人之有怨心。而問其怨之當否。今世之患上之人。畏下太甚。而下之人。持上太過。上以其法御下。而下反以法攻上之失。是以在上者不敢有所興利除害。而惟法之聽。法者上之所當用耳。而豈亦使天下之人。以繩上哉。此太甚也。臣讀後魏書。觀其始時。天下用兵。武夫悍卒。皆得爲吏。而當此之時。吏道不雜。何者。其所用者多賢。而不賢者未嘗用也。及其後世。患夫不用者之多。怨也。是以崔亮從而更之。不問士之賢愚。而專以停解日月爲斷。沉滯者皆稱其能。而魏之失人。自是而始。故臣欲分而別之。以爲賢不肖之辨。如此而

官冗之弊可除矣。陛下興庠序于久大，悼禮樂之未備，思繼可封之俗，欲隆皆讓之節，而訟未息，深求其故，歸咎在位，以爲教化不足，而法律有餘，是以民不知避，吏不知懼，容嗟怨譴，並興而不止。思所以治之，不得其道，臣聞善治天下者，不必有美名，而有壘壘之實功。不善治天下者，其名不必不笑，而其實空虛無益于事。陛下自卽位以來，登庸俊良，方興美政，以教化天下者，于今凡幾矣。慶曆之中，勸農桑，興學校，當此之時，天下以爲三代之風可以漸復，然而學校既興，農桑既勸，而天下之風俗卒何以異于慶曆之始。今者陛下又發德音，分遣使者巡行天下，或以寬恤或以減省，或以均稅，名號紛紜而出，天下又皆翕然知陛下之欲速于爲治也。然臣以爲陛下惑于虛名，而未知爲政之綱也。且陛下以爲此數事者，足以致治耶？不足以致治耶？陛下設官置吏，其職亦有治此等事者耶？其未有耶？臣以爲凡陛下之所以分裂海內以爲郡縣，其中上有守令，下有丞尉，大有會府，次有職司者，凡所以治此數事耳。今陛下欲寬郵百

古文國璋集

卷之五十一

十宋文卷三

姓以至于特命使者，則是此等常爲暴也。陛下欲減省均稅，以至于特命使者，則是此等皆不可使也。臣觀陛下之意，不過欲使史官書之，以邀美名于後世耳。故臣以爲此舉不惑于虛名也。今未諸道之職司，是天下之綱，雖然，尚非陛下之所當擇。陛下當擇宰相，而宰相當擇職司耳。天下諸道凡十有七，一道之職司少者三人，而多者不過四人，均之十七道者，其替換迭代不過四五十人也。以士大夫之多，擇四五十人而用之，宜其甚足。今乃不擇賢否而任之，至于有事則更命使者，故臣以爲陛下未知爲政之綱也。夫綱雖大，不知舉，而何教化之能興。故臣願陛下興教化，自擇職司始。而天下可以漸治矣。陛下戒慎天災，震懼日食，淫雨，煖氣，江河之失度，而思開告戒消伏之理，推劉向之傳，考呂氏之紀，夫劉向之說五帝事，各以類感滯于一方，而不得相通。呂氏之書，隨其時月而指其必然之災異，其言皆迂怪而難信。安足爲陛下道哉。臣聞災異之說有二，有可得而推知，其所從來者，有不可得而推知，其所從來者，可得而推

古文國璋集

卷之五十一

十宋文卷三

者人之所爲也。不可得而推考天之所爲也。人之所爲者。不過盜賊竄發于山林。戰敗兵破而不得復。盜賊竄發。是衣食不足。政暴吏苛之罪也。戰敗兵破。是任人不明。將不爲用之過也。至于天之所爲。而旱水溢。蟲蝗霜雹。日食地震星辰隕墜。是安知其所由來哉。譬如人之將病也。五臟失據于中。而變見動于四肢。發于百體。醫者切其脈而觀其色。曰是心病也。肺病也。是皆可也。至于鬼瞞於梁。捐瓦于堂。而動之曰是心也。是肺也。則可乎。要。以。人。之。神。明。精。爽。消。散。而。不。克。是。以。邪。物。得。而。干。之。而。尚。何。擇。乎。心。肺。之。間。哉。古文園瑋集卷之五十一 主 宋 文 卷 三

古之儒者。其論災異。則皆有此弊也。今使國家治強。人民乂安。和氣克實于天地之間。則天爲之明。地爲之靜。三辰爲之光。及其少衰。則天地三辰。皆將虧缺而不寧。頃者水冒京城。日食季夏。江河淮汴破溢爲害。地震生毛。水變赤色。此數事者。使董仲舒劉向之徒出而論之。必將指國政之一二以爲其驗。而臣以爲不然。蓋臣非以爲不爲災也。以爲天地之遠。而至于爲之變動。此非一事之所能致。蓋天下之政。皆失

其中。是以其氣衰弱挫沮而不振。以于是以爲陛下歷數天下之弊。而使陛下盡修之云耳。若正陽之月而伐鼓救變。說者以爲非經。然而要以脅陰助陽。則雖非正陽而不爲失常。盛夏之月而論囚報重。說者以爲非古。然而要以使犯法者無久繫之嘆。而民視爲惡之速及。則雖當盛夏而亦不爲非也。陛下慈四方之未治。而推其源于京師。知濫巧僭差之失度。而欲各爲之節。然而未獲所以禁之術。是以欲先治內。則惑于何以爲京師之言。欲先撻奸。則惑于不撻。古文園瑋集卷之五十一 主 宋 文 卷 三

獄市之說。今陛下任人使爲京兆。如得趙廣漢耶。則安可以不撻獄市而拘其才。如得黃霸耶。則安可以不撻奸而責其效。各隨其才而用之。則可以至于治矣。然臣以爲莫若先之以猛。而終之以寬。頃者陛下之所任。皆能猛矣。而不能寬。皆得其始矣。而不知其所。以爲繼之術。是以京兆之政大則斬戮。小則笞箠。歷歲百餘而終無一人能以仁恕爲治者。故其民狙于刑戮而不知懼。然而不先之以猛。臣又恐仁恕之不能折夫強暴也。陛下深懷偏老之是非。而至于漢

文漢武治亂之際臣聞老子之所以爲得者清淨寡欲而其失也棄仁義絕禮樂儒者之得也尊君卑臣而其失也崇虛文而無實用然而道之可以長行而無弊者莫過於儒術其所以有失者治之過也漢文取老子之所長而行之是以行之而天下豐漢武取儒者之失而用之是以用之而天下弊此儒老得失之辨也昔者周公遭變而作幽詩雖言王業之本而要以自明其身之無罪是以謂之國風宜王北伐其事雖大而其詩非大雅之體是以謂之小雅故夫寬

古文國璋集 卷之五十一
宋文卷三

系敦厚者大雅之風也慷慨勁正者小雅之文也以此推之則可以辨別三代之時財賦之用有司掌之而冢宰特因其歲之由豐上下而制其用度多少之節蓋亦如此而已至于有唐正觀開元之際猶委之郎官其後四方用兵而財用之間亦遂有權時應變之事郎官有所不能辦故立使以主之及其末世使又不能辦則又舉而歸之宰相是以李德裕之徒皆治其事以一有司之職而累天下之宰由此言之則夫陳平韋質之論有不妄矣若夫泉貨之輕重始於

唐景王而後有二品之差命秩之實始於魏武帝而後有六等之號水旱蓄積之備莫如李愬之平羅退陞守禦之方莫如張仁愿之築城固法九府之名自天府太府王府內府外府職內職金職歲職幣皆列職于周官樂語五均之義天子取諸侯之士以爲國均則市不二價其益見于河間獻王之禮此數事者皆非有益于當世之務是以不足深論也伏惟陛下諮謨國事丁寧反覆終而復始不忍捨去故于制策之終則又曰富人強國尊君重朝弭災致祥改薄從

古文國璋集 卷之五十一
宋文卷三

厚此皆前世之急政而當今之要務于大夫其悉意以陳毋悼後患夫陛下丁寧激切至于如此而臣何敢不爲陛下申重其說今陛下憂思天下若此其至而其功不就者豈非無其人哉故耶臣聞求賢不如變俗俗所不悅雖有賢者將不能自立俗苟好之雖天下之人將從風而靡昔太祖好武畧則天下之猛士出而爲之兵太宗好奇謀則天下計畫之士出而爲之慮真宗好文而愛儒則海內無有不學以待上之所使今陛下公卿在朝進趨揖讓文學言語上可

以不愧于古人。而下可以遠過于近世者。以陛下誠好之也。然陛下中夜不寐。起坐而思之。天下之事。所未能舉者。凡有幾何。府庫空虛。入不支出。而不能均兵革。急情。驕而不爲用。而不能制。開田滿野。民食不足。而不能闢。河水歲決。北人受害。而不能救。戎狄放肆。遂取金幣。而不能服。陛下治天下而至使不察。察有如此者。得非陛下所好。非所當用耶。狄仁傑有言。文士中不足快意。要得奇才之士。與共天下。乃進張柬之以代李嶠。蘇味道。而臣亦以爲治天下。當得渾質剛直。不忌不克。不擇劇易之人而任之。如漢之終侯條侯。魏之賈逵鄧艾。晉之。唐之婁師德。郝處俊。得此數人。唯陛下庸。用。致之朝廷之上。則賢人益親。置之邊境之上。則惡言不至。如此人者。陛下豈不欲用之。故臣願陛下。變易所好。以變天下之俗。則當今之文人。皆可使爲朴直之士。陛下何憚而久不爲也。臣本布衣書生。陛下授之以爵祿。而又親策之于廷。陛下譬竭所疑以問之于臣。而臣何敢不盡其中之所懷。以輸之陛下。凡制策之所。以問臣。

者臣謹已直率愚意。竊揣而妄論之矣。才智短淺。不足以塞明詔。無補于聰明之萬一。謹俯伏待罪。然臣之微意。所欲丁寧而致之陛下者。終欲爲陛下畢盡其說。臣聞聖人欲有其富。則保之以儉。欲久其尊。則守之以謙。欲安其佚。則行之以勞。欲得其欲。則濟之以無欲。此四者。聖人之所以盡天下之利。而人不以爲貪。極天下之樂。而不爲人所厭者也。老子曰。聖人以共無私。故能成其私。內是觀之。則夫欲樂其富。而用之以奢者。其富必亡。欲大其尊。而用之以倨者。其尊必替。欲享其佚。而用之以情者。其佚必窮。欲獲其欲。而用之以肆者。其欲必廢。是以聖人處衆人之所惡。而使天下無異辭。然後全享天下之利。而無所失。故夫斥弃金玉。不貴錦繡。非以爲愛財也。畏大臣禮小臣。非以爲尚賢也。雞鳴而起。日昃不食。非以爲集事也。去聲色。放犬馬。非以爲美名也。凡所以溪服天下。而消其爭心焉耳。伏惟陛下覽策之始。以無忘憂懼之心。則又覽其終。以去其太甚。消天下不平之意。二者既行。則大臣之所言者。舉可以漸用。而無弊。

矣。惟陛下慎思之，力行之，無以臣言爲妄。蓋臣之所見，當今天下之事，未有急于此者。陛下幸而留意，天下不勝幸甚。謹對。

臣事策

蘇轍

臣聞天下有權臣，有重臣。二者其迹相近而難明。天下之人知惡夫權臣之爲，而世之重臣亦遂不容于其間。夫權臣者，天下不可一日而有，而重臣者，天下不可一日而無也。天下徒見其外而不察其中，見其皆侵天子之權，而不察其所爲之不類，是以舉皆嫉之，而無所喜。此亦已太過也。今天權臣之所爲者，重臣之所切齒，而重臣之所取者，權臣之所不顧也。將爲權臣邪？必將內悅其君之心，委曲聽順，而無所違。古文園璋集卷之五十一 元宋文苑

戾，外竊其生殺予奪之柄，黜陟天下以見已之權，而沒其君之威惠，內能使其君歡愛悅懌，無所不順，而安爲之上。外能使其公卿大夫百官庶吏無所歸命，而爭爲之腹心。上愛下順，合而爲一。然後權臣之勢遂成而不可拔。至于重臣則不然，君有所爲，不可以必爭，爭之不能，而其事有所必不可聽，則專行而不顧。待其成敗之迹著，則其上之心將繹然而自解。其在朝廷之中，天子爲之趍然而有所畏，士大夫不敢安肆怠惰于其側。爵祿慶賞已得以議其可否，而不

霍子孟稱
而後其式
鄉侯乎

雖言之而
未能信

求以爲己之私惠，刀鋸斧鉞已得以參其輕重，而不
求以爲己之私執，要以使天子有所不可必爲，而群
下有所畏懼，而已不與其利，何者？爲重臣者，不待天
下之歸已，而爲惟臣者，亦無所事天子之畏已也。故
各因其行事而觀其意之所在，則天下誰敢者？臣
故曰：爲天下安可一日而無重臣也？且今使天下而
無重臣，則朝廷之事，惟天子之所爲，而無所可否，雖
使天子有納諫之明，而有官畏懼敬慄，無平昔尊重
之勢，誰肯觸忌諱，冒罪戾而爲天下言者？惟其小小
古文國璋集卷之五十一
得失之際，乃敢上章譴諫，而無所憚。至于國之大事，
安危存亡之所繫，皆將卷舌而去，誰敢發而受其禍？
此人主之所大患也。悲夫！後世之君，徒見天下之權
臣出入唯唯，以其有禮，而不知此乃所以潛潰其國，
徒見天下之重臣，剛毅果敢，喜逆其意，則以爲不遜，
而不知其有社稷之慮，三者淆亂于心，而不能辨其
邪正，是以夷亂相仍而不悟，何足傷也。昔者衛太子
聚兵以誅江充，武帝震怒，發兵而攻之，京師至使丞
相太子相與交戰，不勝而走，又使天下極其所往，而

此亦難七

剪滅其逆，當此之時，苟有重臣出身而當之，擁護太
子，以待上意之所解，徐發其所蔽，而開其所怒，則其
父子之際，尚可得而全也。惟無重臣，故天下皆能知
之，而不敢言，臣愚以爲凡爲天下宜有以養其重臣
之威，使天下百官有所畏忌，而緩急之間，能有所堅
忍持重，而不可奪者，竊觀方今四海無變，非常之事
宜其息而不作，然及今日而慮之，則可以無異日之
患，不然者，誰能知其果無有也，而不爲之計哉？抑臣
聞之，今世之獎，獎在于法禁太密，一舉足不如律令
古文國璋集卷之五十一
法吏且以爲言，而不問其意之所屬，是以雖天子之
大臣，亦安敢有所爲于法令之外，以安天下之大事
故爲天子之計，莫若少寬其法，使大臣得有所守，而
不爲法之所奪，昔申屠嘉爲丞相，至召天子之倖臣
鄧通立之堂下，而詰責其過，是時通幾至于死，而不
救，天子知之，亦不爲怪，而申屠嘉亦卒非漢之權臣，
由此觀之，重臣何損于天下哉？

秦論

蘇轍

秦人居諸侯之地而有萬乘之志。侵辱六國。斬伐天下。不數十年之間而得志于海內。至其後世再傳而遂亡。劉季起于匹夫。斬艾豪傑。屢秦誅楚。以有天下。而其傳子孫數十世而不絕。蓋秦漢之事。其所以起者不同。而其所以取之者。無以相遠也。然劉項奮臂于閭閻之中。率天下蜂起之兵。西嚮以攻秦。無一成之聚。一夫之衆。驅罷弊適戍之人。以求所非望。得之則生。失之則死。以匹夫而圖天下。其勢不得不疾戰。以趨利。是以冒萬死求一生而不顧。今秦擁千里之地。而棄累世之業。雖閉關而守之。畜威養兵。拊循士民。而諸侯誰敢謀秦。觀天下之彙而後出兵。以乘其弊。天下夫誰敢抗。而惠文武昭之君。乃以萬乘之資。而用匹夫所以圖天下之勢。疾戰而不顧其後。此宜其能以取天下。而亦能以亡之也。夫劉項之勢。天下皆非吾有。起于草莽之中。因亂而爭之。故雖馳天下之人。以爭一旦之命。而民猶有待于戡定。以息肩於此。故以疾戰定天下。天下既安。而下無背叛之志。若

古文圖瑋集

卷之五十一

秦文卷三

夫六國之際。諸侯各有分地。而秦乃欲以力征。強服四海。不愛先王之遺黎。第爲子孫之謀。而竭其力以爭隣國之利。六國雖滅。而秦民之心已散矣。故秦之所以謀天下者。匹夫特起之勢。而非所以承祖宗之業。以求其不失者也。昔者嘗聞之。周人之興。數百年而後。至于文武。文武之際。三分天下。而有其二。然商之諸侯。猶有所未服。紂之衆。未可以不擊而自解也。故以文武之賢。退而修德。以待其自潰。誠以爲后稷公劉太王王季勤勞不懈。而後能至于此。故其發之。不可輕而用之。有時也。嗟夫。秦人舉累世之資。一用而不復惜。其先王之澤。已竭于取天下。而尚欲求以爲國。亦已惑矣。

古文圖瑋集

卷之五十一

秦文卷三

唐論

蘇轍

天下之變常伏于其所偏重而不舉之處故內重則爲內憂外重則爲外患古者聚兵京師外無疆臣天下之事皆制于內當此之時謂之內重內重之弊奸臣內擅而外無所忌匹夫橫行于四海而莫之能禁其亂不起于左右之大臣則生于山林小民之英雄故夫天下之重不可使專在內也古者諸侯大國或數百里兵足以戰食足以守而其權足以生殺然後能使四夷盜賊之患不至于內天子之大臣有所畏古文國璋集卷之五十一

宋文卷三

山河之固而不敢校也此二患者皆始于外之不足而無有以制之也至于漢興懲秦孤立之弊乃大封侯王而高帝之世反者九起其遺孽餘烈至于文景而爲淮南濟北吳楚之亂于是武帝分裂諸侯以懲大國之禍而其後百年之間王莽遂得以奮其志于天下而劉氏子孫無復齟齬魏晉之世乃益侵削諸侯四方微弱不復爲亂而朝廷之權臣山林之匹夫常爲天下之大患此數君者其所以制其內外輕重之際皆有以自取其亂而莫之或知也夫天下之重古文國璋集卷之五十一

宋文卷三

在內則爲內憂在外則爲外患而秦漢之間不求其勢之本末而更相懲戒以就一偏之利故其禍循環無窮而不可解也且夫天子之于天下非如婦人猶子之愛其所有也得天下而謹守之不忍以分于此匹夫之所謂智也而不知其無成者未始不自不分始故夫聖人將有所大定于天下非外之有權臣不足以鎮之也而後世之君乃欲去其爪牙剪其股肱而責其成功亦已過矣愚嘗以爲天下之勢內無重則無以威外之疆臣外無重則無以服內之大臣

而絕奸民之心。此二者其勢相持而後成而不可一輕者也。昔唐太宗既平天下，分四方之地，盡以沿邊爲節度府，而范陽朔方之軍皆帶甲十萬，上足以制夷狄之難，下足以備匹夫之亂，內足以禁大臣之變，而其將率之臣常不至于叛者，內有重兵之勢以豫制之也。正觀之際，天下之兵八百餘府，而在關中者五百，舉天下之衆而後能當關中之半。然朝廷之臣亦不至于乘間舉以邀大利者，外有節度之權以破其心也。故外之節度有周之諸侯，外重之勢而易置。

古史國權集卷之五十一

宋文鑑卷三

從命得以擇其賢不肖之才，是以人君無征伐之勞，而天下無世臣暴虐之患。內之府兵有秦之關中，內重之勢，而左右謹飭，莫敢爲不義之行，是以上無逼奪之危，而下無誅絕之禍。蓋周之諸侯內無府兵之威，故陷於逆亂而不能以自止；秦之關中外無節度之援，故脅于大臣而不能以自立。有周秦之利而無周秦之害，形格勢禁，內之不敢爲變，而外之不敢爲亂，未有如唐制之得者也。而天下之士不究利害之本末，猥以成敗之遺踪而論計之得失，徒見開元之

後，強兵之將皆爲天下之大患，而遂以太宗之制爲猖狂不審之計。夫論天下論其勝敗之形以定其法制之得失，則不若窮其所由勝敗之處。蓋天寶之際，府兵四出，萃於范陽，而德宗之世禁兵皆戍趙魏，是以祿山朱泚得至於京師而莫之能禁。一亂塗地，終於昭宗而天下卒無寧歲，內之強臣雖有輔國元振、守澄、士良之徒，而卒不能制唐之命，誅王涯、殺賈餗，自以爲威振四方。然劉從諫爲之一言而震懼自歛，不敢復肆。其後崔昌遐倚朱溫之兵以誅宦官，去天

古史國權集卷之五十一

宋文鑑卷三

下之監軍而無一人敢與抗者，由此觀之，唐之衰其弊在於外重而外重之弊起於府兵之在外，非所謂制之失而後世之不用也。宋懲五代之弊，聚兵於京師，似於內重矣，然汴都既無關中山河之固，而禁軍再世之後化爲虛弱，遂至內外皆輕，強敵一起而外無捍蔽，內難自立矣。公此論亦有見於此。

漢光武論

蘇轍

高帝舉天下後世之重屬之大臣大臣亦盡其心力以報之故呂氏之亂平勃得實力焉誅產祿立文帝若反覆手之易當是時大臣權任之威風流相接至申屠嘉猶召辱鄧通議斬醢錯而文景不以爲忤則高帝之用人其重如此景武之後此風衰矣大臣用舍僅如僕隸武帝之老也將立少主則大臣不可乃委任霍光霍光之權在諸臣右故能翊昭建宣天下莫敢異議至於宣帝雖明察有餘而性本忌克非古文國璋集卷之五十一

宋文卷三

三公守義力爭而不能勝幸而憲以逆謀敗蓋光武不任大臣之張其獎乃見于此其後漢日以衰及其誅閹顯立順帝功出于宦官黜清河王殺李固事成于外戚大臣皆無所與及其末流梁冀之害重天下不能容復假宦官以去之宦官之害極天下不能堪至召外兵以除之外兵既入而東漢之祚盡矣蓋光武不任大臣之禍勢極于此夫人君不能皆賢君有不能而屬之大臣朝廷之正也事出于正則其成多其敗少歷觀古今大臣任事而禍至于不測者必有

古文國璋集卷之五十一

宋文卷三

故也今畏忌大臣而使他人得乘其隙不在外戚必在宦官外戚宦官更相屠滅至以外兵繼之嗚呼殆哉

符堅論

蘇轍

符堅王猛君臣相得以成伯功。雖齊桓管仲不能過也。猛之將死也。堅問以後事。猛曰。晉雖僻處吳越。然正朔相承。親仁善隣。國之寶也。臣沒之後。願勿以晉爲圖。鮮卑羗虜。我之仇讎。終爲人患。宜漸除之。以寧社稷。言終而死。堅不能用。卒大舉伐晉。敗於淝上。歸未及國。而慕容垂叛之。既反國。而姚萇叛之。地分身死。終斃於二人之手。故後世皆多猛之賢。而咎堅之不明。吾嘗論之。堅雖有伯者之畧。而懷無厭之心。以古文園璋集卷之五十一

宋文卷三

於周服侯。服於周。常殷士庸敏。裸將于京。厥作裸。將常服。黼黻文王用人其廣如此。而堅何尤焉。德雖不若文王。而竊慕焉。顧其所以處之何如耳。文武既沒。周公成王之際。殷之遺孽。猶與管蔡間周之隙。曰。子復反。鄙我周邦。故周公既克殷。改封微子於宋。而遷其頑民於洛邑。保釐東郊。作多士而撫寧之。所以慮其變者至矣。至君陳畢公皆迭居成周。而董師之。故康王之命畢公曰。周公毖殷頑民。遷于洛邑。密邇王室。式化厥訓。既歷三紀。世變風移。四方無虞。古文園璋集卷之五十一

宋文卷三

予一人以寧。然猶曰。邦之安危。惟茲殷士。由此觀之。文王之用殷人。豈苟然而已哉。今堅畜養豺虎於其腹心。而貪功務勝。不顧其後。宜其斃於垂耄也哉。使堅信猛之策。南結鄰好。戢兵保境。與民休息。雖有垂耄百人。安能動之。文王雖未可觀。然亦非王猛之所及矣。

代三省祭司馬奉朝文

蘇轍

嗚呼元豐未會。震驚四方。號令所從。惟懼是望。公來自西。會集於廷。搢紳咨嗟。復見老成。太任在位。成王在左。曰子懷傳。誰邱子嗣。白髮蒼顏。三世之臣。不聞相子。義左右民。公出於道。民聚而呼。皆曰吾父。歸歟歸歟。公異其當。遣反洛師。授之宛丘。實將用之。公之來思。岌然特立。身如槁木。心如金石。時當守憂。恭默不言。一二卿士。代天幹旋。事勢如絲。衆比如粉。治亂之幾。間不容髮。公身當之。所恃惟誠。吾民苟安。吾君則寧。以順得天。以信得人。鉅去太甚。復其本源。白髮黃童。織婦耕夫。庶幾休焉。日月以須。公乘安輿。入見延和。裕民之言。之死靡他。將享令宮。百辟咸事。公病於家。臥不時起。明日當齋。公計其間。天以雨泣。都人酸辛。禮成不賀。人識君意。龍哀蟬冠。遂以往。雖公之初來。民執弓矛。逮公永歸。既耕且耜。公雖云亡。其志則存。國有成法。朝有正人。持而守之。有進母隕。匪以報公。維以報君。天子聖明。神母萬年。民不告勳。公志則然。死者復生。信我此言。嗚呼哀哉。尚饗。

時當大字
以公憂不
賀宋之
大臣若此

古文國瑋集

卷之五十一

蘇轍

序公實事文氣振蕩

歷代古文同瑋集卷之五十一終

古文國瑋集

卷之五十一

蘇轍

歷代古文國瑋集卷之

裴西方岳貢禹修評選

宋文

議經費劄子

曾
鞏

臣聞古者以三十年之通制國用、使有九年之蓄、而制國用者必與歲抄、益量入而爲出、國之所不可儉者祭祀也、然不過用數之物、錢則先王養財之意可知矣、益用之有節、則天下雖貧其富易致也、漢唐之始、天下之用嘗屈矣、文帝太宗能用財有節、故公私

古文園集卷之五十一

十
宋文卷十四

有餘所謂天下雖貧其富易致也。用之無節則天下雖富其貧亦易致也。漢唐之盛時天下之用常裕矣。武帝明皇不能節以制度故公私耗竭所謂天下雖富其貧亦易致也。宋興承五代之弊六聖相繼典民休息故生齒既廣而財用有餘。且以景德皇祐治平授之景德戶七百三十萬。皇田一百七十萬頃。皇祐戶一千九十萬。皇田二百二十五萬頃。治平戶一千二百九十萬。皇田四百三十萬頃。天下歲入皇祐治平皆一億萬以上。歲費亦一億萬以上。景德宮一萬

古文國璋集卷之五十一

二、陳文春語

餘員皇祐二萬餘員。治平并募職州縣官三千三百餘員。總二萬四千員。景德效費六百萬。皇祐一千二百萬。治平一千三百萬。以二者按之。官之衆一倍于景德。郊之費亦一倍于景德。官之數不同如此。則皇祐治平入官之門多于景德也。則皇祐治平用財之端多于景德也。誠詔有司按尋載籍而講求其故。使官之數入者之多門可考而知。郊之費用財之多端可考而知。然後各議其可罷者罷之。可損者損之。使天下之人如皇祐治平之盛。而天下之用官之數。效之費皆同于景德。二者所以省者蓋半矣。則又以類而推之。天下之費有約于舊而浮于今者。有約于今而浮于舊者。其浮者必求其所以浮之自而杜之。其約者必本其所以約之由而從之。如是而力行。以歲入一億萬以上計之所省者十之一。則歲有餘財一萬萬。馴致不已。至于所省者十之三。則歲有餘財三萬萬。以三十年之通計之。當有餘財九億萬。可以爲十五年之蓄。自古國家之富。未有及此也。古者官九年之蓄者。計每歲之入存十之三耳。蓋約而言之也。

今臣之所陳亦約而言之。今其數不能盡。同然要其大致。必不遠也。前世于彫敝之時。猶能易貧而爲富。今吾以全盛之勢。用財有節。所以省者一。則吾之一也。其所省者二。則吾之二也。前世之所難。吾之所易。可不論而知也。伏惟陛下。冲靜質約。天性自然。乘輿器服。尚方所造。未嘗用一奇巧。嬪嬙左右。掖廷之間。位號多闕。躬履節儉。爲天下先。所以憂憫元元。更張庶事之意。誠至惻怛。格于上下。其于明法度。以養天下之才。又非陛下之所難也。臣誠不自揆。敢獻其區區之愚。惟陛下裁擇。

古文國瑋集

卷之五十二

三 宋文卷五

復祖制以省浮費。真得節用之本。卽有封疆之事。不能盡如往初。而其餘事之可復古者甚多也。

與孫司封書

曾鞏

運使司封閣下。竊聞儂智高未反時。已奪邕邑地而有之。爲吏者不能禦。因不以告。皇祐三年。邕有白氣起。廷中江水橫溢。司戶孔宗旦以爲兵象。策智高必反。以書告其將陳拱。拱不聽。宗旦言不已。拱怒。詆之曰。司封狂邪。四年。智高出橫山。略其寨人。因其倉庫而大賑之。宗旦又告曰。事急矣。不可以不戒。拱又不從。凡宗旦之于鞏。以書告者七。以口告者多。至不可數度。拱終不可得意。卽載其家走桂州。曰。吾有官守。不得去。吾親毋爲與死。此既行之。二日。智高果反。城中皆應之。宗旦猶力守南門。爲書召鄰兵欲拒之。賊亡。智高得宗旦喜用之。宗旦怒曰。賊汝今立死。吾豈可汚邪。罵不絕口。智高度終不可下。乃殺之。當其初。使宗旦言不廢。則邕之禍必不發。發而吾有以待之。則必無事。使獨有此一善。固不可不旌。况其死節堂堂如是。而其事未白于天下。比見朝廷所寵贈南兵以來。仗節死難之臣。宗旦乃獨不與。此非所謂曲突徙薪無恩澤。焦頭爛額爲上客邪。使宗旦初無一言。

古文國瑋集

卷之五十二

四 宋文卷五

但賊至而能死。不去。固不可以無賞。蓋先事以爲備。全城而保民者。宜責之陳拱。非宗旦事也。今猥令與陳拱同戮。既遺其言。又負其節。爲天下者。賞善而罰惡。爲君子者。樂道人之善。樂成人之美。豈當如是邪。凡南方之事。卒至于破十餘州。覆軍殺將。幾元元之命。竭山海之財者。非其變發于隱伏。而起于倉卒也。內外上下。有職事者。初莫不知。或隱而不言。或忽而不備。苟且偷託。以至于不可禦耳。有一人先能言者。又爲世所侵蔽。令與罪人同罰。則天下之事。其誰復

古文國璋集

卷之五十一

五宋文卷五十一

言邪。問宗旦。非獨以書告陳拱。當時爲使者于廣東西者。宗旦皆歷告之。今彼既不能用。懼重爲已累。必不肯復言。宗旦嘗告我也。爲天下者。使萬事已理。天下已安。猶須力開賢者之路。以防未至之患。況天下之事。其可患者甚衆。而當世之患。莫大于人不能言。與不肯言。而甚者。或不敢言也。則宗旦之事。豈可不汲汲哉。之天下。視聽發揚。褒大其人。以驚動當世。抑宗旦喜學易。所爲注有可采者。家不能有書。而人或所問以易。則貫穿馳騁。至數十家。皆能言其意。事。

古文國璋集

卷之五十一

六宋文卷五十一

毋盡心。貧幾不能自存。好議論。喜功名。華嘗與之接。故頗知之。則其所立。亦非一時偶然發也。世多非其在京東時。不能自重。至爲世所指目。此固一肯。今其所立。亦可賸矣。鞏初聞其死之事。未敢決然信也。前後得言者甚衆。又得其弟自言。而聞祖袁州在廣東。亦爲之言。然後知其事。使雖有小差。要其大槩。不誣也。况陳拱以下。皆覆其家。而宗旦獨先以其親遁。則其有先知之效。可知也。以其性之喜事。則其有先言之效。亦可知也。以聞下好古力學。志樂天下之善。又

方使南方以賞罰善惡爲職。故敢以告。其亦何惜須臾之聽。尺紙之議。博問而極陳之。使其事白。固有補天下不獨一時爲宗旦發也。伏惟少留意焉。如有台願。賜還答。不宣。
層折往復。不欲沒人之善。如此可與昌黎書張巡傳後文及河東段太尉逸事相伯仲

補者之文
亦不覺其
迂腐

戰國策目錄序

曾 華

劉向所定戰國策三十三篇崇文總目稱十一篇者
闕臣訪之士大夫家始盡得其書正其誤謬而疑其
不可考者然後戰國策三十三篇復完叙曰向叙此
書言周之先明教化修法度所以大治及其後謀論
用而仁義之路塞所以大亂其說既美矣卒以謂此
書戰國之謀士度時君之所能行不得不然則可謂
臧于流俗而不篤于自信者也夫孔孟之時去周之
初已數百歲其舊法已亡舊俗已壞久矣二子乃獨
古文國策集卷之五十二
明先王以謂不可改者豈將強天下之主以後世之
不可為哉亦將因其所遇之時所遭之變而為當世
之法使不失乎先王之意而已二帝三王之治其變
固殊其法固異而其為國家天下之意本末先後未
嘗不同也二子之道如是而已蓋法者所以適變也
不必盡同道者所以立本也不可不一此理也不易
者也故二子者守此豈好為異論哉能勿苟爾已矣
可謂不惑乎流俗而篤于自信者也戰國之遊幸則
不然不知道之可信而樂于說之易合其設心注意

論戰國之
大亦足以
服其人

偷為一切之計而已故論詐之作而諱其敗言戰之
善而蔽其患其相率而為之者莫不有利焉而蔽其
患其相率而為之者莫不有利焉而不勝其害也有
得焉而不勝其失也卒至蘇秦商鞅孫臏吳起李斯
之徒以亡其身而諸侯及秦用之者亦滅其國其為
世之大禍明矣而俗猶莫之寤也惟先王之道因時
適變為法不同而考之無疵用之無弊故古之聖賢
未有以此而易彼也或曰邪說之害正也宜放而絕
之則此書之不共其可乎對曰君子之禁邪說也固
將明其說于天下使當世之人皆知其說之不可從
然後以禁則齊使後世之人皆知其說之不可為然
後以戒則明豈必滅其籍哉放而絕之莫善于是以
以孟子之書有為神農之言者有為墨子之言者皆
著而非之至于此書之作則上繼春秋下至楚漢之
起二百四十五年之間載其行事固不可得而廢也
此書有高誘注者二十一篇或曰二十二篇崇文總
目存者八篇今存者一篇

李白詩集後序

曾華

李白詩集二十卷。舊七百若干篇。今九百若干篇者。知制誥常山宋敏求次道之所廣也。次道既以類廣白詩自爲序。而未考次其作之先後。余得其書。乃考其先後。而次第之。蓋白蜀郡人。初隱岷山。出居襄漢之間。南游江淮。至楚觀雲夢。夢許氏者。高宗時宰相。圉師之家也。以女妻白。因留雲夢者三年。去之齊魯。居徕山竹溪。入吳。至長安。明皇聞其名。召見。以爲翰林供奉。頃之不令去。北抵趙魏燕晉。西抵岐邠。

古文圖彙

卷之五十二

宋文卷三

歷商於。至洛陽。游良最久。復之齊魯。南游淮泗。再入吳。轉徙金陵。上秋浦。溥陽。天寶十四載。安祿山反。明年明皇在蜀。永王璣節度東南。白時臥廬山。璣迫致之。璣軍敗丹陽。白奔亡。至宿松。坐繫溥陽獄。宜撫大。使崔渙與御史中丞宋若思。駭治白。以爲罪薄。宜賞。而若思軍赴河南。遂釋白。因使謀其軍事。上書肅宗。薦白材可用。不報。是時白年五十有七矣。乾元元年。終以汚璣事。長流夜郎。遂落洞庭。上峽江。至巫山。以赦得釋。越岳陽江。久之。復如溥陽。過金陵。徘徊于。

歷陽宣城二郡。其族八陽水爲當塗令。白過之以病。

卒年六十有四。是時寶應元年也。其始終所更涉如。

此。此白之詩書所自序可考者也。范傳正爲白墓誌。

稱白偶乘扁舟。一日千里。或遇勝景。終年不移。則見。

于白之自叙者。蓋亦其略也。舊史稱白山東人。爲翰。

林待詔。又稱永王璣節度揚州。白在宣城謁見。遂辟。

爲從事。而新書又稱白流夜郎。還溥陽。坐事下獄。宋。

若思釋之者。皆不合白之自叙。蓋史誤也。白之詩連。

類引義。雖中于法度者寡。然其辭閑肆。爲偉。殆騷人。

古文圖彙

卷之五十二

宋文卷三

所不及近世所未有也。舊史稱白有逸才。志氣宏遠。飄然有超世之心。余以爲實錄。而新書不著其語。故錄之。使覽者得詳焉。

詮次實事簡淨有法序之最佳者

范貫之奏議集序

曾 鞏

聖判三班院上疏議經費神宗以為世之言理財者未有及此者也甚嘉貫之

尚書戶部郎中直龍圖閣范公貫之之奏議凡若干篇其子世京集為十卷而屬余序之蓋自至和以後十餘年間公嘗以言事任職自天子大臣至于群下自掖廷至于四方幽隱一有得失善惡關於政理公無不極意反復為上力言或駭拂情欲或切劘計處或辨別忠佞而處其進退章有一再或至于十餘上事有以爭獨陳或悉引諫官御史合議肆言仁宗嘗古文圖瑋集卷之五十二 宋文鑑卷五十二 虛心采納為之變命令更廢舉近或立從遠或越月逾時或至于其後卒皆聽用蓋當是時仁宗在位歲久熟于人事之情僞與群臣之能否方以仁厚清靜休養元元至于是非予奪則一端之公議而不自用也其所引拔以言為職者如公皆一時之選而公與同時之士亦皆樂得其言不曲從苟止故天下之情因得畢聞于上而事之害理者常不果行至于奇豪恣睢有為之者亦輒敗悔故當此之時常委事七八大臣而朝政無大缺失群公奉法遵職海內又安夫

固人而不自用者天也仁宗之所以其仁如天至于享國四十餘年能承太平之業者繇是而已後世得公之遺文而論其世見其上下之際相成如此必將低回感慕有不可及之嘆然後知其時之難得則公言之不沒豈獨見其志所以明先帝之盛德于無窮也公為人溫良慈恕其從政寬易愛人及在朝廷危言正色人有所不能及也凡同時與公有言責者後多至大官而公獨早卒公諱師道其世次州里歷官行事有今資政殿學士趙公忭為公之墓銘云

古文圖瑋集卷之五十二

宋文鑑卷五十二

曾君文有迂重之患而此作獨圓亮秀潔本原君德更有宏製

先大人集後序

曾鞏

公所爲書號仙鳬羽翼者三十卷。西陲要紀者十卷。清遠前要五十卷。廣中台志八十卷。爲臣要紀三卷。四聲韻五卷。總一百七十八卷。皆刊行于世。今類次詩賦書奏一百二十二篇。又自爲十卷藏于家。方五代之際。儒學旣擯焉。後生小子治術業于閭巷。文多淺近。是時公雖少所學。已皆知治亂得失興壞之理。其爲文閎深雋美而長于諷諭。今類次樂府已下是也。宋旣平天下。公始出仕。當此之時。太祖太宗已綱

古文國璋集

卷之五十二

主

宋文卷五十二

紀大法矣。公于是勇言當世之得失。其在朝廷疾當事者不忠。故凡言天下之要。必本天子憂憐百姓勞心萬事之意。而推大臣從官執事之人。觀望懷奸。不稱天子屬任之心。故治久未治。至其難言。則人有所不敢言者。雖屢不合而出。而所言益切。不以利害禍福動其意也。始公尤見奇于太宗。自光祿寺丞越州監酒稅召見。以爲直史館。遂爲兩浙轉運使。未久而真宗卽位。益以材見知。初試以知制誥。及西兵起。又以爲自陝以西經略判官。而公嘗切論大臣當時皆

古文國璋集

卷之五十二

主

宋文卷五十二

不悅。故不果用。然真宗終感其言。故爲泉州未盡一歲。拜蘇州。五日又爲揚州。將復召之也。而公于是時又上書語斥大臣尤切。故卒以齟齬終公之言。其大者以自唐之衰。民窮久矣。海內旣集。天子方脩法度而用事者尚多煩碎。治財利之臣又益急。公獨以謂宜遵簡易。罷筦榷以與民休息。塞天下望。祥符初四方爭言符應。天子因之遂用事泰山祠汾陰。而道家之說亦滋甚。自京師至四方皆大治官觀。公益諍以謂天命不可專任。宜絀奸臣脩人事。反覆至數百千言。嗚呼。公之盡忠。天子之受盡言。何必古人。此非傳之所謂主聖臣直者乎。何其盛也。何其盛也。公在兩浙奏罷苛稅二百三十餘條。在京西又與三司爭論免民租釋逋負之在民者。蓋公之所試如此。所試者大其庶幾矣。公所嘗言甚衆。其在上前及書亡者蓋不得而集。其或從或否。而後常可思者。與歷官行事。廬陵歐陽脩公已銘公之神。特詳焉。此故不論論其不盡載者。公卒以齟齬終。其功行或不得在史氏記。籍今記之。當時好公者少。史其果可信歟。後有君子

欲推而考之。讀公之碑與書。及予小子之序其意者。具見其表裏。其于虛實之論可覈矣。公卒乃贈諫議大夫。姓曾氏諱某。南豐人。叙其書者公之孫輩也。與范貫之奏議序命意相類。而中間所次詳略極有體裁。

送趙宏序

曾鞏

荆民與蠻合爲寇。潭旁數州被其害。天子宰相以譚重鎮守。臣不勝任。爲用人。又不勝復改之。守至上書乞益兵。詔與撫兵三百。縱直天水趙君希道實護以往。希道雅與余接。間過余道潭之事。余曰。潭山川甲兵如何。食幾何。賊衆寡強弱如何。余不能知。能知書耳。書之載若潭事多矣。或合數道之兵以數萬絕山谷而進。其勢非不衆且徙也。然而卒熾焉者多矣。或單車獨行。然而以克者相踵焉。顧其義信何如耳。

致吾義信。雖單車獨行寇可以爲無事。龔遂張綱視良之類是也。義信不足以致之。雖合數道之兵以數萬卒熾焉適重寇耳。况致平耶。楊旻裴行立之類是也。則兵不能致平。致平者在太守身耳。明也。前之守者果能此。天子宰相烏用易之。必易之爲前之守者不能此也。今往者復曰乞益兵。何其與書之云者異耶。予憂潭民之重困也。寇之益張也。往時潭吏與旁近郡斡力勝賊者。暴骸者戮降者有之。今之往者將特不爲是而已耶。抑猶不免乎。是也。天子宰相任

之意其然耶。潭守近侍臣使撫謁潭者。郎吏御史。博士相望爲我。諗其賢者曰。今之言古書。往往曰。迂。然書之事。乃已試者也。師已試而施諸治。與時人之自用孰爲得失耶。愚言倘可以平潭之患。今雖細。然大中咸通之間。南方之憂。嘗劇矣。夫豈階于大哉。爲近臣郎吏御史。博士者。獨得而不思也。希道固喜事者。因其行。遂次第其語以送之。

言潭事殊得要領

古文園璋集卷之五十二

七 宋文卷五

送江任序

曾鞏

均之爲吏。或中州之人。用于荒遠僻境。山區海聚之間。蠻夷異域之處。或燕荆越蜀。海外萬里之人。用于中州。以至四遐之邦。相易而往。其山行水涉。沙莽之馳。往往則風霜冰雪。瘴霧之毒。之所侵加。蛟龍虺蜴。虎豹之群。之所抵觸。衝波急湫。隕崖落石。之所覆壓。其進也。莫不簾糧舉藥。選舟易馬。力兵曹伍。而後動。戒朝奔夜。變更寒暑。而後至。至則官廬器械。衣服飲食之具。土風氣候之宜。與夫人民風謠。語言習尚之務。其變難遵。而其情難得也。則多愁居惕處。歎息而思歸。及其久也。所習已久。所蔽已解。則歲月有期。可引而去矣。故不得專一精思。脩治具以宣布天子。天下之仁。而爲後世可守之法也。或九州之人。各用其土。不在西封。在東境。土不必勤。舟車與馬不必力。而已傳其邑都。坐其堂奧。道塗所次。升降之倦。衝冒之虞。無有接于其形。動于其慮。至則耳目口鼻百體之所養。如不出乎其家。父兄六親故舊之人。朝夕相見。如不出乎其里。山川之形。上田市井風謠習俗。靡

古文園璋集卷之五十二

宋文卷五

名爲歷城爲信然也。今濼上之北堂其南則歷山也。故名之曰歷山之堂。按圖泰山之北與齊之東南諸谷之水西北匯于黑水之灣。又西北匯于柏崖之灣。而至于渴馬之崖。蓋水之來也衆其北所而西也悍疾尤甚。及至于崖下則泊然而止。而自崖以北至于歷城之西蓋五十里而有泉湧出高或至數尺其旁之人各之曰趵突之泉。齊人皆謂常有棄糠于黑水之灣者而見之于此蓋泉自渴馬之崖潛流地中而至此復出也。趵突之泉冬溫泉旁之蔬甲經冬常榮。

古文國庫集卷之五十二
主宋文卷三

故又謂之溫泉其注而北則謂之濼水達于清河以入于海舟之通于濟者皆于是乎出也。齊多甘泉冠于天下其顯名者以十數而色味皆同以予驗之蓋皆濼之旁出者也。濼水常見于春秋魯桓公十有八年公及齊侯會于濼杜預釋在歷城西北入濟水濟自王莽時不能被河南而濼水之所入者清河也。預蓋失之今濼上之南堂其西南則濼水之所出也故名之曰濼源之堂。夫理使客之館而辨其山川者皆太守之事也故爲之識使此邦之人尚有考焉。熙寧六年二月巳丑記。



子固之筆長于引故實考同異故作此等文最佳是記直有郡道元之風非宋人所能望也

襄州宜城縣長渠記

曾 華

荆及康狼楚之西山也。水出二山之間東南而流。春秋之世曰鄢水。左丘明傳魯桓公十有三年楚屈瑕伐羅及鄢。亂次以濟是也。其後曰夷水。水經所謂漢水又南過宜城縣東夷水注之是也。又其後曰蠻水。鄢道元所謂夷水避桓溫父名改曰蠻水是也。秦昭王三十八年使白起將攻楚去鄢百里立碣。壅是水為渠以灌鄢。鄢楚都也。遂拔之。秦既得鄢以為縣。漢惠帝三年改曰宜城。宋孝武帝永初元年築宜城之古文國璋集卷之五十三 渠水卷五十三

大隄為城一縣治是也。而更謂鄢曰故城。鄢入秦而自起所為渠因不廢。引鄢水以灌田。田皆為沃壤。今長渠是也。長渠至宋至和二年久壞不治。而田數苦旱。州欲者無所取。令孫永曼叔率民田渠下者理渠之壞塞而去其淺隘。遂完故碣。使還渠中。自二月丙午始作。至三月癸未而畢。田之受渠水者皆復其舊。曼叔又與民為約束。時其蓄泄而止其侵爭。民皆以為安也。蓋鄢水之出西山。初渠於無用。及白起資以灌是而後世賴其利。鄢道元以為溉田三千餘頃。

至今千有餘年。而曼叔又舉衆力而復之。使竄渠之民足食而共飲。其餘粟散於四方。蓋水出於西山。諸谷者其源廣而流於東南者其勢下。至今千有餘年而山川高下之形勢無改。故曼叔得因其故迹。興於既廢。使水之源流與地之高下一有易於古。則曼叔雖力亦莫能復也。夫水莫大於四瀆。而河益數徙失禹之故道。至於濟水。又王莽時而絕。況於衆流之細。其通塞豈得而常。而後世欲行水溉田者。往往務躡古人之遺跡。不考夫山川形勢古今之同異。用力多而成功少。是亦其不思也。歟。初曼叔之復此渠。自其事於知襄州事張瓌唐公。公聽之不疑。沮止者不用。故曼叔能以有成。則渠之復自夫二人者也。方二人者之有為。蓋將任其職。非有求於世也。及其後言渠碣者。雖出然其心蓋或有求。故多詭而少實。獨長渠之刊較然。而二人者之志愈明也。熙寧六年余為襄州過京師。曼叔時為開封訪余於東門。為余道長渠之事。而諫余以考其約束之廢舉。余至而問焉。民皆以為賢君之約束相與守之。傳數十年如其初也。子

古文國璋集卷之五十三

渠水卷五十三

爲之定著令上司農八年曼叔去開封爲汝陰始以書告之而是秋大旱獨長渠之田無害也夫宜知其山川與民之利害者皆爲州者之任故子不得不盡以告後之人而又使之知夫作之所以始也曼叔今爲尚書兵部郎中龍圖閣直學士八月丁丑記
既詳鄢水之木末而發明水利之不可泥古尤爲通識

撫州顏魯公祠堂記

曾鞏

贈司徒魯郡顏公諱真卿事唐爲太子太師與其從父兄杲卿皆有大節以歿至今雖小夫婦人皆知公之爲烈也初公以忤楊國忠斥爲平原太守策安祿山必反爲之備祿山既舉兵與常山太守杲卿伐其後賊之不能直闕潼關以公與杲卿撓其勢也在肅宗時數正言宰相不悅斥去之又爲御史唐旻所搆連輒斥李輔國遷太上皇居西宮公首率百官請問起居又輒斥代宗時與元載爭論是非載欲有所壅蔽公極論之又輒斥楊炎盧杞既相德宗益惡公所爲連斥之猶不滿意李希烈陷汝州杞卽以公使希烈希烈初慚其言後卒縊公以歿是時公年七十有七矣天寶之際久不見兵祿山既反天下莫不震動公獨以區區平原遂折其鋒四方聞之爭奮而起唐卒以振者公爲之倡也當公之開土門同日歸公者十七郡得兵二十餘萬由此觀之苟順且誠天下從之矣自此至公歿垂三十年小人繼續任政天下日入於弊大盜繼起天子輒出避之唐之在朝臣多已

怯觀望能居其間一忤於世失所而不自悔者寡矣
至於再三忤於世失所而不自悔者蓋未有也若至
於起且仆以至於七八遂歿而不自悔者則天下一
人而已若公是也公之學問文章往往雖於神僭浮
屑之說不皆合於理及其奮然自立能至於此者蓋
天性然也故公之能處其死不足以觀公之大何則
及至於勢窮義有不得不死雖中人可勉焉况公之
自信也歟維歷忤大奸顛跌撼頓至於七八而終始
不以灰生禍福爲秋毫顧慮非篤於道者不能如此

古文國學集卷之五十二 宋文卷五十二

此足以觀公之大也夫世之治亂不同而士之去就
亦異若伯夷之清伊尹之任孔子之時彼各有義夫
既自比於古之任者矣乃欲瞻顧回隱以市於世其
可乎故孔子惡鄙夫不可以事君而多殺身以成仁
者若公非孔子所謂仁者歟今天子至和三年尚書
都官郎中知撫州薛君某尚書屯田員外郎通判海
州林君某相與慕公之烈以公之嘗爲此邦也遂爲
堂而祠之既成二君過子之家而告之曰願有述夫
公之赫赫不可盡者固不繫於祠之有無蓋人之嚮

往之不足者非祠則無以致其至也聞其烈足以感
人况拜其祠而親炙之者歟今州縣之政非法令所
及者世不復二君獨能追公之節尊而事之以風示
當世爲法令之所不及是可謂有志者也

其議論深入而激出要其足以聳人視聽而已
又曰歐陽公於王彥章之忠則略之而獨言其善
出奇曾子固於顏魯公之捍賊則略之而獨言忤
奸而不悔此是文之微顯闡幽處

古文國學集卷之五十二 宋文卷五十二

越州趙公救苗記

曾鞏

熙寧八年夏吳越大旱九月資政殿大學士右諫議大夫知越州趙公前民之未饑爲書問屬縣苗所被者幾鄉民能自食者有幾當廩於官者幾人溝防權築可饑民使治之者幾所庫錢倉粟可發者幾何富人可募出粟者幾家僧道士食之羨粟書於籍者其幾具存使各書以對而謹其備州縣吏錄民之孤老疾弱不能自食者二萬一千九百餘人以告故事歲廩窮人當給粟三千石而止公歛富人所輸及僧道士食之羨者得粟四萬八千餘石佐其費使自十月朔人受粟日一升幼小半之憂其衆相蹂也使受粟者男女異日而人受二日之食憂其且流亡也於城市郊野爲給粟之所凡五十有七使各以便受之而告以去其家者勿給計官爲不足用也取吏之不在職而寓於境者給其食而任以事不能自食者有是具也能自食者爲之告富人無得閑驅又爲之出官粟得五萬二千餘石平其價與民爲糶粟之所凡十有八使糶者自便如受粟又饑民完城四千一百丈

救荒莫如
千石穀價
其是也
給粟之

古文國璋集

卷之

五

古文國璋集

卷之

五

爲工三萬八千計其傭與錢又與粟而倍之民取息錢者告富人縱予之而待熟官爲責其償棄男女者使人得收養之明年春大疫爲病坊處疾病之無歸者募僧二人屬以視醫藥飲食令無失所時凡死者使隨處收瘞之法廩窮人盡三月當止是歲盡五月止而事有非便文者公一以自任不以煩其屬有上請者或便宜多輒行公於此時早夜憊心力不少懈事鉅細必躬親給病者藥食多出私錢民不幸罹旱疫得免於轉死雖死得無失歛理皆公力也是時早疫被於吳越民饑饉疾癘死者殆半苗未有鉅於此也天子東向憂勞州縣推布上恩人人盡其力公所拊循民尤以爲得其依歸所以經營緩輟先後始終之際委曲纖悉無不備者其施雖在越其仁足以示天下其事雖行於一時其法足以傳後蓋苗沴之行治世不能使之無而能爲之備民病而後圖之與夫先事而爲計者則有間矣不習而有爲與夫素得之者則有間矣予故采於越得公所推行樂爲之識其詳豈獨以慰越人之思將使吏之有志於民者不幸

而遇歲之苗，推公之所已試，其科條可不待頌而具。則公之澤豈小且近乎？公元豐二年，以大學士加太子少保，致仕家於衢。其直道正行在於朝廷，豈弟之實在於身者，此不著。著其荒政可師者，以爲越州趙公收苜記云。

平序而已。然述冗事而得徑直最爲佳文。

救災議

曾華

河北地震水災，壞城郭，壞廬舍，百姓暴露乏食，主上憂憫，下緩刑之。今遣拊循之使，恩甚厚也。然百姓患於暴露，非錢不可以立屋廬；患於乏食，非粟不可以飽。二者不易之理也。非得此二者，雖主上憂勞於上，使者旁午於下，無以救其患，塞其求也。有司建言請發倉廩與之粟，壯者人日二升，幼者人日一升，主上不旋日而許之，賜之可謂大矣。然有司之所言，特常行之法，非審計終始，見於衆人之所未見也。今河北

地震水災，所毀敗者甚衆，可謂非常之變也。遭非常之變者，亦必有非常之恩。然後可以賑之。今百姓暴露乏食，已廢其業矣。使之相率日待二升之廩於上，則其勢必不暇乎他焉。是農不復得修其畝，商不復得治其貨，賄工不復得利其器用，閒民不復得轉移執事，一切棄百事而專意於待升合之食，以偷爲性命之計。是直以餓殍之養養之而已，非深思遠慮爲百姓長計也。以中戶計之，戶爲十人，壯者六人，月當受粟三石六斗，幼者四人，月當受粟一石二斗，率

一戶月當受粟五石。難可以久行也。則百姓何以贖其後。久行之則被水之地。既無秋成之望。非至來歲麥熟。賑之未可以罷。自今至於來歲麥熟。凡十月一戶當受粟五十石。今被災者十餘州。州以二萬戶計之。中戶以上及非災害所被。不仰食縣官者去其半。則仰食縣官者爲十萬戶。食之不遍。則爲施不均。而民猶有無告者也。食之徧。則當用粟五百萬石而足。何以辦此。又非深思遠慮爲公家長計也。至於給授之際。有淹速有均否。有真僞。有會集之擾。有辨察之煩。厝置一差。皆足致弊。又群而處之。氣久蒸薄。必生疾病。此皆必至之害也。且此不過能使之得旦暮之食耳。其於屋廬構築之費。將安取哉。屋廬構築之費。既無所取。而就食於州縣。必相率而去其故居。雖有頽墻壞屋之尚可完者。故材舊瓦之尚可因者。什器衆物之尚可賴者。必棄之而不暇顧。甚則殺馬牛而去者有之。伐桑棗而去之者有之。其害又可謂甚也。今秋氣已半。霜露方始。而民露處不知所蔽。蓋流亡者亦已衆矣。如是不可止。則將空近塞之地。空近塞

之地。失戰鬪之民。此衆士大夫之所慮。而又可謂無患者也。空近塞之地。失耕桑之民。此衆士大夫所未慮。而患之尤甚者也。何則。失戰鬪之民。異時有警。邊戍不可以不增。爾失耕桑之民。異時無事。邊糴不可以不貴矣。二者皆可不深念歟。萬一或出於無聊之計。有窺倉庫。盜一囊之粟。一束之帛者。彼知已負有司之禁。則必鳥駭鼠竄。竊弄鋤挺於草茅之中。以杆游徼之吏。強者既驚而動。則弱者必隨而聚矣。不幸或連一二城之地。有枹鼓之警。國家胡能晏然而已乎。況夫外有夷狄之可慮。內有郊社之將行。安得不防之於未然。銷之於未萌也。然則爲今之策。下方糴之詔。賜之以錢五十萬貫。貸之以粟一百萬石。而事足矣。何則。令被災之州爲十萬戶。如一戶得粟十石。得錢五千。下戶常產之資。平日未有及此者也。彼得錢以完其居。得粟以給其食。則農得修其畝畝。商得治其貨賄。工得利其器用。閒民得轉移執事。一切得復其業。而不失其常生之計。與專意以待二升之糜於上。而勢不暇乎他爲。豈不遠哉。此可謂深思遠慮

爲百姓長計者也。由有司之說。則用十月之費。爲粟五百萬石。由今之說。則用兩月之費。爲粟一百萬石。况貸之於今而收之於後。足以賑其艱乏。而終無損於儲峙之實。所實費者。錢五鉅萬貫而已。此可謂深思遠慮。爲公家長計者也。又無給授之弊。疾癘之憂。民不必去其故居。苟有頽墻壞屋之尚可完者。故材舊瓦之尚可因者。什器衆物之尚可賴者。皆得而不失。况於全牛馬。係桑棗。其利又可謂甚也。雖寒氣方始。而無暴露之患。民安居足食。則有樂生自重之心。

古文園璋集卷之五十二

宋文卷五十二

各復其業。則勢不暇乎他爲。雖驅之不去。誘之不爲盜矣。夫饑歲聚餓殍之民。而與之升合之食。無益於救災補敗之數。此常行之弊法也。今破去常行之弊法。以錢與粟一舉而賑之。足以救其患。復其業。河北之民聞詔令之出。必皆喜上之足賴。而自安於畝畝之中。負錢與粟而歸。與其父母妻子。脫於流亡轉死之禍。則戴土之施。而懷欲執之心。豈有已哉。天下之民。聞國家厝置如此。恩澤之厚。其孰不震動感激。欲至上之義於無窮乎。如是而人和不可致。天意不可

說者未之有也。人和洽於下。天意悅於上。然後玉輅徐動。就陽而郊。荒夷殊陬。奉幣來享。疆內安輯。里無囂聲。豈不適變於可爲之時。消患於無形之內乎。此謂審計終始。見於衆人之所未見也。不早出此。或至於一有枹鼓之警。則雖欲爲之。將不之矣。或謂方今錢粟恐不足以辦此。夫王者之富藏之於民。有餘則取不足。則與。此理之不易者也。故曰百姓足。君孰與不足。百姓不足。君孰與足。蓋百姓富實。而國獨貧。與百姓餓殍而上獨能保其富者。自古及今。未之有也。

古文園璋集卷之五十二

宋文卷五十二

故又曰不患貧而患不安。此古今之至戒也。是故古者二十七年耕有九年之畜。足以備水旱之災。然後謂之王政之成。唐水湯旱而民無捐瘠者。以是故也。今國家倉庫之積固。不獨爲公家之費而已。凡以爲民也。雖倉無餘粟。庫無餘財。至於救災補敗。尚不可緩已。况今倉庫之積尚可以用。獨安可以過憂將來之不足。而立視夫民之死乎。古人有曰剪爪宜及膚。割髮宜及體。先王之於救災。髮膚尚無所愛。况外乎。且今河北州軍凡三十七。災害所被十餘州。軍而已。

他州之田秋稼足望。今有司於糴粟常價斗增一二
十錢。非獨足以利農。其於增糴一百萬石易矣。斗增
一二十錢。吾權一時之事。有以爲之耳。以實錢給其
常價。以茶荈香藥之類。佐其虛估。不過捐茶荈香藥
之類。爲錢數鉅萬貫。而其費已足。茶荈香藥之類。與
百姓之命孰爲可惜。不待議而可知者也。夫費錢五
鉅萬貫。又捐茶荈香藥之類。爲錢數鉅萬貫。而足以
救一時之患。爲天下之計。利害輕重。又非難明者也。
顧吾之有司。能越拘攣之見。破常行之法。與否而已。

古文國璋集

卷之

宋文卷之四

此時事之急也。故述斯議焉。

當時趙公於越州。富公於青州。荒政最爲精密。然
官不大費。而民受實惠者。無如此議爲長策。蓋宋
時各路有轉運使。常平倉。故其事尤易行也。

古文國璋集卷之

歷代古文國璋集卷之五十三

宋文

論清野之利疏

畢仲游

一河外三州及諸靠邊堡寨屯戍之數。除軍馬司外。
多者數千。少者不減五七百人。馬若西賊小小入寇。
即逐城寨地分將校。自可掩殺驅逐。若舉大衆作過。
勢力非敵。即當起遣人戶入保。爲清野之計。清野之
計。朝廷行之已久。而昨來西賊至麟州城下。殺掠人
畜。焚蕩廬舍。未見清野之效者。由清野之計雖行。而
清野之具未甚完備。今麟府之地。守禦城寨大小共
一十五處。若賊伺間竊發。其有居處近城寨之人。方
可起遣。今赴城寨入保。不幸居處窮遠。起遣赴城寨
不及。則必被殺掠驅虜。斥候明遠。恐亦未免此患。如
更斥候不明。何所回避。今若依近日邊臣計議。欲增
築護耕小堡。使人戶居處。自爲捍禦。不惟增築數目
不少。工力浩大。兼不設樓櫓。不爲壕塹。不置矢石。人
戶團聚。其由無以捍禦賊過。平蕩只頃刻間耳。恐亦

非清野之具。勘會麟府州界。除見今城寨外。舊別有宣威一寨。瑠瑠懷來。青塞。永寧。雅爾。河濱。六堡。皆在見今城寨之間。訪聞自康定後來。以平日無事。節次廢罷。今雖無樓櫓。而城壘尚在。縱有頽缺。亦易爲補築。若稍施工。力完葺。便可却爲堡寨。兼府州界內靖化。西安兩堡。麟州界內肅定。神木。惠寧三堡。樓櫓粗完。見各量屯人馬。亦有使臣管勾。即不爲守禦之計。遇有緩急。却令使臣人馬。與居民棄城而走。赴其它城寨。謂之走寨。甚無謂也。昨來人馬入界。上伴五寨。

亦有棄而走者。中路與賊馬相逢。多被殺虜。走寨爲計。蓋亦疏畧。臣今體量。欲乞將前項補築宣威寨等七處。并走寨五處。並爲守禦。唯麟州界橋子塢上。作地分四面。各去城寨稍遠。舊無廢寨。乞踏逐別添築兩小堡子。皆置使臣一員。畧均那他寨內人馬。分在宣威寨等處屯泊。大約逐處人兵。滿百數。馬近三十匹。則足矣。却每寨更令側近蕃巡檢。或蕃官一兩員。帶領部移就寨城內住坐。共爲守禦之計。既不苦增添人馬。又側近蕃巡檢等部族住坐。常爲家計自備。

口食絕無供餉之費。其改走寨爲守寨。補築已廢之寨。及添修堡子。只是准備人戶入保。爲清野之計。非用扼控賊衝。自有橫陽靜差。銀城神木。神堂鎮。川關。千通。津建。寧安。豐寧。府百勝。河濱。斥候等一十二堡。寨。是扼控之地。所以不消多屯人馬。改走寨爲守寨。既苦無費用。補築已廢之寨。與添修小堡子。亦工力不多。却于麟府二州之間。比舊又增起十四堡寨。可以守禦。今人戶就近入保。利益不細。仍乞將麟府二州與扼控舊堡寨。及增起新堡。各分定地分。每處四

面約遷十里。至十五里。側近內蕃漢人戶。今入城居住。蓋麟府二州界。至不甚濶遠。地多山阪沙磧。人戶稀少。可以就近遷入城寨之中。內有城寨狹小。恐着人戶不盡。即令城外靠城居住。及繫泊羊馬。却築收軍城以護之。俗謂之羊馬城。其制約高一丈。厚四五尺。上亦有女牆箭窓。修築之時。牆外自城壕塹。亦置門戶。隨寨門啓閉。老幼常居其中。資畜自隨。丁壯即就往所分墾地。分內耕種牧放。晨出暮歸。別無妨礙。如遇緩急。即所分墾地分。至近頃刻已到城寨之中。

小冠至。則收軍城內。人戶更不遷徙。丁壯與官軍同共禦捍掩殺。大冠至。即由收軍城中徐入城寨。比之布在四遠。星散居止。都無捍禦之備。賊寇欲至。方始起遣。不免被殺掠驅虜者。功相百也。不待斥堠而野常清。其利有五。羗人不善攻城。其入寇也。本亦不爲攻城之計。特以人戶散居山野。牛羊資畜。處處有之。故舉衆而來。先以重兵圍守要害城寨。使兵不得出。然後四散野掠。驅虜老幼資畜。因而殺人焚蕩廬舍。今既老幼資畜。先依城寨。丁壯亦只往側近耕種。緩急冠至。獲時亦歸城寨之中。賊馬雖來。野無所掠。絕其大寇之源。冠宜不至。一利也。老幼資畜。既先在城寨。丁壯出外耕種。其心自安。緩急冠至。又入城寨。同爲捍禦。既有老幼資畜。累其心。城守之堅。必十倍于往昔。二利也。平日所患。戍兵多則困于供饋。戍兵少則不足以捍禦。今若漢蕃人戶。既遷就城寨。每城且以三四百家。率家不下三男子。則一城之中。不用糧餉。約增千人戍守。却可以多代正兵出戰。三利也。邊人勇健。出于天性。又以迫近賊寇。皆會弓馬。既就寨

古文園學集

卷之五十三

宋文卷三十五

居處數目。易見。若因其屯聚。善撫養之。教以坐作進退之法。使自衛其老幼。不待驅率。勢必樂從。則是不費官中衣糧。如得土兵數萬。平時任從田作。冠至則人自爲敵。虜聞之。必大有畏憚。四利也。羗虜每欲作。遇必先測知城寨虛實。動靜。然後敢入寇。蓋在羗細行于其中。而姦細之來。止以漢蕃人戶散在山野。與爲道地。無由止絕。今既遷近堡寨。有城壘門戶之禁。開里比居。易相司察。界外姦細。勢遂不行。五利也。若麟府人戶。不曾被寇。廬舍作業。已成次第。懷土重遷。似難驅率。今既新被大寇。廬舍已空。人心不安。見皆願依城寨安泊。若因而措置分壁。使常依城寨。既不妨其田作。又老幼資畜。常如入保。除創築兩小堡于外。皆是因舊爲之。亦不消多添人馬。只是增得八九員使臣。無大費用。訪問邊民。皆大以爲便。斥候不明。猶可消野之具。始似完備。雖未能支解羗虜。亦冠不犯之道也。

古文園學集

卷之五十三

宋文卷三十五

遲四明尊竟集表

陳 瓚

紹聖史官矯誣專據王安石日錄改修神宗史變亂是非不可為信確因作此集張商英為相取其書上之

臣竊以獻社愛君精誠雖至芻蕘議政迂闊難行葵向不習而常傾片陋敢期于得獻獨因唐斷許貢危衷中謝伏念臣糞土下材犬馬賤質數罪固多于擢髮含生無意于兼魚初欲糜捐終難緘默因續前言之緒聊輸垂絕之忠非敢有善善惡惡之辭但欲明尊尊卑卑之義此瓚驥所能知也在縉紳安可藐然

古文園瑋集

卷之五十五

宋文卷三十五

八十卷之私書奪此與彼十九年之懿績可從而達陛下于繼述之初首辨明于茲事微臣持將順之志在流竄而靡忘鋪張痛詆之言編類厚誣之語初聞熙寧之輔不規有商之臣于成湯敢肆厥欺疑安石有所弗忍及究觀于懟筆始粗見其辭辭因思太典之久誣蓋願忘軀而往訴合浦十論申舊疏之餘言四明八門撮其要于一序實欲彰火德之盛不敢畏王氏之強寧碎首于邦誅忍謾心于國是彼效尤于往轍亦苟逞于陳編難以縷關畧舉綱要謂藝祖繼

誅無罪謂真宗矯誣上天訕薄裕陵攘奪先美以托

訓為箝口之術以歸過為自譽之媒但矜詆訾之極工罔顧威靈之如在幾乎罵矣豈不痛哉讀其書寧忍終篇稽其文可為流涕代言之筆畫目其徒為儒宗首善之宮肇塑其形為坐像禮官舞禮而行誦吏書獻佞而請觀光乎仲尼乃子芳聖父之贊比諸孔子實十等輕君之情彼衰周之僻王棄真儒之將聖當時不得配太廟之饗後世所以廣上下之祠今比安石為欽王之臣則方神考為何代之主又况一人

古文園瑋集

卷之五十五

宋文卷三十五

幸學列辟班隨至尊拜伏于爐前故臣驕倨而坐視百官氣鬱多士心寒自有華夏以來無此悖倒之禮神考之再相安石始終不過乎九年安石之屏迹金陵棄置不召者十載八字威加于鄧綰萬機獨運于元豐豈可于善述之時忽崇此不遜之像因懷先朝三舍之法遂費今日千倍之財人材之可擢不殊國用之添費徒廣浚吾民之膏血增彼像之精神美成其私怨集于國陸贄設枝顛之喻承業以財盡為憂忠哉古人愛君之誠異乎今日養士之意又况臨川

之所學。不以春秋為可行。謂天子有北面之儀。謂君臣有送賓之禮。禮儀如彼。名分若何。此乃衰世侮君之非。豈是先王訪道之法。贛川舊學。記刊于四紀之前。辟水新輝。像成一壻之手。唱如聲召。應若響隨。使王氏浸至于強梁。乃元祐助發其氣。燭昔宣仁權同之際。謂介甫節行甚高。宜增崇官。仍加美謚。司馬光書之于簡。呂公著行之于朝。不以稽弊為心。徒發鎮浮之議。負安石者。重加黜責。欺神考者。畧不誰何。遂至于枝蔓而難圖。豈非由偏助之太過。雖當時未

古文國華集卷之五十五

宋文卷三十五

見誣史。而先朝自有聖批。恬不奉行。養成乖悖。蒙蔽裕陵之衆美。眩曜鍾山之一書。四輔之行。謀畫本生于目錄。三衛之設。規模初定于新經。密密乎鄧蹇之安排。草草乎京懋之傳授。考其音聲。則虎唱而鵠和。譬諸手足。則左弱而右強。凝如冰山。烈若原火。愚公老矣。益堅平險之心。精衛眇然。未捨填波之願。沒而後已。志不可渝。望雖隔于戴盆。夢不忘于馳驅。丹誠上格。天語遙詢。要觀尊主之恭。緩議奸時之罪。淵水在念。泉璫寧逃。恭惟皇帝陛下。天大普容。日明偏照。

此聖宗人習氣

使事難切比人未宜

覽熙豐記動之史。訪虞夏採詩之官。咨輿議于多方。證私書之百毀。舜纂堯緒。孜孜乎善繼之勤。武廣文聲。斤斤乎丕承之美。茲所謂一人之慶。可以得萬國之歡。凡有識知。孰不將順天地尊卑之已定。首足上下之宜分。孔志在乎春秋。漢律嚴于名分。戴上者皆知此義。尊堯者豈獨臣書。燕馬以市骨為先。齠驥者必將來矣。鄭校決防川之壅。有舌者其忍默乎。臣命可危。衆口難遏。伏望皇帝陛下。念臣役志于亭上。憫臣積禍于敢恭。以尺朽之廢材。貢一得之愚慮。言多

古文國華集卷之五十五

宋文卷三十五

妄發事。不惟宣宗當紹憲之時。寧容德裕之奪語。武帝以述景為事。忍視馬遷之短辭。父子至情。古今一揆。不懲謗史之罪。則何以謝過于宗廟。不毀坐像之悖。則何以示順于華夷。國是方強。勢難遽改。大器至重。要在深思。庶乎苗莠之分。始于冠履之辨。至美成于剛健。大患生乎因循。儒宗數人。自是一家之說。聖主獨斷。乃為我宋之休。天心篤愛之甚明。人情企想而有待。解神考在天之怒。成聖主奉先之仁。克果斷于蔡方。人將大覺。善光揚于堯績。上可無為。于一

舉一笑之中成允文允武之業臣將獻駿慰太平之
頌豈特進狂簡不裁之書胸臆無奇但盡恭于文字
筋骸已憊當致命于君親仰酬再造之恩退聽一成
之議闔門待盡隕首知歸

公以私摛尊堯集編管台州此則在台州重加訂
糾者稱四明尊堯集堯者謂神考德政則歸神考
疵政則歸執政故曰尊堯也

論北虜決先敗盟疏

宋 昭

徽宗時童貫蔡攸等師既行即降青安議北
事者必謂無赦廷臣皆無一言獨朝散郎宋
昭上疏

臣聞大戎之性不可以信義結去來無定叛服不常
雖成周盛世尤有猘狁之難故自古禦戎未見上策
漢唐以還或盛或衰乍叛乍服其禦之之術率非良
策皆不足為聖世道故畧而不論迄我有宋宸區之
內雖不歸順而景德中亦有澶淵之役真宗皇帝天
威一震賊勢瓦解當是時乘勝逐北則腥膻之種無

唯類矣真廟聖慈深厚特以兩國生靈為念故推天
地之量貸孽孽之命啖以厚利與之議和為天下後
世萬萬年安全之計故虜人謹守盟誓不敢南下而
牧馬者誠以天地之洪恩不敢忘也自爾聖聖相承
明明繼照雖睿智神武堯仁湯德足以懷柔然實亦
恃此以為長城神宗皇帝熙豐之間銳意北伐選將
練卒積穀理財葺城郭脩器械十九年間倉廩實府
庫充貔貅之士無不一當百當是時鼓噪而前則自
燕以北其人皆組上肉矣亦以河朔之地

不忍騷動。安可快一時之忿。失百年之好。故終莫之舉也。陛下即位以來。禦戎之術。實得上策。虜使之來。宴犒賜予。恩數曲盡。故懷德畏威。向風慕義。稽首稱藩。介冑之士。繫弓偃息。黔黎之民。鼓腹詠歌。歷觀三代以來。傾心悅服。至誠而內。莫如今日。實太平希世之盛事也。比者王黼童貫。力引狂生李良嗣。董才之徒。妄興邊事。致煩宸慮。遣大臣提重兵。久屯塞上。倉廩府庫。爲之一空。官卒民兵。死亡無數。前所奏陳。悉皆誕妄。財用尚可復全。死者何由更生。欺君罔上。蓋

古文國璋集

卷之五十三

三

宋文卷三十五

國害民。罪不容誅。臣願斷此數人頭。以今天下。不唯慰安虜人之心。使明知陛下德意。無復猜忌。謹守盟好。庶幾奸臣賊子。欺君罔聖。妄興邊事。僥覲功賞者。有所懲戒。臣固知陛下聖慈。不忍誅戮。臣下然此數人不誅。則虜人猜忌之心。未易可解。臣願陛下勿以馭賢臣之禮。馭此姦賊。則不勝幸甚。臣聞虜中頗歲不登。斗米千錢。雖或請和。恐非本心。特出於不得已耳。萬一養銳數年。歲穀小稔。秋高馬肥。士氣稍振。復來侵擾。則干戈相尋。無時而已。較其利害輕重。則姦

臣數人之誅。不足恤也。又况李良嗣輩才。皆北虜叛臣。心懷怨望。故附會邊臣。撰造虛語。欲假中國之勢。以復私讐耳。實兩朝之姦賊。豈復忠義之可望哉。臣切料議者謂歲賜浩瀚。虐盡國用。是不知祖宗建立。推揚之本意也。蓋祖宗朝。賜予之費。皆出於推揚。歲得之息。取之於虜。而復以予虜。中國初無毫髮損也。比年以來。推揚之法。寢壞。遂耗內帑。臣願遴選健吏。講究推揚利害。使復如祖宗之時。則歲賜之物。不足慮也。或者又謂九州中國之地。皆上饒膏腴之田。歲

古文國璋集

卷之五十三

三

宋文卷三十五

得甚厚。是曾不慮屯戍守禦之備。戰鬪犒賞之費。歲幾百萬計耶。貪其所得。既不足以償所失。而又戰鬪死亡之士。橫被屠戮之民。幾人也哉。徒有闢國之虛名。而無補國之實利。或者又謂山後之民。皆有思漢之心。咸欲歸順。此尤誕妄之易見者。不唯北虜爲備日久。山後之民。往往徙居漠北。又自唐末至於今。數百年間。子孫無慮已易數世。今則盡爲蕃種。豈復九州中國舊民哉。皆由邊臣用人無術。致探報者。利於所得。恣爲譏毀。帥臣庸暗。更用緣飾。妄議邊事。使觀

功賞或者又謂北虜比年以來爲女真所困。侵城掠地。橫亘千里。勢以迫蹙。願與女真合從。腹背攻射。則撲滅之易。甚於反掌。是亦弗思之甚也。滅一弱虜。而與強虜爲隣。恐非中國之福。徒爲女真之利耳。且北虜雖夷狄。然久漸聖化。粗知禮義。故百餘年間。謹守盟誓。不敢妄動。者。知信義之不可渝也。今女真性剛狠。善戰鬪。茹毛飲血。殆非人類。北虜以夷狄相攻。尚不能勝。儻與之鄰。則將何術以禦之。不過修盟誓。以結鄰國之外好而已。本朝與北虜通好。百有餘年。一

古文國瑋集

卷之五十三

宋文卷三十五

旦敗之。女真果能信其不渝乎。異日女真決先敗盟。爲中國患必矣。此理之必然。事之必至。雖使伊周復生。不能易此議也。臣又聞兩國之誓。敗盟者。禍及九族。陛下以孝理天下。其忍忘列聖在天之靈乎。陛下以仁覆天下。其忍致河北之民于塗炭之中。而使肝腦塗地乎。臣竊謂凡今之人。臣不負陛下諏訪之意。愛君憂國。論奏忠赤者。間亦有之。其希意承旨。背公營私。苟求陛下富貴者。不可勝數。遂使忠赤之臣。志不待伸。言不見用。此臣所以痛心疾首。扼腕憤悶。犯

顏逆鱗。以順萬死者。豈得已哉。誠以國之大事。實係安危。下情壅遏。不得上達。今而不言。其如後患何。譬猶人之一身。中氣痞隔。陽不降。陰不升。則百脉不調。四體不充。久而不治。病在膏肓。雖有良醫。不能愈也。今疾幸在膚腠。是正宜投藥石之時也。臣願爲陛下出疆說諭虜人。云比因虜中亡失虜主。深慮擾攘之時。疆隄不戒。姦人作過。遑遑人生事故。遣近臣使之防邊。果有羣寇妄託北朝。驚却邊民。雖降處分。不得殺戮。止牒北界。繁行捕捉。切慮尚懷疑貳。妄興兵馬。務

古文國瑋集

卷之五十三

宋文卷三十五

在謹守祖宗之盟。無失百年之好。如女真侵削不已。力不能勝。則許求援於中國。報使復來。厚加恩禮。以釋其疑。使之外捍女真。內屏中國。則陛下真枕永無憂於北顧。百姓安業。得盡力於南畝。實天下萬萬年無窮之利。古人謂夷狄相攻。中國之福。正謂是矣。臣固知疎遠微賤。輒以狂瞽冒犯天威。難逃誅戮。然臣聞忠臣徇義。志士徇名。故忠義發於內。則鼎鑊忘於外。愛君之心。切則慮患之志深也。况頑石五色。尚肯補天之功。愚夫千慮。豈無一得之長。願陛下勿以人

廢言留神聽察則撮土之微尚能增山嶽不厭之高
燭火之光尚可裨日月不照之明矣臣向任陝州靈
寶知縣日因論列陝右錢法蒙恩召對面奉德音欲
除監司旋致煩言猶叨貳郡未到任間復蒙聖恩除
臣提舉江南茶鹽事以歲課增衍又蒙特轉一官臣
每以未能仰報天地為恨今者伏觀姦賊敢爾欺君
義當竭節圖報涓埃是敢越職輒貢芻蕘萬一臣言
可采乞不降出庶使天下皆知斷自宸衷不由人言
足以竦動神靈激昂士類北虜聞之恩歸陛下則臣
報上之心足矣儻或上誤聖聰置諸鼎鑊亦臣之所
甘心也惟陛下擇而處之

古文國璋集

卷之五十三

宋

宋文卷三十五

論用兵劄子

許翰

臣伏見金狄退師以來朝廷縉紳上恬下嬉幸於無
事恃以為安而臣獨竊終夜不寐方以為憂夫以夷
狄之性貪婪無厭而我既示之以弱開之以利不過
一二歲勢必復來自所割三鎮疾馳三日則突騎犯
都城飛塵入宮闕矣當此之時金帛不可復得地土
不可復割邊鄙之師不可復召智能之士不可復圖
萬世之變可勝言哉今聞姚古等兵已次國郊切謂
陛下可以聞外之事制於將帥若遣一介之使可下

古文國璋集

卷之五十三

宋

宋文卷三十五

下之使不可下則用兵不疑臣嘗熟計我戰而勝則
蒙福無窮戰而不勝則北阨井陘西斷太行內守太
河國固無患虜以殘弊將歸之兵力必不能取三鎮
故我勝亦利不勝亦利此可決戰一也虜欲既盈將
驕卒懈時益喧濁人馬喘汗以我方銳擊其情歸此
可決戰二也我衆彼寡以十當一反顧者誅旋踵者
斬使威令既必則罷弱者奮況於關陝百戰之士外
誘以金帛而內激以憤恥破賊必矣此可決戰三也
神師道持重名將今雖老疾智畧足恃議者見其木

訥若無策畫。此蓋不以口擊賊者。昔趙括論兵。其父奢不能難也。而奢謂括將必敗趙師。宋大劉據江左。聞王元謨論兵。飄飄有伊洛間意。及使之望風奔潰。聞師道自少沉毅。蓋自天性介冑之士。瞋目語難。自古而然。未可遂疑。況今濟以姚古。必能相與成功。此可決戰四也。陛下仁聖。誠動萬姓。義感三軍。人人思為國死。以滌中原之恥。而發七廟之憤。夫天時易失。而人心難收。陛下今不乘此利勢。後必悔之。此可決戰五也。今全軀保妻子之臣。務在張虜聲勢。虛喝恐

古文國璋集

卷之

宋文卷三十五

劫苟安目前。遺患萬世。此其意亦無他。不過慮戰不勝。則咎歸議者。使身不利。今一主和。身保無患。明年盛秋。胡騎復來。則必諉曰。國家事狄不至。不得歸咎和者。姦回自營。孰便於此。非復有為陛下宗廟社稷長慮却顧者也。夫一勝一負。兵家常勢。要觀大計。如何。爾議者以姚平仲。前日妄動小衄。以謂王師不可復用。傳曰。凡此蔡功。唯斷乃成。故願陛下斷之而已矣。

論勝不勝無所害。更為高見行文殊有氣決。

上防備疏

葉夢得

右臣備員一道。兵民之寄。當朝廷艱難之時。外難未平。所仰四方相與維持者。其責尤重。不敢偷安尸素。苟且目前。故自到官以來。日夜盡瘁。庶幾少有寸補。不至上誤使令。竊見金賊雖已遁去。封豕長蛇。莽食上國之意。恐未遽弭。登萊兩州。密邇其境。而兩浙諸州。例與海道相連。自登萊航海。遠不遑數日。可至浙西諸縣。如杭州。鹽官。秀州。華亭。海鹽。常州。江陰。平江。府。崑山。常熟。浙東諸縣。如越州。餘姚。上虞。明州。象山。

古文國璋集

卷之

宋文卷三十五

定海。奉化。昌國。温州。樂清。台州。寧海。黃巖。皆切近于海。臣去歲守南京。嘗得宣撫司探報。聞賊欲取山東。路入兩浙作過。是時彼方有意再犯王畿。勢固未暇及此。然又覓其未嘗無此謀也。近有東道總領。嘗被驅虜使臣。歸為臣言。賊知其為兩浙人。頗問山川道里。形勢甚詳。又其所誘留人。多有東南篙工水手。從事舟楫之間者。皆為陳說計策。及誇大蘇杭富貴。臣益知犬羊貪婪之心。不無所在。今兩河蹂踐之餘。內至近甸。金帛子女。掠取殆盡。使其豁壑之欲。誠未厭。

足則去歲宣撫司探報。豈得不慮哉。兩浙風俗輕而易動。有自來矣。又連遭方臘。倪從慶之變。人懷危疑。常不安居。加以險僻頑民。陰間伺隙。潰散冗卒。居多嘯聚。樂禍喜亂。未易制禦。今環兩浙之地。瀕于海者。十幾四五。議者謂虜以鐵騎衝突。爲長澤國水鄉。非其便利。此以其竭國來寇。論之可也。若志但在金帛子女。則姑以千百之衆。脅吾驅虜之人。以爲鄉導。聲言欲雜出于數州之間。以圖侵掠。則未至而吾民先已驚遁矣。况樂禍喜亂之徒。望風乘勢。或應之以合

謀。或假之以自奮。則其愛有不可勝言者。何必直須賊之盡。至于晉之孫恩。竊入上虞。唐之袁晁。發自臨海。近日方臘。山谷一夫。亦能破湖州二十七縣。皆已事之驗。然所以爲備禦之策。不過城池器用。兵卒糧食四事而已。今防秋。僅有兩月。事勢已迫。每事必俟朝廷措置。則勢不及待。所以分憂捍患。盡其力而爲之。唯在守令。而未見其可當此任者。臣雖謬當帥。法有常守。又浙東非所部。不敢輒有侵越。若遂拱默不言。緩急或有誤事。雖即誅死。何足償責。輒敢冒死

陳列。欲望聖慈詳酌。特降睿旨。先次選擇。瀕海諸郡守臣。各得其人。分命監司。徧行巡察。及諸屬邑。凡今長有不可委仗者。許得權宜移易。罷黜別加選辟。量立賞典。以爲激勸。應所合指畫事。除城郭已有近降指揮外。其餘如修治器械。訓練弓兵。皆嚴爲近限。責以實効。無令文具。僻遠之地。巡尉與弓兵。或可增添。元額許一面差補。將來如有調發。須量以分數存留。無關守備。錢穀移用。亦當椿管應用。無至侵奪。至于分布防托之宜。閫散戢守之節。斥候譏察之要。鄰比

應援之期。皆須熟議素講。預有一定之謀。相爲表裏。平居持重鎮撫。不至于勞民有警。隨事酬酢。皆可以禦敵。軍聲士氣。稍達于海外。使彼望而知畏。而我境內之姦。亦有以逆折其心。而不敢萌。則遠近人心。恃以不恐。朝廷亦可一意西北。而忘東顧之慮。于冒聖聰。不勝惶懼。激切屏營之至。謹錄奏聞。伏候勅旨。

備邊十事劄子

呂頤浩

臣僚上言邊事乞大詢衆庶奉聖旨行在職事官以上各具所聞實封聞奏仍限五日者伏惟陛下即位以來仁民愛物之心孚于四海憂勤恭儉之德格于上天是宜邊境安寧萬邦蒙福然而乘其政敗壞之後敵人以百戰之師投隙而南所向無前適丁斯時實勢措畫傳曰天下多事聖哲馳驚而不足茲誠多事之際而聖哲馳驚不足之時仰蒙大詢備禦之策臣本以儒學進身然嘗任西北沿邊差遣夷狄情偽

古文閣瑋集

卷之五十三

主

宋文卷三十五

與夫戰陣之畧粗聞一二犬馬之齒今已六十筋力不能勝甲冑衰邁不能從軍旅顧有愚見不敢緘默輒陳今日備禦十策條具如後
一曰收民心臣聞治天下之道莫先於得民心昔漢高祖入關中約法三章除去秦之暴政民大悅服雖有項氏之強而終爲所擒唐德宗被圍奉天內嬰孤城外迫強寇所恃者人心未去故卒能誅強暴而復社稷陛下清心省事約已便民慨然願治可謂勤矣然金人因破滅契丹之勢乘中原弛備之時北破河

以蓋爲不
言城守者
言之也

朔河東諸郡西陷京西陝右諸州近復引兵渡河駐兵于開德大名府濮州境內環地數千里被其荼毒可勝嘆哉今虜騎漸迫京東州郡若民心畏禍一有動搖竊恐京東州縣及淮南宿亳等州縣望風而下則不可支吾矣伏望陛下發至誠之心下哀痛之詔遠法商周之罪已近考奉天之詔書曲赦西北京東兩路蠲免夏秋二稅除放積年欠負凡破陷州軍及鄉村人戶避虜寇而南來者今州縣優加存恤及防護家小勿令賊盜殺害凡此號令斷在必行播告遠近使之周知所有逐州軍軍糧却令轉運司條具措置以聞況京東州縣累經大寇殘破之後民失耕業不曾種植雖不放免無可輸納矣嘗考古夷狄不善攻城惟金人慄勇堅悍輕生不畏死長於攻城諸路州郡緣大寇縱橫之後鄉村有力人戶盡挈其家屬牛畜資產入州城居住金人既破一城緣此所得倍廣伏望聖慈詔三省密院詳議利害如京東淮南諸路城壁堅壯守禦足備糧儲不乏去處責令守如或不然緩急之際縱官吏與民避賊或入山林或

古文閣瑋集

卷之五十三

主

宋文卷三十五

是時高宗
江維揚所
而渡江者
以至建康

入陂澤。庶免全郡生靈。皆為魚肉。為此一路之民。歸此生路。昔李光弼與史思明相拒。知洛陽不可守。沮韋陟之虛誕。縱民避賊。退保河陽。卒獲大捷。臣所願牧民心者。此也。

二曰定廟筭。臣竊勸金人駐兵於澶魏之郊。祈請之使。使行而彼未有講和之報。范瓊韓世忠統兵北去。而未有決戰之期。致聖慮焦勞。大詢羣策。適主憂臣辱之時。而大將主兵官。多言強弱不敵。不敢交戰。百官之心。皆願鑿與渡江。夫渡江一事。不得已而為之。

古文國瑋集卷之五十三
宋文卷五十三

但迎敵拒戰之計。豈可少緩哉。昔魏武帝以中原之盛。引兵南征。周瑜決策。以舟師挫之。苻堅舉百萬之眾。欲投馬簫渡江伐晉。謝安遣兵以敗之。況主上躬有天命。祖宗德澤在人。而金人殘忍貪暴。逆天珍物。安知我之弱不為強。彼之強不遂弱耶。昔韓信論項氏。以謂其強易弱。與此相類。伏望聖慈。詔大臣議定廟筭。陰為過江之備。而大為拒戰之資。申敕主將。修武備。講陣法。訓強弩。料彼已。明斥堠。以埃夾淮一戰。此不易之策也。昔范曄論高祖先武之畧。以謂淮陰

論項王。審料成敗。則知高祖之廟勝。耿弁決策河北。定計南陽。則知光武之業成。夫廷論決策。不可二三蹉跌。臣願定廟筭者。此也。

三曰料彼已。臣聞用兵之道。在知彼已。知彼而不知已。必敗。知已而不知彼。亦敗。自金人犯邊以來。百戰百敗。非止百戰百敗。往往望風奔潰。不服交鋒者。以將帥不知彼已。亦未嘗講究彼已之長短也。臣頃在廊延環慶路。見我師與夏人接戰。每迭勝迭負。未有敗衄。如今日之甚者。蓋廊延環慶皆山險之地。騎兵

古文國瑋集卷之五十三
宋文卷五十三

非所利。故也。金人起燕薊。歷趙魏。絕大河。至汴宋。皆平原廣野。騎兵馳突。四通八達。步人不能抗。此所以多敗也。夫彼之所長在騎兵。我之所恃惟步人。以步人抗騎兵。則平原廣野決不能立。惟阻險用奇。可以掩擊。為將不可不知也。胡人用兵。在秋冬之後。每年四月放馬入泊。逐水草。號曰入澱。入澱之後。馬不餒料。止食青草。七八月間。馬乃出澱之際。虜人畏大暑之時。出其不意而攻之。庶可勝也。翰林學士孫洙制策論。其畧曰。以一月之糧。與六月之師。被之必

既能阻險
又出奇
所謂奇
不可勝以
待敵之可
勝也非一
意阻避而
已

矣。豈虛言哉。臣宣和四年任河北轉運使。五月下旬。隨种師道與莽丹相持於白溝。是年大暑。虜人以酷熱不可忍。不顧性命。躍入白溝河。以水浸其軀。其畏熱可知矣。自川兵以來。每於春冬交戰。正彼之所利。我所不利。此又所以多敗也。臣嘗觀晁錯議兵事曰。匈奴之長技。三中國之長技。五山林積石。涇川丘阜。草木所在。步兵之地也。車騎二不當一。土山丘陵。平原廣野。車騎之地也。步兵十不當一。有深意存焉。歷考自古論兵。能知彼知己。未有出晁錯之右者。願詔

古文國璋集

卷之五十三

宋文卷三十五

諸將用我所長。擊彼所短。講求其說。以保萬全。臣所貴知彼知己者。此也。四曰選將材。臣聞之孫武曰。兵者國之大事。將者材之至難。傳曰。有必勝之將。無必勝之兵。又曰。將者人之司命。審如是。將帥之材。要當遴選。委任若非其人。則禍敗不可勝計。然人材難知。功業寓於智識。就其智識觀之。則人材或可得矣。蘇轍有言曰。道藝文章。勉強積習而可至。惟有知人之明。不可勉強。譬如蕭何之知韓信。此豈有法。可以授人者。轍之言雖可信。

然孔子所謂視其所以。觀其所由。察其所安。莊周之論九證。豈虛語哉。今強敵在境。天下多事。將材爲急。臣願陛下詔行在從官及統制官。三衙臣僚。各舉材堪將佐之人。各二人。監察御史以上職事官。各舉一人。委官問其謀慮。試其材武。如或可用。從而擢試。庶幾將材自此塗出。昔范曄有言曰。事苦則矜全之情薄。生厚故安存之慮深。夫以中人易流之性。享厚祿膏粱之奉。安存之慮既深。則臨敵用命者鮮矣。嘗觀太祖太宗皇帝駕馭將帥。嘗今有歉然不滿之意。如

古文國璋集

卷之五十三

宋文卷三十五

曹彬下江南。王全斌下蜀。未嘗過與官爵。郭進守山西。李漢超守關南。亦未嘗安進官資。以其饑則着人飽。則賜去故也。以近事驗之。巨師古未知名之人。能佐趙哲平建寇。此類既衆。將材出矣。臣願陛下選將材者此也。

五曰明斥堠。臣契勘虜人用兵。無斥堠。軍無行伍。止是選擇強壯有物力之人。乘上等壯馬。四五人爲一隊。齎弓箭及手刀。不帶衣甲。前去探事。號曰硬探。其探事精審。日馳二百餘里。而中國諸軍。自來斥堠不

明萬一胡馬南牧。須揀選有材武心力。使臣將校百人。分爲十二隊。給弓箭手刀及揀擇壯馬乘騎前去。分頭探報。遇有警急。令奔馳前來。逐人給金字牌與之。所至村民官私。驗認牌子。給與飲食草料。蓋胡馬之行。若飄風驟雨。郵傳步人探報不及。近年之弊。往往緣此。臣宣和七年。陷于金人。次年正月。在金人寨中。親見金人引兵到上德橋。而京師猶不知。是年十一月。金人已渡河。破鄭州。執知州宋伯友。縱之使歸京師。伯友詣都堂陳述。而大臣以謂破鄭州者河北。

古文國璋集卷之五十五

宋宋文卷三十五

強寇。非金人。夫斥堠爭謬如此之甚。誠可怪駭。又如累年以來。胡馬渡河。緣北岸無探報。不知戎馬所聚。今治舟楫。絞藤筏。致兩岸無由掩擊。臣願陛下明斥堠者此也。六曰訓強弩。臣嘗考近年以來。胡人入寇。我師遇之。不服成列。驟奔潰敗走者。以平原廣野。我之步人不能抗彼之騎兵故也。又虜人遇中國之兵。往往以鐵騎張兩翼前來圍掩。爲將者全不預謀。分兩翼而射之。所以不能立。臣嘗觀史冊所載。及以近事驗之。夷

能相持數日則爲堅陣不可陷矣

人之長。實在騎兵。我之所長。莫若強弩。今欲禦騎兵。捨強弩將安用哉。晁錯曰。上下山坂。出入谿澗。且馳且射。匈奴之長技也。材官驍發。矢道同的。匈奴之革。箭木薦。弗能支也。此中國之長技也。其理亦明矣。蘇秦合從說韓曰。少府時力。距來皆射六百步之外。韓卒超足而射。百發不暇止。遠者括臂洞脅。近者鏑奔心。又曰。以韓之卒。被堅甲。蹙勁弩。帶利劍。一人當百。不足道也。夫史冊所載。茲可驗矣。以近事言之。崇寧三年。環慶路築大砦。泉神師中將前軍。羌酋比精者。

古文國璋集卷之五十五

宋宋文卷三十五

領鐵騎萬餘人。前來奔衝。師中下馬號令。以強弩射之。乃退。雖相持數日。不敗。五軍中必有老將見此事者。宣和四年冬。契丹大酋四軍太師。引精銳來寇霸州。大戰於永清縣北。郭藥師用河北第六第八第十五將馬黃弩神臂弓。藥師本將人馬分隊相間。擺布對列。以馬黃弩神臂弓射之。胡騎少却。我師乘之。遂大敗。今淮東提刑薛彥國時爲第十五將。可召而問也。近日用兵。多係孤軍獨進。爲將者不知強弩之利。遂致中原之長技。無由施設。且如萬人爲軍。千人爲

至今建州
夷之兵制

皆如此所
以精其難

弩。敵人騎兵驟至奔突。使三百步內。強弩並發。人人
只能發兩箭。則敵人必却。敵人既却。我師乃可立我。
師立定。然後可以語戰。近時之敗。以我師每為騎兵
衝突。措足不定。所以敗也。神臂弓箭。在軍器中。雖最
能及遠。然其藝難精。自來遂將下能射神臂弓者。率
不過三四百人。兼臨陣對敵。緩急之際。施放不快。不
若強弩之輕捷。臣願訓強弩者此也。

七曰分器甲。臣嘗觀夷人之軍。兵器便利。衣甲堅密。
所以多勝。中國之軍。兵器不便利。衣甲不堅密。所以

古文國華集

卷之五十三

手宋文卷三十五

多敗。何以言之。夷人之軍。皆是民兵。平時賦歛。至薄。
而緩急。以丁點軍。器甲鞍馬。無非自辦。平時家居。日
逐獵。甲冑而習弓矢。所以器甲各適用。中國之軍。莫
非贖卒。器甲從官給。身軀短小者。或得長甲。脩長者。
或得短甲。力能挽七斗弓者。或授以一石弓。力能勝
兩石弩者。付之以三石弩。致弓弩不適用。反與短甲。
同寒。缺之卒。無力自辦。器甲可勝。嘆哉。昔馬燧製衣
甲。必分三等。蓋有深意。晁錯曰。甲不堅密。與袒裼同。
射不能及遠。與短兵同。夫驅人於行陣之間。以肌肉

淮雖難防
然不可以
不守

冒鋒刃。而甲不堅密。器不適用。良可哀也。又蕃兵遇
敵。步人騎兵。皆全裝。所以心固而敢戰。漢兵遇敵。馬
軍全裝。步人則衣甲不具。所以心怯而畏戰。非特此
也。夷人軍行。有車乘。牛畜。般載器甲。所以步人可以
全裝。我師之行。無般載器甲之具。步人全裝。則困於
負檐矣。此又為將者當講議措畫也。臣願詔五軍統
制官。使之講論其事。今日合如何措置。條具以聞。庶
使士卒之心。堅固敢戰。臣所謂分器甲者此也。

八曰備水戰。臣契勘金人既殘破京東州郡。而京西

古文國華集

卷之五十三

手宋文卷三十五

路州軍。去年殘破外。止存金州與順昌府。虜人志在
劫掠。向北州軍。既無所有。則秋冬之交。睥睨淮南。必
矣。江淮水戰之具。在今日豈可不講。然防淮難。防江
易。是防淮不若防江也。臣已條具夾淮一戰之計矣。
防江之事。莫若備水戰。今朝廷雖於鎮江府擺泊海
船。以備禦寇。而上流州軍。自荆南府抵真州。凡可以
濟渡處。並未聞措置。豈可不預為之計哉。昔魏武帝
既得荊州。引兵寇吳。周瑜策曰。曹操捨鞍馬。使舟楫。
與吳越爭衡。本非中國所長。觀曹操軍。方連船艦。首

尾相接可燒而走。乃取蒙衝闊艦數十艘。實以薪草。膏油灌其中。裹以帷幕。上建牙旗。又預備走舸。大破曹公於赤壁。所謂蒙衝闊艦。當講求其法。製造於長江。所謂走舸者。亦不可忽也。又觀王濬伐吳。造大船連舫。方百二十步。受二千餘人。以木爲城。起樓櫓。開四出門。其上皆得馳馬。所謂大船連舫。今亦可作也。又造大筏。數十方。百餘步。今若可用。亦不可廢也。又古之戰艦。或曰樓船。或曰海鵠。或曰游艇。臣又嘗於雄霸州見備戰輕舟。或曰刀魚。或曰雲梯。皆不可闕。

古文國瑋集

卷之五十三

聖宋文卷三十五

也。伏望聖慈。專置使二員。一員自荆南府至池州。一員自池州至鎮江府。專切提舉製造戰船。教習水軍。及詢訪古今備戰舟船。設施利害。申明措置。不可少緩。臣所謂備水戰者此也。九曰控浮橋。臣契勘泗州壽春府各有浮橋。除壽春府浮橋因大水漂壞。未曾修治外。朝廷已差兵防守泗州浮橋矣。竊恐斥堠不明。探報不角。萬一賊兵或馳至。緩急無以措手。不可不防也。靖康元年正月間。金人到磁州邯鄲縣。先遣郭樂師提騎兵三千夜馳。

三百里。比明至濬州。奪浮橋。是時內侍梁方平雖領精銳入兵在黃河北岸。以失其探報。不意賊騎遽至。人兵倉卒奔潰。幸南岸守橋人望見虜中旗幟。急以火焚斷纜索。遂不得濟。虜人既不得濟。乃沿河上下尋覓舟船。編排巨筏。又四五日乃得濟。欲望聖慈詳酌。委官密以前去措置。若可解拆。即權暫解拆。其浮橋脚船并大纓物料。并罷泊於南岸。却以舟船濟渡過往之人。如未可解拆。即南岸措置猛火油。準備緩急焚燒纜索。比之倉卒荒擾。事不倖矣。臣所謂控浮橋者此也。

古文國瑋集

卷之五十三

聖宋文卷三十五

十曰審形勢。臣仰惟陛下聖德能飛。前年五月即位於睢陽。聖心慮遠。究觀損益。謂汴都之境。距大河止百里。過大河乃金人界也。誠未可以還關。乃時巡淮甸。駐蹕維揚。逮今踰歲矣。茲者金人攻破河北京東州郡。尚未退師。若驛驛南來。則大駕必須渡江。此勢之必然。人情之所共知也。夫虜人過大河。已不能抗拒。我乃渡淮。既渡淮矣。又不能抗拒。則我必渡江。若渡江之後。又不能抗拒。則虜騎亦須逼江。此實忠臣

義士殺身殉國決死一戰之秋。臣已於前篇條具夾淮一戰之計矣。又請大習水戰爲備江之計矣。臣願陛下明詔大臣及統制大將講論一戰之計。可以圖萬全之策。夫以金人善用兵。善料敵。彼知聖駕駐蹕維揚。楚泗之間必有禦備。則必遣重兵由壽春府或光澤州境內渡淮南來。及以輕兵由宿泗前來牽制我師。兼光澤州界淮河淺狹。幾可徒涉。此尤不可不防者。要當分犂兩軍。以一軍屯泗州盱眙縣。以一軍屯壽春府花廳鎮。以備衝突。臣契勘自金人犯邊以來。我師遇之。望風奔潰。不暇接戰。是以胡虜所向大將膽落。士卒心驚。亦未嘗布爲一陣。使人自爲戰。若非據淮阻險。以決一戰。必至於糜爛不振。又至於不可支持也。金人用兵。雖號驍勇。然而無紀律。無陣法。若遇節制之兵。一敗之後。必至於顛沛。但令我師倣古陣法。遵用節制。人人不退走。迎敵角勝負。則可以語一戰矣。常山蛇勢。雖茫昧不傳。而兵法具陣圖可考。昔漢高祖望黥布置陣如項羽。其心惡之。且繫布一卒。能置陣如此。今之大將。豈不厚顏耶。臣

古文國璋集

卷之五十三

書

宋文卷二十五

前所論金人所向。盡用騎兵。平原廣野。我之步兵。決不能抗。若非阻險用奇。決不能勝。則夾淮一戰。伏願疾速處畫。揀閱人兵。布列行陣。如何據險。如何進止。以俟一舉。臣又聞有必勝之將。無必勝之兵。今大將人人畏怯。各陳引避之說。可謂無必勝之將矣。又安得必勝之兵哉。加以近年以來。朝廷駕馭將帥。賞罰未明。人不孚信。敗軍失律之將。未嘗明正典刑。致令統兵者畏死不畏法。何以示天下耶。昔孟氏之敗。責其將士曰。吾父子以溫衣美食養士四十年。一旦臨敵。不能爲吾東向放一隻箭。今日大將。誰肯率衆北向放一箭哉。昔唐太宗征王世充。陣於洛陽之西。竇建德舉山東之衆。號三十萬。以助世充。諸將怯懼。太宗奮獨見之明。引兵過洛陽。陣於兩賊間。不憂世充襲其後。一戰而擒建德。夫唐太宗敢陣於兩賊間。而夾淮之戰。在吾境內。有粮草。有地利。我爲主。彼爲客。諸將尚躊躇而不敢進。國之爪牙。將安用哉。昔周世宗征河東。劉昫率衆犯陣。兵始交。大將樊徽何愛能退走。其騎軍亂。世宗躬督戰。將士皆奮。遂敗昫軍。世

古文國璋集

卷之五十三

書

宋文卷二十五

宗休軍潞州斬樊徽何愛能以狗軍威大振近時周兵未嘗行此誅責然則孰肯用命哉臣究觀余人之勢若二三月間不寇淮甸則秋冬之間南牧必矣備禦之策不過如此臣所願審形勢者此也

歷代古文國瑋集卷之五十四

襄西方岳貢禹修評選

宋文

乞復李綱舊職疏

陳東

臣等聞任賢勿貳去邪勿疑者社稷之主也奮不顧身死生以之者社稷之臣也。竊賢嫉善妨功害能者社稷之賊也。陛下聰明英睿獨智旁燭賢邪判然天下戴以爲社稷之主而在廷之臣奮勇不顧以身任天下之重者李綱是也。所謂社稷臣也。其庸繆不才。

宋文卷其

忌嫉賢能動爲身謀不恤國計者李邦彥白時中張邦昌趙野王孝迪蔡懋李稅之徒是也。所謂社稷之賊也。陛下斷然不疑拔綱于九卿之中不一二日任爲執政中外相慶知陛下之能任賢矣。斥時中而不用知陛下之能去邪矣。綱任而未專時中斥而未去復相邦彥又相邦昌自餘又皆擢用何陛下之任賢猶未能勿貳去邪猶未能勿疑乎。今又聞復罷綱職事臣等驚疑莫知所以綱起庶官獨任大事邦彥等疾如仇讐恐其成功因綱用兵小不利遂得乘間投

隙歸罪于綱。然一勝一負。兵家常勢。小勝固未足爲喜。而小挫亦足爲辱。況示怯示疆。奇謀秘計。豈可遽以此傾動任事之臣。臣等竊聞邦彥時中等。盡勸陛下。他幸見事有急。各陳乞親黨外任。遣家屬隨之。遠去。豈身爲大臣。不能以一家死社稷之難。其意止欲倉卒之際。各保妻孥耳。諸大臣一鼓而倡之。百官有司。羣起而和之。遂令京城之人。聞然騷動。弗安其居。若非綱爲陛下建言。則乘輿播越在外。宗廟社稷已爲丘墟。生靈已遭魚肉。陛下將有棄宗廟社稷之名。

古文國華集

卷之五十四

宋文卷六

賴聰明不惑。特從綱請。中外聞之。雖愚夫愚婦。莫不舉手加額。仰嘆聖德之盛。綱之力。豈曰小補之哉。是宜邦彥等諧謗忌嫉。無所不至。臣等伏見邦彥等享高爵厚祿。爲日最久。坐視天下之弊。未嘗肯發一言以圖補報。至如王黼童貫蔡攸共興北師。唯鄭居中力爭。以爲不可輕舉。而王安中者。力贊其役。邦彥等輩。豈不可否于其間。實陰助黼以貽今日之禍。陛下新卽寶位。遽有變亂之虞。邦彥等不引咎歸已。自求貶放。而尚僣蹇固位。忌賢嫉能。陛下若聽其言。斥綱

不用。則宗社存亡。未可知。且虜人既和之後。尚敢縱兵肆掠。屠我畿內犬羊之性。急則搖尾。緩則跳梁。聞陛下任綱。自知滅亡無日。請和之意。必更激切。而邦彥等乃得藉口以沮成謀。綱罷命一傳。士大夫失色。兵民騷動。至于流涕相吊。咸謂不日爲虜擒矣。則是陛下罷綱。非特墮邦彥等計中。又墮虜計中也。聞邦彥等尚執前議。必欲割地與之。曾不知祖宗土地。得之甚難。又況河北。實朝廷之根本。而三關四鎮。實河北之根本。若棄三關四鎮。是棄河北。若棄河北。則朝廷復可都大梁乎。自真宗仁宗兩朝以來。北虜益有割地之請矣。朝廷寧屈已增幣以塞其欲。至于土地一寸不肯與之。今陛下卽政之初。邦彥等便欲棄祖

古文國華集

卷之五十四

宋文卷六

境土。不知割與太原中山河間以北。十有餘郡之後。邦彥等能使虜人不復叛盟乎。綱孤立無助。天下共知。其可以武用。臣等請爲陛下言其二。頃歲京師大水。自宰相大臣下及百官。爭占舟船。或結木棧爲避水計。獨綱慷慨爲上言之。至爲姦臣譖逐。數年不用。前日邊報初至。宰相骨肉盡皆出京。獨綱妻孥未

嘗遷徙。陛下方深顧此之憂。而左右無一人爲陛下請行者。綱獨奮然而以身任之。綱之用心可見矣。陛下何忍信朋邪之計。而斥正人。端士乎。若綱用兵小挫。遂當廢罷。則童貫剗開邊隙。以貽今日之禍。近又引兵數十萬。以事雲中之役。幾于匹馬隻輪無還者。朝廷曾不議貶之罪。何綱小挫而加罪乎。一進一退。在綱爲輕。在朝廷爲甚重。今日宗社安危。在此一舉。幸陛下卽反前命。復綱舊職。以安中外之心。付種師道以關外之事。陛下若以臣等之言爲未足取信。試

古文國瑋集

卷之五十四

四

宋文卷六

御樓呼者老一問之。呼軍民一問之。呼行道商旅一問之。試谷有官君子使言之。必皆曰綱可用。而邦彥等可斥也。用舍之際。陛下不可不審。

使朝廷任綱之身。用綱之計。則比轅之禍不作矣。故東此疏所爭甚大。東漢太學名流甚多。未嘗見有如此人。

論和議利害疏

張浚

臣于正月十五日恭覲大需之頒。再三熟讀。通夕不寐。翌日作書呈奏。知政事孫近。大槩以虜若尚強。和安可信。其勢遂衰。和爲可惜。竊料聖心高明。姑且爲此。內以激將士之憤。外以觀敵國之情。不然。事日委靡。何以立國。燕雲之舉。其鑒不遠。他日之悔。復何可追。臣愚區區過計。竊以謂虜自宣政以來。挾詐反覆。傾我國家。益非可結。以恩信待。以仁義者。今日事之虛實。姑置未論。借令虜中有故。上下分離。天屬盡歸。

古文國瑋集

卷之五十四

宋文卷六

河南遂復。我必德其厚賜。謹守信誓。數年之後。人情益解。士氣漸銷。彼或內變。旣平。指瑕造隙。肆無厭之欲。發難從之請。其將何詞以對。顧事理之可憂。又有甚于此者。陛下焦心勞慮。積意兵政。精神感格。將士漸孚。一旦北面事虜。聽其號令。游談之士。取功于一時。黜績之臣。置身于無用。比肩宥密。接武求盟。小大將帥。執不解體。陛下且欲經理河南而有之。臣知其無與赴功而共守者矣。矧夫虜計莫測。自古所傳異時策馬渡河。風塵畢起。倉卒之間。孰肯赴敵。蓋自堯

舜以來人主奄有天下。非兵無以立國。非武無以定亂。國立而勢起。亂定而治生。然後干戈可戢。道德可行。未聞委質夷狄。可以削平禍難。遠而石晉。近而叛豫。著人耳目。歷歷可想。夫中原之地。未易輕守也。譬諸人身。至虛風邪乘之。手足偏廢。不能運動。必其精于自養。元氣日強。氣之所到。肢體乃舉。藉外物以扶持。難乎其經久而及遠矣。昔魯仲連不欲尊秦爲帝。且曰。秦無已而帝。則將變易諸侯之大臣。彼且奪其所不肖。而與其所賢。奪其所憎。而與其所愛。彼又將

古文國璋集

卷之五十四

宋文卷六

不再來。追咎莫及。高祖知羽之寡恩。少義。其和不可恃也。又知夫從吾將士。日夜望尺寸功。求其顯著。人心之不可沮也。故雖再敗固陵。甘心不悔。茲二事者。足以爲今之戒矣。臣日夜思念。此國之大事也。陛下獨不與二三將帥熟謀之。而從約之遽。肆赦之速。用世儒之常說。答猾虜之詭計。措置失敘。思之寒心。臣不自量。爲陛下再計。嗣今以往。使其遷延生事。姑緩一時。謝絕使人。可也。明告以利害。詳喻以曲直。可也。萬有一如太公呂后之歸。便當博詢諸帥。獎礪將士。外存和議之名。內圖恢復之實。逼之以大勢。使其人心終至于乖離。示之以威武。使其內釁不能以遠息。始臣而終服之。如唐太宗之所以待顏利者。庶乎國家可立焉。臣罪戾之餘。一意養親。深不欲論天下事。顧惟利害。至大至重。不忍緘默。以負陛下之知罪之聽之。惟陛下下命。

古文國璋集

卷之五十四

宋文卷六

論不宜遣北使疏

胡寅

臣竊聞宰相張浚有論使事為兵家機權與臣所論事理不同今何辭遂行不可枚止臣待罪侍從初有所陳已荷聖知今浚以輔國謀臣陛下之所收顏而禮貌之者也勞難以臣故以沮其議臣不當力論取勝徒成紛紛然臣再三思慮終未曉浚之說須至剖析問於聰聽望陛下留神省覽姑且志之聖懷俟他日驗臣所計與浚孰中孰否則使事之利害決矣今則未敢求直也粘罕總師二十餘年破大遼弱我宋

古文國學集卷之五十四

宋文卷六

雖無遠畧亦精於用兵其所行事盡詭詐也今我之虛實彼豈不知尚須卑辭執議然後足以驕其心示弱屈服然後足以平其怒乎此遣使之無益一也庚戌後不遣使虜兵亦不來及緊丑遣使則鈞引虜使入國熟視而去曾不旋踵而淮南之警奏至矣此遣使之無益二也前我所遣四驛皆朝廷之選侍從之臣聞其入虜境晝夜驅馳累無禮節及見粘罕坐受欺給忽忽而歸未嘗得其要領也而况何辭一使臣其何能任覲國之事乎此遣使之無益三也昔富弼

即其理意
可求知使
人之無能
此言最確

之使也以一言息南北百萬之兵可謂偉矣使歸行賞遷進官職弱方以中國未能用兵徒賴使人口舌下虜為莫大之耻終不肯受其識度如此乃可辦國今奉使者首先論其私事祈求恩澤一足意而後行所慮卑近與市井之人無異尚能明目張膽不辱君命乎此遣使之無益四也萬一虜賊臨以兵威肆其恐脅使人必不能就死則反以我之情告之是自敗也死生之際唯烈士不懼曾謂何辭而能之乎此遣使之無益五也虜賊之所大欲者誰不知之既有

古文國學集卷之五十四

宋文卷六

滅宋之心正使劉豫明日就亡今日亦必赴救而況豫賊析哀乞援秋高草熟來寇何疑此不待窺覷自可坐照于一堂之上也此遣使之無益六也今淮以比劉豫自以為其封疆矣河之北粘罕自以為其主宇矣使者之行豈能乘雲馭風徑至虜庭哉必渡清河之阻經濁河之限然後能至也去冬下部罪狀劉豫明其為賊今豫肯寅吾使人達之於虜哉臣恐戎伐凡伯則有之矣此遣使之無益七也今我與虜之變如兩虎有沒世之一弱一強強者侵凌不休弱

者必固其門牆。嚴其戒備。待時而動。庶能有濟。乃欲命一僕夫。唱以酒肉。悅以金帛。適足重吾之弱。增彼之強而已。此遣使之無益八也。自古兵強馬衆。玩武不戢。而無自焚之變者。此五胡英傑。勒曜。垂珪之所難也。粘罕好財貪色。克殘不義。特盜賊之靡耳。非有保國永世。兼并天下之術也。度其勁兵壯者老。老者死。其犬馬之齒日已長矣。其謀臣志滿。意得。沉酣乎子女玉帛之間。不越數年。必有禍敗。此易見也。萬一今冬黨助。豫賊昧于一來。陛下申嚴將士。據大江之險以禦之。彼再而衰。三而竭。必矣。小小勝負。兵家之常。今未有兵交之形。遽自納侮。以示畏。恐情見力屈。當反爲所乘。非兵家形格勢禁之法。此遣使之無益九也。夫和人之心。迎合粘罕之意。爲身謀而已。陛下竊寐賢才。日昃不倦。菲衣節食。卑宮室。陋器用。以養戰士。固將爲父兄。掩覆載不同之憤。雪滄溟不滌之耻也。君堅用和策。則謀臣解體。義士喪氣。將帥偷安。而卒五洋散。以爲無復有輸忠效智。建立功名之日。使和人自謂其說可用。如此必有進爲之漸。以國與

古文國瑋集卷之五十四

宋文公集

人取悅粘罕。大事去矣。此遣使之無益十也。獨有一說。使陛下難處者。以二帝爲言耳。然自建炎改元以來。使命屢遣。無一人能知兩宮起居之狀。營效之音者。况今歲月益久。勢必重閼。惟懼我知之。今以虜爲父兄之讐。絕不復通。則名正而事順。他日或有異聞。在我理直。易爲處置。若通而不絕。則虜握重柄。歸曲於我。名實俱喪。非陛下之利也。使或有知二帝所在。一見慈顏。宣達陛下孝思之念。雖歲一遣使。竭天下之力以將之。亦何不可之有。其如艱梗悠邈。必無可達之理乎。以此揆之。則以二帝爲言者。理不難處也。臣聞善爲國者。必有一定不可易之計。正其大義。不僥倖以爲之。漢高祖出關。得董公之謀。以弑君討項羽。後雖屢敗。然項羽負不義之罪。雖強必弱。漢守其策不變。終有天下。然張良曉關之舉。養虎之喻。君子猶羞道之。及劉先主諸葛武侯志在復漢。目操爲賊。亦能三分鼎立。魏延出師。欲速孔明不求近功。君子以爲真以天下自任者。古之英雄。規模注措。大抵如此。三國崛起。曹氏先據利勢。蜀最後立。豈以微弱之

古文國瑋集卷之五十四

宋文公集

故卑下于操以苟存耶。孟子曰：君如彼何哉？強為善而已。今日大計只合明復讐之義，用賢才，修政事，息民訓兵，以俟北向，更無他策。儻或未可，惟是堅守。若夫二三其德，無一定之論，必恐不能有為。至于何辭之行，非特無効，須取辱。臣所見如此，豈得以張浚有言而自抑也？又况蒙被詔書，曲加獎諭，先以為榮，今焉內愧，所以致詳盡義，忘其喋喋心。在報君，非好辯也。若夫軍旅之事，則主之學張浚以遣使為機權者，臣所未論，不敢強為之說。伏乞陛下幸赦之，取進

古文園瑋集卷之五十四

主宋文公

止

張德遠志在報讐，今欲遣使，非求通和，或有事機耳。然當自帥府遣之，不宜煩王命也。

然我太祖先取
文諒而後
非上誠是
入先難而
後易也

乞先平陝西疏

吳仲

臣嘗讀五代史至王朴傳，觀其為周世宗盡平邊之策，其言且曰：攻取之道，從易者始。當時未以為然。及我太祖皇帝受天命，削平僭偽，一如朴策。臣是以知攻取之道，貴夫知難知易，知堅知脆，不特可用于當時，固亦可用于今日。何以驗之？臣請借王朴之言為喻，朴嘗以吳為大而脆，以并為小而堅。蓋李氏割據江南，其北帶江，其東距海，其地則廣而可撓，其人則輕而易搖。雖號大國，實脆敵也。劉氏割據河東，左

古文園瑋集卷之五十四

主宋文公

有常山之險，右有大河之固，北有契丹之援，其人則悍而輕死，雖號小國，實堅敵也。故朴以大而脆者為易攻，小而堅者為難取。易者宜先，難者宜後。國初所以先吳而後并，迄用有成也。難易堅脆之策，曉然如是，用兵之道，不能知此，雖使曠日持久，必不成功。往往敗績，若王邑不聽嚴尤之謀，至于自斃，昆陽是矣。臣雖疎遯不才，非敢自比王朴，然當國步艱難之時，正宜輸忠効力，願禪一二。况臣昨在呖訟之中，已蒙陛下知遇之深，臣曉夕思慮，補報之心，唯有一疏，臣

以此言之
金之科舉
守陳者幾
三百萬鎰

軀甚微。若捐軀有益國家。雖赴湯蹈火亦願自試。奈何無左右之容。致使臣犬馬之力無所施設。而臣傾心勞思。未嘗不為國家慮也。今日攻取之術。正有難易。臣輒以管見上于天聽。伏望聖慈。畢賜脩覽。縱使一得之慮。未足裨補廟算。亦可以見臣憂國之勤也。臣竊見劉豫悖逆天道。僭據中原。神怒于幽。人怨于明。天下之人欲將共起而誅之。惜手取之後時。滅之太晚。臣以謂在紹興之初。擒之極易。在今日。擒之稍難。臣于紹興之初。力乞親征。誅鋤僭逆。蓋恐其滋蔓。古文閣羣集卷之五十四

必擒之謀。臣恐非先後之術也。臣竊觀關中之地。劉豫認為已有。彼方待敵于我。西北之僭。想見弛慢。臣欲乞擇一偏師。用二萬人擣其虛。以吳玠應之。五路之地。可傳檄而定。既得五路。蜀中民亦可少蘇。此所謂從易者始也。又况吳玠坐守四川。民力困弊。玠諸葛亮且田且守。尚不能取中原。若田守皆不及亮。又如之何。萬一不為此謀。臣恐年歲之間。蜀中亦非陛下有也。今分遣二萬之衆。與吳玠會于關中。是斷劉豫之臂。既得關中。劉豫自危。歲月之間。可不戰而擒矣。若棄易從難。臣謂相持師老。勝敗之機。皆未可必。竊料劉豫之謀。秋高馬肥。彼強亦來。彼弱亦來。蓋強則以勢恐之。弱則以計撓之。皆不過為自固之術爾。臣以謂不若號令諸將。休兵秣馬。以佚待勞。此又萬全之計也。臣竊觀今之士卒。亦漸精銳。其為主將。間有勇敢諸軍。內外謀智之士。未聞其人。臣聞之易曰。天地設位。聖人成能。人謀鬼謀。百姓與能。聖人且有謀焉。司命所繫。豈可無也。用兵之在謀。主有則勝。無則負。蓋亦可驗。昔漢得三傑而興。楚失范增而下。曹

公跣足迎許攸而破冀州陳餘捨左軍而死。泚水用與不用。灼然甚明。何今日而忽諸。臣在紹興甲寅。因嘗論列張浚可用。陛下察其非辜。未幾召還。果能平湖外之寇。然而張浚自秉鈞軸。出總帥權。下士之譽日減。一日與古之名將用心。大相遠邈。臣竊意其無他。欲懲前此信任小人之弊。而畏慎之。殊不知進見一人。聞見果寡。機會果暗。物理果乖。人情果昧。則斥之可也。謝絕可也。其有通常世之務。明道德之歸。謀畫如良平。議論如許李。若一舉遇之。得非懲於曩者。

古文國瑋集

卷之五十四

宋

宋

吹簫之謂歟。昔周亞夫得劇孟。喜曰。吳楚舉大事。不求劇孟。吾知其無能爲也。本朝縱張元而元吳叛。留姚嗣宗而遼患息。故吳楚成敗繫之劇孟。遼隋安危見于張姚。匹夫去就所繫。不輕則豪傑之士。豈可忽哉。臣審訂此理。不特爲張浚惜。亦將爲陛下惜也。何則。今天下分裂于賊臣。劉豫僭號于中原。雖非正君。亦似兩國。豪傑之士。可南可北。非猶昔日天下一家之時也。將多方以羅之。重法以禁之。尚恐不能盡爲。我川兄於豈而不問縱而弗禁者乎。臣昨見杜充爲

宰相順番。遂帥大郡。冀若虛以校尉投虜。立作郎曹。自可誅夷其族。朝廷復下所屬撫存其家。臣每念之。未曉其義。况夫捨此就彼。必不我利。今反撫存其家。是縱天下之人爲杜充冀若虛之徒也。既有其人而不能用。既去其人而不能禁。可痛惜哉。臣聞之劉豫。聲言曰。南朝每有一官未闕。必三五人共之。今我州郡皆以見闕任人。不年歲間。南方士大夫當盡歸我。審如此言。豈可不察。古人有言曰。已棄之而資敵者。敗敵取之而助已者。勝在今日。不可不慮也。臣又見

古文國瑋集

卷之五十四

宋

宋

今之都督如張浚者。不可多得。臣但惜其自任太專。待人太薄。猜忌太過。所謂幕府從事者。非親則舊。皆闔茸備員。會聚之日。不過敘寒溫。問安否而已。其有條陳利害。論列可否。面折庭諍。咸無其人。若然。則張浚幕客。皆是不如已者。又安能策得失之計。而協濟於料敵哉。昔韓信非無智謀也。見李生則再拜師事之。曹公非無智謀也。見許子則跣足而迎之。今張浚自視與韓曹孰賢。果自以爲不及。則下士之禮。豈可怠也。臣固欲面見其人。箴規其失。重以前年春間衆

謗並起。獨臣雪其非辜。有此小嫌。不無疑忌。今若緘默。尚恐張浚幕客無一賢士。復蹈富平之轍。有悞國事。臣又安得不為陛下詳之。況臣紹興甲寅曾論張浚忠有餘而智不足。言猶在耳。今若自恃其賢。不任謀士。復恐敗績。欲望聖慈。檢會前書。及以臣今日所陳。明示張浚。庶使知其小疵。若或改之。則韓曹之功。不難到也。臣聞春秋責備於賢者。今日扶持正有望于張浚。臣固責之浚矣。臣憂國之心。不能自己。或有難臣之謀。以謂臣初所上書。乞誅劉豫。其言則曰。萬古文國瑋集卷之五十四 宋文卷四

一少遲。事必不濟。今此果然。朝廷不用臣言。一至于此。尚何譏諉未已。臣則應之曰。臣之存亡。與國同其休戚。又非其他臣庶之比。奮忠竭節。當先于眾人。何以言之。臣前後數書。皆是乞誅劉豫。誓不與之俱生。往往劉豫視臣亦為死讐。萬一國家安則臣亦安。國家危則臣亦危。臣非畏死。臣恐死于劉豫之手。無益國事。今臣非貪祿躁進。沽名釣譽。良為天下之大。獨臣一人與國同其安危。至如其他臣下。事偽事真。畧無甚大利害。况前有馮道歷四姓而不替之鑒。伏望

陛下痛加察焉。不唯臣一身之幸。亦將為廟社久長之計也。干冒見旒。臣無任俯伏待罪之至。臣伸昧死百拜。

伸以布衣以上書授官數數建議亦奇士也

論不當與金人通和疏

胡銓

紹興八年宰臣秦檜次策主和金使以詔諭江蘇為名中外海河樞密院編修胡銓抗疏

臣謹按王倫本一狎邪小人市井無賴頃緣宰相無識遂舉以使虜事務詐誕欺罔天聽驟得美官天下之人切齒嚼罵今者無故誘致虜使以詔諭江南為名是欲臣妾我也足欲劉豫我也劉豫臣事醜虜南向稱王自以為子孫帝王萬世不拔之業一旦豺狼噬臍捫而縛之父子為虜商賈不遠而倫又欲陛下効之夫天下者祖宗之天下也陛下所居之位祖宗之位也奈何以祖宗之天下為金虜之天下以祖宗之位為金虜藩臣之位陛下屈膝則祖宗廟社之靈盡汙夷狄祖宗數百年之赤子盡為左社朝廷宰執盡為陪臣天下士大夫皆當裂冠毀冕變為胡服異時豺狼無厭之求安知不加以無禮如劉豫也哉夫三尺童子至無識也指犬豕而使之拜則怫然怒今醜虜則犬豕也堂堂大國相率而拜犬豕曾童孺之所羞而陛下忍為之耶倫之議乃曰我一屈膝則梓宮可還太后可復淵聖可歸中原可得嗚呼自

古文國瑋集卷之五十四

宋文卷廿六

變故以來主和議者誰不以此說啗陛下哉然而卒無一驗則虜之情偽已可知矣而陛下尚不覺悟竭民膏血而不恤忘國大讐而不報含垢忍耻舉天下而臣之甘心焉就今虜決可和盡如倫議天下後世謂陛下何如主況醜虜變詐百出而倫又以姦邪濟之梓宮決不可還太后決不可復淵聖決不可歸中原決不可得而此膝一屈不可復伸國勢陵夷不可復振可為痛哭流涕長太息矣向者陛下間關海道危如累卵當時尚不忍北面臣虜况今國勢稍張諸將盡銳士卒思奮只如頃者醜虜陸梁偽豫入寇固嘗敗之於襄陽敗之於淮上敗之於渦口敗之於淮陰倭之往時蹈海之危固已萬萬儻不得已而至於用兵則我豈遽出虜人下哉今無故而反臣之欲屈萬葉之尊下穹廬之拜三軍之士不戰而氣已索此魯仲連所以義不帝秦非惜夫帝秦之虛名惜天下大勢有所不可也今內而百官外而軍民萬口一談皆欲食倫之肉謗議洶洶陛下不聞正恐一旦變作禍且不測臣竊謂不斬王倫國之存亡未可知也雖

古文國瑋集卷之五十四

宋文卷廿六

然倫不足道也。秦檜以腹心大臣而亦爲之。陛下有堯舜之資。檜不能致君如唐虞。而欲導陛下爲石晉。近者禮部侍郎曾開等引古誼以折之。檜乃厲聲責曰。侍郎知故事。我獨不知。則檜之遂非。復諫已自可見。而乃建白。令臺諫侍臣會議可否。是蓋畏天下議已。而今臺諫侍臣共分謗耳。有識之士皆以爲朝廷無人。吁。可憐哉。孔子曰。微管仲。吾其被髮左衽矣。夫管仲。霸者之佐耳。尚能變左衽之區。而爲衣裳之會。秦檜。大國之相也。反驅衣冠之俗。而爲左衽之鄉。則古文園彙集卷之五十四

圭 宋文卷六

檜也。不唯陛下之罪人。實管仲之罪人矣。孫近傳會檜議。遂得參知政事。天下望治有如饑渴。而近伴食中書。漫不敢可否事。檜曰。虜可和。近亦曰可和。檜曰。天子當拜。近亦曰當拜。臣嘗至政事堂。三發問而近不答。但曰。已令臺諫侍從議矣。嗚呼。參贊大夫。徒取充位如此。有如虜騎長驅。尚能折衝禦侮耶。臣竊謂秦檜孫近亦可斬也。臣備負樞屬義。不與檜等共戴天。區區之心。願斷三人頭竿之藁街。然後羈留虜使。責以無禮。徐興問罪之師。則三軍之士。不戰而氣自倍。不然。臣有赴東海而死。爾寧能處小朝廷求活耶。

請還都疏

宗澤

臣太馬之年已七十矣陛下不以臣衰老無用付之東京貨綸臣自去年七月到任夙夜寃心營繕樓櫓城壁掃除宮禁闕廷分布柵寨訓練士卒教習車陣比及終冬諸事稍稍就緒都城貼然風物如舊人入廷頸跂踵日夜俟望聖駕還闕臣以故自今年正月三日兩次遣屬吏及臣之子捧表達請行在投進祈請車駕西上歸肆大赦於宣德門使天下曉然皆知陛下言旋舊都再造正室命令用是邇達盜賊用是

古文國璋集

卷之五十四

言

宋文公

新氏中馬
進都守是
特示四房
中
此宜和之
失策立遣
子孫所以
解其惑而
樹金人之
敵也

宗公又一
言六月
方久難用
中國利川
兵

古文國璋集

卷之五十四

言

宋文公

祖宗二百年涵養之澤雖陷賊踰年而戴宋之心初無攜貳使吾大兵渡河而戰則東北人民必有背賊歸我前徒倒戈攻于後以北誰不願為吾死孟子曰雖有智慧不如乘勢雖有鎡基不如待時今時則易然也臣嘗以今日時勢觀之天意悔禍人心固結雖三尺童子爭欲奮臂鼓勇恨不碎金賊之首食金賊之肉又況當六月宜王北伐之時機會間不容髮陛下何憚而不亟還京師使臣獲奉咫尺之威請借筋以籌黃帝書曰日中必昃操刀必割此言時不可失

也諺曰當斷不斷反受其亂此言斷不可誣也今日之事臣願陛下以時果斷而行之毋惑讒邪之言毋沮忠鯁之論倘陛下以臣言為是願大駕即日還都使臣為陛下得盡愚計若陛下以臣言為非願陛下即日放罷老臣或重竄責臣所不辭惟明主可與忠臣言臣故昧死以聞

言雖不多措置甚大使用其言可無南渡矣

論過江避寇疏

宗澤

伏觀朝廷前遣翁彥國營繕金陵。比有詔復欲遣官奉迎太后六宮以往。再謂朕當獨留中原。臣伏讀詔書。私竊疑之。此必有進言者。勸陛下過江避寇。而不思天下大計。託爲愛君之迹。以濟其不忠。臣願陛下察其利害之實。斷自淵衷。早賜定論。重念本朝提封萬里。京師爲腹心。以祖宗都此。垂二百年。宗廟社稷所在。而民人依之以居者。無慮萬萬計。今兩河雖未收寧。猶一手臂之不伸也。而乃遽欲去而之他。非惟不能療一手臂之不伸。并與腹心而棄之。豈祖宗所以付託之意。與天下睽睽萬目。所以仰望之心哉。彼進言之臣。談何容易。且利害之端。曉然可見。臣乞陛下且駐蹕南都。未可輕議舉動。臣雖老矣。尚當戮力。立辦禦敵之具。以圖萬全之舉。然後掃除宮禁。嚴備扈從。奉迎鑾輿。謁見九廟。非特使神祇祖考安樂之。庶幾中原增重。不失天下之大勢也。不然。則是徒爲走計爾。示虜以弱。非惟不恤兩河。抑又不恤中原。且去宗廟社稷而不顧。陛下豈忍乎。臣重爲陛下

古文國瑋集

卷之五十四

宋文港注

惜者此耳。故敢直輸血誠。幸陛下留意無忽。昔景德間契丹寇澶淵。警報一聞。中外震恐。是時王欽若江南人。卽勸章聖幸金陵。陳堯佐蜀人。卽勸幸成都。惟寇準毅然開之。帝親征。卒用成功。願臣庸謬。何敢望準。然事適相類。不敢不以章聖望陛下也。臣又自期旣已奉迎鑾輿還都。卽當身率諸道之兵。直趨兩河之外。喋血虜廷。非特生縛賊帥。並迎二聖以歸。庶雪靖康一再之耻。然後舉觴玉殿。以爲聖天子億萬斯年之賀。臣之志願始畢矣。竊自謂愛陛下者。無如老臣。然不知臣者。必指臣以爲狂妄。臣亦非所恤也。伏陛下觀事之宜。察臣之心。則知臣之忠於爲國壯烈之氣。直馳伊吾之北矣。

古文國瑋集

卷之五十四

宋文港注

乞修江陵疏

蔡戡

孝宗時蔡戡乞修江陵府城上奏

臣竊謂南北既分。荆州最爲重鎮。自古必爭之地。北得之。則據吳楚上流。以制南土。南得之。則據襄漢要地。以圖北方。故曹操平荆州。于是乎有睥睨長江之心。乃多修船舶。遣書孫權曰。今治水軍八十一萬。方與將軍會獵於吳。及周瑜鎮江陵。于是乎有長驅中原之志。乃說權取蜀。得蜀固守其地。北與馬超結援。瑜與將軍還據襄陽。以蹙曹操。北方可圖也。權嘗以古文園瑋集卷之五十四

宋文忠公集卷之五十四

間道。可以直趨江陵。虜以一軍牽制襄陽。而輕兵取江陵。襄陽之戍。既不能分兵而爲之援。又不得乘間而擣其虛。僅足嬰城自保而已。江陵城壁頽圯。戍兵寡弱。將何以禦之。是不戰而自屈。不攻而自破也。江陵失利。吳蜀斷而爲二。長江與我共之。順流而下。如高堂之建瓴。水豈不殆哉。蓋自辛巳北虜敗盟。逆亮狂悖。視長江猶衿帶之水。直欲長驅而來。但遣偏師劉萼。以十萬衆。耀兵江漢。以疑我師。初無意于免襄。荆襄遠於兩淮。輦運難于轉漕。故敵人去難而卽易。古文園瑋集卷之五十四

宋文忠公集卷之五十四

役十夫費百金亦有所不可今也城要害之地爲修
久之圖小費而大利誓勞而永逸亦何憚而不爲乎
臣嘗計之竹木取於山塲灰取於陶工役取於軍費
可省半不過糜三十萬緡耳萬二千人又休日役六
千人用工不過百萬半年可成臣區區之愚欲望聖
慈斷自宸衷給降行在會子三十萬道擇將帥之才
者委之工役材料則責之戎司錢穀出入則付之總
司事于州縣者則屬之帥司使之互察而協濟自今
以始預辦竹木塲灰應用之物一一備足來歲十月

古文國瑋集卷之五十四

手宋文卷之六

鳩工次年三月可以訖事凡樓櫓雉堞高下濶狹與
夫防守之具悉如襄陽之制庶幾可以堅久荆襄二
城歸然相望足以壯上游形勝之地絕敵人窺伺之
心不特陛下高枕而無西顧之憂抑亦國家萬世之
利也若夫玩歲愒日循常守故憚勞惜費因陋就簡
以苟目前之安事至而圖之何嗟及矣臣冒貢狂言
罪當萬死惟陛下留神省察不以人廢言天下幸甚
荆襄唇齒之地修荆則襄固荆襄既固敵雖入淮
南不足憂也

卷終

歷代古文國瑋集卷之五十五

襄西方岳貢禹修評選

宋文

奉詔條具邊防利害奏狀

李綱

右臣伏奉詔書以偽齊金人賊馬退遁今臣深思熟
講凡今攻戰之利守備之宜措置之方緩懷之畧條
具來上臣仰荷聖恩憐臣孤跡嘗備位於近司察臣
迂愚有千慮之一得雖以罪戾屏伏海濱曾不遐遺
以國家邊防恢復大計特降清問願臣學術閑疎智
識淺短何足以稱詔旨而裨廟畧之萬一敢竭狂瞽
以塞明命伏惟陛下留神採擇臣不勝幸甚臣竊以
僭逆之臣挾強悍之勝提兵南嚮倣擬淮壩其意蓋
料朝廷蹈前日退避之轍得以乘間渡江憑陵東南
不虞六飛親臨江上號令既行賞罰既明將士摧鋒
俘馘係路虜氣挫屈潛師遁逃此蓋陛下睿謨宏遠
天威英斷之所致宗社無疆之休中外臣子之共慶
也然臣區區之愚竊願陛下勿以賊馬退遁爲可喜
而以僭逆未誅仇敵未報爲可憤勿以保全東南爲

古文國瑋集卷之五十五

宋文卷之七

如魏張
告不及此
更使拾賊
得藉此以
實為謀和

可安而以中原未復赤縣神州猶汗於腥膻為可恥。勿以諸將屢捷為可賀。而以軍政未修士氣未振。尚使狂寇得以潛逃為可虞。則中興之期可指日而俟矣。臣謹考往古之跡。揆方今之宜。條具攻戰守備。措置緩懷之策。以獻議者。或謂賊馬既退。當遂用兵。為大舉之計。臣竊以為不然。譬如奕基。先當自生。乃可殺敵。生理未固。而欲浪戰。以僥倖此非制勝之術也。高祖先保關中。故能東嚮與項爭。光武先保河內。故能出征以降赤眉。銅馬之錫。肅宗先保靈武。故能破安史而復兩京。今朝廷以東南為根本。儻不先為自固之計。將何以能萬全勝敵。又況將士暴露之久。財用調度之煩。民力科取之困。謂宜大為守備。痛自料理。使之蘇息。乃為得計。議者又謂賊馬既退。當且保據一隅。以苟目前之安。臣又以為不然。譬如奕基。捨局心而就邊角。迫蹙編小。浸以衰微。何以取勝。秦師伐晉。以報殺之師。諸葛亮佐蜀。連年出師。以圖中原。不如是不足以立國。高祖在漢中。謂蕭何曰。吾亦欲東耳。安能鬱鬱久居此乎。光武破虜。謂岑彭曰。

古文園集卷之五十五 五十六 二 宋文卷五

借分兵食
極有條理
若使諸路
盡仰給于
東南則合
東南之力
而固守一
邊矣

人苦不知足。既平隴。復望蜀。此皆帝王以天下為度者也。不如是不足以混一區宇。戡定禍亂。又況祖宗之境土。豈可坐視淪陷。不務恢復。今歲不征。明年不戰。使賊勢益張。而吾之所糾合精銳士馬。日以損耗。何以圖敵。謂宜於防守既固。軍政既修之後。即議攻討。乃為得計。此二者守備攻戰之序也。至於守備之宜。則當料理淮南。荆襄。以為藩籬。夫淮南荆襄者。東南之屏蔽也。六朝之所以能保有江左者。以強兵巨鎮。盡在淮南。荆襄間。故以魏武之雄。苻堅之衆。宇文弼拔之。盛卒不能窺江表。後唐李氏有淮南。則可以都金陵。其後淮南為周世宗所取。遂以削弱。今朝廷欲為守備。則當於淮南東西及荆襄置三大帥。屯重兵。以臨之。東路以楊州。西路以廬州。荆襄以襄陽為帥府。分遣偏師。進守支郡。小築城壘。如開新邊。其初朝廷應副錢糧。謂如淮東。則以江東路財用給之。淮西。則以江西路財用給之。荆襄。則以湖南北路財用給之。徐議管田。使自贍養。遇有賊馬。則大帥遣兵應援。稍能自守。商旅必通。乃可召人歸業。漸次葺。

古文園集卷之五十五 五十六 三 宋文卷五

陳同父中
論皆用
此則用實
公則用實
用平二者
不可相無
也

理假以歲月。則藩籬成矣。前有藩籬之固。後有長江之險。加以戰艦水軍。使沿江一帶。帥府郡縣。上連下接。自爲防守。則賊馬雖多。豈敢輕犯。近年以來。大將握重兵於江南。官吏守空城於江北。雖有天險。初無戰艦水軍之制。故敵人得以侵擾。窺伺欲爲守備。無他。及此而已。或謂三大帥率重兵以屯江北。則供億之費不貲。臣應之曰。使三大帥屯兵於江南。亦仰給於朝廷。其費等耳。曷若使之渡江。葺理淮南。以爲家計。則朝廷異時可省經費。而藩籬之勢成爲無窮之利。守備之宜。莫大於是。有守備矣。然後可以議攻戰之利。亦當分責於諸路大帥。謂如淮東之帥。則當責以收復京東東路。淮西之帥。則當責以收復京東西路。荆襄之帥。則當責以收復京西南北路。川陝之帥。則當責以收復陝西五路。諸路尅捷。因利乘便。收京畿。復故都。以戡大憝。此雖落落難合。然在陛下志先定於中。而斷以至誠必爲之意。蓋無不可成之理。至於擇將之術。治兵之政。車馬器械之制。號令賞罰之權。兵家皆有常法。無待臣言。而戰陣之間。因敵決勝。

古文國學集

卷之五十五

宋文卷五

臨事制變者。兵無常形。又不可以預圖也。臣願竊以爲獻者。在勿失機會而已。夫機會之來。間不容髮。以戰則勝。以守則固。一失其機。悔不可追。昔劉表悔不用蜀先主之言。蜀先主曰。天下日尋干戈。事會之來。豈有終極。若能應之於後。則此未足爲恨也。臣竊觀朝廷近年以來。失機會者多矣。自今以往。如能保淮南。荆襄以爲固。選將練卒。厲兵秣馬。聚財積穀。應機而作。則以弱爲強。取威定亂。於一勝之間。僭逆之臣。可正葦街之誅。強悍之虜。豈無殄滅之日。攻戰之利。莫大於是。此二者。守備攻戰之策也。若夫措置之方。則臣願先定駐蹕之所。蓋萬乘所居。必擇形勝。然後能制服中外。以圖事業。臨安平江。皆澤國。偏迫。偏霸。所據非用武之地。惟建康自昔號爲帝王天子之宅。以其江山雄壯。地勢寬博。可容萬乘。故六朝以來。更都之。今鑾輿未復舊都。莫若權宜且於建康駐蹕。控引二浙。襟帶江湖。運漕貯穀。無不便利。臣昨於建炎初建議。巡幸關中。爲上襄陽。次之建康。爲下者。以天下形勢言之也。今以建康爲便者。以東南形勢言之。

古文國學集

卷之五十五

宋文卷五

也。然淮南有藩籬之固。然後建康可都。願陛下與二三大臣熟計之。既料理淮南。仍詔建康守臣治城壁。修宮闕。立官府。創營房。使粗成規模。以待翠華之幸。近年以來。車駕所寓。因陋就簡。諸事草創。雖陛下以時方艱難。用過于儉。然宮室制度。亦有不可已者。有城壁。然後人心不恐。有官府。然後政事可修。有營房。然後士卒可用。惟自朝廷應詔。詔有司以漸修建。庶幾不擾。此措置之方。所當先者也。緩懷之畧。則臣願先爲自強之計。夫西北之民。皆陛下之赤子。荷祖宗古文國璋集卷之五十五十六六宋文卷五十六涵養之德。其意易嘗一日忘宋哉。特制於黠虜之勢。爲所驅迫。陷於塗炭。故捨二百年之本朝。而事大不道之僭逆。豈其本心。惟朝廷之力。未能保覆之。故數路之民。雖困於重斂。傷於峻刑。而不能以自歸。儻淮南荆襄藩籬既成。壤地相接。甲兵既備。天威震驚。必有結約來歸。如宿遷之民者。必有願爲內應。如京東郡縣者。宜命諸帥優加撫循。來歸者給田土。內應者予爵賞。官吏將士。祿秩由舊。許之自新。孰不感悅。朝廷近者得諸路簽軍。皆不殺而優恤之。自賊中來歸

者。皆優與官秩。可謂得策。更願力爲自治自強之計。使陷溺之民。知所依怙。益堅戴宋之心。此緩懷之畧。所當先者也。攻戰守備。措置緩懷。皆中興之至計。今日之急務。聖問所及。臣已粗陳其梗槩矣。臣伏讀詔書。有曰。朕將虛已以聽。擇善而從。君臣之間。期於無隱。利害之決。斷以必行。臣三復聖訓。不知涕泗之交頤也。何則。君臣之遇。號爲千載。聽言用謀。尤其所難。未信而言。則有謗已之嫌。交疎言深。則有失身之戒。雖雖朋友。尚不易言。而況於君臣之間乎。今陛下求古文國璋集卷之五十五十六七宋文卷五十七治之切。詔書如此。而臣以憂患之餘。孤危特甚。欲淺言之。則何以副陛下期於無隱之訓。欲深言之。則慮有犯顏逆鱗之愆。恐懼交中。進退維谷。雖然。陛下當艱危多故之秋。詔臣以丁寧惻怛之意。緘默不言。臣則有罪。有君如此。其忍負之。敢冒鼎鑊刀鋸之誅。以布心腹腎腸之實。惟陛下幸察。臣竊觀陛下有聰明睿智之姿。有英武敢爲之志。然自臨御。迄今九年。國不闢而日蹙。事不立而日壞。將驕而難御。卒惰而未練。國用匱而無贏餘之蓄。民力困而無休息之期。陛

下憂勤雖至而不足以成中興之業者則羣臣譏諍
下之故也陛下自近年以來所用之臣凡幾人慨然
敢任天下之重建事立功與夫充位備員者皆不逃
於聖鑒夫用人如用醫必先知其術業可以已病然
後使之進藥而責成功今於醫者之術業初不詳究
而姑試之則雖日易一醫何補病者始將飲藥以加
病而已乎居無事小廉曲謹初似無過而乏濟時之
大畧忽有擾攘之故則錯愕無所措手足不過奉身
以退天下憂危之重委之陛下而已不知何備於國
古文國璋集 卷之五 五十六 本 宋 文 忠 公 集

家陛下亦安取此大槩近年所操之說有二間暇則
以和義爲得計而以治兵爲失策倉卒則以退避爲
愛君而以進禦爲誤國衆口和之牢不可破然累年
之間冠蓋相望而初不得其要領翠華蒙塵而尚未
有所定居上下苟且偷安而不爲長久之計天步艱
難國勢益弱職此之由大運有開天啓宸衷超然遠
覽悟前日和議之失而親總六師懲前日退避之非
而親臨大敵逆臣悍虜數十萬衆飲馬江干雖未能
掃蕩遼孽盡殲醜類而天威所臨已足以使之震怖

不敢南渡潛師宵奔則和議之與治兵退避之與進
禦其效槩可觀矣今賊馬雖退而虜情狡獪變詐百
出未大懲創疆場相望道理不遠安知其秋高馬肥
不再來擾我使疲於奔命哉是宜明詔於却敵之初
求善後之策也臣夙夜爲陛下深思所以爲善後之
策者無他在盡反前日之所爲解琴瑟而更張之先
定其論如奕基之立意後圖其功如奕基之置子必
可得志臣請試陳其說竊觀自古創業中興之主必
以兵勝而爲親征之計者其意豈謂必冒矢石履行
古文國璋集 卷之五 五十六 本 宋 文 忠 公 集

陣而後可哉黃屋所臨人心自固賞罰既富士氣奮
張用能成功故高祖既得天下擊韓王信陳稀黥布
未嘗不親行先武自即位至平公孫述十三年間無
一歲不親征本朝藝祖太宗定維揚平澤潞下河東
皆躬御戎輅真廟亦有澶淵之行措天下於大安此
所謂始於勤勞終於逸樂者也退避之策可暫而不
可久可一而不可再退一步則失一步退一尺則失
一尺往時自南都退而至於維揚則關陝河北河東
失矣自維揚退而至於江浙則京東西失矣萬有一

言戰尚有畏歟之心
言和則有苟生之意
故最足以爲實事

古文國瑣集 卷之五十五 十一

古文國瑞集

何如左右手、太宗遇房杜如子弟、蜀先主得諸葛孔明如魚之有水、不如是不能感會風雲以成王霸之業、今陛下選於衆以圖任、遂能捍禦大敵、可謂得人矣、然臣願陛下待以至誠、無事形迹、久任以責成功、勿使小人得以間之、則君臣之美、垂裕無窮、昔高祖終始用蕭何、太宗終始用房杜、故能戡亂定功、卒致太平、管仲有言曰、知人而不能用、害霸也、用而不能信任之、害霸也、信任而使小人參之、害霸也、霸者猶如此、而況於欲恢復天下者乎、魏鄭公有言曰、君臣

古文國璋集

卷之五十五

宋文卷五

同心是謂一體、豈有置至公事形迹、若上下共由茲路、邦之興喪、未可知也、夫事形迹者、未必有過舉、而魏公以爲興喪未可知者、凡以無至誠相與之意、而惟嫌疑之爲避、不足建興邦之大績故也、陛下誠能推信任之誠、臣將見輔弼任責、而中興之業不難致矣、何謂公選人材、夫治天下者、未嘗不資於人材、而創業中興之主、所資爲尤多、何則、繼體守文、率由舊章、得中庸之材、亦足共治、至於艱難有爲、與衰撥亂、則非得卓犖瓌偉之材、未易有濟、故武王之有十亂、

宣王之有吉甫、方叔、召虎、高祖之有三傑、光武之有鄧禹、耿弇、吳漢之屬、太宗之有房杜、英衛之流、憲宗有裴度、武宗有李德裕、皆以不世出之材、佐大有爲之主、參翊佐佑、以成大業、古今通道、其可忽諸、然自昔抱不羣之材者、多爲小人之所忌嫉、或中之以黜、或指之爲黨、與或誣之以大惡、或摘之以細故、而以道事君者、不可則止、難於自進、恥於自明、雖負重謗、遭深譴、安於義命、不復自辯、惟至明之主、爲能察小人之情僞、而辯其臣之非辜、此霍光所以見察於

古文國璋集

卷之五十五

宋文卷五

昭帝、房喬所以見信於太宗也、陛下臨御以來、用人材多矣、世之所許以爲正人端士者、往往閒廢於無用之地、豈非懼此謗耶、遂使陛下寤寐側席、而有乏材之歎、懷材抱義、願爲國家宣力者、無因而進、前陛下蓋亦少留聖意、致察於此、洪範皇極之疇曰、無有作好、遵王之道、無有作惡、遵王之路、無偏無黨、王道蕩蕩、無黨無偏、王道平平、好惡偏黨、皆足以爲至公之累、惟以道爲公、而無好惡偏黨之私、則王道明矣、魏鄭公卒、太宗遣人至其家、得書半藁、其可識者曰、

茅朝之事
不壞于夷
小人故變
卒士風極
篇正本之

天下之事有善有惡任善人則國安用惡人則國弊公卿之內情有愛憎憎者性見其惡愛者止見其善愛憎之間所宜詳審若愛而知其惡憎而知其善去邪勿疑任賢勿猜則可以興矣太宗感悟夫人主豈能無愛憎然必去愛憎而後得人以興者愛憎出於私情用人以興邦必由於公道故也管仲雖仇齊公必用雍齒雖怨漢祖必賞而況其餘乎陛下誠能推至公之道臣將見人材輩出中興之業不難致矣何謂變革士風夫用兵之際似與士風初不相及然其古文國華集卷之五十五十六南宋文卷五

實相為表裏者也士風淳厚則議論正而是非明朝廷賞罰功罪當而人心服此措置所以得宜而寢明寢昌也士風澆薄則議論不正是非不明朝廷賞罰功罪不當而人心不服此措置所以失宜而寢微寢弱也晉之士風尚虛浮而不事事故當時措置乖謬盜賊並起而有五戎亂華之禍本朝嘉祐治平以前士風何其淳厚也自數十年來非特不事事而已奔競爭進議論徇私邪說利口足以惑人主之聽元祐大臣如司馬光之流皆持正論為朝廷長慮却顧圖

張德遠議
論極不險
忠定公若
之如此可
見君子之
居心

久遠之計社稷之臣也而羣枉嫉之指為姦黨聽其言則大者可族小者可誅賴國家寬仁祗從竄逐其士風遞相倣效顛倒是非變亂白黑政事大壞以馴致靖康之變非偶然也殆今四十餘年世變風移愛憎之情銷盡然後朝廷始知元祐羣臣之忠褒贈官秩錄用于孫然已何補於事曷若早變此風則忠臣無誅謫之冤國家有治安之實兩受其利豈不美哉臣觀近年士風尤薄隨時好惡以取世資不顧國體惟欲進身不顧事實惟欲傷人大器則大進小退則小遷論訛成風此非朝廷之福也陛下得一張浚付以重權使禦強敵於關陝浚雖以忠許國而事失機會不為無過言者痛繩醜詆誣以大惡豈不太甚歟浚有浴日之功足以結陛下之知有大臣之辯足以回陛下之聽故得自洗濯復侍清光於帷幄之中然其所傷已多矣藉使遭謗困讒之臣無浚之功又無大臣為之辯曰而有下石以擠之者則何以自雪於君父冀察其不然哉夫朝廷設耳目及獻納論思之官以廣視聽固許之以風聞至於大故亦須覈實使

古文國華集卷之五十五十六南宋文卷五

果如其言。則誅責所加。豈宜止從輕典。使言而無實。則誣人之罪。伏譴蒐。應得以中害善。良皆非所以修政也。臣願陛下降明詔。以戒論士大夫。使體德意。從忠厚。變近年澆薄之風。昔賈誼勸文帝養人臣以禮義廉恥。陸贄勸德宗聽言必考其實。而察其情以正典刑。不宜兩置而不問。皆治道之要。陛下誠能行責實之政。臣將見士風淳厚。而中興之業不難致矣。何謂愛惜。日力臣聞之。周書曰。功崇惟志。業廣惟勤。蓋功以志崇。所以爲之規摹也。業以勤廣。所以爲之積。古文園瑋集卷之五十五 五十六 其 宋文卷五

累也。猶建大厦。室與序其規摹。可一日而成。至於鳩工聚材。積累非一日所致。創業中興。何以異此。高祖得韓信。與之論亡楚之策。先武得鄧禹。與之論興漢之謀。蜀先主得諸葛亮。與論鼎立之計。皆定於談笑之間。而高祖以五年成帝業。先武以十三年混區宇。先主得蜀。亦在數年之後。蓋積累而致者如此。今陛下臨御九年。于茲境土未復。僭逆未誅。仇敵未報。尚稽中興之業。則其始不爲之規摹。其後不爲之積累。故也。遇事粗定之時。朝廷所推行者。皆簿書期會。

不急之細務。至於攻討防守之策。國之大計。皆未嘗留意。安得不爲僭逆之臣。強悍之虜之所窺伺。然則自今以往。其可不惜日力哉。昔禹不貴尺璧而惜寸陰。今日朝廷艱難。乃惜分陰之時。臣願陛下詔二三大臣。熟議所以規摹者。凡所施爲。畫一條具。如立課程。以次施行。又詔州縣使體陛下德意而奉承之。所立期限。勿大遠以致搔擾。勿大緩以失機會。使事得其序。不擾而辦。乃爲得策。夫天下無不可爲之事。亦無不可爲之時。惟失其時。則患之小者日益。大事之古文園瑋集卷之五十五 五十六 其 宋文卷五

易者日益難。正如醫者之治病。其在皮膚。針烙及之。其在五臟。湯劑及之。至於骨髓。則雖有扁鵲俞跗。蔑以爲矣。此時之所以不可失也。詩曰。迨天之未陰雨。徹彼桑土。綢繆牖戶。今此下民。或敢侮予。孟子曰。國家閒暇。及是時。明其政刑。雖大國必畏之矣。夫用智者當於未奔騰之前。千日聚之以待一日之用。渴而穿井。闢而鑄錐。其能及乎。陛下誠能存愛日之心。將見爲無不成。中興之業不難致矣。何謂務盡人事。臣竊觀天人之道。其實一致。人之所爲。即天之所爲也。

天人之際
言之美然

國之將興，百度皆舉，天實佑之，猶之農夫盡其德，
之力，乃亦有秋，使未嘗致耕耨之勤，而欲望稼穡之
利，其可得耶？天不人不因人，不天不成人，人事盡於前，
則天理應於後，自然之符也。先武以兵三千攻尋邑，
百萬者人也，適雷電風雨，遂有昆陽之勝，而中興之
運啓者，天也。孫權以兵三萬拒曹操數十萬者，人也，
適風順，可以縱火，遂有赤壁之捷，而鼎足之勢成者，
天也。謝安以兵八千擊苻堅百萬者，人也，適秦師小
却，遂有淝水之功，而東晉之祚延者，天也。創業中興，
古文國璋集卷之五十五十六 宋文卷三

於災異必書，以謹天戒，臣觀商之盛，如武丁，周之盛，
如成王，漢唐之盛，如文景，太宗之時，未嘗無天變，而
不爲災者，以能寅畏其戒，而仰合其心也。是知人主
之於天戒，必恐懼修省，以致其寅畏之誠，則能變災
以爲祥。天人之際，何其昭昭然也！比年以來，災變失
次，太白晝見，地震水溢，或久陰不雨，或久雨不霽，或
當暑而返寒，乃正月之朔，日有食之，此皆天意眷佑
陛下，丁寧反覆，以致告戒。陛下雖嘗降詔，俾士大夫
各脩厥職，以答天譴，然臣竊謂應天以實，不以文，此
古文國璋集卷之五十五十六 宋文卷三

荆浙閩廣川陝財用可理足以爲中興之資陛下勇
智天錫春秋鼎盛欲大有爲何施不可要在改前日
之轍斷而行之耳昔仲虺之稱湯不稱其無過而稱
其改過不吝蓋帝王之度如天地之無心是則行非
則改何憚之有酈食其勸高祖鑄印以封六國之後
子房一言則趣銷之封德彝勸太宗用刑法以威天
下魏鄭公一言則行仁義遂致正觀之治無損盛德
而大功可成豈竊竊然畏人之議已哉陛下視建炎
以來其所措置是耶非耶以爲是則何以不見其效
古文園瑋集卷之五十五 宋文港

謂善後之策何以加此臣以至愚極陋之質荷陛下
非常特達之知龍飛之初虛席以待眷遇之禮過於
等倫特以志廣材疎自度不足以任天下之責力丐
罷政無補國事每自愧惕遠去闕庭九更寒暑犬馬
之心何嘗一日不在赤墀之下自以罪戾遠屏不敢
復與世故芻蕘之言久不上達近者邊報緊急戎輅
親臨臣子之情不勝憤懣故敢冒昧以三策爲獻伏
蒙聖慈特降詔書獎諭今者又奉詔旨咨以當世之
務而臣不量荒淺冒進狂瞽之說以瀆天聰昔太宗
古文園瑋集卷之五十五 宋文港

謂魏鄭公爲敢言謝曰陛下導臣使言不然其敢數
批逆鱗哉今陛下盛德過於太宗臣雖無魏公之敢
言然展盡底蘊亦思慮之所極也良藥苦口而利於
病忠言逆耳而利於行在陛下察之而已況臣自經
憂患衰病交攻氣息奄奄日與灰迫常懼先犬馬填
溝壑無以報盛德之萬一今得奉明問據至情臣願
足矣雖死之日猶生之年也伏望陛下哀憐赦其愚
直而取其拳拳之忠實天下之幸于冒天威臣無任
悚惶待命之至

乞下本路及諸路轉運司科敷錢米於田畝上

均借奏狀

李綱

係爲本路科借不均乞行
下止隨田畝多寡均定

右臣自入湖南界分。竊見州縣類皆殘破。民戶凋零。田土荒蕪。財力空匱。每處延見耆老。仰體朝廷德意。詢問民間疾苦。皆言累年以來。爲盜賊之所侵擾。官兵討捕。又皆科敷民間。應副錢糧。次數既頻。無可供應。上戶類皆遷移。往別路營生。拋下田產。不復料理。其中下戶出賣產業。淨盡猶未足以應副須索。是致

古文國瑞集

卷之五十五

七

宋文卷七

人戶不敢歸業。公私受害。臣尋行體究州縣科敷之弊。蓋緣朝廷昨降指揮。應合科催物色。並依人戶等第。依稅錢每貫合出若干。印榜曉示。本路監司申明。乞于田畝多寡定科敷之數。聲說不明。遂致官吏因緣爲姦。大拋虛數。種種作弊。且如軍期不得已而取于民。當據合用之數。於田畝上均定。謂如合用錢一萬貫。米一千石。逐州拋下諸縣。合先會計諸縣田畝數目。如有田十萬畝。卽合每畝均錢五十文。米半升。推此言之。多少皆可預行。約度科率均一。民力不至

困乏。今則不然。轉運司約度拋科。更不會計合用之數。行下逐州。逐州虛拋大數。抑令諸縣承認。諸縣亦下照用行下之數。却於田畝上創自椿起錢糧之數。謂如衡州諸縣。逐次科敷。本州行下逐縣。今科錢三萬貫。米五千石。安仁縣却令每畝出錢二百五十文。米五升。一縣之田。約計三十萬畝。則科敷之數。錢計合出七萬五千貫。米計合出一萬五千碩。衡陽縣今每畝出錢五百文。米一斛。一縣之田。約三十萬畝。則科敷之數。錢計合出一十五萬貫。米計合出三萬碩。

古文國瑞集

卷之五十五

七

宋文卷七

通衡州五縣計之。一次科敷。所出錢米。不可稱計。其間形執官戶人吏率皆不納。承行人吏又于合納人戶公然取受。更不催納。其催納者盡貧下戶。因緣抑勒。情弊百端。民不聊生。其逐年合納夏秋正稅。却更不行催理。蓋緣受納正稅。交收皆有文曆。難以作弊。其科敷之數。以軍期急迫。爲辭。類皆不置赤曆。亦無收支文字。可以稽考。又一路州縣官吏。多係權攝。與人吏通同作弊。侵漁騷擾。莫甚于此。且以今年計之。應副曹成及岳飛并福建宣撫人兵。已是三次科率。

民力安得不困。臣見痛加止絕。出榜州縣將前項料須未納人戶。並更不得催理。自今以往。一切料須並行住罷。如有軍期急關。常賦不足。非奉臣本司指揮。不得擅行科率。却令州縣依法於省限內催理正稅。其以前科數之數。依去年明堂赦文。許於正稅內剋折。見體寬作過實有情弊。官吏續具奏聞。乞重寘典憲。伏望聖慈特降府旨。以臣所陳行下本路。及諸路轉運司。令應下料須並先會計合用之數。於逐州總計田畝上均敷。即不得虛拋大數。及於田畝上別行

古文國瑋集

卷之五十五

五十六

廿四

宋文卷五十六

天下幸甚

軍興之際。往往有此橫斂。然入於正額。猶有限。不若擅賦之無涯也。

論營田劄子

李綱

臣竊見朝廷近來措置營田諸路帥臣皆帶使名以總治之。可謂得策。然今日之事。莫利於營田。亦莫難於營田。何哉。耕闢疆土。教之稼穡。足食足兵。且耕且戰。此所以莫利於營田也。開荒懇廢。必有其人。若藉民力。則淮南兵革江湖旱災之餘。民力凋弊。田疇荒蕪。況欲率之以事新田。力必不給。若用兵伍。則諸軍久習驕惰。但知開口仰食。乃欲驅之使從事於南畝。勢必不能。而又牛具穀種。農家所須。皆不可闕。勸懲

古文國瑋集

卷之五十五

五十六

圭宋文卷五十六

勤怠督視耕穫。必須親臨。取予有術。其利猶在數年之後。此所以莫難於營田也。臣愚謂宜令淮南襄漢宣撫招討使。各置招納司。以招納京東西河北之民。明出文榜。厚加撫循。有來歸者。撥田土。給牛具。貸種糧。使之耕鑿。許江湖諸路於地狹人稠路分。自行招誘。而軍中人兵願耕者。聽其請佃。則人力可用矣。初年租課盡畀佃戶。方耕種時。仍以錢糧給之。秋成之後。官爲糴買。次年始收其三分之一。二年之後。乃取其半。罷給錢糧。則所謂知予之爲取。政之寶也。凡此

數者皆措置之大槩其詳須畫一條具立為成法乃為長久之利不然徒有營田之名實何補於事伏望聖慈特降睿旨下臣此章令諸路營田使司各具利害申朝廷斟酌其宜而推行之庶幾有助養兵之費不勝幸甚

行之久必須講之熟如屯田一事本是大利當事者不講求其故忽然而行之鹵莽有失無得則又廢而不為嗚呼此田之所以終不屯而食之所以終不足也

議巡幸第一劄子

李綱

臣以愚陋誤蒙聖恩擢任宰相初對之日嘗以巡幸之議冒瀆天聰其意以謂京師初經殘破之後理難固守然車駕不可不一到以慰天下之心然後鑾輿順動法古巡狩之禮以行四方西則關中南則襄陽東則建康以天下形勝之勢觀之關中為上襄陽次之建康為下伏蒙聖慈特採其議已降指揮京師催促修城祇備謁款宗廟而永興襄陽建康皆令葺治宮室以俟翠華之幸臣累留身奏事論及天下利害古文閣瑋集卷之五十五五十五宋文卷五安危所係之大者未嘗不以此為言嘗蒙宣諭但欲先迎奉元祐太后及遷六官如建康并禁衛家屬願遷徙者亦津遣南去而車駕獨留中原選將屯兵以衛行在雖關中可往雖金人可戰臣竊仰陛下英睿果斷如此雖古創業中興之主如漢之高祖光武唐之太宗不是過也昨日忽被手詔宣諭京師未可往而欲為太王避狄之計巡幸東南擇形勝之便利遠水火之焚溺來春還關聚糧屯兵為守禦攻討之計令臣條具合措置事務以聞臣伏讀愕然未喻聖意

不知天慮與前不同。果以為當如此耶。將左右大臣
審獻此說。姑從其策耶。如天慮果以為當如此。臣竊
以為未然。而左右大臣審獻此說。則臣竊歎其未嘗
深思遠慮。姑欲脫一時之患。而不知禍難之在後也。
夫京師宗廟所在。陛下即位之初。禮當一創。徒以城
池乏修。未備。而防秋之期已迫。執有未可往者。臣固
不敢力爭。至于巡幸東南。以避秋。則臣不知車駕果
將安之耶。若欲出於下策。遂往建康。則臣恐天下之
執傾而中原不復為我有矣。請為陛下試詳言之。夫

古文國璋集 卷之五十五 五十五 宋文卷五

陝西者。中國勁兵健馬之區也。河北河東者。中國之
屏蔽也。京畿及東西中國之腹心也。河淮荆湖閩折
川廣者。中國之支派也。今與鄰國爭屏蔽之地。不能
保腹心。以號召勁兵健馬。與之馳逐。而欲自竄于支
派之鄉。臣恐天下之執偏而不舉。胡騎深入。號令不
行。州郡莫相救援。皆將碎於賊手。虜以精兵驚擾京
東。控制淮楚。陛下雖欲還關。不可得矣。況欲屯兵聚
糧。議攻守計。以迎二聖哉。王命不通。盜賊蠭起。殺害
官吏。屠陷城邑。如今之河北。兵民不待金人。然後為

還須行上

害。自江以南。皆當搖動。不知獻策之臣。果能保其必
守乎。夫江之廣。不如河。江之險。不如河。江之湍激。不
如河。金人渡河。猶不能禦。江豈可恃。而南人之輕脆。
非北人之比。賊至。則潰。南方之城堡。非北方之比。賊
攻。則破。陛下必以幸建康為安。臣愚竊以為過矣。夫
利在耳目之前。患在一世之後。中智以上。乃能知之。
今欲乘舟順流而東。其安便比於鞍馬之間。何啻相
百。遠幸江湖之濱。其閑適比於兵革之際。何啻相萬。
然偷取一時安適。而忘禍患之在後。獻說者如此。臣

古文國璋集 卷之五十五 五十五 宋文卷五

愚竊以為不思之甚矣。為今之計。縱未能行上策。以
趨關中。莫若取其次策。以適襄鄧。襄陽近為李孝忠
所據。雖已潰散。恐或殘賊。惟鄧為可以脩車駕之時。
巡夫鄧者。古之南陽。光武之所興也。西鄰關陝。可以
召兵。北近京畿。可以遣援。南通巴蜀。可取貨財。東達
江淮。可運穀粟。有高山峻嶺。可以控扼。有廣土寬城。
可以屯重兵。民風號為淳古。盜賊未嘗侵犯。此誠天
設以待陛下之臨幸。事之機會不可失也。願召守臣
增修城池。漕臣儲峙糧草。朝廷給降錢帛。廣行應副。

專遣使者以督其事。將來秋高，六飛啓行，由陳蔡唐以趨南陽，不過半月可達。天下之士知陛下之不忍弃中原也，河東之民知陛下之不遠徙也，天下郡縣知陛下之虛中以臨四方也，皆當心服而無解體之患。是一幸南陽，則三者皆得；一幸建康，則三者皆失。利害安危之幾，在此一舉。陛下何憚而不行也？臣愚伏望聖慈，斷自淵衷，從臣之言，勿是先入之說，天下不勝幸甚。

余嘗論汪黃之罪，浮于秦檜，以其首建避狄之策。

古文國璋集 卷之五十五 五十六 三 宋文卷五

決弃中原也。且高宗之窺海與度宗之窺海何異？特金人氣脉未長，不能久駐江南，故幸而未亡耳。

議巡幸第二劄子

李綱

臣已具劄子論車駕巡幸京師，城壁未可保守，修葺未脩，當權時之宜。駐蹕南陽，據天下之中，以號令四方，不啻東幸建康，弃置中原，以失天下之心。伏蒙聖慈，令與執政同議。然前疏未盡區區之意，敢昧死再陳之。臣聞自昔人主當草昧艱難之時，或與英雄角逐，或為夷狄所侵，皆據地利而莫肯先退，盡人力而莫肯先屈。夫勝天下者必以執，而據地利莫肯先退者執也。蓋天下者必以氣而盡，人事莫肯先屈者氣也。

古文國璋集 卷之五十五 五十六 世 宋文卷五

也。漢高祖與項羽戰于滎陽，成臯間相持累年，高祖雖屢敗，不肯退尺寸地。既割鴻溝，羽引而東，遂有垓下之亡。曹操與袁紹戰于官渡，操雖兵弱糧乏，不肯解去。既焚紹輜重，紹引而歸，遂喪河北。由此觀之，與敵爭勝，豈可不據天下之執而先自退哉？唐之初，突厥頡利以數萬騎飲馬渭水，去長安纔數十里。太宗以七騎臨渭，上與語以大義，折之既而王師大集，旌旗戈甲，光彩精明，頡利震怖，遂以請和。本朝景德中，契丹以數十萬寇澶淵，真宗渡河親征，射殺所

謂統軍撻撓者虜主惶懼遂亦請和而去兩朝盟好
凡百餘年由此觀之爲夷狄所侵豈可不作天下之
氣而先自屈哉今金人雖號爲勍敵其實皆中國失
策養之使然考其兵之強盛豈能過項籍袁紹其敢
深入豈能過顏利契丹而吾方其未至之時已相與
震怖委弃中原而自竄于江湖之間既失天下之勢
又索天下之氣不知虜騎果復渡河攻圍我城邑屠
戮我人民以精兵控扼淮泗而王命爲之不通盜賊
蜂起所在竊發跨州連邑自相建置將何以待之且
古文國璋集卷之五十五 宋文卷五
今之所恃者兵也陛下每欲聚西北之兵十餘萬日
加訓練以待親征睿謀壯矣既適建康不知此兵將
何所用夫建康水鄉其土卑濕其食魚稻非西北之
兵所利不產粟麥稗草土氣多熱非西北之馬所便
往年方獵起于江浙朝廷遣西兵討之疾病物故者
三之二而馬之存者無幾由此觀之欲聚西北之兵
而適建康猶資章甫而適越也惟南陽可爲今冬駐
蹕之計賴天之休陛下聖德所感河北河東兩路兵
民戴宋之心借使賊敢深入邀截掩擊中國得一勝

則天下之執壯而氣振矣然後降親征之詔率天下
之師問罪以迎二聖之變與決有轉危爲安撥亂反
正之理在陛下自強不息力行之而已臣備位宰相
不惟忝荷特達之知思自竭盡萬一天下之責交歸
謀慮一有不當何以塞之伏望聖慈斷自淵衷察臣
孤忠勿爲羣議所惑天下不勝幸甚
建康尚不可況臨安耶

歷代古文國瑋集卷之五十七

宋文

襄西方岳貢禹修選

謝賜裴度傳第二劄子

李綱

上令直筆錄裴度傳降賜其劄子稱謝且錄裴度論元稹魏瓘簡章疏上進

臣竊見諸葛亮出師表其言明於治體以謂親賢臣遠小人此先漢所以興隆也。親小人遠賢臣此後漢所以傾頽也。夫君子小人於用兵之際似不相及而亮深以為言者誠以寇攘外患。有可以掃除之望。而小人在朝。當害本根。浸長難去。其患有不可勝言者。是以吉甫贊周王以比伐。必有孝友之張仲。裴度相唐以東討。必去姦邪之元稹。用能成功。規頽圯史。君子小人之不兩立。從古已然。臣竊觀陛下嗣位之初。適遭金虜入寇。宵旰憂勤。厲精圖治。思制前車。雖古帝王勤儉之極。無以遠過。然君子小人尚猶混淆於朝。翕訛成風。殊未覩調宜。而神照察在於攘逐戎狄之先。朝廷既正。君子道長。則所以扞禦外患者。有不難也。今取裴度論元稹魏瓘簡章疏。節其要語。輒

塵天聽不勝戰汗之至

國事已壞而小人未去故公即引裴度之事以納忠

古文國瑋集卷之五十七

宋文卷之五十七

論不可遣罷防秋人兵劄子 李綱

靖康元年四月，公在密院，乃與諸將條具，謂防秋之兵，至七月，公已出宣撫，廟廷降詔，謂書所起之兵，罷去大半，公上疏力爭。

臣昨待罪樞府，伏蒙陛下委令措置防秋人兵，臣意以謂中國軍政不修，幾三十年矣，關額不補者過半，其見存者皆潰散之餘，不習戰陳，故令金人得以窺伺，既陷燕山，長驅中原，遂犯畿甸，來無藩籬之固，去無邀擊之威，廟堂失策，使之割三鎮，質親王，劫取金帛，以億萬計，驅擄士女，屠戮良民，不可勝數，誓書之

古文圖瑋集

卷之五十七

宋人卷五十八

言所不忍聞，此誠宗社之羞，而陛下嘗膽而思報者也。今河北之寇雖還，而中山河間之地不固，賊馬出沒，並邊諸郡寨柵相連，兵不少休，太原之圍未解，而河東之勢危甚，旁近縣鎮皆為賊兵之所占據，秋高馬肥，虜騎憑陵，夾須深入，以責三鎮之約，及金帛之餘數，僅非起天下之兵，聚天下之力，解圍太原，防托河北，則必復有今春之警。宗社安危，殆未可知。故臣輒不自揆，為陛下措畫，臣詔書以團結諸路防秋之兵，大約不過十餘萬人，而欲分布河北沿邊雄霸等二

十餘郡，中山河間真定大名橫海五帥府，腹裏十餘州軍，沿河一帶，皆地分，翊衛王室，隄防海道，其甚急者。解圍太原，收復忻代，以捍金人，夏人連兵入寇，不知此十數萬之衆，一皆到，果能足用，而無賊馬渡河之警乎？今臣被命出使，去清光之日未幾，朝廷已盡改前日詔書，調兵防秋之計，既罷喇丁，又罷刀弩手，又罷上兵，又罷四川福建廣南東路將兵，又罷荆湖南北路係將，不係將兵，而京西州郡又皆特免起發，是前日詔書所團結之兵，罷去大半，不知金人

古文圖瑋集

卷之五十七

宋人卷五十八

聚兵兩路入寇，將何以支梧？而朝廷何恃不留意於此也？臣竊思之以兵為不須起者，大槩有五，卽廣福建荆湖之地，遠一也，錢糧犒賞之費多，二也，河北寇退，天下已無事，三也，太原之圍賊馬不多，不攻自解，四也，探報有林牙高麗之師，金人牽制，未必深入，五也，若以川廣福建荆湖之地遠，則詔書之下，以四月期，天下兵以七月當時開報，三省何不即止？今已七月，遠方之兵皆已在道，始復約回，是復蹈今春勤王之師約回之弊也。一歲而起，天下之兵中道而兩止，

之天下。謂何臣恐朝廷自此不復能取信四方。而將士解體矣。國之大事在戎。宗社安危所繫。而且行且止。有同兒戲。臣竊痛之。若以謂錢糧犒賞多。則今春無兵捍寇。致令誤國。土地寶貨。人民皆爲所取。今惜小費。又不爲之備。臣恐後來所取。又不止於前即也。況元降指揮。防秋入兵。各令賞犒。則錢糧犒賞之乏。自非所患。廟堂不深思宗社大計。而惜小費。臣竊所不取也。若以河北寇退。天下無事。則邊郡日報金人聚兵聲言某月入寇。當取某地。強敵臨境。非和

古文國瑞集

卷之五十七

宋文卷六

非戰朝夕恐懼。懼其復來。天下果無事乎。賈誼謂厝火積薪之下。而坐其上。火未及然。因謂之安。以今日觀之。何止於火未及然。殆處於烈焰之旁。而言笑自若也。若以謂太原之圍。賊馬不多。不攻自解。則自春徂秋。攻守半年。曾不能得其實數。姚神二帥以十萬之師。一日皆潰。彼未嘗有所傷。不知何以必其兵之不多。以爲可以不攻而自解者。臣以謂非愚則誣矣。於林牙高麗牽制之報。或有之。然不可恃彼之不來。當恃我之有備。則屯兵駐蹕。正今日之先務。不

可忽也。今河北河東州郡。日告危急。乞兵皆以三五萬爲言。而半年以來。未有一人一騎可以副其求者。防秋之兵甫集。又皆遣罷。不知此何理也。若必以謂不須動天下兵。而自可無事。則臣誠不足以任此責。陛下胡不遣建議之人。代臣坐致康平。而重爲此擾擾也。除范世雄所統湖北兵。聞已至襄唐間。臣已作本聖旨。令疾速發赴宣撫司外。所有餘路。乞依元降詔書起發。庶幾不誤國事。

古文國瑞集

卷之五十七

宋文卷六

彼直是無可奈何矣

上皇帝封事

李綱

被領開封府事之命總師
次江寧府上皇帝封事

五月日新除資政殿大學士太中大夫領開封府事
隴西縣開國伯臣李綱昧死再拜上封事皇帝陛下
自古夷狄爲中國患所以待之者不過三策曰和曰
戰曰守而已長驅深入吾城池堅而人心固則可守
凌犯無已吾士卒勇而形勢利則可戰勞氣既懈吾
辭理直而威力強則可和故能守而後可戰能戰而
後可和三者雖殊其致一也臣不敢遠引前古請借

古文國華集卷之五十七

宋文卷六

景德靖康之事以明之真廟景德中契丹百萬入寇
廷臣之議有欲幸江南及蜀以避之者賴寇準一言
而決遂幸澶淵渡河而親征旣殺其酋撻懶虜情震
怖遣使請和捐金幣三十萬而約成是景德之事非
獨能守而於戰與和兩得之所以盟好之固喻百年
而兩國生靈皆賴其利也至靖康初金人稱兵以犯
中原當時亦有爲避狄之計者而後卒堅守虜騎薄
城攻圍連日殺傷甚衆賊氣挫矣而吾之援師日集
和非所難朝廷主謀之臣苟欲脫一時之禍而不爲

守亦未可
謂能也

古文國華集卷之五十七

宋文卷六

長久之計其所邀求一切許之既割三鎮又質親王
又取虜師之物金銀幣帛不可勝計十倍於澶淵之
時而歲賂之數又不與也有以死爭之而弗能得者
迫援師之集既衆士氣勇銳可以施腐穢夫困七國
之策以與之再盟而朝廷懲姚平仲劫寨小勝遂寢
用兵之謀及其退也又不復邀擊遂使金人志得氣
滿有輕中國之心是靖康之事止於能守而於和與
戰兩失之也其後三鎮之兵民爲國堅守朝廷始以
保塞陵寢之故遣使計議願以租賦代割地之約金
人唯欲造爲弊端以寇邊而許和猶自若也主議者
信之以爲其和必成而凡欲治兵設備者皆以爲害
於和議而沮罷之虜將渡河猶以爲割河北河東之
地奉之以衆是輅車尊號而師可解及旣登城矣猶
逼朝廷降詔假和議遂定之說以款勤王之師至盡
取都城之子女玉帛然後劫質二聖六宮宗室百官
以行然則自今觀之所謂和議者果如何也夫金人
自用兵以來專以和議疑敵人以取勝其與契丹二十
餘戰每戰得地輒和旣和復求弊端以戰而卒滅之

今於中國復用此策。中國信之而不悟。至於今日禍。故如此。豈不重可痛哉。或謂吾之兵力不迨金人遠。甚靖康初雖欲坐困邀擊。必無成功。徒結深怨。故不得已而信其和。此殆不然。夫論兵當論其機會。一失機會。非可爲也。靖康之初。金人初無犯關之意。兵不過六萬。太半雜種。而河北遼郡帥府。既不設備。沿河又無控扼之兵。是以乘勢直搗都畿。而吾之守禦。既嚴。援師既集。進不能攻。退不能卻。以重兵臨之。而以餘軍待其抄擄。卽行掩擊。則糧餉絕而虜可圖矣。既歸。

而望將士之用命。蓋亦難矣。此皆前事不可追悔。而臣之所以痛心泣血者。二聖沈于虜廷。生靈陷於塗炭。自古夷狄之禍中國。未有若此其甚也。天佑我宋。必有英主爲宗廟社稷之所傾依。萬邦羣黎之所戴仰。撥亂反正。以圖中興。故使陛下聖躬得脫於虜。之際。去春奉命使虜而去其軍中。去冬出自危城。而總師朔部。乃有今日入繼大統之事。皆天地神祇之所顯相。非人力也。恭惟皇帝陛下英睿之姿。久動羣聽。孝友之德。實形四方。然而嗣位之初。當宗社艱危之秋。中國衰弱之日。上則欲還二聖之鑾輿。下則欲拯生靈之危殆。捍禦大敵。保綏萬方。厥難艱哉。思其艱以圖其易。則今日待夷狄之策。所謂和戰守者。當何所從而可也。欲和乎。則前日之和其然如此。而金人北歸。雖宗室亦盡徙以行。其意爲如何。而二聖之辱。實不共戴天之讐。和豈可復信。欲守乎。則朝廷已失河北河東兩路。士民之心。或爲金人之所得。或爲豪傑之所據。密邇畿甸。易爲侵陵。守豈復易。圖欲戰乎。則去冬將佐卒伍乏人。撫御皆散。而爲羣賊兵力。

益弱。經此亂。士氣益衰。所謂勤王之師多募之田畝之間。不習兵革。豈可必勝。是三者今日國論以何爲宗。顧臣日夜思慮。念之至熟。因時施宜。有策於此。及當今之務數十條。皆急切而不可緩者。非得望清光於咫尺之間。未易殫言也。夫以今日之國勢。而望靖康之初。其不相侔。豈止相什伯哉。然而猶有可爲者。祖宗德澤在人者深。陛下英明。天下仰望。以謂必能濟大業。轉危而爲安也。且當苗之臻。國家代有或多難以興。或將墜復續。故無知禍齊而小白實長。

古文國華集卷之五十七

宋文公集

五霸驪姬亂晉而重耳實盟諸侯。司馬晉權聰曜之酷。而元帝起於江東。李唐有安史之亂。而肅宗起於靈武。況我有宋幅員萬里。生齒之衆。士民猶足用哉。儻能營膽勵勾踐之心。挽戈懷子胥之志。駕馭豪傑。擢用賢材。法剗業之雄謀。革天下之弊事。則中興之功亦不難建。昔少康以一旅之衆。滅澆羿而祀夏配天。不失舊物。光武以數千之卒。破尋邑而克靖大慙。漢以再興。况陛下之明。而臨御九有之師哉。然大患之後。百孔千瘡。夏已及半。去秋不遠。非早圖之。則秋

高馬肥。虜騎又將奔突。不能支梧。四海且有橫流之勢。可不爲之寒心。此當以夜繼日。而爲其所當爲者也。臣素愚直。平日惟知讀書。深考古今治道。欲推之當世。以尊主而庇民。又嘗願以忠義自奮。以徇國家一日之急。當宣和之初。蒙道君皇帝採其虛聲。擢置左史。得侍清光。竊見天下有危亂之兆。因奏疏論水事。意以謂變異不虛發。必有感召之因。災眚未易弭。必有銷復之策。乞因侍立。面奏其故。嘗猶失火之家。欲爲曲突徙薪之謀。而懼臣忌之。阻抑使不得對。因

古文國華集卷之五十八

宋文公集

而遷謫流落七年。其後有盜賊。事道君皇帝感悟。以奉常召還。然已晚矣。靖康改元。金人犯關。前皇帝於倉卒擾攘之中。聽用其言。擢與大政。竊見和議不可保信。因力陳兵備之策。其意以謂夷狄之性貪婪無厭。不可恃其不來。當恃我之有備。宜毒治兵。收將士之心。以禦外侮。欲以身任其事。譬猶救火之

英哲固不
可勝然為
過其所不

古文園瑋集卷之五十七

宋文公

為然者舉皆誤國前皇帝感憤復有今日之召然又
已晚矣臣荷二聖之知遇悼孤忠之失圖雖心馳魏
闕九重之中而身在江湖萬里之外不獲執干戈衛
社稷以伸臣子犬馬之誠疾首痛心泣盡而繼之以
血恭承召命即日戒途率湖南義兵併道前進欲趨
元帥行府以造闕庭而行大江淮恭聞二聖羽衛北
遷遠狩沙漠痛憤至骨絕而復蘇繼觀陛下俯仰萃
情嗣登寶位悲喜交集不能自勝大人君大正始故
於即位之初立政用人必有以大慰天下之望者况
於國勢削弱天步艱難之時其可忽哉恭儉者人主
之常德也英哲者人主之雄材也繼繼守文之君則
恭儉足以優於天下至於興衰撥亂之主則非英哲
不足以當之惟其哲故見善明足以任君子而不為
小人之所間惟其英故用心剛足以斷大事而不為
小故之所搖在昔人君體此道者惟漢之高祖光武
唐之太宗宋本朝之藝祖太宗為然臣願陛下深考漢
書三帝與藝祖太宗之所以創業中興大過人者了
然於胸次物至而應之則天下之事雖未底績固已

古文園瑋集卷之五十七

宋文公

定於心術之中矣臣以疎遠未覲清光輒敢以芻蕘
之言求籲天地誠以愛君憂國心迫而情切故不自
知其不可伏惟聖慈留神幸察使愚者千慮或有一
得之可採則臣所以盡忠於陛下者乃所以報二聖
之知遇也干冒天威無任惶懼戰越之至
論往事之失為將來之戒至於以恭儉為常德以
英哲為雄才固已見高宗之所不足矣

議國是劉子

李綱

臣竊以和戰守三者一理也。雖有高城深池弗能守也。則何以戰。雖有堅甲利兵弗能戰也。則何以和。以守則固。以戰則勝。然後其和可保。不務戰守之計。惟信講和之說。則國勢益卑。制命於敵。無以自立矣。景德中契丹入寇。罷達幸之。謀求親征之策。捐金幣三十萬。而和約成。百有餘年。兩國生靈皆賴其利。則和戰守三者皆得也。靖康之春。粗得守策。而割三鎮地。許不可勝計之金幣。以議和。懲切寨之小衅。而不戰

古文國璋集卷之五十七

宋文卷三

於和與戰兩失之。其冬金人再寇畿甸。廷臣以春初固守為然。而不知時事之異。膠柱鼓瑟。初無變通之謀。內之不能撫循士卒。以死捍賊。外之不能通達號令。以督援師。金人既登城。猶降和議已定之詔。以款四方勤王之師。使虜得逞其欲。凡都城玉帛子女重寶。圖籍嚴密。雖百工伎藝悉索取之。次第遣行。及其終也。劫掠二聖。巡沙漠。親王六宮戚屬宗室之屬。以行。因過臣僚易姓建號。自古炎狄之禍中國。未有若此之甚。若是靖康之冬。并序策失

之而卒為和議之所誤也。天祐有宋。必將有主。故使陛下脫身危城之中。總師大河之外。入繼大統。以有神。器然以今日國勢。揆之靖康之初。其不相若遠甚。則朝廷所以擇惠崇。飭救寧萬邦者。於和戰守當何所從而可也。臣愚雖不足以知朝廷國論大體。然竊恐猶以和議為然也。何哉。二聖播遷。陛下父兄沉于虜廷。議者必以謂非和則將速二聖之患。而虧陛下孝友之德。故不得不和。臣竊以謂不然。夫為天下者。不顧其親。顧其親而忘天下之大計者。此匹夫之孝

古文國璋集卷之五十七

宋文卷三

友也。昔漢高祖與項羽戰于滎陽。成卒間太公為羽軍所得。其危屢矣。高祖不顧其戰。而勸羽不殺害而卒歸太公。然則不顧而戰者。乃所以歸太公之術也。晉惠公為秦所執。呂卻謀立子圉。以靖國人。其言曰。夫君有君。羣臣輯聽。甲兵益多。好伐者勸。惡我者懼。庶有益乎。秦不敢害。而卒歸惠公。然則不恤敵國而自治者。乃所以歸惠公之術也。今有賊盜於此。劫質主人。以兵威臨之。則必不敢加害。以卑辭求之。則所索彌多。往往有不可測之理。何則。彼為利。據陵。備畏

古文國策集卷之五十七

宋文卷八

疆而初無惻隱之心故也。今二聖之在虜廷莫知安否之審固臣子之所不忍言。然吾不能逆折其意。又將董其計中。以和議爲信。然彼必曰。割其地以遺我。得金幣若干。則可。不然。二聖之禍。且將不測。不予之。是陛下之忘父兄也。予之。則所求無厭。雖日割天下之山河。竭取天下之財用。山河財用有盡。而金人之欲無窮。少有繫端。前所予者。其功盡廢。遂當拱手以聽命而已。昔金人與契丹二十餘戰。戰必割地厚賂。以講和。既和。則又求繫以戰。卒滅契丹。今又以和議。感中國。至於破都城。滅宗社。易姓建號。其不道如此。而朝廷猶以和議爲然。是將以天下昇之敵國。而後已。臣愚竊以爲過矣。爲今之計。莫若一切罷和議。專務自守之策。而戰議姑俟於可爲之時。何哉。彼旣背盟而劫質地。不可復予。惟以二聖在其國中。不忍加兵。俟其入寇。則多方以禦之。所破城邑。徐議收復。建藩鎮於河北河東之地。置帥府要郡於沿河江淮之南。治城壁。修器械。教水軍。習車戰。凡捍禦之術。種種具備。使進無抄掠之得。退有還擊之患。則雖時有出

古文國策集卷之五十七

宋文卷八

沒。必不敢深入。而悉陵三數年間。生養休息。軍政益修。士氣漸振。將帥得人。車甲備具。然後可議大舉。報天聲以討之。以報不共戴天之讐。以雪振古所無之耻。彼知中國能自強如此。豈徒不敢肆虐而二聖保萬壽之休。亦將悔禍。奉使而懇與。有可還之理。備捨此策。益割要害之地。奉金幣以予之。是倒持太阿。以其柄授人。藉寇兵而資盜糧也。前日旣信其詐謀。以破國矣。今又欲啗覆車之轍。以破天下。豈不重可痛哉。或謂強弱有常。勢弱者不可不服於強。昔越王勾踐卑身重賂以事吳。而後卒報其耻。今中國事勢弱矣。盡以勾踐爲法。卑身重賂以事之。庶幾可以免一時之禍。而成將來之志乎。臣以謂不然。夫吳伐越。勾踐以甲楯三百棲於會稽。遣使以行成。而吳許之。當是時。吳無滅越之志。故勾踐得以卑身厚賂以成其謀。旋戈嘗膽以勵其志。而卒報吳。今金人之於國家。如何哉。上自二聖東宮。下逮宗室之係於屬籍者。悉驅之以行。而陛下之在河北。遣使降偽詔。以宣召求之。如是其急也。豈復有已於姑氏哉。雖卑身至於奉

藩稱臣厚賂至於竭天下之財以予之彼亦未足爲德也必至於混一區宇而後已然則今日之事法句踐嘗膽枕戈之志則可法勾踐卑身厚賂之謀則不可事國有似是而非者正謂此也然則今日爲朝廷言正當戒時遣使以問二聖之起居極所以崇奉之者至於全國我不加兵而待其來寇則嚴守禦以備之練兵選將一新軍律俟吾國勢既強然後可以興師邀請有此武功以俟將來此最今日之上策也古語有之曰願與諸君共定國是夫國是定然後設施古文國璋集卷之五十七

宋文卷五十八

本朝

英皇北狩 景皇帝與其大臣急修戰守之策至于虜人欲送

上皇而我故遲遲其應者此乃所以速歸上皇也上觀漢祖之于太公下觀景帝之于英皇乃知亟奔其親無如宋高宗真萬世之罪人也

古文國璋集卷之五十七

宋文卷五十八

乞於河北西路置招撫司河東路置經制司衙
子 李綱

臣竊以河非河東兩路。國家之翰蔽也。唐杜牧謂河
北視天下猶珠璣也。天下視河北猶四支也。珠璣苟
無。豈不活身。四支既去。吾不知其為人。故王者不得
不王霸者不得不霸。猶賊得之。足以致天下不安。其
地勢風俗使然也。而河東實為天下之介。介於河北
陝西之間。其地險固。其民堅忍。其俗節儉。其兵勁悍。
祖宗得天下。削平僭亂。罔不臣服。惟河東最後。再駕
古文國瑋集卷之五十七 主宋文卷五

而後得之。其難如此。而靖康之初。金人犯關。以孤軍
入重地。我之守禦固。而援師集。其勢不難於和。宰相
失策。欲脫一時之禍。而不為久長之計。凡所邀求。一
切許之。遂割三鎮。而河北河東之地。幾去其半。及賊
兵退。三鎮兵民為朝廷固守。中山真定及沿邊諸郡。
既已保全。而賊盡力以圍太原。不肯捨去。朝廷遣使
以兵民之意。及保塞陵寢之故。願輸租稅。以易疆土。
金人且許。且攻。幾年而太原陷。猶信謫詐。以講和。不
為備禦之策。至其渡河。再薄都城。遂盡割西路與之。

畫河以為界。遣執事使往。約分數十輩。今請交割。皆
為兩路之人。所殺。夫朝廷割地。不足塞金人貪婪之
欲。而適足以失兩路士民之心。使地割而和可成。宗
社遂安。猶之可也。今乃假和議。以款我。既破京師。挾
二聖。以非特脅逼。臣僚借竊神器。矣。而議者猶以割
地為然。此何理哉。河非西路三帥府二十餘郡。靖康
未所失者。真定懷柔。一府而已。其餘至今
皆堅守。一路兵民百城郭者。依城郭無城郭。依大河
西山自相結集。多者數萬。少者不下萬人。各立首領。

古文國瑋集卷之五十七

主宋文卷五

以相統率。知名號者已數十處。日以輒書號額。朝廷
乞師請援。願為前驅。因而循撫。為吾之用。數十萬眾。
不日可致。而金人留兵懷柔。三郡以扼吾要津。每
郡不過三千人。其餘皆脅制吾民。剪易衣髮。以疑我。
耳大兵臨之。遣間要約。必有應者。則三郡不旬月間
可復也。三麗復。則真定可圖。而中山之圍可解。河北
復為我有矣。然後第功行封。以河外郡縣。悉議封建。
使自為守。朝廷量力以助之。則藩籬固。而中原寧。此
今日之要策也。河東之勢亦然。但所失州郡。視今日

爲多。然所以處之之策。亦無以過於此者。臣愚欲乞於河北西路置招撫司。河東路置經制司。擇文武臣僚中有材畧名望。素爲兩路兵民信服者爲之。使副布宣朝廷德意以結其心。信賞必罰以作其氣。訓練習服以教之戰。量補名目以旌勸其首領。寬給錢穀以賑貸其乏絕。辟置僚屬將佐。乘機應變。一切許以便宜從事。則兩路可以復全。中興之功。指日可成。必自此始。猶擇水患於決溢之口。則下流無泛溢之虞。禦盜賊於門牆之外。則堂與有安靖之勢。理之必至。勝幸甚。

宋人失策莫甚於棄兩鎮。使兩鎮嚴兵固守。金人卽欲長驅常顧其後。而不敢則靖康之禍可免也。

乞募兵劄子

李綱

臣竊以祖宗建國。以兵爲重。熙豐盛時。內外禁卒馬步軍凡九十五萬人。承平既久。闕額三分之一。失於招填。比年西鄙喪師。江浙山東寇作。繼之以燕山陷沒。所亡失者又半。重以靖康之變。金人再犯都城。諸路禁軍。往往潰散。流爲盜賊。天下之兵。所有者無幾矣。朝廷以蠟書召天下勤王之師。皆募於田畝之間。及游手浮浪之人。雖其數甚衆。環繞畿甸。不得鬻髮之力。而東南公私財物爲之一空。大抵起一兵。公私所費。非五十緡不可。而沿路給錢糧之費。又倍於此。是一兵率費百千而起。萬兵則所費百餘萬緡矣。今秋期不遠。理當揀擇留之分屯沿河要害之地。則所費不過日給錢糧而已。朝廷初不較此。應勤王之師。已行放散。被甲荷戟而歸者。項背相望於道路。亦有纔至中途。不待令而自返者。不知將來防秋於何所。取兵而可也。禁兵之數。旣已不多。而民兵又不可復起。雖起之必無應者。秋高馬肥。虜騎或復深入。其何以支吾哉。臣愚以謂濟今日一時之急。莫若取財於

新選之
兵費多而
此通首亦
足支吾

東南募兵於西北夫東南之財已竭矣而臣以謂不
得已猶有可取者當誘上戶物力有餘之家出財以
助募兵朝廷量多寡以名目酬之民知國家有兵而
後家室可保則亦不以爲厲已也國家歲漕東南財
穀以爲上供又榷茶鹽之利以實中郡蓋以養兵日
給六官百官之費待祭祀賓客之用供玩好宴遊之
奉今六官百官之費祭祀賓客之用省矣陛下節儉
無玩好宴遊之娛故凡上供財穀茶鹽之利除經費
外一切裁損專以養兵則亦無不足之患臣願下募
古文國瑋集卷之五十七
民出財之令且降旨委官措置於京東京西河北募
兵優立例物之數創爲軍號團結訓練一切以新法
施行分隸將佐逐處屯泊以時教閱比之起東南勤
王之兵其利害不同者有三東南之人禁錮不耐勞
苦一也不伏水土類多疾病死亡二也屯駐稍久則
有思歸之心往往逃亡潰散三也而募西北之人以
爲兵則無三者之患團結訓練積以歲月皆爲精兵
與夫起烏合之衆暫聚復散豈不相遠哉今河北河
東京東西爲金人所擾民不能歸業者甚衆而陝西

素號產兵之地願及時遣使於數路募兵於今屯駐
路分建置營房更番以衛行在以鎮四方以備征討
此時不可失也伏望聖慈特賜詳酌施行
每見勤王之兵遠輟數千里無常救援徒示狼軻
歎此疏之有遠見也

古文國瑋集卷之五十七
宋文鑑

臣竊以大軍之用衆也。軍之所以積少爲衆。聯屬不散。可恃以勝敵者。以其有紀律也。團結則有保伍之聯。教閱則有戰陣之制。披執則有甲冑五兵之利。進止則有金鼓旌旗之節。禁戒則有號令之威。上下則有陛級之法。兵將相諳。彼此相救。逃亡潰散者必誅。擾亂羣者必罰。立功者必厚賞。死敵者必優卹。此之謂紀律。有紀律。然後軍可用也。國朝軍政最號嚴明。自童貫高俅主兵以來。其制始壞。團結保伍廢而無以相維持。教閱戰陣廢而無以習攻擊。甲冑五兵初不服練。旌旗金鼓初不習熟。禁戒號令之威不振。而無以作士氣。上下陛級之法不行。而無以一士心。兵將取於臨時。而初不相知。彼此遙相觀望。而初不相救。虛溝之潰。反以金帛招集。則逃亡潰散者不誅矣。浙東之役。虜掠良民財物者。悉皆官軍。則擾亂羣者不罰矣。僕所親近。皆授高爵。而立功者不賞。以收身不到爲名。而死敵者不卹。紀律如此。而欲驅之以抗大敵。豈不難哉。是以金寇再犯王室。則控扼

團練之法
莫先於精
練伍隊伍
精而教閱
過半矣

之兵。望風先潰。攻闔帝都。則救援之師。逗撓不進。其因循至此。非一日之積也。且金人訓兵十有餘年。不用今者。小則必死。大則族誅。此法既行。威信已著。則用刑反少。故能滅契丹。陵中國。積威劫之。漸非一日也。中國之兵。既失訓練。又不用令者。不必誅。逃亡潰散者。反招集之。此風既成。習以爲常。則有不可勝誅者矣。故以天下之大。而不能禦夷狄。積弊之漸。亦非一日也。夫用兵。驅之於死地者也。苟非畏我過於畏敵。進有生理。退而必誅。則安能使之效一日之命。以成却敵之功哉。爲今日之計。莫若更軍政而漸治之。團結之法。自五人爲伍。積至於二千五百人爲軍。部隊將統制官。遞相臨制。皆有尺籍伍符。以周知其名數。呼召指使。存亡功過。不勞而可知。臨陣戰鬪。進退緩急。不約而相援。如此。則兵伍有所聯屬。而不散矣。教閱之法。以車騎步兵總爲營陣。進退坐作。分合出入。皆依新制。革去舊教文具之法。如此。則行陣足以捍禦鐵騎矣。習弓弩者。不必以鬪力。而以射親中的者。爲上。習牌鎗刀者。不必以中敵。而以勇敢向前者

爲勝。神臂箭射鳳凰等弓。可以及遠。宜教之使精。楚
鑿金甲卒伍多不肯披帶。宜習之使熟。如此則甲出
五兵之利。可以自保而取勝矣。古之行師者。聞鼓則
進。聞金則止。以旗之偃舉爲所向之指麾。今則不然。
金鼓間作。初無進止之令。旌旗錯雜。初無指麾之意。
宜依古制。以習兵之耳目。如此則金鼓旌旗之節。可
以一衆而臨敵矣。禁戒號令。雖出於臨時。而信必在
於言前。然後威可畏也。上下階級。雖著於甲令。而勢
不容於幸免。然後法可行也。自部隊將至統制官。皆
古文國璋集卷之五十七

以殺爲賞
多不殺賞
冒功者賞
不論級數
吳長法
全賞。一軍雖不勝。而其間有斬賊級及中傷在前者。
則自賞如此。則立功者勸矣。將士戰歿非逃亡者。委
保伍將佐開具保明。優卹其家。不得輒以收身不到
開落遺者重寘于法。如此則死敵者勸矣。此皆今日
軍政之急務。當以次施行也。然臣頃年嘗詢一老卒。
其言曰。昔日禁軍難作而易活。今日禁軍易作而難
活。詰其所以。則曰。昔日法行而上下之分嚴。故難作
然請給衣糧及時而得。無凍餒之患。故易活。今日法
不行而上下之分苟簡。故易作。然請給衣糧多不及
古文國璋集卷之五十七

時又有坐倉折估之法。妻子不免於凍餒。故難活。其
言極爲有理。則欲修軍政而嚴紀律。當先留意於所
以養之者。以素得其心。不可使之怨咨也。所有修政
軍政合行事件。乞降旨三省樞密院同條具取旨施
行。

所論團練之事。皆人所易知者。用心爲之。自然壁
壘易觀。謂用兵必有專家學者。余不信也。

奏陳利害劄子

李綱

臣近者不量短淺，輒冒萬死，條陳淮西叛將利害，仰
天聽。夙夜靡寧，以俟嚴譴。伏蒙聖慈，既赦狂瞽，又
降置書，特有褒諭，感戴大恩，非臣庸捐所能報稱。然
臣竊見都進奏院報張浚罷相，以言章落職，官觀淮
西之變，浚實有罪，責罰之加，其誰曰不宜。但言者引
漢武誅王恢事以爲比。臣愚竊以爲不然。試爲陛下
陳之。昔王恢設馬邑之謀，欲誘匈奴擊之，事既不諧，
武帝以造兵謀本出恢，動大衆而無成功，不誅無以

古文圖緯集

卷之五十七

主宋文忠公

謝天下，遂下恢廷尉。此武帝之過舉，非盛德事也。何
則？勝負兵家常勢，顧規略何如耳。易象有左次无咎
之言，兵法有善敗不亡之戒。距以一失遂害大計哉。
觀秦穆之用孟明，拜賜於三北之餘，先武之用馮異，
收功於桑榆之際，則知武帝之誅恢，未爲無失也。今
浚之罪，乃在於志廣才疎，力小任重，不能諮諏良策，
而專于自用，不能輯睦將帥，而輕務改移，遂致士卒
攜離，捨我就敵。以此罪浚，夫復何辭？若以王恢爲比，
咎其始造兵謀，則是因噎廢食，懲羹吹壺，以細故而

此觀公定
詳也

搖大計，恐非策之得也。方今強虜憑陵，僭逆窺伺，國
執未定，人心驚疑，若不注意治兵，以爲自強之計，則
何以安宗社，保生靈，固邊疆，禦外侮？徒以措置一失
之故，遂欲盡棄前日之所爲，歸始造兵謀者，臣恐智
謀之士，卷舌而不言，忠義之臣，扼腕而無所發憤，將
士解體而不用命，州郡望風而無堅城，陛下將誰與
立國哉？且今日朝廷之執，固自若也。襟帶江淮，保據
荆襄，連接川峽，韓世忠、張俊、岳飛、吳玠之軍分屯要
害，不下數十萬人，兵未爲弱。去冬敗劉靖、劉玘之徒，

古文圖緯集

卷之五十七

主宋文忠公

甚衆，用兵未爲不利。倘因淮西之變，益自懲創，審號
令，明紀律，使諸軍家屬於江南，以便糧餉，教戰艦水
軍於松江，以備不虞，姑輟進取之謀，且爲固守之計。
和協輯睦，靜以待之，使國勢漸定，人心漸安，士氣漸
振，乃可徐議恢復。猶病人調治向安，又爲藥餌所
誤，傷其正氣，豈可遽欲康強哉？不察此理，輕變故而
亟動搖，使外寇得以乘其間隙，譬猶奕棋，而有既差
後着，復錯是謂自敗。欲求勝敵，不可得也。臣頃年嘗
因賊馬入寇，淮甸獻陳愚計，以謂退避，不可行。

於今何哉。前之爲寇者金人也。利於擄掠。得所欲師還師。今之爲寇者偽齊也。利於土地。得一郡則守一郡。得一邑則守一邑。翠華退避之後。將士奔潰。賊魏鳴張。將安所定止哉。謨蒙採擇。特降褒詔。今日之譏。亦猶是也。伏望陛下堅聖心而勿動。修軍政以自強。無爲越時獻言者之所搖。古語曰。臨大難而不懼。聖人之勇也。惟陛下留神察夫張浚措置失當。誠有罪矣。然其區區徇國之心。有可矜者。願少寬假以資來效。昔漢高祖用兵。喪師跳身走者屢矣。然卒與成。

古文國璋集 卷之五十七 三 宋文卷五

功者皆舊臣也。借使每敗必逐。則張良陳平之流。不勝其計矣。臣前所論淮西事宜。指陳浚措置失當。非黨浚者。今此論奏。亦非爲浚游說也。因言者引王恢造兵謀之喻。深恐退避講和之議復出。以眩惑聖聽。則大事去矣。宗社安危。自此而分。故敢披露肺腑。冒昧有言。死有餘罪。臣以衰病。累請官詞。未奉俞允。邇來犬馬之疾益深。將填溝壑。已別具奏乞骸骨以歸山林。貪戀明時。何可言喻。愛君憂國之志。雖在訣畝。豈敢河忘。伏望陛下哀而憐之。干冒天威。無任惶懼。

戰越之至

殺一張浚甚不足惜。但恐灰任事之心。長和議之計。此公所以力爭。

古文國璋集 卷之五十七

三

宋文卷五

與宰相論捍賊劄子

李綱

綱伏覲進奏院報三省樞密院同奉聖旨探報敵人
窺伺承楚如別有警急當親總六師以臨大江綱于
十月二十二日已曾具奏以今日捍禦賊馬事勢陳
獻三策自福州入急遞投進今來又親進奏院報韓
世忠統全軍於承楚間迎擊賊兵連獲勝捷有旨分
遣臺臣督劉光世張浚統兵渡江應援車駕已起發
進臨江上撫勞諸軍竊惟朝廷當危急艱難之秋為
宗社生靈之計建大議決大策不貳不疑毅然親征
古文國璋集卷之五十七
將士用命捷音系路廟謨克壯勝勢退屈誠可為天
下大慶然賊情狡獪戎事方棘機會之來間不容髮
綱輒敢竭其愚慮陳十事以獻伏望鈞慈特賜詳覽
有可以裨廟算之萬一者願施行之勿以人廢言不
勝幸甚
一宜防備生兵綱竊觀偽齊劉豫招誘叛將驅河址
河東陝西之民挾帶虜騎侵擾淮甸聚糧既久傳聞
聚糧於淮陽宿遷縣甚久入寇亦早往年虜騎南牧
為入寇之計非一朝一夕入寇亦早往年虜騎南牧
今偽齊以冬初已入倘然有窺伺江左之意今既王
寇見之往年為早

師屢捷挫其銳氣勢必遲留境上乞師金人萬一有
重兵繼來我以疲乏之兵當新羈之馬則將何以取
勝宜命諸將蓄養銳卒更進迭休使有餘力以待之
又於諸路摘擄精銳軍馬以為濟師之計庶幾可以
捍禦

當時亦有
越海取齊
之策宋不
能往故防

其來

金人不從
下川蜀而
能襲襄陽
從襄陽下
舟師則更
捷于川蜀

一宜防備海道綱竊聞偽齊劉豫於登萊等州多造
海舟又於楚海等處擄掠客旅舟船其用意非淺也
方冬月風便之時勢須驅使山東之人自海道犯浙
東一帶濱海州縣則吾腹內之民擾矣然自海道來
者必皆步人實不足畏朝廷既遣兵將分屯明越以
備不虞而沿海州縣巡尉弓兵數不為少合之則勢
強分之則勢弱宜命帥司并提刑司團結成軍於要
害地擺布控扼又募海上土豪自備舟船巡緝捍禦
許以將來事定重與推賞不為無補
一宜防備上流綱竊觀自昔侯犯東南未有不蹂上
流者舳艫相接順流東風自川江而下日數百里不
旬月間可至江汜故上流之地自吳及東晉以來必
屯重兵乃可保國今歸峽荆南岳鄂九江一帶雖無

他虞然屯兵不多。所幸襄漢復為我有。上流形勢倚之為重。襟帶荆蜀。控引江淮。下瞰畿甸。真形勝必爭之地也。宜命大帥統重兵以鎮襄陽。則上流有屏蔽之執。江浙可以奠枕。中原有恢復之兆。畿甸可以俯窺。此最今日之上策。惟廟謨熟計之。

一宜防備四川。綱竊觀金人累年侵犯四川。其意蓋以蜀中富庶。欲必得而後已。所幸山川險固。將士用命。僅能保守。今賊馬南牧。擾我淮甸。安知不別遣重兵窺伺川峽。道里遼遠。號令難通。都督既已不行。兩

古文國璋集

卷之五十七

宋文卷三

宣撫不相節制。邈然一方。深可憂慮。宜命信臣早臨撫之。布宣威德。不失機會。庶幾四川生靈有所依恃。國勢賴之以安。非細故也。

一宜保據淮南。綱竊聞金人中間通使。屢有畫江之言。蓋為劉豫之計。今賊馬南牧。雖未必敢窺江左。其意決欲盡得淮南。深慮兵交使在其間。復有畫江之請。朝廷欲舒目前之急。或遂許之。則大事去矣。淮南者江南之屏蔽也。六朝所以能保有江左者。以發兵

兩淮之間
兼種水田
不但可益
軍路而亦
可以限戎

石勒之衆。宇文拓跋之盛。卒不能窺江表。後唐李氏有淮南則可以都金陵。其後淮南為周世宗所取。遂以削弱。此必至之理也。萬一有畫江之請。謹不可許。宜命諸將協力擊賊。使之退避。將來措置淮南。當於兩路置兩大帥以臨之。東路揚為帥府。屯重兵為根本之地。分遣兵將進守楚海。濠泗壽春淮陽。沿淮一帶諸郡。小築城壘。如開新邗。其初朝廷應副錢糧。徐議營田。使自贍養。遇有賊馬。則大帥遣兵應援。稍能自守。乃可召人歸業。漸次葺理。假以歲月。而藩籬成矣。前有藩籬之固。後有大江之險。然後可以立國而議攻討之策。近年以來。大將握重兵於江南。官吏守空城於江北。雖有天險。初無戰艦水軍之備。不幾於倒置而虛設乎。願廟堂熟計之。

古文國璋集

卷之五十七

宋文卷三

一宜調和諸將。綱竊聞師克在和。不在衆。將帥不和而能成功者。未之有也。武人之性剛果。有毗睚之失。必相怨憤。而激以忠義。則往往復合者。其性然也。郭子儀李光弼同在朔方。未嘗合堂同席而坐。一聞祿山之變。子儀中分麾下。與光弼勉之立功。何則先國

家之惡而不以私害公也。賈復冠恂不相能。光武解之曰。天下未定。兩虎安得私鬪。朕為分之。於是並坐。極歡共車同山。結友而去。今朝廷所賴以為爪牙者。三大將也。平居無事之時。人情豈無纖芥。今當朝廷艱危之秋。使之各渡江。以相親愛。則當以調和之為先。宜費淵來降。寢翰。臣推助古之將帥。徇國家之急。而忘私忿之意。勉以忠義。使之歡然。犄角立功。則賊雖衆多。不難破也。願廟堂留意。

古文國璋集 卷之五十七 宋文 宋文 宋文

摩表裏為長慮。卻顧之術也。祖宗禁衛之兵。總之三衛。其制甚備。自經變故以來。人數浸少。止以將兵為衛。非強本弱枝之策。今將兵既遣渡江。宿衛單寡。何以鎮服中外。倉卒召募。固難得人。謂當有術以權之。竊見近降指揮。復置御營使司。宜因此時號召諸路。統制官之有名望者。使率其部曲。充御營使司五軍。統制平時與禁衛之兵。相安宿衛。緩急聽御營使司使喚。更不隸屬諸大將下。使軍容奮張。國勢益隆。誠今日之先務也。

使無人力
則大江之

險與敵共
之矣

一宜廣備糧食。綱竊謂用兵以糧食為急。糧食以飛輓為難。今賊兵擾吾淮甸。將士得禦勢。或持久則糧食不可不廣為之備。訪聞湖南未討。百錢江南東西。歲亦豐稔。朝廷近者增置漕臣。宜命江湖廣行收糴。措置舟船。順流而下。儲蓄於建康鎮江。轉漕淮甸。以給諸軍。庶幾倉卒無乏絕之患。若止仰常賦。深恐緩急不免。科須米價翔踴。民力重困。惟廟堂圖之。

古文國璋集 卷之五十七 宋文 宋文 宋文

以舟師拒之。見旌旗戈甲之盛。歎曰。生子當如孫仲謀。權告以春水方生。疾趨將作。操乃還。其後曹丕南伐。見波浪洶湧。吳師有備。亦曰。彼有人焉。未可圖也。遂班師。繇是觀之。據長江之險。擇要害之地。置戰艦。水軍使形勢相接。金鼓之聲相聞。敵人雖有百萬之師。豈敢輕犯哉。何則。彼為濟渡之謀。而我有攻擊之具。主客之勢。既不相侔。北人所習。又非其利。真東面形勝。保國之要術也。今國家權寓江左。而累年以來。不聞措置設險之策。使敵人得以窺伺。玩歲愒日。於

間暇無事之時。邊遽震恐於倉卒擾攘之際。有險而不議所以守之者。可以爲而不爲。真可惜也。荆湖間車船乃唐嗣曹王皋遺制。其大有至三四十車者。挾以篋一鼓陷而進。駛於陣焉。又仁宗朝。修武經總要。該載古今戰艦之制甚備。願命荆湖及嶺南式樣於沿江諸州。使之製造。召募水軍。統以將佐。逐時閱習。可以爲長久之利。非一時之急而已。天下無不可爲之事。勿謂緩不及事而遂置之。天下幸甚。

一宜措置楊么。綱昨任荆廣宣撫使。日招捕羣盜數

古文國瑋集

卷之五十七

萬人。惟湖北賊楊么據重湖之險。非有戰艦水軍。未可攻討。嘗具揚么本末中奏。以謂此賊不可輕。是時朝廷已罷荆廣宣撫司。特降指揮令綱節制湖北荆南。同共進討。方措置間。綱蒙恩罷任。朝廷委制置使王瑋同兩路帥臣措置。迨今未聞殄平。勢頗猖獗。蓋此賊非陸地羣盜之比。據重湖環千餘里。出沒不常。其徒皆舟人漁子。便於操舟。又有潰散兵卒竄其間。以教之戰。我師深入。欲速成功。則往往不利也。聚持久則錢糧之費不貲。今又淮甸警急。朝廷不免摘那

岳少保亦
略其策但
以陸軍除
水寇則又
出公急策
之外耳

兵將則此賊之勢。又復鴟張。未有掃蕩之期。爲吾牽制。非細故也。宜命兩路帥臣謹重。未須深入。俟其抄掠。則隨宜擊之。分兵屯瀕湖諸邑。使之不得侵漁。種植以絕其糧。明出文勝。揭近上首領姓名。重賞捕之。許其徒中自相殺。併以携其黨與之心。賊必漸困。然後可圖。兵以緩爲速。如趙充國之討先零是也。今其徒既衆。必示以生路。乃可使之解散。而取酋首。必欲盡滅。以堅其從賊之志。非策之得也。惟廟堂裁處。

觀宋之所以保全江南者。不越公數策之內。合則

古文國瑋集

卷之五十七

勝遠則敗人有此才而竟不獲盡用此天之所以不祚趙氏也

論襄陽形勝割于

李綱

臣竊以當今天下形勝在襄陽。何以言之。四方地勢。正猶碁局。今車駕駐蹕於吳越。是置子於東南隅也。宣撫處置司聚兵於川陝。是置子於西且隅也。湖湘屯重兵以控制。是置子於西南隅也。吳越蹂湖湘以趨川陝。如行曲尺之上。相去萬有餘里。號令未易達。首尾不相應。一有緩急。何以爲援。惟襄陽地接中原。西通川陝。東引吳越。如行於弓弦之上。地里省半。而又前臨京畿。密邇故都。後負歸峽。蔽障上流。遣大帥古文國璋集卷之五十七

聖宋文憲

率師以鎮之。如置子於局心。眞所謂欲近四旁。莫如中央者也。既逼僭偽巢穴。賊有忌憚。必不敢窺伺。東南將來王師大舉。收京東西及陝西五路。又不敢出兵應援。則是以一路之兵。禁其四出。因利乘便。進取京師。乃扼其喉。拊其背。制其致命之策也。朝廷近拜岳飛爲荊襄招討使。其計得矣。然駐軍岳鄂。未聞前進。豈不以自兵火以來。襄陽焚毀尤甚。野無耕農。市無販商。城郭隳廢。邑屋蕩盡。而糧餉難於運漕。故耶。臣觀自古有意於爲國家立功名之人。如劉琨祖逖

之徒。未嘗不據形勝。廣招納。披荆榛。立官府。履艱險。攻苦淡。積日累月。草理家計。然後能成功者。若欲坐待其自成。必無此理。願詔岳飛先遣將佐軍馬及幕府官。徑趨襄陽。隨宜料理。修城壁。建邑屋。招納西土之民。措置營田。勸誘商賈之伍。懋通貨賄。稍稍就緒。然後徙大兵以居之。旁近諸郡。如金房隨鄧。見屬我者。可以撫綏。如陳蔡許穎。見從賊者。可以攻取。不過年歲間。必有顯效。如謂屯兵聚糧。運漕爲難。則漢江出襄陽城下。通於沔鄂。漕運之利。未有如此之便者。古文國璋集卷之五十七

聖宋文憲

當以兵護糧船。使賊不得抄掠。則吾事濟矣。今日天下形勝。臣愚以謂無出襄陽之右者。伏望聖慈。特加磨察。早降指揮。無使緩不及事。天下幸甚。守江南無如襄陽。爭中原無如襄陽。蓋襄陽于江南爲上流。而於中原爲胸腹也。

乞教車戰制子

李綱

臣聞以步兵戰者不足以勝騎以其善馳突也以騎兵戰者不足以勝車以其善捍禦也古之戰者必以車故稱武王曰戎車三百兩稱衛文公曰革車三百乘稱宣王曰我車既次稱小白曰兵車之會六而兵賦則必使之出車天子曰萬乘諸侯曰千乘大夫曰百乘皆以兵車爲制也後世車戰有曰武剛車有曰偏箱車有曰鹿角車皆與古異制則便於其事而已金人以鐵騎勝中國其說有三而非車不足以制之

古文國學集卷之五十七

四十五條改卷十八

步兵不足以當其馳突一也用車則馳突可禦騎兵馬弗如之二也用車則騎兵在後度便乃出戰卒多怯見敵輒潰雖有長技不得而施三也用車則人有所恃可施其力部伍有束不得而逃然則車之可以制鐵騎也審矣靖康間獻車制者甚衆獨統制官張行中者可取其造車之法用兩竿雙輪推竿則輪轉兩竿之間以橫木撻之設架以載巨弩其上施皮繩以捍矢石繪神獸之象弩矢發於口中而殺其目以望敵其下施甲盾以衛人足其前後槍亦兩重重各

即吳璘楚
時之意

四枝上長而下短長者以禦人也短者以禦馬也其兩旁以鐵爲鈎索止則聯屬以爲營體制簡而運轉速真禦戎之利器其出戰之法則每車用步卒二十五人四人推竿以運車一人登車望敵以發弩矢二十人執牌弓弩長槍斬馬刀列車之兩旁重行行五人凡遇敵則牌居前弓弩次之槍刀又次之敵在百步內則牌偃弓弩間發以射之既逼近則弓弩退後槍刀進前槍以刺人而刀以斬馬足賊退則車徒鼓譟相聯以進及險乃止以騎兵出兩翼追擊以取勝

古文國學集卷之五十七

四十六條改卷十八

其布陣之法則每軍二千五百人以五分之一凡五百人爲將佐衛兵及輜重之屬餘二千人爲車八十乘欲布方陣則面各用車二十乘車相聯而步卒彌縫於其間前者其車向敵後者其車倒行左右者其車順行賊攻左右而掩後則隨所攻而向之左右前後其變可以無窮而將佐衛兵及輜重之屬皆處其中方圓曲直隨地執之便行則鱗次以爲陣止則鈎聯以爲營不必開溝塹而築營壘最爲簡便而全固昔衛青征匈奴以武剛車自環以禦敵故能深入焉

煥帥太原製戰車冒以狻猊。甲士列戟訓之。故能兵冠天下。惟房琯用之。爲賊所焚。而後世議者。遂以謂車不可用。殊不知古之兵車。謂之革車。冒之以革者。正所以防火也。欲勝金人鐵騎。使不得奔突。持久以取勝。利器無以加此。今圖畫樣制及分合陣圖。上塵聖覽。乞降下御營司。制造教習。便殿按視。可以施用。卽頒降帥府要郡施行。

車製精密無如此式。如今日偏廂車。堪令馬蹄踏破耳。以其體製太輕。上無壅蔽。而下無鈎絡也。



論進兵劄子

李綱

臣近者伏蒙聖恩。許令入覲。特御內殿。三賜對。疎遠之跡。得望穆穆清光。於咫尺間。從容移時。仰聆至音。俯竭愚悃。臣子之情。不勝欣幸。然進對之久。恐勞聖躬。加以言詞拙訥。敷奏迂疎。猶有未能盡其底蘊者。敢昧死以聞。臣本書生。初不知兵。自靖康以來。竊見朝廷軍政不修。致有夷狄之禍。夙夜以思。欲振起中興之業。爲自治自彊之計。非兵不可。昔蘇軾嘗熙寧元豐間。著論深戒用兵。使軾生於今日。則必以兵爲先務。何則。所遇之時異也。然兵家多故。千緒萬端。有奇有正。變動無方。能讀其父書者。未必能施於行事。不讀古兵法者。未必不暗合孫吳。顧所以用之者。如何耳。臣嘗推原古人用兵之意。比較今日主兵者之失。大略有四。夫兵貴精不貴多。多而不精。反以爲累。故昔之善用兵者。料簡至精。率能以少擊衆。如于將與鄒逆刃而斷。莫之敢撓。其與頑鐵。豈可同筆而語哉。王邑百萬而破於光武之三千。符堅百萬而敗於謝玄之偏師。用此道也。又況將兵如將。將多益於謝玄之偏師。用此道也。又況將兵如將。將多益

當時實少
謀將雖黃
武備謀定
而後謀然
是爭勝行
陣之木謀
非德機形
勢之大謀
也

辦唯韓信能之。自餘各有分量。今之諸將貪多務得。見他人之兵。則垂涎以務并吞。初不自量其智力。果能節制運動。如身之使臂。臂之使指。手否也。冗食既多。坐耗國用。疲勞弗簡。遇敵先奔。一大將連十數萬之衆。未聞有敢深入而建奇功者。此不務精而務多之過也。將貴謀不貴勇。勇而不謀。適爲敗擒。故昔之善將兵者。或深謀於已。或廣謀於人。韓信背水而陣。示以大將旗鼓。使敵趨利。拔趙幟而奪其城。遂以破趙。將士皆莫能知。此深謀於已也。得李左車西向而

古文國華集卷之五十七

元宋文卷五

以石布八陣圖於蜀江水中。晉大司馬溫見之曰。此常山蛇勢也。擊首則尾應。擊尾則首應。擊其中則首尾皆應。非能分能合。何以至此。自金人憑陵以來。未聞諸將有與之對壘而戰者。率皆望風奔潰。間有略布行陣。爲其突騎所衝。一散而不復合。於古人置陣之意。豈不相遠哉。魚麗偃月平銳曲直陣形雖殊。其欲能分合一也。合而不能分。則非所以適變。分而不能合。則潰而已矣。古之陣法皆能制敵於部伍曲折之間。故諸葛亮以之擒縱孟獲。李先弼以之大破史思明。而今之陣法。徒爲文具。而不適用。此不務分合之過也。戰貴設伏而直前。使敵無中斷邀擊之處。皆非善戰者。北戎侵鄭。鄭公子突謀爲三覆以待之。表戎師而後擊之。盡獲。蓋之善戰者。未嘗不以設伏爲先。山川林莽。蒼紫深密。皆可伏兵。或誘之以利而使前。或示之以怯而使退。諒於險阻之地。擊其首尾而不得相援。斷其腹心而不能相應。如猛虎陷於機穽之中。磨駭狼狽。鮮有不甚敗者。今之諸將。或有與敵相遇。惟務力爭。不求謀勝。雖有小獲。未聞有能大殲

古文國華集卷之五十七

元宋文卷五

醜虜者。此戰不設伏之過也。是四者今日諸將之失。願陛下明詔之。使知古人用兵之深意。則於折衝禦侮。致果殺敵之方。非小補也。昔高祖駕御韓彭英盧。如指蹤獵狗而得獸。光武駕御寇鄧耿賈。所向無不。成功陛下十數年來。委任諸將。不受高爵重祿。以得其心。分以堅甲利兵。以作其氣。駕御之術。固非愚臣之所能測識。然竊見朝廷近來措置恢復。有未盡善者五。有宜預備者三。有當善後者二。臣荷恩之深。嘗蒙聖慈特降親筆。有宜因疾置時告嘉猷之語。苟有古文國瑋集卷之五十七 王 宋文卷八

所見其敢隱藏。請試爲陛下詳言之。何謂有未盡善者五。夫興師十萬。日費千金。聚人必以財。理財必以義。以朝廷之威。擅天下之利勢。而欲措置財用。使養兵不乏。何施不可。善制國用者。有生財之道。有節用之法。有救弊之說。有覈實之政。有懋遷之術。有閹闡之權。審此六者。則雖養兵之多。何患乎財用之不足。而朝廷初不留意於此。唯取於民之爲務。降官告給度牒。賣戶帖。理積欠。折帛博糴。預借和買。名雖不同。其取於民一也。上戶竭產。不足以供買官資之數。配

下戶絕食。不足以應科斗升之誅求。物力耗屈。人心驚疑。如居風濤。洶洶靡定。夫民爲邦本。本固邦寧。基址薄則棟宇有傾危之憂。水泉涸則魚鼈無生養之理。爲父母而日削其子。飽腹心而自戕其肌。欲求久安。其可得乎。晉唐德宗。急於用兵。而有除錢陌稅間架之令。遂致奉天之變。今日誠不可不以爲鑒。此未盡善者一也。夫千里餽糧。士有饑色。焦蘇後鬻。師不宿飽。軍旅之興。糧餉爲先。而去年自江以南。縣地數千里。適有旱災。粒米惟艱。穀價翔踊。饑民餓草相望。於路雖浙西號爲豐稔。然以一路而供江湖數路之求。勢亦安能有餘。朝廷糴買數目雖多。亦未必能豐衍。王師一動。運漕飛輓。何以能給。議者謂當因糧於敵。臣竊以爲不然。使敵人聚糧。或有敗北。焚蕩而去。必不使爲我有。糧道不繼。爲患甚大。若欲取於偽地之民。則官軍抄掠。甚於寇盜。有違弔伐之義。失民望而堅從賊之心。非計之得。此未盡善者二也。金人專以鐵騎勝中國。而吾之馬少。特以步兵當之。飄暴衝突。勢必不支。平時不務有可以制鐵騎之術。而亟欲

興舉。夫工欲善其事，必先利其器。況于戰陣之際，國家安危所繫，豈可忽哉。此未盡善者三也。夫用兵如奕碁，先能自固，乃能殺敵。根本之地，當以重制輕，乃能安全。臂指之勢，當以大用小，乃能運動。今朝廷與諸路之兵，悉付諸將，外重內輕，指大臂小，平居已不能運掉，則緩急何以使之捍患而却敵哉。兵猶博也，本多乃勝。善博者徐出以待時，今乃罄所有以事一擲，其可乎。此未盡善者四也。臣於陞辭日，竊聞麻制以韓世忠、岳飛為京東京西路宣撫使，聖意可謂斷矣。然兵家之事，行詭道，勢易之博，必戢其翼，猛獸之攫，必匿其爪，藏殺機也。今者不得已而用兵，不知欲敵人之知乎。欲敵人之不知乎。欲敵人之為備乎。欲敵人之不為備乎。事固有先聲而後實者，然既有其實，乃可先其聲。昔韓信虜魏王，禽夏說，不旬朝破趙二十萬眾，誅成安君於泜水上，故能發一乘之使，奉咫尺之書，使燕齊從風而靡，有其實故也。今吾軍初未嘗有其實，而遽以先聲臨之，其可乎。此未盡善者五也。何謂宜預備者三，中軍既行，宿衛單弱，肘腋之

變不可不虞。此行在不可不預備者一也。江南東西荆湖南北，兵將盡行，屯戍鮮少，敵人或有乘間搆虛之作，則將何以待之。此上流不可不預備者二也。海道去京東不遠，乘風而來，一日千里，蘇秀明越全無水軍，則下流不可不預備者三也。何謂當善後者二。夫勝負兵家常勢，有勝必有負，勝之非難，持久為難。而況於負哉。籍使王師克捷，能復京東西地，則當屯以何兵。守以何將。金人來援，當何以待之。兩路之民懷戴宋之心，有來蘇之望久矣。既得其地，而吾之力足以覆護之，此當善後者一也。萬一得其地而不能守，得其民而不能保，兩路生靈虛就屠戮，使兩河之民絕望於本朝，則恢復之功難為力矣。昔宋武帝長驅以復關中，而卒不能有，惟其善後之策不先定，故也。善奕者其置子之意，乃在於數十著之先，豈臨事而後慮哉。勝猶如此，則所以圖為善後之計者，宜如何哉。此當善後者二也。陛下天縱英武，念二聖於漠北，出自膚斷，圖此武功，事勢既然，必不得已，臣願獻愚計，軍政既修，莫若小試勦兵於山東。夫山東天下

之陸海也。賊諒賴之以爲根本之地。與吾淮南境土相接。河渠相通。士馬易行。糧餉易致。宜令韓世忠率師先臨。繼遣劉光世爲之策應。張浚分兵以防江。岳飛重兵且屯襄陽。勿輕動。以牽制其師。使不得應援。募敢死將士。繇海道以擣其腹心。擇要害之地。控扼以斷金人來援之路。京東郡縣必有起而應者。撫綏料理務盡其術。京東可保。乃可徐事京西。此今日之至計也。臣蒙陛下面諭以十數年來訓練士卒。今方可用。臣退而詢之士大夫咸以爲然。區區愚慮。尚有可疑者。以謂吾之士卒。初未嘗與大敵力戰。則欲保其臨敵用命。無奔潰之虞。猶未易也。金百鍊則爲精金。卒百戰則爲精卒。故臣欲試之山東者。使戰得二勝。則士氣百倍。乘破竹之勢。所向無前矣。惟陛下裁幸。昔周宣中興。北伐則夷獫狁。南征則平淮夷。宜乎意氣勇銳。鼙鼓電發。然常武之序。曰有常德以立武事。因以爲戒。然則知有此武功。未嘗不以誠一之德爲主也。夫其進銳者其退速。物理之自然。兵威方強。志慮太銳。一有挫衄。遽自退屈。豈可謂之常德哉。高

古文國璋集

卷之五十七

聖休文應辰

祖與項籍戰。其喪師跳身者屢矣。然卒以此勝。堅忍而有常故也。昔魏相之告宣帝曰。救亂誅暴。謂之義兵。義者王敵。加於已不得已而起者。謂之應兵。兵應者勝。爭恨小故。不忍憤怒者。謂之忿兵。兵忿者敗。利人土地貨寶者。謂之貪兵。兵貪者破。恃國家之大。矜民人之衆。欲見威於敵者。謂之驕兵。兵驕者滅。相之論可謂切當。夫兵以義起。以應動。而不忿不貪不驕。是謂常德。此帝王之所當盡心也。伏惟陛下留神幸察。臣昨在靖康中。與聞國論。當是時。豈不願和。但臣雖不得而與。然聞之士大夫亦頗得其梗槩矣。臣素以治兵爲然。豈不願戰。但亦欲戰得其是。則中興之業自茲以始。夫天下士民。凡有知識者。孰不願陛下以戰則勝。以守則固。而早致中興之功。獨議和者不然。袖手旁觀。惟觀一有差失。以售其說。臣願陛下以持重用兵。以多算取勝。而無爲議和者之所幸。天下不勝幸甚。取進止

古文國璋集

卷之五十七

聖休文應辰

之勢不比金人苟舉勝之則軍勢大振而中原豪傑將有響應之者是又機之不可先也

歷代古文國璋集卷之五十八

襄西方岳貢禹修評選

宋文

論守淮宜立三鎮疏

辛棄疾

臣竊惟自中興以來駐蹕臨安阻江爲險然江之爲險須藉兩淮自古南北分離之際蓋未有無淮而能保江者然則兩淮形勢在今日豈不重哉臣仰惟陛下垂意邊防規恢遠畧沉幾先物慮無遺策然臣偶有管見慮之甚熟誠恐有補萬一唯陛下寬聽蓋兩淮綿地千里執如張弓若虜騎南來東趨揚楚西走和蘆苟吾兵無以斷隔其中則彼東西往來其路徑直如走弦上蕩然無慮若吾兵斷隔其中則彼淮東之兵不能救淮西而淮西之兵亦不能應淮東設使執窮力蹙之際復由淮北而來則走弓之背其路迂遠懸隔千里執不相及入吾重地兵分爲二其敗可立而待古之爲兵者謂其執如常山之蛇擊其首則尾應擊其尾則首應擊其身則首尾俱應然後其兵立于不敗之地今以兩淮地形言之則淮東爲首而

金亮寇江
淮而反朱
唐即其事也

淮西爲尾。淮之中則其身也。斷其身則首尾不能救。明矣。三國之時。吳人以瓦梁堰爲身。築壘而守之。而魏終不能勝吳者。吳保其身而魏徒能擊淮西之地也。五代之時。南唐慮周師之來。蓋嘗求吳人故迹而守之。功未成而周兵至。然猶遣皇甫暉姚鳳以精兵十五萬。扼定遠縣。負清流關而守。世宗亦以藝祖皇帝神武之兵。當之。虜騎之來也。常先以精騎由濠梁破滁州。然後淮東之兵方敢入寇其去也。唯滁之兵爲最後。由此觀之。自古及今。南兵之守淮。北兵之攻

古文國璋集卷之五十八

宋文卷廿九

淮未嘗不先以精兵斷其中也。況今虜人之執。一犯吾境。其所以忌吾者。非戰也。忌吾有兵以出其後耳。一出其後。則淮北之民必亂。而淮北之城亦可乘間而取。如向之海泗唐鄧是也。今陛下城楚城揚于東。城廬城和于西。金湯屹然。所以爲守者具矣。然臣以謂兩淮之中。猶未有積甲儲粟。形格勢禁。可以截然分斷虜人首尾之處。以臣愚見。當取淮之地而三分之。建爲三大鎮。擇沈勢有謀。文武兼具之人。假以歲月。寬其繩墨以守之。而居中者得節制東西二鎮。緩

急之際。虜攻淮東。中鎮救之。而西鎮出兵淮北。臨陳蔡以撓之。虜攻淮西。中鎮救之。而東鎮出兵淮北。臨海泗以撓之。虜攻中鎮。則建康悉兵以救之。而東西鎮俱出兵淮北以撓之。東西鎮俱受兵。則彼兵分力寡。中鎮悉兵淮北。臨宿毫以撓之。此蘇秦救六國之所以爲守。而秦人聞之。所以不敢出兵于函谷關也。比之紛紛糾結自戰其地者。利害不侔矣。如臣言可採。乞下兩府大臣。并知兵將帥詳議。建立三鎮去處。措置施行。

古文國璋集卷之五十八

宋文卷廿九

捷之者。非以自救也。正所謂繞出其背。斷其歸路也。

一家供一
共亦為助
矣

議從淮民實三鎮疏

辛棄疾

臣聞事不前定。不可以應猝。兵不預謀。不可以制勝。臣謂兩淮裂為三鎮。形格勢禁。足以待敵矣。然守城必以兵。養兵必以民。使萬人為兵。立于城上。閉門拒守。財用之所資給。衣食之所辦具。其下非有萬家。不能供也。在時虜人南寇。兩淮之民。常望風奔走。流離道路。無所歸宿。飢寒困苦。不兵而死者。十之四五。臣以謂兩淮民所稀少。分則不足。聚則有餘。若使每州為城。每城為守。則民分執寡。力有不給。苟斂而聚之。古之國璋集卷之五十八

於三鎮。則其民將不勝其多矣。竊計兩淮戶口不減二十萬。聚之使來。法當半至。猶不減十萬。以十萬戶之民。供十萬之兵。全力以守三鎮。磨礱善攻。自非掃而聚。烏能以歲月按三鎮哉。況三鎮之執。左提右。援連縱。且戰且守。以制其後。臣以謂雖有元木之智。通亮之方。亦將無如之何。況其下者乎。故臣願陛下分淮南為三鎮。領分郡縣戶口以隸之。無事之時。使各居其土。營治生業。無異平日。緩急之際。令三鎮之將。各檄所部州縣管拘本土民兵戶口。赴本鎮。

保守老弱妻子牛畜資糧聚之城內其丁壯則授以器甲令于本鎮附近險要去處分據寨柵與虜騎互相出沒彼進吾退彼退吾進不與之戰務在奪其心而耗其氣而大兵堂堂整整全力以伺其後有餘則戰不足則守虜雖勁亦不能為吾患矣且使兩淮之民倉卒之際不致流離奔竄從轉徙溝壑就斃而已也。

以兩淮之大而其民僅實三鎮則于人情不便然北朝之拒南每于要害處立鎮而餘城不守使我不敢行空虛之地而攻其堅城此亦一策也

古文國璋集卷之五十八

五宋文卷廿九

經國

辛棄疾

孝宗時棄疾為建康府通判進美芹十論

臣聞事未至而預圖則慮之常有餘事既至而計則應之常不足。虜人憑陵中夏。臣子忘國耻。普天率土。此心未嘗一日忘。臣之家世受廬濟南代。唐陶晉荷國厚恩。大父臣贊以族衆拙於脫身。被汙虜官。留京師。歷宿亳。涉沂海。非其志也。每退食輒引臣輩登高望遠。指畫山河。思投筆而起。以紓君父所不共戴天之憤。嘗令臣兩隨計吏抵燕山。諦觀形勢。謀未及遂。大父臣贊下世。粵辛巳歲。逆亮南寇。中原之民。遽聚蜂起。臣嘗鳩衆二千。隸取京爲掌書記。與圖恢復。共籍兵二十五萬。納款于朝。不幸變生肘腋。事乃太謬。負抱恩忠。填鬱腸肺。官閑心定。竊伏思念。今日之執朝廷一于持重。以爲成謀。虜人利于嘗試。以爲得計。故和戰之權常出于敵。而我特從而應之。是以燕山之未幾。而京城之圖急。城下之盟方成。而兩宮之狩遠。秦檜之和。反以滋逆亮之狂。彼利則戰。俺則和。說謫但許。我實何有。惟是張浚符離之師。猶奮生

古文國瑞集

卷之五十八

宋文卷廿九

古文國瑞集

卷之五十八

宋文卷廿九

氣雖勝不慮敗。事非十全。然計其所喪。方諸既和之後。投閑蹂躪。猶未若是之酷。而不識兵者。徒見勝不可保之爲害。而不悟夫和而不可恃。爲膏肓之大病。亟遂辭舌。以爲深戒。臣竊謂恢復自有定謀。非符離小勝負之可懲。而朝廷公卿過慮不言。兵之可惜也。古人言。不以小挫而沮吾大計。正以此耳。恭惟皇帝陛下聰明神武。灼見事幾。雖光武明謨。憲宗果斷。所難比擬。一介醜虜。尚勞宵旰。此正天下之士獻謀効命之秋。臣雖至愚且陋。何能有知。徒以忠憤所激。不能自己。以爲今日虜人實有弊之可乘。而朝廷上策惟預備。乃無患。故罄竭精懇。不自付量。撰成禦戎十論。名曰美芹。其言虜人之弊。其七言朝廷之所當行。先審其執。次察其情。復觀其弊。則敵之虛實。吾既詳之矣。然後以其七說次第而用之。虜固在吾目中。惟陛下留乙夜之神。沉先物之幾。志在必行。無惑羣議。庶乎雪耻酬百王。除兇報千古之烈。無遜于唐太宗。典冠舉衣。以復韓侯。雖越職之罪難逃。野人美芹而獻于君。亦愛主之誠可取。惟陛下赦其狂僭。而憐

其愚忠斧鑕餘生。實不勝幸萬幸萬之至。其審執曰。用兵之道。形與執二。不知而一之。則沮于形。眩于執。而勝不可圖。且坐受其斃矣。何謂形。小大是也。何謂執。虛實是也。土地之廣。財賦之多。士馬之衆。此形也。非執也。形可舉以示威。不可用以必勝。譬如轉故。嚴于千仞之山。雖然其聲。鬼然其形。非不大可畏也。然而壅留木拒。未容于直。遂有能迂回而避。禦之至力。後形禁。則人得跨而踰之矣。若夫執。則不然。有器必可用。有必可濟。譬注矢石于高墉之上。操縱自我。不係于人。有軼而過者。抨擊中射。惟意所向。此實之可慮也。自今論之。虜人雖有敬嚴可畏之形。而無矢石必可用之執。其舉以示吾者。特以威而疑我也。謂欲用以求勝者。固知其未必能也。彼欲致疑。吾且信之以爲可疑。彼未必能。吾且意其或能。是亦未詳夫形執之辨耳。臣請得而條陳之。虜人之地。東薄于海。西控于夏。南抵于淮。北極于蒙。地非不廣也。虜人之財。聚兵于民。而無養兵之費。靳恩于郊。而無延恩之賞。又輔之以歲幣之相。仍橫斂之不休。則財非不多。

夫秋而
中原者
師則有
足故可
以久而
可以久

也。沙漠之地。馬所生焉。射御長技。人皆習焉。則其兵又可謂之衆矣。以此之形。時出而震我。亦在所可慮。而臣獨以爲不足卹者。蓋虜人之地。雖名爲廣。其實易分。惟其無事。兵却形制。若可糾合。一有驚擾。則忿怒紛爭。割據蜂起。辛巳之變。蕭鷓巴反于遼。開趙反于密。魏勝反于海。王友直反于魏。耿京反于齊魯。親而葛王又反于燕。其餘紛紛所在。而是此則已然之明驗。是一不足慮也。虜人之財。雖名爲多。其實難恃。得吾歲幣。惟金與帛。可以備賞。而不可以養士。中原虛窖。可以養士。而不能保其無失。蓋虜政厖而官吏橫。常賦供億。民粗可支。意外而有需。公實取一。而吏七人之民。不堪而叛。叛則財不可得。而反喪其資。是二不足慮也。若其爲兵。名之曰多。又實難調而易潰。且如中原所發。謂之大漢軍者。皆其父祖殘于蹂躪之餘。田宅罄于棰剝之酷。怨憤所積。其心不一。而遺里遠絕。資糧器甲。一切取辦于民。賦輸調發。非一歲而不可至。始述亮南寇之時。皆是誅脅酋長。破滅資產。人乃肯從。未幾中道竄歸者。已不容制。則又三不

足慮也。又況虜廷今用事之人，雖以契丹中原江南之士，上下猜防，議論齟齬，非如前日黏罕兀朮輩之叶。且骨肉間，僭弑成風，如聞僞許王以庶長出守于汴。私收民心，而嫡少嘗暴之于父，此豈能終以無事者哉？我有三不足慮，彼有三無能為，而重之以有腹心之疾，是殆自保之不足，何以謀人？臣抑聞古之善覘人國者，如良醫之切脉，知其受病之處，而逆其必頽之期，初不為肥瘠而易其智，官渡之師，袁紹未遽弱也，曹操見之，以為終且自斃者，以嫡庶不定而知

古文國璋集卷之五十八

宋文卷廿九

之咸陽之都，會稽之游，秦尚自強也。高祖見之以為當如是矣，項籍見之以為可取而代之者，以民怨已深而知之。蓋國之亡，未有如民怨嫡庶不定之為酷。虜今並有之，欲不亡何待？臣故曰形勢異，惟陛下實深察之。其察情曰：兩敵相持，無以得其情，則疑疑故易駭駭而應之，必不能詳，有以得其情，則定定故不可惑，不可惑而聽彼之自擾，則權常在我而敵實受其弊矣。古之善用兵者，非能務為必勝，而能謀為不可勝，蓋不可勝者，乃所以徐圖必勝之功也。我欲

勝，彼亦志于勝，誰肯處其敗？勝敗之情戰于中，而勝敗之機未有所決。彼或以兵來，吾敢謂其張虛聲以耀我乎？彼或以兵遁，吾敢謂其非匿形以誘我乎？是皆未敢也。然則如之何？曰：構然後知輕重，度然後知長短，定故也。他人有心，予忖度之，審故也。能定而審敵情，雖萬里之遠，可坐察矣。今吾藏戰于守，未戰而常為必戰之待，寓勝于敵，未勝而常有必勝之理，彼誠虛聲以耀我，我以靜應而不輕動，彼誠匿形以誘我，我有素備而不可以乘，勝敗既不能為吾亂，則固

古文國璋集卷之五十八

宋文卷廿九

神閒而氣定矣。然後徐以吾之心，度彼之情，吾猶是彼亦猶是。南北雖有異慮，休戚豈有異哉？虜人情偽，臣嘗熟論之矣。譬如猙狗焉，心不肯自開，擊之則吠，吠而後却呼之，則馴馴必致齧，蓋吠我者忌我也。馴我者狎我也，彼何嘗不欲戰？又何嘗不言和？惟其實欲戰而乃以和狎我，惟其實欲和而乃以戰要我。此所以和無定論而戰無常執也。尤不可以不察。曩者兀朮之死，固嘗囑其徒使與我和，曰：韓張劉岳近皆習兵，恐非若輩所敵，則是其情真欲和矣。然而未

不進而求戰者。計出于忌我而要我。劉豫之廢。夏嘗慮無以守中原。則請割三京。夏之欲亮。常懼吾有問罪之師。則又謀割三京。而還梓官。亮之頑。哀又嘗緩我追北之師。則復謀割白溝河。以丈人行事我。是其情亦真欲和矣。非詐也。未幾夏之所割。視吾所守之人。非其敵。則不旋踵而復取之。亮之所謀。窺吾遣賀之使。知其無能為。則中輟而萌。卒已之逆。夏之所謀。悟有班師之失。無意于襲。則又反覆而有意。外之請。夫既云和矣。而復中輟者。蓋用其狎。而謀勝于古。文。國。璋。集。卷之五十八。宋。文。卷。九。

我也。今日之事。揆諸虜情。是有三不敢必戰。二必欲嘗試。何以言之。空國之師。商鑒不遠。彼必不肯再用危道。萬一猖獗。特不過調沿邊戍卒而已。戍卒豈有能必其勝。此一不敢必戰也。海泗唐鄧等州。吾既得之。彼用師三年而無成。則我有攻守之士。而虜人已非前日之比。此二不敢必戰也。契丹諸胡。側目于其後。中原之士。扼腕于其前。令之雖不得不從。從之未必不反。此三不敢必戰也。有三不敢必戰之形。懼吾之窺其弱。而絕歲幣。則其孰不得不張大以要我。此

一欲嘗試也。貪而志欲得求。不能克其所欲。心惟務于僥倖。謀不暇于萬全。此二欲嘗試也。且彼誠欲戰耶。則必不肯張皇以速我之備。且如逆亮始謀南寇之時。劉麟蔡松年一探其意而導之。則麟逐而松年鵠。惡其露机也。今誠必戰。豈欲人遂知之乎。彼誠不敢必戰邪。貪殘無義。忿不顧敗。彼何所卹。以母之親兄之長。一忤其意。一利其位。亮猶執之。何有于我。況今沿海造艦。沿淮治具。包藏禍心。有隙皆可投。取謂之終遂不戰乎。大抵今彼雖無必敗之心。而吾亦

古文國璋集卷之五十八。宋。文。卷。九。不可不防其欲嘗試之舉。彼于高麗西夏。氣足以吞之。故於其使之至也。坦然待之。而無他。惟吾使命之去。則多方腆鮮。曲意防備。如人見牛羊。未嘗作色。而遇虎豹。則厲聲奮臂以加之。此又足以見其深有所忌于我也。彼知有忌。我獨無忌哉。我之所忌。不在于虜欲必戰。而在于虜幸勝以踰淮。而遂守淮以固我。則吾受其病矣。禦之之術。臣具于守淮篇。昔者黥布之心。為身而不顧後。必出下策。薛公知之。以告高祖。而布遂成擒。先零之心。恐漢。而疑罕開。解仇結約。克圖

知之以告宣帝。而先零自速敗。薛公克國。非有風角。烏占之勝。枯莖朽骨之技。亦惟心定而慮審耳。朝廷心定而慮審。何情不可得。何功不可成。不求敵情之知。而觀彼虛聲。詭執以爲進退者。非特重困吾力。且失夫制勝之機。爲可惜。臣故曰。知敵之情。而爲之處者。綽綽乎其有餘矣。其觀衆曰。自古天下離合之執。常係乎民心。民心叛服之由。實基于喜怒。喜怒之方。視之若未有休戚。喜怒之既積。離合始決。而不可制矣。何則。喜怒之情。有血氣者皆有之。飽而愉。餒而適。遽使之飢寒。則怨。仰而視。俯而有。遽使之捐棄。則痛。冤而求伸。憤而求泄。至于無所控告。則怨。怨深痛鉅。而怒盈。服則合。叛則離。秦漢之際。離合之變。于此可以觀矣。秦人之法。慘刻凝密。而漢則破觚爲圓。與民休戚。天下不得不喜漢。而怒秦。秦人則役繁賦重。不卹民勝。而漢則寬仁大度。務從簡約。天下不得不喜漢。而怒秦。怒之方。形。秦自若也。怒之既積。則喜而有所屬。秦始不得自保。遂離而合于漢矣。方今中原之民。其心果何如哉。二百年爲朝廷赤子。耕而食。蚕

而衣。富者安。貧者濟。賦輕徭寡。求得而欲遂。一榮一辱。彼視吾民。如晚妾之御嫡子。愛憎自殊。不復傾情。左階割之時。彼守未固。此訥未定。猶勉強姑息。以示恩時。肆誅戮以買威。既久稍玩。真情遂出。分布州縣。半是胡奴。分朋植黨。仇滅中華。民有不平。訟之於官。則胡人勝。而華民則飲氣以茹屈。田疇相隣。胡人則強而奪之。華民則相雜。胡人則盜而有之。民之至愛者子孫。發軍之令下。則貧富不問。而丁壯必行。民之所惜者財力。營集饋餉之役興。則空室以往。而休息無期。有常產者。困窶無置。雖者凍餒。民初未敢遽叛者。猶徇于苟且之安。而謀於積威之末。辛巳之歲。相挺以興。矯首南望。思戀舊主者。怨已深。痛已鉅。而怒已盈也。逆亮自知形勢。禁絕格。巢穴迢遙。恐狂謀無成。而鼠身無所。故疾趨淮上。僥倖一勝。以謀演中原之心。而求歸也。此机不一再。而朝廷慮不及此。中原義兵。尋亦潰散。吁。甚可追惜也。今而觀之。中原之民。業嘗叛虜。虜人必不能釋然于其心。而吾民亦豈能自安。而無疑乎。疑則慮患深。操心危。是以易動而輕叛。朝

香亦以
太祖亦
南而升
乃知天
無常軌
也

廷未有意于恢復。則已。誠有意焉。莫若于其無事之
時。張大聲執以聳之。使知朝廷。慨然有可恃之資。存
撫新附。以誘之。使知朝廷。有不忘中原之心。如是。則
一旦緩急。彼將轉相告諭。翕然而起。爭爲吾之應矣。
又況今日中原之民。非昔日中原之民。襲者民習於
治。而不知兵。不意之禍。如蜂蠆作于懷袖。知者不暇
謀。勇者不及怒。自亂離以來。心安于斬伐。而力閑于
攻守。虜人雖暴。有王師爲之援。民心堅矣。馮婦雖擢
臂。其爲士笑之。孟子曰。爲湯武驅民者。桀與紂也。臣
古文圖瑋集卷之五十八
亦謂今之中原。離合之變。已開。虜人不動則已。誠動
焉。是特爲陛下驅民而已。惟靜以待之。彼不亡何待
其自治曰。臣聞今之論天下者。皆曰。南北有定執。吳
楚之脆弱。不足以爭衡于中原。臣之說曰。古今有常
理。夷狄之腥穢。不可以久安于華夏。夫所謂南北定
執者。粵自漢出之亡。天下離而爲南北。吳不能以取
魏。而晉卒以併吳。晉不能以取中原。而陳亦終斃于
隋。與夫藝祖皇帝之南唐。取吳越。天下之士。遂以
爲東南地薄兵脆。將非命世之雄。其執固至于此。而

蔡謨亦謂度今諸人。必不能辦此。吾見韓廬東郭魏
俱斃而已。臣以謂吳不能以取魏者。蓋孫氏之割據。
曹氏之猜嫌。其德本無以相過。而西蜀之地。又分於
劉備。雖願以兵寇魏。執不可得也。晉之不能取中原
者。一時諸戎。皆有豪傑之風。晉之強臣。方內自專制。
擁兵上流。動輒問鼎。自治如此。何暇謀人。宋齊梁陳
之間。其君臣又皆以一戰之勝。蔑其君而奪之位。其
心蓋僥倖于人之不我攻。而所以攻人者。皆其自固
也。至于南唐吳越之時。適當聖人之典。理固應爾。無
古文圖瑋集卷之五十八
足怪者。由此觀之。所遭者然。非定執也。且方今南北
之執。較之彼時。亦大異矣。地方萬里。而劫于夷狄之
一姓。彼其國大而上下交征。政厯而華夷相怨。平居
無事。亦規規然。模倣古聖賢太平之事。以誅亂其耳。
目。是以其國可以言靜。而不可以言動。其民可與共
安。而不可與共危。非如晉末諸戎。四分五裂。若周秦
之戰國。唐季之藩鎮。皆家自爲國。國自爲敵。而貪殘
吞噬。剽悍勇之習。純用而不雜也。且六朝之君。其
祖宗德澤。涵養浸漬之難忘。而中原民心。眷戀依

而不去者。又非得爲今日比。臣故曰。較之彼時。南北之執大異矣。當秦之時。關東強國。莫楚若也。而秦楚相遇。動以數十萬之衆。見屠于秦。君爲秦虜。而地爲秦墟。自當時言之。是南北勇怯不敵之明驗。而項梁乃能以吳楚子弟。驅而之趙。救鉅鹿。破章邯。諸侯之軍十餘壁。皆莫敢動。觀楚之戰士。無不一當十。諸侯之兵。皆人人惴恐。卒以阮秦軍入函谷。焚咸陽。殺子嬰。是又可以南北勇怯論哉。方懷王入秦時。楚人言之曰。楚雖三戶。亡秦必楚。夫豈彼能逆知其事之必

古文國璋集

卷之五十八

宋文卷廿九

至於此耶。蓋天道好還。亦以其理而推之耳。故臣直取古今常理而論之。夫所謂古今常理者。通順之相形。盛衰之相尋。如符契之必同。寒暑之必至。今夷狄所以取之者。至逆也。然其所居者亦盛矣。以順居盛。猶有衰焉。以逆居盛。固無衰乎。臣之所謂理者此也。不然。裔夷之長。而據有中夏。子孫又有泰山萬世之安。古今豈有是事哉。今之議者。皆痛懲征伐之事。而切于積威之後。不推項籍之亡秦。而猥以慕讓之論。皆若以藉口。是猶懷千金之璧。不能碎骨低昂。而搖

古文國璋集

卷之五十八

宋文卷廿九

尾于販夫。懲蝮蛇之毒。不能詳數真偽。而褫魄于難弓。亦已過矣。故臣願陛下姑以光復舊物而自期。不以六朝之執而自卑。精心強力。日與三大臣講求古今南北之執。知其不佞。而不爲之惑。則臣固當爲陛下言自治之策。今之所以自治者。不勝其多也。官吏之盛否。民力之優困。財用之豐耗。士卒之強弱。器械之良苦。邊備之廢置。此數者。皆有司之事。陛下亦次第而行之。臣不能悉舉也。願今有大者二。陛下知之而未果行。大臣難之而不敢發者。一曰絕歲幣。二曰都金陵。臣聞今之所以待虜。以緡計者。二百餘萬。以天下之大。而爲生靈社稷計。曾何二百餘萬之足云。臣不爲二百餘萬緡惜也。錢塘金陵俱在大江之南。而其形執相去亦無幾矣。豈以爲是數百里之遠。而遽有強弱之辨哉。臣不爲數百里計也。然而絕歲幣。則財用未可以遽富。都金陵。則中原未可以遽復。是三尺童子之所知。臣之區區。以是爲言者。蓋古之英雄撥亂之君。必先內有以作三軍之氣。外有以破敵入之心。故曰未戰養其氣。又曰先人有奪人之心。

今則不然。待敵則恃驕。好于金帛之間立國。則借形執于湖山之險。望實俱喪。莫此爲甚。使吾內之三軍。皆知其上之人。畏怯退避之如此。以爲夷狄必不可敵。戰守必不可恃。雖有剛心勇氣。亦銷鑠委靡。而不。臣不知緩急。將誰使之戰哉。借使戰其能必勝乎。外之中。原民心。以爲朝廷置我于度外。謂吾無事。則。知自備而已。有事則將自救之不暇。向之袒臂疾呼。而促通亮之驚。爲吾響應者。他日必無若是之捷也。如是則敵人將樂意肆志。而爲吾患。今絕歲幣。都金。

古文國璋集

卷之五

手

宋文卷廿九

度其形必至于戰。天下有戰形矣。然後三軍有所怒。而思奮。中原有所恃而思亂。陛下間取其二百餘萬。縉者以資吾養兵賞勞之費。豈不爲朝廷之利乎。然此二者。在今日未可遽行。臣觀虜人之情。玩吾之重戰。而所求未能克其欲。不過一二年。必以戰而要我。苟因其要我而遂絕之。則彼亦將自沮。而權固在我矣。設者必曰。朝廷全盛時。西北二虜亦不免于賂。今我有天下之半。而虜倍西北之勢。雖欲不賂得乎。臣應之曰。是趙之所以待秦也。昔者秦攻邯鄲而去。趙。

將割六縣而與之和。虞卿曰。秦之攻趙也。倦而歸乎。抑其力尚能進。且愛我而不攻乎。王曰。秦之攻我也。不遺餘力矣。必以倦而歸矣。虞卿曰。秦以其力攻其力。所不能取。倦而歸。王又以其力之所不能攻。以資之。是助秦自攻也。臣以爲虞卿之所以謀趙者。是今日之執也。且今日之執。議者固以東晉自卑矣。求之于晉。彼亦何嘗退金陵。輸歲幣乎。臣竊觀陛下聖文神武。同符祖宗。必將陵跨漢唐。鞭笞異類。然後爲稱。豈能鬱鬱久居此者乎。臣願陛下酌古以御今。毋惑。

古文國璋集

卷之五

手

宋文卷廿九

紛紛之論。則恢復之功。可必其有成。古人云。謀及卿士。謀及庶人。又曰。作屋道邊。三年不成。蓋謀貴衆。斷貴獨。惟陛下深察之。其守淮曰。臣聞用兵之道。無所不備。則有所必分。知所必守。則不必皆備。何則。精兵驍騎。十萬之屯。山峙雷動。其執自雄。以此爲備。則誰其敢乘。離屯爲十屯。屯不過萬。力寡氣沮。以此爲備。則備不足恃。此聚屯分屯之利害也。臣嘗觀兩淮之戰。皆以備多而力寡。兵憊而氣沮。奔走于不必守之地。而撓虜人遠圖之鋒。故十戰而九敗。其所以得畫江。

而守者幸也。且今虜人之情，臣固已論之矣。要不過以成兵而入寇。幸成功而無內禍，使之踰淮將有民而撫之。有城而守之，則始足以爲吾患。夫守江而喪淮，吳陳南唐之事可見也。且我入彼出，我出彼入，曠日持久，何事不生？曩者元本之將曰韓常、劉豫之相曰馮長寧者，皆嘗以是導之。詎知其他日之計，終不出于此乎？故臣以謂守淮之道，無懼其必來，當使之兵交而亟去，無幸其必去，當使之他日必不敢犯也。爲是策者，在干彼能入吾之地，而不能得吾之戰，彼

古文國粹集 卷之五十八

宋文卷廿九

能攻吾之城，吾能出彼之地，然而非備寡力專，則不能也。且環淮爲郡凡幾，爲郡之屯又幾，退淮而江爲重鎮，曰鄂渚，曰金陵，曰京口，以至于行都，扈蹕之兵，其將皆有定營，其營皆有定數，此不可省也。環淮必欲皆備，則是以有限之兵，而用無所不備之策，兵分執弱，必不可以折其衝，以臣策之，不若聚兵爲屯，以守爲戰，庶乎虜來不足以爲吾憂，而我進乃可以爲彼患也。聚兵之說如何？虜人之來自淮而東，必道楚以趣揚，自淮而西，必道濠以趣真，與道壽以趣和，首

荆襄而來，必道襄陽以趣荆。今吾擇精騎十萬，分屯于山陽、濠梁、襄陽三處，而於揚、或和、置一大府以督之。虜攻山陽，則堅壁勿戰，而虛盱眙、高郵以餌之，使濠梁分其半，與督府之兵橫擊之，或絕餉道，或邀歸途，虜併力于山陽，則襄陽之師出，唐鄧以擾之，虜攻濠梁，則堅壁勿戰，而虛廬壽以餌之，使山陽分其半，與督府之兵亦橫擊之，虜併力于濠梁，而襄陽之師亦然。虜攻襄陽，則堅壁勿戰，而虛邳復以餌之，虜無所獲，亦將聚淮北之兵，以併力于此，我則以濠梁之

古文國粹集 卷之五十八

宋文卷廿九

兵制其歸，而山陽之兵自沐陽以擾沂海，此正所謂不恃敵之不敢攻，而恃吾能攻彼之所必救也。臣竊謂解雜亂紛糾者，不控拳，救闕者，不搏搦，批亢擣虛，形勢執禁，則自爲解矣。昔人用兵，多出于此，故魏趙相攻，齊師救趙，田忌引兵疾走大梁，則魏兵釋趙而自救，齊師因大破之于桂陵。後唐莊宗與梁相持于揚、劉德勝之間，蓋嘗蹙而不勝，其後用郭崇韜之策，七日入汴而梁亡。兵家形勢，從古以然，議者必曰：我知擣虛以進，彼亦將調兵以拒，進退其實未見其虛。

是大不然。彼沿邊爲守。其兵不過數萬。旣已厚屯于三城之衝。其餘不容復多。兵少而力不足。謂能當我全師者。又非其所慮也。又況彼縱得准而民不服。且有江以爲之阻。則猶未足以爲利。我得中原而軍壺迎降民心自固。且將不爲吾守乎。如此則在戎者甚堅。而在彼者甚瑕。全吾所甚堅。攻彼所甚瑕。此臣所謂兵交而必亟去。兵去而不敢復犯者此也。嗚呼。安得斯人而與之論天下也哉。其屯田曰。趙充國論備邊之計。曰。湟中積穀三百萬斛。則羌人不敢動。李廣

古文國璋集 卷之五十八 宋文卷廿九

武爲成安君謀曰。要其輜重。十日不至。則二將之頭可致者。此言用兵制勝。以糧爲先。轉餉給軍。以通爲利也。必欲使糧足而餉無間絕之憂。惟屯田爲善。而屯田蓋亦難行。國家經費于今幾年。而曾未覩夫實効者。所以驛而使之耕者。非其人所以爲之任其責者。非其吏故利未十百而害已千萬矣。名曰屯田。其實重費以歛怨也。何以言之。市井無賴小人。惟其賴而不事事。而迫于飢寒。故甘捐軀于軍伍。以就衣食。而尙閑縱。一旦警急。操甲操戈以當矢石。其心固偃

然自分曰。向者吾無事而幸飽煖于官。今焉官有事而責死力于我。且戰勝。猶有累資補佚之望。故安之而不辭。今遽而使之屯田。則是無事而不免耕耘之苦。有事而又有履夫攻守之危。彼必曰。吾能耕以食。豈不能從富民租田以爲生。而輕失身于黥戮上能驅我于萬死。豈不能捐穀帛以養我。而重役我以辛勤。不平之氣。無所發洩。在畝畝則邀奪民田。脅掠酒肴。以肆無稽。踐行陣。則呼憤扼腕。疾視長上。而不爲用。且曰。吾自耕自食。官何用我焉。是誠未覩夫享成之利也。鹵莽滅裂。徒費糧種。祇見有害。未聞獲利。此未爲策之善。如臣之說。則曰。向者之兵怠惰而不盡力。向者之吏苟且而應故事。不如籍歸正軍民。整爲保伍。擇歸正不整務官。擇爲長貳。使之專董其事。且彼自虜中被發而來。耨之事蓋所素習。且其生同鄉井。其情相得上。令下從。不至生事。惟官之計。其開田頃畝之數。與夫歸正軍民之目。土人已占之田。不更動搖。以重驚擾。歸正之人。家給百畝。而分爲二等。爲之兵者。田之所收。則盡以予之。爲之民者。十分稅

古文國璋集 卷之五十八 宋文卷廿九

一。則以爲凶荒賑濟之儲。室廬器具。糧種之法。一切遵舊。使得植桑麻。蓄雞豚。以爲歲時伏臘婚嫁之資。彼必忘其流徙。便于生養。無事則長貳爲勸農之官。有事則長貳爲主兵之將。許其理爲資考。久於其任。使得悉心於教勸。而委守臣監司。覈其勞績。奏與遷秩。而不限舉主人。孰不更相勸勉。以赴功名之會哉。且今歸正軍民散在江淮。而此方之人。例以異壤視之。不幸而主將亦以其歸正。則求自釋於廟堂。又痛事形迹。愈不加卹。間有挾不平。出怨語。重典已繫其足矣。所謂小名目者。仰俸給爲活。胥吏沮抑。何嘗以時得嗚呼。此誠可憫也。誠非朝廷所以懷誘中原忠義之術也。聞之曰。因其不足而利之。利未四五而恩踰九十。此正屯田。非特爲國家便。而且亦爲歸正軍民之福。議者必曰。歸正之人。常懷異心。羣而聚之。慮復生變。是大不然也。且和親之後。沿江歸正軍民。官吏失所以撫摩之惠。相叛北歸者。莫計。當時邊吏亦皆聽之。而莫爲制。此豈獨歸正人之罪。今之留者。既少安矣。更爲屯田以處之。則人有常產。而上無重斂。

彼何苦叛去。以甘虜人橫暴之誅求哉。若又曰。恐其竊發。且人惟不自聊賴。乃攘奪以苟生。誠豐飫矣。何苦如是。飢者易爲食。必不然也。誠使果爾。疎而達之於江外。不猶愈于聚乎。內而重驚擾乎。且天下之事。逆慮其害。而不敢求其利。亦不可言智矣。蓋今所謂御前諸軍者。待之素厚。而養之素優。故驕驕則不可復使。此甚易曉也。若夫州郡之卒。異于是。彼非天子爪牙之士。故可以勞之而不怨。而其大半出于農桑失業之徒。故狎于野而不怨。往年嘗獵其丁壯勁勇者。爲一軍矣。臣以謂可革從此軍。視歸正軍民之數倍而發之。使阡陌相連。廬舍相望。並耕乎兩淮之間。彼其名素賤。必不敢倨視歸正軍民。而媒怨。而歸正軍民視之。猶江南之兵也。亦必有所忌。而不敢逞。執足以禁歸正軍民之變。力足以盡屯田之利。計有出于此者乎。管商之頑民。相率爲亂。周公不誅。而遷之洛邑。曰商之工臣。乃涵于酒。勿庸殺之。姑惟教之。其後康王命畢公。又曰。不臧厥臧。民罔攸勸。始則遷其頑而教之。終則擇其善而用之。聖人治天下。未嘗絕。

物固如此。今歸正之人。聚于兩淮。而屯田以居之。覈其勞績。而祿秩以誘之。內以節冗食之費。外以省轉餉之勞。以銷桀驁之變。此正周人待商民之法。秦人使人自爲戰之術。而井田兵農之遺制也。況皆吾舊赤子。非如商民在周之有異心術而使之天下豈有不濟之事哉。其致勇曰。臣聞行陣無死命之士。則將雖勇而戰不能必勝。邊陲無死事之將。則相雖賢而功不能必成。將驕卒惰。無事則已。有事則其弊猶爾。則望敵先遁。臨敵遂奔。幾何而不敗。國家事乎。人君責成于宰相。宰相身任乎天下。可不有以深探其情。而逆爲之慮乎。蓋人莫不重死。惟有以致其勇。則情者奮。驕者聳。而死有所不敢避。嗚呼。此正鼓舞天下之至術也。致之如何。曰。將帥之情。與士卒之情異。而所以致之之術。亦不可得而同。何則。致將帥之勇。在于均任而投其所忌。貴爵而激其所慕。致士卒之勇。在于寡使而紓其不平。速賞而卹其已亡。臣請得而傳陳之。今之天下。其弊在于儒臣不知兵。而武臣有以要其上。故閭外之事。朝廷所知者。勝與負而已。所

古文園璋集

卷之五十八

宋文卷廿九

謂當進而退。可攻而守者。則朝廷有不及知也。彼其意蓋曰。平時清要。儒臣任之。一旦擾攘。而使履矢石。吾且幸富貴矣。豈不能遂巡自愛。而留賊以固位乎。向者淮上之師。有遷延而避虜者。是其事也。臣今欲乞朝廷於文臣中。擇其廉重通敏者。每軍置參謀一員。使之得以諮計議。觀形執而不相統攝。非如唐所謂監軍之比。彼爲將者。心有所忌。而文臣亦因之識行陣。諳戰守。緩急均可以備邊城之寄。將帥有可進而攻之便。彼知搢紳之士。亦識兵家利害。必不敢依違養賊以自封。而遺國家之患。此之謂均任。而投其所忌。凡入之情。未得志。則冒死亡以求富貴。已得志。則保富貴而重其生。古人論御將者。以才之大小爲辨。謂御太才者。如養驥。驥御小才者。如養鷹犬。然今之將帥。豈皆其才大者。要之飽則飛去。亦有如鷹者焉。向者虹縣海道之師。有得一邑。破數艦。而遽以節鉞使相與之者。是其事也。臣欲乞朝廷斬重爵命。齊量其功。等第而與之。非謂無予之。謂徐以予之。且欲使之常壹壹然。有歆慕未足之意。以要其後効。而

古文園璋集

卷之五十八

宋文卷廿九

戒論文史。非有節制相臨者。必以資級爲禮。與左遷人均。毋使如正使遠郡者。間有趨伏堂下之辱。如唐以金紫而執役之類。彼被介冑者。知一爵一命之可重。而朝廷無左右遜貴賤之別。則亦矜持奮勵。盡心于朝廷。而希尊榮之寵。此之謂貴爵。而激其所慕。營幕之間。飽煖有不充。而主將歌舞無休。時鋒鏑之下。肝腦不敢保。而主將雍容于帳中。此亦危且勦矣。而平時又不與之休息。以養其力。至使之昇土運甓。以營私室。而肆鞭撻。彼之心懷憤挾怨。惟恐天下之無

古文國瑋集

卷之五十八

辛

宋文卷廿九

事以求所謂快意肆志者。而邀其上。誰肯挺身効命。以求勝敵哉。兵法曰。視卒如愛子。故古之賢將。有與士卒最下者。同衣食。而分勞苦。臣今欲乞朝廷明勅將帥。自教閱外。非修營治柵。名公家事者。不得私有後使。以收士卒之心。此之謂寡使。而紓其不平。人莫不怨死。亦莫不有父母妻孥之愛。冒萬死。幸一生。所謂奇功折獲者。有一資半級之望。朝廷輕其毫釐。而裁抑之。賞定而付之於軍。則胥吏軋之。主將邀之。不得利。不與敵去。師捷。主將享大富貴。而士卒有一命。

又復沮格。如此不幸而死。妻離子散。香火蕭然。萬事瓦解。永死者見之。誰不生心。兵法曰。軍賞不踰時。而古之賢將。蓋有爲士卒裹瘡。卹孤者。臣今欲乞朝廷。遇有賞命。特與差官。携至軍中。呼名給付。而死事之家。申勅主將。曲加撫勞。以結士卒之驩。此之謂速賞。而卹其已亡。如此。則驕者化而爲銳。惰者化而爲力。有不守矣。守之而無不固。有不攻矣。攻之而無不克。凡茲數事。非有難行。重費。朝廷何惜而不舉。以收將卒他日之用哉。臣竊觀陛下向嘗訓百官以寵武臣。

古文國瑋集

卷之五十八

辛

宋文卷廿九

隆恩。數以優戰伐。是誠有意于激厲將卒矣。然其間尚有行之而未及詳。已行而旋復弛之事。欲望陛下察臣所以得于行伍之說。如此。而明付之宰相。使之審處。而力行之。庶幾有以得上下之驩心。而急難不至于誤國。此實天下之至計也。其防微曰。古之爲國者。其慮敵深。其防患密。故常不吝爵賞。以籠絡天下智勇。辨力之士。不欲一夫有憂愁怨懟。亡聊不平之心。以敗吾事。蓋人之有智勇辯力者。是皆天民之秀傑者。類不肯自己。苟大而不得見用。乎世小而又飢。

寒于其身。則其求逞之志。果於毀名敗節。凡可以紓忿克欲者。無所不至矣。是以敵國相持。勝負未決。一夫不平。輸情于敵。則吾之所忌。彼知而投之。吾之所長。彼習而用之。投吾所忌。用吾所長。是殆益敵資而遺敵勝耳。不可以不察。傳曰。謹備于其外。患生于其內。此正聖人所以深致意。而庸人以爲不足慮也。昔者楚公子巫。嘗教吳乘車射御。而吳得以逞漢中行說。嘗教單于毋愛漢物。而漢有匈奴之憂。史傳所載。此類甚多。臣之爲今日慮者。非以匹夫去就。可以爲朝廷重輕。蓋以爲泄吾之機。足以增虜人之頡頏耳。何則。科舉不足以盡籠天下之士。而爵賞亦不足以盡靡歸附之人。與夫通寇窮民之無所歸。茹冤報恨之無所泄者。天下亦不能盡無。竊計其中。亦有傑然自異。而不徇小節者矣。彼將甘心俛首。守死于吾土地乎。抑亦壞垣越柵。而求擇于他域乎。是未可知也。臣之爲是說者。非欲以聳陛下之聽。而行已之言。蓋亦有見焉耳。請試言其大者。逆亮之南寇也。海道舟楫。則平江之區。寔爲之。淮南惟秋之防。而盛夏入

寇則無錫之士。寔慕之。尅敵弓弩。虜兵所不支。今已爲之。殿司之兵。比他卒爲驕。今已知之。此數者。豈小事哉。如聞皆其北歸之人。叛軍之長。教之使然。且歸正軍民。或激于忠義。或迫于虐政。故相扳來歸。其心誠有所慕也。前此陛下嘗許以不遣矣。自去年以來。虜人問以文牒。請索朝廷亦時有曲從。其間有知詩書識義者。如解元振輩。上章請留。陛下既已旌賞之矣。若俗所謂四州王等輩。既行之後。得之道路。皆言陰通僞地。教其親戚。訴諸虜庭。移牒來請。此必其心有所不樂于朝廷者。若此輩雖闖關。無能累千百數。舉發以歸之。固不足卹。然人之度量相越。智愚不同。或其中亦有所謂傑然自異者。患生所忽。漸不可長。臣願陛下廣合弘之量。開言事之路。許之陳說利害。官其可採。以收拾江南之士。明詔有司。時散俸廩。以優卹歸明歸正之人。外而勅州縣吏。使之蠲除苛歛。平亭獄訟。以紓其逃死蓄憤無所伸愬之心。其歸正軍民。或有再索而猶言願行者。此必陰通僞地。情不可測。朝廷既無負于此輩。而猶反覆若是。陛下赫

然誅其不平。亦可以絕其姦望。不然則縱之而不加制。玩之而不加卹。恐他日萬一有如先朝張顗吳昊之西奔。近日施宜生之北走。或能馴致遼陸意外之擾。不可不加以意焉。臣聞之魯公父文伯死。有婦人自殺于房者二人。其母聞之不哭。曰。孔子賢人也。遂于魯。而是不人不隨。今死而婦人爲自殺。是必于其長者薄。于其婦人厚。議者曰。從母之言。則是爲賢母。從妻之言。則不免爲妬妻。今臣之論歸正。歸明軍民。誠恐不悅臣之說者。以臣爲妬妻也。惟陛下深察之。其久

古文園學集卷之五十八

宋文卷廿九

任曰。臣聞天下無難能不可爲之事。而有能爲必可成之人。誠能也。任之不專。則不可以有成。故孟子曰。五穀種之美者也。苟爲不熟。不如稊稗。何則。事有標縱自我。而謀之已審。則一舉而可以遂成。事有服叛在人。而謀之雖審。亦必持久而後可就。蓋自古夷狄爲中國患。彼皆有爭勝之心。聖人方調兵以正天誅。任宰相以責成功。非如政刑禮樂發之自己。收之亦自己之易也。朝而用兵。夕而遂勝。公卿大夫交口歸之曰。此宰相之賢也。明日而臨敵。後日而關不利。

則羣起而媒孽之曰。宰相不足與折衝也。乍賢乍佞。其說不一。於是人君亦不能自信。欲求之立事難矣。哉。臣讀史。嘗竊深嘉趙勾踐。漢高祖之能任人。而種蠡良平之能處事。驟而勝速。而敗皆不足以動其心。而信之專。期之成。皆如其所料也。觀夫會稽之柄。五年而吳伐齊。虛可乘也。種蠡如不聞。又四年。吳伐齊。虛可乘也。種蠡反發兵助之。又二年。吳伐齊。不勝。而種蠡始襲破之。可以取之。種蠡不取。又九年。而始一舉滅之。蓋歷二十又三年。而勾踐未嘗以爲遲。而奪

古文園學集卷之五十八

宋文卷廿九

其權。豐沛之興。秦二年。漢敗于薛。漢元年。高帝厄于鴻門。又二年。軋于彭城。又三年。困于滎陽。又五年。不利于夏南。良平何嘗一日不從之計議。然未免于齟齬者。蓋歷五年。而始顯頌立劉。高帝亦未嘗以爲諫。而奪其權。誠以一勝一敗。兵家常執。懲敗。狃勝。非策之上。故古之人君。其信任大臣也。不問于說。說其圖。固大功也。不卹于小節。所以能責難能。不可爲之事。於能爲必可成之人。而收其効也。勝人爲朝廷患。如病疽焉。病根不去。終不可以爲身安然。其決之也。必

為國諱也
非為檢諱也

加炷。又則痛。而無後悔。而其銷之也。止於傳餌。則
痛遲。而終為大患。病而用醫。不一其言。至炷。乃方施
而傳餌。殺之。傳餌未幾。而炷。又奪之。病不已。而乃咎
醫。吁。亦自惑也。且禦戎有二道。惟和與戰。和固非長
策。然太上皇帝。用秦檜。守之之堅也。今日之事。以和
皇帝。信之之篤。而秦檜守之之堅也。今日之事。以和
為可以安。而臣不敢必其盟之可保。以戰為不可講。
而臣亦不敢必其兵之可休。惟陛下推至誠。疎讒慝。
以天下之事。盡付之宰相。使得優游無疑。以悉力于
古文國璋集卷之五十八
宋文卷廿九

非朝夕可以責其成功者。臣願陛下要成功于宰相。
而使宰相責成功于計臣。守將。俾其各得專于職治。
而以祿秩旌其勞績。不必輕移遽遷。則人無苟且之
心。樂于奮激。以自見其才。一綱既舉。萬目自張。天下
之事。猶有不辦者。臣不敢信其然也。其詳戰曰。臣聞
鷓鴣不鳴。要非群禽。豺狼不噬。要非仁獸。此虜人雖
未動。而臣固將以論戰。何則。我無爾詐。爾無我虞。然
後兩國可恃以定盟。而生靈可恃以弭兵。今彼嘗有
詐我之情。而我亦有虞彼之備。一詐一虞。謂天下不
古文國璋集卷之五十八
宋文卷廿九

得河北。則中原不可復。此定執。非臆說也。古人謂用兵如常山之蛇。擊其首則尾應。擊其尾則首應。擊其身則首尾俱應。臣竊笑之。夫擊其尾則首應。擊其身則首尾俱應。固也。若夫擊其首則死矣。尾雖應。其庸有濟乎。方今山東者。虜人之首。而京洛關陝。則其身其尾也。由泰山而北。不千二百里。而至燕。燕者。虜人之巢穴也。自河失故道。河朔無濁流之阻。所謂千二百里者。從悅席上過師也。山東之民。勁勇而喜亂。虜人有事。常先窮山東之民。天下有變。而山東亦常首

古文國瑋集卷之五十八

宋文卷廿九

天下之禍。至其所謂備邊之兵。較之他處。山東號爲簡略。且其地於燕爲近。而其民素喜亂。彼方窮其民。簡其備。豈真識天下之執也哉。今夫二人相搏。痛其心。則手足無強力。兩陣相持。謀其營。則士卒無鬪心。故臣以謂兵出沐陽。則山東可指日而下。山東已下。則河朔必望風而震。河朔已震。則燕山者。臣將使之塞南門而守。請試言其說。虜人列屯豎戍。自淮陽以西。至于汧隴。雜女真渤海契丹之兵。不滿十萬。關中洛陽京師三處。彼以爲形執最重之地。防之爲甚深。

備之爲甚密。可因其爲重大。爲之名以信之。揚兵于川蜀。則曰關隴秦漢故都。百二之險。吾不可以不爭。揚兵于襄陽。則曰洛陽吾祖宗陵寢之舊。廢祀久矣。吾不可以不取。揚兵于淮西。則曰京師吾宗廟社稷基本於此。吾不可以不復。多爲旌旗金鼓之形。陽爲志在必取之執。已震關中。又駭洛陽。已駭洛陽。又聲京師。彼見吾形。忌吾執。必以十萬之兵。而聚三地。且沿邊郡縣。亦必皆守。而後可是。謂無所不備。則無所不察。如此則燕山之衛兵。山東之戶民。中原之簽軍。

古文國瑋集卷之五十八

宋文卷廿九

精甲銳兵。必悉舉以至吾。乃以形聳之。使不得遽去。以執留之。使不得遂休。則山東之地。固虛邑也。山東雖虛。竊計青密沂海之兵。猶有數千。我以沿海戰艦。馳突於登萊沂密淄濰之境。彼數千兵者。盡分于屯守矣。山東誠虛。盜賊必起。吾誘羣盜之兵。使之潰裂四出。而陛下擇一驍將。以兵五萬。步騎相半。鼓行而前。不三日而至兗鄆之郊。臣不知山東諸郡將。誰爲王師敵哉。山東已定。則休士秣馬。號召忠義。教以戰守。然後傳檄河朔諸郡。徐以兵躡其後。此乃韓信所

以破趙而舉燕也。天下之人知王師恢復之意堅。虜人破滅之形著。則契丹諸國如禽。幹鵬已之事。必有相軋而起者。此臣所以使燕山塞南門而守也。彼虜人三路備邊之兵。將北歸以自衛耶。吾已制其歸路。而彼又虞淮西襄陽川蜀之兵。未可釋而去也。抑爲戰與守耶。腹心已潰。人自解體。吾又將突出其背。而夾擊之。當此之時。陛下築城而降其兵。亦可。驪而之北。反用其鋒。亦可。縱之使歸。不虞而後擊之。亦可。臣知天下不足定也。然海道與三路之兵。將不必皆勇。

古文園璋集卷之五十八

卑宋文卷廿九

士不必皆銳。蓋臣將以海道三路之兵爲正。而以山東爲奇。奇者以強。正者以弱。弱者牽制之師。而強者必取之兵也。古之用兵者。唐太宗其知此矣。嘗曰。吾觀行陣形勢。每戰必使弱常遇強。強常遇弱。敵遇吾弱。追奔不過數十百步。吾擊敵弱。常突出自背反攻之。以是必勝。然此特太宗用之于一陣間耳。臣以爲天下之執避實擊虛。不過如是。苟曰不然。必將驅堅悉銳。由三路以進。寸擗尺取。爲恢復之謀。則吾兵爲虜弱久矣。驪而用之。未嘗不敗。近日符離之戰是也。

假設陛下一舉而取京洛。再舉而復關陝。彼將南絕大河。下燕薊之甲。東逾泗水。漕山東之粟。陛下之將帥誰與守此。曩者三京之役是也。借能守之。則河北猶未病。河北未病。則雌雄猶未決也。以是策之。陛下其知之矣。昔韓信請于高祖。願以三萬人北舉燕趙。東擊齊。南絕楚之糧道。而西會于滎陽。耿弇言于光武。欲先定漁陽。取涿郡。還收富平。而東下齊。皆越人之都。而謀人之國。二子不以爲難能。而高祖光武不以爲可疑。卒藉之以取天下者。見之明而策之熟也。

古文園璋集卷之五十八

卑宋文卷廿九

由今觀之。使高祖光武不信其言。則二子未免爲狂何者。其言落落而難合也。如臣之論焉。知不有謂臣爲狂者乎。雖然。臣又有一說焉。爲陛下終言之。臣前所謂兵出山東。則山東之民必叛虜以爲我應。是不戰而可定也。議者必曰。辛巳之歲。山東之變亦太矣。然終無一人爲朝廷守尺寸之土。以基中興者。何也。臣之說曰。北方郡縣可使爲兵者。皆劬犂之民。可使以用此兵而成事者。非軍府之黥卒。則縣邑之弓兵也。何則。劬犂之民。寡謀而易聚。懼敗而輕敵。使之堅。

戰而持久。則敗矣。若夫黥卒之與弓兵。彼皆居行伍。走官府。皆知其指呼號令之不可犯。而爲之長者。更戰守。其部曲亦稔熟。其賞罰進退之權。建炎之初。如孔彥舟。李成輩。殺長吏。驅良民。膠固而不散者。皆此輩也。然辛巳之歲。何以不變。曰。東北之俗。尚氣而耻下人。當是時。取京王友直輩。奮臂隴畝。已先之而起。彼不肯俛首聽命。以爲農夫下。故寧嬰城而守。以須王師。而自爲功也。臣嘗揣量此曹。間有豪傑。可與立事者。然虜人薄之。而不以戰。自非土木之興築。官吏之呵衛。皆不復用。彼其思一旦之變。以逞夫平昔怙快勇悍之氣。抑甚于鋤犁之民。然而計深慮遠。非見王師。則未肯輕發。陛下誠以兵入其境。彼將開門迎降。惟恐後耳。得民而可以使之將。得城而可以使之守。非于此焉擇之。未見其可也。故臣于詳戰之末。而備論之。

稼軒奇士與陳同甫相善。其論亦相似。惜不盡其用。

歷代古文國瑋集卷之五十八

古文國瑋集

卷之五十八

聖

宋文卷廿九

歷代古文國瑋集卷之五十九

襄西方岳貢禹脩評

宋文

理財

陳耆卿

宋寧宗時青田縣上簿陳耆卿上奏

臣聞錢猶母也。楮猶子也。母子所以相權也。不可重子而輕母也。夫有錢而後有楮。其楮益多。則其壅底益甚。甚則稱提之說興焉。厥今在朝在野。日夜揣摩。而本行者。非稱提不急也。而未嘗有言及錢者。楮曰多。錢曰少。禁楮之折閱者日嚴。而禁錢之漏泄者日寬。夫非果寬也。寬於大而獨嚴於小。則雖謂之寬可也。閭閻之間。有腰百金以出者。吏卒已目送之。積而至於數百。則擔擔之鞭笞之矣。高估巨舢。出沒江海。有豪家富穴。其出則人不敵。何視閭閻能相心。末以餌避。幸則如履康莊矣。若是者。不知幾數百邪。夫豪家之弊。猶可言也。富商之弊。不可言也。豪家泄之於近。而富商泄之於遠。泄於近則猶在中國也。泄於遠則轉及外夷。而不可復返矣。稽諸令甲。動令坐死。今死

古文國瑋集

卷之五十九

宋文卷三十

者幾人邪。夫一金之鑄，其爲費不啻數金。一金之博，易其爲利，亦不啻數金。朝廷常以數金之費，而爲富商，雖數金之利，錢既日耗，則其命遂歸於楮。其弊遂積於楮，而上下之間，遂一切併力於楮，不知楮之所以難行者，不獨以楮之多，而亦正以錢之少也。存者既少，藏者愈牢。故雖以重法欲散出之，彼將曰：吾之錢，吾所自有，吾所藏也。彼以中國之所有而散之夷狄，上不之禁，而何以咎我爲哉？是故家可空，身可辱，而其心不可服。蓋亦反其本乎？故臣以爲今日之務。

古文國律集卷之五十九

宋文卷三

論錢楮之相權極待要領

其辨精密
論跡通

開阡陌辯

朱熹

漢志言秦廢井田，開阡陌，說者之意，皆以開爲開置之開，言秦廢井田而始置阡陌也。故白居易云：人墾土曠者，定修阡陌，戶繁鄉狹者，則復井田。蓋亦以阡陌爲秦制，井田爲古法。此恐皆未得其事之實也。按阡陌者，舊說以爲田間之道，蓋因田之疆畔，制其廣狹，幫其縱橫，以通人物之往來，卽周禮所謂遂上之徑，溝上之畛，洫上之涂，浍上之道也。然風俗通云：南北曰阡，東西曰陌。又云：河南以東西爲阡，南北爲陌。北曰阡，東西曰陌。又云：河南以東西爲阡，南北爲陌。古文國律集卷之五十九。三宋文卷三。二說不同，今以遂人田畝夫家之數攷之，則當以後說爲止。蓋阡之爲言百也，遂洫從而徑涂亦從，則遂間百畝，洫間百夫，而徑涂爲陌矣。阡之爲言千也，溝浍橫而畛道亦橫，則溝間千畝，浍間千夫，而畛道爲阡矣。阡陌之名由此而得。至於萬夫有川而川上之路，周於其外，與夫匠人井田之制，遂溝洫浍，亦皆四周，則阡陌之名，疑亦因其橫從而得之也。然遂廣二尺，溝四尺，洫八尺，浍二尋，則丈有六尺矣。徑容牛馬，畛容大車，浍容乘車，一軌道二軌，路三軌，則幾二丈。

矣。此其水陸占地不得爲田者頗多。先王之意。非不
惜而虛棄之也。所以正經界止侵爭。時蓄洩備水旱。
爲永久之計。有不得不然者。其意深矣。商君以其急
刻之心。行苟且之政。但見田爲阡陌所束。而耕者限
千百畝。則病其人力之不盡。但見阡陌之占地太廣。
而不得爲田者多。則病其地利之有遺。又當世衰法
壞之時。則其歸授之際。必不免有煩擾欺隱之奸。而
阡陌之地。切近民田。又必有陰據以自私。而稅不入
于公上者。是以一旦奮然不顧。盡開阡陌。悉除禁限。
古文國事集卷之五十九 申宋文卷五十九

而聽民兼井買賣。以盡人力。墾闢棄地。悉爲田疇。而
不使其有尺寸之遺。以盡地利。使民有田。卽爲永業。
而不復歸授。以絕煩擾欺隱之姦。使地皆爲田。而田
皆出稅。以嚴陰據自私之幸。此其爲計。正與楊炎疾
浮戶之弊。而遂破租庸。以爲兩稅。蓋一時之害雖除。
而千古聖賢傳授精微之意。于此盡矣。故秦紀載傳
皆云。爲田開阡陌封疆。而賦稅平。蔡澤亦曰。決裂阡
陌。以靜生民之業。而一其俗。詳味其言。則所謂開者。
乃破壞割削之意。而非初置建立之名。所謂阡陌。乃

三代井田之舊。而非秦之所制矣。所謂賦稅平者。以
無欺隱窮據之姦也。所謂靜生民之業者。以無歸授
取予之煩也。以是數者合而證之。其理可見。而蔡澤
之言尤爲明白。且先王疆理天下。均以子民。謀其
間之道。有經有緯。不得無法。若秦既除井授之制。與
則隨地爲田。隨田爲路。尖斜屈曲。無所不可。又何必
取其東西南北之正。以爲阡陌。而後可以通往來哉。
此又以物情事理推之。而益見其說之無疑者。故乃
以漢世獨有阡陌之名。而疑其出于秦之所置。殊不知
秦之所開。亦其曠僻而非通路者耳。若其適當衝
要而便於往來。則亦豈得而盡廢之哉。但必稍侵削
之不復。使如先王之舊耳。或者又以董仲舒言富者
連阡陌而請限民名田。疑田制之壞。由于阡陌。此亦
非也。蓋曰富者一家兼有千夫百夫之田耳。至於所
謂商賈無農夫之苦。有阡陌之得。亦以千夫百夫之
收而言。蓋當是時。去古未遠。此名尚存。而遺跡猶有
可攷者。顧一時君臣。乃不能推尋講究。而修復之耳。
豈不可惜也哉。

古文國事集卷之五十九 申宋文卷五十九

論屯田疏

虞允文

臣聞國以兵強，兵以糧聚。此天下之通論也。然兵之敵，常戒于冗而不精，糧之敵，常憂于虛而無積。二敵其今日之所甚急乎？往歲之春，警報紛紛，陛下嘗爲之宵旰矣。及此暇時，四境之備，當議持久之計，而誠者謂備邊者必增兵，而增兵之害有二。外則起敵國之疑，內則憂月給之不足。臣嘗竊思之，以爲無增兵之名，而有屯兵之實，有藏兵之利，而無養兵之費。者營田是也。國家營田有年矣，蜀口之入歲不過十二萬石，武昌之入歲不過八萬石，荆淮之間所入益少。而將相故家一歲之儲有至數十萬石者，豈天下之大，乃不及之？況今荒田曠闕，未易以頃畝計。昔諸葛亮之于漢中，鄧艾之于兩淮，羊祜之于荆襄，顯然皆有成效。亮雖不久而已寬全蜀之運，艾以六七年間積三十萬斛，祜之末歲亦有十年之儲。以今二三大將忠勇智略，自是不在亮祜艾下，顧不能爲陛下思長久便利之策乎？臣聞古者一軍之中，未必皆戰士也，而有上中下之別。上者可戰，中下者可役，而新募

之兵，可役者必倍焉。而舊兵之老弱者，率不堪役也。不堪役者，聽其離軍，資其鋤犁耨種之費，授田以優其生，而募新兵以復其額，使凡可役者，併寓于農，而薄其歲之所入，率以一人耕而養一兵。若耕者萬人，歲可增一萬兵矣。歲增不已，耕者益衆，所藏之兵，必全盛於今日。豈惟國勢以強，邊儲以豐，而軍制可坐而定也？臣願陛下與腹心大臣共議之，敕旨所嚮，則下皆景從矣。大抵使精於藝者習戰，拙于用者力耕，而老者得以自便，莫不因其性而行之。三軍其有不古哉！

古文園集卷之五十九

七 宋文卷五

陛下之令者乎？一得之愚，惟陛下幸擇。

觀此則知使官爲屯，不若使人自爲屯矣。

興復關中疏

虞允文

臣以孤遠之蹤，曲蒙陛下親提聖恩，不一實爲非常之遇。但以才力凡微，未有毫髮報効，規懼并心，敢因使令，輒以今日不可失之機，仰干四聰之聽。伏惟陛下聖智默運，成算不遺，規模之遠，固已素定，用敢冒昧，裨萬分之一。臣既聞虜中之亂，虜兵在中原者不多，實天相陛下，恢復之時，而形勢便利，莫如陝西。蓋得兵得馬得糧，可以壯國威，可以足軍餉。欲守則有險，可恃；欲戰則有資可憑。自古進取天下，固有次序，而古文圖彙集卷之五十九

宋文卷三

莫先於此。臣嘗所憂者，大將相與因循，無一肯出力爲國家任責。兩日來，吳拱出示吳璘三書，謹錄進呈。臣觀其書意，知虜爲甚怯，知其兵爲可用，知民心爲已歸。知糧道可以取足于西人，又知其疾之已去，老之可憂，而自勉于一舉。而臣所不知者，朝廷怯于立事和戰未決，尚以爲疑也。自虜使及境而去，或以爲虜中方亂，有所未暇，或以爲虜廷未肯歸，將有所要致於我，以臣愚慮二說皆可置不問。所當急者，今日之機，如閃爍之意，而用其機，此在陛下與二三大

斷以一言而已。臣博采輿論，謂中原之虜不多，必無深入之憂。若且令董庠以本管兵守淮東，郭振以四統制兵守淮西，趙樽駐信陽，李道追新野，唐鄧之間，各因其險而固守，勿與虜戰，因得息兵以待用。先令吳拱選精兵二萬人，從鄧州路與王彥會於商州。以萬人守潼關，使河南之虜不惟進兵，以援長安，又以萬人與彥合力進討，而吳璘姚仲擁大兵而出，西人知朝廷大舉，唱義而應者必甚於今日。官軍聲振關輔，則寶雞之虜知其無援，又爲西人之所共棄。若古文圖彙集卷之五十九

宋文卷三

不請降，亦必引兵渡河而去。國家得於此時收兵籍，馬因長安之糧，而取河南，因河南之糧，而會諸軍，以取汴，則兵力合，而可以省諸道之運。至如兩河之地，因民之心，可傳檄而定矣。臣聞兵好合而惡分，時難得而易失，欲望陛下與二三大臣察納其說，而熟計之，潛以一定之說，分命諸將，使戮力以收不世之功。天下幸甚。臣迫于愚忠，抵冒天威，伏深震懼。

虞公此論措置甚大，蓋白金亮之敗江南，得勢易圖，興復

論宿將疏

楊萬里

臣聞今之議者曰選將莫若宿望而新進者未足用也臣竊以爲不然選將之與相相似而大不同是相不厭舊而將不厭新擇相不以舊不足以歷天下之望選將不以新不足以激天下之才蓋天下之相必道隆而德重名節全而才略高天下之人曉然服其可以相也或既相而去天下恨其有所不盡而望其再有所盡也如此者未相而天下願之既相而天下悅之既去而天下留之是惟無相相之而天下無異

古文國璋集卷之五十九

十宋文卷五

論故曰相不厭舊至於將則不然夫所謂宿將者功業就矣名位高矣富貴極矣腹中甲第金玉寶貨充乎其家歌童舞女酣宴沈湎日手其心昔之精明之謀者將暗然而勇果之氣者將廢然矣天下無事則曰朝廷苟有事不使我則不濟及其有事也使之舍其所甚樂而任其所甚憂取其甚愛之身而捐之必死之地彼則畏矣以今之畏合前之驕焉往而不勝故曰將不厭新蓋富人有作室者有楹而未有棟有棟而未有梁則徧國中以求大木三年而後得之於

千里之外蓋千百年之松栢豫章也室成而富人者疾有思醫焉見其向之求木之意也則歎其百年所藏之天雄烏啄焉曰此可已病也不知夫木者不老則不堅而藥者不新則不功今歲之藥來歲已陳且稿矣而百年之天雄烏啄則與朽壞何擇而尚伐病之能哉此將相新舊之辯也李廣之在漢驍雄傑出其君知之天下知之匈奴亦知之廣之心翹然以無人視天下自以爲漢將非我則不可也然衛青霍去病崛起於戚里之中與單于角勝負深入大幕直搗

古文國璋集卷之五十九

十宋文卷五

龍庭而廣乃以失期無功死開元之後王忠嗣哥舒翰威名遠功天下第一天下之人以爲一日不可無忠嗣與翰也及幽陵盜起廟堂失措忠嗣則不存而使翰則又敗復兩京平安史者乃一未有功之子儀而忠嗣部曲中之一光燭也當廣之盛時忠嗣與翰有大功名之日天下豈知有衛霍乎郭載然則宿將之與新進未易以相輕重也且人之有才者孰無自喜之心而人之于富貴功名孰無願欲之志自喜其才則必求所以自試志乎富貴功名則必求所以自

取。此如善書者樂於爲人書，而嗜酒者可以得酒，則無不爲也。不因其自試之心，而激之以自取，而曰吾必得宿將亦惑矣。故臣以爲今之取將，莫若以新儒士之通敏沈雄者，行陣之嘗有聞者，武舉之所有蘊而不徒虛文者，士卒之有能而自異者，卑賤有挾持而不自達者，豪猾有過而其才可贖者，君相留意焉，不測而識之於獨人之中，無故而置之萬衆之上，庶幾乎如高帝之得韓信者。又何患天下之無將也哉。

古文園集卷之五十九

主宋文卷三

今天下之求將者，偏裨以下，尚有人焉。至於搃鎮，則無人矣。至于官保、蟒玉，則益無人矣。誠齋所謂功名之宿將，尚不可況富貴之宿將哉。

論鄉兵疏

楊萬里

臣聞計天下者，不可以徇於利，亦不可以懲於害。徇於利而必爲者，害至而不思；懲於害而必不爲者，利必有所遺。議者皆曰：鄉兵之法不可行也。民樂於爲農而不樂於爲兵，奪其所樂而強其所不樂，時則有擾民之害，以農爲兵，非其習也。守則潰，戰則奔，時則有敗事之害。彼見石晉諸州鄉兵，謂之武定軍，而民不聊生。是以曰擾民。見石晉置兵，謂之天威軍，而尤以不可用而罷。是以曰敗事。知此而已矣。不知夫

古文園集卷之五十九

主宋文卷三

有不擾民而安民，不敗事而成事者也。天下未有無害之利也。天下而有無害之利，則誰不能計之者。利于一必害於一。越人坐于舟而行之，以手燕人見而悅之，歸而以手行於塗，未有不匍匐顛仆而可笑者。燕人而爲越人，固害也。越人而不爲越人，豈不害哉。議者見燕人顛仆之害矣，未見夫越人千里咫尺之利也。民不同地，地不同利，逆其不同而同之，使燕人而爲越者也。因其不同而不同之，使燕者爲燕，越者爲越者也。今夫民之生，有安地，有危地，生於安地者，

以危地爲 而生於危地者亦不以安地爲慕內地之民仰父而俯子安居而暇食至有老死而不至州縣不識官吏者而況於兵革乎危地之民則不然朝而春熙暮而樂秋今日之安集明日之離散自內地之民視之何可頃刻居也而危地之民寇來則支不支則移寇去則歸夫曷不遂徙以避而何樂於歸也非樂也勢也魚以淵爲歸鳥以林爲歸夫豈以綠渥而相易也哉故夫鄉兵者臣以爲行於內地則不可行於邊地則何爲而不可觀其寇來則支此已有鄉兵之資不支則移此已病於無鄉兵之助寇去則歸此已有樂爲鄉兵之意上之人迎其意乘其資而成其助則鄉兵之法有不難行者得其人講其術而行以漸荆襄淮甸之民皆韓信背水之兵也故田單以掘冢激齊人而破強燕周德威以上兵據險而制契丹祖宗以河北鄉兵而備北虜蓋以國守邊不若以邊守邊何則人自爲守也夫人自爲守者守不以城人自爲戰者戰不以兵守不以城者以人爲城也戰不以兵者以心爲兵也彼石晉者欲舉鄉兵而行

古文國璋集卷之五十九

宋文卷三

之天下則過矣民不隔危必不肯違其安民不見死必不肯捐其生以不危不死之民而望之以不安不生之事此石晉之鄉兵所以擾民而無用歟雖然懲石晉之擾併與其不擾者廢之懲石晉之不得其用併與其有用者棄之又過矣臣嘗愛班固山西出將之說以爲隴西諸郡迫近羌胡民習戰備故風聲氣俗高尚武勇此說得之夫山西出將非天也地也地迫於夷狄而民習于戰備則何地不山西也哉或曰淮民之脆非山西比也是不然宋武帝之取關中非借兵於西也陳慶之之取河南非募衆于北也兵豈有常地哉顧所用耳且黠布之兵能使高帝亦避其鋒非淮人耶李陵與奇才劒客喋血虜庭非楚人耶而可謂其脆也哉昔周世宗之侵唐也淮之民方苦於唐政而小民相與舉山澤爲堡壁以農器爲兵以楮爲甲而周師屢爲所敗唐地多爲所復當時謂之白甲軍者是也夫民苦于主而猶能拒敵况愛其主者耶百人操兵而攻一虎者虎勝一夫荷鋤而遇一虎者人勝非百人之弱而一夫之強也問而得地者

古文國璋集卷之五十九

宋文卷三

勝不得地者敗。曷謂地死是也。地有所必死。則勢有所必奮。勢有所必奮。則聞有所必力。一夫者居必死之地。此其所以必生也。彼百人者。既以生地自居矣。焉得勝。故古之善用兵者。以死求生。而不以生求生。遑地之民。亦死而求生者耶。雖然。行鄉兵之法。於邊地者。決不可自官行之。官行之。則擾私行之。則樂官行之。則敵必疑。私行之。則敵不知其所窺。使緣淮郡縣。不禁土豪之聚眾。挾兵。而又陰察其才。且強者。禮而厚之。時有以少蠲其征役。或因使之除盜。而捐一

古文南齊書卷之五十九
宋文卷五

不以官行。而以私行。極得練鄉兵之要。有所謂不以官者。官示之以樂趨之利。而使民自隨之也。雖司馬君實亦嘗有此論。然實見其所弊耳。未曾計其利也。

祥瑞策

楊萬里

三代而上。祥瑞在天下。漢唐以來。祥瑞在簡策。非古之賤祥瑞。而不書也。祥瑞滿天下。而不勝其書也。非後世之多祥瑞。而可書也。無中之有。寡中之多。而不能不書也。向使漢唐之世。紫極而有堯舜。青槐而有伊周。宇宙而有太和。則尺地寸天。在在呈祥。岳貢川珍。源源錫祉。固未易筭計。而鞭算。雖族誅剡藤。禿盡毛穎。有不可記者。蘭臺螭吻之手。安能漁獵一二。以覆稿竹之載邪。蘭策無祥瑞。天下有祥瑞。祥瑞之至。

古文南齊書卷之五十九
宋文卷五

也。治功之隆也。簡策有祥瑞。天下無祥瑞。祥瑞之衰也。治功之薄也。當讀堯之典。舜之典。禹皋之謨。初不聞某歲某國獻某瑞也。又讀文之雅。武之雅。成康之頌。亦不聞某歲某地產某瑞也。鳳凰來儀之說。蓋因變之論。而及之爾。不以爲瑞也。屢豐年之說。蓋因論饒武之美。而及之爾。亦不以爲瑞也。當時之盛。問其君臣。則明都良命也。問其禮樂。則神和人欽也。問其風俗。則仁醴義酬也。問其天下。則海清砥平也。仰焉七政。俯焉萬物。遂內焉而通人安。外焉而遠人

格。日月霜露之域。飛潛動植之鄉。何者。非祥瑞耶。何者。非瑞耶。故曰祥瑞。後世君臣不唐虞。制作不三代。自劉迄李。步趨一躡。固有獲一麟而作歌者。不知此乃先王郊廟中常物也。固有得一禹而賦詩者。不知此乃先王宗廟中常器也。固有喜一禽而改元者。不知此乃先王林園中常羽也。吳蚕八育。時則瑞乎家。而未瑞乎鄉。南稻再熟。時則瑞乎鄉。而未瑞乎邑。馴雉翠乘。時則瑞乎邑。而未瑞乎郡。珠還合浦。時則瑞乎郡。而未瑞乎萬邦。露雖甘矣。天瑞而地未瑞也。果雖郡而木瑞乎萬邦。露雖甘矣。天瑞而地未瑞也。果雖

古文園璋集卷之五十九

宋文卷三

鵬矣。地瑞而人不瑞也。鴈不朱而赤矣。瑞飛而不瑞。潛兔不浴而白矣。瑞動而不瑞。極一有而一無。一至而一不至。汗青之上。固不勝其侈矣。較之帝王之盛。世能幾許耶。故曰祥瑞在簡策。

人主值豐亨豫大之時。侈心易啓。當寫一通置座右。

論左右史四事

王十朋

孝宗立。十朋起嚴州。累遷國子司業。時左右史之職久廢。乃與起居郎胡誥奏史職四事。

臣等誤蒙親擢。承之左右史。自供職以來。檢討故事。竊見今之史職。廢壞者非一。其尤甚者有四焉。一曰遺史不當。二曰立非其地。三曰前殿不立。四曰奏不直前。何謂遺史不當。臣聞唐褚遂良知起居注。太宗問人君得觀之否。對曰。史記善惡。以爲戒。庶幾人君不爲非法。不聞帝王躬自觀史。魏齊爲起居舍人。又

古文園璋集卷之五十九

宋文卷三

宗遣中使取記注欲觀之。纂謂史官書事以爲鑒戒。陛下所爲善。無畏不書。不善。天下之人亦有以記之。帝乃止。遂良與纂可謂能守官矣。至國朝梁周翰。奉宗謬爲左右史。乃建言。每月起居注。願先奏御付史館。國史書之曰。進起居注。自周翰等始。豈不規唐二子哉。慶曆中。歐陽修爲起居注。嘗論其失曰。自古人君皆不自問史。誤述既成。必錄本進。呈則事有諱避。史官雖欲書。而不敢。乞自今起居注。皆不進本。仁宗從之。厥後依臣執筆。乃復遺史。沿襲不革。遂至於今。

臣愚欲望陛下遵仁宗之訓。革周翰之失。自今起居注皆不進呈。庶使人主不觀史之美。不專在於李唐二君也。何謂立非其地。臣案唐制。每皇帝御殿。則左右史夾香案而立。善惡必書。其後許敬宗李義府動必懷奸。懼爲史官所記。遂廢左右侍立之職。凡謀議皆不預聞。文宗復正觀故事。每入閣命左右史執筆立於螭頭之下。由是宰相奏事得以備錄。故開成之政。詳於史書。國朝故事。天子坐朝。則記注臣立於御坐之後。歐陽修以謂起居者當視人君言色舉動而

古文國朝集卷之五十九

宋史卷五十九

右之名。而不知天子言動之實。群臣奏對並以無所得聖語。關報職記注者。但不過錄諸司供報公文而已。何名曰史耶。臣愚欲乞陛下復歐陽修侍立故事。庶幾言色舉動皆得以書。如宰執造膝之言。自有時政記。亦乞如王存所請。凡餘臣奏對許令侍立。亦足伸祖宗之志也。何謂前殿不立。臣歷觀自古左右史未嘗不侍於天子之側。亦未嘗有前後殿之分。唐制但云左右史分立於殿下螭頭之側。和墨濡翰。皆螭之拘處。有命則臨陛俯聽。對而書之。不聞後殿立

古文國朝集卷之五十九

宋史卷五十九

謨。光千載之史冊。非細事也。何謂奏不直前。臣聞唐文宗謂魏謩曰。事有不當。毋嫌論奏。謩對曰。臣頃爲諫官。故得有所陳。今則記言動。不敢侵官。帝曰。兩省屬皆可論朝廷事。而母辭也。故國朝左右史皆許直前奏事。雖以奏史事爲名。而朝廷事亦可議焉。蓋亦文宗命魏謩之意也。熙寧中。修起居注張琥奏曰。近日緣例須牒閣門。然後上殿。竊見樞密都承旨。每於侍立處。尚得奏事。起居注既得侍立。或有敷奏。乞便面陳。詔從之。臣等自領職之後。初欲直前奏事。閣門以臣不預牒却之。臣又嘗預牒之矣。又謂今日無班次。臣每見閣門奏事。未嘗以班次爲拘。左右史職重動。當日有敷奏。乃必欲預牒閣門。又必欲有班次。則事有當奏而不得奏。其爲失職多矣。臣又聞景祐中。御史唐介論宰相文彥博。仁宗怒之。時蔡襄爲起居注。直前論救。事出一時。又易嘗預牒閣門。與必俟班次耶。況今來後殿奏對。未嘗無兩班。如是則記注之臣。雖有直前之名。而無可奏之時矣。臣愚欲乞自今左右史奏事。當令直前。不必預牒閣門。及以有無班次爲拘。臣等所陳四事。皆近日記注失職之大者。臣等濫居是職。敢不盡言。伏望陛下考古驗今。循名責實。斷而行之。不勝幸甚。

叙宋朝起居事詳盡典故可考

安集兩淮申省狀

葉適

竊照去歲虜入兩淮。所殘破處。安豐。濠。盱。眙。楚。廬。和。揚。凡七郡。其民奔迸渡江。求活者。幾二十萬家。而係山傍水。相保聚以自固者。亦幾二十萬家。今所圍縋。卽其保聚下流徙者。雖不能盡在其中。大約已十餘萬家矣。其流徙者。死於凍餓疾疫。幾殫其半。而保聚之民。亦有爲虜驅掠而去者。散爲盜賊。則又不在焉。度今七郡之民。通計三十萬家。和議未定。室廬不成。就便和議有定。其短長之期。又未可知。此三十萬家。

古文園集卷之五十九

古文園集卷之五十九

者終當皇皇無所歸宿。蓋淮上四戰之場。虜敵往來之地。民生其間。勢固應爾。然自古立國。未嘗不有以處之也。無以處之。則地爲棄地。而國誰與共。設使今歲邊報復急。此三十萬家者。又將奔迸流徙。而喪其生乎。春秋戰國之時。畫國而守。大爲城邑。小爲壘壁。百里之國。皆有邊面。自非暴君苛政。其民未嘗散之四方。兩漢以後。裂爲南北。中原不合者。凡數百年。人在戰地。各自爲家。養生送死。老子長孫。未嘗有開彼非有以自守。不肯輕棄其地。安能如此。自唐以後。

至於本朝。以和戎爲國。是千里之州。百里之邑。溪谷一區。煙火相望。無有捍蔽。一旦胡塵倖起。星飛雲集。無有能自保者。南渡之後。前經逆亮之禍。近有僞徽。揆之寇。累世生聚。一朝蕩然。故其昨于國家。營度親恢之初。以爲未須便做。且當於邊。淮先募。募手耕極邊三十里之地。西至襄漢。東盡楚泗。約可十萬家。列屋而居。使邊面牢固。虜人不得踰越。所以安其外也。蓋漢唐守邊郡而安中州。未有不如此者也。今事已無及。長淮之險。與虜共之。惟有因民之欲。令其保。

古文園集卷之五十九

古文園集卷之五十九

其急難。春夏散耕。秋冬入保。大將憑城郭。諸使總號令。虜雖大入。而吾之人民安堵如故。扣城則不下。攻壁則不入。然後設伏以誘其進。縱兵以擾其歸。使此謀果定。行之有成。又何汲汲於畏虜乎。所以安其內也。夫徒手搏虎。以幸其斃。一夫之勇也。一夫之勇。求必驗。而一夫之怯。其爲驗也。決矣。爲天下者。不以天下之大。而就一夫之勇。故某願朝廷以謀困虜。以計守邊。安集兩淮。以捍江面。使淮人不遁。則虜又安敢。

萌窺江之謀手。故壘塢之作。山水寨之聚。守以精志。衝以強力。少而必精。小而必堅。毋徇空言而妨實利。則今日之所行。與漢唐之屯田。六朝三國春秋之壘壁。彼各有以施之。不相謀而相得故也。伏乞照會指揮施行。

欲規中原。先以淮北為家計。欲規淮北。先以淮南為家計。此不易之論。

定山瓜步石鼓三堡塢狀

葉適

適為江淮制置使。措置屯田。遂上堡塢之議。

某昨蒙差兼江淮制置。專一措置屯田。被命之始。即嘗深念。以為今之屯田。與昔不同。夫省運就糧。分兵久駐。磨以歲月。待敵之變。此昔日屯田之常論也。項自虜寇驚騷。淮人奔迸南渡。生理破壞。田舍荒墟。十郡蕭然。無復保聚今之所急。在於耕其舊業。而復其所常。安守其舊廬。而忘其所甚畏爾。豈得以昔日之常論。冒行之乎。故某遽急且於江北初立三堡。先作

今三堡既就。流民漸歸。所宜招徠安集。量加賑貸。今於東西一二百里。南北二四十里之內。其舊有田舍者。依本住坐。元無本業。隨便居止。其間有強壯者。稍加勸募。給之弓弩。教以習射。時命程試。利以賞激。度一堡界分內。可得二千家為率。萬一虜騎今秋再至。隨處入堡。與官兵共守。此今日經營之大略也。至於屏蔽江南。防扼口岸。則其說尤長。敢不盡布愚悃。某去歲忝綴朝列。首建防江之議。繼來建康。攷詳前後案牘。無非葺治戰艦。石列岸兵。裁埋鹿角。釘設

暗橋開壩溝壑計步而守數里而屯皆元勳故老之
已行謀臣策士之素議雖其間用之有利不利然終
未有能捨此而特立者也況其晚進末學何所能爲
不過守舉舊事期於無闕而已如鹿角暗橋之類去
歲論者固嘗指爲兒戲及扣其別有何策則又寂無
所言其猶謂厲人心而堅守阻大江而自固則如前
數事亦豈不足以立功至十月之末邊遽告急淮人
渡江以億萬計江南震動衆情惶惑一日有兩騎僞
裝渡馬江岸相傳虜人至矣濟渡之舟所繫離
古文園肆集卷之五十九 宋文卷三

至於六朝無不皆然乃昔人已用之明驗自南唐以
來始稍失之故建炎紹興不暇尋繹爾然渡江之兵
苦於江北無家基塞無所駐足故石斌賢之徒不能
成大功宣司嘗急呼封益明王益欲令將兵策應和
州竟閉嘿而止今石坂則屏蔽采石定山則屏蔽靖
安瓜步則屏蔽東陽下蜀西護溧陽東連儀真緩急
應援首尾聯絡所築皆是故基磚石猶在令各堡無
事之時只以五百人一將戍守常加修葺勿使廢壞
收聚居民與之爲主今岸渡繁會自成市井若萬一
古文園肆集卷之五十九 宋文卷三

所謂一軍
而有兩用
也

果窺江青其不走固已難矣。而况進戰乎。何者虜在北岸。共長江之險。兵衆騎多。而吾軍之氣已奪矣。今堅塢既立。虜有所忌。固不敢窺江。就使來窺。江南岸兵。膽氣自生。志力得展。使之前進。無所畏怯。一利也。雖有各處戰艦。然虜已在江岸。或聲言奪船徑渡。或實爲造舟之勢。我之舟師。往往不敢放出北岸。勝負未決。旁觀膽落。憂恐萬端。今堅塢既成。虜縱在江北。我有應接之利。或近岸排列。千弩並發。或拾舟登岸。乘勢擊逐。二利也。至於海舟風帆。八面便利。捷疾尤在舟師之上。然迫虜於岸而收全功者。其勢易。俟其入江而決死鬪者。其勢難。今堅塢既成。有易無難。三利也。戰艦甲士。虛閑舟中。擁戈坐觀。從昔病之。無策可治。今舟得便利。人無虛設。四利也。使虜果忌堅塢。爲彼之害。或擁大衆志在必取。今石跋爪步。近在江津。定山去江纔三里。爾我以戰艦海所。爲江中家計。強弩所及。虜人腹背受敵。自投死地。理在不疑。脫若虜人畏而不前。置而不問。盡力攻擊。和議真六合等城。或有退避。我以堅塢全力助其襲逐。迎其前。或

古文國璋集

卷之五十九

三 宋文卷五十九

出其後。制勝必矣。此堅塢之利。所以爲用力寡而收功博。孫氏所謂以江北而守江南。能立國於百戰之餘者。非幸而免也。故其欲因屯田堅塢之立。收兵民雜守之用。就於江南先作一層。使江北之民心有所恃。虜雖再來。不復水渡。騰突紛擾。亂江南。次第入溪。因其險要用其豪傑。見國結山水爲寨者四十七處。此於官司之力。無緣周遍。特借以聲勢。使自爲守。春夏散耕。秋冬入堡。蓋孫氏六朝保固江淮之成規。非克國先零聚。祇許下之謂也。不然則南北並爭之際。無歲不有兵革。淮人豈能屢屢復以自濱於流離死地也哉。某自去冬憂悸。重心舊疾之外。復增新病。背痛半年。呻吟宛轉。自有改兼江淮之命。不敢辭避。力疾督趣。成此三堡。其間條目極有未備。而某慮證既成。不能扶持。忍死以待畢事。豈勝慚懼。伏乞朝廷速賜選擇。總練通方老於智謀之士。前來建康。糾剔其妄作疎漏之失。改尋前史。規畫縝密之舊。克集功緒。以究遠圖。某不任祈叩之至。所有定山瓜步石跋三處堡塢圖本。并四十七處開結山水寨居民戶

古文國璋集

卷之五十九

三 宋文卷五十九

口姓名帳策、謹隨狀繳申、伏乞情擇施行、
着着穩實、使開熙用兵、盡用其策、不至一撓敗而
誅戎首也、

論兵二

葉適

自唐至德以後、節度專地以抗上令、喜怒服在于
畧刻、而藩鎮之禍、當時以爲大論矣、然國擅於將、猶
可言也、未久而將擅於兵、將之所爲、唯兵之聽、遂以
劫脇朝廷、故國擅于將、人皆知之、將擅于兵、則不知
也、大曆正元之間、節度固已爲士卒所立、唐末尤甚、
而五代接於本朝之初、人主之與廢皆群卒爲之、推
戴一出天下、俯首聽命、而不敢較而論者、特以爲其
憂在于藩鎮、豈不疎哉、太祖既稍收節度兵柄、故汰
兵使極少、治兵使極嚴、所以平一僭亂、威服海內者、
太祖統紀綱御之力、非恃兵以爲固者也、群臣不考
本末、不察事勢、忘昔日士卒嘗呼尊上無禮之患、而
反以爲太祖之所以立國者、其要在兵、都于大梁、無
形勢之險、其險以兵、夫都于大梁、固周漢之舊、而非
太祖擇而都之也、使果恃兵以爲固、則連營百萬、身
自增之不待後世也、其數乃不滿二十萬何哉、不以
兵強前代帝王之常道也、況太祖之兵不滿二十萬、
其非恃兵以爲固也、決矣、召募之日、廣饒、魏之日、增

蓋端拱淳熙以後。契丹橫不可制而然耳。康定慶曆謀國日誤。恃兵爲國之說大熾。不禁而後天下始有百萬之兵。弱天下以奉兵。而其治無可爲者。而上下方揚揚然以爲得計。爲之治文書。治財賦。盡用衰世衰刻之術。取於民以啗之。而猶不足。及其不可用也。則又詭之。俛首以事驕虐。而使之自安於營伍之中也。故王安石欲爲神宗講所以銷兵之術。知兵之不能勝養而猶不悟。藉兵之不必多。教諸路保甲至四五十萬。陰欲以代正兵。正兵不可代而保甲化天下之古文國事集卷之五十九

宋文卷三

萬餘長驅而至。莫有敵者。念卒遣人召曰。徒以勤王京師失守。則勤王之人寇掠遍天下矣。嗚呼痛哉。養兵以目困多兵。以自禍。不用兵以自敗。未有其於本朝者也。而議者猶曰。恃兵之固。制兵之善。可困而不可改。可增而不可損。是厚誣太祖而重誤國家也。加以四屯駐之兵。又昔所未有。以數倍祖宗之財。用投於四總領之巨壑。而州郡又各以廂禁兵自困。侵削民力。至于空盡。問其外禦。則曰。靖和不暇。問其內備。則曰。念卒可慮。統制統領總轄路鈴將兵之官。充滿古文國事集卷之五十九

宋文卷三

天下坐糜厚祿。而兵未嘗有一日之用。方今國未見有難治之弊。敵未見有難破之驗。徒以自困于兵。浸淫重滯。不能輕利。其一曰。四屯駐大兵之患。其二曰。州郡廂禁土兵弓手之患。去一患而得一利。一州之兵患去。則一州利。一方之兵患去。則一方利。兵患去。則兵強。惟所用之無不可者。陛下果決于此。豈有欠而不革者哉。張韓劉岳之戰。皆以數千及萬破數十萬。益信兵之不貴乎多也。然戰則可以不多。守則不可。不

多此又勢之不同者則必有土著屯田不養之兵
然後不害于其多也

歷代古文國璋集卷之六十

稟西方岳貢禹脩評選

宋文

上孝宗皇帝第一書

陳亮

亮以錢塘地下謂非建都之地及孝宗即位
亮更名同諸關上書

臣竊惟中國天地之正氣也天命之所鍾也人心之
所會也衣冠禮樂之所萃也百代帝王之所以相承
也豈天地之外夷狄邪氣之所可好哉不幸而好之
至於挈中國衣冠禮樂而寓之偏方雖天命人心猶

有所繫然豈以是爲可久安而無事也使其君臣上
下苟一朝之安而息心於一隅凡其志慮之經營一
切置中國於度外如元氣偏注一肢其他肢體往往
萎枯而不自覺矣則其所謂一肢者又何恃而能久
存哉天地之正氣鬱遏於腥羶而久不得騁必將有
所發泄而天命人心固非偏方之所可久係也東晉
自元帝息心於一隅而胡羯鮮卑氏羗迭起中國中
國無歲不尋干戈而江左卒亦不得一日寧然淵勒
遂無遺種而慙懷之痛猶有所諉以安也晉之植根

本無可言者。而江左諸臣若祖逖周訪陶侃庾翼之徒。皆有虎視河洛之意。而桓溫之師。西至灊上。東至枋頭。又於其間修陵寢於洛陽。蓋猶未盡置中國於度外也。故劉裕竟能一平河洛。而後晉亡。百年之間。其事既已如此。而天地之正氣。固將有所發泄矣。元魏起而承之。孝文遂定都洛陽。以修中國之衣冠禮樂。而江左衣冠禮樂之舊。非復天命人心之所繫矣。是以一天下者。卒在西北。而不在東南。天人之際。豈不甚可畏哉。一日之苟安。數百年之大患也。恭惟我

國家二百年太平之基。三代之所無也。二聖北狩之痛。漢唐之所未有也。堂堂中國。而秦爾醜虜安坐而據之。以二帝三王之所都。而爲五十年犬羊之淵藪。國家之恥。不得雪。臣子之憤。不得伸。天地之正氣。不得而發泄也。方南渡之初。君臣上下。痛心疾首。誓不與虜俱生。卒能以奔敗之餘。而勝百戰之虜。及秦檜倡邪議以沮之。忠臣義士。斥歿南方。而天下之氣憤矣。三十年之餘。雖西北流寓。皆抱孫長息於東南。而君父之大讐。一切不復關念。自非逆亮送死。淮南亦

不知兵戈之爲何事也。況望其憤中國之腥羶。而相率北向以發一矢哉。丙午丁未之變。距今尚以爲遠。而靖康皇帝之禍。蓋陛下即位之前一年也。獨陛下奮身不顧。志在滅虜。而天下之人。安然如無事時。方口議腹非。以陛下爲喜功名。而不恤後患。雖陛下亦不能以崇高之勢。而獨勝之。隱忍以至於今。又十有七年矣。昔者春秋之時。君臣父子相戕殺之禍。舉一世皆安之。而孔子獨以爲三綱旣絕。則人道遂爲禽獸夷狄。皇皇奔走。義不能以一朝安。然卒於無所寓。

而發其志於春秋之書。猶能以懼亂臣賊子。今者舉一世而忘君父之大讐。此豈人道之所可安乎。使學者知學孔子。當迫陛下以有爲。決不沮陛下以苟安也。南師之不出。於今幾年矣。河洛腥羶。而天地之正氣。抑鬱而不得泄。豈以堂堂中國。而五十年之間。無一豪傑之能自奮哉。其勢必有時而發泄矣。苟國家不能起而承之。必將有承之者矣。不可恃衣冠禮樂之舊。祖宗積累之深。以爲天命人心。可以安坐而久。皇天無親。惟德是輔。民心無常。惟惠之懷。自三

亂人以廢。廢與存亡。昏明之術。皆兵之跡也。而求去之。是以誣道蔽諸侯也。夫人心之不可情。兵之不可廢。故雖成康之太平。猶有所謂四征不庭。張皇六師者。此李沆之所以深不願真宗皇帝之與虜和親也。況南北角立之時。而廢兵以情人心。使之安於忘君。廢其養。所以益其時耳。父之大警而置中國於度外。徒以便妄庸之人。則執事者之失策亦甚矣。陛下何不明天義而慨然與虜絕也。貶損乘輿。却御正殿。痛自克責。誓必復讐。以勵羣臣。以振天下之氣。以動中原之心。雖未出兵。而人心不敢惰矣。東西馳騁。而人才出矣。外虛相補。而兵食見矣。狂妄之辭。不攻而自息。懦庸之夫。不却而自退。縮矣。當有度外之士。起而惟陛下之所欲用矣。吳雲合響應之勢。而非可安坐而致也。臣請為陛下陳國家立國之本末。而開今日大有為之畧。論天下形勢之消長。而決今日大有為之機。伏惟陛下試幸聽之。唐自肅代以後。上失其柄。而藩鎮自相雄長。擅其土地。人民用其甲兵財賦。官爵惟其所命。而人才亦各盡心於其所事。守以成君弱臣強。正統數易之禍。

藝祖皇帝一興。而四方次第平。藩鎮拱手以趨約東。使列郡各得自達於京師。以京官權知。三年一易。財歸於漕司。而兵各歸於郡。朝廷以一紙下郡國。如臂之使指。無有留難。自管庫微職。必命於朝廷。而天下之勢。一矣。故京師當宿重兵以爲固。而郡國亦各有禁軍。無非天子所以自守其地也。兵皆天子之兵。財皆天子之財。官皆天子之官。民皆天子之民。綱紀總攝。法令明備。郡縣不得以一事自專也。士以死度而取。官以資格而進。不求度外之奇才。不慕絕世之偉功。天子蚤夜愛勤於上。以禮義廉恥。嬰士大夫之心。以仁義公恕。厚斯民之生。舉天下皆繇於規矩準繩之中。而二百年太平之基。從此而立。然夷狄遂得以猖狂恣睢。與中國抗衡。儼然爲南北兩朝。而頭目手足。混然無別。微澶淵之戰。則中國之勢浸微。根本雖厚。而不可立矣。故慶曆增幣之事。富弼以爲朝廷之大恥。而終身不敢自論其勞。蓋夷狄征令。是主上之操也。天子供貢。是臣下之禮也。夷狄之所以卒勝中國者。其積有漸也。立國之初。其勢故必至此。故我祖

宗常嚴廟堂而尊相臣。寬郡縣而重守令。於文法之內。未嘗折困天下之富商巨室。於格律之外。有以容獎天下之英偉奇傑。皆所以助立國之勢。而為不虞之備也。慶曆諸臣。亦嘗憤中國之勢不振矣。而其大要則使羣臣爭進其說。更法易令。而廟堂輕矣。嚴接察之權。邀功生事。而郡縣又輕矣。豈惟於立國之勢無所助。又從而股削之。雖微章得象陳執中。以排沮其事。亦安得而不自沮哉。獨其破去舊例。以右於靡人。而勸農桑。務寬大。為有合於因革之宜。而其大要古文圖瑋集卷之六十

古文圖瑋集

卷之六十

八

宋文卷三十一

立國之勢。正患文為之太密。事權之太分。即縣太輕。而委瑣不足恃。兵財太關於上。而重遲不易舉。祖宗惟用前四者。以助其勢。而安石竭之不遺餘力。不知立國之本末者。真不足以謀國也。元祐紹聖。一反一覆。而卒為火狄侵侮之資。尚何望其振中國。以威夷狄哉。南渡以來。大抵遵祖宗之舊。雖微有因革增損。不足為輕重。有無如趙鼎諸臣。固已不究變通之理。而況秦檜盡取而沮毀之。忍恥事讐。歸太平於一隅。以為為欺。其罪可勝誅哉。陛下憤王業之屈於一隅。勵志復讐。而不免籍天下之兵。以為強。括郡縣之利。以為富。加惠百姓。而富人無五年之積。不重征稅。而大商無巨萬之藏。國勢日以困竭。臣恐尺籍之兵。府庫之財。不足以支一旦之用也。陛下早朝宴罷。以冀中興日月之功。而以繩墨取人。以文法蒞事。聖斷裁制中外。而大臣充位。胥吏坐行條令。而百司逃責。人才日以闕。臣恐程文之士。資格之官。不足以當度外之用也。舊祖皇帝。經畫天下之大畧。太宗皇帝。已不能盡用。臣不敢盡具之紙墨。今其遺意。豈無望於陛下。

真足以
安石之
而當時
有言之

古文圖瑋集

卷之六十

九
宋文卷三十一

下也。陛下苟推原其意而行之。可以開社稷數百年之基。而況於復故物乎。不然維持之具既窮。臣恐祖宗之積累。亦不足恃也。陛下試幸令臣畢陳於前。則今日大有爲之畧。必知所處矣。夫吳蜀天地之偏氣也。錢塘又吳之一隅也。當唐之衰。而錢鏐以閭巷之雄起王其地。自以不能獨立。常朝事中國以爲重。及我宋受命。假以其家入京師。而自獻其土。故錢塘終始五代。被兵最少。而二百年之間。人物日以繁盛。繼甲於東南。及建炎紹興之間。爲六飛所駐之地。當時

古文國瑋集

卷之六十

十

宋文卷三十一

陛下據錢塘已耗之氣。用閩浙日衰之士。而欲鼓東南習安脆弱之衆。北向以爭中原。臣是以知其難也。荆襄之地。在春秋時。楚用以虎視齊晉。而齊晉不能伯也。及戰國之際。獨能與秦爭帝。其後三百餘年。而先武起於南陽。同時共事。往往多南陽故人。又二百餘年。遂爲三國文據之地。諸葛亮由此起輔先主。荆楚之士。從之如雲。而漢氏賴以復存於蜀。周瑜魯肅呂蒙陸遜。陸抗鄧艾羊祜。皆以其地顯名。又百餘年。而晉氏南渡。荆雍常雄於東南。往往倚以爲強。梁竟以此代齊。及其氣發泄無餘。而隋唐以來。遂爲偏方下州。五代之際。高氏獨常臣事諸國。本朝二百年之間。降爲荒落之邦。北連許汝民居稀少。土產瘠薄。人才之能通姓名於上國者。如辰星之相望。死至於建炎紹興之際。羣盜由沒於其間。而彼禍尤極。以迄於今。雖南北分畫。文據往往又置於不足用。民食無所從出。而兵不可募。此而進議者或以爲愛而不知其勢之足用也。其地雖要爲偏方。然未有偏方之氣。五六百年而不發泄者。况其東通吳會。西連巴蜀。南極

古文國瑋集

卷之六十

十

宋文卷三十一

湖。湘。北。控。關。洛。左。右。伸。縮。皆。足。為。進。取。之。機。今。誠。能。開。墾。其。地。洗。濯。其。人。以。發。泄。其。氣。而。用。之。使。足。以。接。關。洛。之。氣。則。可。以。爭。衡。於。中。國。矣。是。亦。形。勢。消。長。之。常。數。也。陛。下。慨。然。移。都。建。鄴。百。司。庶。府。皆。從。草。創。軍。國。之。儀。皆。從。簡。畧。又。作。行。宮。於。武。昌。以。示。不。敢。寧。居。之。意。常。以。江。淮。之。師。為。虜。人。侵。軼。之。備。而。精。擇。一。人。之。沈。潛。有。謀。開。導。他。者。委。以。荆。襄。之。任。寬。其。文。法。聽。其。廢。置。撫。摩。振。厲。於。三。數。年。之。間。則。國。家。之。勢。成。矣。至。於。相。時。弛。張。以。就。形。勢。者。有。非。書。之。所。能。盡。載。也。

古文國璋集 卷之六十 土 宋文卷三十

苟。安。以。玩。歲。月。也。臣。不。佞。自。少。有。驅。馳。四。方。之。志。常。欲。求。天。下。豪。傑。之。士。而。與。之。論。今。日。之。大。計。蓋。常。數。至。行。都。而。人。物。如。林。其。論。皆。不。足。以。起。人。意。臣。是。以。知。陛。下。大。有。為。之。志。孤。矣。辛。卯。壬。辰。之。間。始。退。而。窮。天。地。造。化。之。初。攷。古。今。沿。華。之。變。以。推。極。皇。帝。王。伯。之。道。而。得。漢。魏。晉。唐。長。短。之。繇。天。人。之。際。昭。昭。然。可。察。而。知。也。始。悟。今。世。之。儒。士。自。以。為。得。正。心。誠。意。之。學。者。皆。風。痺。不。知。痛。癢。之。人。也。舉。一。世。安。于。君。父。之。讐。而。方。低。頭。拱。手。以。談。性。命。不。知。何。者。謂。之。性。命。乎。

古文國璋集 卷之六十 圭 宋文卷三十

陛下接之而不任以事。臣於是服陛下之仁。又悟今世之才臣。自以為得富國強兵之術者。皆狂惑以肆叫呼之人也。不以暇時講究立國之本末。而方揚眉伸氣。以論富強。不知何者。謂之富強乎。陛下察之。而不敢盡用。臣於是服陛下之明。陛下厲志復讐。足以對天命。篤於仁愛。足以結民心。而又仁明足以臨照羣臣。一偏之論。此百代之英主也。今乃驅委庸人。籠絡小儒。以遷延大有為之歲月。臣不勝憤悱。是以忘其賤而獻其愚。陛下誠令臣畢陳。前豈惟臣區區。

之願。將天地之神。祖宗之靈。實與聞之。干冒天威。罪當萬死。

英霸之氣見于眉宇。南宋以來一人而已。

戊申再上孝宗皇帝書

陳亮

臣聞有非常之人。然後可以建非常之功。求非常之功。而用常才。出常計。舉常事。以應之者。不待智者而後知其不濟也。前史有言。非常之原。黎民懼焉。古之英豪。豈樂於驚世駭俗哉。蓋不有以新天下之耳目。易民之志慮。則吾之所求。亦泛泛焉而已耳。皇天全付予有家。而半沒於夷狄。此君天下者之所當恥者。春秋許九世復讐。而再世則不問。此為人後嗣者之所當憤也。中國聖賢之所建置。而悉淪於左袵。此

英雄豪傑之所當同以為病也。秦檜以和誤國二十餘年。而天下之氣索然。而無餘矣。陛下慨然有削平宇內之志。又二十餘年。而天下之士始知所向。其有功德於宗廟社稷者。非臣區區之所能誦說其萬一也。高宗皇帝春秋既高。陛下不欲大舉以驚動慈顏。仰心俯首以致色養。聖孝之盛。書冊之所未有也。今者高宗皇帝既已祔廟。天下之英雄豪傑。皆仰首以觀陛下之舉動。陛下其忍使二十年間。所以作天下之氣者。一旦而復索然乎。天下不可以坐取也。兵不

古文國璋集

卷之六十

夫

宋文卷三十一

論江南之
勢意見獨
高木朝
丞相用之
以成一統
之業乃生
同甫之言
不誣也

聚之則熱
散之則涼
力薄此唯
論也

古文國瑋集

卷之六十

宋文卷三十二

集 368—774

守者是亦問道於盲之類耳。自晉之永嘉以迄千隋之開皇其在南則定建鄴爲都更六姓而天下分裂者三百餘年南師之謀北者不知其幾北師之謀南者蓋亦甚有數而南北通和之時則絕無而僅有未聞有如今日之岌岌然以北方爲可畏以南方爲可憂一日不和則君臣上下朝不能以謀夕也罪在於書生之不識形勢併與夫逆順曲直而忘之耳高宗皇帝於虜有父兄之仇生不能以報之則死必有望於子孫何忍以升遐之哀告之仇哉遺留報謝三使

古文國璋集卷之六十

宋文卷三十三

繼遣金帛貨千兩連發而虜人僅以一使如臨小邠問諸道路哀祭之辭寂聊簡慢義士仁人痛切心骨豈以陛下之聖明智勇而能忍之乎意者執事之臣憂畏萬端有以誤陛下也南方之紅女積尺寸之功於機杼歲以輸虜人固已不勝其痛矣金寶之出於山澤者有限而輸諸虜人者無窮十數年後豈不遂就盡哉陛下何不翻然思首足之倒置尋即位之初心大泄而一用之以與天下更始乎未聞以數千里之地而畏人者也劉淵石勒石虎符堅皆夷虜之

雄曾不能以終其世而阿骨打之興於今僅八十年中原塗炭又六十年矣父子相夷之禍具在眼中而方畏其爲南方之患豈不誤哉陛下倘以大義爲當正撫軍之言爲可行則當先經理建鄴而後使臨之今之建鄴非昔之建鄴也臣嘗登石頭鍾阜而望今也直在沙嘴之傍耳鍾阜之支隴隱隱而下今行宮據其平處以臨城市城之前則逼山而斗絕焉此必後世之嵩山經而相宅者之所定江南李氏之所爲非有據高臨下以乘王氣而用之之意也本朝以至

古文國璋集卷之六十

宋文卷三十三

仁平天下不恃險以爲固而與天下共守之故因而今臨山不廢耳臣嘗問之鍾阜之僧亦能言臺城在鍾阜之側大司馬門適當在今馬軍新營之傍耳其地據高臨下東環平岡以爲固西城石頭以爲重帶玄武湖以爲險擁秦淮清溪以爲阻是以王氣可乘而運動如意今之南都亦如足聖祖欲以江外爲守故近有所不虛也若如今城則費侯景數日之力耳曹彬之登長干如足聖祖欲以江外爲守故近有所不虛也兀朮之上雨花臺皆俯瞰城市雖一飛鳥不能逃也臣又嘗問之守臣以爲今城不必改作若上有北方之志則此直寄路焉耳臣疑其言雖大而實未切

也。據其地而命將出師。以謀中國。不使之乘王氣而有爲。雖省目前經營之勞。烏知其異日不垂得而復失哉。縱今歲未爲比舉之謀。而爲經理建鄴之計。以震動天下而與虜絕。陛下即位之初志。亦庶幾於少伸矣。第非常之事。非可與常人謀也。陛下即位之初。喜怒哀樂。是非好惡。皦然如日月之在天。雷動風行。天下方如草之偃。惟其或失之大快。故書生得拘文執法以議其後。而其真有志者。私自奮勵以求稱聖意之所在。則陛下或未之知也。陛下見天下之士皆

古文園瑋集

卷之六十

干

宋文卷三十一

不足以望清光。而書生拘文執法之說。往往有驗。而聖意亦少衰矣。故大事必集議。除授必資格。才者以跡弛而棄。不才者以平穩而用。正言以迂闊而廢。異言以軟美而入。奇論指爲橫議。庸論謂有典則。陛下以雄心英略。委曲上下於其間。機會在前。而不敢爲翻然之喜。隱忍事讐。而不敢奮赫斯之怒。朝得一才士。而暮以常路不便而逐。心知爲庸人。而外以人言不至而留。泯其喜怒哀樂。雜其是非好惡。而用依違以爲仁。戒喻以爲義。牢籠以爲禮。關防以爲智。陛下

本朝人君多有此病

聰明自天。英武蓋世。而何事出此哉。天下非有豪傑不可制之姦。虜人非有方興未艾之勢。而何必用此哉。夫喜怒哀樂愛惡。人主之所以鼓動天下而用之之具也。而皇極之所謂先作者。不使加意於其間耳。豈欲如老莊所謂槁木灰死。與天下爲嬰兒。而後爲至治之極哉。陛下二十七年之間。遵養時晦。示天下以樂其有親。而天下歸其孝。行三年之喪。一誠不變。示天下以哀而從禮。而天下服其義。陛下以一身之哀樂而鼓天下以從之。其驗如影響矣。乙巳丙午之

古文園瑋集

卷之六十

主

宋文卷三十一

間虜人非無變故而陛下不獨不形諸喜。而亦不泄諸機密之臣。近者非常之變。虜人畧於奉慰。而陛下不獨不形諸怒。而亦不密其簡慢之文。陛下不以喜示天下。而天下惡知機會之可乘。陛下不以怒示天下。而天下惡知讐敵之不可安。棄其喜怒以動天下之機。而欲事功之自成。是閉目而欲行也。小臣之得對陛下。有卓然知其才者。外臣之奉公。陛下有隱然念其忠者。而已用者旋去。既去者無路以自進。是陛下不得而示天下以愛也。大臣之弄權。陛下既知其

有塞路者。議人之多私。陛下既知其有罔我者而去之。惟恐傷其意。強之惟恐其悵恨而不滿。是陛下不得而示天下以惡也。陛下翻然思即位之初心。豈知其今日至此乎。臣倘為陛下恨念於既往。而天生英雄。豈使其終老於不濟乎。長江大河一瀉千里。苟得非常之人。以其之則電掃六合。非難致之事也。本朝以儒道治天下。以格律守天下。而天下之人。知經義之為常程。科舉之為正路。法不得自議其私。人不得自用其智。而二百年之太平。繇此而出也。至于艱難。

古文國璋集卷之六十一

圭

宋文卷三十一

變故之際。書生之智。知議論之當正。而不知事功之為何物。知節義之當守。而不知形勢之為何用。宛轉於文法之中。而無一人能自拔者。陛下雖欲得非常之人。以其斯世。而天下有誰肯信乎。臣於戊戌之春正月丁巳。嘗論宗廟社稷大計。陛下亦慨然有感於其言。而卒不得一望清光。以布露其區區之誠。非廷臣之盡皆見惡。亦其勢然耳。臣今者非以其言之小驗。而再冒萬死。以自陳實。以宗廟社稷之大計。不得不決於斯時也。陛下用其喜怒哀樂愛惡之權。以

鼓動天下。使如臣者得借方寸之地。以終前書之所言。而附寸名於竹帛之間。不使鄧禹笑人寂寂。而陛下得以發其雄心英畧。以與四海才臣智士共之。天生英雄。殆不偶然。而帝王自有其非區區小智所可附會也。干冒天威。罪當萬死。

此老議論殊不迂闊。但孝宗實非英雄之主。故所言終不用耳。中所言皆謂其不足也。

古文國璋集卷之六十一

圭

宋文卷三十一

中興論

陳亮

臣竊惟海內塗炭四十餘載矣。赤子替替無告。木不可以不拯。國家憑陵之恥。不可以不雪。陵寢不可以不還。輿地不可以不復。此三尺童子之所共知。曩獨畏其強耳。韓信有言。能反其道。其強易弱。況今虜酋庸懦。政今日弛。捨戎狄鞍馬之長。而從事中州浮靡之習。君臣之間。日趨怠惰。自古夷狄之強。未有四五十一年而無變者。稽之天時。揆之人事。當不遠矣。不於此時早爲之圖。縱有他變。何以乘之。萬一虜人懲創。更古文國瑋集卷之六十

宋文卷三十一

官認爲故產。吾安得言質而復取之。則今日之事。可得而更緩乎。陛下以神武之資。憂勤側席。慨然有平一天下之志。固已不惑於羣議矣。然猶患人心之不。同。天時之未順。賢者私憂。而姦者竊笑。是何也不思。所以反其道故也。誠反其道。則政化行。政化行。則人心同。人心同。則天時順。天不遠人。人不白反耳。今宜清中書之務。以立大計。重六卿之權。以總大綱。任賢使能以清官曹。尊老慈幼。以厚風俗。減進士以列選能之科。革任子以崇薦舉之實。多置臺諫以肅朝綱。古文國瑋集卷之六十

宋文卷三十一

精擇監司以清郡邑。簡法重令以澄其源。崇禮立制以齊其習。立綱目以節浮費。示先務以斥虛文。嚴政條以核名實。懲吏奸以明賞罰。時簡外郡之卒以充禁旅之數。調度總司之職。以佐軍旅之儲。擇守令以滋戶口。戶口繁則財自阜。揀將佐以立軍政。軍政明而兵自強。置大帥以總邊隅。委之專而邊陲之利自興。任文武以分邊郡。付之久而邊郡之守自固。右武事以振國家之勢。來敢言以作天下之氣。精間諜以得虜人之情。據形勢以動中原之心。不出數月。絕綱

自定。比及兩稔。內外自實。人心自同。天時自順。有所不往。一往而民自歸。何者。耳同聽而心同服。有所不動。一動而敵自闕。何者。形同趨而勢同利。中興之功。可踴足而須也。夫攻守之道。必有奇變。形之而敵必從。術之而敵莫救。禁之而敵不敢動。爭之而敵不知。所如往。故我常專而敵常分。敵有窮而我常無窮也。夫奇變之道。雖本乎人謀。而常因乎地形。一縱一橫。或長或短。緩急之相形。盈虛之相傾。此人謀之所措。而奇變之所寓也。今東西瀕亘綿數千里。如長蛇之。古文園集卷之六十。宋文選三十一。橫道。地形適等。無所多錯。攻守之道。無他可變。今朝廷鑒守江之弊。大城兩淮。慮非不深也。能保吾城之卒守乎。故不若為術以垂其所之。至論進取之道。必先東舉齊。西舉秦。則大江之南。長淮以北。固吾腹中物。齊秦誠天下之兩臂也。秦虜人以為天設之險。而固守之乎。故必有批亢擣虛。形格勢禁之道。竊嘗觀天下之大勢矣。襄漢者。敵人之所緩。今日之所當有事也。控引京洛。側睨淮蔡。包括荆楚。襟帶吳蜀。沃野千里。可耕可守。地形四通。可左可右。今誠命一重臣。

劉弘陶侃
同嘗用之
而得其利
矣
藝祖之任
遠將也
之無方鎮
而有方鎮
之用信良
法也

平步旗實
真得恢復
之勝算

德望素著。謀謨明審者。鎮撫荆襄。輯和軍民。開布大信。不爭小利。謹擇守宰。省刑薄歛。進城要險。大建屯田。荆楚奇才劍客。自昔稱雄。徐行召募。以實軍籍。民俗剽悍。聽於農隙。時講武藝。襄陽既為重鎮。而均隨信陽及先一切用藝祖委任。退將之法。給以州兵。而更使自募。與以州賦。而縱其自。使之養士。足以得。効力。用間。足以得戰情。兵雖少。而舉建其助。官雖輕。而重假其權。列城相援。比鄰相和。養銳以伺。觸機而發。一旦狂虜玩故。習常來犯。江淮則荆襄之師。率諸古文園集卷之六十。宋文選三十一。軍進討。襲有唐鄧諸州。見兵於穎蔡之間。示必截其後。因命諸州轉城進築。如三受降城法。依吳軍故城。為蔡州。使唐鄧相距各二百里。並桐栢山。以為固。揚兵。擣壘。增陂。深塹。招集土豪千家。一堡與雜耕之利。為久駐之基。敵來則嬰城固守。出奇制變。敵去則列城相應。首尾如一。精間諜。明斥候。諸軍進屯。光黃安隨襄鄧之間。前為諸州之援。後依屯田之利。朝廷從都建鄴。築行宮於武昌。大駕時一巡幸。虜知吾意在京洛。則京洛陳許。鄭之備。當日增而東西之勢分。

漢德遠以
五路全方
國秦而卒
敗者惟其
不知虛實
之勢而生
其所以急也

矣。東○西○之○勢○分○則○齊○秦○之○間○可○乘○矣。四○川○之○師○親○率○
大○軍○以○持○風○翔○之○虜○別○命○驍○將○出○所○山○以○截○隴○右○偏○
將○縣○于○午○以○窺○長○安○金○房○開○達○之○師○入○武○關○以○鎮○三○
輔○則○秦○地○可○謀○矣。命○山○東○之○歸○正○者○往○說○豪○傑○陰○為○
內○應○舟○師○蹂○海○道○以○搗○其○脊○彼○方○支○吾○奔○走○而○大○軍○
兩○道○並○進○以○搗○其○胃○則○齊○地○可○謀○矣。吾○雖○示○形○於○唐○
鄧○上○蔡○而○不○再○謀○進○坐○為○東○西○形○援○勢○如○後○臂○彼○將○
愈○疑○吾○之○有○意○京○洛○特○持○重○以○示○不○進○則○京○洛○之○備○
愈○專○而○吾○必○得○志○於○齊○秦○矣。撫○定○齊○秦○則○京○洛○將○安○
古文園璋集 卷之六十 宋文卷三十一

往○哉○此○所○謂○批○亢○擣○虛○形○格○勢○禁○之○道○也。就○使○吾○未○
為○東○西○之○舉○彼○必○不○敢○離○京○洛○而○輕○犯○江○淮○亦○可○謂○
爭○其○所○之○也。又○使○其○合○力○以○壓○唐○蔡○則○淮○西○之○師○起○
而○禁○其○東○金○房○開○達○之○師○起○而○禁○其○西○變○化○形○敵○多○
方○牽○制○而○權○始○在○我○矣。然○荆○襄○之○師○必○得○純○意○於○國○
家○而○無○貪○功○生○事○之○心○者○而○後○付○之○平○居○無○事○則○欲○
開○布○誠○信○以○攻○敵○心○一○旦○進○取○則○欲○見○便○擇○利○而○止○
以○禁○敵○勢○東○西○之○師○有○功○則○欲○制○馭○諸○將○持○重○不○進○
以○分○敵○形○此○非○陸○抗○羊○祜○之○徒○孰○能○為○之○夫○伐○國○大○

事也。昔人以爲臂拔小兒之齒必以漸搖撼之一拔
得齒必且損兒今欲竭東南之力成大舉之勢臣恐
進取未必得志得地未必能守邂逅不如意則吾之
根本撼矣此豈謀國萬全之道臣故曰攻守之間必
有奇變臣諛人也何足以明天下之大計姑疏愚慮
之崖畧曰中興論唯陛下裁幸

建炎以來皆用孤軍進戰而未嘗有犄角之助如
岳武穆之于中原張浚二吳之于川蜀皆獨勝獨
敗耳然則當時雖有名將俱未識天下之勢也

古文園璋集 卷之六十

宋文卷三十一

光武

陳亮

自古中興之盛無出於光武矣。奮寡而擊衆，舉弱而覆強，起身徒步之中，甫十餘年，大業以濟，算計見效，光乎周宣。此雖天命，抑亦人謀乎？何則？有一定之畧，然後有一定之功。畧者不可以倉卒制，而功者不可以僥倖成也。畧以倉卒制，其畧不可久；功以僥倖成，其功不可繼。犯此二患，雖運奇奮鬪，所當者破，而旋得旋失。將以濟中興難矣。人有常言：光武料敵明，遇敵勇，豁達大度，善御諸將，其中興也固宜。吾則曰：此特光武中興之一術也，使其中興止在於此，則是其功有時而窮也。西都之末，莽盜神器，羣雄並起，相與圖之。光武因思漢之民舉大義之師，發迹昆陽，遂破尋邑，百戰以有天下。彼其取亂誅暴，或先或後，未嘗無一定之畧也。何以明之？光武自昆陽之勝，持節河北，鎮慰郡縣，破王郎，擊銅馬，收復故地，凡所以經營河北而取河內爲之根本也。河北平，河內服，自常情觀之，當此之時，更始闇弱，可以西取關輔，疾據其地，俯首東矚，以制天下。光武乃身徇燕趙，止命鄧禹乘

水難服不
先取太原
以其屏蔽
冀丹亦此
意也

蒙西征，其意豈以燕趙爲可急而關輔爲可後哉？吾嘗籌之，關輔雖形勝之地，而隗囂在隴，西公孫述據巴蜀，赤眉羣盜蠭起，山東當道，猶虎狼之據穴也。有物以阻其穴，則彼不敢騁，不然將何所憚？赤眉猶長蛇之螫草也，以物而肆其螫，則其毒無餘，不然將何所不至？光武之末取關輔，所以阻蠭述之穴而肆赤眉之螫也。故且身徇燕趙，使之速定，則自河以北，民心已一，而吾之根本固矣。及赤眉破，長安志滿，氣溢，兵鋒已挫，而鄧禹得乘衆以并關中，馮異繼之，遂破赤眉而長安平洛陽固，而景奔且定，齊矣。當此之時，天下畧平，蠭述雖有覬覦之心，而不得復騁。光武定都洛陽，命將討蠭述，而天下遂一矣。此其有一定之畧，而後有一定之功也。使燕趙未平，而光武西取關輔，則遂與蠭述爲敵，而赤眉無所騁其鋒矣。與蠭述爲敵，則欲徇燕趙而彼乘其虛，赤眉無所騁其鋒。則已服郡縣，而或罹其毒，是燕趙未可以卒平，關輔未可以卒守，河北河內未可以卒保，而天下紛紛，將何時而一也。雖料敵明，遇敵勇，豁達大度，善御諸將

顧亦何用哉。吾以是知中興之君。畧之不定。而僥倖
於或成。則我欲東。而盜據其西。我欲前。而敵隨其後。
智謀勇關。無一可者。今夫道路之人。僥倖而得千金。
得之于此。則必失之于彼。何者。千金不可以常僥倖
也。千金之子。則不然。致之有術。取之有方。成之有次。
第不終年。而其富百倍。此光武所以為中興也。唐肅
宗起兵靈武。不能先圖范陽。而急取關中。卒使盜據
其穴。不能盡取河北。裂為藩鎮。終唐之世。為大患者
皆藩鎮也。此無他。不能立一定之畧。則不能成一定
也。

古文圖彙

卷之六十

聖

宋文卷三

馬燧

陳亮

昔之善攻人者。使敵不得合。雖合而有以破之。則攻
必克矣。夫攻者。事之末。患之端也。智者不得已而後
為之。使久而不克。則敵將行乘其弊而起者。此其為
患殆未可以一二言也。然而智者善因危而設奇。扼
要害。張形勢。以破敵人之交。一舉而兩蹙之。使弊成
功烈。傑出千諸將之右。此則天下後世將企仰之不
暇。而何敢訾議哉。昔者馬燧之鎮河東也。策田悅之
必反。請出師以討之。出奇制勝。奮關無前。雖淄青常
與合兵。收之燧。破之如反掌耳。燧能審田悅于孤窮
之中。此其智勇固有大過人者矣。然力能得悅而不
遂取之。使得嬰城固守。悅不足道也。而魏為可惜。魏
據河北。蔽捍諸鎮。唇齒相固。牢不可破。然魏不遜。以
魏朝廷凡師出而輒無功者。魏不可破也。魏破則諸
鎮不足平矣。當燧之時。所謂一致之機也。燧乃失之。
使朱滔王武俊得乘間來收。王師十萬。一戰而北。燧
殊無一謀以禦之。豈其智至此而窮耶。蓋嘗審之。元
屢敗之餘。氣喪膽沮。眾不能陣。謀不復生。旬日之間。

此時諸將
雁行燧之
惟亦不得
指揮如意

可坐而破也。滔使雖合兵以救。不過三萬五千耳。然
滔性多疑。易以勢恐。武俊匹夫之勇耳。可一戰而擒
也。以燧之才而無養寇自資之心。顧此三盜亦何足
滅哉。且當此之時。以兵棘燧者凡四將也。使燧能留
李茂以圖危窘之悅。其勢固足以破之矣。而身率步
兵去魏百里。據便地為壁。以拒滔俊之兵。兵至則堅
壁不戰。挫其初銳之鋒。別令李抱真率昭義之兵。自
洛下邢以指燕薊。李晟率神策之兵。自博汧貝以搗
冀土。復命張孝忠康日知。騎兵秣馬。以助其勢。彼若
能者。則反兵自救。不能則遲疑不去。二者必處一乎
此矣。使其反兵自救。則抱真與晟衝其腐燧。又起而
搗其背。腹背受敵。不敗何待。若其遲疑不去。則抱真
等得優游以覆其巢穴。而燧堅壁以待其自斃。彼其
欲前不能。欲退不可。傍徨無所而坐成擒。滔俊擒則
悅不攻而自破矣。悅破則三鎮席捲而平矣。三鎮平
則淄青之膽破矣。命一辯士持天子之詔往諭之。彼
安得不束手聽命哉。夫然後分置牧宰。慰養居民。使
郡縣之權悉統于朝廷。則朱泚李希烈亦無自而萌

古文國華集 卷之六十

書 宋文卷三十一

其姦矣。由此觀之。燧之罪豈止于失田悅哉。昔者唐
太宗伐王世充。久之不下。而竇建德率兵救之。太宗
留萬人以圍世充。身率勁兵以據虎牢。扼建德之喉
位不得進。適命宇文士及率騎經賊陣之西。馳而南
引而東。以動其衆。乘其陣亂。縱騎夾擊。遂擒建德。而
下世充。自洛以東。際河之北。一旦而盡平之。此可謂
善破敵人之交者矣。嗟夫。以燧之才而不思伐交之
術。乃復請濟師。使李懷光盡統神策之兵以往。卒以
騎衆失律。而盜且乘間起于蕭牆矣。廷使李氏不見
吾之意。其亦猶是也哉。

古文國華集 卷之六十

書 宋文卷三十一

宋文

論邊防疏

趙汝愚

臣仰惟陛下以英睿不世出之資慨然有恢復中原之志朝謀夕計留意邊防宗社幸甚然臣竊觀今日規模大槩蓋是循用渡江一時權宜之制而實非祖宗累聖固守之法惟守備既非素定則勝負失於臨時臣實憂之而願獻其狂愚之說臣伏觀自古用兵

古文國瑋集卷之六十一

宋文卷五

正如奕者之奕其法不過以多美勝少美而已祖宗西北邊面凡所用之人所守之地所養之兵累聖講畫戍法具備自近及遠節節皆有次第如極邊要害去處則有堡寨其次有城守堡寨則有巡檢有寨主城守則有守將三路有大帥如韓琦范仲淹章皆極天下之選其所辟寮佐如田況孫沔尹洙張方平章亦無非一時名士故士大夫皆習知邊鄙間事其後往往盡為時用其兵健則有本城禁軍廂軍有堡寨土兵有蕃漢部落有義勇弓箭手自足以為鎮守之

家計在前而守禦在後此故一戰而利則散

古文國瑋集卷之六十一

宋文卷五

備甚不得已則時出禁旅以助之蓋未嘗以舉國之師而決於一戰也故百餘年內外無事中間如李元吳父子傑黠兇狡其志非不欲窺伺中國雖屢戰屢勝而卒不能得吾尺寸之地者邊備素嚴故也今自西徂東邊防數千里所在空虛朝廷所置帥守所養兵士祇與內郡無異姑先以兩淮論之緩急之際所恃以為禦敵之計者不過以建康之師守淮西鎮江之師守淮東而已此正臣前所謂渡江權宜之計而非祖宗固守之法者也方太上渡江時長淮赤地千里蓋無藩籬之衛當時所恃以禦敵者張韓劉岳數大將而已故一時權宜之計不容不出于此今國家中興六十年南北之勢既分沿淮之地皆為極塞虜人猶且墾闢田土暗增戍卒以為我備然則朝廷安可不講明舊制而為固守之計耶且建康鎮江之師宋局皆在江南若不深察其情而驅之於並邊之地前有強敵後無繼援勝負之命如爭一擲臣恐矢未及發而已有保同妻子之心矣辛巳之役王權以數萬眾在合肥不戰而渡江甲申之役劉寶亦以數萬

衆在楚州不戰而退。保此蓋前日之明驗也。陛下視今日諸將孰能用衆如王權劉寶者乎。不以此時預爲規畫。誠恐長淮千里。非復國家所有。而唇亡齒寒。將不可以爲國矣。此臣所以日夜私憂過計。不能自已者也。伏願陛下講明祖宗累聖之法。於邊防要地。崇建帥府。增置土兵。漸葺諸城。遴選守將。假以歲月。使之優游暇裕。積銳訓師。陰爲備禦之計。而勿使敵人知之。一旦有事。則使守將與土兵當其前。而主帥與大軍繼其後。俾敵人望吾之境。愈進而愈難。則陛下

古文國璋集

卷之六十一

三

宋文港臣

下以守則固。以戰則克。進可以復祖宗之境土。退可以保太上之基業矣。

中興所用三四大將之兵。皆進取之師。而非自守之師也。故防禦常疎。而戰功亦常有。若爲持久之計。則守備固當別論。

屯田疏

魏了翁

臣曩蒙一再賜對。嘗極陳三邊利害之實。三邊強弱之勢。雖蒙聖慈。不以其狂疎。曲賜容貸。而事會無窮。隱憂莫釋。每念古人守邊備塞。可以紓民力。而老敵情。惟務農積穀。最爲要道。然而言之者。爛熟聞之者。訕玩何也。以未嘗精講而力行之也。臣生長于蜀。雖幼習百氏。長遊四方。于國中之事。粗所素講。然身履目擊之久。真知而實見。則莫如父母之邦。姑以蜀事爲陛下陳之。則三邊固可類推矣。臣比者竊聞四川

古文國璋集

卷之六十一

四

宋文港臣

制置司遵奉聖旨。措置利州路營屯田。委監司分任其責。見已置局經理。朝廷明見萬里之外。凡在邊鄙。莫不踴躍思奮。猶有說焉。西邊自惟虜寇已來。利東之大散黃牛。利西之皂郊水關等處。五六年間。原堡多廢。地利悉棄。以故流人久不復業。穀粟日貴。兵民交弊。今若遠行屯田。則合葺邊堡。合用兵耕。而邊堡則諸將慮事謹審。欲及冬時。同乘機便。乃可備築。兵耕則自頃年累減軍額以來。以之坐守。尚多闕數。矧今久戍之餘。難復再加役使。是屯田之事。卒未可舉。

而進實之儲無時而可議也。然則遂置之不復問。豈不甚可惜哉。臣竊謂有屯田。有墾田。二者相近。而不同。墾田者何。大兵之後。田多荒萊。如諸路有墾田。寺觀有常住。皆當廣行招誘。使人開墾。因可復業。則耕穫之實効。往往多于屯田。蓋竝邊之地。久荒不耕。則穀貴。貴則民散。散則兵弱。必地闢耕廣。則穀賤。穀賤則人聚。聚則兵強。此理所必然。唯毋責屯田之虛名。而先究墾田之實利。則庶幾矣。臣請試陳今日所當墾之田。如利之西路。則皂郊之內。湫池諸谷水關之

古文圖學集

卷之六十一

宋文卷五

內崖石諸鎮利之東路。則洋川之內。青崖華陽鳳集之內。盤車諸嶺。大率皆為膏腴。今成荒蕪。至于金州近裏。亦多有之。其田去虜或百里。或二三百里。有高山大陵之險可據。有原堡兵戍之援可恃。亦有賊騎從來所不曾至之處。若更得土豪之助。則指日可成。今聞三路土豪之為忠義者。有願自備費用。自治農器。自辦耕牛。自用土人各隨便利。越時開墾。及秋布種。其間亦有願資官司給助者。亦自不多。若聽其施工。略計所耕可數千頃。則明年此時。便收地利。繼官

未立額。或量行輪租。其富裕兵民。使漸食賤粟。比之頃歲。人苦耕貴。官苦糴貴。其利害豈不萬萬相絕。何況耕田之民。又皆可用之兵。不類年間。邊食既豐。兵丁亦足。萬一有警。呼吸成聚。家自為守。人自為戰。比于倉卒遣兵戍守。亦萬不侔。若是則雖無屯田之名。而有屯田之實。無養兵之費。而又可潛制驕蹇之兵。不惟不畏殘虜。亦可不畏它盜。積以歲月。則今之墾田。又可為後之屯田。今之耕夫。可為後之精兵。較蜀大弊。為蜀永圖。無出于此。顧何憚何惜。而久不為也。

古文圖學集

卷之六十一

宋文卷五

或者之所慮。不過寇抄耳。然虜嘗蕩劫我洋及五州。知無所得。今方與黠夏相持。未必遽議再入。目前可以暫紓。失今不為。則後悔無及。臣比得蜀中近聞。興元金州兩戎司探報。虜方科民牛具。開耕鳳翔荒田。又聞西和一帶邊民。覘知虜亦厭兵。願各耕種。人自為守。夫墾荒之利。虜猶知為之。而我不敢為。原堡之固。虜知葺之。而我弗敢葺。悠悠歲月。坐長寇讎。臣不知所以為策矣。比者聞外連歲荒歉。今年蕎麥大熟。邊民無裹外咸知耕耨之利。聞朝廷施行屯田。指

揮下日。西和一帶。願耕者雲合風偃。動以千數。人心若此。何可失也。臣愚欲望聖慈。申命四川制置司。據目今已行。就令利路提轉司。因人心欲爲之機。撫天時。雖失之遲。先切避用土豪。漸漸耕墾。細民所不能墾之田。則一寸有一寸之功。一日有一日之利。皆實効也。事半功倍。惟此時爲然。若夫屯田。則先督諸將修葺原堡。候畢日。併將極邊荒田。盡數耕播。行之以漸。要之以久。不數年之久。邊備隱然。以戰則勝。以守則固。保蜀之策。無大乎此。惟陛下財幸。

古文閣集

卷之六十一

宋文忠公

卽用土豪以屯更易成業故軍民之屯俱不必與土豪仇而當以土豪爲用也

辛未十二月上殿奏劄二

真德秀

公欲請脩墾田之政使強兵足食爲進取資故上殿陳此

臣竊惟今日北虜有必亡之勢三可爲中國憂者二蓋自有天地以來夷狄盛衰不常然未有昌熾百年而無變者也女真盜據中原九十載矣自其立國唯以刑威殺戮劫制上下非有愀然心服之素也持此而欲久存雖秦隋不能況區區無道之女真乎此其必亡者一方阿骨打粘罕之徒崛起窮海之濱茹毛飲血雲合鳥散用夷狄所長以憑陵諸夏故所嚮莫能當今數十年養之餘亡復前日堅悍之氣而達韃靼小夷歛起而乘之千戈相尋情見力誦蓋今之女真卽昔之亡遼而今之達靼卽鄉之女真也以垂亡困沮之勢既不足以當新勝之鋒而衆叛親離安知無他變乘之者此其必亡者二方其隆時用民力如犬馬戕民命如草菅人情携離亡一敢畔者積威約之素也今其潰散四出猶川決防不可遏止至用赦以安之瓦解土傾其形已露豈待智者而後知哉此其必亡者三嗟夫堂堂中華蛇豕穴之翼翼故都禾

此言真能見事

觀其經畫自是曉生有用人物

希生之有志之士。思欲宣洩久矣。而曩者病於機會之難逢。聞者敗於權奸之輕舉。顧今何幸。彼自貽危。而臣復以爲憂。何也。蓋傳有之。自非聖人。外寧必有內憂。孟子亦曰。無敵國外患。國恒亡。方陛下更化之初。和議未堅。邊警未撤。君臣上下。惕然有不敢康之心。迨夫聘覲交馳。遠已徂目前之安。而忘前日之患。萬一此虜遂亡。莫或余毒。上恬下嬉。自謂無虞。則憂不在敵而在我矣。此臣所謂可憂者一也。事會之來。應之實難。毫厘之差。禍敗立至。設或外夷得志。邀

古文國華集 卷之六十一 宋文憲王

我以夾攻。榮傑四起。奉我以爲主。從之則有宣和結約之當戒。張璪內附之可懲。如將保固江淮。閉境自守。彼方雲擾。我欲靖安。以此爲謀。尤非易事。此臣所謂可憂者二也。今之議者。大抵以爲夷狄之衰。迴中

南宋之官不局于其言而執遠不切及者後君臣一心自作家計而宋以全盛廷緩之習行偏方苟且之計其意當

弱之後乎。若梁武則不然。舍正道而溺異端。棄人事而談空寂。內則三靈弄權。輕作威福。外則諸王忿閼。骨肉相圖。保境靖民。猶俱不足。况欲乘人之敝以徵。幸萬一之功哉。由是觀之。使今日能爲漢宣之所爲。則虜之存亡。俱不足患。抑猶未也多事之端。方自此始。臣愚竊獨憂之。伏惟陛下日與二三大臣深求自治之策。勿以懲羹之故而謂警恥可忘。勿爲視蔭之謀而謂幸安可恃。脩實德以格天命。敦仁政以結民心。獎忠實以作興天下之材。省科歛以培養天下之

古文國華集 卷之六十一 宋文憲王

力。至於某人可將。某兵可用。某城當繕。某器當修。無日不計於朝。而申訓之庶幾。國勢日尊。敵人自恐。則乘機取勝。可以制蚌鷸之危。養成俟時。足以保金湯之固矣。惟陛下毋以臣愚賤而忽其言。宋人攻金與其滅遼事體不同。然金亡而元益大。亦非中國之福。故金存與亡俱有不安謀之國。非易耳。

直前奏事劄子

真德秀

公自揚之楚。自楚之軒。始見大江。以爲國之屏障。故其於兩淮形勢。一一備此。

臣不佞蒙陛下擢司記注。日侍天光。在庶僚中。最爲親近。每惟報國之誼。無若效忠。而緘默不言。臣實有舉。今將以便親求郡。行去闕庭。敢不亟陳其愚。冀補萬一。臣竊聞女真以達勒侵陵。徙巢於汴。此吾國之至憂也。蓋達勒之圖滅女真。猶獵師之志在得鹿。鹿之所走。微必從之。既能越三關之阻。以攻燕。豈不能絕黃河一帶之水。以趨汴。臣恐秋風一生。梁宋之郊。已爲戰場矣。使達勒遂能如劉聰。石勒之盜有中原。則疆場相望。便爲鄰國。固非我之利也。或如耶律德光之不能卽安中土。則奸雄必將投隙而取之。尤非我之福也。今當乘虜之將亡。而亟圖自立之策乎。抑幸虜之未亡。而姑爲自安之計乎。夫用忠賢。脩政事。屈群策。收衆心者。自立之本也。訓兵戎。擇將帥。繕城池。飭戍守者。自立之具也。以忍恥和戎爲福。以息兵忘戰爲常。積安逸之金縢。飭行人之玉帛。女真尚存。則用之於女真。強敵更生。則施之於強敵。此苟安之

然欲自立。亦正難不。得待之以。

古文園集卷之六十一

宋文忠公

計也。陛下以自立爲規模。則國勢日張。人心日奮。雖敵與不能爲我患。陛下以苟安爲志。則國勢日削。人心日媮。雖弱虜僅存。不能無外憂。昔者孔子誦鴟鴞之詩。以爲知道。聞滄浪之歌。則使小子聽之。蓋安危存亡。皆所自取。若夫當事變方興之日。而宗人以可悔之形。是堂上召兵。而戶內延敵也。微臣區區竊所深慮。敢僭爲陛下陳之。古者一士止百萬之師。一賢制千里之難。季梁在而隋不可伐。官奇存而虞不可欺。今濟濟周行。號爲多士。然漢儒所爲。骨鯁者。艾。論議勸衆心。憂國如饑渴者。既難其人。間有見小異。則已成內讐。論議小激。則目以譁。張豈以朝廷之上。所少者非此耶。夫平居工文墨。便力筆名。播宿望。或所不能。至於正色而沮奸萌。立議而斷大事。不以利害爲遷就。不以招麾爲去來。則又非小有才者所能辦。惟陛下以尊君重朝爲心。今天下正人以自助。母間同異。毋徇愛憎。則禹呂之勢成。金城之守固。折衝厭難。孰大於斯。臣故曰。用忠賢爲自立之本也。昔勾踐之棲於會稽也。飲食不致味。聽樂不盡聲。

古文園集卷之六十一

宋文忠公

內則修令寬刑，振貧弔死，折節下士，而厚禮賓客，則具車馬兵甲，而與三軍共飢勞之殃，凡可以報吳者，無不爲，而非可以報吳者，不暇爲也。國家南渡，雖蹕海隅，何異越棲會稽之日？宗廟官室，本不應過飾。禮樂文物，本不應告備。惟當養民撫士，一意復讐，而泰桮乃以議和移奪上心，粉飾太平，沮鍊士氣。今日行某典禮，明日賀某祥瑞，士馬銷亡而不問，于戈頓弊而不修。士大夫參於錢塘湖山歌舞之娛，無復故都黍離麥秀之嘆。此桮之罪，所爲上通於天而不可

古文圖緯集卷之六十一

李休文集

賁也。令豺虎聞於中原，狐狸嗥於境上，危機交急，不同常時。臣願削去虛文，顛行實政，百司庶府，輪奐一新矣。繼自今繕營不急之役，始輟焉可也。簿書期會之事，整整有緒矣。繼自今常程瑣細之務，付之有司可也。陛下日旰昃朝，惟大政是議，輔臣夙宵盡瘁，惟大計是圖，則勾踐之功可尋，而中興之烈可冀矣。臣故曰：修政事爲自立之本也。昔漢有遼鄙大疑，必使群臣雜議，季布得以中郎將而折列侯，管仲以山得博士而詰御史大夫湯。北匈奴來求和親，光武旣從

皇太子言，御其使矣，而班彪乃以不宜絕北爲言，是一司徒掾而敢與太子異議也。豈非國家大事，臣子皆當盡言故耶？我朝熙寧中，契丹來議地界，時主安石當國，神宗乃以問韓琦、富弼。元祐初，夏人遣使納款，時司馬光爲相，哲宗乃以問大防、純仁。高宗中興，內外尤爲倥傯，然無一事不采人言。建炎四年，嘗議防秋矣，紹興初元，嘗議便民弭盜矣，五年則令前宰執各陳禦寇之策矣，八年則令侍從臺諫各出講和利害矣。夫祖宗之明，非不知獨運專斷爲神，顧以廣

古文圖緯集卷之六十一

李休文集

謀從衆爲得者，凡以盡天下之心而建久長之策也。今事會之來，日新未已，臣願誕頒明詔，以虜徙而南，寢迫吾圉，凡厥有位，其各盡言，然後博采衆長，按爲定論。書曰：好問則裕，自用則小。命諸大夫各以情告，無阿孤者，勾踐之所以霸，諸有忠慮於國，但勦攻已之闕者，諸葛亮之所以賢。惟陛下以勾踐爲心，大臣以武侯爲法，則事無不集矣。臣故曰：屈群策爲自立之本也。國之元氣在於人心，元氣克則外邪卻，人心固則外患銷。天地常經，斷斷不易，陛下亦嘗察近日

人心之舒戚乎。向者弊法新改。令出加嚴。雖大爲防禁。以示民。非欲峻刑名而繩下。而刺舉之官。承迎過當。奏劾來上。類多中以深文使迫。視者未聞牽復之期。貶竄者當隔惟新之望。梓紳之論。嚆不肅咨。臣願明敕有司。原情差次。稍從釋免。以收士大夫之心。厥今州郡監司。莫非材選。然平易中和之政少。而操切擊斷之意多。以理財自詭。則征利密於秋毫。以行令自媒。則用刑深於刺骨。夫我朝立國。本尚寬仁。以此毒民。懼者衆矣。臣願選用循良。退斥貪暴。布宣德意。洗滌瘡痍。以收百姓之心。君人之柄。唯器與名。當新而予。則僥倖者生心。宜予而靳。則勞能者觖望。頃緣軍實多濫。一切難以徵文。雖懲僞所以別真。而矯枉亦虞過直。今邊埃孔棘。正牢籠武勇之秋。臣謂荆襄兩淮之人。當以功績著見。爲衆所推者。宜命帥守監司。搜揚來上。擇其尤異者數人。不次擢用。自餘悉下銓曹。審其來歷。苟非妄冒者。悉與隨資注擬。以收衆傑之心。往者兩淮募兵。雖數萬計。有如諸軍。關額自可撥隸分填。而議者以廩給爲憂。急於汰遣。方其側

予緡錢。資之使去。小人寡慮。愉快一時。費用既空。搏手亡策。強者遁藏山澤。伺時而爲奸。懦者丐乞道途。偷生而就盡。夫急則望其效死。緩則委棄弗圖。後復使人。時肯用命。今宜擇其伉健。收其戎行。非惟增壯軍容。濟弭奸慝。亦以收忠義之心。自丙寅之役。淮民流離。有司振卹失時。死亡略盡。雖展上供。貸常賦。而凋殘未復。生聚絕稀。比聞州縣科役頗繁。田賦雖蠲。撮課仍重。民兵團結。衣裝弓弩。責其自備。教閱資糧。令其自齎。呻吟之餘。何以堪此。臣願朝廷深念保鄣之重。多方優卹。俾獲蘇醒。以收邊陲之心。北境遺黎。本吾赤子。日夕南望。如慕慈親。彼旣極負而來。焉有可拒之理。竊聞彊吏。便文塞責。至以鋒鏑驅之。旣絕其向生之塗。是激其等死之念。又聞秦隴之間。有相率內附者。自涅其面。示無還心。視昔八字之軍。何異而入南不受。歸北不可。獸窮則搏。勢有必然。臣恐欲以靖邊。祇以擾邊。將以無事。適爲多事也。臣聞古之有國者。患民之不附。而不患民之加多。孟子曰。爲湯武放民者。桀與紂也。今天下之君。有好仁者。諸侯皆

宜用晉案
而漢衛立
郭縣法以

爲之敵矣。今中華之民窮而歸我。是女真爲吾之歸
類也。其忍不爲茂林深淵以受之耶。羊祜祖述之事
漢矣。然能務修德信。撫納新附。故吳人悅服。晉土獲
歸。況堂堂鉅宋。豈無能任二子之事者。誠能謹擇其
人。分鎮三邊。務以恩信懷柔。而使遠人欣慕。民既我
附。土將焉歸。恢拓之基實在於此。臣願朝廷亟加之
意。以收中原赤子之心。夫得天下有道。得其民斯得
天下矣。得其民有道。得其心斯得民矣。陛下誠能內
有以保吾國之民。外有以懷鄰國之民。則以守則固。
古文國瑋集卷之六十一
宋文卷五

指畫兩淮
形勢切要
之論

苞苴之路絕。而別通交結之塗。田宅子女之欲盈。而
外窮廉潔之舉。儻非博采衆言。精加蒐擇。則緩急必
無可用之將。昔李綱建議。以爲欲保江南。當葺理淮
襄。以爲家計。夫荆襄形勝。臣固習聞。而兩淮利病。則
尤所深悉。蓋軍國所資。莫如鹽筴。而淮有甯海之饒。
兵食所仰。莫如屯田。而淮有沃墾之利。其齊民則天
性健鬪。每易視虜兵。其豪民則氣槩相先。能鳩集壯
勇。使范蠡諸葛亮輩得而用之。力本以務農。教民以
習戰。雖方行天下可也。其肯委之爲不足守之地哉。
古文國瑋集卷之六十一
宋文卷五

湖震矣。淮西要害在渦潁之口。敵之根道亦自此出。而濠梁安豐城則痺薄池。則堙狹。兵則單虛。徒以廩和可恃而已。然有安豐之屏扞。則敵始不得以犯合。肥有濠梁之遮蔽。則敵始不得以走歷陽。藉有他徑可出。而吾之廬和當前而濠壽斷後。則彼有腹背之虞。我有犄角之助。其能長驅深入。蕩無所畏乎。故欲固兩淮。先防三口。此非臣之臆說也。昔孫氏之保江左。郛城雖小。猶屯三萬人。今組陽合肥兩淮之根本。而兵數單弱。不及孫氏一郛城。故李綱嘗謂大將擁

古文圖緯集卷之六十一

宋文卷五

重兵於江南。官吏守空城於江北。以為非策。臣謂今日當議徙江上之屯。以壯淮甸之勢。或謂果爾。如江面何。夫兩淮藩籬也。大江門戶也。藩籬壯則盜賊無闕門之慮。兩淮固則戎馬無飲江之憂。第當精閱舟師。布列津要。則表裏相應。屹如金湯。其與區區坐守江甯而使賀若弼之徒得以經營飛渡者。利害何啻什伯哉。雖然。此不足煩聖慮也。古之為國者。必有重臣以當閫外之寄。故蜀以孔明駐漢中。吳以陸遜守荊渚。皆付以事權。不從中御。故二人者得以乘機制

南圖時
以自全

變而收成功。今江陵建鄴雖有制閫之名。而實處內地。邊陲機事多不即知。至于小有措置。必皆聽命于朝。有請輒從。尚云可也。請而弗獲。抑又多焉。藉有異材。何繇展布。因循誤事。可為深憂。臣願于近臣中擇其更事任熟。軍情威望素孚。文武兼備者二人。一于襄漢。一于兩淮之中。建立幕府。財計移用。官許辟置。其他悉如吳蜀任二臣故事。則荆淮之策計可成。而朝廷之憂顧可釋。此陛下所當亟圖而不可忽也。或曰。彼方紛拏。我幸無事。但求鎮靜。焉用張皇。臣竊以

古文圖緯集卷之六十一

宋文卷五

為不然。夫自古未嘗無夷狄。惟有待之則不敢窺。未嘗無奸雄。惟有以折之則不敢肆。今不于斯時大有所振立。萬一更生虎狼之敵。知吾易與。潛啓桀心。當是時也。不知安邊金縢。行人玉帛。可以窒其無厭之欲乎。夫古今之患非一。而敵蒙為甚。昔范仲淹嘗謂時方用兵。不當諱言邊事。今朝廷若以張皇為戒。臣下希指雖有警急。不敢上聞。本惡張皇。乃成蒙蔽。昔雲南喪師。反以提告。原其積漸。不過如斯。盛明之朝。可不鑒此。臣本迂疎。豈應妄論大事。然惟臣子之

說有懷弗盡不足為忠是以冒昧決于一言區區愛君之心惟聖明財察

荆襄兩淮為長江首尾其後宋之備元與元之圖宋不出此禮

除江東漕十一月二十二日朝辭奏事御子三

時江東旱蝗國用不節諸臣忽其德香忽不振故欲其自備復上此制

臣愚不肖蒙恩備使一路遂將遠適穆穆之先躬伏惟念人臣之義雖在窮約猶不忘君况將以載筆之吏久直禁廬今雖將指有行而憂國念君之忠其敢以既去遂已謹復深惟當世之故而願獻其區區惟陛下幸察其一曰宗社之恥不可忘臣嘗觀古之人主於仇讎怨敵之國有勢未能報而姑事之者有勢雖不敵而不事之者有勢可以勝而遂報之者有勢可以報而反助之者魯太王之於狄也事之以皮幣事之以犬馬事之以珠玉凡其所欲悉以畀之蓋是時狄強而周弱畏天保國其道當然故孟子曰惟智者為能以小事大然狄之於周特一時之怨非百世之讎舍垢包荒義未為失此所謂勢未能報而姑事之者也西晉懷愍二帝俱沒於劉聰元帝間關南渡立國日浚外寇方熾內難復興故終其身未皇北討然一介行李未嘗聘虜廷成帝時石勒來修好詔焚其幣此所謂勢雖不敵而不事之者也勾踐會稽之

晉時南北不通亦使

然晉之援
秦亦未
有
立然

古文圖緯集卷之六十一

宋文卷五

辱舉國以臣妾於吳。而能苦身焦思。折節下士。與百姓共其勞。人事既修。天應亦至。吳之稻蟹不種矣。而夫差方觀兵中土。與晉會於黃池。勾踐得以乘閒舉兵。遂墟其國。此所謂勢可以勝而遂報之者也。晉孝武時。苻堅聚百萬之師。志吞吳會。賴謝玄等大破之。淮淝堅既狼狽。西歸其子。不復與慕容垂相持于鄴。使晉之君臣有志經略。乘机席卷。殆不甚難。而謝玄方且從丕之請。遣兵以救其窮。餽米以濟其飢。合苻氏之深讎。與慕容而為敵。未幾劉牢之等為垂所敗。秦既不祀。晉亦以衰。此所謂勢可以報而反助之者也。臣竊惟國家之於金虜。蓋萬世必報之讐。高宗孝宗。值其方彊。不得已以太王自處。而以勾踐之事望後人。今天亡此胡。近在朝夕。早蝗頻年。赤地千里。甚於夫差之時。韃靼羣盜。四面交攻。無異苻秦之季。天其或者付陛下以有為之會乎。臣嘗熟思待敵之策。其別有三。練兵選將。直搗虜巢。若勾踐襲吳之師。此上策也。按兵堅壘。內固吾圉。止使留幣。外絕虜交。若晉氏之不與敵和。而監其宴安。江沱之失。此中策也。

古文圖緯集卷之六十二

宋文卷五

也以救災卹鄰之常禮。施之於姑肝涉血之深仇。若謝玄之助苻丕。此下策也。用上策。則大義明。混一之機也。用中策。則大計立。安強之兆也。用下策。則大勢去。貽危之漸也。臣不知今日之廟謨。其將安出乎。顧更化以來。生聚教訓。未有勾踐十年之功。固未可遽圖一戰之勝。於傳有之。攻不足者守有餘。夫以堂堂大邦。方地廣。誠能以待敵之禮。而遇天下之豪傑。以遺虜之費。而厲天下之甲兵。人心奮張。士氣百倍。何憚於此虜而猶事之哉。若乃輕信邊臣迎合之言。授醜孽於將亡。置世讎而不念。非惟忠臣義士沮氣解體。而夷狄盜賊亦將有輕中國心。萬一貽書誚侮。我將何詞以應之。夫重方絕虜者。畏召怨而戢衆也。然能不召怨於亡虜。而不能不戢衆于新敵。權其利害。孰重孰輕。故臣願陛下勉勾踐之良圖。懲謝元之失策。則王業興隆可冀矣。其二曰。比鄰之盜不可輕。今之論韃靼者。類曰猖獗小夷。非有囊括并吞之志。其論山東之盜者。亦曰輩爾奸孽。不過鼠竊狗偷之謀。抑不思劉石苻姚之興。大抵皆出荒裔。全齊十二

之險。昔人用之。嘗以霸強。況今中原士民。俱無主。使盜亦有道。則衆將從之。苟得志而鄰于吾。莫大之憂也。乃者偽使之來。輕舟浮海。不十日而抵邊城。舍舟登岸。人無知者。安知不以是覘吾之虛實乎。臣願朝廷毋輕二賊。日夜講求攻守之策。以逆杜窺覷之心。自治之方。無急於此。其三曰幸安之謀不可恃。今之議者。大抵以虜存亡爲我欣戚。聞危蹙之報。則冀其非實。得安靜之耗。則幸其必然。重以邊臣喜爲迎合。或曰韃靼許和矣。或曰羣盜聽命矣。或曰寧虛還燕有日矣。誠使虜命少延。吾得以因時修備。豈非至願。政恐奔竄敗亡之餘。勢必不久。皇皇鉅宋。初非小弱。顧乃藉彼以爲安。是猶以朽壤爲垣。而望其能禦盜賊也。臣願陛下勵自強之志。恢立武之經。毋以虜存爲喜。毋以虜亡爲畏。則大勢舉矣。其四曰導諛之言不可聽。臣聞天難誑。命靡常者。伊尹所以訓太甲。惟不敬厥德。乃早墜厥命者。召公所以戒成王。聖賢言天。不過如此。未聞曰某星躔某舍。則其業昌。某神居某地。則其福應也。自嘉定更化以來。兵偃歲豐。民

古文園瑣集

卷之六十一

主宋文憲

稍蘇息。此誠聖德格天之效。而溺於數術者。假云五福太一。實臨吳分。審如其言。則治亂興衰。皆有天數。無關君德。豈不悖哉。今邊事方殷。正君臣戒懼之日。而薦紳大夫。工爲諛悅。或以五福足恃爲言。夫漢之肇造。以寬仁得民。而不在五星之聚。晉之御敵。以將相有人。而不在歲星之臨。吳矧乾象告愆。邇日尤甚。其可恃讖緯不經之說。而忽昭昭之徵戒乎。惟陛下鑒天人之相因。察諛佞之有害。益修其本。以格天休。宗社之慶也。其五曰至公之論不可忽。臣聞公論國之元氣也。元氣痞隔。不可以爲人。公論澁鬱。不可以爲國。祖宗盛時。用人立政。一揆之衆論。而行之以至公。故人心說服。天下順治。熙寧之世。以新法爲不可行者。公論也。王安石遽而拂之。終以悞國。紹興之際。以和議爲不可恃者。公論也。秦檜贊而挾之。遺患至今。夫朝廷之舉措。是而衆亦是之者。治世也。朝廷之舉措。非而衆亦非之者。亦治世也。朝廷舉措。自以爲是。而衆莫敢議其非。此子思所以憂衛之君臣也。往者侂冑弄權。以威罰箝天下之口。浸淫既久。附和成

古文園瑣集

卷之六十一

主宋文憲

風北伐一事。中外共知其非而莫敢言。其效蓋可矚矣。使侂冑能虛心平聽。不以先入爲主。而惟公論是從。則國無隹兵之禍。已無僇辱之殃。豈不美哉。聞者使命之出。外議譁然。從臣爭之。館學爭之。庠序之士。又爭之。或者未必不以爲紛紛多事。臣獨曰。此十數年來所無之氣象。聖君賢相。優容涵養。致此盛事。豈易得哉。夫天下之大。本同一家。人主者父也。大臣者宗子也。大夫士者家之衆子弟也。至於庶人之賤。亦家之陪隸也。父兄有過。子弟爭之。子弟有過。陪隸言之。蓋一家之事。休戚實同。凡其第第相規。政欲共成門戶之美耳。君臣之義。何以異此。而自贊惡聞正論者。往往加以端過賣直之名。夫欲使士大夫畏避此名。務爲緘默。直易易耳。不知臣子至情。本爲國計。何負於君父。而顧嫉之耶。深惟今日。實公論伸。屈之枕朝廷之上。若以言者爲愛君爲報國。無猜忌之意。而有聽用之誠。則公論自今而愈伸。若以言者爲沮事爲微名。無聽用之誠。而有猜忌之意。則公論自今而復屈。夫公論伸屈。乃治亂存亡之所繇分。故臣于奏

篇之終。反復極言。忘其重煩。天聽之罪。詩曰。心乎愛矣。遐不謂矣。惟陛下亮臣愚忠。取進止。金宋之深仇也。喜其存而畏其亡。雖于國勢強弱。稍有審量。然不振甚矣。故當擇良將。按重兵。拓地以侮亡國。據險而待新敵。方可自立也。

後殿奏已見劄子二

真德秀

臣載惟今日必先深為制敵之圖然後能不蹈畏敵之失然制敵之事固亦多端而臣所欲言其大者有二一曰經武二曰博謀臣觀方今之勢非可以承平無事治也其必振厲威武如創業中興之時然後能轉弱為強以底泰山四維之固何者彼難戎之暴固已憑陵函夏黷轢河嶽而欲甘言以啗我狡謀以窺我方崇飾文治雍容服豫如平時深恐無以杜覘伺之萌而折陸梁之氣也昔我藝祖肇造區寓而北

古文國璋集

卷之十一

宋文卷五

狄尚彊四方未一故聚驍勇於京師壯爪牙于宿衛今日幸造船池以習戰也明日幸飛山營以閱礮也武事之精近世無匹用能方行四表而坐服貳夷及我孝宗躬受付託之重欲成復讐之勳亦於軍政極意簡練今年大閱于白石明年大閱于茅灘躬御戎服震憚天威而鐵廉之射躬自聖意偏較小卒皆得奏技于萬乘之前以希一命之賞當時將士莫不競勸雖值虜方張勳未克集亦以大競王室使醜孽不敢渝盟者垂四十年詩曰王赫斯怒爰整其旅又曰

古文國璋集

卷之六十一

宋文卷五

武王載旆有虔秉鉞如火烈烈則莫我敢曷此古聖人之神武也藝祖孝宗實有焉臣願陛下考兩朝之故實肇自新歲而講行之以昭聖武以振戎容以作士氣或謂審爾測勞師之費殆且不少臣曰祖宗內庫之儲夫固為講武設也聖明在上躬履節儉無橫思無濫賜獨不可舉之以修武備乎況以國勢積弱之餘不若是無以奮張而興起之此制敵之要一也昔三國鼎峙蜀名義最正而地最褊兵最弱諸葛亮以區區一隅當中原全力迄能自立者由其集眾思廣忠益不以己之智為智而兼眾人之智為智故其言曰違覆而得中猶棄敵躡而獲珠玉也異時兵少失利則命其僚勦攻已缺不以為諱維此盛心千載可仰前日之怯權顧制者是已自任養成深患不可迫已今廊廟大臣謙虛無我休休焉有亮之心獨於軍旅事安務從秘密往往弗暇食謀故不惟朝刻莫知而宰府樞庭之掾屬亦鮮知之者不惟掾屬莫知而二三執政亦或有不與知者豪厘之差動門成敗其可忽諸紹興初嘗詔邊防兵机事體稍大者三省

密院共議奏陳兩府屬官亦通書檢益重其事而公其之此今日所當按以爲法者也然中書門下後省與尚書六曹之官亦皆宰府之屬而舉朝文武孰非願效廟堂之任使者僅于其間遴東通明詳練者數人以備咨訪凡兩淮荆蜀山川之險易將帥之能否士卒之衆寡糧儲之虛實分委討論盡之爲圖著之爲錄俾三邊利病了然在目事閑邊鄙者僚屬會議之執政審裁之然後折衷于宰臣而奉行焉如此則朝廷得操約御詳之體驅場無失機誤事之悔而又

古文圖瑋集

卷之六十一

宋文鑑卷五

明詔在廷百執事各思治兵禦戎之策許以非時陳獻輪對轉對必先當務之急職其所論之當否而爲陞黜焉草茅韋布之士有言邊事可用者稍獎錄之則彼將輕千里而來告矣或謂與聞兵議者多豈無機事宜洩之虞臣曰不然一介之士必有密友况朝廷之大宰無十數忠謹沉實之臣可與帷幄之祕乎夫有烏獲之力者可以舉百鈞力苟不逮焉則今衆人而其舉之是亦烏獲也已况天下重器非百鈞之比而危机交急又非平時之比廣謀從衆庶幾

濟此制敵之要二也惟陛下不以臣迂且繆而忽其言則凡智識之高于臣者且將交進忠益愚者一得聖明其擇焉

真山先生留心邊事如此惜異日開闢江淮不久而內召不竟其用

歷代古文圖瑋集卷之六十一終

古文圖瑋集

卷之六十一

宋文鑑卷五

歷代古文國瑋集卷之六十二

襄西方岳貢禹修評選

宋文

上皇帝書

文天祥

公弱冠理宗親授進士第一至是以服闋起于家居上書極言時事書上不報未幾除金

書鎮南軍節度

臣一介疎賤遭逢聖明猥以庸愚早膺親擢世道悠悠風塵流靡臣于其間蓋常感激奮發以爲由今之道無變今之俗一日有闕于天下國家之故懼以無

古文國瑋集卷之六十二

宋文卷五

辱使令杜門四年請禮之外蓋未嘗一日不思以自效也乃夏五陛下臨軒策士偶垂記憶起臣于家居進臣于仕籍臣伏被宸命感激不自勝追惟蒙恩之初阻于朝謝非望天路輒奉表以聞伏冀聖慈許臣請拜闕下德至渥也臣就道以來不圖國事浸艱邊烽頓迫陛下引咎責躬改過更始召還舊德斥去元姦凡可以當天意回人心者無所不用其至伏惟陛下不自神聖猶親澣宸翰誕布詔書庶幾中外臣庶危言極論以有補于今日之故陛下悔悟之意上通

于天天下于此感服陛下之勇臣甫及趨謝闕廷兩

讀給音爲之哽咽下泣君臣之義與天地並立况臣

蒙被厚恩非衆人比使于此時泯泯嘿嘿上負陛下

內負帝衷尙何以飲食于戴履間哉是用不遵斧鉞

輒奮愚衷條其說以獻惟陛下裁幸一日簡文法以

立事夫貴爲天子富有四海垂拱拱手以雍容於穆

清之上至尊之體也不幸際時艱難兵革四起俯仰

成敗呼吸變故此非用馬上治不濟今國勢搶攘固

猶未至如馬上之急然寇入腹心事于宗社陛下爲

古文國瑋集卷之六十二

宋文卷五

皇皇拯救之謀不得不略倣馬上治之意今陛下焦勞于上兩府大臣飽餉于下君臣之間不可爲非日計軍實而申儆之者然尊卑閑絕禮節繁多陛下平旦視朝百官以次奉起居宰相指笏出奏從容不踰時軍國大事此雖陛下日夜與宰相汲汲而圖之猶懼不既謀至斷國之設施尊主庇民之組織豈能以頃刻交際而究竟之哉陛下退食之暇雖時出內批以與宰相商論宰相又時有奏報以出其建明然天下事得與面論者利害常決于一言筆墨所書或

反覆數百言而不足事机交投寸陰可惜使宰相常有此等醞酢則一事之未固有費其力者矣其于幾務豈不有所妨哉古者天子之與大臣或賜坐或賜食或奏事至日晏或論事至夜分凡皆以通上下之情爲國家至計也賜茶之典五代時猶有之從國初范質王溥頗存形迹此車還廢陛下莫若稍復古初晚去退幅巾禁中擇一去處聚兩府大臣日與議軍國大事陛下賜之欵密親是非可否于其間衆議惟允則三省畫時施行上下如一都俞嗷咈之間必將有超然度外之舉天下何事不可爲何難不可濟至于除授尤有閑繫且如近者重臣建關之事方帥海門隨遷建鄴甫鎮建鄴又進上僊布置變換如奕棋然卯詔辰行奔命不給大者措畫之如此小者遷徙之更多人無定志事無成謀當此艱危豈不誤繼自今始陛下宜與大臣熟議某人備其職某人任其事人物權衡當而後用朝廷命令與而後發如此則觀聽者不至皇惑驅馳者不至遲回人知其令出惟行則無輕朝廷之心士大夫知其可以成布四體

則鞠躬盡瘁而無觀望其于國事厥非小補又如用一人也或出于陛下之拔擢或出于宰相之咨擬中書已贊行移後省方及書牘或有不當又至繳駁比其不繳駁也則書黃徑下其人徑受命矣臺諫始從而有所指陳是致國論紛紜而內外職守遷移如傳舍施之平時雖有禮統用之今日恐悞事机臣愚以爲陛下宜徵唐諫官隨宰相入閣故事令給舍臺諫從兩府大臣日入禁中聚議其有不可應時論難不使退有後言如此則國事無聚訟之訕宸命無反汗

此語亦

衆思不暇集忠益不暇廣宰相不得已竭其一心後
 其兩耳目日與文書期會相尋于無窮此豈其才之
 不逮哉我朝三省之法繁密細碎其勢固至此也神
 宗元有言大在于制不在于政爲今之計惟有重六
 部之權可以清中書之務今六部所司絕是簡省其
 間長貳常可闕員莫若移尚書省六房隸之六部如
 吏部得受丞相除授之旨而行省制兵部得稟樞密
 調遣之命而發符移其他事權一倣諸此而又多置
 兩府屬官如檢正都承之類使知蜀事者置一員知
 淮事者置一員知諸路事者置若干員兩府日與其
 屬尉切講畫以治此寇而文書行移不與焉如此則
 大臣有從容之暇可以日見百官以及四方賢俊酬
 應簡則聰明全心志一則利害審塞禍亂之路開功
 名之門當自此始惟陛下思之二曰倣方鎮以建封
 今天下大患在于無兵而無兵之患以郡縣之制弊
 也祖宗矯唐末五代方鎮之弊立爲郡縣繁密之法
 使兵財盡聞于上而守令不得以自專昔之擅制數
 州挾其力以爭衡上國者至此各拱手趨約束捲甲

古文國璋集卷之六十二

宋文卷三

中勢輕重
所在不得
不變

而藏之傳世弥久而天下無變然國勢繇此侵弱而
 盜賊遂得恣睢于其間宜靖以來天下非無忠臣義
 士強兵猛將然各舉一州一縣之力以抗寇鋒是以
 折北不支而入于賊中興之臣議循環救弊之法蓋
 有建爲方鎮之議者矣失此不圖因循至今日削弱
 不振受病如前及今而不少變臣不知所以爲善後
 計矣今陛下命重臣建宜闕節制江東西諸州官民
 兵財盡從調遣廟謨淵深蓋已得方鎮大意矣然既
 有宜闕又有制司既有制置副使又有安撫副使事
 權俱重體統未明有如一項兵財宜闕方欲那移諸
 司又行差撥指揮之初各不相照承受之下將誰適
 從今日之事惟有略倣方鎮遺規分地立守爲可以
 紓禍且如江西一路九江興國隆興與鄂爲鄰朝廷
 旣傾國之力以赴之姑所不論惟寇之至湖南者已
 宿堂奧此外八州其措置不容苟簡八州之中廬陵
 宜春最當衝要虜之爲兵其法常有所避避八桂則
 出清湘避長沙則出衡陽今宜春見謂有兵惟廬陵
 爲此無備舍堅攻瑕棄實擊虛虜旣以此爲得策則

古文國璋集卷之六十二

宋文卷三

夫避宜春而趨廬陵其計將必出于此州縣之事力有限守令之權勢素微虜至一城則一城創殘至一邑則一邑蕩清事勢至此非人之怨若不別立規模何由戡定禍亂臣愚以為莫若立一鎮于吉而以建昌南安贛隸之立一鎮于袁而以臨江撫瑞隸之擇今世知兵而有望者各令以四州從事其四州官吏許以自辟見在任者或留或去惟帥府所為去者令注別路差遣其四州財賦許以自用自交事一日始其上供諸色窠名盡予帥府文事以前見未解數目

古文圖緯集卷之六十一

宋文卷三

亦許截留其四州軍兵見屬伍符者必寡弱而不振見行團結者必分散而不齊許于伍符團結之外別山措置收民丁以為兵彼一州之緊急者得三州稍寬緩之力以為之助三州之寬緩者得一州當其緊急而無後憂不出二三月如吉如袁其氣勢當自不同彼此而行之江東廣東無不可者夫郡縣方鎮之法其未皆有弊所貴乎聖人者惟能通變而推移之故郡縣所以矯方鎮之偏重方鎮所以救郡縣之積輕今郡縣之輕甚矣則夫立為方鎮之法以少變其

委瑣不足恃之勢其今日之第一義也陛下下一日出其度外之見不次拔數人之沈鷺英果者委以數鎮俾各為國家當一面則郡縣之間文移不至于太密事權不至于太分兵財得以自由而不至于重遲而不易舉旬月之間天下雷動雲合響應影從驅寇出境外雖以得志中原可也尚何惴惴崇社之憂哉三日就團結以抽兵抽兵之說臣前已開其端而其節目未悉也請再陳之夫取兵于民周井田唐府兵之遺法也今使者四出分行營陣俾各處團結以自為鄉井之衛疾行之中此亦庶幾善步者然而無益也近時朝廷以保伍為意官府下其事里胥為里胥者沿門而行執筆以抄其戶口曰官命而各為保伍也已而上其籍于官又從而望通塗之壁取其甲分五五而書曰保伍如古所謂保伍者如此而已臣居廬陵往還有寇警則鄉里又起所謂義丁者一日隔總擊柝以告其一方曰寇至毋去諸而等各以某日聚某所習所以守望至其日也惟牛醢酒以待隨其所衣信其所持從而類編為之伍一匪乎村墟井落之

古文圖緯集卷之六十一

宋文卷三

闕棟卿兵
從來如是
亦有得是
以御寇

間翕然而聚。忽然而散。則義丁者。又止如此而已。今朝廷命使以團結州縣。未吉而行移。計其規爲措置。當有加密于臣所言者。然其所若干人。其所又若干人。屬邑合狀帳中郡府。郡府合狀帳申朝廷。計其數目。當自不少。然其分也散。而不一其合也。多而不精。故當其分則鄉村無以通于鎮市。鎮市無以通于城郭。虜突如其來。彼一方者力不敵。勢不支。老弱未及揀教。閱未及施。雖有金鼓旗幟之物。而未知坐作進退之節也。雖有城池山澤之險。而未知備禦攻守之

古文圖彙集

卷之六十二

宋文卷三十三

方也。且民之聚也。使之自時其糧。自備其飲食。則有所不能。仰于官則無以給也。有以給則又不能久也。臣故曰無益也。夫前所謂或千人。或數百人。此隅總一日能辨也。今建言者不察其聚之易而用之難。增兵之有名而拒寇之無實。乃欲視其團結之多寡。升降其官。賞以爲勸。且意其一日之急。或者可驅而他之。賈誼有言。皆非事實。知治亂之體者也。陛下忱能委數州立一方鎮。莫若俾爲帥者就團結之中。凡二十家取其一人以備軍籍。一郡得二十萬家。則可以

古文圖彙集

卷之六十二

宋文卷三十三

得一萬精卒。倒而行之諸州。則一鎮新兵。當不下二三萬。州郡見存之租賦。可以備兵食。見存之財利。可以備軍需。古人抽丁之法。或取之三家。或取之五家。今官收其米以就爲養。收其財以就爲用。既食其力。不當又重役其人。惟于二十家取其一。則衆輕而易舉。州縣號召之無難。數月之內。其事必集。爲帥者教習以致其精。鼓譟以出其銳。山川其便習也。人情其稔熟也。出入死生之相爲命也。鋒鏑之交。類相識而聲相應也。如此兵者。一鎮得二三萬人。當凜凜然。不下敵國。合諸路列鎮。則精兵雖十餘萬。可有也太祖皇帝南征北伐。所至如破竹。計其兵曾不滿二十萬。使吾于諸閭之外。別得十萬精兵。則何向而不可哉。或曰國家經常皆用供億。州縣財賦各有窠名。今上流之兵未解。江淮之餽如故。使移此事力以給方鎮之兵。如諸閭何。嗚呼。擇言莫若輕擇利。莫若重。臣益籌之。審矣。夫京湖之路。旣梗則雖欲漕運而舟楫不能以前。江廣之備旣虛。則雖有財賦而土地不能以自保。與其束手無措。以委輸于虜。孰若變通盡利。

古今通志

以底幾虞之可逐也。且夫江廣既全。則吾之境內。其惟正之供者尚多也。陛下撫此厄運。不得不免自節。縮曲為通融。多方以濟諸閫之急。支吾年時。寇必就盡。然後一正吾之郡縣。一復吾之經常。未晚也不然。殆未知其所終。惟陛下深思亟圖之。四曰破資格以用人。本朝用人。專守資格。祖宗之深意。將以習天下之才。世雖有賢明忠智之人。英偉奇傑之士。亦必踐敗之多。涉歷之熟。積勞持久。而後得至于高位。養成遠大之器。消弭僥倖之風。人才世道。皆有利賴。然其

古文國瑋集 卷之六十二

士 宋文卷三十三

并也有才者。常以無資格而不得遷。不肖者。常以不。時資格法。而至于大用。天下卒有變。不肖者當之。而有才者拱手熟視。夫是以常遭國家之憂。臣常見數年以來。邊閫之間。偶缺一帥。陛下徬徨四顧。弄印其。屬挨排應急。不得已。常取監司之風力者為之。趙魏老不可以為滕薛大夫。陛下非不知其然也。他人資格或有未及。而彼適可得之。雖其才具容有不逮。然。曾意境外無事。以幸其不至于敗缺。比其敗缺。則倉皇變易。常至于失聲色。而後已。嗚呼。此平世拘繫之。

弊也。今天下事勢。潰決已甚。一有蹉跌。事關存亡。百夫不可輕擇。將一壘不可輕界。守況其重者乎。今自朝郎已上。凡內之卿監侍從。外之監司郡守。紫朱其綬。唱喝車蓋而出者。不知幾人。使其中果有非常之才。堪任將帥。則是望實既優。資格又稱。一日舉而置之萬夫百將之上。誰曰不然。然臣意陛下之未有其人。也。則夫宗社安危之機。不可輕決于庸人。而有資格者之手。世之能辦事者固多矣。三辰不軌。拔士為相。發夷猾夏。拔卒為將。事因各論其時也。今何如時。

古文國瑋集 卷之六十二

士 宋文卷三十三

尚拘拘于子于資格之末。臣觀州縣之間。凡寮底小官。馳騁于繁劇之會者。蓋其有之。薦引之法。浸弊于私。而改官之格。率為勢要者所據。孤寒之中。獨無可任。大事者乎。三歲一貢士。碌碌成事者眾。而氣槩才識。遠于鄉里。曾不得一名薦書。抱膝隆中。杖策軍門。因皆逢掖章甫之流也。夫今日之士。他日之官也。今日之小官。他日之為公卿者也。天下有事。凡能擔當開拓。排難解紛。惟其才耳。固有明知其人之有才。而拘于資格之所不可。則亦姑委棄之。此豪傑之士所。

以痛心疾首于世變之會也。陛下如建立方鎮，收拾人才，臣願明詔有司，俾稍解繩墨，以進英豪于資格之外，重之以其任，而輕授以官。俟其有功，則漸加其官，而無易其位。漢唐法度踈闊，其一時人才常備，儻不羈本朝，以道立國，以儒立政，則亦無取乎爾。然至于今日，事變叢生，人物落落，奈何不少變之哉？至如諸州之義甲，各有土豪，諸峒之壯丁，各有隅長，彼其人望爲一州長雄，其間蓋有豪武特達之才，可以備總統之任。一日舉之以爲百校之長，則將帥由是其選也。其類異通敏者，引之于帷幄樽俎之密，又從而拔其尤者，委之以人民社稷之重，則人才不可勝用也。至如山岩之氓，市井之靡，刑餘之流，盜賊之屬，其胆勇力絕，足以先登，其智辯机警，足以間謀，使貪使愚，使詐使勇，則群策群力，皆吾屈也。昔之方鎮，食其土地，用其人民，拊循其士大夫，馳策其蹏跼之士，故雖以區區之地，常足以與天下爭雄。今雖未至于此，然陛下髮髯而行之，則吾規模意氣固已一變前日之弱矣。惟陛下熟計之，幸甚。夫古之爲天下國家者，

古文國璋集

卷之六十二

圭

宋文卷三十三

常有敵國相持之憂，然而立乎四戰之衝，雖將躬兵，潰屢起屢仆，而其國終不可動，由卓然有所立故也。今陛下奮發神斷，赫然悔悟，所以洗舊汙，更宿弊，如雷霆風雨交馳並至，而不可禦。陛下亦求所以爲自立矣，而未得其方也。自立之方，臣前所獻之數條是已。雖然，臣意陛下未之能行，則有說也。何也？悔悟之意未明也。奸人當國，指天下能言之士，謂之奸名，譁競使奸名譁競者，常在朝廷，則清議之福，陛下必及受之，事應不至今日。惟浸潤膚受，爲毒已深，而後陛下之人才盡逐，陛下今既悔悟矣，然鋒車所召，率未及前日損棄流落之人，或謂陛下猶有畏其不靖共之意。夫今日之禍亂，靖共之報也。陛下猶有愛于貌爲靖共者邪？此悔悟未明之一也。三數年前，縉紳之能出臆論事者，既爲奸人所屏，學校之士，猶叩關臺登不自已，奸人疾其爲害已也，託名學法，重致意于禁上書之一條，而後陛下之言路盡塞。陛下今既悔悟矣，然食肉之徒，未有能出一語以救陵遲之禍，惟學校不憚懇懇以爲言，彼其所陳，固有未盡切實者，

古文國璋集

卷之六十二

圭

宋文卷三十三

陛下何不擇其善者而施行歟。此悔悟未明之一也。今有人焉。陷于酒色。湛溺而不自知。元氣日耗。蝕于內。客邪日衝擊于外。四肢百骸。幾至解體。一日倏大悔悟。自剗其酒色之愆。而使爲朋友僕御者各得以勤攻已之短。其爲身謀幾晚矣。然知湛溺之爲病。而猶諱其所從來。則是病根固在也。人非不知愛身。彼諱病根而不肯決去者。說其小而忘其大也。陛下所以救社稷。重于救身。則夫病根所在。何所顧惜。而不之去歟。高宗皇帝以冬飲日粥之苦。植立東南百四十年。太平之基。陛下嗣無疆大歷服。所以撫摩愛養。培億萬年丕天之休。加用力焉。不幸比者。中外怨叛。吾之赤子。自延寇入室。謀危國家。蓋至今日。遠近爲之荷擔。宗社幾于綴旒。天下之人。追咎其失。以爲聚飲之過。而聚飲之事。通國憤然怒罵。以爲倡于陛下左右之人。夫此一人者。竊弄威權。上累聖德。其凶餒威惡。蠱國害民者。臣不能具數。獨其攘臂聚飲。招集奸凶。爲陛下失民失土。以貽宗社不測之憂者。其罪莫甚焉。趙簡子命尹鐸爲晉陽。尹鐸曰。繭絲乎。保障

古文國璋集

卷之六十二

宋文卷三

乎。簡子曰。保障哉。古之爲天下計者。不屑于其小。而惟遠者是圖。不快于目前之求。而常恐其一朝之患。故雖簡子區區之大夫。尹鐸區區之小吏。其所規爲。猶及于此。國家之大。不可以田舍翁自爲也。後之人君。思以富雄天下。固有時出其聚飲之術。然猶繭絲自繭。絲保障自保障。何物刑餘。爲謀不臧。率天下以共向繭絲之的。而保障之地。亦不得免焉。繭絲之毒。不可忍。而後保障之禍。不可爲。陛下間者。屢出內帑。金帛分給諸司。期有救于難。然調度方殷。兵革又不得息。前日聚繭絲之得。未什伯。今日救保障之費。蓋千萬億。移而未育已也。嗚呼。誰生厲階。至今爲梗。向使此人者。不以聚飲。斷伐祖宗。涇洪寬大之仁。蠹賊陛下神明英武之德。則必不妄籍民財。以入修內司。必不豪奪民產。以實御莊。必不諸價西園。以布中外。貪酣之寵。不必交通南牙。以開朝廷汚濁之門。如此則奸人必不得竊據相位。徧置私人。如此則強禦培克之流。必不得齒于縉紳。玷于節餼。如此則各郡有賢守。各路有賢監司。必不侵漁以交結北司。制割以

古文國璋集

卷之六十二

宋文卷三

應奉內獻。民心必無變。宗社必無危。今朝廷知江關
虛取漁舟。故吾人爲虜鄉導。以至于此。曾不知是數
年間外之監司郡守。求爲交結。應求而一切不郵。以
失吾民戴宋無二之心者。所在有之。江關之事。偶著
爾。今論者追訟江關之罪。死有餘責。則夫使士大夫
質質焉爲聚歛。重失人心。激天下以各懷怨叛。如臣
所指之人者。一死詎足道哉。且夫奸人之入相也。使
非此人者。與之相爲表裏。以揜陛下之聰明。密爲游
揚。以開陛下之信用。則賢者必不以奸名中傷。言者
古文圖碑集卷之六十二 七 宋文卷三

在于鋒而在所以用其鋒者。奸人則鑊也。與主則
志也。方今國勢危疑。人心杞捏。陛下爲中國主。則當
守中國。爲百姓父母。則當衛百姓。且夫三江五湖之
險。尚無恙也。六軍百將之雄。非小弱也。陛下臥薪以
厲其勤。研案以奮其勇。天意悔禍。人心敵愾。寇逆死
且。在旦夕。或謂其人者。鋪張驚憂。以沮陛下攘寇之
志。處分脆弱。將誤陛下爲去邪之行。若前日則曰。我
能爲君克府庫以盜其權。居今日則獻其小心。出其
小有材。使陛下意其緩急。可恃以固其寵。向非陛下
古文圖碑集卷之六十二 大 宋文卷三

害於而家未忍亟去。况其人給事之歲月已深。乞憐之懇款已熟。陛下性資仁厚。亦豈忍遽甘心焉。然宗社之事重。左右之恩輕。竊民誤國之罪深。承顏順色之愛淺。伏惟陛下以宗廟社稷之故。割去私愛。勉從公議。下臣此章。付之有司。暴其罪惡。明正典刑。傳首三軍。以徇如此。而天下不震動。人心不喜悅。將士不感泣而思奮。虜寇不駭愕而謀還。是人心天理可磨滅也。是天經地義可漸盡也。臣所不信。臣嘗讀諸葛亮出師表。輒掩卷哀憤。悲其用心。亮之言曰。宮中府中俱爲一體。陟罰臧否。不宜異同。若有作姦犯科。及爲忠善者。宜付有司。論其刑賞。以昭平明之治。亮將獎率三軍。北定中原。攘除姦凶。興復漢室。其於官府之政。宜若無與。而獨區區以此爲先者。良以社稷安危之權。國家存亡之故。不在於境外。侵迫之寇。而內之陰邪。常執其機。牙此亮之所以深權內外本末之理。而先室其禍亂之源也。今臣上自朝廷。下至州縣。所以分畫其規模。纖悉其經緯。以上助尊夏。攘夷之一畫者。已略備矣。而臣獻其狂愚於末。猶有感於亮

之所言。區區劣功。何敢引亮爲證。顧所以忠君愛國之心。則亮之爲也。臣非不知踴躍之人。指陳無狀。干犯天誅。罪在不赦。且使幸赦之不誅。則左右之人。仇疾臣言。亦將不免。然臣所以不顧危亡。率以身犯不測之鋒者。義命之際。臣固擇之精矣。方今社稷震動。君父驚虞。此所謂危急存亡之秋。臣委質爲臣。與國同休戚。親見外患如火燎原。而內寇又復植根間流。波漫則禍難無涯。臣死亡正自無日。與休迫於權勢之威。憂疑于一己之禍。噤口結舌。以坐待國家之難。古文國瑋集 卷之六十二 三

而後死。孰若犯死一言。感悟天聰。如陛下以爲狂妄而誅之。臣固已自分一死。萬一陛下察臣之忠行臣之言。以幸宗社。則臣與國家同享其休榮。等死之中。又有生路。此臣所以齋咨涕洟。望闕懇惓。而不能自已也。

信公所陳四事。足以張國勢。破斥論。蓋有慕于陳龍川而爲說者。末段似稍冗。然忠直之氣。毅然可見。

知平江府上奏

文天祥

臣本起書生，天性愚癡，遭逢理宗皇帝，以直言取人，臣區區芹曝小忠，誤蒙親擢，聞于憂處，則開度遼渡之禍急矣。臣推見當時致禍之本，上書闕庭，乞磔狐鼠以謝天下。理祖皇明赫赫，自成淳至于今日，無疆惟休，自時厥後，臣之踪跡，或百日于朝，或一日斥去，有言不信，忠憤徒深，則皆元奸專國之歲月也。不圖今日臣以憂患之身，奉詔入衛，太皇太后陛下皇帝陛下，以神明御極，炎德當天，宵旰顛憂，不以臣爲不肖，授之以三路制撫職事，兼贊督府，就戍吳門。臣非不知國家貼危，民命如綴，朝命夕道，爲國效死，復以私門憂戚，展轉陳情，乞歸終制，章五六上，冀兩全之節，以不爲盛代名教羞。天聽高，終不聽許，而學士大夫交口責臣，謂有國家有朝廷，有州縣，然後臣得以有其身，得盡爲人子之職。臣所以感泣誓死，而不敢復言去也。今當陛辭，卽日就道，慟哭流涕，何以爲陛下告。自古立國，一是以人心爲本，齊一日喪七十餘城，以人心失也。田單一日復七十餘城，以人心固

古文國瑞集卷之六十二

宋文卷三

也。元奸得罪于天下，天下怨憤鬱抑，十有五年，遂使諸將解體，強吾民北面而役之。彼知歸怨元奸，未嘗歸過朝廷也。乃今三百餘年祖宗湮有之遺黎，無辜荼毒于夷狄之手，謳吟思漢，日俟王師，所在民義抗敵者，大或數萬，小亦數千。此撥亂反正之大机，括也。然人心易得，其失亦易。頃者朝廷弛公田，蠲常賦，寬商禁，起謫籍之淹滯，解科舉之靡容，天下誦之以爲快活條貫，人心頗極。敵勢頗沮，我是以有獨松關諸屯之捷，通國上下，以爲元奸失人心之事，已盡洗濯。

古文國瑞集卷之六十二

宋文卷三

今日收人心之具，已盡舉行，而臣恤綿之忠，獨以爲未也。草間豪傑，方且量朝廷之意，嚮邊頭諸將，方且視廟堂之指授，學校之遊談聚議，間閭之道聽塗說，方且廟執政之然否，追行事之得失，于薄有之得國，當于斯失，因常于斯。今上自宮闈與嗣皇起居，下政府與公卿百執事，必人人一心，以殄此患爲主。則諸將莫不用命，英雄莫不歸心，以此泉賊孰能禦之。以比攻城何城不克，如大臣有辟嫌遠疑之迹，而無推車必行之心，群公持便安自營之私，而無同舟共

濟之。中與府中不相聞。閩而與閩外不相應。實
野混。一邪質亂。姑息牽制之意多。奮發斷制之義
少。敵人以此輕中國。奸雄以此覘朝廷。人心之憤。併
者日以急。公論之激昂者日以靡。而我之衣冠將有
其心于被髮左衽而不悔者矣。其禍可勝言哉。裴度
有言。承宗歛手制地。韓弘與賊討賊。皆朝廷之力。能
制其死命哉。由處置得宜。能服其心耳。國家懲五季
之亂。削除藩鎮。創建郡邑。一時雖足以矯尾大之獎。
國勢浸弱。亦坐于此。是以敵至一州。則陷一州。敵至
古文國璋集卷之六十二 宋文卷三
一縣。則陷一縣。中原陸沉。痛不可追。今不幸長江失
險。戎馬馳于近郊。救時之危。須稍更革。詩云。溥彼涇
舟。烝徒楫之。又傳云。大厦將顛。非一繩所維。臣嘗妄
謂今日大勢。宜分天下為四鎮。而都督統御于中。以
廣西益湖南。而闢于長沙。以廣東益江西。而闢于豫
章。以福建益江東。而闢于番禺。以淮西益淮東。而闢
于維揚。貴長沙以取荆。鄂。貴豫章以取斬黃。貴番禺
以取江東六郡。貴維揚以取兩淮。諸城使各開地。大
力。衆足以抗敵。分所任事。約日齊奮。而都督府指授

諸將。隨地接應。有進無退。日夜以圖之。敵備多而力
分。疲于奔命。而吾遣兵必有豪傑。伺間橫擊于其中。
如是。則使彼隻輪不返。進而問罪。河南盡為晉可也。
而何日蹙國百里之憂。臣願睿慈下臣此章。見之施
行使內而朝廷舉措。有以當天下之心。外而邊閭布
置。有以合天下之勢。則臣得以督幕分司。盡瘁一面。
布宣威靈。勉效尺寸。不惟得以忠先帝報陛下。而臣
亦有詞以白丘墓。雖死之日。猶生之年也。

當時宋事已去矣。然使如文丞相之言而行之。猶

古文國璋集卷之六十二 宋文卷三
不至于航海也

論兩稅

馬端臨

按自秦廢井田之制。釐什一之法。任民所耕。不計多少。于是始舍地而稅人。征賦二十倍于古。漢高祖始輕田租十五而稅一。其後遂至三十而稅一。皆是度田而稅之。然漢時亦有稅人之法。按漢高祖四年。初爲算賦。住民十五以上至六十五。出賦錢人百二十。爲一算。十歲至十五。出口賦錢二十。此每歲所出也。然至文帝時。卽令丁男三歲而二事。賦四十。則是算賦減其三分之一。且二歲方徵一次。則成丁者一歲所賦不過十二錢有奇。其賦甚輕。至昭宣帝以後。又時有減免。蓋漢時官未嘗有授田限田之法。是以豪強田連阡陌。而貧弱無置錫之地。故田稅隨占田多寡爲之厚薄。而人稅則無分貧富。然所稅每歲不過十三錢有奇耳。至魏武初平袁紹。乃令田每畝輸粟四升。又每戶輸絹二匹。綿二斤。則戶口之賦始重矣。晉武帝又增而爲絹三匹。綿三斤。其賦益重。然晉制男子一人占田七十畝。女子及丁男丁女占田皆有差。則出此戶賦者。亦皆有田之人。非鑿空而稅之宜。

其重于漢也。自是相承。戶稅皆重。然至于魏而均田之法大行。齊周隋唐因之。賦稅沿革。微有不同。史文簡略。不能詳知。然大槩計畝而稅之令少。計戶而稅之令多。然其時戶戶授田。則雖不必履畝論稅。只逐戶賦之。則田稅在其中矣。至唐始分爲租庸調田。則出粟稻爲租。身與戶則出絹布綾綿諸物爲庸調。然口分世業。每人爲田一頃。則亦不殊元魏以來之法。而所謂租庸調者。皆此受田一頃之人所出也。中葉以後。法制漸弛。田畝之在人者。不能禁其賣易。官授田之法盡廢。則向之所謂輪庸調者。多無田之人矣。乃欲按籍而徵之。令其與豪富兼井者一例出賦。可乎。又况遭安史之亂。丁口流離轉徙。版籍徒有空文。豈堪按以爲額。蓋當大亂之後。人口死徙虛耗。豈復承平之舊。其不可轉移失陷者。獨田畝耳。然則視大曆十四年墾田之數。以定兩稅之法。雖非經國之遠圖。乃救弊之良法也。但立法之初。不任土所宜。輸其所有。乃計綾帛而輸錢。既而物價愈下。所納愈多。遂至輸一者過二。重爲民困。此乃掊刻之吏所爲。非法。

之不善也。陸宜公與庠抗所言固為切當。然必欲復租庸調之法。必先復分世業之法。均天下之田。使貧富等而後。可若不能均田。則兩稅乃不可易之法矣。又歷代口賦皆是丁中。以為厚薄。然人之貧富不齊。由來久矣。今有幼未成丁而承襲世資。家累千金者。乃薄賦之。又有年紀已壯而身居窮約。家無置錙者。乃厚賦之。豈不背繆。今兩稅之法。人無丁中以貧富為差。尤為的當。宜公所謂計佑筭緡。失乎長偽。挾輕費轉徙者。脫徭稅。敦本業不遷者。困歛求。乃誘之古文圖書集卷之六十二 宋文鑑卷三十五

為姦毆之避役。此亦是有司奉行者不明不公之過。非法之弊。蓋力田務本與商賈逐末。皆足以致富。雖曰逐末者易與脫免。務本者困于徵求。然所困猶富人也不猶愈于庸調之法不行。不問貧富而一槩按元籍徵之乎。蓋賦稅必視田畝。乃古今不可易之法。三代之貢助徹。亦只視田而賦之。未嘗別有戶口之賦。蓋雖授人以田。而未嘗別有戶賦者。三代也不授人以田。而輕其戶賦者。兩漢也因授田之名而重其戶賦。田之授否不常。而賦之重者已不可復輕。遂至

重為民病。則自魏至唐之中葉是也。自兩稅之法行。而此弊革矣。豈可以其出于楊炎而少之乎。人與田相附。則戶在而田在此。租庸之所以賦戶也。人與田相離。則人無定而田有定。此兩稅之所以賦田也。賦田而貧富皆均。此貴與之所以善兩稅也。

職役論

馬端臨

按差役古法也其弊也差設不公。漁取無藝。故轉而為雇。雇役熙寧之法也。其弊也庸錢自輸。苦役如故。故轉而為義役。義役中興以來。江浙諸郡民戶自相與講究之法也。其弊也豪強專制。寡弱受凌。故復反而為差。蓋以事體之便民者觀之。便于差。義便于雇。至于義而御有弊。則末如之何也。已竊嘗論之。古之所謂役者。武以起軍旅。則執干戈。冒鋒鏑。而後謂之役。或以營土木。則親畚鍤。疲筋力。然後謂之役。夫子

古文園庫集

卷之六十二

堯文卷三十三

所謂使民以時。王制所謂歲不過三日。皆此役也。至于鄉有長里有正。則非役也。柳子厚言有里胥而後有縣大夫。有縣大夫而後有諸侯。有諸侯而後有方伯連帥。有方伯連帥而後有天子。然則天子之與里胥。其貴賤雖不作。而其任長人之責則一也。其在成周。則五家設比。比二十五家。設里宰。皆下士也。等而上之。則曰閭。閭。胥曰鄰長。皆中士也。曰旅師。曰鄙師。皆上士也。曰黨正。曰縣正。皆下大夫也。曰州長。則中大夫也。周時鄰里鄉黨之事。皆以命官主之。至漢時鄉

古文園庫集

卷之六十二

堯文卷三十三

亭之任。則每鄉有三老。孝弟力田。掌勸導鄉里。助成風俗。每亭有亭長。耆夫掌聽役訟。收賦稅。又有游徼。掌巡禁盜賊。亦皆有祿秩。而三老孝弟力田為尤尊。可與縣令丞尉以事相教。復勿內戍。嘗以歲十月賜酒肉。或賜民爵一級。則三老孝弟力田必二級。賜民帛一匹。則三老孝弟力田必三匹。或五匹。其尊之也。至矣。故吳太子得罪而盡。閔三老得以言其寃。王尊為郡。而東郡三老得以奏其治狀。至于張敞朱博鮑宣仇香之徒。為顯宦有聲名。然其猷為才望。亦皆見

人畏其事而不肯充也。至唐睿宗時。觀監察御史韓琬之疏。然後知鄉職之不願爲。故有避免之人。唐宣宗時。觀大中九年之詔。然後知鄉職之不易爲。故有輪差之舉。自是以後。所謂鄉亭之職。至困至賤。貪官污吏。非理徵求。恆意凌蔑。故雖足跡不離里閭之間。奉行不過文書之事。而期會追呼。筭比較其困路無聊之狀。則與以身任軍旅土木之由役者無以異。而至于破家蕩產。不能自保。則由役之禍反不至此也。然則差役之名。蓋後世以其困苦卑賤。同于徭役。而稱之。而非古人所以置比閭族黨之官之本意也。王荆公謂免役之法。合于周官。所謂府史胥徒。王制所謂庶人在官者。然不知周官之府史胥徒。蓋服役于比閭族黨之官者也。蘇文忠公謂自楊炎定兩稅之後。租調與庸兩稅既兼之矣。今兩稅如故。奈何復欲取庸錢。然不知唐之所謂庸。乃征徭之身役。而非鄉職之謂也。二公蓋亦習聞當時差役之名。但見當時差役之賤。故立論如此。然實則誤舉以爲比也。上之人既賤其職。故叱之如奴隸。待之如罪囚。下之人

復自賤其身。故或倚法以爲姦。或匿賦以規免。皆非古義也。成周之事遠矣。漢之所以待三老嗇夫亭長者。亦難以望于後世。如近代則役法愈弊。役議愈詳。元祐間講明差役二法。爲一大議論。然大槩役之所以不可爲者。費重破家耳。蘇黃門言市井之人應募充役。家力既非富厚。生長習見官司。官吏雖欲侵漁。無非措手耕稼之民。性如麋鹿。一入州縣。已自攝怖。而況家有田業。求無不應。自非廉吏。誰不動心。凡百侵擾。當復如故。以是言之。則其所以必行雇役者。蓋

縣所徵雇役錢。除募人應役之外。又以其餘者充典吏俸給之用。又有寬剩錢。可以備凶旱賑救。可以見當時克役之費。本不甚重。故雇募之錢。可以備此三項支吾也。若夫一承職役。羈身官府。則左支右吾。盡所取辦。傾困倒廩。不足賠償。役未滿而家已罄。事體如此。則雇役之法。豈復可行。雇役之金。豈不能了。然則此法所以行之熙豐而民便之。元祐諸君子所以爲善者。亦以當時執役之費。本少故也。禮義消亡。貪婪成俗。爲吏者以狐兔視其民。睥睨朶頤。惟恐墮棄。之不早爲民者以寇戎視其吏。潛形匿影。日虞懷壁之爲殃。上下徂伺。巧相計度。州縣專以役戶之貧富爲官冗之豐殺。百姓亦專以役籍之係否。驗家道之興衰。于是民間視鄉亭之職役。如陷湯火。官又以復除之說。要市于民。以取其貲。其在復除之科者。苟延歲月。而在職役之列者。立見虛耗。雖有智者不能爲謀矣。所謂正本澄源之論。必也。朝廷以四維勵士大夫。儉廉稱事。無俾有多藏之惡。士大夫以四維自勵。力行好事。苟能以澤物存心。然後鋤姦貪之胥吏。以

古文國瑋集

卷之六十二

重刊

去其蠹害。則非泛之支備。以養其事力。賦歛之簿書。必覈。無使代逋欠之輸。勾呼之期會必明。毋使受稽慢之罰。夫然故役人者。如父母之令其子弟。恩愛素孚。和于十人者。如臂指之護其腹心。劬勞不憚。既無困苦之憂。不作避免之念。則按籍召而役之可矣。奚必曰雇曰義之紛紛哉。不然。舉三代以來。比閭族黨之法。所以聯屬其民。上下相繼者。反籍爲厲民之一大事。愚不知其說矣。

推原職役所自始。皆諸儒所未到。

古文國瑋集

卷之六十二

重刊

歷代古文國瑋集卷之六十二

國瑋集六十一卷

通行本

明方岳貢編岳貢字禹修穀城人天啟壬戌進士官至東閣大學士事迹具明史本傳是編乃其官松江府知府時所刻故徐字遠李雯陳子龍宋徵璧共爲校讐而張采爲之序皆松江人也據其凡例蓋所錄自秦漢以迄南宋卽公羊穀梁二傳及陸賈新語賈誼新書桓寬鹽鐵論諸子書班范以下諸史贊亦皆摘抄而此本僅有唐文二十八卷宋文三十三卷殆刊刻未全之本或有所散佚歟